




30912/c

N. III . 2
18



Digitized by the Internet Archive
in 2019 with funding from
Wellcome Library

<https://archive.org/details/b30408532>

JOANNIS KEILL, M. D.

*Regiæ Soc. Lond. Socii, In Acad. Oxon. Astronomiæ
Professoris Saviliani*

INTRODUCTIONES

AD VERAM

PHYSICAM

ET VERAM

ASTRONOMIAM.


Quibus accedunt

TRIGONOMETRIA.

DE VIRIBUS CENTRALIBUS.

DE LEGIBUS ATTRACTIONIS.

Editio Novissima.



LUGDUNI BATAVORUM,

Apud **JOH. ET HERM. VERBEEK.** Bibliop.

MDCCXXIX.

JOHN WILKINS

INTRODUCTION

PHYSIOLOGY

ASTRONOMY



DEATH

DEATH

DEATH

DEATH

DEATH

DEATH

DEATH

DEATH

DEATH

DEATH

DEATH

DEATH

DEATH

DEATH

I N D E X

I N

INTRODUCTIONEM

A D V E R A M

P H Y S I C A M.

LECTIO 1.	<i>De Methodo philosophandi.</i>	pag. 11
2.	<i>De corporis soliditate & Extensione.</i>	18
3.	<i>De magnitudinum divisibilitate.</i>	25
4.	<i>Respondet objectionibus contra materiae divisibilitatem afferri solitis.</i>	34
5.	<i>De Materiae subtilitate.</i>	43
6. 7. 8.	<i>De Motu, loco & tempore.</i>	61. 69. 76
9. 10.	<i>Theoremata de Motus quantitate & spatiis a mobilibus percursis.</i>	86. 93
11. 12. 13. 14.	<i>De legibus Naturæ.</i>	106. 115. 124. 138
15. 16.	<i>De Descensu Gravium in Planis inclinatis & Pendulorum motu.</i>	152. 177

HUGENII THEOREMATA de Vi Centrifuga & motu
circulari demonstrata. 196. seq.

INTRODUCTIO AD VERAM ASTRONOMIAM

LECTIO. 1.	<i>De Motu visibili seu Apparente.</i>	225
2.	<i>De Motu apparenti, qui ex Observatoris motu oritur.</i>	pag. 232
3.	<i>De Systemate Mundi.</i>	236
4.	<i>In qua probatur Systema superius expositum esse verum Mundi Systema.</i>	242
5.	<i>De Maculis solaribus, & Solis & Planetarum circa proprios Axes, vertigine, & de stellis fixis.</i>	251
6.	<i>De magnitudine & ordine Fixarum, de Constellationibus, stellarum Catalogis, & Mutationibus, quæ fixis accidere visæ sunt.</i>	255
7.	<i>De motu Telluris annuo circa Solem & circa proprium axem, & de motu apparente solis & cæli inde orto.</i>	263
8.	<i>De Variis Phænomenis ex motu terræ pendentibus.</i>	273
9.	<i>De Luna ejusque Phasibus & motu.</i>	283
10.	<i>De inequalitate motuum lunarium, de Lunæ facie, ejusque montibus & vallibus.</i>	290
11.	<i>De Solis & Lunæ deliquiis, seu de Eclipsibus.</i>	296
12.	<i>De Penumbra ejusque cono, de coni umbrosi altitudine, & umbrarum diametris apparentibus</i>	301
	13. <i>De</i>	

LECTIO 13.	<i>De Projectione umbræ lunaris in Telluris discum.</i>	307
14.	<i>Nova methodus computandi Eclipses Solis e dato loco visibiles.</i>	316
15.	<i>De Phænomenis ex motibus Telluris & duorum Planetarum inferiorum Veneris & Mercurii ortis.</i>	328
16.	<i>De Motibus Planetarum superiorum Martis, Jovis & Saturni, & Phænomenis inde ortis.</i>	339
17.	<i>De Cometis.</i>	353
18.	<i>Doctrina Sphærica, seu de circulis sphæræ.</i>	364
19.	<i>De Doctrina Sphærica.</i>	373
20.	<i>De crepusculis, & siderum refractione.</i>	384
21.	<i>De Parallaxi siderum.</i>	395
22.	<i>Theoria Motus Telluris annui.</i>	413
23.	<i>De Motu Planetæ in Ellipsi, & solutio problematis Kepleri, de sectione areæ Ellipticæ.</i>	422
24.	<i>De Problematis Kepleri solutione Newtoniana & Wardi Hypothesi Elliptica.</i>	434
25.	<i>De Temporis Æquatione.</i>	447
26.	<i>De Reliquorum planetarum Theoriis.</i>	459
27.	<i>De planetarum stationibus.</i>	472
28.	<i>De Temporis partibus.</i>	484
29.	<i>De Kalendario, & Cyclis seu Periodis.</i>	491
30.	<i>Appendix continens descriptionem & usum utriusque Globi; & Problemata quædam sphærica, calculo Trigonometrico absolvenda. Ex Nicolai Mercatoris Astronomia.</i>	501

TRIGONOMETRIÆ PLANÆ ET SPHÆRICÆ ELEMENTA 517

ITEM DE NATURA ET ARITHMETICA LOGARITHMORUM TRACTATUS. 551

CAP. 1.	<i>De ortu & natura Logarithmorum.</i>	553
— 2.	<i>De Logarithmorum Arithmetica ubi numeri sunt integri, vel integri cum decimalibus adjunctis.</i>	562
— 3.	<i>De Arithmetica Logarithmorum, ubi numeri sunt fractiones.</i>	564
— 4.	<i>De Regula proportionis seu aurea Logarithmica.</i>	569
— 5.	<i>De proportionalium Quantitatum continuis Incrementis, & de modo inveniendi per Logarithmos, Terminum quemlibet in serie proportionalium, sive crescente, sive decrescente.</i>	571
— 6.	<i>De methodo, qua Henricus Briggs Logarithmos suos supputavit, ejusque demonstratio.</i>	578

DE LEGIBUS VIRIUM CENTRIPETARUM. 585
 DE LEGIBUS ATTRACTIONIS, aliisque PHYSICES PRINCIPIIIS. 621

INTRODUCTIO
AD
VERAM PHYSICAM:
SEU
LECTIONES PHYSICÆ

Habitæ in Schola Naturalis Philosophiæ Academiæ
OXONIENSIS An. Dom. 1700.

*Quibus accedunt Theorematum Hugenianorum de Vi Centrifuga
& Motu Circulari demonstrationes.*

Authore

JOANNE KEILL, M. D.

Astronomiæ Professore Saviliano. R. S. S.

THE HISTORY OF THE
MEDICAL PROFESSION
IN THE UNITED STATES
OF AMERICA
FROM THE EARLIEST PERIODS
TO THE PRESENT TIME
BY
J. H. COOPER, M.D.
OF THE UNIVERSITY OF PENNSYLVANIA

PHILADELPHIA:
J. B. LIPPINCOTT & CO.,
101 N. 3RD ST.,
1884.

NOBILISSIMO ET HONORATISSIMO
D^{NO}. D^{NO}. THOMÆ
COMITI
PENBROCHIAE,
ET
MONTGOMERIAE, &c.

Nobilissimi Ordinis Periscelidis Equiti,

SUMMO

CLASSIUM BRITANNICARUM

PRÆFECTO.



IBI, Vir Honoratissime, Exercitationes
hasce destinantem, merito me deterreret
Dignitatis Tuæ splendor & amplitudo, ni-
si illis aditum aperire præ se ferret ea,
quam Tu foves & ornas, Philosophia.
Cum enim gravissimis Reipublicæ negotiis
ingenua literarum studia admiscere soleas,
eum ad Te haud ægre fines accedere, qui tantas quidem
curas Tuas interpellare minime audet, otio tamen aliquid
liberalis oblectamenti offerre magnopere cupit. Hoc enim
cum paucis commune habes, ut idem & in literis optime
versatus sis, & in Republica; idem tam philosophorum
scholis, quam Regum conciliis præesse merearis.

Dum itaque in idoneis consiliis adhibendis quam sapiens
sis, Regum sapientissimus; in foederibus sancendis quam

prudens sis ; universa loquitur *Europa* ; quam interim de literis meritis es laudem , ab Academico ne recuses.

Liceat etiam & nobis , Tibi de novissimis Tuis honoribus gratulari , liceat nobis cum patria una gaudere , id Tibi deferri munus , quod non modo virum in rebus gerendis fidum fortemque , sed reconditiore matheseos scientia optime instructum desiderat. Hisce studiis ita animum imbuiisti Tuum , ut in Tuis manibus Præfectura Classium & Oceani Imperium , hoc est , populi *Anglicani* salus & tutela tuto possit deponi. Dum itaque eo in munere versaris , ut ejusmodi literaturæ sepositam olim apud Te supellectilem revisere denuo & in lucem proferre liceat ; sinas Vir Nobilissime , ut hosce in re physica conatus mathematicis argumentis potissimum innixos , ad Te haud importunus deducam , qui quidem quocunque rationis pondere fulciri videantur , ad judicium Tuum non appellant , sed implorant Patrocinium.

Illustrissimæ Meritissimæque Dignitatis ,

Nobilitatis , & Magnitudinis Tuæ

Oxoniz ,
Feb. 14. 1701.

Observantissimus Cultor

JO. KEILL.



PRÆFATIO.



*U*AMVIS nunc dierum celebretur Philosophia Mechanica, & insignes in hoc ævo obtineat sui cultores; in plerisque tamen physicorum scriptis, vix quicquam mechanicæ præter ipsius nomen inveniri potest. In cuius locum substituant philosophi corpusculorum quæ nunquam viderunt, figuras, vias, poros & interstitia, partium intestinum motum, pugnas & conflictus Alkali & Acidi, & quid boni malive exinde oritur ita ad amussim narrant, ut nihil in historia naturali præter fidem desideretur, quoties materiæ subtilis miracula prædicant; miracula dico, nam illud proculdubio miraculi instar est, quod contra passim notas naturæ leges, & stabilitæ mechanicæ principia evenit; qualia futura essent omnia naturæ phænomena, si à materia subtili & methodo operandi à Physicis tradita producerentur.

Ad ipsam naturam explicandam postulata adhibent quæ nec concedi possunt, nec intelligi; & quæ magis implicata sunt, quam illa ipsa phænomena quorum causas investigant. Quod si ipsis sua concedantur postulata, non tamen exinde orientur effectus isti, quorum rationes & origines se enucleasse gloriantur.

Ne vero quisquam hoc gratis & malevole à nobis dictum suspicetur,

cetur, Theoriam illam, quam ad explicandam affectionem corporum terrestrium omnium maxime universalem condiderunt, examini subjiciamus; Gravitationem intelligo, quam ex legibus mechanicis per materiae subtilis actionem se deduxisse maxime jactitant.

Cartesiani gravitationem ab actione materiae caelestis oriri volunt, quae in vortice agitata circa terram defertur, & proinde quantum possit à terra recedit, & corpora terrestria minus agitata versus terram propellit. Vel, ut clarius recentiores mentem suam explicant, cum materia aetherea continuos circa terram gyros perficiat, corporum in circulo moventium ritu, conatum à centro motus recedendi habebit, adeoque corpora terrestria minorem vim habentia versus centrum protrudet; ut aqua versus terram gravitans corpora minoris pro mole ponderis demersa sursum seu ad circumferentiam pellit.

Haec utcunque speciosa prima facie videantur, si ad examen revoces, omnibus fere naturae legibus adversari invenies. Nam primo Cartesiani postulant materiam aetheream circa terram in circulis deferri; at qua ratione motus iste oriatur, aut quo pacto conserveatur, aequè arduum esset exponere, ac ipsius gravitatis rationem reddere: Qui igitur gravitationem exinde ortum suum ducere contendunt, ignotum per ignotius explicare suscipiunt; praesertim cum non pauca adduci possunt argumenta quibus istiusmodi rotatio penitus evertitur. Verum Cartesianis concedamus illud postulatum, & videamus utrum exinde sequetur quod volunt Phenomenon. Cum necesse sit ut vorticis terram circumrotantis velocitas ad terrae superficiem, sit aequalis ipsius terrenae rotationis velocitati (nam si major esset, aliqua motus pars in terram impenderetur, quo fieret ut ipsius velocitas semper minueretur & terrae augetur donec ad aequalitatem pervenirent,) unde ex notis Terrae magnitudine & tempore rotationis, dabitur spatium, quod corpus, urgente vi centrifuga materiae caelestis, percurrere potest, in dato tempore; aequale scil. arcus interea descripti quadrato ad circuli diametrum applicato. Per Lem. 2. ad demonstrationes Theorematum Hugenii de Vi Centrifuga & Motu Circulari. Ex quo principio si calculus ineatur, inveniretur spatium, tempore unius scrupuli secundi

cundi à corpore vi centrifugâ ætheris agitato percurrendum, non excedere pedem dimidium: Si igitur mechanicè produceretur effectus gravitatis, tempore unius scrupuli secundi gravia non ultra dimidium pedem descenderent: At gravia in motu suo deorsum pedes 15 in eo tempore percurrant; adcoque si hoc modo æther gravitatis causa esset, contra mechanicæ leges ageret, efficiendo ut corpus per pedes 15 in scrupulo secundo descendat.

Ut hujus objectionis vim effugiant, supponunt materiæ æthereæ vertiginem vertigine terræ multo celeriore. Quod licet fieri non possit, illud tamen si denuo iis concedamus, nec inde sequetur mechanica gravitatis actio. Nam cum materia vorticis semper deferatur in circulis æquatori parallelis, & virium centrifugarum directiones secundum lineas in planis horum circulorum jacentes semper fiant, oportet ut corpora omnia in hisce planis descendant, & perpendiculariter ad axem, non ad ipsam terram tendant. Si igitur materia subtilis mechanice ageret, corpora ad axem rectà pel-leret; unde cum secundum hos Theoristas ad centrum terræ tendere cogit, effectum à veris mechanicæ legibus abhorrentem producit.

*Ut hanc difficultatem tollant, ulterius supponunt materiam ætheream non in circulis æquatori parallelis, sed in magnis sphaeræ circulis deferri: At quo pacto hoc concipi possit, plane nescio; cum enim quivis circulus maximus alios omnes infinitos bis secet, oportet ut motus particulae cujusvis ab aliis infinitis secundum diversas vias pergentibus impediatur, atque tandem motus ejus sistatur, si primo in omnes partes equalis impressa fuerit motus quantitas; vel ut ultima in circulis parallelis omnis deferatur, si major fuit ab initio motus versus unam partem quam aliam. Quin & illud etiam quæri potest, unde fit ut materia ætherea in superficie sphaeræ extimæ moveatur; cum vim centrifugam habeat, videtur ipsam debere inde recedere; quid igitur est quod ipsam inhi-beat? Dicunt alia corpora ambientia materiam in extima superfic-
cie coarctare & ejus recessum impedire. Cum autem oporteat ut materia hæc alia corpora ipsam ambientia premat, necesse est ut motum ipsis communicet; & hæc corpora aliis ipsa ambientibus motum pariter imprimant, atque sic in infinitum propagabitur mo-
tus*

tus materiæ subtilis, unde necesse est ut celeritas ipsius paulatim languescat.

Aliæ quam plurimæ difficultates, mechanicas hæc gravitatis explicationes urgent, quarum unam ad omnes istiusmodi ipsius Theorias se extendentem libet proponere. Scilicet si corpus deorsum à materia subtili, quovis modo pellatur, vis qua pellitur necessario erit ut numerus particularum, quibus simul agentibus versus terram truditur: Sed numerus particularum est ut corporis superficies; quare erit vis quâ corpus deorsum premitur ut ejusdem superficies, & non ut ipsius quantitas materiæ, quod experientiæ contradicit. Nec minus cæteras plerasque omnes, quas de aliis rebus condunt hypotheses, si ad examen reducantur, naturæ legibus repugnantes inveniemus.

Omnes errores ex hoc fonte promanasse videntur, quod homines ignari Geometriæ philosophari ausi sunt, & rerum naturalium causas reddere. Quid enim aliud præter hallucinationes ab iis expectandum, qui Geometriam totius physicæ fundamentum neglexerunt; & ignotis naturæ viribus per Geometriam tantum æstimandis, ipsius tamen operationes, methodo regulis mechanicis minime congruâ explicare sunt aggressi?

Inter hujusmodi philosophos Cartesius agmen ducit, qui etiamsi Geometra fuerit insignis, ignavo tamen & desidi ut placeret philosophantium populo, nullum Geometriæ usum in philosophia adhibuit: Et quamvis profiteatur se omnia mechanice per materiam & motum explicaturum, Philosophiam tamen excogitavit, quæ à veris Mechanicæ legibus tantum abhorret quantum quæ longissime. Illius sectæ nomina dant, quicunque recte, hoc est Geometrice, philosophandi laborem refugiunt: Magna equidem turba per orbem terrarum longe lateque diffusa.

At licet tanta philosophantium pars umbram philosophiæ, non ipsam substantiam amplexa sit; non tamen desunt (nec ut spero unquam deerunt) qui in veris naturæ legibus perscrutandis, & rerum causis per principia mechanica exinde investigandis, haud inanem posuerunt operam.

Inter antiquos physicos præcipue eminuit Divinus Archimedes, qui præter illa Geometrica sua monumenta, Mechanicæ & Staticæ

Staticæ principia duobus libris De Equiponderantibus & De Humido Insidentibus nobis demonstrata reliquit. Post hunc per longam annorum seriem delituit mechanica philosophia, nec nisi paucis quibusdam accuratioris ingenii viris exculta est. Inter quos Rogerus Bacon Oxoniensis & Hieronymus Cardanus merito nominandi sunt. Tandem sub initio seculi ultimo elapsi, nobilis ille Lynceus philosophus Galileus, clave Geometrica rursus reſeratis naturæ claustris, novam condidit de Mtu scientiam, & methodum monstravit, qua rerum causæ mechanicæ sint indagandæ. Ejus vestigiis insistentes, insignes viri Torricellius & Paschalius philosophiam novis speculationibus adauxerunt. Postquam vero à duobus potentissimis Regibus, societates Londinensis & Parisiensis ad philosophiam excolendam institutæ fuerint, miris inventis ampliata est rerum naturalium scientia, non iis solum quæ in nuda speculatione versantur, sed aliis quamplurimis quæ hominum utilitatibus inserviunt. Arduum esset negotium innumera illa recensere beneficia, quæ ex utriusque societatis laboribus humano generi provenerunt: Nec facile est ostendere, quantum debebit omnis posteritas illustris Hugonii Geometricis de motu Pendulorum demonstrationibus, aut egregiis nobilis Boylei experimentis, quibus ille admiranda plurima reteggit naturæ arcana. Wallisii Geometriam de Motu, Opus in suo genere perfectissimum, grato animo revolvent seri nepotes. Non ulterius torquebunt philosophos fluviorum & ventorum causæ ab acutissimo Geometra Halleio in Actis Philosoph. traditæ, ante ipsum frustra tentatæ.

Ad aliorum erga rempublicam philosophicam merita commemoranda pergerem, nisi circa Newtoni præclara inventa non subsistere nefas ducerem, cujus sagacissimum ingenium plura & abstrusiora patefecit naturæ mysteria quam sperare mortalibus fas erat; cumque illius inventa intra angustos hujus præfatiunculæ limites non sunt coarctanda, sufficiat hoc solum indicasse; quod quæcunque Patres nostri ab omni temporum memoria de philosophia mechanica nobis tradiderunt, ea ne ad decimam eorum assurgunt partem, quæ proprio Marte, per summam in Geometria peritiam, adinvenit Newtonus. Quam facile autem ad rerum à nobis longe dissitarum affectiones explicandas, Planetarum scil. motus ipsorum-

que inæqualitates, adhiberi possint principia Mechanica, nuper literato orbi innotuit per *Elementa Astronomiæ Physicæ & Geometricæ* à D. Gregorio Astronomiæ Professore Saviliano Edita: Opus cum Sole & Luna duraturum.

Cum vero talis sit philosophiæ mechanicæ status, ut nulla alia ratione quam per Geometriam aditus ad ipsam pateat; id à me efflagitabant amici mei ut ipsius principia faciliora à primis tantum Geometriæ Elementis pendentia, & quæ exinde fluunt phænomena, Juventuti Academicæ exponenda susciperem; quod etiam à me non iniquo jure postulavit Vir Clarissimus & omni literarum genere ornatus Dominus Thomas Millington Eques M. D. Philosophiæ Naturalis in hac Academia Professor Sidleianus, & Collegii Medicorum apud Londinenses Præses, cum me ad munus hoc obeundum in scholis publicis suffecit. Illius consilio sequentes in Academia lectiones habui: In quibus id præcipue mihi curæ fuit, ut discipulorum conceptus de generalibus corporum affectionibus rite & distincte formarentur; ab obscuris enim & falsis de rebus ideis, omnes in re physica errores originem ducunt; ideoque corporis extensionem, soliditatem, & invisibilitatem à plerisque satis obscure traditas, quantum potui, dilucide exposui: Deinde motus naturam & proprietates, ab omnibus præterquam quibusdam philosophis satis clare concipiendas, explicui, & leges naturæ exinde deduxi; vim gravitatis seu pondera corporum quantitativè materiæ in iisdem proportionalia esse, & principium quo per machinas magna pondera eleventur ostendi. Motus deinde leges, & causam accelerationis gravium ab iisdem pendentem, & quâ proportionem crescunt vel decrescunt spatia à gravibus pro variis temporum intervallis percursa monstravi. Hisce succedunt regulæ congressuum tam in corporibus duris quam elasticis, & modus quo ictus magnitudo æstimanda est: Quibus adjunxi motuum compositiones & resolutiones, & alia quædam Theoremata, quorum haud exiguus est in philosophia usus: Et ut ulterius videant philosophi, quousque se extendat in scientia rerum naturalium Geometriæ etiam elementaris usus, pulcherrima illa & ingenii Theoremata de Vi Centrifuga & Motu Circulari ex Elementis demonstravi.

INTRO-

INTRODUCTIO

AD

VERAM PHYSICAM.

LECTIO I.

De Methodo Philosophandi.

Quandoquidem Muneris Nostri institutum postulat, ut coram vobis, Academici, corporum naturas & affectiones explicandas suscipiamus, necessarium duximus, priusquam rem ipsam aggrediamur, quædam, de Physicorum sectis, principiis, & methodis præfari; eamque rationi exponere, quam amplexuri sumus in scientia corporum naturalium investiganda.

Philosophorum, qui de rebus physicis scripserunt, quatuor præ cæteris genera inclaruerunt. Primum est eorum, qui rerum naturas per numerorum & figurarum Geometricarum proprietates illustrarunt, dicam? An occulerunt? Quales scil. fuere Pythagorici & Platonici, quippe qui dogmata sua temere in profanum vulgus effundere non sustinuerunt, ideoque larvis & Hieroglyphicis ex Geometria & Arithmetica petitis Physicam suam velarunt, nec quisquam eorum discipulus, nisi post plures exactos probationis annos, ad veram Physicam atque arcanam illorum Philosophiam perdiscendam admissus fuit. Quamvis hoc modo sua Philosophiæ dignitas conservata fuerit; pessime tamen nobis horum Philosophorum posteris consultum est; exinde enim adeo larvata atque tenebris involuta ad nostras pervenere manus eorum dogmata, ut, quales fuerint veræ de rebus atque rerum naturis sententiæ, parum constet: quantumvis autem obscuram accepimus hujus sectæ Philosophiam, certius tamen ex ea liquet Philosophos illos Geometriam & Arithme-

ticam ad solvenda naturæ phænomena necessarias duxisse, atque in hunc finem eas adhibuisse.

Secunda Physicorum gens à Schola Peripatetica originem duxit; hæc secta per materiam & formas, privationes, virtutes elementares, qualitates occultas, Sympathias & Antipathias, facultates, attractiones & id genus alia, Physicam suam explicavit. Verum, ut opinor, hujus nominis philosophi non tam rerum causas indagasse visi sunt, quam idonea rebus ipsis imposuisse nomina, atque terminos adinventisse, quibus Actiones naturales rite designare possumus.

Tertium Philosophantium genus per experimenta procedit, atque in id solum incumbit, ut corporis cujusque proprietates, & actiones omnes, per sensuum repræsentamina nobis innotescant. Hujus sectæ laboribus haud exigua debet philosophia incrementa; plura fortasse exinde receptura, si methodi experimentalis sectatores nullas sibi ipsis finxissent Theorias, ad quas confirmandas experimenta sua pessime detorserunt.

Quarta denique Physicorum classis Mechanica dici solet, & qui huic sectæ nomina dant, omnia naturæ phænomena, per materiam & motum, partium figuram atque texturam, particulas subtiles, atque effluviorum actiones, se posse enodare putant, atque horum operationes secundum notas atque stabilitas mechanicæ leges fieri contendunt.

Ex variis hisce philosophandi methodis, uti nulla est in qua omnia placent, ita in omnibus quædam probare possumus; quocirca ut delectus habeatur oportet, ea eligendo quæ usui maxime futura sunt, & rationem ex hisce omnibus compositam sequendo.

Et primo, cum antiquis Pythagoricis & Platoniciis, Geometriam & Arithmeticam, tanquam artes ad rite philosophandum necessarias, in auxilium accersamus, sine quibus parum admodum certi de causis naturalibus constabit. Cum enim omnis actio physica à motu dependeat, aut saltem non fiat absque motu, motus quantitas & proportio, corporum motorum magnitudines, figuræ, numerus, collisiones, & vires ad alia corpora movenda, investiganda erunt. Verum
hæc

hæc omnia , nisi ex notâ quantitatis & proportionis natura, determinari non possunt: adeoque opus erit iis artibus , quæ harum proprietates demonstrant : & proinde Geometria & Arithmetica necessariæ ad rite philosophandum censendæ sunt.

Secundo cum Peripateticis non verebimur usurpare terminos Qualitatis, Facultatis, Attractionis, & similium; non quod his vocibus veram causam seu rationem physicam, & modum actionis definimus, sed quia actiones hæc possunt intendi & remitti; adeoque cum illâ qualitatum proprietate gaudeant, jure possunt earum titulo insigniri, & sub hoc nomine, virium seu intensiōis & remissionis rationes expendi possunt. *v. g.* possumus gravitatem qualitatem dicere, qua corpora omnia deorsum feruntur, sive ejus causa à virtute corporis centralis oriatur, sive sit corporibus innata, seu ab actione ætheris vi centrifuga agitati & altiora petentis procedat; sive demum alio quocunque producaturo modo. Sic etiam corporum conatus ad se mutuo accedendi Attractionis vocabimus, qua voce non determinamus actiones istius causam, sive fiat ab actione corporum vel se mutuo petentium, vel per effluvia emissa se invicem agitantium, seu ab actione ætheris, aut aëris, aut medii cujuscunque corpora innatantia ad se invicem utcunque impellentis, possumus, inquam, has actiones illis vocibus denotare. Et si veræ illarum causæ nos lateant, quidni etiam qualitates occultæ dici mereantur? Eodem sane jure, quo in æquatione Algebraica incognitas quantitates literis x vel y designamus, & methodo haud multum absimili, harum qualitatum intensiōes & remissiones, quæ ex positis quibuscunque conditionibus sequuntur, investigari possunt. Libet hanc rem exemplo illustrare.

Utcunque ignota sit qualitatum natura, utcunque nos lateat operandi modus, possumus tamen de earum intensiōe & remissione sequens demonstrare Theorema; scil. quod Qualitas seu virtus omnis, quæ undique à centro per rectas lineas propagatur, remittitur in ratione distantiae duplicata.

TAB. I.
fig. I.

Sit A punctum, à quo undique diffunditur qualitas quæcunque, secundum rectas AB, AC, AD, & cæteras innumeras per totum spatium indefinite protensas. Dico intensiorem istius qualitatis decrefcere in ratione ejus, quæ crescunt distantia, duplicatâ; seu quod idem est, intensiorem ejus in distantia æquali ipsi AB esse ad illius intensiorem in distantia æquali rectæ AE, reciproce in duplicata ratione distantia AE ad distantiam AB, hoc est, ut quadratum ipsius AE ad quadratum ipsius AB. Cum ex hypothesis qualitas per rectas lineas undique in orbem propagatur, erit ejus intensio, in quavis à centro distantia, spissitudini radiorum in ea distantia proportionalis; per radios hîc intelligimus vias rectilineas per quas diffunditur qualitas; at radii, qui ad distantiam AB diffunduntur per superficiem sphaericam BCDH, ad distantiam AE per totam superficiem sphaericam EFGK sese dispergunt; sed datorum radiorum spissitudines sunt reciproce ut spatia quæ ab iis occupantur; nempe si superficies EFGK sit dupla BCDH, erunt radii ad superficiem BCDH duplo confertiores, quàm iidem radii sunt ad superficiem EFGK, & si superficies EFGK sit tripla superficiei BCDH, erunt quoque radii ad superficiem BCDH triplo densiores quàm iidem radii sunt ad superficiem EFGK: & universaliter quamcunque proportionem habet superficies EFGK ad superficiem BCDH, eandem habebit reciproce densitas radiorum ad superficiem BCDH, ad densitatem eorundem ad superficiem EFGK. Sed ut constat ex *Archimedis libris de sphaera & cylindro*, superficies sphaericæ sunt in duplicata ratione diametrorum vel semidiametrorum; est igitur spissitudo seu densitas radiorum per quos propagatur qualitas ad distantiam æqualem distantia AB, ad eorundem densitatem in distantia æquali AE, reciproce in duplicata ratione semidiametri seu distantia AE ad semidiametrum seu distantiam AB. Sed ut hætenus dictum est, intensio qualitatis in quavis data distantia est semper ut spissitudo radiorum per quos propagatur in ea distantia; quare erit etiam intensio qualitatis ad distantiam æqualem ipsi AB ad ejusdem intensiorem ad distantiam æqualem ipsi AE, reciproce

ce in duplicata ratione distantiae AE ad distantiam AB.

Theorema hoc universaliter demonstravimus, quaecunque sit Qualitatis natura, modo secundum rectas lineas agat; atque hinc sequitur luminis, caloris, frigoris, odorum, & istiusmodi qualitatum intensiones esse reciproce ut quadrata distantiarum à puncto unde procedant. Hinc etiam comparari inter se possunt actiones Solis in diversos Planetas, sed hæc non sunt præsentis instituti.

Post notas virium rationes in datis conditionibus seu suppositionibus, conferendæ sunt rationes illæ cum naturæ phænomenis, ut innotescat quænam virium conditiones singulis corporum generibus competant. Verum ut hoc fiat, plurima in subsidium advocanda sunt experimenta, qualia scilicet tertiæ sectæ Philosophi nobis tradiderunt: haud sine cautela tamen illa adhibenda sunt, quæ non nisi à *Theorista* aliquo ad suam probandam hypothesin adducuntur; novimus enim hoc hominum genus, quam impense suis faveant Theoriis, quam vellent esse veras, quam facile vel alios decipiant, vel seipsos in experimentis perficiendis decipi patiantur; quæ autem ab omnibus afferuntur, quæ quotiescunque tentata succedunt, ea tanquam indubitata principiorum seu axiomatum loco habebimus, simplicissimis tamen & monstratu facillimis plus est fidendum, quam magis compositis & exploratu difficilioribus.

Denique, Academici, cum antiquis Atomistis, & novæ philosophiæ sectatoribus, experiemur, quæ & qualia phænomena per materiam & motum, & notas atque stabilitas Mechanicæ leges explicari possunt.

Ut vero tutius in hoc negotio progrediamur, & quantum possumus erroris periculum evitemus, sequentes regulas nobismet observandas proponimus. Primo, secundum Geometrarum methodum Definitiones ad rerum notitiam necessariæ ponendæ sunt: Nolim tamen ut à me expectetis definitiones Logicas ex genere & differentia constantes, vel eas quæ intimam rei definitæ essentiam & ultimam causam prodant: Has aliis disputandas relinquo. Ut ingenue fatear

tear ignorantiam, me latent intimæ rerum naturæ & causæ; quicquid mihi de corporibus eorumque actionibus comper- tum est, illud vel à sensibus hausi, vel ex aliqua eorum pro- prietate mihi per sensus notâ, deduxi. Sufficiat ergo, si loco istiusmodi definitionis (quam afferunt Logici) descri- ptionem adhibeamus; qua scilicet res descripta clare & di- stincte concipiatur, & ab omni alia discernatur. Res igitur per proprietates definiemus, unam aliquam simplicem assu- mendo, vel etiam plures, quas experienciâ rebus ipsis com- petere certissime novimus, atque ex illis, alias earundem proprietates methodo geometrica deducemus. Contra hanc regulam peccant plerique Philosophiæ novæ magistri, qui res definiunt non quidem per proprietates rebus ipsis certo competentes, sed per essentias & naturas quas inesse rebus supponunt. Supponunt quidem, at minime interim con- stat an quales illi definiunt naturas rebus ipsis revera infint, *e. g.* Cartesiani dicunt fluidum esse, cujus partes in conti- nuo motu versantur; verum nec sensu, nec experienciâ, nec ratione proditum est, talem esse fluidi naturam: imo, quod illi afferunt argumentum ad hypothesin suam stabiliendam, hoc ipsum demonstratione Geometrica evertemus. Volunt enim corporis in fluido moventis minorem esse resistantiam, si partes fluidi motu intestino cieantur, quam si nullus ta- lis adesset fluidi motus; cujus contrarium, cum de fluido- rum resistantia agetur, demonstrabimus.

Quanto rectius philosophiæ Mathematicæ scriptores, qui ex notissima fluidi proprietate illius desumunt definitionem: fluidum dicunt esse corpus cujus partes vi cuicunque illatæ cedunt, & cedendo facile moventur inter se: ex qua defi- nitione pulcherrima condunt Theoremata ad usus humanos maxime accommoda, cum interea philosophi Cartesiani ni- hil certum aut solidum, nedum utile, ex sua protulerunt.

2^{do} In veritate physica investiganda, utile erit conditio- nes solum primo positas considerare, & ab omnibus aliis in- terea temporis abstrahere. Mens enim humana, finita cum sit, si nimia rerum multitudine implicita distrahatur, pa- rum habilis ad Theoremata detegenda reddetur. Hanc re-
gulam

gulam observant scriptores Mechanici in spatiis comparandis à duobus mobilibus percursis: corpora enim mota in illo casu tanquam puncta considerant, ab illorum magnitudine, figura, & colore abstrahentes, quæ longitudinem percursam nullo modo variant.

3tio. Necesse erit à simplicissimis casibus ordiri, atque illis semel stabilitis, exinde ad magis compositos progredi licebit; sic iidem Mechanici corporum motus in vacuo seu medio non resistente fieri supponunt, atque motus legibus in illo casu indagatis, exinde ad medii resistentiæ leges investigandas procedunt, & quales mutationes ex eâ corporibus motis oriri debeant, deinde contemplantur. Quo vero minus corporum motibus resistit medium, eo minus recedunt corporum in eo medio motorum leges à legibus prius inventis. Sic etiam in Hydrostatica, supponitur nullam esse fluidi tenacitatem, seu partium cohærentiam, sed eas posse minima qualibet vi à se invicem divelli; ex qua suppositione corporum demersorum pressiones & positiones determinantur. Verum fortasse nullum est in natura fluidum, cujus partes omni cohæsiōne destituuntur, adeoque variatio, seu à legibus prius inventis discrepantia investiganda erit; & si parva admodum sit partium cohærentia, parva erit etiam & vix sensibilis à prædictis legibus discrepantia.

Contra hanc methodi legem peccant plerique *Theoristæ*, qui, primis & simplicioribus Mechanicæ philosophiæ neglectis vel non satis intellectis principiis, ardua & difficillima problemata statim aggrediuntur, & quo pacto mundus aut planeta aut animal fabricari possint, temerario ausu ostendere conantur; quibusdam in Geometria sciolis haud absimiles, qui cum elementa Geometriæ vix primis labiis tetigerunt, Quadraturam circuli, anguli Trisectionem per rectas lineas & circulares, Cubi Duplicationem & id genus alia statim adoriuntur. Ita nostri Theoristæ, haud bene jactis fundamentis, insanum exstruunt ædificium; unde nil mirum erit, si tantæ molis opus statim collabatur, haud sine ingenti fabricantium dedecore. At rite philosophantibus alia tentanda est via, alia progrediendum est methodo, &

quamvis nec Mundum, nec Terram, nec alium quemvis Planetam condituri sunt, efficere tamen possunt, ut Philosophiae Mechanicae principia & fundamenta firmiter stabiliantur, &, quæ exinde consequi possint phaenomena, explicentur.

L E C T I O II.

De Corporis Soliditate & Extensione.

Corporis definitionem non hic afferemus ex ejus intima natura seu essentia desumptam, qualem non satis perspectam habemus; nec fortasse ad ejus cognitionem unquam sumus perventuri: verum secundum regulam in priore lectione nobis propositam, per notas quasdam illius proprietates, illud ab omni alio entis genere distinguendo, definiemus: idque *Corpus* dicimus *quod extensum est, solidum & mobile.*

Nemo, ut opinor, adeo hebeti est ingenio, quin facile percipiat omnis corporis finiti aliquos esse terminos, quos superficies vocamus, harumque unam aliquam ab opposita distare: quin & hujus rursus superficiei, (cum infinita non sit) dantur extrema, quæ lineas dicimus, quarum necesse est aliquam esse à se invicem distantiam. Etiam & harum linearum erunt aliqui termini, quos puncta nominamus, inter quæ denique aliquod intervallum poni oportet: Ex hisce omnibus distantis simul junctis, claram extensionis intrinsecam dimensionem ideam percipimus. Etenim distantia inter duas oppositas ejusdem corporis superficies, illius crassities seu profunditas dicitur; distantia inter binas oppositas ejusdem superficiei lineas, latitudo vocatur; & distantia inter utramque lineæ extremitatem, corporis longitudo nominari potest. Nullum est corpus cui trina hæc dimensio non congruit, & quantulumcunque corpus esse supponamus, necesse tamen erit ut crassitiem, latitudinem & longitudinem habeat: quod autem in corpore est, hisce omnibus destitutum, illud non corpus, sed punctum est, nec ipsa magnitudo sed magnitudinis initium aut finis.

Soli-

Soliditas est ea corporis proprietas, per quam omnibus aliis corporibus undequaque prementibus resistit, & quamdiu aliquem occupat locum, alia corpora omnia, quancunque cum vi illud urgeant, in eundem intrare prohibet. Sic v. g. si corpus aliquod intra manus teneatur, quantumvis magna vi prematur, manus tamen ad mutuos contactus pervenire non patietur.

Hæc est illa proprietas, quam plerique Peripatetici Impenetrabilitatem vocant, qua scil. duo corpora non possunt esse simul in eodem loco, vel se mutuo penetrare; ego tamen cum illustri hujus ætatis Philosopho, soliditatem malui appellare. Hæc etiam proprietas ita omnibus corporibus essentialis videtur, ut nihil aliud in rerum natura sit, cui ea competere possit: Etsi enim dantur aliæ magnitudinis species, sola tamen magnitudo corporea soliditatem admittit; reliqua quanta, vel etiam non quanta seu puncta, possunt sese mutuo penetrare, uniri, & in eodem esse loco: quippe si duo globi sibi mutuo occurrant, in concursu punctum unius unietur cum puncto alterius, seu congruent vel in eodem erunt spatii puncto. Similiter si sint duo cubi æquales, potest eorum unus super alterum imponi, ita ut duæ eorum superficies quadratæ congruant, latera nempe unius quadrati cum alterius quadrati lateribus coincident; & anguli unius cum alterius angulis unientur, quæ proinde quantitates sese penetrabunt & in eodem erunt loco, quod ut ipsis contingat corporibus impossibile est.

Hinc facile perspicitis, Academici, quàm diverso sensu *Soliditatis* vocem usurpamus, ab eo qui apud Geometras habetur, qui solida sese mutuo penetrare posse, supponunt; v. g. cum demonstrat Euclides (Elemento undecimo) duo solida parallelepipeda super eadem basi, inter eadem parallela plana constituta, esse inter se æqualia; cum autem duo diversa parallelepipeda sic constituta sese penetrare necesse est, liquet Geometras sua solida tanquam penetrabilia supponere. Soliditatis igitur vocem, diverso prorsus sensu accipiunt Geometræ, quam Philosophi, nec sua solida magnitudini penetrabili opponunt, sed planæ seu superficiebus, angulis

planis, & lineis; omne enim illud apud eos solidum est, quod trina dimensione constat.

At alterius generis est corporum soliditas, quam ut ad corpora solummodo pertinere diximus, ita etiam omnibus corporum generibus inest, sive fluida sint sive dura, sive firma & fixa sint, seu facile mobilia & ictui cedentia, seu gravia admodum sint, sive parum habeant ponderis vel si omnino levia fuerint, si modo talia darentur corpora: non enim minus prohibet duorum quorumvis corporum contactum gutta aquæ, vel aëris particula inter duo illa corpora immota manens, quam durissimum ferrum aut adamas.

Per hanc denique proprietatem, distinguitur corpus ab alio extensionis genere, quod penetrabile concipimus, & *Spatium* vocamus, in quo omnia corpora locari & moveri cernimus, illud ipsum ut immobile spectantes.

Cartesiani, qui corpus per ejus naturam (quam in sola extensione consistere volunt) definiunt, nullum agnoscunt spatium, seu extensum, quod non sit corporeum: verum cum nos spatii ideam, à corporis idea distinctam habemus, vel saltem nos habere imaginamur; peccant contra bonæ methodi leges, qui corporis naturam seu essentiam intimam, in aliquo ejus attributo ponunt, quod an illi soli competat non certe constat.

At dicunt Cartesiani Corporis naturam in alio nullo illius attributo consistere posse, cum nec durities, nec colores, nec pondus, nec figuræ, nec sapes, nec quælibet istiusmodi qualitatuum sensum afficientium, illius essentiam constituere possunt. Omnia quippe hæc attributa possunt à corpore tolli, integra tamen manente corporis natura; sublata tamen extensione, statim tolletur Ens corporeum, adeoque in sola extensione corporis naturam sitam esse necesse est.

Hoc est ipsius Cartesii argumentum, philosopho prorsus indignum: nihil enim exinde sequitur, nisi quod sensibiles illæ, quas affert, qualitates non sunt de essentia corporis, extensionem tamen esse attributum corpori necessarium & *essentiale*. At quid inde? potestne unum universale attributum

butum duabus diversis rerum speciebus convenire? An necesse est ut res omnes, quæ idem habent attributum, eandem habeant etiam naturam & essentiam? Si verum hoc sit, nulla erit rerum distinctio, nulla diversitas. Quamvis igitur spatium & corpus, unum & idem habeant essentialia attributa utrique commune, sunt tamen res omnino diversæ; & alia dantur etiam essentialia attributa, singulis propria, per quæ satis distinguuntur.

In primis supra descripta soliditas solis corporibus propria est, & illis omnibus ita essentialis, ut eam ab iis ne vel cogitatione divellere possis, quin simul sustuleris ipsam, quam assumpsisti, corporis ideam; adeoque si in uno aliquo attributo, corporis essentia & intima natura ponenda sit, multo potiore jure hanc sibi vindicabit soliditas quam extensio; præsertim cum aliud videtur esse entis genus à corpore diversum, quod spatium dicimus, cui etiam congruit extensio; saltem contrarium nondum constat.

Præterea, hujus spatii ideam à corporis idea omnino distinctam habemus; utrumque vindicare videtur attributa non diversa solum & sibi propria, sed ita contraria ut impossibile sit, illa tanquam uni & eidem inhærentia subjecto concipere: Corpus nempe, tanquam solidum seu impenetrabile, mobile, & divisibile apprehendimus, cujus partes disjungi, separari, & ad quamlibet à se invicem distantiam poni possunt. Potest unum corpus alteri corpori moventi obstare; potest ipsius motum sistere, vel saltem diminuire; potest etiam corpus alteri quiescenti, vel minori cum vi ad eandem vel contrarias partes moventi, motum suum communicare, atque illud secum abripere.

E contra, Spatium concipimus, tanquam illud in quo corpus omne locatur, seu suum habet *Ubi*; quod omnino penetrabile sit, omnia in se recipiens corpora, nec ullius rei refugiens ingressum; quod immobiliter fixum est, nullius actionis, formæ, seu qualitatis capax; cujus partes à se invicem separari nulla vi possunt, sed spatium ipsum immobile manens, mobilium successiones excipit, motuum velo-

citatem determinat, & rerum distantias metitur: hæc spatii & corporis tam dissona & repugnantia attributa eidem subiecto competere impossibile est.

Respondebunt forte Cartesiani, ideam illam, qualem nos dedimus spatii à corpore distincti, imaginariam prorsus esse & chimæricam, cui scil. aliquid simile, in rerum natura, nullâ potentiâ existere potest. Verum contra Cartesianos in promptu est demonstrare, revera dari spatium à corpore distinctum, vel spatium & corpus non esse prorsus idem: sed primo advertendum est, nos realem spatii corporis vacui existentiam in hoc loco non esse evicturos; illud in alia lectione præstandum erit: sufficiet in præsentia illius possibilitatem adstruere.

Ponamus ergo vas quodcunque, & aëre primo repleatur, deinde exhauriatur intra vas contentus aër, vel per divinam potentiam annihiletur, & omne aliud corpus in illius locum ingredi prohibeatur; quæro jam an in tali rerum conditione, spatium futurum sit à corporibus vacuum? Corpus omne quod in vase continebatur, destructum est, omnis alterius corporis ingressus prohibetur, & vas suam figuram conservare supponitur, certe necessarium esse videtur, ut Vacuum seu spatium corpore non repletum detur: Respondent Cartesiani hisce suppositis, vasis latera corruitura, & ad se invicem necessario accessura. At cum secundum ipsos Cartesianos nullum corpus potest seipsum movere, cumque ex hypothese, nullum aliud est corpus quod vasis latera ad se invicem pellat, nullus etiam sequetur eorum ad se invicem accessus, dicent forsan aërem undequaque diffusum & vasis latera circumcirca prementem, istius motus causam fore. Verum cum pressio aëris sit vis finita, talis potest esse vasis firmitas, quæ isti pressioni æquipollere possit, adeoque vas suam conservabit figuram: sed demus illis vasis latera corruitura, quæro quodnam corpus in illorum locum successurum erit? (respondebunt) aër; quodnam corpus locum ab eo aëre derelictum possidebit? Alius (fortasse dicent) aër successurus erit; at tandem subsistere oportet, & ad corpus aliquod pervenire necesse est, in cuius locum nul-
lum

lum aliud corpus ingreditur ; absurdum enim est dari progressum in infinitum : Vacuum igitur in illo casu necessario dabitur.

Sed & alia invicta demonstratione ex Geometria petita, spatii corporis vacui possibilem saltem existentiam ostendemus : ad quod præstandum præmittimus duo sequentia effata tanquam axiomata a nemine philosophorum in dubium vocanda. Primum est, quod corpus nullum, aut nulla materiæ pars, alterius corporis existentiam indigeat, ad suam existentiam, v. g. Potest sphaera existere sive aliud quodcunque corpus existat aut non existat ; hoc ex natura substantiæ clare sequitur. 2do. Potest corpus aliquod, saltem si durum sit, suam conservare figuram, si nulla sint corpora externa, vel nulla agentia quæ ei mutationem inferre conantur. Certe agnoscendum est, Deum posse corpus quodlibet in eodem statu atque situ conservare, & quæcunque extrinsecus accidunt, potest nihilominus figura corporis immutata manere.

Cum igitur sphaera una vel etiam plures possunt existere, nullis aliis existentibus corporibus ; ponamus omnia alia corpora à Deo annihilari, præter duas sphaeras ; vel potius fingamus omnem materiam mundanam in duas sphaeras coacervari, quæ exponantur per duos circulos, quorum centra sint A & B, cumque supponitur nullum aliud existere corpus, possunt corpora illa sphaerica suam conservare figuram, cum nullum ponitur agens externum quod figuram sphaericam destruat vel mutet : duæ igitur illæ sphaeræ, vel contiguæ sunt vel disjunctæ : Disjunctæ si sint, erit spatium aliquod intermedium, nullo corpore repletum ; adeoque omne spatium non erit corpus. Si vero sphaeræ sese mutuo tangant ; illas sphaeras in unico puncto sese tangere necesse est, per demonstrata in Elementis ; inter alia igitur sphaerarum puncta est aliqua distantia, hoc est spatium aliquod interjacebit. Sumantur enim duo quæcunque extra contactum puncta puta D & E, si inter illa nullum interveniat spatium, hoc est nulla distantia, sphaeræ illæ in eisdem punctis sese contingant, quod est impossibile.

TAB. I.
fig. 2.

Vel

Vel ulterius sic ostensive demonstrari potest spatium ab omni corpore vacuum. Ponamus duas sphaeras, in quibus omnis materia mundana cumulari supponitur, esse æquales; in utraque accommodentur rectæ CD , CE semidiametro utriusvis sphaeræ æquales, jungatur DE ; erit hæc recta semidiametro sphaeræ æqualis, ducantur enim AD , BE , & quia in triangulis æquilateris ACD , BCE anguli ACD , BCE sunt utervis duorum rectorum pars tertia, erit angulus DCE duorum rectorum etiam pars tertia, omnes enim anguli ad punctum C constituunt duos rectos; unde cum DC , CE æquales sunt, erunt anguli CDE & CED etiam æquales, & simul sumpti conficient duorum rectorum duas partes tertias; quare utervis erit duorum rectorum una pars tertia, æquiangulum igitur erit triangulum DCE ; adeoque erit DE æqualis semidiametro utriusvis sphaeræ, nec in hoc casu major vel minor esse potest. Similiter inter alia quæcunque sphaerarum puncta, extra contactum ad C , erit distantia quædam ad sphaerarum diametrum determinabilem habens rationem, adeoque erit inter eas sphaeras spatium certum & determinatum, nullo corpore repletum; verum in eo spatio potest admitti corpus, cujus dimensiones dictis congruunt distantis, quod vero majores habet dimensiones, nullâ potentiâ potest in prædicto spatio locari; unde cum proprietates tales prædicto spatio demonstrative congruant, & nemine cogitante potest tale spatium revera existere, clare sequitur contra Cartesianos, ideam quam de spatio habemus non esse Chimæricam aut imaginariam; quod enim Chimæricum est, nullam habere potest extra intellectum existentiam.

Statuendum igitur est revera esse spatium ab omni corpore distinctum; quod sit quasi vas universale intra quod omnia corpora continentur & moventur. At qualis sit hujus spatii natura, num sit quid positivum, actu per se extensum, & reali dimensione præditum; sive ejus extensio oriatur ex relatione corporum in eo existentium, adeo ut sit mera capacitas, *ponibilitas*, seu *interponibilitas*, ut nonnullis loqui placet, & in eadem entium classe ponendum, qua mobilitas

tas

tas & contiguitas ; Sive spatium nostrum sit ipsa divina immensitas , quæ est per omnia & in omnibus , sive sit creatum aut increatum , finitum vel infinitum , à Deo dependens vel independens , hic non disquiremus ; hæc omnia Metaphysicis disputanda relinquimus. Nostro negotio sufficiet quasdam illius proprietates exposuisse , & ejus distinctionem seu naturam à corporis natura diversam adstruxisse & demonstrasse ; qui plura velit , Philosophos consulat.

LECTIO III.

De Magnitudinum Divisibilitate.

QUamvis, Academici, spatium à corpore realiter distinctum esse plurimis demonstrari potest argumentis, & hætenus quædam attulimus quæ insolubilia esse videntur ; in eo tamen conveniunt ambo , quod extensio universale sit attributum ad utrumque necessario & essentialiter pertinens. Priusquam igitur ulterius progrediamur, non à re alienum erit, generalem quandam extensionis affectionem, illius nempe divisibilitatem exponere.

Hæc extensionis proprietas omni magnitudinis speciei, tam lineis quam superficiebus, tam spatio quam corpori competit, & necessario inest. Per divisibilitatem autem non hic loci intelligimus actualem partium à se invicem separationem, quæ motum supponit, qualem quidem spatii natura non admittit, nec talem separationem demonstrationes ex Geometria accersitæ probant ; verum nostra, quam hic evincere conabimur, divisibilitas, est solum magnitudinis cujusvis in suas partes resolutio, seu earum distinctio & assignabilitas, v. g. Cum docet Euclides, in propositione nona Elementi primi, angulum quemvis rectilineum bifariam secare, non in ea methodum ostendit, qua una anguli pars media ab altera divulsa recedat, & ad datam ab eâ distantiam ponatur, sed methodum tantum tradit qua linea ducatur, ita angulum in duos alios angulos dividens, ut qui ab una istius lineæ par-

te jacet angulus , æqualis fit ei qui ad alteram partem existit: Sic etiam cum , in propositione sequenti , docet rectam quamvis bifecare , docet tantum assignare punctum medium datam rectam in duas partes æquales dirimens , quod sit utriusque partis communis terminus , ubi scilicet desinit una partium æqualium , & incipit altera. Hæc magnitudinis in partes resolutio ita ei intima & essentialis est , ut illud quod partes non habet , scil. punctum , non magnitudo , sed magnitudinis initium dicatur vel finis ; nec magnitudo quævis ex punctis potest conflari , licet numero infinitis ; omnis vero magnitudo non ex punctis , sed partibus , aliis nempe ejusdem generis magnitudinibus componitur , quarum unaquæque ex aliis etiam conflatur partibus , & rursus quælibet harum partium alias adhuc in se continet partes , & sic in infinitum : nec unquam ad magnitudinem tam parvam pervenire possumus , quin adhuc in plures dividi possit partes , nullumque datur in quacunque magnitudinis specie absolute minimum , sed quicquid dividitur , dividitur in partes adhuc etiam divisibiles. Hæc semper ulterior materiæ in partes resolutio , illius *Divisibilitas in infinitum* à philosophis nuncupatur ; & recte sane , cum nulla assignari potest quantitas materiæ adeo minuta , & numerus finitus adeo magnus , quin numerus partium eam quantitatem componentium , in quas scil. resolvi potest illa quantitas , major sit numero illo utcunque magno ; nam *illud infinitum vocamus quod omni finito majus est.*

Quoniam autem infinita hæc materiæ divisibilitas rationibus ex Geometria petitis demonstranda sit , & cum hodie existent quidam Philosophi , qui Geometriam ex Physica exulare cupiunt , eo quod ipsi Divinæ illius Scientiæ imperiti sint ; & dum inter doctissimos haberi satagunt , nullum non movent lapidem , quo harum demonstrationum vim irritò utcunque convellant conatu ; necesse erit , priusquam argumenta nostra Geometrica proferamus , eorum vim stabilire , & objectionibus quibusdam respondere.

Cum itaque , inter hujus generis Philosophos , emineat Vir Clar. *Jeannes Baptista Du Hamel* , Philosophiæ *Bur-*
gun.

gundica scriptor, libet illius sententiam super hac re proferre. Dicit igitur Hypotheses Geometricas nec veras esse nec possibiles, cum scil. nec puncta, nec lineæ, nec superficies, prout à Geometris concipiuntur, vere in rerum natura existant; adeoque demonstrationes, quæ ex his afferuntur, ad res actu existentes applicari non posse, cum scil. nihil eorum vere existit nisi in ideis nostris: jubet igitur Geometras sibi suas servare demonstrationes, nec eas ad physicam transferre, quæ non lucem, sed majores huic scientiæ offundant tenebras.

Miror ego hujus viri alias doctissimi in hacce re imperiti-
am; potuit fane eodem jure suppositiones etiam quasunque
physicas fustulisse, cum hypotheses Geometricæ æquè cer-
tæ & æquè possibiles sunt & reales, ac illæ sunt quas phy-
cas dicit: imo si existat corpus, necessario etiam existent
vera puncta, veræ lineæ, & veræ superficies, prout à
Geometris concipiuntur; quod facile ostendemus. Nam si
detur corpus, illud cum infinitum non sit, suos habebit
terminos; corporis vero termini sunt superficies, & termi-
ni illi nullam habent profunditatem; si enim haberent, eo
ipso quod profunditatem haberent corpora essent, habe-
rentque illa corpora alios rursus terminos qui superficies ef-
sent, adeoque esset superficiei superficies. Vel igitur su-
perficies illa omni destituta est profunditate, vel etiam pro-
funditatem habebit: Si prius, habemus quod petimus; sin
posterius, ad aliam rursus pervenimus superficiem; atque
sic progredieremur in infinitum, quod est absurdum: qua-
re dicendum est terminos illos omni profunditate privari,
ac proinde veræ erunt superficies, & prout à Geometris
conciuntur absque profunditate, seu quæ longitudinem
& latitudinem tantum habent ad suam essentiam constituen-
dam.

Rursus, cum superficies illa infinita non est, suis etiam
claudetur terminis; termini vero illi lineæ dicuntur, quæ re-
vera nullam habent latitudinem, alias enim superficies essent,
& suos etiam haberent terminos, quos saltem concipere o-
portet omni latitudine destitutos; non enim (ut prius di-

ctum est) dari potest progressus in infinitum, unde sequitur dari lineas, quæ sunt tantum longæ absque omni latitudine: eodem prorsus modo & lineis sui etiam competunt termini, qui puncta vocantur, quibus nec longitudo, nec latitudo, nec profunditas convenit. Quare si corpus existere supponatur, necessario tam superficies, quam lineæ & puncta Geometrica, non tantum ut possibilia, sed etiam ut verè existentia ponentur.

Sed respondebunt puncta illa, lineas & superficies non esse materialia. Quid inde? Quis unquam dixit punctum Mathematicum materiam esse? Quis superficiem materialem agnoscit? Si materialis esset, suam haberet etiam superficiem sive terminum: superficiei autem superficiem quis unquam imaginatus est? Verum etiamsi nec superficies, nec lineæ, nec puncta sunt ipsa materia, in ea tamen existunt vel existere possunt, tanquam illius modi, termini seu accidentia; eodem prorsus modo, quo figura non est ipsum corpus, sed ejus tantum affectio, qua corpus sub datis terminis comprehenditur, habetque hæc proprietates reales à corporis proprietatibus omnino distinctas.

Sed rursus obijciunt nostri ἀγεωμέτρητοι Philosophi, nullam esse in rerum natura superficiem perfecte planam, nullum corpus perfecte sphæricum, quale sibi fingunt Geometræ, nec curvam ullam perfecte circularem. At quo pacto hoc illis innotuit? An omnia viderunt quotquot sunt in mundo corpora, & per microscopia ea contemplati sunt? Dicent fortasse, corporum superficies planas vel sphæricas esse non posse, quia in harum figurarum naturis est contradictio quædam & impossibilitas. At, ut contradictionem ostendant velim; corpus omne aliqua saltem figura terminari necesse est; superficies planæ vel sphæricæ sunt omnium conceptu facillimæ & simplicissimæ: Qualis igitur est in illis repugnantia, ut impossibile sit corpus sub istiusmodi superficiibus comprehendere? Credo neminem esse, qui Geometriam vel primis labiis tetigerit, quin harum figurarum naturam & proprietates magis perspectas habeat, & plures earum affectiones nôrit, quam omnes istiusmodi Philosophi intelligunt,

gunt, vel fortasse unquam sunt intellecturi: At horum nemo talem deprehendit in hisce figuris repugnantiam; nullus Geometra istiusmodi contradictiones in figurarum naturis unquam suspicatus est: è contra, harum possibilitatem evincunt tot pulchræ earum proprietates à Geometris detectæ atque demonstratæ; nam rei impossibilis nulla est vera proprietas, nulla demonstratio. Restat igitur, ut has figuras tanquam possibiles agnoscant; & si possibiles sunt, potest Deus corpora istiusmodi superficies habentia è materiâ formare. Ponamus igitur duo corpora, quorum unum planis, alterum sphæricâ terminatur superficie; si igitur corpus sphæricum super plano constituatur, illud vere continget: at continget in unico tantum & indivisibili puncto, seu in puncto quod partes non habet, (per Cor. Prop. 2. El. 3tii) & proinde erit in illo casu verum punctum. Sed ulterius, ponamus corpus sphæricum super plana superficie moveri, seu progredi absque omni circa axem aliquem rotatione, ita scil. ut punctum sphære planum contingens semper in eodem plano inveniatur; eritque via, quam punctum illud motu suo describit, linea vere mathematica absque omni latitudine: & si quidem sit via brevissima inter duo quælibet puncta in illo plano, orietur ex motu illo linea recta, sin alias, curva vel ex pluribus rectis composita, vel partim ex his partim ex illis conflata. Puncta igitur, lineæ, & superficies, prout à Geometris concipiuntur vel finguntur, sunt possibilia, quod ostendi oportebat. Aliis etiam innumeris modis potest eorum possibilitas demonstrari, verum piget hisce ineptiis diutius immorari. Hoc tantum libet admovere, quod inter duo quælibet duorum corporum puncta, erit distantia data & determinata; v. g. inter Solis & stellæ fixæ centra, est determinata distantia, quæ per rectam lineam mensuratur duo illa puncta interjacentem; quæ erit omnium linearum quæ à puncto uno ad alterum duci possunt, brevissima, & minimo tempore data velocitate peragrandæ; hæc inquam distantia eadem manet, qualiscunque futura sit corporis intermedii figura, sive planis claudatur, sive sphæricis contineatur superficiebus, sive demum absit omne cor-

pus medium, & nihil interfit præter spatium; eadem manebit linea magnitudine & positione, quamdiu corporum centra immota manent.

Stabilitis jam principiis, ad propositum redeo, ut scil. demonstretur extensionem omnem, tam corpoream, quam incorpoream, in infinitum esse divisibilem, seu partes habere numero infinitas; quod pluribus invictis rationibus probare conabimur. Prima sit hæc; exponatur linea quævis AB; dico illam divisibilem esse in partes numero omni finito numero dato majores.

TAB. I.
fig. 3.

Ducatur per A recta quævis AC, & huic per punctum B parallela ducatur BD, & in AC capiatur punctum quodvis C. Si igitur recta AB non est divisibilis in infinitum partium numerum, divisibilis tantum erit in numerum partium finitum; sit ille numerus qualiscunque v. g. senarius: In linea BD ad partes puncto C oppositas capiantur quotcunque puncta plura quam sex v. g. puncta E, F, G, H, I, K, L, & ducantur per postulatum primum *Euclidis* CE, CF, CG, CH, CI, CK, CL: hæ ductæ dividunt rectam AB in tot partes quot sunt rectæ: si enim non dividunt, ergo plures rectæ in uno aliquo puncto rectam AB interfecabunt; sed omnes se interfecant in communi puncto C, quare duæ aliquæ rectæ sese bis secabunt, & proinde vel spatium comprehendunt, vel habebunt idem segmentum commune: quorum utrumque est contra axiomata in Elementis posita. Dividitur igitur AB in tot partes diversas, quot sunt rectæ; sed tot sunt rectæ, quot puncta in recta BD sumpta fuerint: quare cum sumpta fuerint plura puncta quam sex, erit linea AB in plures partes quam sex divisibilis. Eodem modo, quantumvis magnus ponatur numerus, ostendi potest lineam AB esse divisibilem in partes numero majores illo numero, majorem scil. assumendo in recta BD punctorum numerum (quod facile fieri potest, cum nullus sit numerus finitus ita magnus, quin major sumi possit, ideoque in data quavis ratione majoris inæqualitatis) atque ducendo rectas à puncto C ad puncta in recta BD assumpta; hæ quippe rectæ rectam AB dividunt in tot partes, quot sunt rectæ, adeoque in plures par-

partes quam numerus primo positus, qui (utcunque magnus sit) constat unitatibus; erit itaque recta AB divisibilis in plures partes quam per ullum numerum finitum exprimi potest, adeoque erit divisibilis in infinitum: Q. E. D.

Argumentum secundum. Exponatur recta quaecunque AB, dico illam divisibilem esse in infinitas numero partes; TAB. 3.
fig. 4. si enim non est divisibilis in partes numero infinitas, divisibilis erit in partes numero finitas; sit ille numerus quivis *v. g.* quinaris; ducatur recta quævis AK angulum utcunque cum AB continens, in eaque, quantum opus est producta, capiantur quot volueris puncta plura quam quinque: sint *v. g.* C, D, E, F, G, H, K; jungatur KB; perque puncta C, D, E, F, G, H ducantur rectæ ipsi KB parallelæ, dividant hæ necessario rectam AB in tot partes quot sunt rectæ: si enim non dividant, ergo plures rectæ in uno puncto concurrent: at non concurrent, cum parallelæ ponantur, quare unaquæque recta in diverso puncto rectam AB interfecabit, & omnes in tot partes rectam AB dividant, quot sunt rectæ parallelæ ductæ. At ductæ sunt plures quam quinque, ergo divisa erit recta AB in plures partes quam quinque: idem de alio quovis numero dicendum erit. Quare nullus est numerus tam magnus, quin numerus partium, in quas recta AB est divisibilis, erit illo numero major, adeoque recta AB est divisibilis in infinitum.

310. Si quantitas non est divisibilis in infinitum, divisibilis erit in partes ulterius non divisibiles; at nulla est pars quæ ulterius dividi non potest: quia nulla datur quantitas tam parva, quin adhuc minor accipi possit, idque in data ratione minoris inæqualitatis. Sit enim recta AB, & ejus TAB. 1.
fig. 5. pars quantumvis parva sit AC, dico ipsâ AC minorem lineam accipi posse, in ratione quacunque minoris inæqualitatis, *v. g.* ut unum ad tria. Ducatur à puncto A recta quævis AD, inque ea capiantur rectæ AE, EF, FG æquales: jungatur GC & per E agatur EH ipsi GC parallela, erit recta AH ipsius AC pars tertia: demonstratio constat ex *nona propositione Elementi sexti*. Adeoque recta AC non erit minima quæ accipi potest. Idem de alia quavis recta demonstrari potest,

potest, ac proinde nulla est in natura quantitas minima.

TAB. I.
fig. 6.

Præterea, si quantitas ex indivisibilibus componeretur, multa exinde sequerentur absurda; sint enim v. g. duo circuli ABCD, EFGH concentrici, dividaturque circumferentia major in partes suas indivisibiles, & ducantur à centro Q ad singulas hæc partes rectæ, QOM, QPN quæ circumferentiam utramque in æquales numero partes dividant, & circumferentia major ABCD in partes suas minimas divisa erit; quare & circumferentia minor EFG tot partibus minimis seu indivisibilibus constabit, quot constat ABC circumferentia: adeoque cum indivisibile indivisibili æquale sit, erit circumferentia EFGH æqualis circumferentiæ ABCD; minor majori: quod fieri non potest.

Ultimo, ex hac quantitatis ex indivisibilibus compositione sequitur nullas dari magnitudines incommensurabiles, contra quod à Geometris passim demonstratur. Nam si magnitudo omnis ex indivisibilibus constaret, indivisibile illud esset omnium magnitudinum ejusdem generis adæquata & communis mensura: in omnibus enim aliquoties exacte continebitur, adeoque omnes magnitudines communem mensuram habebunt, & latus quadrati illius diagonio esset commensurabile; contra *ultimam Propositionem Elementi decimi*.

Innumeræ aliæ possunt adduci demonstrationes, quibus continui infinita divisibilitas ostendatur, & indivisibilium hypothesis funditus evertatur. Sed quid opus est pluribus? Cum hætenus allata argumenta non minorem habeant vim ad assensum cogendum, quam demonstratio quævis in *Elementis Euclidis*; imo impossibile est ut ea convellantur, quin simul Geometriæ fundamenta corruant; quæ tamen nulla unquam ætas, nulla Philosophorum hæresis labefactare poterit.

Ut igitur argumentorum vim devitent Philosophi, distinguunt inter corpus Mathematicum & corpus Physicum; Corpus scil. Mathematicum divisibile esse in infinitum, demonstrationum vi coacti, lubenter agnoscunt; at Corpus Physicum in partes ulterius divisibiles semper resolvi posse negant. Sed quid quæso est corpus mathematicum, nisi quid-

dam

dam in trinam dimensionem extensum? Nonne corpori mathematico competit divisibilitas eo quod extensum est? At eodem etiam modo extenditur corpus Physicum; quare cum divisibilitas ab ipsius extensionis natura & essentia dependeat, & inde ortum suum trahat, illam omnibus extensis tam Physicis quam Mathematicis convenire necesse erit. Ut enim Logicorum phrasi utar, quicquid prædicatur de genere, prædicatur de omnibus speciebus sub eo genere contentis.

Est & alia apud Philosophos haud absimilis distinctio, qua corpus quodvis mathematice divisibile esse in infinitum concedunt; divisibile autem esse physice negant. Si ullus sit horum verborum sensus, hic erit: Corpus esse Mathematice, hoc est, realiter & demonstrative divisibile in infinitum concedunt; Physice autem seu secundum falsam suam hypothesein negant; atque sic habebunt distinctionem, contra quam nihil urgeri potest.

Quoniam Philosophi, contra quos disputamus, demonstrationibus Geometricis non satis assueti sunt, & proinde earum evidentiam non facile perspiciant; priusquam huic lectioni finem imponemus, libet unum argumentum Physicum ex motu petatum, pro infinita continui divisibilitate proferre; scil. si continuum ex indivisibilibus constaret, sequeretur omnes motus æquivaloces fore, nec minus in eodem tempore conficiet spatium segnissima testudo, quam *πόδας ὠκὺς* Achilles. Ponamus enim Achillem velocissime cursurum & testudinem segnissime repturam: si continuum ex indivisibilibus constaret, non potest testudo in aliquo dato tempore minus conficere spatium quam Achilles; nam si Achilles in uno temporis instanti, indivisibile pertransit spatium, non potest testudo minus spatium in eodem temporis momento transire, quia ex hypothesei non datur minus. Indivisibile enim alio indivisibili minus non erit, ergo pertransibit æquale: idem de alio quovis temporis momento dicendum est: ergo semper ab utroque percurrentur spatia æqualia; & proinde Achilles velocissimus non plus conficiet spatii quam testudo lentissima; quod est absurdum. Alia ejusdem

dem generis absurda ex eadem indivisibilium hypothefi deduci possunt ; verum quæ dicta sunt sufficiant.

L E C T I O IV.

In qua respondetur objectionibus contra materiae divisibilitatem afferri solitis.

HActenus, Academici, argumenta exposuimus, quibus continuam materiae in infinitas numero partes divisionem clare satis demonstravimus; restat ut objectionibus seu Philosophorum argutiis respondeamus. Sunt enim Philosophi haud pauci, qui nescio qua idearum obscuritate laborantes, & demonstrationum, quas attulimus, evidentiam non satis perspicientes, contra rem tam manifeste veram argumenta sua proferre non audeant tantum, verum & confidunt specioso demonstrationum titulo ea insignire. At ego, qui plures illorum evolvi libros, nunquam incidi in quicquam ab iis de hacce re scriptum, quod rationis quidem speciem haberet; adeo equidem sunt demonstrationibus destituti, ut ne minimam demonstrationis umbram in iis quicquam Geometra, etsi Lynceis donatus fuerit oculis, perspicere queat. Fateor tamen esse aliquid in natura infiniti, quod humano intellectui haud adæquate comprehensibile esse videtur; adeoque non mirum erit, si ex ea quædam sequuntur, quæ hominum mentes densa caligine involutæ concipere non possunt: & speciatim in hac, quam nunc prosequimur, quæstione, multa sunt, quæ quibusdam Philosophis hisce rebus minus assuetis paradoxa & incredibilia videntur: nihil tamen exinde sequitur, quod vel contradictionem implicat, vel cuivis axiomati aut demonstrationi repugnat. Sed videamus, quas afferunt Philosophi Atomistæ, argutias. Prima est ea Epicuri; si continuum divisibile esset in infinitum, contineret infinitas numero partes, adeoque finitum contineret infinitum, quod est absurdum. At rogo ut terminos suos explicent, & dicant quid per has voces intelligunt, *in-*
fini.

finitum non posse contineri in finito; si dicant infinitam magnitudinem non posse in magnitudine finita contineri, hoc lubenter concedam; at hujus contrarium non sequitur ex ea, quam proposuimus, doctrinâ; nec unquam illud necessariâ consequentiâ exinde deducere possunt. Si dicant partes numero infinitas, & infinite exiguas, non posse finitâ magnitudine contineri, hoc illud ipsum est quod iis probandum incumbit. Non, ut opinor, dicent ipsis absque ratione credendum esse; nec illud tanquam propositionem per se claram inter axiomata reponent, cujus contrarium tot validis rationibus demonstrari potest. Urgeant itaque partes numero infinitas infinitam magnitudinem componere: sed hoc rursus est Principium petere; illud enim ipsum est de quo disputamus, utrum scil. finita magnitudo potest habere partes numero infinitas? Certum enim est, quotcunque partes habeat, sive finitas, sive infinitas, eas suo toti æquari: sicut enim decem partes decimæ unitatis efficiunt unitatem, centum centesimæ unitatis partes simul sumptæ etiam unitatem component, & mille partium millesimarum in unum collectarum summa toto non major erit; ita etiam partes infinitæ infinitesimæ alicujus magnitudinis ipsam magnitudinem adæquant. Vel sic: sit linea AB divisa in partes centum; erunt omnes hæ simul sumptæ ipsi AB æquales: & eodem modo, si recta AB dividi intelligatur in mille partes, harum partium mille simul sumptæ magnitudinem nec majorem nec minorem ipsa AB component. Vel etiam, si divideretur recta AB in milliones, partes hæ rursus simul sumptæ toti AB erunt æquales; & universaliter, si sint duæ magnitudines AB & C, habeatque C eandem rationem ad AB quam habet unitas ad numerum quemvis N, erit quantitas C per numerum N multiplicata ipsi AB æqualis. Cum enim quantitates C. AB, unitas & numerus N sint proportionales, erunt extremæ in se invicem ductæ mediis in se invicem ductis æquales; at cum AB per unitatem multiplicata ipsi AB est æqualis (unitas enim nec multiplicatione auget, nec divisione minuit) erit quantitas C per N numerum

TAB. I,
fig. 7.

multiplicata ipsi AB æqualis : Quantumvis igitur magnus
 five parvus sit numerus N, hic multiplicans quantitatem C
 faciet semper productum ipsi AB æqualem, modo C talis
 sit quantitas ut ad AB eandem habeat proportionem quam
 habet unitas ad dictum numerum N. Adeoque si N sit nu-
 merus infinitus, & C pars rectæ AB infinitesima, hoc est,
 si eandem habeat quantitas C rationem ad AB quam habet
 unitas ad numerum infinitum N, est etiam quantitas C per
 numerum infinitum N multiplicata, hoc est infinities sum-
 pta, quantitati AB æqualis, nec eâ major, sicut nec minor
 esse potest. Si igitur partium magnitudo eadem ratione di-
 minuatur, qua earum numerus augetur, totum ex hisce
 omnibus partibus conflatum idem manebit; nec æstimanda
 est quantitas aliqua ex partium numero, sed ex earum nu-
 mero & magnitudine conjunctim; adeoque si partes infinite
 parvæ sint, necesse erit ut earum multitudo sit infinite ma-
 gna, priusquam quantitatem quamvis dabilem exsuperare
 possunt. Sed præterea, plura possumus proferre exempla
 tam ex Arithmetica, quam ex Geometria, ubi, ipsis faten-
 tibus adversariis, partium numerus erit infinitus, at ipsa ma-
 gnitudo ex partibus istis infinitis composita finita erit. Sit
 primum exemplum series infinita numerorum in ratione qua-
 vis decrefcentium, quæ finito adæquatur numero v. g.
 $\frac{1}{2}, \frac{1}{4}, \frac{1}{8}, \frac{1}{16}, \frac{1}{32}, \frac{1}{64}$ &c. Hujus seriei in infinitum continuatæ sum-
 ma erit unitati æqualis; at cum in infinitum extenditur se-
 ries, erunt ejus termini numero infiniti; quare in hoc casu
 partes quantitatis numero infinitæ finitam efficiunt quantita-
 tem. Similiter & hujus seriei summa $\frac{1}{3}, \frac{1}{9}, \frac{1}{27}, \frac{1}{81}$, &c. cum in
 infinitum continuatur æqualis erit parti uni secundæ seu uni-
 tatis dimidio, ut in Arithmetica demonstratur; at nemo ne-
 gabit seriem hanc in infinitum continuatam infinitas partes
 habere; quare possunt dari partes quantitatis numero infini-
 tæ, quæ tamen unitatis partem dimidiam non exsuperant.
 Similiter in Geometria, notum est spatium posse dari infi-
 nite longum, quod tamen spatio finito perfecte adæquatur;
 hoc enim infinitis fere exemplis demonstraverunt Clarissimi
 Geometræ *Torricellius, Wallisius, Barovius* & alii, ex qui-
 bus

bus libet exempla quædam proferre: Et primo sit Curva ABCD talis naturæ ut si sumptæ fuerint in Asymptoto EH TAB. I.
fig. 8. rectæ EF, FG, GH, æquales, seu positis rectis EF, EG, EH in proportionem Arithmetica; & ad puncta E, F, G, H ordinatim applicentur rectæ AE, BF, CG, DH, sint ordinatæ hæ in proportionem Geometricâ: curva ABCD dicitur curva Logarithmica, & spatium interminabile inter Asymptoton & curvam infinite productas contentum, æquale erit spatio finito, ut à Clarissimo *Barovio* in Lectionibus Geometricis demonstratur; ex qua potest colligi supra nominata proprietas numerorum in proportionem quavis Geometrica decrescentium. Sed ut hoc ad propositum nostrum applicemus; nemo non agnoscat in spatio interminabili HGFEABCD, quod infinite longum est, esse partes numero infinitas; at omnes illas spatii partes esse spatio finito æquales demonstrant Geometræ; quare sunt aliquæ partes spatii numero infinitæ, quæ non spatium infinitum sed finitum conficere possunt. Eodem modo, in Hyperbolis omnibus, Apollonianâ exceptâ, erit area inter curvam & Asymptoton infinite protensas perfecte quadrabilis, & area finitæ æqualis; sed in areis hisce omnibus sunt partes numero infinitæ, quare erunt partes numero infinitæ æquales quantitati finitæ. Præterea, in Hyperbola Apolloniana CAB, etsi area interminabilis inter curvam AB & Asymptoton EF in infinitum protensas contenta, sit area infinita, seu qualibet finitâ major; si tamen area illa infinita circa Asymptoton suam revolvatur, generabitur solidum seu corpus vere infinite longum, quod tamen æquale erit solido seu corpori finito; ut elegantissime à *Torricellio* demonstratum est, qui solidum hoc Hyperbolicum acutum nominavit: at in hoc solido sunt partes numero infinitæ, cum scilicet infinite longum est; ergo partes corporis numero infinitæ finitum component corpus. Alia innumera proferre possumus hujus rei exempla, sed diutius fortasse, quam par est, huic objectioni refellendæ immorati sumus.

2do Objiciunt Atomistæ; si quantitas omnis est divisibilis in infinitum, magnitudo quævis minima æquabitur maxi-

mæ, cum scil. tot partes habet minima quot maxima. Qualis, quæso, est hæc consequentia? An quia ulna *Anglicana* dividi potest in centum partes, & pes Anglicanus etiam dividi potest in centum partes, ideo sequitur pedem ulnæ æquari? At ovum ovo non similis invenietur, quam est hæc argumentatio illorum objectioni; quæ falsissima innititur hypothefi, qua magnitudines volunt solum per partium numerum; non item per earum quantitates esse mensurandas.

Ulterius objiciunt; si pes dividatur in infinitas partes æquales, & ulna etiam ita dividatur, ut pars unaquæque ulnæ sit æqualis parti cuiusvis pedis, erit numerus partium in ulna triplus numeri partium in pede; unde cum numerus partium in pede sit infinitus, erit numerus partium in ulna istius numeri infiniti triplus, & inde daretur infinitum triplo majus. At unde notum est illis hoc esse absurdum? An contradicit axiomatici alicui vulgo recepto? Nequaquam mehercule; nullum enim est axioma quod omnia infinita æqualia ponit. Nec infiniti naturæ repugnat ut ab alio infinito superetur: nam si detur infinitum, infinita v. g. linea, erunt in ea infinita milliaria, plura stadia & multo plures pedes. Sic in spatio, quod undique extensum imaginamur, si duæ lineæ parallelæ in infinitum producantur, erit area ab hisce rectis comprehensa revera area infinita, eo quod omnem aream finitam seu undique clausam superat; erunt igitur in eâ infinita jugera, plures perticæ quadratæ, & multo plures pedes quadrati; rursus, si intra has lineas ducatur recta utrivis earum parallela, dividet hæc linea priorem aream in duas areas etiam infinitas; quæ igitur simul sumptæ priori infinito adæquantur. Non igitur naturæ infiniti repugnat, illud posse ab alio infinito excedi, per aliud multiplicari, & in alia etiamnum infinita dividi; hæc, inquam, nullo modo repugnant, sed ex ipsius rei natura facillime sequuntur; imo nemo est, qui infinitum spatium concedit, quin simul agnoscere cogatur istius spatii in alia infinita divisibilitatem.

Aliud petunt argumentum contra infinitam materiæ divisibilitatem ex omnipotentia divina. Dicunt enim Deum posse

se continuum quodvis in partes suas infinitesimas resolvere, atque partes hasce a se invicem separare: sed si hoc fiat, daretur pars ultima, & divisibilitas continui tandem exhauriretur; ergo continuum non in infinitum sectile est. Respondeo proculdubio Deum posse quicquid est possibile, aut quod immutabili ipsius naturæ non repugnat; at cum hæcenus demonstravimus nullam dari posse materiæ particulam utcunque parvam, quæ non iterum secari potest in infinitas alias etiam particulas; liquet exinde Deum non posse ita secare materiam, ut detur pars ultima indivisibilis. Si enim ad hoc se extenderet potentia Divina, posset Deus aliquid quod contradictionem involveret, vel quod immutabili ipsius Essentiæ repugnaret. Sed ulterius urgent, si quantitas omnis sit divisibilis in infinitum, & partes actu sint in continuo, dabitur actu pars infinitè parva, adeoque ulterius non divisibilis. Respondeo primo; possum cum *Aristotele* negare esse partes actu in continuo, & inde corrueret eorum argumentum quod ut demonstrationem invictam tantopere prædicant. 2do. Concedamus illis partes esse actu in continuo, concedamus esse partes infinitè parvas & indivisibiles, concedamus denique argumentum, nihil tamen exinde infertur contra quantitatis non infinite parvæ continuam & in infinitum divisibilitatem; hæc in argumento supponitur, at non refellitur; an quia pars continui infinite parva non est ulterius divisibilis, ideo sequitur partem datam, seu partem non infinitè parvam, etiam non esse ulterius divisibilem? Si aliquid exinde sequatur, sequitur continuam omnem quantitatem in partes infinitè parvas posse resolvi, adeoque continuum esse in infinitum divisibile. Sed tertia & vera responsio sit; negando esse partes in continuo adeo minutas seu parvas, ut nequeant esse ulterius divisibiles; & quamvis darentur partes infinitè exiguæ, vel tales quæ eandem habent proportionem ad sua tota quam numerus finitus ad infinitum, vel spatium finitum ad infinitum; negamus tamen hasce partes non esse ulterius divisibiles: sed cum ipsæ sunt extensæ, erunt etiam divisibiles non tantum in duas, tres vel plures partes, sed etiam quælibet potest in infinitum secari: quantitatis

titatis infinite parvæ partes numero infinitæ, infinitesimæ infinitesimarum seu Fluxiones Fluxionum à Geometris dici solent, à quibus adhibentur ad plura problemata aliàs intricatissima solvenda. Præterea, & harum Fluxionum dantur & aliæ Fluxiones seu partes suis totis infinite minores, & harum rursus partium erunt aliæ partes, atque sic quousque libet progredi licebit. Non dissimulo ob humani ingenii imbecillitatem hoc conceptu esse difficillimum; non ideo tamen deferenda est veritas validissimis suffulta argumentis, præsertim cum quædam sunt, quæ à tenui nostro intellectu difficulter admodum capiuntur, quæ tamen esse certissime novimus. Exempla possumus comparare plurima, at ea tantum adducemus quæ ad rem propositam illustrandam inferviunt; quibus ostendemus esse quantitates infinite minores aliis datis quantitatibus, quæ tamen erunt aliis infinite majores; ita, si dentur quædam quantitates infinite parvæ, erunt quædam etiam quantitates his infinite minores, & rursus his ultimis fieri possunt aliæ infinite minores, & sic semper deinceps usque ad infinitum.

TAB. I.
fig. 10.

Primo igitur, sic probamus dari quantitates, quæ quantitatibus infinite parvis sunt infinite minores; sit circulus ABF, cujus diameter AB, sitque BF pars peripheriæ infinite parva, cujus proinde chorda erit etiam infinite parva, hoc est, chorda BF, ad magnitudinem quamvis determinatam, v. g. ad circuli diametrum AB, eam habebit proportionem, quam habet magnitudo quævis finita ad infinitam. Demissa intelligatur à puncto F ad AB, perpendicularis FG; erit BG recta BF infinite minor. Ducatur enim AF, eritque angulus AFB in semicirculo rectus. Adeoque in triangulo AFB rectangulo ad F, ob demissam in basim AB perpendicularem FG, erit, per 8^{vam} 6^{ti} El. AB ad BF ut BF ad BG. Sed, ex hypothesi, AB infinite major est quam BF, quare erit & BF infinite major quam BG; erit igitur quantitas, quæ, etsi aliâ datâ quantitate sit infinite minor, alia tamen quantitate infinite major erit.

Sic etiam in circulo notum est, Sinum cujuslibet arcus esse suo arcu minorem, Tangentem vero esse arcu majorem,
&

& proinde tangens arcus erit etiam ejusdem sinu major. Sit itaque in circulo, cujus centrum C, & diameter AB, arcus TAB. I.
fig. 11. infinite parvus BF, cujus tangens sit BE, sinus rectus GF, & sinus versus GB; per F ducatur FH ad AB parallela, erit HE æqualis differentiæ sinus recti FG & tangentis BE, quæ ex jam ostensis non est omnino nihil. Jam in triangulis CBE, FHE æquiangulis, ob angulos ad H & B rectos & E communem, erit, per 4^{am} 6^{ti}, CB ad BE sicut FH est ad HE: sed ex hypothesi CB infinite major est quam BE; quare erit & FH infinite major quam HE: id est, in præsentī casu, erit BG sinus versus arcus infinite parvi infinite major quam differentia inter sinum rectum & tangentem ejusdem arcus. Cum igitur CB sit infinite major quam BE, & BE, ut superius demonstratum est, sit infinite major quam BG, & rursus, per jam ostensa, BG infinite major quam HE, liquet propositum.

Ad uberiores hujus doctrinæ illustrationem, aliud libet afferre exemplum, quod à summo illo Philosopho & Geometra *Newtono* deprompsimus, in Scholio sectionis primæ *Philosophiæ Natur.* Sit curva AC Parabola Apolloniana, TAB. I.
fig. 12. cujus axis AB, & AE tangens in vertice A. Demonstrant scriptores Conici, ut in circulo, sic etiam in Parabola, angulum contactus EAC esse angulo quovis rectilineo infinite minorem. Ad eundem jam axem AB & verticem A, describi intelligatur alterius generis parabola, cubicalis scil. cujus ordinatim applicatæ crescunt in subtriplicata ratione interceptarum; erit angulus contactus FAD angulo contactus Parabolæ FAC infinite minor; vel quod idem est, nullæ sunt Parabolæ Apollonianæ, vel nulli circuli, quantumvis magna Parametro describantur, qui inter Parabolam cubicalem & ejus ad verticem Tangentem duci possunt; quod facile sic demonstratur. Dicatur Parabolæ Apollonianæ AC Parameter a ; Parabolæ cubicalis AD Parameter sit b ; accipiatur in Tangente punctum E tale, ut sit AE rectis a & b tertia proportionalis, hoc est, ut sit $a \propto AE = b^2$; per punctum quodlibet F medium inter A & E ducatur FD ad axem parallela, curvæ AD occurrens in D; ducatur BCD ad tangentem pa-
F ral-

rallela, & vocetur BD, in parabola AD ordinatim applicata, z ; BC autem, ordinata in parabola AC, sit y ; & intercepta AB sit x : Erit ex natura harum curvarum $ax = y^2$, & $b^2 x = z^3$, adeoque $\frac{y^2}{a} = x = \frac{z^3}{b^2}$; unde $b^2 y^2 = az^3$, & igitur reducendo hanc æquationem ad analogiam, $b^2 : az :: z^2 : y^2$, hoc est, b^2 feu $a \propto$ AE est ad az feu $a \propto$ BD vel $a \propto$ AF, ut BD^2 ad BC^2 : sed est $a \propto$ AE major quam $a \propto$ AF, quare erit BD^2 major quam BC^2 , & proinde BD major quam BC; punctum igitur C cadit intra parabolam AD. Idem verum est de omnibus ordinatis BC, quæ sunt recta AE minores; adeoque portio Parabolæ Apollonianæ AC ad verticem cadit intra Parabolam cubicalem. Eadem de quavis alia parabola Apolloniana est demonstratio; adeoque nulla potest duci parabola, & proinde nullus circulus (qui semper alicui parabolæ est æquicurvus) inter parabolam cubicalem & ejus ad verticem Tangentem.

Quantumvis igitur diminuatur angulus contactus parabolicus vel circularis, erit tamen angulo contactus ad verticem parabolæ cubicalis major; ideoque erit quivis datus angulus contactus circularis vel parabolicus angulo contactus ad verticem parabolæ cubicalis infinite major; quantitas enim alterâ infinite major est, quæ quantumvis diminuta alteram illam semper superat.

Adhuc, ad eundem axem & verticem, describi intelligatur alia curva parabolica AG, cujus ordinatim applicata quævis crescat semper in subquadruplicata ratione interceptæ; erit angulus contactus FAG angulo FAD infinite minor; quod ratiocinio priori haud dissimili demonstrare facile est. Eodem modo ad eundem axem & verticem, potest alia describi curva parabolica AH, cujus ordinatim applicatæ crescunt in subquintuplicata ratione interceptarum, in qua sit angulus contactus FAH angulo FAG infinite minor; atque sic progredi licebit in infinitum, semper assignando alias atque alias figuras parabolicas, quarum anguli contactus infinite à se invicem differant: scil. erit angulus FAC infinite minor angulo quovis rectilineo, & angulus FAD infinite

te minor angulo FAC, & angulus FAG infinite minor angulo FAD: atque sic habebitur series angulorum contactuum in infinitum pergentium, quorum quilibet posterior est infinite minor priore; imo inter duos quoslibet angulos, alii interferi possunt anguli innumeri, qui sese infinite superant. Sed & inter duos quosvis ex hisce angulis, potest series in infinitum pergens angulorum intermediarum interferi, quorum quilibet posterior erit infinite minor priore. Quin etiam possunt esse anguli innumeri angulo contactus circulari infinite majores, qui tamen erunt angulo rectilineo infinite minores: Atque sic progreditur in infinitum; *neque novit natura limitem.*

Hæc adhibui exempla, ut videant adversarii, immane quantum discedunt à veris rerum naturis eorum de rebus ipsis speculationes.

LECTIO V.

De Materiae Subtilitate.

POSTquam infinitam materiae divisibilitatem validissimis (ut nobis videtur) propugnaverimus rationibus; objectionibus, quæ alicujus momenti sunt, prostratis prorsus & deletis; restat, ut mirandam naturæ subtilitatem, & minutissimas illas particulas, in quas materia actu dividitur, vel ex quibus componitur, paulisper contemplemur; has quidem undique comparatis exemplis, ante oculos vestros poni, sensibus obverti, & ipsarum exilitatem calculo ostendi, facillimum foret: Nos autem pauca tantum proferemus.

Et primo, ex summa auri ductilitate, exiguum partium ipsius molem computatione collegerunt Doctissimi viri, *Robaustus* Gallus in *Tractatu suo Physico*; Nobilis *Boyleus*, nostras, in libro de *Effluviis*; & nuper Clarissimus *Halleius* in *Actis Philosophicis* numero 194. *Halleius* quidem demonstravit unum auri granum in 10000 partes visibiles posse fecari; adeoque cum unum auri granum æquale sit circiter

²¹
 ————— unius digiti cubici, sequitur unum digitum cubicum
 100000

auri dividi posse in partes 47619047; quæ omnes erunt nudo oculo satis spectabiles.

Computavit præterea *Halleius* crassitiem istius lamellæ aureæ, quæ super argentea fila ab artificibus inducitur; invenitque eam ———^I digiti non excedere; hoc est, si digitus

longus dividatur in partes 124500^{I24500}, crassities istius lamellæ unam harum partium vix adæquabit, adeoque cubus partis centesimæ unius digiti, vel, quod idem est, digiti cubici pars

—————^I potest continere 243 000 000 talium particularum.
1000 000

Alia experimenta quamplurima tradit de hac re Insignis ille & nobilis Philosophus *Robertus Boyle*, in præfato libro *De Natura & Subtilitate Effluviorum*; quorum unum aut alterum hic adducere liceat. Et primo, dissolvit unum cupri granum in spiritu salis *Armoniaci*; & inde orta solutio, cum aqua distillata mixta, tincturam coeruleam saturam valde atque conspicuam largita est granis aquæ 28534; unde, cum aquæ quantitas, cujus pondus est unius grani, æqualis sit

—————³⁷ unius digiti cubici, erunt grana aquæ 28534 magnitudine æqualia digitis cubicis 105, 57.
10000

Cum igitur unum cupri granum potest colorem coeruleum tantæ aquarum copię communicare, necesse erit ut sit pars aliqua hujus cupri in parte quavis visibili prædictæ aquarum copię; adeoque quot sunt partes in ea aquæ quantitate oculo visibiles, in tot ad minimum partes divisum erat unum cupri granum; at visu sensibilis est linea, cujus longitudo est pars digiti centesima, adeoque ejus lineæ quadratum aut cubus adhuc multo magis erit visu dignoscibilis: quare cum cubus cujus latus est pars digiti longi centesima, sit pars digiti cubici millionesima

—————^I, sequitur ad minimum in digitis cubicis aquæ 105, 57 esse partes sensu distinguibiles 105 570 000.
1 000 000

adeoque per prædictam solutionem in tot ad minimum partes dividetur

cupri granum. Est vero magnitudo unius cupri grani æqualis digiti partibus circiter $\frac{55}{100\ 000}$, adeoque cum digitus cubi-

cus contineat propemodum 20000 talium particularum, hinc sequitur digitum cupri cubicum in partes 2 111 400 000 000 actu posse resolvi: Et si accipiatur minutissima arenula, talis sc. ut ejus diameter sit pars digiti centesima, vel quod tantundem est, ut ipsa arenula sit pars digiti millionesima, hæc duos miliones centum & undecim millia & quadringenti, seu 2111400 particularum, in quas divisum est cuprum, continebit.

Secundum, quod proponimus, exemplum ex sequentibus ducitur principiis.

Omnes recentiores consentiunt Philosophi, odores oriri à profluviiis ex corpore odorifero prodeuntibus, & undique in medio dispersis, quæ ope spiritus, quem per nares trahimus, in nervos olfactorios irruunt, eos irritant, atque sic sensorium afficiunt; unde sequitur, in quocunque loco odor cujusvis corporis sentitur, in eo esse aliquas particulas corporis odoriferi sensum afficientes. At plurima sunt corpora odora, quæ ad distantiam quinque pedum facile olent, & sensum olfactorium movent; erunt igitur per omne illud spatium quædam corporis odori diffusæ particulæ, ita scil. ut ubicunque in eo spatium ponantur nares, ibi aliqua esse corporis odoriferi effluvia necesse sit; saltem quædam erunt in ea aëris quantitate, quæ simul per inspirationem intra nares ducitur. Ponamus igitur esse unam tantum corporis odori particulam in unaquaque istius spatii parte, quæ digiti cubici partem quartam magnitudine adæquat: quamvis verisimile sit, effluvia tam rara vix sensum afficere posse, nolumus tamen plura assumere; tot igitur ad minimum erunt particulæ odorem producentes, quot sunt in sphaera, cujus semidiameter est quinque pedum, spatiola, quorum unumquodque æquale est digiti cubici parti quartæ: At in illa sphaera sunt ejusmodi spatiola numero 57 839 616; tot erunt igitur in illo spatium particulæ odorem producentes.

Utcunque igitur definito effluviorum numero, progre-

diamur ad eorum magnitudinem determinandam. Cum quantum effluviorum à corpore quovis decedit, tantum necesse erit ut corpus illud de pondere suo amittat; erit pondus effluviorum omnium, in dato quovis tempore, à corpore odorifero pròdeuntium æquale ponderi partis eo in tempore amissæ. Jam per experimenta comprobavit *Boyleus* determinatam quandam Assæ foetidæ massam aperto aëri expositam, sex dierum spatio, grani partem octavam de suo pondere amisisse: cum vero continuus est effluviorum à corpore odorifero effluxus, patet oportere eum semper tempori proportionalem esse, adeoque tempore unius minuti primi erit pondus effluviorum ab Assa foetida decidentium æquale grani

parti $\frac{1}{69\ 120}$ Est autem magnitudo particulæ aqueæ, cujus

pondus est unius grani, æqualis digiti cubici partibus $\frac{369}{100\ 000}$,

& proinde ejusdem aquæ particula, cujus pondus est pars

grani $\frac{1}{69\ 120}$, magnitudine æqualis erit partibus digiti cubici

$\frac{533}{10\ 000\ 000\ 000}$: Atqui est gravitas Assæ foetidæ ad aquæ gra-

vitatem (ut ipse expertus sum) ut 8 ad 7, & proinde magnitudo quantitatis Assæ foetidæ, cujus pondus est u-

nus grani pars $\frac{1}{69\ 120}$, æqualis erit partibus digiti cubici

$\frac{466}{10\ 000\ 000\ 000}$; sed effluviorum omnium numerus supra in-

ventus ponitur 57 839 616, adeoque cum omnia hæc efflu-

via digiti cubici partes $\frac{466}{10\ 000\ 000\ 000}$ tantum adæquant, e-

rit unaquæque particula æqualis digiti cubici partibus

$\frac{466}{578\ 396\ 160\ 000\ 000\ 000}$; seu reducendo hanc fractionem ad

deci-

fitas, earum numerus per rectas innumeras EQ, m R, DH, &c. parallelogrammum AH complentes, hoc est, per ipsum parallelogrammum AH, exponi possit. Cum vero numerus particularum, in accessu ad centrum, supponatur crescere in ratione distantiae diminutae duplicata; ad puncta E, m , D, & alia innumera in recta AB sumpta, erigantur perpendiculara EL, mn , DC, quae sint ad AG, ut quadratum rectae AB ad quadrata rectarum EB, m B, DB &c. respective; & per puncta G, L, n , C, & alia innumera eodem modo determinata ducatur Curva; si jam AG repraesentet numerum particularum ad distantiam AB, EL repraesentabit earum numerum ad distantiam EB, posito quod particularum densitates sunt reciproce in duplicata ratione distantiarum à centro: at EQ ipsarum numerum denotasset, si ubique eadem fuisset earundem densitas; eodem modo mn exponet densitatem particularum ad distantiam m B; at m R ipsarum numerum repraesentasset, si ubique uniformiter spissae essent: sic etiam DC denotabit numerum particularum ad distantiam DB positarum; si vero ubique aequaliter densae essent, numerus ille per DH repraesentandus foret: adeoque tota multitudo particularum, quae à sphaera DBO profluunt, & quarum densitas decrescit prout recedunt à centro in ratione distantiae auctae duplicata, est ad earum multitudinem, si ubique ipsarum densitas ea esset, quae est ad extremam distantiam AB quinque pedum, ut rectae omnes DC, mn , EL, AG ad rectas DH, m R, EQ, AG; hoc est, ut area mixtilinea ADCG ad aream rectanguli GADH.

Eo igitur res reducta est, ut inquiramus proportionem, quam habet area GADC ad aream rectanguli AH. Cum autem est Curva GL n C talis naturae, ut rectae AG, EL, mn , DC ordinatim ad Asymptoton AB applicatae sunt reciproce ut quadrata distantiarum à centro; erit curva haec generis hyperbolici, & spatium interminabile CFBTS componitur ex elementis, quae sunt secundanorum reciproca; adeoque erit illud spatium, etiamsi interminabile, perfecte quadrabile & aequale duplo rectanguli CB; per ea quae demonstravit *Wallisius* in *Arithmetica Infinitorum*. Adeoque erit area interminabilis,

nabilis, seu indefinite protensa, CDTs ipsi CB rectangulo æqualis; & eodem modo area indefinite protensa GATS æqualis erit rectangulo GB; erit itaque excessus, quo area CDTs superat aream GATS, æqualis excessui quo parallelogrammum CB superat parallelogrammum GB. Investigemus igitur horum rectangulorum differentiam. Cum ex hyp. sit AD 60 digitorum & BD trium, erit AB 63 digitorum; sitque AG unitas: cumque sit, ut DB^2 ad AB^2 ita AG ad CD, hoc est, ut 9 ad 3969, erit CD partium 441 qualium AG est 1; adeoque CD \propto DB, seu rectangulum CB, erit ad rectangulum BG, ut 1323 ad 63; & proinde rectangulorum differentia, hoc est area GADC, erit partium 1260, qualium scil. rectangulum AH est 60. Adeoque numerus particularum ex Assa foetida prodeuntium, quarum densitates decrescunt in duplicata ratione distantiae auctæ, & intra sphaeram cujus diameter est 5 pedum contentarum, est ad earundem numerum, (si ubique earum densitas est æqualis ei quæ fit ad distantiam quinque pedum) ut 1260 ad 60; hoc est, ut 21 ad 1; si igitur numerus supra inventus 57839616 per 21 multiplicetur, productus dabit numerum particularum ex Assa foetida prodeuntium, scilicet 1 214 631 936.

Præterea si fractio $\frac{8}{10\ 000\ 000\ 000\ 000\ 000}$ quæ magnitudinem particularum in priore casu exprimebat, per 21 dividatur, quotiens $\frac{8}{210\ 000\ 000\ 000\ 000\ 000}$ seu $\frac{38}{1\ 000\ 000\ 000\ 000\ 000\ 000}$ exhibet veram magnitudinem uniuscujusque particulæ, in hoc posteriore casu.

Hæc omnia ex eo sequuntur, quod homo potest Assæ foetidæ odorem ad distantiam quinque pedum sentire: at sunt alia animalia, quorum sensus in odorando humanis sensibus sunt multo acutiores, qualia in primis sunt canes venatici, qui ferarum effluvia in terra relicta, longo post decessum ferarum tempore, percipiunt; & aves quædam, quæ pulveris pyrii odorem ad magnam distantiam sentiant. Oportet certe ut istiusmodi effluviolorum subtilitas longe major sit ea,














G

quam

quam ex superiore calculo elicimus; at ob experimentorum defectum non potest ea facile ad numeros revocari.

Ut materiæ subtilitatem ulterius ostendant Philosophi, in exemplum adducunt animalcula illa, quæ in aliorum animalium femine, & in aliis liquoribus natantia conspiciuntur. Hæc quidem in quibusdam fluidis adeo minuscule sunt, ut per microscopia objectum multum augmenta visa ut puncta appareant. Imo solertissimus ille naturæ indagator *Leeuwenhoekius* plura horum animalculorum in lactibus unius *Afelli* deprehendit, quam sunt homines in tota terreni globi superficie degentes. Sed lubet horum animalculorum magnitudinem veram investigare: Ad quod præstandum sequentia ex Opticis suppono; Primo, Imaginem cujusvis objecti sub eodem angulo ex vertice emersionis lentis apparere, quo visibile ex vertice incidentiæ; hoc in *Cl. Gregorii Elementis Dioptricis Prop. 18.* demonstratum est. 2^{do}. Per experientiam comprobatum est ea objecta, quæ tanquam puncta videntur, hoc est, quorum partes à se invicem visu distinguere nequeunt, sub angulo uno minuto primo non majori apparere. 3^{tio}. Satis experiendo constat pleraque istiusmodi animalculorum tantillæ esse magnitudinis, ut per lentem visa, cujus distantia focalis est pars digiti decima, tanquam puncta appareant; hoc est, eorum partes nequeunt discerni; adeoque sub angulo uno minuto primo non majori ex vertice istius lentis apparebunt. Eo igitur deventum est, ut investigemus magnitudinem objecti, quod sub angulo dato ad datam distantiam apparet; hoc est, si in præsentī casu, sit

TAB. I.
fig. 13. C vertex lentis, AB longitudo animalculi, BC ejus distantia à lente, æqualis scil. $\frac{1}{10}$ digiti, & angulus BCA sub quo ad illam distantiam videtur sit unius scrupuli; ex datis BC & angulo BCA invenienda est AB longitudo objecti. Jam in triangulo rectangulo ABC, ex datis (præter angulum ad B rectum) angulo BCA unius minuti primi, & latere BC æquali parti decimæ, per Trigonometriam innotescet latus AB æquale quam proxime $\frac{3}{100000}$ unius digiti. Si igitur animalcula illa essent figuræ cubicæ, ejusdem scil. longitudinis,



nis, crassitie & latitudinis; ipsorum magnitudo per cubum fractionis $\frac{3}{100\ 000}$ exprimenda esset; scil. per numerum

$\frac{27}{1\ 000\ 000\ 000\ 000\ 000}$; æquale scil. esset unumquodque viginti septem partibus mille-billionesimis digiti cubici.

Hinc, quod quidam Philosophi de Angelis somniarunt verum erit de nostris animalculis, nempe posse multa eorum millia super parvæ aciculæ cuspidem saltitare.

Hinc etiam colligitur quantum est intervallum, quantilla intercedit proportio inter minima hæc natantia animalia & illa maxima, immanes nempe Balænas, quæ in oceano montium instar apparent, quoties ex aquis sua capita emergunt. Sunt enim in quibusdam liquoribus animalcula tantillæ magnitudinis, ut si calculus ineatur, invenietur ingentem terræ molem non satis amplam futuram, ut sit tertia proportionalis minutissimis his animalibus natantibus, & vastis Oceani Cetis: adeo ut ipsa terra, utcunque magna videatur, minorem tamen deprehenditur habere rationem ad pisces hos maximos, quam hi ad illos minimos, qui in animalium femine natantes per microscopia conspiciuntur.

Cum animalculum quodvis sit corpus organicum, perpendamus paulisper, quam delicatulæ & subtiles esse debent partes ad ipsum constituendum, & ad vitalem actionem conservandam, necessariæ. Haud mehercule facile concipitur, quo pacto in tam angusto spatiolo comprehendi possint, cor quod ipsius vitæ fons est, muscoli ad motum necessarii, glandulæ ad liquores secernendos, ventriculus & intestina ad alimenta digerenda, & alia membra innumera sine quibus animal esse non potest. Sed cum singula memorata membra sunt etiam corpora organica, alias etiam habebunt partes ad suas actiones necessarias. Constabunt enim ex fibris, membranulis, tunicis, venis, arteriis, nervis & hisce similibus canaliculis numero fere infinitis, quorum exilitas imaginationis vires superare videtur. At his infinite propemodum minores esse debent partes fluidi, quod per

canaliculos hosce decurrit, nempe sanguis, lymphæ & spiritus animales, quorum in grandioribus animalibus incredibilis est subtilitas.

Libet crassiores sanguinis partes in his animalculis contemplari, globulos nempe qui in sanguine natant, ipsorumque magnitudinem calculo eruere.

Ad quod præstandum sequentem adhibebimus hypothesein; nempe quod diversorum animalium similes partes solidæ, hoc est, similes particulæ corporeæ, seu partes trina dimensione constantes, sunt ut ipsorum animalium magnitudines. Unde sequitur diversorum animalium similes dimensiones lineares esse in subtriplicata ratione magnitudinum animalium; hoc est, ut harum magnitudinum radices cubicæ: *v. g.* Cor humanum est ad cor animalculi cujuscvis, per microscopium visi, ut ipsum corpus humanum ad corpus animalculi; & proinde, si utriusque corda sint corpora similia, erit diameter unius ad alterius diametrum, ut radix cubica magnitudinis unius ad radicem cubicam alterius magnitudinis. Sic etiam vasa sanguifera minima in homine sunt ad vasa similia minima in animalculo, ut magnitudo hominis ad animalculi magnitudinem; & diameter vasis minimi in corpore humano erit ad diametrum vasis minimi in corpore animalculi, ut radix cubica magnitudinis humanæ ad radicem cubicam magnitudinis animalculi.

Ponamus jam hominis medioeris magnitudinem esse trium pedum cubicorum, seu digitorum 5184: ut igitur magnitudo hominis medioeris seu digiti cubici 5184 ad magnitudinem animalculi superius traditam, æqualem nempe digiti

cubici partibus, $\frac{27}{1\ 000\ 000\ 000\ 000\ 000}$ ita vasa minima in

corpore humano ad similia vasa minima in animalculo; & ut radix cubica magnitudinis humanæ, seu ut radix cubica numeri 5184 ad radicem cubicam magnitudinis animalculi, seu

ad radicem cubicam numeri $\frac{27}{1\ 000\ 000\ 000\ 000\ 000}$, hoc est,

quam proxime ut 17 ad $\frac{3}{100\ 000}$, ita diameter vasis minimi

in

in corpore humano ad diametrum vasis minimi in animalculo. Verum Cl. *Leeuwenhoekius* istiusmodi vasa in corpore humano detexit ope microscopii, ut posita diametro unius arenulæ $\frac{1}{30}$ digiti; hæc containeret 2640 diametros talium vasculorum, quæ in humano corpore conspexit; adeoque erit diameter unius

hujusmodi vasculorum æqualis $\frac{1}{2640} \times \frac{1}{30}$ digiti, hoc est, æ-

qualis digiti parti $\frac{1}{79200}$: Et quamvis certum sit, hæc vasa

non fuisse minima eorum quæ sunt in corpore humano, nam
& alia hisce multo minora ibi esse oportere facile est osten-
dere; ponamus tamen ipsa fuisse minima. Fiat igitur ut 17 ad

$\frac{3}{100\ 000}$ ita $\frac{1}{79\ 200}$ ad alium numerum, numerus ille exprimet in partibus digiti diametrum vasis minimi in animalculo;

qui, operando per regulam Trium, invenitur $\frac{3}{134640000000}$.

Hæc fractio ad decimalem reducta erit quam proxime
 $\frac{22}{7}$; vel (ut numeros rotundos adhibeamus)

$\frac{2}{100\ 000\ 000\ 000}$. Cum autem necesse sit, ut diameter globuli

vel particulæ fluidi, quod in vase aliquo continetur, ipsa vasis diametro non sit major; erit diameter globuli sanguinei, qui per vasa hæc minima decurrit, non major digiti

partibus $\frac{2}{100\,000\,000\,000}$; adeoque ipsorum globulorum soliditas
 seu magnitudo minor erit cubo istius diametri, hoc est, minor e-

rit partibus digiti cubici

hoc est, erit globulorum magnitudo minor ea digiti cubici parte, quæ exprimitur per fractionem, cujus numerator est numerus octonarius, denominator vero est numerus decem-

quintillionarius, seu qui scribitur per unitatem cum triginta tribus cyphris post se.

Cum fractio, qua globulorum magnitudo exprimitur, tam numerosis constet cyphris, ut vera ipsorum quantitas cum minutissimis arenulis, talibus scil. ut ipsarum diametri digiti partem centesimam non excedant, & denique minimas has arenulas cum aliis maximis terræ corporibus, ingentibus *e. g.* Montibus; ut videamus qualem ad se invicem obtineant rationem, atque sic multo melius particularum exilitas intelligetur. Sed cur hac utar voce? Cum potius dicendum est, comparatione sic facta, illorum subtilitatem prorsus incomprehensibilem fore. Nam exinde colligitur, ne quidem decies mille ducentos quinquaginta & sex altissimos totius telluris montes posse continere tot arenulas, quot potest una arenula continere globulos animalculorum sanguineos. Non mirum erit, Academici, si ad hæc attonitis hæreatis animis, & re tam prodigiosâ perculsi ipsam materiæ infinitam divisibilitatem, etsi validissimis suffultam demonstrationibus, in dubium vocetis. Utcunque vero res hæc prima facie prorsus incredibilis videatur, ipsam nihilominus ex claris & facillimis principiis deducemus.

Ut facilius calculus ineatur, vocemus decimam pedis partem unum digitum, & ponamus centum arenulas juxta se positas spatium istius longitudinis digitalis occupare; vel, quod idem est, supponantur mille arenulæ contiguæ per longitudinem pedis extendi: erunt igitur in uno digito cubico arenulæ 1 000 000, & in pede cubico erunt arenulæ 1 000 000 000. Sit milliare unum seu mille passuum æquale 5000 pedibus, erunt pedes cubici in uno milliari cubico 125 000 000 000; adeoque arenularum numerus, quæ in uno milliari cubico contineri possunt, erit 125 000 000 000 000 000 000.

Jam ut montium dimensiones habeamus, sumamus altissimum, ut vulgo creditur, totius telluris montem, eum nempe qui in Insula *Teneriffa* est, & *El. Pico de Terrario* dicitur, cujus altitudo perpendicularis vulgo æstimatur trium milliarium *Italicorum*. Supponamus montem hunc esse figuræ conicæ,

nicæ, atque hujus circuitum ad basim esse triginta & quinque milliarium, erit area basis 97, 5 circiter milliarium: nam ut 314 ad 100, hoc est, ut circuli circumferentia ad diametrum, ita 35 ad 11, 14 diametrum seu montis crassitiem ad basim; cujus pars quarta 2, 785 ducta in peripheriam 35 dat aream basis, æqualem scil. 97, 5 milliaribus quadratis; cum igitur mons ex hyp. sit figuræ conicæ, si basis in tertiam altitudinis partem multiplicetur, productus in milliaribus cubicis exhibebit ipsius montis contentum solidum; atque tertia pars altitudinis ex hypothesi æqualis est uni milliari, qui multiplicans numerum 97, 5, productus seu montis soliditas erit æqualis milliaribus cubicis 97, 5; qui numerus si rursus multiplicetur per 125 000 000 000 000 000 000, productus seu numerus 12 187 500 000 000 000 000 000 exhibebit numerum arenularum ex quibus mons Insulæ *Teneriffæ* componi possit.

Hiscæ investigatis, videamus quot particulæ seu sanguinei globuli in una arenula contineri possunt. Ex supra monstratis uniuscujusque globuli magnitudo minor est digiti cubici

partibus $\frac{1}{8}$ -----; & ma-

1 000 000 000 000 000 000 000 000 000 000

gnitudo unius arenulæ æqualis est digiti cubici parti $\frac{1}{1\,000\,000}$ -----;

adeoque si posterior hic numerus per priorem dividatur,

1 000 000 000 000 000 000 000 000 000 000

quotiens ----- seu

8 000 000

1 000 000 000 000 000 000 000 000 000

-----, hoc est,

3

125 000 000 000 000 000 000 000 000, minor erit numero globulorum sanguinis, qui in magnitudine unius arenulæ contineri possunt; sed numerus hic

125 000 000 000 000 000 000 000 000 divisus per

12 187 500 000 000 000 000 000 numerum arenularum,

quæ in monte Insulæ *Teneriffæ* contineri possunt, quotiens major erit quam numerus 10 256; adeoque una arenula

plur-

plusquam decem-millies ducenties quinquagesies & sexies plures globulos sanguineos in se continere potest, quam altissimus totius telluris mons arenulas: vel, quod idem est, decem mille ducenti quinquaginta & sex montes, quorum unusquisque æqualis est altissimo totius telluris monti, non tot possunt in se continere arenulas, quot una arenula possit in se continere particulas sanguineas animalculorum, quæ per microscopia in quibusdam fluidis natantia cernuntur. Quod erat ostendendum. Cum igitur globuli hi tantillæ sint magnitudinis, quid sentiendum erit de particulis fluidum componentibus, in quo istiusmodi globuli vehuntur; & de spirituum animalium subtilitate? Hæc proculdubio tanta est, ut omnem calculum & imaginandi vim fugiat.

Supra modum mirabilis est hæc naturæ subtilitas; at sunt aliæ materiæ particulæ memoratis multo subtiliores, ad quas si prædicti globuli referantur, non montium sed ingentium terrarum instar apparebunt. Lucis intelligo particulas, quæ à corpore lucido ineffabili celeritate undiquaque projiciuntur, quarum subtilitatem animus humanus nunquam forte nisi post adeptam in coelis perfectionem assequetur: immensam tamen ipsam esse vel exinde colligitur, quod lumen tenuissimæ lucernæ in tempore omnino insensibili, & absque ullo sensibili ipsius lucernæ decremento, ad distantiam duorum miliarium ab oculo sentitur; unde necesse est, ut in omni assignabili parte sphæræ activitatis istius lucernæ, cujus diameter quatuor millibus passuum major est, & in omni assignabili temporis particula, sint quædam istius lucernæ particulæ, quæ oculum ingrediuntur vel ingredi possunt; quæ quidem in diversis temporis partibus diversæ erunt. Atque per ineffabilem illum lucis subtilitatem fit, ut Sol etiamsi continuo ab ipsius creationis exordio lucem celerrime in omnem mundi partem emittat, non tamen sensibile quidquam per omne illud tempus de sua magnitudine amisit, etiamsi quotidie per aliquam, inæstimabilem licet, quantitatem decrescat; unde etiamsi post sex mille annos ejus diminutio nondum notabilis evaserit, post finitam tamen annorum seriem, quamvis valde protractam, totus dissipabitur. Ex quo-
fe.

sequitur Mundum hunc nec in æternum existere posse, nec potuisse ab æterno existisse.

Ex demonstrata infinita materiæ Divisibilitate, sequentia Theoremata ejusdem Raritatem & tenuem compositionem spectantia facile eliciuntur.

LEMMA.

Datâ quavis materiæ quantitate, ex eâ, vel ex quavis ejus parte, formari potest sphaera concava, cujus semidiameter sit datæ rectæ æqualis.

Sit materiæ particula a^3 , & data recta sit b . Ratio peripheriæ circuli ad Radium sit p ad r . Dicatur semidiameter concavitatis x , & crassities pelliculæ concavitatem sphaeræ ambientis erit $b - x$, & cylindrus sphaeræ circumscriptus cujus radius est b erit $\frac{p \times b^3}{8r}$, unde sphaera cylindro inscri-

pta erit $\frac{2 \times p b^3}{24r}$. Eâdem ratione sphaera cujus radius est x erit

$\frac{2 \times p x^3}{24r}$; quarum differentia $\frac{2p}{42r} \times b^3 - x^3$ ponenda est sphaericæ

lamellæ æqualis, seu materiæ particulæ datæ; hoc est, erit

$\frac{2p}{24r} b^3 - x^3 = a^3$ seu $b^3 - x^3 = \frac{24ra^3}{2p}$. Unde $x^3 = b^3 - \frac{24ra^3}{2p}$ & $x =$

$\sqrt[3]{b^3 - \frac{24ra^3}{2p}}$, adeoque crassities lamellæ sphaericæ seu $b - x$

erit $= b - \sqrt[3]{b^3 - \frac{24ra^3}{2p}}$.

Eâdem ratione fieri possunt ex data materiæ quantitate Cubi concavi, Cylindri concavi, vel corpora etiam alterius cujuscvis figuræ concavæ, quorum latera sunt datæ rectæ æqualia.

Theorema Primum.

Datâ quavis materiæ quantitate quantumvis exiguâ, & dato
H spa-

spatio quovis finito utcumque amplo; quod v. g. sit cubus qui sphaeram Saturni circumscriberet: Possibile est ut materia istius Arenulae per totum illud spatium diffundatur, atque ipsum ita adimpleat, ut nullus sit in eo porus cujus diameter datam superet lineam.

TAB. 2.
fig. 2.

Sit datum spatium Cubus cujus latus sit recta AB, diametro scil. orbitae Saturni aequalis; deturque materiae particula cujus quantitas sit b^3 ; & data recta (quâ pororum diametri non majores esse debent) sit D. Dividi concipiatur recta AB in partes aequales rectae D, quarum numerus finitus erit, cum nec recta AB ponitur infinite magna, nec recta D infinite parva: sit numerus ille n , hoc est, sit $nD = AB$, adeoque erit $n^3 D^3$ aequalis cubo rectae AB. Concipiatur item spatium datum dividi in cubos quorum singulorum latera sunt aequalia rectae D, eritque cuborum numerus n^3 ; & hi cubi per spatia EFGH in figura repraesententur. Dividi porro supponatur particula b^3 in partes quarum numerus sit n^3 , & in unoquoque spatio cubico ponatur una harum particularum, & hac ratione materia b^3 per omne illud spatium diffundetur. Potest praeterea unaquaqueque ipsius b^3 particula, in sua quasi cellâ locata, in sphaeram concavam formari, cujus diameter sit aequalis datae rectae D: unde fiet, ut sphaera quaelibet proximam quamque tangat, & data materiae particula utcumque exigua b^3 , spatium datum ita adimpleat, ut nullus sit in eo porus cujus diameter datam rectam D superat. Q. E. D.

Cor. Hinc dari potest corpus, cujus materia, si in spatium absolute plenum redigatur, spatium illud fieri potest prioris magnitudinis pars quaelibet data.

Theorema Secundum.

Possunt esse duo corpora mole aequalia, quorum materiae quantitates sint utcumque inaequales, & datam quamvis ad se invicem obtineant rationem; pororum tamen summae, seu spatia vacua inter corpora, ad rationem aequalitatis ferè accedant.
Vel


Vel in stilo Cartesiano: *Spatium omne, quod à materiâ subtili intra unius corporis poros occupatur, posset esse fere æquale spatio quod à simili materiâ intra alterum corpus tenetur; licet materia propria unius corporis decies millies vel centies millies superet materiam propriam alterius corporis, & corpora sint mole æqualia.*

Ex gr. Sit digitus cubicus *Auri*, & digitus cubicus *Æris* vulgaris non condensati. Certum est quantitatem materiæ in *Auro* vices millies circiter superare materiam *Æris*, attamen fieri potest, ut spatia in *Auro* vel absolute vacua, vel materiâ subtili repletâ, sint ferè æqualia spatiis in *Ære*, vel vacuis, vel materiâ tantum subtili repletis.

Sint A & B corpora duo, magnitudine æqualia: utrumque v. gr. sit cubus uniûs digiti. Et corpus A decies millies fit gravius corpore B, unde & corpus A quantitate materiæ decies millies superabit corpus B. Ponamus jam materiæ quantitatem in A redigi in spatium absolute plenum, quod fit digiti cubici pars centies millesima; (liquet enim ex Coroll. præcedentis Theorematis id fieri posse.) Unde cum materia in A decies millies superat materiam in B, materia illa in B, si in spatium absolute plenum compingatur, occu-

TAB. 2.

fig. 3.

pabit tantum digiti cubici partem , seu decies

millies centies millesimam: adeoque partes reliquæ 999999999 vel erunt absolute vacuæ, vel materiâ aliqua subtili, qualis supponitur Cartesiana, tantum repletæ. Porro, cum materiæ quantitas in A impleat tantum digiti partem centies millesimam, erunt in corpore A partes 99 999 centies millesimæ, vel vacuæ, vel materia subtili repletæ; hoc est, reducendo fractionem ad denominatorem prioris fractionis, erunt in A partes vacuæ 999 990 000 millies decies centies millesimæ. Adeoque vacuitates in A erunt ad vacuitates in B, ut numerus 999 990 000 ad numerum 999 999 999, qui numeri sunt ad se invicem ferè in ratione æqualitatis; nam eorum differentia, parvam admodum ad ipsos numeros obtinet ratio-

H 2

nem.

nem. Adeoque spatia vacua, vel materiâ subtili tantum repleta, quæ sunt in duobus corporibus A & B, eandem cum ipsis numeris, ad se invicem rationem obtinentes, sunt etiam ferè in ratione æqualitatis. Q. E. D.

Corpora autem omnia esse rarissima, hoc est, pro mole sua parvam admodum continere materiæ quantitatem, ex Diaphanorum proprietatibus certissimè constat: nam *radii lucis* intra vitrum vel aquam, non secus ac in aëre per rectas lineas diffunduntur, quæcunque luci exposita sit corporis Diaphani facies; Adeoque à minimâ quâvis assignabili Diaphani parte, ad aliam quamvis ejusdem partem, semper extenditur in his corporibus porus rectilineus, per quem transiverit lux; atque hoc fieri non potest, nisi materia Diaphani ad ejus molem parvam admodum obtineat rationem; nec fortasse materiæ quantitas in Vitro, ad ejus magnitudinem majorem habet rationem, quam magnitudo unius arenulæ ad totam Terreni orbis molem: hoc autem non esse impossibile, superius ostensum est. Unde cum aurum non sit octuplo densius vitro, ejus quoque materia, ad propriam molem, exiguum admodum obtinebit rationem.

Hinc ratio reddi potest, cur effluvia magnetica eadem ferè facilitate densum aurum & tenuem aërem pervadunt.

Ex his etiam propositionibus, & ex maximâ lucis celeritate, ratio reddi potest, cur *Lucis* radii ex pluribus objectis prodeuntes & per tenue foramen transmissi, se mutuo non impediunt, sed per eandem rectam in motu suo perseverant: Quod per motum seu impulsu fluidi plenum efficientis vix explicari potest; *Corpus enim omne à pluribus potentiis, secundum diversas directiones, simul impulsu, unam tantum & determinatam directionem accipit ex omnibus compositam.*

LECTIO VI.

De Motu , Loco , & Tempore ,

CUM hætenus de corporum Soliditate , Extensione Divisibilitate , Subtilitate , fatis à nobis dictum sit ; ad Motum jam , nobilissimam , qua gaudet corpus , affectionem , dilucidandum accedimus : quo mediante se prodit natura , eâ rerum varietate agentem , quæ videri non sine stupore debet ; quo sublato , omnis periret mundi ornatus , & spectabilis pulchritudo ; atque horrendæ tenebræ & infinitus torpor res omnes occuparent. Ab hoc pendent dierum & noctium vicissitudines , frigoris & caloris , nivis , pluviae & serenitatis , sese mutuo excipientium tanta varietas , atque anni tempestates omnes. Per motum crescunt plantæ , nutriuntur arbores , & vivunt animalia , cum ipsa vita non nisi in motu , hoc est , sanguinis circulatione consistit. Sed quid singulis enumerandis morer ? Cum res omnes ex motu nascuntur.

Scientia igitur de Motu , ad rite Philosophandum adeo est necessaria , ut ne vel minimum naturæ opus absque eo investigari possit. Hinc celebre & verissimum illud Philosophi effatum , *Αναγκαιον ἀγνοῦμένης αὐτῆς κινήσεως ἀγνοεῖσθαι καὶ τὴν φύσιν.* *Ignorato Motu Naturam ignorari necesse est.*

De motus natura , causis , & communicatione , multum inter se disceptarunt Physici seu potius Metaphysici ; & mirum est quantas lites , de re satis clara , moverunt ; & quæ Idearum confusio , quæ tenebræ inde subortæ sunt , adeo ut inter disputandi ineptias , naturalis & simplex , quam de eo habuerunt notitia , ipsis elabi videatur. Vix enim è plebe quemquam , aut rudem artificem inveniemus , qui non plus novit de verâ naturâ , atque causâ motus quam omnes hi disputantes Philosophi ; quorum quidem aliqui eo pervenerunt insanix , ut motum omnem tanquam rem impossibilem à corporibus sustulerint , & argutias quasdam proposuerint , quibus illius impossibilitatem adstruere sibi visi sunt.

Liceat hic validiora quædam illorum argumenta proferre; & primum sit illud *Diodori Croni*: Nempe, si corpus moveatur, vel movetur in loco quo est, vel in loco quo non est, quorum utrumvis est impossibile; si enim movetur in loco quo est, ab illo loco nunquam exiret, adeoque nullus daretur motus: similiter non potest moveri in loco quo non est, quia nihil agit in loco quo non est, ergo non omnino movebitur corpus. Respondeo, nec corpus moveri in loco quo est, nec in loco quo non est, sed moveri è loco in locum.

Secundum argumentum est illud *Zenonis*, quod *Achillis* nomine insignivit, quo Zeno conatur probare, si daretur motus, Achillem etsi velocissimum Testudinem animalium tardissimam nunquam affecuturum: est autem ejusmodi. Ponatur Achillem à testudine distare per quodvis spatium finitum, v. g. mille passuum, atque eum centies velocius testudine moveri supponamus: ergo dum Achilles unum percurrit milliare, testudo milliariis partem unam centesimam conficiet, adeoque Achilles testudinem nondum est affecutus; & rursus dum Achilles partem illam milliariis centesimam conficit, testudo interim per milliariis partem decem-millesimam reptabit, adeoque nec adhuc testudinem erit affecutus Achilles. Eodem modo dum Achilles partem illam milliariis decem-millesimam decurrit, testudo per milliariis partem millionesimam promovebitur, adeoque nec adhuc testudinem attingere potest: atque sic progredi licebit in infinitum, nec unquam potest testudinem captare, sed semper erit aliqua inter Achillem & testudinem distantia.

Famosum est hoc Zenonis argumentum; ad quod solvendum scripserunt quidam integros tractatus: at nos facillime illius nodum dissolvemus, dicendo milliare una cum milliariis parte centesima, una cum milliariis parte decem-millesima, una cum milliariis parte millionesima, & sic in infinitum, quantitati finitæ æquipollere: hoc enim ab Arithmetice demonstratum est, quod summa seriei cujusvis quantitatum in quavis proportionem Geometrica in infinitum decrefcentium, æqua-

qualis fit quantitati finitæ ; sed milliaris pars $\frac{1}{100}$, una cum

parte $\frac{1}{10\,000}$, una cum parte $\frac{1}{1\,000\,000}$, una cum parte

$\frac{1}{100\,000\,000}$ centum-millionesima, & sic in infinitum, est se-

ries quantitatum in proportionem Geometricam in infinitum decrefcentium, adeoque illius summa, cum sit æqualis quantitati finitæ, à mobili cum data velocitate moto, finito in tempore percurri potest. Ponamus enim Achillem spatio unius horæ milliare peragrassè; ergo & partem milliaris centesimam in parte horæ centesima conficiet, & partem milliaris decem-millesimam, in horæ parte decem-millesima percurrent; eodem modo pars milliaris millionesima in parte horæ millionesima peragrabitur, & sic de cæteris. Si igitur hora, una cum horæ parte centesima, una cum horæ parte decem-millesima, una cum horæ parte millionesima, +

$\frac{1}{100\,000\,000}$, &c. in infinitum; si, inquam, summa hujus

seriei in infinitum continuatæ infinito temporis spatio æquipolleret, certum est Achillem testudinem nunquam esse affecuturum in tempore finito: verum cum, ut hætenus dictum

est, horæ pars $\frac{1}{100} + \frac{1}{10\,000} + \frac{1}{1\,000\,000}$, &c. fit series quanti-

tatum in proportionem Geometricam in infinitum decrefcentium, erit illius summa quantitati finitæ æqualis, scil. uni parti horæ nonagesimæ nonæ, ut facillime demonstrari potest: & intra illud temporis spatium omnes, utcunque numero infinitæ, temporis particulæ elabentur. Dicimus igitur Achillem testudinem affecuturum post elapsas horam unam & infinitas illas numero particulas quæ in prædictâ serie continentur; hoc est, post horam unam & horæ partem nonagesimam nonam ad testudinem pertinet; atque sic tollitur vis illius argumenti, quod tanquam insolubile toties jactaverunt illius patróni.

Hoc

Hoc etiam proferri solet contra motum argumentum. Corpus A moveatur à B ad C (positis B & C duobus punctis contiguis) in instanti D: cum movetur A supponitur esse in B, adeoque in eo instanti non potest ad C pervenire, quia scil. ponitur esse in B; & in eodem instanti non potest esse in utroque, quia nihil potest esse simul in duobus locis, hoc est, in eodem instanti; adeoque in instanti quo est in B non potest ad C pervenire: eodem modo in quolibet alio instanti non potest ad C pervenire, quia adhuc ponitur in B, adeoque secundum hujus argumenti authores nunquam ad C pertinget.

Huic argumento facile responderi potest, dicendo A sub initio instantis D, esse in B puncto, at in fine in puncto C; oportet enim ut tempus omne, in quo peragitur motus finitus, habeat initium & finem.

Sed præterea in allato argumento, non pauca assumpta ponuntur, quæ falsa atque impossibilia sunt, v. g. cum duo supponuntur puncta contigua. Si per punctum intelligatur pars indivisibilis seu minima quantitas, talia quidem puncta non dari prius demonstravimus; adeoque si huic hypothese innitatur argumentum, impossibile erit, ut ullam inferat humano intellectui vim, ad motum convellendum. Si vero per puncta intelligantur ipsa puncta Mathematica, quæ scil. sunt linearum termini, sectiones, & contactus, hæc equidem ut possibilia agnosco: impossibile tamen erit ut res quævis in iis moveatur; quicquid enim movetur per spatium movetur, at punctum Mathematicum alii puncto contiguum non potest spatium componere, sed punctum: nam sicut in Arithmetica mille cyphræ, seu nihil millies sumptum, nihilo æquipollet; sic in Geometria mille puncta, vel etiam infinita simul puncta, quantitatem non component, sed puncto seu non quanto æquipollebunt. Unde cum duo puncta contigua tantum puncto æquantur, lubens agnosco non posse motum per ea fieri: At nihil inde sequitur absurdi, motus enim per spatium non tollitur, sed motus per punctum; & absurdum quidem esset si istiusmodi concederetur motus.

Quod

Quod de punctis diximus, idem potest Instantibus accommodari, ostendo ut magnitudines omnes, sic etiam tempus esse in infinitum divisibile, adeoque nullam esse temporis particulam quæ proprie instans dici potest, seu punctum temporis; sicut nulla est pars lineæ quæ cum puncto Geometrico coincidit: & ut infinita puncta non lineam componunt, sed punctum, sic etiam infinita instantia, seu temporis puncta, nulli tempori æquantur. Potest quidem spatium temporis inter diversa instantia dato tempori æquari, at ipsa instantia nulli tempori æqualia erunt: tempus enim non ex instantibus, sed ex partibus quæ sunt tempora componitur; nec motus in instanti sed in tempore peragitur.

Sed hisce nugis valere jussis, ad institutum revertor.

Cum motus de quo acturi sumus sit motus localis, res postulat ut quædam de loco & tempore prius differamus. Locus distingui solet in internum & externum. Internus locus est spatium quod à corpore locato repletur; externus autem is solus est qui ab Aristotele definitur, & dicitur superficies concava corporis ambientis, & locatum continentis.

Clarius fortasse distinguetur locus, sicut & spatium, in absolutum & relativum. Locus absolutus seu primarius est ea spatii immobilis, permanentis & undique expansi pars, quæ à corpore locato occupatur: locus relativus seu secundarius est apparens ille & sensibilis, qui à sensibus nostris ex situ ad alia corpora definitur. Cum enim spatium ipsum sit ens simile & uniforme, cujus partes videri nequeunt, & per sensus à se invicem distingui, ideo convenit ut corporum loca ad alia corpora referantur, & per distantias & positiones ad alia ista corpora determinantur, *v. g.* Ponamus aliquem in angulo quovis domus alicujus sedere; illius locus per distantiam, respectum, & positionem quam habet ad alios angulos, parietes, & circumstantia corpora, quæ tanquam immobilia spectantur, definietur; & quamdiu quisquam eundem situm & distantiam ab hisce corporibus conservat, tamdiu in eodem manere loco videbitur. Sic etiam si quisquam in nave sedeat, sive quiescit navis sive movetur, quamdiu ean-

dem servat distantiam ab omnibus navis partibus quæ tanquam quiescentes spectantur, & eadem manet ad eas omnes positio, idem etiam manebit illius locus relativus.

Quod de loco diximus potest etiam spatium similiter applicari, scil. illud quoque in absolutum & relativum distinguere: absolutum dicimus illud, quod sua natura, absque relatione ad externum quodvis, semper manet simile & immobile. Relativum autem est quod ad corpora quædam refertur, per quæ determinatur, & mensuratur; cujus nempe partes ad corpora illa eandem semper servant positionem & situm, & quarum distantia ab iis immutata, eadem semper perseverat.

Spatium relativum idem semper magnitudine & figura est cum spatium absoluto, non tamen necesse est ut idem semper numero maneat cum eodem: nam in prædicto navis exemplo, si navis absolute quiescit, in eo quidem casu spatium relativum cum absoluto coincidit, non magnitudine & figura tantum, sed etiam & numero: at si ponamus navem moveri, spatium absolutum quod intra cavitatem navis continetur, erit in diversis locis diversum; at cum ipsa cavitas & figura navis eadem maneat, erit spatii in eâ contenti eadem semper & invariata magnitudo, eadem illius figura, & ejus partes similiter sitæ, ad easdem navis partes eandem semper habent positionem & distantiam, & proinde idem spatium relativum dici debet.

Sic etiam in hypothesei Terræ motæ, spatium quod intra parietes ædificii continetur, etsi, absolutum scil. spectando, semper mutatur, cum tamen eadem manet ædificii cavitas, eadem figura, & omnes spatii contenti partes similes, ad easdem ædificii partes eundem semper conservant situm; imo cum ad spatium aëris nostri relativum, seu etiam ad omnes terræ partes, eandem semper obtinent positionem, spatium illud idem relativum dici potest.

Eodem modo & tempus distinguere potest in absolutum & relativum. Tempus absolutum æquabiliter fluit; hoc est, nunquam tardius, nunquam velocius procedit, sed absque omni relatione ad corporis cujuscunque motum, æquo semper

per labitur tenore. Tempus relativum seu apparens est sensibilis durationis cujuscvis per motum mensura; cum enim ipsius temporis fluxus æquabilis sensus non afficit, advocandus est in subsidium motus æquabilis, ut mensura aliqua sensibilis quæ illius quantitatem determinet, cujus partes temporis partibus semper respondeant, & proportionales sint. Motus autem ille uniformis, qui ad mensuram temporis adhibendus est, debet esse maxime notabilis, cunctis obvius, & in omnium sensus incurrens, qualis vulgo censetur apparens ille Solis & Lunæ, & reliquorum siderum revolutiones; per quas tempus partimur in horas, dies, menses, & annos. Et sicut ea tempora æqualia judicamus, quæ præterlabuntur dum mobile aliquod æquabili velocitate latum æqualia spatia percurrit, sic æqualia etiam dicenda sunt tempora, quæ fluunt dum Sol, vel Luna, revolutiones suas ad sensum æquales peragunt.

Verum cum, ut hætenus dictum est, temporis fluxus accelerari aut retardari nequit, corpora autem omnia nunc incitatus nunc segnius moveri possunt, nec fortasse datur in rerum natura motus perfecte æquabilis; necesse est ut tempus absolutum sit aliquid à motu vere & realiter distinctum, nec illius natura magis à motu corporum quam ab eorundem quiete dependet. Ponamus enim Coelum & sidera ab ipso Mundi exordio immobilia perstitisse, at non ideo sisti potuit temporis cursus, sed illius quiescentis status duratio æqualis esset tempori quod jam movendo elapsum est. Præterea cum constat ex sacra Historia tempore *Josue*, Solem in eodem Coeli visibilis puncto, per aliquod tempus immotum mansisse; non tamen ideo tempus absolutum perstitit, & cum sole rursus progredi coepit, sed eodem quo prius celeri præterlabebatur cursu, quamvis omnia horologia scia-terica eandem diei horam, per omne illud stationis tempus indicabant: & sic quidem substitit tempus apparens ad Solis nempe motum relatum, cum absolutum interim uniformiter progrediebatur.

Sic etiam cum & hodie Solis motus apparens uniformis non est, nec ejus revolutio diurna æquabilis erit, ut omnes

agnoscunt Astronomi ; sed aliquando celeriore , aliquando lentiore procedit gradu , ac proinde dies naturalis, *ἡμέρας*, seu spatium temporis una revolutione diurna elapsum, nunc minus nunc majus evadet ; adeoque tempus apparens non eodem quo tempus absolutum progreditur tenore : unde ut ab illo distinguatur necesse est.

Cum tempus absolutum sit Quantum uniformiter extensum & sua natura simplicissimum , potest per magnitudines simplicissimas rite repræsentari, seu imaginationi nostræ proponi : quales imprimis videntur esse rectæ lineæ & circulares , quibuscum & tempori quædam intercedunt analogiæ. Nam tam temporis , quam rectarum & circularium linearum , partes omnes sunt sibi ubique similes & uniformes ; & sicut linea per motum seu fluxum puncti generatur , cujus quantitas ab unica pendet longitudine per motum determinata ; sic etiam tempus quodammodo censeri potest instantis continuo labentis vestigium , cujus quantitas ab unica profluit velut in longum exporrecta successione , quam spatii percurssi longitudo demonstrat ; & proinde optime per fluxum puncti seu rectam lineam repræsentari potest , quod in sequentibus sæpius fiet.

Observandum autem nos per Temporis vocem intelligere spatium illud temporis quo motus transigitur ; adeoque cum de rebus Physicis & motu agendum est , rite cum *Aristotele* definiri potest , *Mensura motus secundum prius & posterius* ; non quidem absolutam temporis naturam spectando , sed connexionem illam quam motus cum eo habet , ut scil. nulum spatium à mobili in instanti percurri possit , sed successive & juxta fluxum temporis omnis motus peragatur , qui igitur cum temporis quantitate comparari potest & ab ejus fluxu mensurari.

LECTIO VII.

DEFINITIONES.

- I. **M**OTUS est continua & successiva loci mutatio.
- II. **M** Celeritas est affectio motus, quâ mobile datum spatium in dato tempore percurrit.
- III. Quies autem est corporis cujuscvis in eodem loco permanentia.
- Hinc sequitur quietem, motum & celeritatem, secundum duplicem loci distinctionem, duplices esse, absolutos scil. & relativos.
- IV. Motus absolutus est mutatio loci absoluti, & illius celeritas secundum spatium absolutum mensuratur.
- V. Quies absoluta est permanentia corporis in eodem loco absoluto.
- VI. Motus relativus est mutatio loci relativi, cujus celeritas secundum spatium relativum mensuratur.
- VII. Quies vero relativa est permanentia corporis in eodem loco relativo.

Ex hisce sequitur, Primo, posse aliquem relative quiescere, qui tamen secundum spatium absolutum vere & absolute movetur; v. g. Si aliquis in nave sedeat, cum eundem retinet locum relativum, eundem servat situm & distantiam ad reliquas navis partes, quæ tanquam quiescentes spectantur, ille relative quiescit; cum tamen interea eodem provehitur motu, eadem celeritate, & secundum eandem plagam, qua ipsa navis à ventis defertur; in quo casu, omnes navis partes eundem inter se situm servantes spectatori intra navem posito tanquam quiescentes apparebunt: è contra, dum ipsa navis movetur, spectatori in navi locato, littora aliaque corpora extra navem circumjacentia moveri videbuntur, ea celeritate, at versus contrariam plagam, qua ad ea revera accedit navis, vel ab iisdem recedit. Hujus apparentiæ ratio ex principiis Opticis facile ostenditur: Ea enim corpora ut quiescentia videmus, quæ ad ipsum oculum easdem semper servant positiones & distantias; quæ autem

moveri videmus corpora , ea distantias suas & positiones oculi respectu mutare deprehendimus ; vel ut paulo altius rem deducamus.

Cum Optica nos doceat omne corpus quod videtur , imaginem suam , ope radiorum à visibili prodeuntium , in ipso fundo oculi seu in retina depictam habere ; sequitur , ut ea objecta moveri videantur , quorum imagines in retina moventur ; hoc est , quæ diversas retinæ partes successive pertranseunt , dum quis oculum suum immotum supponit : at ea objecta tanquam quiescentia cernuntur , quorum imagines eandem semper occupant retinæ partem , cum scil. imaginum motus in oculi fundo non sentitur. Atque hinc est , quod in nave sedentes ipsius navis motum non percipiant ; omnes quippe navis partes inter se relative quiescentes eandem positionem & distantiam quoad oculum servantes , imagines suas in iisdem retinæ partibus semper depictas habebunt ; earum igitur motus non videbitur : at cum ad littora oculos vertat spectator , dum ipsa navis movetur , necesse est ut objectum quodlibet externum situm suum oculi respectu mutet , & proinde ejus imago alias atque alias retinæ partes successive occupabit ; hoc est , objectum externum moveri videbitur. Ob eandem rationem , si Terra circa Solem vel suum axem moveatur , illius motus ab ipsius terræ incolis ne utique percipietur , cum scil. ædificia & omnia in terra objecta visibilia iisdem semper terræ partibus infidentia , eandem semper inter se & oculum positionem servabunt ; si astra aliaque omnia corpora terræ non adhærentia adspiciantur , ea ob eandem causam , qua prius littora , moveri videbuntur ; hoc est , si terra circa suum axem rotetur ab occidente in orientem , Sol & reliqua sidera ab oriente in occidentem moveri conspicientur.

Sed Terræ motu paulisper dimisso , ad exemplum Navis redeamus ; si navis secundum quamcunque directionem feratur *v. g.* versus orientem , & aliquis in prora sedens lapidem versus occidentem eadem velocitate projiciat , qua ipsa navis ad orientem progreditur ; lapis in hoc casu spectatori intra navem moveri videbitur versus occidentem , & ejus ve-
lo-

locitas relativa æqualis erit ipsius navis celeritati absolutæ; revera tamen lapis quiescet in spatio absoluto, abstrahendo à terræ motu & eo omni qui ex gravitate oriri potest. Et si ponamus aliquem extra navem in aëre pendulum, ille lapidem quiescentem spectabit; cum vero gravis sit lapis, videbit illum perpendiculariter tantum deorsum motum, nec magis versus ortum quam occasum tendentem: vis enim à projiciente in lapidem impressa nihil aliud agit, quam destruit æqualem vim motûs, quæ à navi versus contrariam plagam ipsi communicabatur. Moto enim quolibet corpore vel spatio, etiam omnia corpora vel corporum particulæ, intra illud relative quiescentia, eâdem celeritate & secundum eandem plagam moventur.

At objiciat aliquis, lapidem è manu projicientis emissum in ipsam puppim impingere, eique ictum imprimere, adeoque cum lapis in ipsam puppim irruit, non potest non moveri: Respondeo, verum quidem esse eos, qui intra navem versantur, lapidem in puppim irruentem eamque percutientem conspiciere; at si ponatur aliquis extra navem in aëre pendulus; ille non lapidem versus puppim, sed puppim in lapidem impingentem videbit; & ictus magnitudo, quæ in utrovis corpore recipitur, eadem omnino erit ac si navis quiesceret, & lapis revera versus puppim impelleretur, eâdem celeritate, qua puppis ad lapidem accedebat. Si enim duo TAB. 1,
fig. 4. sint corpora A & B utcunque æqualia vel inæqualia; eadem erit percussione vis, sive B cum data celeritate in corpus A quiescens impingat; vel si quiescat B, & A eâdem celeritate in ipsum irruit; vel si utrumque corpus versus eandem plagam moveretur, & subsequens A celerius motum in ipsum B impingeret; eadem erit quantitas ictus, ac si B omnino quiesceret & A solum latum esset, differentia celeritatum qua scilicet ipsius celeritas celeritatem corporis B superabat; vel denique, si tam A quam B versus contrarias partes ferantur, ictus magnitudo eadem fiet, ac si unum quiesceret, & alterum motum esset cum ea celeritate, quæ sit summæ priorum velocitatum æqualis. Verbo dicam, eâdem semper manente velocitate relativa corporum, quâ ad se invicem accedunt, ea-

eadem quoque erit percussionis quantitas, quomodocunque veræ velocitates partitæ sint, ut in sequentibus demonstrabitur. Sed rursus ad navem redeamus.

Si vis, qua lapis à projiciente emittitur, minor sit eâ quæ ex navis motu in hoc casu recipitur, lapis ipse revera in eandem, qua ipsa navis, plagam motu scil. absoluto deferetur; hoc est, à spectatore, quem extra navem in aëre consistentem posuimus, versus orientem moveri videbitur, ea celeritate, qua celeritas navis celeritatem motus ab impellentis dextra impressi superabat; at in ipsa navi sedentibus lapis versus occasum moveri apparebit, eâdem prorsus celeritate, quam à projicientis manu accepit, qua etiam in puppim impingere videbitur.

Sed si quis in puppi sedens lapidem versus proram projiciat, verus & absolutus illius motus erit versus proram seu orientem; & à spectatore nostro extra navem posito ea celeritate ferri conspicietur; quæ æqualis sit summæ duarum celeritatum, illius scil. quam à projiciente accepit, & illius quæ per motum navis ipsi communicabatur.

Hæc omnia hypothesi Terræ motæ possunt applicari. Si enim terra solummodo circa axem suum revolvatur ab occidente versus orientem, & lapis vel globus è tormento projiciatur ad occidentem, ea celeritate qua terra circa axem vertitur; impetus, quem globus ex tormento recipit, contrarium impetum, qui ex terra illi imprimebatur, destruet; adeoque in spatio absoluto quiesceret globus, secluso motu ex gravitate orto. Nihilominus qui in terræ superficie degunt & una cum ea revolvuntur, lapidem vel globum versus occasum celeriter ferri conspicient; & si murus aliquis ejus motui apparenti objiciatur, globum vi eâdem murum ferientem videbunt, ac si murus revera quiesceret, & globus contra illum ea celeritate impingeret, quam in eo casu ab explosione reciperet: nam eadem, ut dictum est, erit ictus quantitas, sive globus cum determinata celeritate in murum quiescentem projiciatur, sive murus in globum quiescentem eâdem celeritate irruat.

Si minor sit vis, quæ in globum per bombardæ explosionem

nem imprimitur, eâ quæ per diurnum motum terræ illi communicatur, globus revera versus orientem feretur; at quia ejus velocitas minor est ea, qua nos versus orientem revolvimur, globus à nobis ad occidentem tendere conspicietur; & obstaculum quodcunque ejus motui apparenti oppositum ea vi ferire videbitur, ac si revera obstaculum in eodem spatio absoluto permansisset, & globus in ipsum ea vi, quam à bombarda accepit, impegisset. Si deinceps globus versus orientem explodatur, motus ejus absolutus erit in orientem, & ejus velocitas in tantum superabit velocitatem, qua ipsa tellus fertur, quanta est ea quæ globo per bombardam imprimitur, adeoque eâ solâ velocitatis differentiâ in obstaculum quodcunque irruit, & illud percutiet.

Verum universaliter, corporum in dato spatio inclusorum idem erunt motus inter se, idem congressus, eadem percussionis vis, sive spatium illud quiescat, sive moveatur uniformiter in directum.

Motu, quiete, celeritate, tam absolutis quam relativis, prolixè satis explicatis, ad alios terminos definiendos accedo.

VIII. *Spatium percursum est via illa quæ à corpore motu ipsius peragrat.*

IX. *Illius longitudo est recta illa quæ à centro corporis moti describitur.*

X. *Directio motus est recta quæ tendit mobile.*

XI. *Motus æquabilis fit, quando mobile eadem semper celeritate omnes longitudinis seu spatii percursum partes describit.*

XII. *Motus acceleratus est cujus velocitas continuo crescit.*

XIII. *Motus retardatus est cujus velocitas continuo minuitur.*

XIV. *Motus æquabiliter acceleratus est, cui temporibus semper æqualibus æqualia accedunt velocitatis incrementa.*

XV. *Motus æquabiliter retardatus est, cujus velocitas temporibus æqualibus ad quietem usque æqualiter decrescit.*

XVI. *Momentum (quod est quantitas motus, sæpe etiam simpliciter Motus dici solet) est potentia seu vis illa corporibus motis insita, quæ è locis suis continuo tendunt.*

XVII. *Impedimentum vero est quod motui obstat vel resistit, atque illum destruit vel saltem minuit.*

XVIII. *Vis motrix est potentia agentis ad motum efficiendum.*

XIX. *Vis impressa est actio in corpus exercita, ad ejus statum vel motus vel quietis mutandum.*

Si corpus A quiescat & movendum sit cum data celeritate, vis illa quæ ipsi imprimitur, quaque accepta cum data velocitate moveri incipit, dicitur Vis impressa; in quo casu à Vi motrici non nisi in concipiendi modo differt: Eadem enim vis quatenus ab agente procedit, dicitur Vis motrix, & quatenus à patiente recipitur, dicitur Vis impressa. Sic etiam, si corpus B moveatur, quædam determinata requiritur vis ad illius motum minuendum, & quædam etiam determinata vis necessario habenda est ad illius motum omnino sistendum; quæ cum in corpus B exercetur, Vis impressa dicitur.

Non ignoro quosdam Philosophos quantitatem motus ab illius celeritate non distinguere; ea quippe corpora æquales motus habere dicunt, quæ æquali celeritate moventur, sive ipsa corpora æqualia sive inæqualia existant, sive unum sit exiguum admodum, alterum vero utcunque magnum; modo eadem velocitate utrumque corpus latum sit, in utroque semper eandem motus quantitatem permanere volunt. At non ratio solum, verum & experientia docet motum non modo augeri in ratione velocitatis, sed & etiam in ratione molis seu magnitudinis, positis corporibus homogeneis seu ejusdem speciei; v. g. Sint duo corpora A & B, quorum A majus corpus, & B minus; & momentum seu quantitas motus ipsius A non tantum majus erit momento ipsius B, si A velocius feratur ipso B; verum si utrumque æquali celeritate feratur, erit vis seu energia, qua corpus majus A fertur, major ea quam habet corpus B ad suum locum mutandum; quia scilicet vis contraria obstaculi vel impedimenti major requiritur ad sistendum motum majoris corporis A, quam ea quæ necessaria est ad motum corporis minoris B tollendum: quippe, si sit corpus A centum librarum, pondus vero

TAB. 2.
fig. 4.

vero ipsius B unius libræ , & si æqualis sit in utroque corpore celeritas , vis quam corpus A exercet , quaque obstaculum quodvis remove conabitur (& proinde vis impedi-
menti retinentis & motum illius destruendis) multo major erit vi motûs corporis B , qua scil. impedimentum remove-
re nititur ; & illius impediendi vis , quæ necessario requi-
ritur ad motum ipsius B destruendum , minor erit vi im-
pedimenti quæ sufficiens erit ad motum mobilis A aufe-
rendum. Verum in sequentibus Theoremata dabimus ,
quibus motûs quantitas æstimari & ejus mensura determi-
nari potest.

XX. *Vires motrices æquales sunt , quæ similiter agentes æ-
quales motuum quantitates in dato tempore producant.*

XXI. *Vires contrariæ sunt quarum lineæ directionis sunt con-
trariæ.*

XXII. *Gravitas est vis ferens deorsum , qua corpora rectè ad
terram tendunt.*

XXIII. *Vis centripeta est vis illa , qua corpus ad punctum ali-
quod tanquàm centrum continuo urgetur ; atque hinc sequi-
tur gravitatem esse vim quandam centripetam*

XXIV. *Per vim centrifugam autem intelligimus vim , qua
corpus aliquod continuo urgetur , ut à centro recedat.*

Vires autem hæ semper æstimantur per vires contrarias ,
quæ corpora in eodem statu retinere possunt ; sic si corpus
aliquod filo alligatum circa centrum immobile revolvatur ,
vis , qua à centro recedere conatur , est Vis centrifuga ; a-
ctio autem fili renitentis & corpus versus centrum continuo
retrahentis , qua fit ut corpus in eodem semper circulo re-
tineatur , erit tanquam Vis centripeta vi centrifugæ æqualis ,
adeoque harum virium una per alteram rite æstimari potest.
Sic etiam vis gravitatis alicujus corporis innotescit per vim
ipsi contrariam & æqualem , qua ipsius descensus impediri
potest. Potest autem vis illa vel esse alterius corporis pon-
dus (per mechanicum aliquod instrumentum e. g. libram)
contrarie agentis ; vel vis centrifuga quæ orietur , si corpus
illud cum certa quadam & determinata velocitate in circulo
circa centrum Terræ revolvatur ; vel denique potest esse al-

terius corporis firmitudo & resistentia supra quod pondus premens incumbit.

XXV. *Quantitas acceleratrix cujusvis Vis est mensura velocitatis quam in dato tempore vis illa generat.*

In eâdem à Terra distantia corpora omnia utcunque inæqualium ponderum æquivelociter descendunt, & proinde æquales sunt ipforum vires acceleratrices; in distantibus autem inæqualibus inæqualiter, in majori scil. minus, in minore magis, accelerantur.

L E C T I O VIII.

FINITIS definitionibus, ad res minus claras vel terminos minus usitatos explicandos inservientibus, ad Axiomata physica accedimus. Cum autem philosophiæ naturalis objectum sint corpora corporumque in se invicem actiones, quæ non tam facile & distincte concipiuntur, quam simplices illæ magnitudinum species de quibus tractat Geometria; nollem ut quisquam in materia physica, tam rigida demonstrandi methodo insistat, ut principia demonstrationum, hoc est, axiomata adeo clara & per se evidentia postulet, ac illa sunt quæ in Geometriæ elementis traduntur: talia quidem dari rei natura non permittit. Verum sufficiat si ea adhibeantur, quæ rationi & experientiæ congrua esse deprehendimus, quorum veritas primo quasi intuitu elucet, quæ sibi ipsis fidem apud non obstinatos conciliant, & quibus assensum suum nemo denegabit, nisi se omnino Scepticum profiteatur.

Verum etiam in demonstrationibus, laxiore aliquando argumentationis genere utendum est, & propositiones adhibendæ sunt non absolute veræ, sed ad veritatem quam proxime accedentes, e. g. Cum demonstratur omnes ejusdem Penduli Vibrationes in arcibus circuli minoribus factas, æquidiuturnas fore. Supponitur arcum circuli parvum ipsiusque chordam esse declivitatis & longitudinis ejusdem, quod tamen, si rigidam veritatem spectemus, admittendum non est: at in physica, hæc hypothesis tantillum à vero abludit; ut differentia merito sit negligenda, & discrepantia vibrationum quæ
ex

ex illa differentia oritur omnino insensibilis evadit, uti experientia testatur. Sic etiam insignis Philosophus & Geometra *D. Gregorius*, in *Elementis Catoptricis & Dioptricis*, laxiorem Geometriam adhibet, lineas & angulos tanquam æquales assumendo, qui revera inæquales ad æqualitatem quam proxime accedunt. Atque sic pulcherrima solvit problemata physica quæ alias intricatissima futura sunt. Sed etiam ipsi *Newtono* aliquando arridet hæc methodus; ut videre est in *Prop. 3. lib. 2. Philosophiæ Naturalis Princip. Math.*

Si qui vero sint qui contra istiusmodi principia & demonstrationes pertinacem obfirmant animum & propositionibus satis manifestis se expugnari non patiuntur, hos ut supinâ suâ ignorantia gaudeant relinquimus, nec dignos esse qui ad veram Physicam admittantur censemus.

A X I O M A T A.

- I. *Non entis aut nihili nullæ sunt proprietates aut affectiones.*
- II. *Nullum Corpus potest naturaliter in nihilum abire.*
- III. *Omnis mutatio corpori naturali inducta ab agente externo procedit; corpus enim omne est iners materiæ moles, & nullam sibi ipsi mutationem inducere valet.*
- IV. *Effectus sunt causis suis adæquatis proportionales.*
- V. *Causæ rerum naturalium eæ sunt, quæ simplicissimæ sunt, & Phenomenis explicandis sufficiunt: nam Natura methodo simplicissimâ & maxime expeditâ semper progreditur; hisce enim operandi modis se melius prodit Sapientia Divina.*
- VI. *Effectuum naturalium ejusdem generis eadem sunt causæ; ut descensus lapidis & ligni ab eadem causâ procedit; eadem quoque est causa lucis & caloris in Sole & in igne culinari; reflexionis lucis in Terra & Planetis.*
- VII. *Quæ duæ res ita inter se connexæ sunt, ut sese perpetuo comitentur, & quarum unâ mutatâ vel sublatâ, altera quoque similiter mutetur vel tollatur, vel harum una alterius causa est, vel utraque ab eadem causa communi provenit.*

Sic si sit *Acus magnetica* circa axem versatilis, cui *Magnes* admoveatur & circa eandem revolvatur; acus etiam

continuo eodem tenore movebitur, & si sistatur magnetis motus, subsistet quoque ipsius acûs circulatio, & rursus cum ipso magnete revolvi incipiet: unde nemo dubitat quin acûs vertigo ab ipsius magnetis motu dependeat. Sic etiam cum fluxus & refluxus maris in eodem loco semper fiat, scil. cum Luna ad eundem circulum horarium pervenerit, & ejus motum continuo comitetur; periodus nempe æstuum periodo motuum lunarium ita præcise respondet, ut nulla à tot seculis notata sit aberratio: retardatur enim minutis 48. in singulos dies; & in syzygiis Lunæ cum Sole semper fit æstus maximus, in Quadraturis minimus; unde agnoscendum est maris fluxum à motu Lunæ & ipsius situ respectu Solis pendere.

VIII. *Moto corpore quovis secundum quamcunque plagam, omnes ejusdem particulæ, quæ in ipso relative quiescunt, eadem velocitate simul secundum eandem plagam progrediuntur; hoc est, moto loco relativo movebitur quoque locatum.*

IX. *Æquales materiæ quantitates eâdem velocitate latæ æqualia habebunt momenta seu motuum quantitates.*

Nam momentum cujusque corporis est summa momentorum omnium particularum corpus illud componentium; & proinde ubi æquales sunt particularum magnitudines & numeri, æqualia erunt momenta.

X. *Vires æquales & contrariæ in idem corpus agentes mutuum effectum tollunt.*

XI. *Ab inæqualibus autem & contrariis viribus producitur motus æquipollens excessui præpollentis.*

XII. *Motus à viribus conspirantibus, hoc est, secundum eandem directionem agentibus, productus æquipollet earundem summæ.*

XIII. *Æquipollens si vel augeatur vel contrarium minuatur fit præpollens.*

Qui mechanice Philosophari volunt duo sequentia adhibent Effata.

XIV. *Omnis Materia est ejusdem ubique naturæ, & eadem habet essentialia attributa, sive in Cælis sit, sive in Terris, sive appareat sub forma corporis fluidi, sive duri aut alterius cujuscvis;*

jusvis ; hoc est , materia cujusvis corporis , e. g. ligni , à materia alterius cujusvis non essentialiter differt.

XV. *Diversæ autem corporum formæ non sunt nisi diversæ modificationes ejusdem materiæ ; & à variâ particularum corpora componentium magnitudine , figura , textura , positione & cæteris modis pendent.*

XVI. *Sic etiam qualitates seu actiones vel potentiæ quorundam corporum in alia corpora oriuntur solum ex prioribus affectionibus & motu conjunctim.*

Ponunt autem Philosophi Materiam esse omnium formarum & qualitatum commune substratum , quæ ad omnes se indifferenter habet , cum sit omnium capax , & eadem semper manet sub quibuscunque appareat formis , unde & à Peripateticis materia prima nuncupatur.

Quamvis vero formæ & qualitates ipsi materiæ sunt prorsus accidentales , ad corpus tamen , quod ex forma & materia simul junctis coalescit , necessario & essentialiter pertinent ; v. g. quamvis materia ligni prorsus sit indifferens ad hanc vel illam formam seu particularum figuram & texturam , quibus infinitis modis variatis eadem semper manet ; non tamen potest lignum subsistere sine determinata illa particularum modificatione , quæ formam lignei corporis constituit , qua sublata perit lignum , & eadem materia in alterius generis corpus transit. Quod autem in particularum modificatione forma corporis lignei consistit , patet ubi lignum igni immittitur , & materia formâ illâ privatur : nam per vim ignis dissolvitur particularum nexus & textura , & harum pars quædam in fenum & vapores transit , altera in cineres reducitur.

Multa à Philosophis proferuntur exempla , ut ostendant varias particularum ejusdem materiæ magnitudines , figuras & texturas , varias producere corporum formas , & ex variis etiam ipsarum motu & positione , varias oriri qualitates ; quorum aliqua hic adducemus.

Primo , cum per calorem solis aquæ particulæ rarefiant , ex mari ad supremum fere aëra sub forma vaporum evehantur ; at recens hæc forma non aliunde provenit quam ex partium

tium

tium mutato situ: per rarefactionem autem fit, ut aqueæ particulæ plura & patentiora forte contineant in se spatiosa, vel omnino vacua, vel purissimo tantum æthere repleta: unde harum materia majus occupans spatium, quam æqualis materiæ aëriæ quantitas, aëre redditur minus intensive gravis, & proinde sursum trahitur, eodem modo quo suber sub aqua demersum: nec unquam consistunt vapores donec ad aërem ejusdem gravitatis perveniunt, ubi relative quiescunt, & nubes mille figuras induentes componunt.

Mox ubi per ventorum cursum aër minus gravis redditur, vapores eandem retinentes gravitatem necessario subsident, & in casu suo per aëris resistentiam condensati, & in minus spatium coacti formam priorem amittunt, & in terram cadentes pluviae speciem recipiunt.

Multo maxima hujus pars per fluvios ad mare deducitur, iterum in vapores abitura; pars vero aliqua terræ se immiscet, & ibi deposita arborum herbarumque radices & semina ingreditur, è quibus in alias plane & novas corporum species affurgit. Et eadem quidem pluvialis aqua diversa corpora componit, prout diversa ingreditur rerum semina; quædam scil. transit in plantagines, quædam in gramina, aliqua in flores, aliqua in quercus, ornos, fagos, & alias quamplurimas arborum & plantarum species.

Nec in eadem planta omnino similis manet eadem pluvia, cum plantæ omnes ex innumeris heterogeneis constent partibus; sic in lino *e. g.* alia est forma radiceis, alia caulis, alia tenuium fibrarum, alia florum, alia seminis, alia capsularum semen continentium.

Varia quoque est in eodem lino vasorum structura, (non aliter enim ac in corpore animato, quælibet planta sua habet vasa humorum circulationi inservientia) sed & diversis omnino gaudent hæ partes proprietatibus: caulis *e. g.* est corpus lignosum & post exsiccationem valde friabile, dum cortex seu membranula caulem operiens, ex oblongis tenuissimis & plicabilibus constat fibris varie inter se connexis.

Hanc membranam à caule sua separant linifices, & postquam mille tractaverunt modis, fibras ejus in oblonga contorquent

torquent fila ; mutataque particularum positione & situ , aliam sane & longe diversam subeunt fibrillæ formam ab ea, quam in viridi habebant planta.

Mox in se convoluta fila , iisdem manentibus particulis ipsorum minimis , glomorum species præbent. Fila hæc varie inter se connectunt & texunt linteones , & arte suâ telas ex illis componunt , quæ vestimenta hominibus præbent. Hæc denique in linteola redacta aquæ immittuntur , & malleis ligneis in mollem quasi pulpam rediguntur , quæ tandem , exsiccato humore aqueo in formam Papyri transmutatur , quæ si igni immittatur partim in tenuissimum pulverem ; partim in fumum evanescit.

At hæc omnes tam multifariæ sub quibus eadem materia apparet formæ , non nisi ex particularum mutata figura , magnitudine & textura proveniunt , & ab his solummodo pendent.

Sic si metalla liquantur , ignis vi partium cohærentia dissolvitur , & particulæ metallicæ à se invicem separatæ rapidissimo cientur motu , quo fit ut formam corporis fluidi induant.

Hinc etiam (ut videtur) oritur illa salium & metallorum in menstuis dissolutio ; per fermentationem enim separantur partes à se invicem , & in minima resolutæ ipsius fluidi agitantur motu , unde tanquam corpora fluida apparebunt. Ex hisce corporum , ipsorumque partium figuris & reliquis modificationibus plurimi oriuntur effectus , plurimæ qualitates singulis corporum generibus propriæ , quas perire necesse est si partium constitutio mutetur. Sic ex eadem materia v. g. ferro formantur claves , cultri , limæ , ferræ , & alia innumera instrumenta ad varios usus accommodata , quorum qualitates & effectus ex solis pendent eorundem figuris : unde enim clavi potentia sua ad ostium referandum , nisi ab ipsius figura , magnitudine , & partium congruitate cum partibus feræ cui immittitur ? Unde cuneis & cultris potentia ad corpora findenda ? Nonne hanc ex sola ipsarum figura provenire demonstratum est à Mechanicæ scriptoribus ? Unde fiunt motus in Automatis tam regula-

res, nisi ex rotis inter se dispositis, sibi invicem adaptatis & commissis; unde denique fit, ut per machinas artificiales tanti effectus producantur? Certè ratio non aliunde quam ab ipsarum fabrica petenda est.

Nec minus partium suarum constitutioni & modificationi debent corpora naturalia, quam artificialia: omnes enim ipsorum operationes non nisi ex motu, situ, ordine, figura, & positione corpusculorum proveniunt, quibus in quovis corpore mutatis, mutantur etiam eo ipso istius corporis qualitates.

Si corporis superficies sit scabra & aspera, Lucem in ipsam incidentem undequaque reflectit, propterea quod partes superficiales lucem excipientes & remittentes non omnes in una atque eadem superficie regulari, sed infinitis fere iisque diversis locantur planis: unde lucem in varia hæc plana incidentem undique etiam reflecti necesse est. Hinc glacies, quæ cum integra & polita sit nullius fere est coloris, in partes tamen contusa, seu asperam & angulosam habens superficiem, alba apparet, scil. cum lumen copiose & in omnes partes reflectit. Eadem quoque est ratio albescentis aquæ cum in spumam vertitur.

Ea autem est plerorumque corporum visibilium structura, ut eorum superficies partem radiorum in se incidentem suffocare, partem remittere possint. Si superficies ita sint comparatæ, ut omnia radiorum genera æqualiter reflectant vel æqualiter suffocant, erit illorum color vel albus, vel niger, vel subfuscus, inter album & nigrum medius: nam color albus non aliter differt à nigro, quam quod alba corpora plurimos reflectant omne genus radios, nigra autem paucissimos. Hoc patet ex umbra corporis opaci, quæ sole lucente in parietem album projicitur; pars enim in qua umbra versatur, cum multo pauciores quam reliquæ omnes excipiat radios, multo pauciores quoque reflectit, adeoque reliquarum respectu nigra apparet. At si partes illæ reliquæ non plures reciperent radios, quam ea ubi umbra projicitur, tunc ubique idem foret color, nempe albus.

Si talis sit superficiei textura, ut aliquod radiorum genus

nus copiosius, & reliqua omnia parcius, reflectat, superficiei color ad eum accedet qui ex radiis magis copiose reflexis oritur; hoc exinde demonstrari potest, quod ejusdem objecti varius erit color, prout varia excipit radiorum genera, reliquis interceptis, ut primus invenit sagacissimus *Newtonus*. Sic si per trigonum Vitreum radii rubri (sic enim vocitare licet colorem rubrum producentes) in objectum cæruleum projiciantur, objectum suum mutabit colorem, & rubrum induet; si flavos tantum excipiat radios, tunc ejus color in flavedinem vertetur; si cærulei incidant radii, cæruleus apparebit, & color ille cæteris omnibus coloribus vividior erit, eo quod horum radiorum multo plures reflectit, & pauciores suffocat quam reliquorum.

Si superficies corporis sit exacte polita, hoc est, nulla asperitate & scabritie impedita, & radios satis confertos reflectat; hæc radios ab objecto quovis prodeuntes, & in ipsam incidentes ita reflectet, ut objecti illius imaginem conspiciendam præbeat: & ob eam causam corpora istiusmodi superficies habentia *Specula* vocantur. Si speculum sit planum, imago erit objecto æqualis, & pone speculum invenietur, ad distantiam æqualem ei quam habet radians ante ipsum; si superficies sit concava sphaerica, & objectum radians magis distet ab ipso quam $\frac{1}{2}$ diametri sphaeræ, imago in aëre pendula inter radians & speculum apparebit, & ipso quidem objecto minor erit; si radians in centro locetur, ibi quoque erit ejus imago ipsi æqualis; si ultra centrum versus speculum progreditur radians, ita scil. ut major sit ipsius distantia ab eo quam $\frac{1}{2}$ diametri, imago à speculo ultra centrum transcurrent, & radiante major erit: cum autem radians ad distantiam æqualem $\frac{1}{2}$ diametri pervenerit, tum imaginis distantia infinita evadit; si autem tantillo propius ad speculum accedat, imago erit pone speculum ipso radiante major. Omnia hæc tam diversa Phænomena ex sola mutata distantia proveniunt, cæteris omnibus in eodem statu manentibus.

Videamus jam varios & illos prorsus contrarios effectus: qui ex solo mutato situ seu positione oriuntur, aliis rebus

omnibus in eodem statu existentibus, præter ea quæ ex mutatione situs dependent.

Omnes jam agnoscunt Philosophi Solem in centro hujus Systematis quiescere, Terram autem, reliquorum planetarum instar, circa ipsum spatio annuo deferri; ita autem Terra circa Solem movetur, ut axis ejus non ad orbitæ suæ planum normalis, sed ad ipsum inclinatus angulo $66\frac{1}{2}$ gr. sibi semper parallelus maneat. Et propter hunc paralleliſmum & inclinationem, necesse est, ut Terra aliquando unum ipsius polum Soli obvertat, aliquando alterum, & proinde Terræ partes omnes varios subibunt ad Solem situs. Ex hac situs mutatione dependent omnes illæ tempeſtatum viciffitudines, quæ ſingulis annis obveniunt, ſcil. æſtas, hyems, ver & autumnus: ſi enim axis Terræ ad planum suæ orbitæ normalis eſſet, tunc nullæ forent temporum mutationes, nullæ dierum & noctium differentiæ, ſed quælibet Terræ pars radiorum Solarium æquales vires eodem ſemper exciperet modo.

Cum autem ſingulæ Terræ partes Solis reſpectu ſitum ſuum continuo mutant, & ejuſdem radios nunc magis obliquos, nunc minus, nunc breviorē, nunc diuturniorē tempore excipiant, diverſæ & prorſus contrariæ exinde oriuntur phaſes. Autumno ſcil. exareſcunt ſegetes, & fructus matureſcunt, paulatim tamen viridem & amœnam faciē depōnunt campi, & decidunt arboribus folia. Mox ingruente hyeme frigent & horrent omnia, nix tegit alta montes, cujus onere depreſſæ laborant ſylvæ; imo quod mirum eſt, ipſæ maris aquæ ſtabiles & firmæ redduntur, quodque prius fuit navibus tantum penetrabile, nunc exercitus & caſtra gerit.

Terrâ autem orbem ſuum continuo percurrente, quælibet ejus pars Solis reſpectu ſitum mutat, & quæ prius averſa, nunc Solem reſpicere incipit; quod dum fit, diffugiunt nives, redeunt gramina campis, & ſua arboribus folia, nec ſtabulis jam gaudet equus, nec arator igne, ſed nova prorſus & læta apparet rerum faciēs, & annus per æſtatem ad autumnum revertitur.

Cum

Cum jam tot diverſi, tot contrarii eveniunt effectus ex ſola ſitus mutatione, & tam varia ex hac conſequantur Phænomena, cæteris omnibus cauſis iſdem manentibus, certe ex poſitione, diſtantiâ, magnitudine, figura & ſtructura partium corpora componentium, ex effluviis motu & ſubtilitate, ex corporum congruitate & eorum ad alia corpora reſpectu; ex hiſce inquam omnibus varie & infinitis fere modis junctis & ſimul combinatis, infinitæ propemodum diverſæ provenire poſſunt corporum formæ, affectiones & in ſe invicem operationes, nec quicquam in Natura conſpiciendum eſt, quod ex hiſce non pendet. Si enim hæc mutantur, mutabuntur ſimul corporum formæ, qualitates & operationes. *e. g.* Conſtat attractiones & directiones Magneticas ex partium ſtructura oriri; nam ſi ictu ſatis valido magnes percutiatur, quo partium internarum poſitio mutetur, mutabitur etiam eo ipſo Magnetis Polus. Et ſi igni immittatur Magnes, quo interna partium ſtructura mutetur vel prorfus deſtruatur, tunc amittit omnem priorem virtutem, & ab aliis vix differt lapidibus.

Etiamſi autem generaliter oſtenſum ſit operationes magneticas ab interna partium conſtitutione quodammodo provenire, modus tamen operandi, ex mechanicis & intellectu facilis principiis deductus, non adhuc inventus eſt. Quodque nonnulli de effluviis, materia ſubtili, particulis poris magnetis adaptatis, &c. generaliter prædicant, minime nos ad claram & diſtinctam harum operationum explicationem deducit: ſed omnibus hiſce non obſtantibus virtutes Magneticæ inter occultas qualitates reponendæ ſunt.

Ex dictis ſequitur, qualitates corporum quæ à formis non pendent, quæque eâdem manente materiæ quantitate intendi & remitti nequeunt, ſed omnibus inſunt corporum generibus in quibus experimenta inſtituere liceat, eſſe qualitates omnium corporum univerſales. Cum enim ex forma ſeu modificationibus corporum non proveniant, oportet ut ab ipſa dependeant materia: ſed cum omnis materiæ eadem ſit natura, & pars ipſius quævis ab alia non niſi per modos differat, erunt qualitates ex hiſce modis non productæ in omnia materia eadem.

LECTIO IX.

Theoremata de Motus Quantitate & Spatiis à mobilibus percursis.

THEOR. I.

IN comparandis corporum motibus, si mobilium quantitates materiae aequales sint, erunt momenta seu motuum quantitates, ut velocitates.

TAB. 2.
fig. 5.

Sint A & B duo mobilia aequales habentia materiae quantitates, & moveatur A celeritate C, B vero celeritate c ; dico momentum seu quantitatem motus in mobili A, esse ad momentum seu quantitatem motus in mobili B, ut celeritas C ad celeritatem c : Si enim vis aliqua imprimenda sit corpori A, ad illud movendum cum data velocitate C, dupla habenda est vis ad movendum corpus B cum dupla velocitate, & tripla adhibenda est vis ad illud movendum cum tripla velocitate, & dimidia tantum vis necessaria est ad movendum B cum dimidia velocitate, & sic de cæteris multiplicibus vel submultiplicibus; *i. e.* cum (per Axioma quartum) effectus sint causis suis adæquatis proportionales, si vis, quæ adhibetur ad corpus B movendum, sit dupla istius quæ applicatur ad A movendum, erit quoque illius momentum hujus momenti duplum; si tripla habenda est vis, erit quoque motus corporis B motus ipsius A triplus; si dimidia tantum vis corpori B imprimatur, erit ejus momentum dimidium momenti ipsius A: hoc est, cum velocitas corporis A sit universaliter ad velocitatem ipsius B, ut vis impressa corpori A ad vim ipsi B impressam; & ut vis impressa mobili A ad vim impressam corpori B, ita momentum seu quantitas motus in A ad momentum seu quantitatem motus in B; erit velocitas mobilis A ad velocitatem mobilis B ut motus ipsius A ad motum mobilis B. Q. E. D.

Cor. Si momenta sint ut velocitates, erunt quantitates materiae in corporibus motis aequales.

THEOR. II.

In comparatis motibus, si celeritates sint aequales, erunt corporum momenta seu motuum quantitates, ut quantitates materiae

riae in iisdem; vel si mobilia sint homogenea, ut ipsorum magnitudines.

Sint duo mobilia A & B, quorum utrumque feratur eadem celeritate C; dico momentum corporis A esse ad momentum corporis B, ut quantitas materiæ ipsius A ad quantitatem materiæ ipsius B. Si enim materiæ quantitas in A dupla sit istius quæ est in B, dividi potest A in duas partes, quarum utralibet tantum habebit materiæ, ac proinde (per Axioma 9) tantum motus, quantum habet B; cum scil. eadem velocitate utrumque corpus feratur: adeoque erit momentum corporis A momenti corporis B duplum. Si materiæ quantitas in A tripla sit ejus quæ est in B, dividi potest A in tres partes, quarum unaquæque habebit motus quantitatem, æqualem ei quæ est in B; & universaliter, quamcunque proportionem habet materia in A ad materiam in B, eandem habebit rationem momentum ipsius A, ad momentum ipsius B, si modo eadem velocitate utrumque corpus latum fuerit. TAB. 2.
fig. 4.

Si corpora homogenea sint, erunt quantitates materiæ ut ipsorum magnitudines seu moles, ac proinde ipsorum motus erunt etiam in eadem magnitudinum ratione.

Cor. Si momenta sint ut quantitates materiæ, erunt celeritates corporum æquales.

T H E O R. III.

In comparatis motibus quorumcunque corporum, momentorum ratio componitur ex rationibus quantitatuum materiæ & celeritatum.

Sint duo mobilia quæcunque A & B, & moveatur A celeritate C, B vero celeritate c ; dico momentum ipsius A esse ad momentum ipsius B, in ratione composita ex ratione quantitatis materiæ in A ad quantitatem materiæ in B, & ratione celeritatis corporis A ad celeritatem corporis B. Ponatur corpus tertium G, quod materiam habeat æqualem ei quæ est in A, sed moveatur celeritate corporis B. Constat ex Elementis rationem momenti corporis A ad momentum corporis B, compositam esse ex ratione momenti corporis A, ad momentum corporis G, & ratione momenti corporis G ad momen- TAB. 2.
fig. 6.

momentum corporis B : sed (per Theor. 1.) momentum corporis A est ad momentum corporis G, ut celeritas C est ad celeritatem c ; & cum G & B eadem celeritate feruntur, momentum corporis G erit ad momentum corporis B, ut materiae quantitas in G vel A ad quantitatem materiae in B. Ideoque erit quoque momentum corporis A ad momentum corporis B, in ratione composita celeritatis C ad celeritatem c , & quantitatis materiae in A vel G ad quantitatem materiae in B. Q. E. D.

Cor. 1. Si corpora sint homogenea, momentorum ratio erit composita ex ratione magnitudinum & celeritatum.

TAB. 2.
fig. 7.

Cor. 2. Si fiat ut A ad B, hoc est, ut materiae quantitas in A ad quantitatem materiae in B, ita recta D ad rectam E, & compleantur rectangula sub D & C, & sub E & c , erit momentum mobilis A ad momentum mobilis B, ut rectangulum DC ad rectangulum E c .

Nam quia est ut A ad B ita D ad E, erit ratio composita ex rationibus A ad B & C ad c , æqualis rationi compositæ ex rationibus D ad E & C ad c ; sed (per 23. El. 6.) ratio composita ex rationibus D ad E & C ad c , æqualis est rationi rectanguli DC ad rectangulum E c : & (per Theor. hoc tertium) ratio momenti mobilis A ad momentum mobilis B æqualis est rationi compositæ ex rationibus A ad B seu D ad E & C ad c ; quare erit ut rectangulum DC ad rectangulum E c , ita momentum mobilis A ad momentum mobilis B. Cujusvis igitur corporis momentum considerari potest tanquam rectangulum factum ex ductu molis, vel quantitatis materiae in eodem contentæ, in ejusdem celeritatem.

Cor. 3. Quare quæcunque demonstrata sunt de horum rectangulorum proportionem, eadem quoque vera erunt de corporum momentis hisce rectangulis proportionalibus; v. g. Si sit ut D ad E, vel ut A ad B, ita c ad C, erunt in eo casu mobilium momenta æqualia; rectangula enim parallelogramma latera reciproce proportionalia habentia sunt æqualia (per 14. El. 6.) & è contra, si rectangula sint æqualia, erunt latera reciproce proportionalia; hoc est, si quantitates materiae, seu in corporibus ejusdem generis, eorundem

dem magnitudines, sint celeritatibus reciproce proportionales, erunt momenta æqualia; & conversim, si momenta sint æqualia, erit ut materiæ quantitas in uno ad quantitatem materiæ in altero, ita reciproce hujus celeritas ad illius celeritatem; hinc etiam demonstratur sequens

T H E O R. IV.

In comparatis motibus, celeritatum ratio componitur ex ratione directâ momentorum, & reciproca quantitatum materiæ.

Sint duo mobilia A & B, & feratur A celeritate C, B vero celeritate c . Dico esse C ad c , hoc est, celeritatem unius A ad celeritatem alterius B, in ratione directâ momenti corporis A ad momentum corporis B, & ratione reciproca materiæ in A ad materiam in B. Fiat ut A ad B, ita recta EI ad rectam KG; & fiat IL æqualis C, GH vero æqualis c ; & compleantur rectangula EL, KH. Per superius dicta, rectangula EL, KH repræsentabunt momenta mobilium A & B respectivè; ad GH applicetur rectangulum HN æquale rectangulo EL. Cum igitur HN æquale sit EL, erit (per 16. El. 6.) IL ad GH, ut GN ad EI; sed ratio GN ad EI æqualis est rationi GN ad GK, & GK ad EI; hoc est, æqualis rationibus rectanguli HN vel EL ad KH rectangulum, & GK ad EI: quare erit celeritas C vel IL ad celeritatem c vel GH, in ratione composita ex ratione momenti EL ad momentum KH, & materiæ GK ad materiam EI; hoc est, velocitas cujusque corporis semper est ut illius momentum applicatum ad ejusdem materiam. Q. E. D.

Simili prorsus ratiocinio colligitur, corporis cujusque materiam esse semper ut momentum ad ejusdem velocitatem applicatum.

Atque hæc de corporum momentis. De proportionem spationum à mobilibus emensorum sequentia etiam vulgo demonstrantur Theoremata.

T H E O R. V.

In comparatis motibus, si mobilium celeritates sint æquales, erunt spatia ab illis percursa directè ut tempora quibus peraguntur motus.

Percurrat mobile longitudinem AB, tempore T, motu æ-

M

quæ-

TAB. 2.
fig. 10.

quabili & uniformi; item idem vel aliud mobile eadem velocitate latum percurrat longitudinem CD , tempore t ; dico lineam AB esse ad lineam CD , ut Tempus T ad tempus t . Etenim si tempus T sit duplum ipsius t , potest illud dividi in duas partes, quarum unaquæque æqualis erit t , adeoque singula spatia, æqualibus hisce temporis partibus, eadem celeritate percurfa, æqualia erunt spatio percurfo in tempore t ; & duo spatia simul sumpta spatii tempore t percurfi dupla erunt: eodem modo, si T sit triplum ipsius t , dividi potest in tres partes æquales, & spatia singulis hisce temporibus percurfa æqualia erunt spatio tempore t percurfo; ac proinde tria spatia simul sumpta spatii tempore t percurfi tripla erunt. Idem de aliis multiplicibus & submultiplicibus ostendi potest; quare universaliter, quamcunque proportionem habet T ad t , eandem habebit spatium percurfum AB ad spatium percurfum CD . Q. E. D.

Cor. Si tempora sint ut spatia percurfa, celeritates sunt æquales.

T H E O R. VI.

In comparatis motibus, si motuum tempora æqualia sint, spatia percurfa erunt ut celeritates.

TAB. 2.
fig. 11.

Percurrat mobile aliquod in dato tempore longitudinem AB , celeritate C ; & in eodem vel æquali tempore, percurrat idem vel aliud mobile longitudinem DE , celeritate c ; dico lineam AB esse ad lineam DE , ut celeritas C est ad celeritatem c . Si enim celeritas C sit dupla ipsius c , erit spatium AB percurfum celeritate C duplum spatii DE percurfi celeritate c ; si celeritas C sit tripla ipsius c , erit quoque AB longitudo ipsius DE longitudinis tripla; si C sit dimidia ipsius c , erit AB ipsius DE dimidia: & universaliter, cum æqualia tempora in percurrentibus lineis infumantur, quamcumque proportionem habet celeritas C ad celeritatem c , eandem habebit longitudo percurfa AB ad longitudinem percurfam DE . Q. E. D.

Cor. Si celeritates sint ut spatia percurfa, tempora erunt æqualia.

Poterant duo prima Theoremata, item quintum & hoc sex-

textum, universaliter per æquimultiplicia, *Euclidis* methodo, demonstrari; verum cum per se adeo clara sint ut inter Axiomata reponi possint, vix tanto demonstrationis apparatu indigent.

THEOR. VII.

Longitudines percurse sunt in ratione composita ex rationibus temporum & celeritatum.

Sit linea AB peragrata celeritate C, tempore T; & linea DE celeritate c , tempore t ; dico rationem AB ad DE compositam esse ex ratione celeritatis C ad celeritatem c , & ratione temporis T ad tempus t . Ponatur linea FG percurri tempore T, celeritate c ; constat AB esse ad DE, in ratione composita ex rationibus AB ad FG, & FG ad DE. Sed quia AB & FG eodem tempore percurruntur; erit AB ad FG, ut celeritas C ad celeritatem c ; cum vero mobilia eadem celeritate describunt lineas FG & DE; erit (per Theor. 6.) FG ad DE, ut T tempus ad t tempus; quare cum ratio AB ad DE componitur ex rationibus AB ad FG, & FG ad DE, erit etiam composita ex rationibus quæ sunt hisce rationibus æquales, nempe ex ratione celeritatis C ad celeritatem c , & temporis T ad tempus t .

Cor. 1. Si fiat HK æqualis C, HI æqualis T, item MN æqualis c , & MO æqualis t , & compleantur rectangula parallelogramma HL, MP; erit AB ad DE, ut rectangulum HL ad MP rectangulum; nam (per 23. El. 6.) est rectangulum HL ad rectangulum MP, in ratione composita ex rationibus HK ad MN, & HI ad MO; sed (per præcedens Theorema) spatium percursum AB est ad spatium percursum DE, in ratione ex iisdem rationibus composita; unde spatia hæc percurfa considerari possunt, tanquam rectangula facta ex temporibus in celeritates ductis.

Cor. 2. Si igitur spatia percurfa sint æqualia, erit quoque rectangulum sub celeritate & tempore quibus unum spatium transigitur, æquale rectangulo sub celeritate & tempore, quibus alterum peragratur spatium, & proinde erit ut celeritas ad celeritatem, ita reciproce tempus ad tempus (per 14.

El. 6.) hoc est, si spatia percurſa ſint æqualia, tempora erunt reciproce ut celeritates.

THEOR. VIII.

In comparatis motibus, temporum ratio componitur ex directâ ratione longitudinum, & reciproca celeritatum.

TAB. 2.
fig. 14.

Theorema hoc demonſtrari poteſt eodem modo ex præcedenti, quo quantum ſequitur ex tertio; perſpicuitatis autem gratia ſic breviter oſtenditur. Percurratur tempore T longitudo AB , celeritate C ; item tempore t longitudo DE percurratur, celeritate c ; dico tempus T eſſe ad tempus t in ratione compoſita ex directâ ratione longitudinis AB ad longitudinem DE , & reciproca celeritatis C ad celeritatem c . Sit K tempus quo percurri poteſt longitudo AB cum celeritate c , erit ratio temporis T ad tempus t compoſita ex ratione T ad K , & K ad t ; ſed (per Corol. præcedentis Theor.) eſt ut T ad K ita c ad C (cum idem ſpatium utroque tempore percurritur) & ut K ad t , ita (per Cor. Theor. 5.) longitudo AB ad longitudinem DE ; quare erit T ad t in ratione compoſita celeritatis c ad celeritatem C , & longitudinis AB ad longitudinem DE ; hoc eſt, tempora ſunt in ratione compoſita ex reciproca celeritatum & directâ longitudinum. Q. E. D.

Eodem modo oſtenditur, celeritates eſſe in ratione directâ longitudinum, & reciproca temporum.

Cor. 1. Atque hinc ſequitur, tempus eſſe ut ſpatium percurſum applicatum ad celeritatem.

Cor. 2. Celeritas quoque eſt ut ſpatium percurſum applicatum ad tempus.

Theorema tertium & ſeptimum demonſtrari poſſunt ex univerſali hoc theoremate, nempe:

Si effectus aliqui ex pluribus ſimul cauſis pendeant, ita ſcil. ut augeantur vel diminuantur in eadem ratione, qua augetur aut diminuitur cauſarum aliqua; erunt effectus illi in ratione cauſarum omnium compoſita; hoc eſt, ſi cauſæ A , B , C ſimul agentes producant effectum E , qui cæteris iisdem manentibus ſemper eſt ut cauſarum quævis; & aliæ cauſæ a , b , c , prioribus reſpective ſimiles & ſimi-

militer agentes, producant effectum e ; erit ut E ad e ita $A \propto B \propto C$ ad $a \propto b \propto c$. Quod eadem fere methodo, quam in præcedentibus demonstrationibus adhibuimus, facile ostendi potest.

Ad eundem modum, si idem effectus ex pluribus rebus simul pendeat, quarum aliquæ eundem adjuvant vel augent in ea ratione qua ipsæ augentur; aliquæ vero impediunt vel minuunt in eadem ratione qua augentur; erit effectus semper directe ut causæ adjuvantes, & reciproce ut agentes impediētes vel minuentes.

Theorema septimum stylo *Newtoniano* sic demonstratur. *Data celeritate, spatium percursum est ut tempus; & dato tempore, spatium percursum est ut celeritas; quare neutro eorum dato, est ut celeritas & tempus conjunctim.*

Sic etiam Theorema octavum ostenditur, *Data celeritate, tempus est directe ut spatium percursum; & dato spatio, tempus est reciproce ut celeritas; quare neutro dato, tempus erit directe ut spatium & reciproce ut celeritas.*

Similiter Theorema tertium & quartum exponi possunt, atque hanc methodum nos etiam brevitati studentes interdum usurpabimus.

L E C T I O X.

IN Demonstrationibus præcedenti Lectione adhibitis methodum exposuimus, qua res Physicæ ad Geometriam primo, deinde ad Arithmeticam reducendæ sunt; cum enim ibi demonstratur corporum motus esse ut rectangula sub ipsorum celeritate & materia, ex datis cujusvis corporis materia & celeritate, dabitur ejusdem momentum; æquale scil. *facto* ex celeritate corporis in ejusdem quantitate materiæ; v. g. sit corpus A octo partium, B vero partium sex, celeritas ipsius A ut 5, & corporis B celeritas ut 3; erit motus corporis A quadraginta partium, & motus corporis B partium tantum octodecim.

Ita ex datis corporis cujusvis momento & materia, innotescet quoque illius celeritas; nempe si dividatur momentum per ipsius materiam, quotiens exhibebit ejusdem velo-

citatem ; fit enim motus in corpore A partium 40, & ejus materia octo partium ; fit etiam motus in corpore B partium octodecim , & illius materia partium 6 ; dividendo quadraginta per octo , quotiens quinque exhibebit , velocitatem scilicet mobilis A ; & dividendo octodecim per 6 , quotiens tria dabit , velocitatem mobilis B.

Cum per exempla res magis elucescunt , & numeri semper ad praxin sunt advocandi , ut tyrones se melius illis adfuescant ; licebit nobis scientiam de motu per numeros quandoque illustrare , & Arithmeticam tam speciosam quam numerosam adhibere ; ex speciosa enim Arithmetica eruuntur canones quidem generales , qui postea ad numeros particulares sunt applicandi.

Sic denotet A materiam in quovis dato corpore A, C vero ejusdem celeritatem , atque ipsius momentum vocetur M ; vel potius hæ literæ denotent numeros quantitibus illis proportionales ; erit $C \propto A = M$ & $C = \frac{M}{A}$ & $A = \frac{M}{C}$.

Similiter cum spatium percursum sit semper rectangulo sub celeritate & tempore proportionale ; si spatium dicatur S, tempus T & celeritas C, erit $S = C \propto T$; & $C = \frac{S}{T}$; & $T = \frac{S}{C}$; &

proinde cum sit $M = A \propto C$, erit quoque $M = \frac{A \propto S}{T}$; vel si

T detur , erit $M = A \propto S$; hoc est , cujusque corporis momentum est ut ipsius materia ducta in spatium ab ipso in dato tempore percursum. Alia quamplurima hisce similia , quæ nonnulli pro motus legibus venditant , ex hætenus demonstratis deduci possunt ; at cum ea omnia tyro quivis facile per se eruere potest , non opus est ut hic proferantur.

Ex supra demonstratis constat , momentum corporis cujuscunque oriri ex motu partium singularium ; nam singulis corporis particulis inest impetus seu vis movendi , & ex harum virium summa componitur impetus seu quantitas motus totius corporis.

Hinc etiam colligitur , quod quo major corporibus inest materiae quantitas , eo major adhibenda sit vis ad ea corpora

ra cum datâ velocitate movenda, & eorum proinde momenta eadem ratione majora erunt; si igitur sint duo corpora eadem velocitate lata, erunt quantitates materiæ in ipsis semper ut eorundem momenta; adeoque si corpora mole æqualia & æquivelocia inæqualia habuerint momenta, necesse est, ut in illis inæquales quoque sint materiæ quantitates; & quod minus habet momenti, plures habebit poros seu spatia, vel omnino vacua, vel materia aliqua repleta, quæ non participat de motu totius corporis cujus poros implere supponitur. Sic, *e. g.* si fiant duo globi suberis & plumbi, ejusdem magnitudinis, & uterque eadem velocitate moveatur; cum experientia notum sit momentum unius multo majus esse momento alterius, necesse est ut multo plures sint pori in uno quam in altero, quos vel omnino vacuos esse concedendum est, vel dicendum eos materia aliqua subtilissima repletos esse, quæ ita libere potest ejusdem poros permeare, ut de motu corporis cujus poros occupat non participet.

Ut autem materia illa libere possit aliorum corporum poros permeare, nec de ipsorum motu participare, oportet ut omnia corpora omnes suos poros secundum rectas lineas directioni motus parallelas extensas habeant; ut scil. nullæ fiant reflectiones materiæ subtilis contra pororum latera: alioquin una cum ipso corpore movebitur materia etiam si subtilissima, quæ ipsius poros replere supponitur. Non potest igitur materia subtilis de corporis motu non participare, nisi corpus motum ita disponatur, ut poros suos directioni motus parallelos habeat. Cum autem infinitis aliis modis ipsius situs variari potest; hoc est, possunt pororum longitudines in infinitis angulis ad lineam directionis inclinari, & proinde illis omnibus positis, moto corpore, una movebitur materia subtilis in ipsius poris locata: non igitur potest materia subtilis ita corporum poros libere permeare quin de ipsorum motu participet; ac proinde moto corpore, movebitur quoque materia intra ipsum contenta quantumvis subtilis sit. Si igitur suber moveatur, secum quoque deferet materiam in ejus poris contentam; adeoque cum minus habet momen-

ti quam globus plumbeus ejusdem magnitudinis eadem velocitate latus, minor erit in subere materiæ copia, & proinde plures pori seu spatia absolute vacua.

Ex demonstratis etiam deducitur sequens Theorema.

T H E O R. IX.

Pondera corporum omnium sensibilibus juxta Terræ superficiem, sunt quantitatibus materiæ in iisdem proportionalia.

Nam, ut multiplici pendulorum experientia constat, corpora omnia vi gravitatis perpendiculariter cadentia (abstrahendo aëris resistantiam) æqualia spatia in iisdem temporibus percurrunt. Nam in vacuo seu medio non resistenti, non plus temporis impendunt in descendendo minutissima quævis plumula, quam ponderosum plumbum; adeoque omnium corporum in dato tempore cadentium velocitates sunt æquales; erunt igitur eorum momenta quantitatibus materiæ in iisdem proportionalia; verum vires motum generantes sunt semper motibus seu momentis generatis proportionales, & proinde in hoc casu erunt ut quantitates materiæ in corporibus motis; sunt autem vires quæ motus illos generant ipsæ corporum gravitationes, hoc est, pondera. Omnium igitur corporum pondera sunt quantitatibus materiæ, quæ in corporibus sunt, proportionalia. Q. E. D.

Cor. 1. Corporis igitur cujusvis pondus, ex aucta solummodo vel diminuta materiæ quantitate, augetur vel diminuitur.

Cor. 2. Quare eadem manente materiæ quantitate in corpore quovis dato, idem quoque manebit ejusdem pondus, & quomodocunque variatur ejusdem figura vel textura particularum corpus illud componentium, pondus tamen ipsius non mutabitur: adeoque nullius corporis pondus ab ejus forma seu textura pendet.

Cum (per Axioma 14.) Natura cujuscunque materiæ sit eadem, nec unum corpus ab alio differat, nisi modaliter, per partium figuram, situm & alias istiusmodi formas; erunt corporum affectiones, quæ ab illorum formis non pendent, in omnibus corporibus eadem; adeoque cum (uti dictum est) corporum pondera ab illorum formis non oriantur, sed

à materiæ quantitate pendeant, in æqualibus materiæ quantitatibus, in eadem à terræ distantia, æquales erunt versus terram gravitationes; si vero duorum corporum pondera sint inæqualia, inæquales quoque erunt in iis materiæ quantitates.

Ponamus jam duos globos, plumbi scil. & suberis, æqualium magnitudinum; si in utroque eadem esset materiæ quantitas, (per jam ostensa) utrumque corpus æqualiter ponderaret; nam materia subtilissima poros suberis occupans æque ponderaret ac materia plumbi ipsi æqualis; cum vero magnum sit in duobus hisce globis ponderum discrimen, magnum quoque erit in iisdem materiæ discrimen; & si plumbum subere sit triplo gravius, triplo quoque major erit in plumbo contenta materia, quam in subere; adeoque plures erunt in plumbo pori seu plura spatia absolute vacua. Vacuum igitur non tantum possibile est, sed & actu datur; quod erat probandum. At hic sequitur materiæ quantitatem in quovis corpore rite per ipsius gravitatem æstimari posse.

Cum momentum augeri possit, tam ex aucta materiæ quantitate, eadem manente velocitate, quam ex aucta velocitate, eadem manente materia, Veteres (quos vis pulveris pyrii ad corpora celeriter movenda latebat) machinis ad hostium muros diruendos ita comparatis utebantur, ut ingens materiæ moles, etsi non magna velocitate, vehementi tamen impetu muros concuteret; at hodie per explosionem pulveris pyrii ex tormentis bellicis magna velocitate parvi globuli impelluntur. Quamvis autem veterum machinæ bellicæ hodiernis multum cedant, ipsarum tamen vis ad muros evertendos incredibilis fere fuit: arietes enim ex ingentibus trabibus sibi invicem commissis compositi erant; quorum pondus vel hinc æstimari potest, quod sc. ipsorum aliqui sex hominum millibus (ut alii sc. aliis succederent) ad ipsos dirigendos & motum iis imprimendum indigebant; ea pars, qua murum percutiebant, gravi ferro consolidata fuit, & ex funibus ita dependebant (Arietes compositos intelligo) ut ipsorum longitudines horizonti essent parallelæ;

N

unde

unde magna virorum manu retrorsum acti, statim sua gravitate & hominum viribus simul agentibus antrorsum pulsi prominenti ferro muros quatiebant; & teste *Josepho*, nullæ fuerunt turres tam validæ, aut moenia tam lata, quæ assiduas ipsorum plagas potuerunt sustinere.

In machinis, quæ per circumgyrationes rotarum pondera elevant, aliquando per additionem plumbi rotæ graviores redduntur; ut scil. major materiæ copia majorem impetum seu motus quantitatem suscipiat; per quam resistentiæ, tam ex aëre quam ex materiæ frictione ortæ, melius resistatur, & diutius conservetur motus, qui proinde semel inceptus facile continuabitur.

Ab eodem quoque pendet principio, quod lanifices in nendo, fuis suis verforiis graves turbines imponunt, ut gyrationes diutius perseverent. Cum scil. motus pars per resistentiam aëris amissa, ad motum ex materiæ additione auctum, minorem habeat rationem, quam est ea quam haberet ad motum non auctum.

Ex prædictis etiam solvitur sequens problema.

P R O B L. I.

Invenire velocitatem, qua datum corpus movendum est, ita ut habeat momentum æquale momento cuivis dato.

TAB. 2.
fig. 8.

Sit datum corpus A, cujus momentum æquale debet esse momento corporis B moti celeritate c ; fiat ut A ad B ita celeritas c ad aliam C; hæc erit velocitas quæsitæ, qua scil. si moveatur A, ejus momentum æquale erit momento corporis B, uti liquet ex Corol. tertio Theorematis tertii. Corporum enim momenta sunt æqualia, si celeritates sint ipsis corporibus reciproce proportionales; sed ex hypothesi, est celeritas corporis B ad celeritatem corporis A, ut corpus A ad corpus B; unde erit momentum corporis A æquale momento corporis B. Q. E. I.

Atque hinc sequitur corpus quodcunque parvum posse habere momentum æquale momento corporis utcunque magni, quod cum data velocitate movetur. Ex hoc principio pendent vires omnes machinarum, quæ ad corpora trahenda

da vel elevanda fabricantur ; nempe si machinæ ita disponantur, ut potentiæ velocitas ad ponderis sit ut pondus ad potentiam: eo inquam casu potentia pondus sustinebit. Liceat hoc in quinque simplicioribus Instrumentis Mechanicis ostendere. Et primo in *Vecte*, quem hic consideramus tanquam lineam inflexilem, sive rectam, sive curvam, sive ex pluribus rectis compositam, circa punctum immobile versatilem, gravitatis quidem expertem, ponderibus tamen sustinendis vel levandis accommodatam.

Punctum immobile quo sustinetur & circa quod rotatur Vectis ejus Fulcrum vocatur.

T H E O R. X.

Sit AB Vectis circa Fulcrum C tantum rotabilis ; erit spatium quod ab unoquoque ipsius puncto describitur , ut ejus distantia à fulcro.

Nam moveatur vectis è situ ACB ad situm *a C b*, punctum A describet peripheriam *A a*, B vero percurrent peripheriam *B b*; sed propter sectores *ACa*, *BCb* similes, est *Aa* ad *Bb* ut *AC* ad *BC*, hoc est, spatia à punctis A & B descripta, sunt ut ipsorum à fulcro distantia. Si punctis A & B applicentur potentiæ vectis brachia perpendiculariter trahentes ; spatia quæ ab ipsis describuntur secundum vel contra propensiones suas, non sunt peripheriæ *Aa*, *Bb*, sed perpendiculares *aF*, *bE* in vectis brachia demissæ: nam potentia in A per spatium *aF* tantum & non amplius progressa est secundum directionem vel propensionem propriam, sicut ob eandem causam, via à potentia B percursa secundum propriam directionem æstimanda est per *bE*. Sed ob æquiangula triangula *aCF*, *bCE* est *aF* ad *bE* ut *aC* vel *AC* ad *bC* vel *BC*, hoc est, viæ à potentiis secundum proprias directiones percurssæ erunt ut ipsarum à fulcro distantia.

Quod si directio potentiæ non sit recta ad vectis brachium AC perpendicularis, ducenda est à fulcro in lineam directionis, perpendicularis CG, & spatium à potentia secundum ipsius propensionem descriptum, erit perpendiculari illi proportionale ; nihil enim refert utrum filum FGA, per

quod potentia agit, affixum sit puncto G vel A, vel etiam puncto D; eadem quippe manente directionis linea, eadem erit ipsius vis ad circumrotandum planum ADCB ac si puncto G affigeretur filum, & via ab ipsa, in dato tempore, secundum propriam directionem, descripta, proportionalis est rectæ CG. Quare patet in omni casu, viam à potentia quavis secundum directionem propriam descriptam proportionalem esse distantiae lineæ directionis à fulcro.

T H E O R. XI.

In vecte vis motrix seu potentia quæ ad pondus eam habet rationem, quam distantia lineæ directionis ponderis à fulcro, habet ad distantiam directionis potentiæ à fulcro, pondus sustinebit; ac proinde tantillum aucta pondus elevabit.

TAB 2.
fig. 17.

Constat ex præcedente, spatia quæ à potentia & pondere secundum vel contra propensiones proprias describuntur, proportionalia esse distantis lineæ directionum à fulcro; sed velocitates sunt hisce spatiis proportionales, ac proinde distantis quoque proportionales erunt: Si igitur sit potentia P ad pondus Q ut CQ distantia directionis ponderis à fulcro ad CA distantiam directionis potentiæ à fulcro, potentia erit ad pondus, ut velocitas ponderis ad velocitatem potentiæ; erit igitur per Cor. 3. Theor. 3. momentum potentiæ æquale momento ponderis; ac proinde potentia ponderi æquipollebit; quod si tantillum augeatur potentia pondus elevabit. Q. E. D.

TAB 2.
fig. 18.

Hinc patet ratio, cur in Statera, Romana vulgo dicta, unico appendiculo vel sacomate diversorum corporum pondera examinantur. Est enim machina hæc Vectis inæqualium brachiorum, porrecto nempe ab axe motus, (qui & axis æquilibrii esse debet) brachiorum altero in certam longitudinem, puta unius pollicis aut minorem; in altero brachio quantumvis porrecto, distinguunt partes ipsi CA longitudine æquales quot opus videbitur, numeris 1. 2. 3. 4. 5. &c. designatas. Appenso itaque pondere explorando ex A, pondus datum seu notum P ex brachio contrario dependens à centro motus removendo & admovendo, explorant in qua distantia fiat æquilibrium; atque invento v. g. pondus P in di-

distancia 8 ponderi Q in A æquiponderare, hinc colligunt (propter pondera distantis reciproce proportionalia,) pondus Q ponderis P noti octuplum esse.

Defin. Axem in Peritrochio vocant, Instrumentum Mechanicum, ponderibus levandis aptum; in quo cylindrus (quem Axem vocant) fulcris per extrema sustinetur, circumpositum habens tympanum (quod Peritrochium vocant) in cuius ambitu scytalæ infiguntur, quibus applicata vis Peritrochium una cum axe vertit; circa quem convoluti funes onus elevant.

TAB. 3.
fig. 1.

THEOR. XII.

In Axe cum Peritrochio (§ machinis cognatis quarum eadem est ratio) Vis motrix quæ ad pondus sustinendum eam rationem habet, quam perimeter axis cui applicatur pondus ad perimetrum orbis extimi cui applicatur vis, ponderi æquipollebit; quæ itaque tantillum aucta pondus elevabit.

Ex fabrica machinæ patet, in una ipsius conversione tantundem elevari pondus appensum P, quantum funis tractorii illud est quod axem semel circumplicat; quod itaque illius ambitui æquale supponitur; unaque tantundem procedere potentiam scytalæ extremitati applicatam, quantus est extimi orbis ambitus à potentia eadem machinæ revolutione descriptus; (hoc est, spatium à potentia eodem tempore percursum æquale esse orbis extimi ambitui) adeoque velocitates potentiæ & ponderis, quæ sunt ut spatia simul percursa, erunt ut perimeter orbis extimi & perimeter axis. Quare si sit pondus ad potentiam, ut perimeter orbis extimi ad perimetrum axis, erit velocitas potentiæ ad velocitatem ponderis reciproce, ut potentia ad pondus. Itaque per Corol. 3. Theor. 3. momentum potentiæ æquale erit momento ponderis; ac proinde potentia ponderi æquipollebit & ipsum per axem in Peritrochio sustinere valebit; quod si tantillum augeatur potentia vel minuatur pondus, potentia pondus elevabit. Q. E. D.

Cor. Quo major est ambitus orbis extimi, hoc est, quo longiores sunt scytalæ, vel quo minor est axis, eo potentior erit vis ad pondus elevandum.

Defn. Ex orbiculis uno vel pluribus apte dispositis, circa axes suos volubilibus, quibus circumpositus funis ductorius pondus attrahit, compositam machinam Trochleam appellant.

T H E O R. XIII.


















In Trochlea mobili, ex orbiculorum positione calculo aestimatur quanta vis appposito ponderi æquipolleat; nempe vis ea, quæ sit ad pondus, sicut 1 ad numerum funiculorum quibus pondus suspenditur, idem pondus sustinere valebit: Quæ proinde tantillum aucta pondus elevabit.

TAB. 3.
fig. 2. Sit funis cujus alterum extremum unco B affixum, & in hujus duplicatura dependeat trochlea mobilis, cujus loculamento appendatur pondus Q; clarum est ut attollatur pondus Q per unum pedem, utrumque funem loculamentum cum appenso pondere sustinentem, (deorsum ab unco supputando) debere uno pede breviorum fieri; hoc est, ut attollatur pondus per unum pedem, potentiam debere per duos pedes moveri; quare in hac machina, potentia via ponderis via dupla erit; ac proinde celeritas potentia dupla quoque erit celeritatis ponderis: adeoque si potentia sit ad pondus ut 1 ad 2, ipsius momentum momento ponderis æquipollebit, & pondus sustinebit.

TAB. 3.
fig. 3. Si ita disponantur orbiculi, ut pondus Q à tribus funibus dependeat; ut pondus ascendat per unum pedem, oportebit omnes tres funiculos (ita loqui liceat, quamvis non nisi unus continuus & nullibi interruptus funis sit) uno pede breviores reddi, quod fieri aliter non potest, quam si potentia P tres pedes progrediatur: quare cum in hac machina, potentia via sit ponderis via tripla; erit ejus celeritas quoque tripla celeritatis ponderis; adeoque si potentia sit ad pondus ut 1 ad 3, ipsius momentum momento ponderis æquipollebit.

TAB. 3.
fig. 4. Simili prorsus ratione ex quartâ figurâ patet potentiam in P, quæ sit subquadrupla ponderis Q, eidem æquipolle-re. In omnibus casibus potentia quæ ponderi prius æquipollebat, si vel ipsa tantillum augeatur, vel pondus minuatur, potest ipsum elevare. Q. E. D.

De-



Defin. Cylindrum rectum Helice similiter fulcatum Cochleam appellant, & quidem Interiorem, si fulcata superficies convexa sit, Exteriorem si concava. Debet autem Cochlea Interior ita Exteriori conformis esse, ut pars parti apte respondeat (hujus eminentiis illius cavitatibus congruentibus) quo fiet ut Interior per Exteriorem permanentem tota labatur, vel etiam super Interiorem permanentem propellatur Exterior. Potissimum adhiberi solent Cochleæ obicibus propellendis, frangendis, aut comprimendis, aliisque motibus trusione factis; soletque forinsecus adhiberi manubrium, aut scytala cui vis applicatur.

TAB. 3.
fig. 5.

THEOR. XIV.

In Cochlea, si sit ut ambitus quem vis sive potentia applicata peragrat in una cochleæ conversione, ad Intervallum duarum continue proximarum spiralium conversionum (secundum cochleæ longitudinem æstimatum) sic pondus vel resistentia ad potentiam; æquipollebunt potentia & resistentia, & potentia tantillum aucta impedimentum movebit.

Intelligatur Cochlea Interior CA per Exteriorem fixam ope scytalæ CB, versando protrudi, simulque pondus P (vel quod ponderis instar est) elevare. Manifestum est ex Machinæ inspectione, in una cochleæ revolutione pondus tantum elevari, quantum est intervallum duarum spiralium proximarum; & potentiam tantum promoveri quantus est ambitus ab ista in una revolutione descriptus; hoc est ponderis via erit ad viam potentiæ eodem tempore factam, ut intervallum spiralium ad ambitum à potentia una revolutione descriptum; adeoque celeritas ponderis erit ad potentiæ celeritatem, in eadem ratione: ac proinde si sit ut potentia ad pondus ita prædictum intervallum duarum proximarum spiralium ad viam à potentia descriptam, potentia ponderi vel resistentiæ æquipollebit: quæ itaque tantillum aucta resistentiam superabit. Q. E. D.

Defin. Cuneum plerumque adhibent, ex ferro seu duriori aliqua materia, forma prismatis non admodum alti, cujus oppositæ bases sunt triangula isosccla; utriusvis hujus trianguli altitudinem appellant altitudinem cunei, ejusque trianguli

guli basin vocant cunei crassitiem, rectamque quæ triangulorum vertices conjungit, cunei aciem; quodque eorum bases conjungit parallelogrammum, cunei dorsum dicunt.

T H E O R. XV.

Potentia cunei dorso directe applicata, quæ sit ad resistantiam à cuneo superandam ut cunei crassities ad ejusdem altitudinem, resistantiæ æquipollebit; & proinde aucta eandem superabit.

TAB. 3.
fig. 6.

Resistentia cuneo superanda sit v. g. ligni tenacitas seu firmitudo, aut alius quivis obex cuneo dirimendus. Patet dum cuneus adigitur in situm usque quem nunc obtinet, via potentiæ seu longitudo secundum suam propensionem percursa est BA; tantum enim & non amplius progressa est: eodemque modo DC est via impedimenti, atque dum destruitur cuneus per totam altitudinem suam, dividitur obex per totam cunei crassitiem; & in toto processu proportionaliter, ut patet ex natura trianguli: unde si sit ut cunei crassities ad ipsius altitudinem ita potentia ad resistantiam, hujus momentum illius momento æquale erit; adeoque potentia aucta resistantiam superabit.

S C H O L I U M.

Hinc per Instrumenta mechanica non augetur vis potentiæ, quod quidem fieri non potest; sed ponderis vel elevandi vel trahendi velocitas ita per instrumenti applicationem minuitur, ut ponderis momentum vi potentiæ non majus evadat. Sic e. g. si vis quædam agens possit elevare datum pondus unius libræ cum data velocitate, per nullum instrumentum fieri potest ut eadem vis elevet pondus duarum librarum cum eadem velocitate: potest tamen ope instrumenti cum velocitatis dimidio pondus duarum librarum elevare; imo potest eadem potentia pondus mille vel decies mille librarum elevare, cum velocitatis parte millesima vel decem millesima; sed non ideo augetur potentiæ vis, sed motus quem producit in elevando pondus illud magnum, omnino æqualis est motui qui producit cum elevatur pondus unius libræ.

Ex dictis etiam patet ratio, cur in canalibus communicantibus diversæ amplitudinis conservatur liquorum æquilibrium.

brum. Sit enim canalis amplus ABCD, cum alio angustiore MNKH communicans in C; in utroque canali infusa aqua ad eandem altitudinem affurget, & descendendi conatus, seu vis quam habet aqua in canali FH ad elabendum per orificium C, æqualis est vi aquæ in canali AC ad descendendum per idem orificium. Nam si ponatur aquam descendisse in canali AC per altitudinem AI, necesse est, ut aqua in canali FH ascendat ad altitudinem HN, talem sc. ut cylindrus aquæ MFGN æqualis sit cylindro AILD, sc. cylindro aquæ, quæ in canali AC descendit; sed æqualium cylindrorum reciprocantur bases & altitudines (per 15. Prop. El. duodecimi) hoc est, erit FM ad AI ut orificium AD ad orificium MN vel FG: sed est FM ad AI ut velocitas ascensus aquæ in canali FN ad velocitatem descensus aquæ in canali AC; & est orificium AD ad orificium MN, ut aqua in AC ad aquam in canali FH (nam cylindri æque alti sunt inter se ut bases) quare erit velocitas aquæ ascendentis in canali FH ad velocitatem aquæ descendentis in canali AC, ut aqua in canali AC ad aquam in FH; hoc est, aquarum velocitates sunt ipsis reciproce proportionales, & proinde erunt aquarum momenta æqualia; sed sunt contraria, quare nullus sequetur motus.

Hinc obiter patet ratio, cur aqua vel fluidum quodvis ex latiore in angustiores alveum defluens majori celeritate moveatur.

Hinc si in corpore animali, Arteriarum ramuli vel Arteriæ capillares habeant summam orificiorum seu potius sectionum transversarum, majorem sectione transversa Arteriæ magnæ seu Aortæ, à qua omnes oriuntur; erit sanguinis velocitas in extremitatibus corporis minor quam in Aorta; si vero æqualis sit hæc summa sectioni transversæ Aortæ, erit velocitas sanguinis in iisdem æqualis velocitati sanguinis in Aorta; si minor sit summa, tunc major erit velocitas sanguinis per extremas arterias transcurrentis quam in Aorta.

TAB. 3.
fig. 7.

HActenus Theoremata de motus quantitate, spatiis à mobilibus percursis, & quæ exinde consequuntur collaria demonstrata dedimus; ad leges Naturæ jam devenitum est, illas sc. leges, quas omnia corpora naturalia constanter observare necesse est. Has igitur eodem ordine, & iisdem verbis, prout ab illustri *Newtono* proponuntur trademus, quarum prima hæc est.

L E X I.

Corpus omne perseverat in statu suo quiescendi vel movendi uniformiter in directum, nisi quatenus à viribus impressis cogitur statum illum mutare.

Cum corpora naturalia consistant ex materiæ massa, quæ sibi ipsi nullam status sui mutationem inducere queat; si prius quiescebant corpora, oportet ut in ea quiete semper permaneant, nisi adsit vis nova ad motum in iis producendum; si vero in motu sint, eadem energia seu vis motum semper conservabit; & proinde corpora motum suum semper retinebunt & secundum eandem rectam eodem tenore semper progredientur, cum nec sibi ipsis quietem, nec retardationem, nec directionis suæ mutationem ad deflectendum versus dextram aut sinistram acquirere valeant. Philosophos novimus, qui facile agnoscunt nullum corpus posse seipsum movere, hoc est, per se ex quiete ad motum transire; iidem non æque lubenter concedunt corpora semel mota non posse per se ad quietem tendere, eo quod videant projectorum motus paulatim languescere, & ipsa mobilia ultimò ad quietem pervenire.

Verum ut nullus modus, vel accidens, sponte sua seu per se destruitur, & sicut omnes effectus à causis transeuntibus producti semper permanent, nisi adsit nova aliqua & extranea causa quæ ipsos tollat; sic etiam motus semel inceptus semper continuabitur, nisi vis aliqua externa adsit, quæ ipsi obstet; nec magis potest corpus semel motum, motum seu energiam suam ad movendum deponere, & per se ad quietem

tem redire, quam potest figuram semel sibi inductam exuere, & aliam recentem absque causa extrinseca acquirere.

Inest præterea corporibus vis quædam, seu potius inertia, qua mutationi resistunt; unde est quod difficulter admodum è statu suo, qualiscunque is sit, deturbentur: vis vero illa eadem est in corporibus motis ac quiescentibus, nec minus resistunt corpora actioni, qua à motu ad quietem reducuntur, quam ei, qua à quiete ad motum transeunt; hoc est, non minor requiritur vis ad corporis alicujus motum sistendum, quam prius necessaria fuit ad eundem motum eidem corpori imprimendum: unde cum vis inertiae æqualibus mutationibus æqualiter semper resistit, illa non minus efficax erit, ut corpus in motu semel incepto perseveret, quam ut corpus quiescens semper in eodem quietis statu permaneat.

Quidam sunt Philosophi, qui corpus ex sua natura tam ad motum quam ad quietem indifferens esse supponunt; at per indifferentiam illam non (ut opinor) intelligunt talem in corporibus dispositionem, per quam quieti aut motui nihil omnino resistunt; quippe hoc posito, sequeretur corpus quodvis maximum summa celeritate motum à minima quavis vi posse sisti; aut si quiesceret magnum illud corpus, ab alio quovis minimo propelli, absque ullo velocitatis corporis impellentis decremento; hoc est, corpus exiguum quodvis in aliud maximum impingens, posset illud secum abripere sine ulla ipsius retardatione; & utrumque corpus post impulsum junctim ferrentur ea celeritate, quam prius corpus illud exiguum habebat: quod absurdum esse omnes novimus. Non igitur indifferentia illa sita est in non renitentia ad motum ex statu quietis, aut ad quietem ex statu motus, sed in eo solum, quod corpus ex sua natura non magis ad motum quam ad quietem propendet, nec magis resistit transire à statu quietis ad motum, quam à motu rursus ad eandem quietem redire; potest præterea corpus quodvis quiescens à quavis vi moveri; potest æqualis vis secundum contrariam directionem agens motum illum destruere; atque in hoc indifferentiam illam sitam esse volunt.

Cum, secundum expositam naturæ legem, corpus omne semel motum in eodem motu semper perseveret, quærunt Philosophi cur projecta omnia motum suum (quem violentum vocant) sensim amittunt? Cur non in infinitum pergunt? Si motus ex sua natura non languesceret, potuisset lapis ex manu projicientis sub initio mundi emissus spatium fere immensum, & tantum non infinitum, pertransisse. Sic quidem potuit, si in vacuo seu spatiis liberis motus absque gravitate fieret. Verum cum omnia projecta vel per aërem vel super aliorum corporum superficies scabras ferantur, exinde provenit eorum retardatio; cum enim necesse sit, ut mobilia aërem obstantem è loco suo pellant & dimoveant, vel ut superficiei super quam moventur scabritiem vincant, oportet ut vim & motum illum omnem amittant, qui hisce obstaculis continuo impenditur; & proinde projectorum motus semper diminuetur. Si vero nulla esset medii resistantia, nulla superficiei, super quam decurrunt mobilia, asperitas, nulla gravitas, quæ corpora terram versus continuo pelleret, absque omni retardatione idem semper continuaretur motus. Sic in Coelis, ubi medium tenuissimum est, Planetæ diutissime suos conservare possunt motus; & super glaciem, aut alias superficies politas seu minime scabras, corpora ponderosiora ferius ad quietem reducuntur.

Desinant jam Philosophi continuati motus exquirere causam, alia quippe agnoscenda est nulla, præter primam illam, quæ non modo motum sed res omnes in *Esse* suo conservat, Deum scil. Opt. Max. Nec alia ratione perseverat motus, quam qua continuatur corporis alicujus figura, color, aut aliæ quævis istiusmodi affectionum, quæ semper eadem permanerent, nisi vis aliqua externa eas turbaverit.

Multo quidem rectius & magis secundum bonæ methodi leges egissent, si rationes retardati & amissi motus investigassent: verum quosdam in hac re adeo cæcutire deprehendimus, ut illud ipsum ponant causam continuati motus, ex quo revera ejus retardatio provenit.

Desinant etiam Philosophi de communicatione motus tan-
tas

tas lites movere ; ex supra positis enim facile intelligitur , cur lapis ex projicientis manu tanto cum impetu emittitur : quippe quum lapis in manu continetur , necesse est ut de motu ipsius manus participet (per Axiom. 8.) adeoque eadem celeritate & versus eandem plagam , qua ipsa manus , feretur : sed corpus omne naturale semel motum in eodem perseverat motu (per legem supra positam) donec ab agente externo impediatur ; unde cum projiciens manum suam retrahit , lapis non retractus recta progredietur. Eodem prorsus modo , si navis aut cymba ventis vel remis celeriter agatur , qui in ipsa sedent eundem celerem motum ipsis communicatum habent ; at si subito sistatur navis , res omnes in navi positæ motum suum continuare conantur , & quæ ipsi navi firmiter non adhærent , post illius quietem relictis locis suis etiamnum progrediuntur ; atque hinc periculum est ne homines in navi relative quiescentes , post tam subitam & quasi violentam status sui mutationem , prorsum præcipitentur , cum scil. motus , quem prius ab ipsa navi accepere , nondum destructus sit.

Si lapis in funda celeriter circummagatur , ea celeritate circulum describit quam habet ea fundæ pars in qua ponitur ; cum vero corpus omne secundum rectam lineam progredi affectet , lapis in singulis orbitæ suæ punctis , secundum lineam orbitam in puncto in quo est tangentem egrederetur , nisi à filo detentus esset ; adeoque si filum demittatur , rumpatur , vel alio quovis modo lapidem cohibere desinat , lapis non ulterius in circulo sed secundum rectam lineam movebitur , secluso motu ex ipsius gravitate orto.

Conatus ille , quem lapis circumgyratus habet in quovis suæ orbitæ puncto secundum tangentem egrediendi , filum per quod in orbita detinetur tendit , & vis illa qua filum tenditur ex vi centrifuga oritur , per quam scil. à periphæria recedere conatur. Tensionem hanc quisque in funda facile experiri potest ; & per experientiam invenimus , quo celerius circumgyratur lapis , vel etiam quo majus materiæ pondus in funda ponitur , eo majorem fieri fili tensionem.

Ob hanc rationem volunt quidam Philosophi centrifugam

hanc vim à sola gravitate proficisci ; huic tamen sententiæ nec ratio nec experientia favet : nam in funda non solum tenditur funis cum lapis partem suæ orbitæ infimam percurrit, sed etiam dum superiorem partem describit ; quod à gravitate oriri non potest, cum gravitas lapidem, in superiore suæ orbitæ parte, tantum urgere potest versus centrum, quæ directe contraria est vi centrifugæ quæ illum à centro recedere cogit. Præterea cum lapis in plano horizontali in circulo revolvitur, filum quoque tenditur ; sed gravitas tensionem illam in illo plano nullo modo producere potest, cum lapis nec sursum nec deorsum feratur ; cujus proinde motus à gravitate hac nec augebitur nec minuetur ; non igitur à gravitate oritur vis centrifuga, sed à solo conatu quem habent corpora omnia secundum rectam lineam progrediendi.

Si Terram circa suum axem rotari supponamus, nos omnes qui in ejus superficie degimus una cum ipsa revolveremur ; adeoque si subito sisteretur ejus motus, res omnes ipsi firmiter non adhærentes vehementi motu excussæ ab illa recederent ; sic etiam si circa Solem motu annuo deferatur, & subito illa revolutio sisteretur, res omnes excussæ, Planetarum instar, circa solem gyrarentur, ob eandem causam qua prius ipsa Tellus circa solem movebatur.

Cum Tellus circa axem vertatur, & res omnes in ipsa circulos describant æquatori parallelos, quærunt Philosophi unde sit, ut corpora omnia ab ejus superficie non excutiantur, cum per naturæ legem corpora omnia motum secundum rectam lineam affectant ? Sic quidem excuterentur, nisi alia adesset vis, per quam ad terram detinentur, quæ est ipsa Gravitatio vi centrifugâ multo potentior.

Si vas aquæ plenum in plano quovis horizontali ponatur, & subito vi satis magna impellatur, aqua in vase sub initio versus partes motui vasis contrarias tendere videbitur ; non quod revera talis motus aquæ impressus est, sed cum illa in eodem quiescendi statu permanere conatur, vas motum suum aquæ intra ipsum contentæ communicare statim non potest, & proinde aqua à vase derelicta, & revera quiescens, locum
suum

suum relativum mutare videbitur. Tandem postquam vasis motus aquæ impressus est, & illa una cum vase uniformiter & eadem celeritate progredi cœperit, si subito sistatur vas, aqua tamen in eodem motu perseverare conabitur, & super vasis latera assurgens pars illius ulterius progredietur.

Si navis tempestate & turbulento mari jactetur, in ipsa sedentes homines & relative quiescentes doloribus, ægritudine, nausea & vomitu afficientur, præsertim si mari minus assueti fuerint; cum scil. liquores in ipsorum ventriculis, intestinis, vasis sanguiferis, & cæteris ductibus contenti, navis jactationibus non statim obediunt, unde in corpore humano fluidorum motus turbabitur, & morbi orientur.

LEX II.

*Mutatio motus est semper proportionalis vi motrici impressæ, & fit semper secundum rectam lineam, qua vis illa imprimi-
tur.*

Sequitur ex axioma 4: si enim vis aliqua motum quemvis generet, dupla duplum, tripla triplum generabit; & hic motus quoniam in eandem semper plagam cum vi generatrice determinatur (quippe ab illa tantum oritur) fiet semper secundum eandem plagam (per legem primam;) nec potest corpus secundum aliam quamvis plagam deflectere, nisi adsit nova vis priori obstans; adeoque si corpus antea movebatur, motus ex vi impressa productus motui priori vel conspiranti additur, vel contrario subducitur, vel obliquo oblique adjicitur, & cum eo secundum utriusque determinationem componitur.

Si vis aliqua in dato corpore motum producat, (per legem primam) corpus illud in motu suo semper perseverabit: si vero postea vis eadem vel æqualis secundum eandem directionem rursus in idem corpus agat, motus exinde productus priori æqualis erit, & proinde summa motuum prioris dupla erit: si denuo vis eadem tertio in idem corpus similiter agat, motus hinc ortus erit etiam primo æqualis, & proinde summa motuum erit motus primo impressi tripla; & similiter si vis eadem rursus in idem corpus ageret, o-
mnium

mnium motuum summa erit primo impressi quadrupla, & sic continuo.

Hinc si vis hæc nova æqualibus temporum intervallis continuo æqualiter ageret, motus exinde ortus esset ut summa temporum quibus generatur; adeoque cum, ob datum corpus, motus sit ut velocitas, erunt velocitates sic genitæ ut tempora ab initio motus, & motus erit æqualiter acceleratus; hinc sequentia Theoremata facile demonstrantur.

T H E O R. XVI.

Si corpora in omnibus à Terra distantis æqualiter gravitarent, esset motus corporum, sua gravitate in eadem recta cadentium, motus æquabiliter acceleratus.

Supponatur tempus in quo grave cadit divisum esse in particulas æquales & valde exiguas, & gravitas prima temporis particula agens corpus versus centrum pellat: si jam post primum illud tempus omnis gravitatis actio cessaret, & corpus desineret esse grave, nihilominus motus ex primo impulsu acceptus semper continuaretur, & corpus ad terram æqualiter accederet (per legem primam:) verum cum corpus continuo sit grave, & gravitas indefinenter agat, etiam in secunda temporis particula eadem gravitatio alium impulsu priori æqualem ipsi communicabit, & corporis velocitas post duos hos impulsus prioris dupla erit; & si vis gravitatis omnino tolleretur, corpus tamen cum eadem celeritate in eadem recta moveri perseverabit; cum vero & tertiâ temporis particulâ corpus eadem gravitate urgeatur, alium quoque motum priorum utrivis æqualem post tertium illud tempus acquirat; sic etiam in quarta temporis particula gravitatio quartum impetum singulis priorum æqualem ipsi gravi superaddit; & sic de cæteris. Impetus igitur seu motus corporis dati à gravitate acquisiti sunt ut particulæ temporis ab initio elapsæ, adeoque cum actio gravitationis sit continua, si particulæ illæ infinite exiguæ sumantur, erit corporis cadentis motus ex gravitate acquisitus, ut tempus ab initio casus elapsum; cumque corpus datum sit, erit motus ut ipsius velocitas, ergo velocitas erit semper ut tempus

pus in quo acquiritur. Gravi igitur cadenti æqualibus intervallis æqualia accedunt velocitatis incrementa, & proinde ejus motus erit uniformiter acceleratus. Q. E. D.

Similiter ex iisdem principiis demonstrari potest, corporum in eadem rectâ sursum tendentium motum esse æqualiter retardatum; cum scil. vis gravitatis, contra motum inceptum continuo & æqualiter agens, æqualibus temporibus æqualiter ipsius motum minuat, usque dum velocitas omnis sursum omnino sublata sit.

Cor. Recta AB exponat tempus quo corpus cadit, & BC cum AB faciens angulum rectum exponat velocitatem in fine istius casus acquisitam; jungatur AC, & per punctum quodvis D ducatur DE ad BC parallela; erit hæc ut velocitas in fine temporis AD acquisita. Nam (ob triangula ABC ADE æquiangula) est AB ad AD sicut BC ad DE; sed BC repræsentat velocitatem in tempore AB, quare (cum velocitates sunt ut tempora) DE repræsentabit velocitatem acquisitam in fine temporis AD: similiter FG repræsentabit velocitatem in puncto temporis F; & in omnibus temporis punctis velocitates erunt ut rectæ intra triangulum per ipsum ductæ & basi BC parallelæ. TAB. 3.
fig. 8.

THEOR. XVII.

Si grave ex quiete, motu uniformiter accelerato descendat; spatium, quod ab ipso in dato ab initio motûs tempore percurritur, dimidium erit istius quod in illo tempore uniformiter percurri potest, cum ea velocitate quæ in fine istius temporis à gravi cadente acquiritur.

Sit AB tempus in quo cadit grave, sitque BC velocitas ultimò acquisita, compleatur triangulum ABC & rectangulum ABCD; porro distinguatur tempus AB in innumeras particulas *ei, im, mp, &c.* Ducantur *ef, ik, mn, pq, &c.* basi parallelæ: (Per Cor. præced.) *ef* erit ut velocitas gravis in temporis particulâ infinite exiguâ *ei*; & *ik* erit ejus velocitas in particula temporis *im*; item *mn* erit ipsius velocitas ad punctum temporis *mp*; & sic *qp* erit velocitas in temporis particula *po*. Sed (per Cor. Theor. 7.) spatium in quovis tempore & cum quavis celeritate percursum

P
est

est ut rectangulum sub eo tempore & celeritate; quare erit spatium percursum tempore *ei* cum velocitate *ef* ut rectangulum *if*; sic spatium percursum tempore *im* cum celeritate *ik* erit ut rectangulum *mk*; sic etiam spatium percursum cum celeritate *mn* tempore *mp* erit ut rectangulum *pn*; & sic de cæteris. Quare erit spatium percursum, in omnibus hisce temporibus, ut omnia hæc rectangula, seu ut rectangulorum omnium summa; cum autem temporis particulæ infinite exiguæ sint, erit omnium rectangulorum summa æqualis triangulo ABC. Est vero (per supra citatum Corol. Theor. 7.) spatium à mobili percursum tempore AB cum uniformi celeritate BC ut rectangulum ABCD; unde erit spatium percursum à gravi in dato tempore cadenti ex quiete, ad spatium percursum in eodem tempore, velocitate uniformi cum æquali ei quæ ultimo acquiritur à gravi cadente, ut triangulum ABC ad rectangulum ABCD: sed triangulum ABC est dimidium rectanguli ABCD, unde erit spatium quod à gravi cadente ab initio casus in dato tempore percurritur, dimidium ejus quod percurri potest in eodem tempore cum velocitate ultimo acquisitâ. Q. E. D.









Cor. 1. Spatium quod percurritur cum velocitate CB in tempore æquali dimidio ipsius AB, æquale erit spatio à gravi cadenti tempore AB percurso.

TAB. 3.
fig. 3.

Cor. 2. Ex ipsa demonstratione sequitur quod sicut spatium percursum tempore AB repræsentatur per triangulum ABC, sic spatium tempore AF à gravi emensum per triangulum AFG repræsentari posse; item spatium peractum tempore AD per triangulum ADE exponetur.

Cor. 3. Spatia percurfa ab initio casus computando, sunt in duplicata ratione temporum; nam spatium percursum tempore AB est ad spatium percursum in tempore AF ut triangulum ABC ad triang. AFG; sed (ob similia triangula ABC, AFG) triangulum ABC est ad triangulum AFG in duplicata ratione lateris AB ad latus AF: adeoque erit spatium percursum tempore AB ad spatium percursum tempore AF in duplicata ratione temporis AB ad tempus AF. Sunt igitur spatia percurfa à gravi è quiete cadente, ut quadra-

ta



ta temporum quibus percurruntur.

Cor. 4. Hinc si grave in dato tempore è quiete cadens percurrat spatium quodvis, spatium in duplo tempore percursum erit prioris quadruplum, in triplo tempore spatium peractum erit novies majus quam illud quod primo percurritur, &c. Hoc est, si tempora sumantur ut 1. 2. 3. 4. 5. &c. spatia hisce temporibus descripta ab initio motus computando erunt ut 1. 4. 9. 16. 25.

Cor. 5. Cum spatium percursum in primo tempore sit ut 1, in secundo ut 4, computando ab initio, erit spatium in secundo tempore seorsim descriptum ut 3; eodem modo cum spatium descriptum in fine temporis tertii sit ut 9, & in fine temporis secundi ut 4, erit spatium descriptum in tempore tertio seorsim sumpto ut 5; & sic de cæteris: sumendo igitur temporis partes æquales, erunt spatia à gravi è quiete cadenti in singulis seorsim descripta ut 1. 3. 5. 7. 9. 11. &c. scil. ut numeri impares.

Cor. 6. Hinc etiam cum velocitates cadendo acquisitæ sint ut tempora, erunt spatia percurra etiam ut quadrata velocitatum; & tam velocitates quam tempora erunt in subduplicata ratione spatiorum per quæ grave cadit ab initio motus.

LECTIO XII.

LEX III.

Actioni semper contraria & æqualis est Reactio; seu corporum duorum actiones in se mutuo æquales sunt, & in partes contrarias diriguntur. Hoc est, per actionem & reactionem æquales motus mutationes in corporibus in se invicem agentibus producuntur, quæ mutationes versus contrarias partes imprimuntur.

HÆc Lex non aliter melius quam per exempla potest illustrari.

1. Si corpus unum in alterum quiescens impingat, quicquid motus quiescenti imprimitur, tantundem præcise impingenti subtrahitur, v. g. Si corpus A cum duodecim TAB. 4. motus partibus versus corpus B feratur, & postquam in illud fig. 2. implegerit communicentur ipsi B 5 partes motus, restabunt

P 2

ipsi

ipsi A motus partes tantummodo 7. adeoque mutationes quæ utrique corpori contingunt æquales erunt: idemque omnino erit effectus ac si vis 5 partibus motus æquipollens impelleret corpus B versus C, & alia huic æqualis in corpus A ageret, & ipsum in contrarias partes versus H urgeret.

2. Si corpus B non quiescat, sed tendat versus C, & corpus A celerius motum in ipsum impingat; tantundem motus deperdet corpus A quantum corpus B lucratum est, & mutationes motus per impulsum in utroque corpore productæ (hoc est incrementum motus unius & decrementum alterius) æquales erunt.

3. Si corpora A & B sibi obviam veniant, & A feratur versus C cum 12 motus partibus, B vero versus H cum tribus motus partibus; qualiscunque motus mutatio corpori B accidat, eadem omnino corpori A continget: *v. g.* Si post occursum feratur B versus C cum partibus motus duabus, mutatio motus quæ ipsi inducta est erit partium quinque; æqualis scilicet summæ duorum motuum, illius nempe quo prius versus H ferebatur, quique per impulsum corporis A destructus est, & illius qui de novo recipitur cum quo versus plagam C tendit; & motus in corpore A amissus hisce 5 motus partibus præcise æqualis erit: adeoque (ut in primo exemplo) idem omnino sequitur effectus, qualis fuisset si vis cum 5 motus partibus pelleret B versus C, & alia huic æqualis in corpus A imprimeretur, quæ illud versus partes H ageret,

Verum universaliter ictus magnitudo quæ ab occursum duorum corporum oritur, in utroque corpore semper æqualiter recipitur; unde & mutationes motus quæ ab ictu producuntur in utroque corpore semper æquales erunt.

Sic si malleus ferreus vitrum percutiat, ictus tam in malleo quam in vitro æqualiter recipitur, & vitrum frangitur, ferro integro manente; non quod major est vis percussioneis vitro impressa, quam est illa quæ in malleo recipitur, sed quia partes ferri duriores & firmiter inter se cohærentes, multo fortius eidem percussioneis vi resistunt, quam vitri particulæ fragiles & minus cohærentes. Eodem prorsus modo si corpus

pus aliquod tenui filo muro alligetur, parva vis sufficiens erit ad illud divellendum; si vero prægrandi fune idem corpus muro alligatum esset, vis prior æqualiter applicata parum proficeret ad corpus avellendum.

4. Si equus lapidem funi alligatum trahat, retrahetur etiam equus æqualiter in lapidem; nam funis utrinque distensus eodem se relaxandi conatu æqualiter urgebit lapidem versus equum, & equum versus lapidem; unde attractionis vires, tam in equo quam in lapide, æquales erunt; verum cum tanta sit firmitudo & vis equi solo insistentis, ut tractioni funis resistere possit, ille funi trahenti minime cedit, nec per ejus vim è loco suo dimovebitur; at lapis, cui non tanta inest resistendi vis, versus equum promovebitur.

5. In attractionibus magneticis, non solum magnes trahit ferrum, verum & æqualiter vicissim ab ipso ferro trahitur; quod experientia constat: imponatur enim magnes suberis frusto B, & ferrum A similiter alio suberis frusto imponatur, ut tam magnes quam ferrum aquæ innatent: deinde manu teneatur magnes, & ferrum videbimus ad magnetem accedere, si vero ferrum immobile teneatur, ad illud accedere magnetem deprehendemus; sed si utrumque corpus aquæ libere innatare permittatur, magnes & ferrum sibi mutuo obviam ire conspicientur, & attractionis vis in utrumque æqualiter aget, æquales motus in utroque producendo: dico motus æquales fore; non item celeritates, nisi ferrum & magnes ejusdem sint ponderis; si enim diversi sint ponderis, quod magis ponderat minorem habebit celeritatem. *e. g.* Si magnes sit ferro decuplo ponderosior, ferrum vicissim decuplo majorem velocitatem habebit; ut scil. æquales motuum quantitates in utroque corpore generentur, adeoque non convenient magnes & ferrum in medio puncto E, sed in puncto D, quod ita dividet distantiam BA, ut BD sit ad DA ut pondus A ad pondus B; sic in allato exemplo, si BD sit totius distantiae pars undecima, punctum D erit ubi magnes & ferrum sibi mutuo occurrent: cum enim BD sit pars undecima distantiae BA; erit BD ad DA ut 1 ad 10; sed ut 1 ad 10 ita (per superius dicta) erit velocitas corporis B ad

TAB. 4.
fig 3.

velocitatem corporis A; quare cum spatia percurſa in dato tempore ſint velocitatibus proportionalia, tempore quo corpus A percurreret ſpatium AD, corpus B cum decimâ velocitatis parte latum percurreret ſpatium æquale decimæ iſtius ſpatii parti; adeoque in puncto D poſt illud tempus reperiatur, in quo igitur puncto magnes & ferrum ſibi mutuo occurrent. Eodem modo duo magnetes ſuberis diverſis particulis impoſiti, ſi eorum poli amici invicem obvertantur, æqualiter ſeſe mutuo attrahent: ſi vero poli inimici ſibi invicem juxta ponantur, poli hi ſeſe mutuo fugient, & quantitates motuum, vi fugæ productæ, in utroque æquales erunt.

TAB. 4.
fig. 4.

6. In aliis attractionibus idem oſtenditur. Sint enim duæ cymbæ A & B aquæ innatantes, & homo in illarum una *v. g.* in A poſitus ope funis verſus ſe trahat cymbam alteram B; non ſolum hac tractione B accedet ad A, verum etiam A verſus B æqualiter trahetur; & quantitates motuum, attractione productæ, in utraque cymba æquales erunt: unde ſi cymbæ pondere ſint æquales, cæteris paribus, æquales habebunt velocitates, & in medio puncto E convenient. Sin una illarum altera major ſit, hoc eſt, majorem habeat in ſe materiæ quantitatem ſeu majus pondus, quæ major eſt minus habebit velocitatis; *e. g.* ſi cymba B ſit decuplo major cymba A, velocitas ipſius A decuplo major erit velocitate cymbæ B, & cymbæ convenient in puncto G, quod ita dividit illarum diſtantiā primam AD, ut AG ſit decuplo major quam GD; hoc eſt, erit GD pars undecima totius diſtantiæ AD; ſi vero B ſit navigium millecuplo vel decem-millecuplo majus quam A, ipſius velocitas erit millecuplo vel decem-millecuplo minor velocitate A, adeoque vix ſenſibilis. Si jam B ſit aliud corpus infinite magnum, illius velocitas erit infinite parva, hoc eſt, prorsus nulla reſpectu velocitatis ipſius A. Hinc ſi funis littori alligetur, & homo in cymba per funem trahat ad ſe littus, cymba ad littus accedet, & littus ad cymbam; cum vero littus reliquæ terrenæ moli firmiter adhæret, ejus magnitudo, quæ eadem eſt cum totius terræ magnitudine, reſpectu cymbæ erit valde immenſa & tantum non infinita, adeoque ejus velocitas erit fere infinite






















Fig. 4.



finite exigua & (ut dicam) nulla; ac proinde littus potest tanquam firmus obex considerari qui cedere nescit, & tota velocitas tanquam cymbæ inhærens æstimari potest. Si navigii B pondus sit mille talentorum & feratur versus F cum velocitatis gradibus centum, erit (per Theor. tertium) momentum illius navigii partium centum millium: si jam navigio B alligetur cymba A, cujus pondus sit decem talentorum, quicquid motus communicatur hac ratione cymbæ A, tantundem decedit navigio B.

7. Si quis in cymba A trahat funem AE, per quem navigio B alligatur, ita ut hac tractione cymba promoveatur cum quingentis velocitatis partibus, erit motus exinde ortus 5 millium partium, & tantundem sui motus amittet navigium B; cui proinde restabunt motus partes nonaginta quinque mille, unde erit velocitas navigii B partium nonaginta & quinque.

8. Si quis in navigio A sedens per contum aut aliud ejusmodi instrumentum pellat aut protrudat navigium B versus partes F, per illam trusionem retro cedit etiam navigium A versus partes contrarias, ita ut in utroque navigio æquales sint motus quantitates, quæ ab hominis propellentis vi oriuntur; unde si navigium B sit decuplo majus navigio A, decuplo minorem habebit velocitatem; si centuplo sit majus, habebit vicissim centesimam partem velocitatis navigii A; adeoque si B sit corpus quodvis immensum, erit velocitas navigii A immensa respectu illius quæ inveniri debet in cymba B; unde si quis in nave sedens per contum terram & littus à se protrudat, recedet hac trusione navis à littore; littus enim tanquam corpus immensum & firmus obex respectu navis considerari potest, cujus proinde velocitas erit minima aut plane nulla respectu illius quæ in navigio reperitur.

Si navigium EDG remis agatur, cum aqua per remorum palmulas AB retro pellitur versus partes C, illa rursus æqualiter in remos reaget, eosque una cum navigio cui affixi sunt versus partes H propellet, ob quam solam causam promovebitur navigium; si enim nulla esset reactio, & aqua nullum imprimeret motum remis versus partes H, cum ipsa in contra-

TAB. 4.
fig. 5.

tra-

trarias partes per remos truditur, subsisteret navigium; quandoquidem nihil esset quod illud versus plagam H propelleret: verum cum aqua reagendo tantum motus imprimit navigio ED quantum ipsa exinde per remos acceperit, hinc sequitur, quo majores sunt remorum palmulæ, vel numero plures, cæteris paribus, vel etiam quo celerius intra aquam agantur, eo concitatori impetu progredi navigium.

Hinc cum natatio nihil aliud sit quam brachiorum pedumque remigium, facile intelligitur cur intra aquas promoveamur natando; cum scil. per manuum pedumque palmas aqua impellitur retrorsum, illa reagendo in contrariam plagam natantes propellet, ita ut motus in aquâ genitus æqualis sit motui, quo natantes progrediuntur. Idem etiam dicendum est de avium volatu; cum enim aves per alas suas aërem deorsum feriunt, aër reagendo eas sursum elevabit; si versus orientem aërem pellant, reactio aëris ipsas in occidentem tendere cogit. Sic pulvis pyrius intra tormentum bellicum accensus rarefit, & vi suâ æqualiter agit in globum missilem & tormentum unde globus expellitur; aër enim rarefactus in omnem partem se expandere satagens, æqualiter tam tormentum retrorsum quam globum antrorsum urgebit, & inde elater in utroque æquales motus quantitates producet; & dividendo has motuum quantitates tam per pondus tormenti quam per pondus globi, velocitates exinde ortæ erunt ponderibus reciproce proportionales.

Cum omnia corpora in superficie terræ posita versus terram gravitent, vicissim tellus in corpora singula gravitabit & versus illa attrahetur, & motus hac attractione geniti, cum in terra tum in corporibus gravibus descendantibus, æquales erunt; ita si lapis vi gravitatis suæ deorsum ad terram cadat, terra vicissim ad lapidem assurget: cum vero quantitas materiæ in terra immense superat quantitatem materiæ in lapide, velocitas lapidis vicissim immense superabit velocitatem quâ terra ad lapidem tendit, adeoque (si physice loquamur) velocitas terræ nulla erit, quod calculo sic patebit: ponamus lapidem centum pedum solidorum versus terram descendantem; spatium à lapide tempore unius mi-
nu-

nuti secundi decursum erit quindecim circiter pedum: sed (juxta illos qui de terræ dimensione scripserunt) tota globi terraquei moles continet pedes solidos 30 000 000 000 000 000 000 000; ponamus jam terram ubique esse ejusdem densitatis cum vulgaribus lapidibus (quamvis omnino credibile est ipsam esse multo densiorem.) Unde erit materiæ quantitas in terra, ad quantitatem materiæ in lapide centum pedum, ut 300 000 000 000 000 000 000 000 ad 1; proinde dum lapis centum pedum gravitate impulsus descendere debet per spatium quindecim pedum, terra versus lapidem tra-

hetur per unius pedis partes $\frac{15}{300\ 000\ 000\ 000\ 000\ 000\ 000}$ quæ tan-

tilla est quantitas ut ipsam imaginandi vim effugiat: & proinde in Physica negligi potest & pro nulla haberi, quamvis Geometrice & secundum veritatem loquendo, dicendum est terram ad lapidem accedere, & utrumque corpus æqualiter se mutuo trahere.

Si luna per gravitatem in sua orbita detineatur ne à terra recedat; hoc est, si luna versus terram gravitet, terra vicissim & omnes ejus partes versus lunam gravitabunt, & hinc continuus orietur fluxus atque refluxus maris: sed hoc obiter, alibi enim motum maris fusius explicabimus.

Sit navis in aquâ quiescens, quæ facile à quolibet impulsu externo moveri potest, nulla tamen est vis intra navem agens, eique solum innitens, quæ ipsam promovere potest: sit enim GH navis, & ponatur intra navem machina quævis, TAB. 4.
v. g. corpus elasticum ABC, quod vehementer constrictum fig. 6.
 resilire per se potest; porro compressa machina, latus BC approximabitur lateri AB; elater naturali sua energia seu vi sua restitutiva se utrinque æqualiter explicare satagens, æqualiter impellet tabulatum DA versus G, & tabulatum EF versus H; & proinde navis duobus hisce contrariis & æqualibus motibus impulsæ non movebitur: eodem plane modo, si quis in prora stans ad H per funem trahat ad se puppim G, funis utrinque distentus relaxandi se conatu æqualiter urgebit puppim versus hominem trahentem, & trahentem versus puppim; cumque trahens ipsi proræ insistit, prora vicissim ad puppim
 Q æqua-

æqualiter trahetur, unde & hi duo motus contrarii & æquales se invicem destruent, & nullus sequetur motus.

Ex hac lege sequentia demonstrantur Theoremata.

T H E O R. XVIII.

Si corpus unum alteri vel quiescenti vel secundum eandem directionem tardius moto impingat, summa motuum in utroque corpore versus easdem partes eadem manebit post impactum quæ fuit ante impactum.

TAB. 4.
fig. 7. Moveatur Corpus A secundum directionem CD à C versus D, atque in aliud corpus B impingat, quod vel quiescat vel secundum eandem directionem tardius moveatur: dico summam motuum in utroque corpore versus easdem partes, à C scil. versus D, ante & post impulsus eandem manere. Exponat CD motum corporis A, & si corpus B moveatur, recta EF motum ejus exponat versus easdem partes, & proinde summa motuum per summam rectarum CD, EF exponetur: cum jam actio & reactio æquales semper sint & contrariæ, æquales vires versus contrarias partes impressæ, æquales in utroque corpore producent motuum mutationes versus contrarias plagas; si igitur motus per impactum corporis A ipsi B impressus repræsentetur per FG, vis contraria & æqualis in corpus A agens tantundem subducet de ejus motu versus easdem partes factò; adeoque ponendo DK ipsi FG æqualem, erit CK ut motus corporis A & EG ut motus corporis B post occursum; & proinde summa motuum erit ut summa rectarum CK, EG: cum autem FG sit æqualis KD, si utrisque addantur EF & CK, erunt EG & CK æquales ipsis CD, EF: unde eadem manebit summa motuum versus easdem partes & ante & post impulsus. Si FG sit æqualis CD, punctum K

TAB. 4.
fig. 8. coincidet cum C & CK æqualis erit nihilo; unde post impulsus

TAB. 4.
fig. 9. quiescet corpus A. Si vero FG major sit quam CD, punctum K cadet ultra C, & motus ipsius A erit negativus seu versus contrarias partes factus à C versus K, & summa motuum versus partes G factorum, erit ut EG dempto CK; nam summa duarum quantitarum, quarum una est positiva, altera negativa, est ipsarum differentia. Quoniam autem $FG = KD$, utrique addatur $EF - CK$, & erit $EF + FG - CK$, hoc est $EG - CK$

$CK = KD + EF - CK$, hoc est $EF + CD$; unde summa motuum versus easdem partes, quæ hic est differentia motuum versus contrarias partes factorum ante & post impactum, eadem manet. Q. E. D.

Cor. Eodem modo si plura corpora versus easdem partes mota in sese impingant, summa motuum versus easdem partes non mutabitur.

T H E O R. XIX.

Si duo corpora ad partes contrarias mota sibi mutuo directe occurrant, summa motuum ad eandem partem (quæ est differentia motuum ad partes contrarias factorum) ante & post occursum versus eandem semper partem eadem perseverabit.

Moveatur corpus A à C versus D, cujus motus exponatur per CD; B vero in contrariam partem scil. ab E ad F moveatur, cum motu ut EF; ponatur DH ipsi EF æqualis; eritque CH, quæ est differentia motuum ad partes contrarias, ut summa motuum factorum ad partem G; dico eandem CH esse ut summa motuum versus eandem partem G post occursum. Sit enim motus corporis B post impactum versus partem G, & per rectam EG repræsentetur; vis igitur impulsus in corpus B versus partem G impressa, æquipollebit summæ motuum EF, EG, & per rectam FG repræsentabitur; nam per illam vim destruitur motus ut EF, versus partem F, & novus ut EG imprimitur versus contrariam partem G; cum vero vis impulsus æqualiter in utrumque corpus agit versus contrarias partes, si fiat DK æqualis ipsi FG, hæc repræsentabit vim in corpore A exercitam versus contrariam ejus motui plagam; adeoque si motus ut DK subducatur à motu ut CD, restabit CK ut verus motus corporis A versus partem G. Jam cum DK æqualis sit FG, & DH æqualis FE, erit DK demptâ DH, hoc est KH æqualis FG demptâ FE, hoc est EG: & proinde cum sit KH æqualis EG, erit KH ut motus corporis B post occursum; sed CK est ut motus corporis A, adeoque CK, KH, i. e. CH erit summa motuum in utroque corpore versus partem G. Q. E. D. Si FG sit æqualis CD, ca-

TAB. 4.
fig. 10.

TAB. 4.
fig. 11.

TAB. 4.
fig. 12.

EG. Si vero FG major sit quam CD, punctum K cadet ultra C ad alteram partem, & motus corporis A erit à C versus K: est vero (ob FG æqualem ipsi DK & FE æqualem DH) KH æqualis ipsi EG, & proinde si ab utraque dematur CK, erit CH æqualis rectæ EG demptâ CK; sed CH erat ut summa motuum versus partem G factorum ante occursum, & est EG demptâ CK ut summa motuum versus eandem partem factorum, differentia scil. motuum versus contrarias partes post occursum. Quare eadem manebit summa motuum versus eandem partem ante & post impactum.

Duo hæc ultima Theoremata simul & iisdem verbis sic optimè à Newtono enuntiantur.

Quantitas motus, quæ colligitur capiendo summam motuum factorum ad eandem partem, & differentiam factorum ad contrarias partes, non mutatur ab actione corporum inter se.

L E C T I O XIII.

Definitiones Secundæ.

I. **C**entrum Gravitatis cujusque corporis est punctum illud intra corpus positum, per quod si utcumque incedat planum, quæ utrinque sunt corporis gravis Segmenta circa planum illud librata æquiponderabunt.

Hinc, si corpus ex centro suæ gravitatis suspendatur, situm quemcunque datum retinebit; cum scil. partes corporis circa centrum undique æqualium momentorum consistunt, seu æquales habent ad motum propensiones.

II. Duorum corporum commune gravitatis centrum vocamus punctum in recta ipsorum centra conjungente ita situm, ut distantia corporum ab illo puncto sint in ratione reciproca corporum.

TAB. 4.
fig. 13.

Sint duo corpora A, B, quorum gravitatis centra conjungat recta AB, quæ ita sit in C divisa, ut AC sit ad BC, ut corpus B, hoc est, materia in B ad corpus A vel materiam in A; punctum illud C dicitur commune corporum A & B centrum gravitatis; ideo scilicet, quia si corpora illa circa punctum illud in iisdem ab ipso distantis rotarentur, situm quem-

quemcunque datum retinerent; (ut demonstratum est in Theoremate II.)

III. Similiter, si sint tria corpora A, B, D, sitque C centrum gravitatis duorum A & B, & dividatur recta CD in ^{TAB 4.} ^{fig. 14.} E, ita ut CE sit ad DE ut pondus corporis D ad pondus duorum A & B simul, dicitur punctum illud E trium horum corporum commune gravitatis centrum; circa quod etiam corpora illa rotata situm quemcunque datum retinerent.

IV. Eodem modo, si sint quatuor corpora A, B, D, F, & sit E commune centrum gravitatis trium illorum A, B, D; ^{TAB 4.} ^{fig. 15.} punctum G, quod ita dividat rectam EF ut EG sit ad GF ut pondus corporis F ad pondus corporum A, B, D simul, vocatur horum quatuor commune centrum gravitatis.

Atque eodem modo quinque aut plurium corporum commune centrum gravitatis definitur.

V. Corpus unum dicitur alteri directè impingere, cum recta secundum quam movetur, per impingentis centrum gravitatis & punctum contactus ducta, sit superficiei corporis in quod impingitur perpendicularis; aut etiam si non in puncto, sed in linea seu superficiei sese tangant, cum recta illa sit huic sive lineæ sive superficiei perpendicularis.

VI. Obliquè autem seu indirectè impingere dicitur, cum prædicta recta superficiei corporis, in quod impingit, non sit perpendicularis.

VII. Corpus perfectè durum appello, quod ictui nequaquam cedit; hoc est, quod ne pro minimo tempore figuram suam amittit.

VIII. Corpus molle est, quod ictui ita cedit, ut pristinam figuram amittat, & nunquam se ad eandem restituere conatur.

IX. Corpus elasticum est, quod ictui aliquantisper cedit, se tamen in pristinam figuram, sua sponte restituit.

X. Vis elastica est vis illa, quâ corpus de figura sua detrusum sese in pristinam figuram restituit.

XI. Corpus perfectè elasticum est quod se eadem vi in pristinam figuram restituit, quâ ab eâ dimotum est.

THEOR. XX.

Si duo vel plura corpora motu æquabili, secundum eandem vel

contrarias partes ferantur, commune illorum centrum gravitatis, ante mutuum occursum, vel quiescet vel movebitur uniformiter in directum.

TAB. 4
fig. 16.

Casus primus. Corpora A & B versus partes contrarias cum motibus æqualibus tendant, quorum commune gravitatis centrum sit C. Ob æqualem in utroque corpore motus quantitatem, erit velocitas corporis A ad velocitatem corporis B ut corpus B ad corpus A; hoc est, (ex natura centri gravitatis) ut AC ad BC; unde, cum spatia eodem tempore percurfa sint velocitatibus proportionalia, dum mobile A percurrit longitudinem AC, longitudo BC percurratur à mobili B; adeoque concurrent corpora in puncto C, & in eo puncto erit ipsorum gravitatis centrum tempore concursus: sed & ante concursum in eodem erat puncto, adeoque in eodem permanfit loco.

Eodem modo, si corpora cum æqualibus motibus à puncto C recederent, ostendetur ipsorum gravitatis centrum quiescere.

Casus secundus. Si corpora in eadem recta versus eandem partem, vel inæqualibus motibus versus contrarias ferantur, illorum commune gravitatis centrum semper in eadem recta invenietur. Cum enim corpora uniformiter directè à sese recedant vel ad sese accedant, ipsorum à se invicem distantia uniformiter augebitur vel minuetur, & proinde corpora à puncto quovis prædictam distantiam in data ratione dividente uniformiter recedent, vel ad ipsum uniformiter accedent. Corporum igitur distantia à communi gravitatis centro uniformiter augebitur vel minuetur; quod fieri non potest, in prædictis casibus, nisi centrum illud vel quiescat (ut in primo casu) vel uniformiter moveatur, ut in præsentī casu.

TAB. 5.
fig. 1.

Casus tertius. Moveantur corpora A & B in rectis AC, BD; sintque spatia à corpore A in æqualibus temporibus percurfa AC, CE æqualia, & spatia à corpore B in iisdem temporibus percurfa BD, DF quoque æqualia: concurrant rectæ AC, BD in G; & fiat ut AC ad BD ita AG ad GH; & jungatur AH, cui per C & E parallelæ ducantur CI, EK; erit AC ad HI ut AG ad GH, hoc est, ut AC ad BD; quare est HI = BD, & pro-

proinde $HB = ID$. Similiter est CE ad IK ut AG ad GH vel AC ad BD , hoc est, ut CE ad DF ; quare est $IK = DF$, unde & $KF = ID = HB$. Sit L commune gravitatis centrum, cum corpora in punctis A & B locantur; ducatur LM ad BD parallela & erunt rectæ AB , AH similiter sectæ; jungatur GM & producatur; hæc secabit parallelas ipsi AH in punctis N & O ; in eadem scilicet ratione quâ secta est AH vel AB ; ducantur per N & O ad BD parallelae NP , OQ ; hæc secabunt CD , EF in eadem ratione quâ sectæ sunt CI , EK , hoc est in ea ratione quâ secta est AB in L ; sed L est commune centrum gravitatis, cum corpora in A & B reperiuntur; quare erit P ipsorum centrum, cum in punctis C & D fuerint, & Q illorum est centrum, cum corpora sint in punctis E , F . Præterea est ML ad HB ut AM ad AH , vel ut CN ad CI , seu ut NP ad ID ; sed sunt HB & ID æquales; quare & ML , NP æquales erunt; similiter NP & OQ æquales erunt: cum igitur rectæ ML , NP , OQ æquales sint & parallelae, recta per L ducta & ad MO parallela transibit per puncta P & Q , & proinde centrum gravitatis semper in recta LQ locabitur: præterea (ob parallelas) est AC ad CE ut MN ad NO , hoc est, ut LP ad PQ ; (quare ob $AC = CE$) erit $LP = PQ$. Semper igitur in eadem recta est corporum commune gravitatis centrum, & in æqualibus temporibus æqualia percurrit spatia. Q. E. D.

Casus quartus. Si corpora non in uno aliquo sed in diversis planis moveantur, ipsorum viæ & via communis centri gravitatis reducendæ sunt ad idem planum, demittendo à punctis viarum singulis perpendiculara in planum quodvis, & (similiter ac in præcedenti casu) demonstrabitur viam centri gravitatis sic reductam esse lineam rectam; cumque hoc in plano quovis ad libitum assumpto fit, necesse est ut ipsa via seu semita centri gravitatis corporum sit linea recta. Q. E. D.

Similiter commune centrum horum duorum corporum & tertii cujusvis vel quiescit, vel progreditur uniformiter in linea recta, propterea quod ab ipso dividitur distantia centri communis gravitatis duorum corporum & centri corporis tertii in data ratione. Eodem modo & commune centrum horum trium corporum & quarti cujusvis vel quiescit,
vel

vel progreditur in linea recta, propterea quod ab eo dividitur distantia inter centrum commune trium & centrum corporis quarti in eadem semper ratione; & sic de aliis quotcunque corporibus. Q. E. D.

T H E O R. XXI.

Si duo corpora, utcunque æqualia vel inæqualia, versus eandem partem, celeritatibus utcunque æqualibus vel inæqualibus ferantur, summa motuum in utroque corpore æqualis erit motui, qui oriretur si utrumque corpus cum celeritate communis centri gravitatis latum esset.

TAB. 4.
fig. 17.

Sint duo corpora A & B, quorum commune gravitatis centrum sit C, & utrumque corpus feratur versus D; dico summam motuum in utroque corpore æqualem fore motui; qui produceretur si utrumque corpus cum celeritate centri gravitatis C versus D latum esset. Describat enim corpus A in dato quovis tempore longitudinem Aa, corpus B longitudinem Bb, & via à gravitatis centro C interea percursa sit CG: & (per Theor. 6.) longitudines Aa, Bb, CG simul descriptæ repræsentabunt celeritates corporis A, corporis B, & communis centri gravitatis C respective. Per Corol. autem Theor. 3. motus quantitas in quovis corpore est ut rectangulum factum ex materia & celeritate, adeoque erit motus in corpore A ut $A \propto Aa$; & in corpore B, ut $B \propto Bb$; & summa motuum erit ut summa horum rectangulorum, scil. ut $A \propto Aa + B \propto Bb$. Est vero (per Definit. centri gravitatis corporum) BC ad AC ut A ad B, & ut A ad B ita etiam (per eandem definitionem) bG ad aG; quare erit BC ad AC ut bG ad aG; unde (per 19. Elementi quinti) BC est ad AC, hoc est A ad B, ut $BC - bG$ ad $AC - aG$; hoc est, ut $CG - Bb$ ad $Aa - CG$; adeoque (per 16. El. 6.) $A \propto Aa - A \propto CG$ æquale erit $B \propto CG - B \propto Bb$; & proinde $A \propto Aa + B \propto Bb$ æquale erit $A \propto CG + B \propto CG$: sed duo rectangula $A \propto Aa$ & $B \propto Bb$ sunt (uti dictum est) ut summa motuum in utroque corpore; & duo rectangula sub A & CG & sub B & CG erunt ut summa motuum qui orirentur, si utrumque corpus cum celeritate CG centri gravitatis latum esset; unde

unde erit summa motuum in utroque corpore æqualis motui qui produceretur, si utrumque corpus cum celeritate communis centri gravitatis latum esset. Q. E. D.

Si tria sint corpora A, B, D, ad eandem partem lata, quorum trium commune gravitatis centrum sit E; erit summa motuum in tribus corporibus æqualis motui orto ex corporibus iisdem cum velocitate puncti E latis. Sit enim C commune centrum gravitatis duorum quorumvis A & B; erit (per superius demonstrata) motus in duobus hisce corporibus æqualis motui, qui oriretur, si utrumque corpus in unum coalescens cum velocitate puncti C latum esset; sed etiam summa motuum (scil. motus corporum sic coalescentium & motus tertii corporis D) æqualis erit motui, qui fieret, si corpus ex duobus coalescens una cum corpore tertio D moveretur cum celeritate puncti E; unde liquet in hoc quoque casu Theorema.

Eadem est demonstratio, si corpora non in eadem recta, sed in parallelis vel etiam in rectis quomodocunque inclinatibus moveantur. Sed in hoc casu notandum est celeritatem corporum, qua versus eandem plagam cum centro gravitatis feruntur, non æstimari à via quam revera percurrunt, sed solum à via in quam secundum directionem centri gravitatis promoventur; v. g. si duo corpora A & B in rectis Aa, Bb ferantur, sitque CG linea à communi centro gravitatis descripta, interea dum corpora percurrunt longitudines Aa, Bb, & dimittantur à punctis A, a, B, b, in rectam CG perpendiculares AF, ag, BH, bK; spatia jam quæ secundum directionem puncti C corpora percurrunt non sunt Aa, Bb, quæ sunt spatia absoluta ab iisdem descripta; verum spatium secundum quod promovetur corpus A versus plagam D computandum est in recta FD, per longitudinem Fg; tantum enim & non amplius secundum directionem puncti C progreditur. Similiter spatium secundum quod promovetur corpus B versus plagam D est HK, & per illud spatium ejus in recta HD progressus æstimatur; adeoque celeritates corporum quibus versus eandem partem feruntur sunt ut rectæ Fg, HK: est præterea A ad B ut BC ad AC, seu

R

(ob

(ob æquiangula triangula ACF, BCH) ut HC ad FC; unde similiter procedet demonstratio ac in primo casu.

T H E O R. XXII.

Si duo corpora versus contrarias partes ferantur, erit differentia motuum ad partes contrarias factorum, vel, quod idem est, summa motuum ad eandem partem, æqualis motui qui produceretur, si utrumque corpus versus eandem plagam, cum celeritate communis gravitatis centri, latum esset.

TAB. 4.
fig. 18.

Sint corpora A & B quorum gravitatis centrum commune sit C, & moveatur corpus A ab A versus D, & corpus B versus contrariam plagam à B versus E; sint spatia à corporibus A, B & centro C simul descripta Aa, Bb, CG; hæc (per Theor. 6.) repræsentabunt velocitates corporis A, corporis B & centri gravitatis C respective; unde est motus corporis A ut $A \propto Aa$, & motus corporis B ut $B \propto Bb$, unde differentia motuum erit $A \propto Aa - B \propto Bb$: porro ex natura centri gravitatis, est BC ad AC ut A ad B, & ut A ad B ita erit bG ad aG, quare erit ut BC ad AC ita bG ad aG; adeoque erit (per 19. El. 5.) BC ad AC, hoc est A ad B, ut $BC - bG$ ad $AC - aG$, id est, erit A ad B ut $Bb + CG$ ad $Aa - CG$; quare erit (per 16. El. 6.) rectangulum sub A & $Aa - CG$ æquale rectangulo sub B & $Bb + CG$; hoc est, $A \propto Aa - A \propto CG = B \propto Bb + B \propto CG$; unde erit $A \propto Aa - B \propto Bb = A \propto CG + B \propto CG$; sed $A \propto Aa - B \propto Bb$ est (uti dictum est) differentia motuum versus contrarias partes, vel summa motuum versus eandem; & $A \propto CG + B \propto CG$ est motus emergens, si utrumque corpus cum velocitate communis ipsorum centri gravitatis latum esset, unde liquet propositum.

Cor. 1. Si differentia motuum versus contrarias partes sit nihilo æqualis; hoc est, si in utroque corpore sint motuum quantitates æquales, commune gravitatis centrum in hoc casu quiescit.

Cor. 2. Si sint plura corpora, vel omnia versus eandem vel quædam in contrarias partes lata, summa motuum ex omnibus versus eandem partem eadem erit, ac si omnia ad eam partem cum velocitate communis omnium gravitatis centri lata essent.

Cor.




Fig. 3.




Fig. 2.




Fig. 4.




Fig. 5.




Fig. 17.




Fig. 1.



Fig. 6.




Fig. 18.




Fig. 7.




Fig. 19.




Fig. 8.




Fig. 9.



Fig. 10.




Fig. 20.




Fig. 11.




Fig. 12.




Fig. 23.

Fig. 24.




Fig. 14.




Fig. 15.




Fig. 16.




Fig. 21.




Fig. 22.

Cor. 3. Corporum igitur plurium motus ex motu centri gravitatis æstimandus est; & tantum eorum systema progreditur vel regreditur, tantum ascendit vel descendit, quantum commune ipsorum gravitatis centrum progreditur vel regreditur, ascendit aut descendit.

THEOR. XXIII.

Si corpora in se invicem impingant, vel etiam utcumque in sese agant, communis illorum gravitatis centri status vel quiescendi vel movendi uniformiter in directum, non exinde mutabitur.

Si corpora in se invicem impingant, (per Theor. 19.) summa motuum versus eandem partem eadem manet ante & post impulsus; sed (per Theor. 21. & 22.) summa motuum ante & post impulsus eadem est, ac si corpora omnia cum velocitate communis gravitatis centri ad eandem cum ipso partem lata essent; quare cum eadem corpora habent motuum summas ante & post impulsus sibi invicem æquales, & etiam æquales motui orto ex omnibus simul cum velocitate communis gravitatis centri latis, liquet velocitatem communis gravitatis centri ante & post impulsus eandem manere. Q. E. D.

Hucusque leges quasdam generales ad corporum quorumcunque motus determinandos inservientes tradidimus: ad alias jam speciales congressuum regulas devenimus, quibus scil. corpora singula post occursum, & mutuum in se invicem impactum, motus suos continuant, & versus quas partes, & cum quibus velocitatibus singula tendant. Verum ob variam corporum structuram, prout scil. elastica vi polent vel destituuntur, pro diversis corporum generibus regulæ congressuum diversæ erunt; & quamvis nullum fortasse detur corpus, quod sit vel perfecte durum, vel perfecte molle, vel perfecte elasticum, (omnia enim corpora aliquid ex hisce omnibus fortasse in se continent) id tamen non impedit, quin qualitates istas abstractione mentis separare possimus, & corpus considerare tanquam unâ solummodo ex hisce qualitatibus præditum: & motus corporum eo magis ad regulas infra tradendas accedunt, quo magis corpora ipsa ejusmodi qualitatibus & conditionibus gaudent.

Supponimus hic corpora ab aliis omnibus ita esse divisa, ut eorum motus ab aliis circumjacentibus nec impediatur, nec juventur.

T H E O R. XXIV.

Si corpus durum vel molle, corpori duro vel molli directe impingat, sive illud in quod impingat quiescat sive versus eandem partem tardius moveatur, seu demum versus contrariam, sintque motus inæquales; utrumque corpus post impactum una cum communi gravitatis centro junctim movebitur.

TAB. 4.
fig. 19.

Impingat corpus A in corpus B; quod vel quiescat, vel versus eandem plagam tardius, vel versus contrariam cum minore motu feratur; dico utrumque corpus post impulsu eadem celeritate unâ cum communi gravitatis centro junctim moveri. Cum enim corpus B non impediatur ab aliis corporibus circumjacentibus, (per legem secundam) à vi in ipsum per corpus A impressâ movebitur versus eas partes, in quas fit virium directio; sed & junctim movebitur cum corpore A: non enim tardius moveri potest, ob corpus insequens A; non celerius, quia nulla alia, ex hypothesi, præter impellens A datur hujus motus causâ; cum alia omnia, ut vis elastica & ambiens fluidum, nihil agere supponuntur; adeoque post impactum cum communi ipsorum centro gravitatis utrumque corpus junctim movebitur. Q. E. D.

Cor. Si corpora ponantur concurrere in D, cum velocitates mobilium sunt spatia simul descripta, velocitates corporis A, corporis B, & centri gravitatis C ante concursu erunt ut rectæ AD, BD, CD, respectivè; hæ enim longitudines simul percurruntur.

P R O B. II.

Corporum durorum aut mollium post directum impactum determinare motus.

TAB. 4.
fig. 20.
21. 22.
23. 24.
25.

Omnes hujus Problematis casus eâdem operâ construemus. Sint igitur duo corpora A & B, quorum gravitatis centrum sit C, ponantur corpora concurrere in D; erunt (per præcedens Corol.) celeritates ante impactum corporis A, corporis

poris B, & communis centri gravitatis C, ut rectæ AD, BD & CD respective; fiat jam DE æqualis DC, hæc repræsentabit velocitatem corporum post occursum; hoc est, erit velocitas corporis A ante impulsus ad ejusdem velocitatem post, ut AD ad DE; & velocitas corporis B ante impactum, erit ad ejus velocitatem post impactum, ut BD ad DE: nam (per Theor. 19.) corpora A & B post impulsus una cum centro gravitatis progrediuntur: sed (per Theor. 18.) celeritas centri gravitatis eadem manet ante & post impulsus, & versus eandem semper plagam; quare si CD repræsentet ejus celeritatem ante impulsus, DE ipsi CD æqualis ejus velocitatem post impulsus exponet; adeoque DE exponet quoque celeritatem corporum A & B quæ unà cum centro C progrediuntur post impulsus. Q. E. D.

Cor. 1. Si corpus B quiescat, coincidet punctum D cum B, ut in 20. figura: & quia B est ad A ut AC ad BC vel DE, erit componendo A + B ad A ut AB vel AD ad DE; hoc est, velocitas corporis A ante impactum est ad ejusdem velocitatem post, ut summa corporum ad corpus impingens A. TAB. 4.
fig. 20.

Exemplum 1. Si A sit æquale quiescenti B, erit A + B ad A ut 2 ad 1, adeoque velocitas corporis impingentis erit dupla ipsius velocitatis post impactum.

Exemplum 2. Si A sit ad B ut 1 ad 9, erit A + B ad A ut 10 ad 1; ideoque velocitas post impulsus erit tantum pars decima velocitatis ante impulsus.

Exemplum 3. Si B sit corpus infinite superans A, erit velocitas corporis A post impulsus infinite parva, hoc est, nulla; nam in eo casu A respectu A + B evanescit, & proinde velocitas corporis A post occursum quoque evanescit; hoc est, si corpus in firmum obicem impingat cedere nesci-um, post impactum quiescet.

Exempl. 4. Si corpus B ipsi A æquale, secundum eandem directionem tardius moveatur, erit DE vel $CD = \frac{AB}{2} + BD =$ TAB. 4.
fig. 21.

$\frac{AB + 2BD}{2} = \frac{AD + BD}{2}$, hoc est, erit velocitas post impulsus priorum velocitatum semi-summa.

TAB. 4.
fig. 23.

Exempl. 5. Si corpora cum æqualibus motibus versus contrarias partes tendant, punctum D coincidit cum C, ut in Theor. 20. demonstratum fuit; & CD, DE erunt nihilo æquales, hoc est, post occursum quiescet utrumque corpus.

Cor. 2. Hinc demonstratur falsam esse *Cartesianorum* legem, qua eandem semper motus quantitatem in universo conservari volunt; nam corpora non elastica, versus contrarias partes cum æqualibus motibus in sese incurrentia, mutuos motus tollunt.

TAB. 4.
fig. 24.

Exempl. 6. Si corpora æqualia versus contrarias partes cum inæqualibus motibus tendant, erit DE vel $CD = CB - BD = \frac{AB}{2} - BD = \frac{AB - 2BD}{2} = \frac{AD - BD}{2}$, hoc est, erit velocitas post impulsus priorum velocitatum semi-differentia.

Hæc omnia ex superiori constructione facile fluunt; sed cum in praxi calculus semper adhibendus est, generalis huius Problematis solutio per calculum sic eruitur.

Velocitas corporis A vocetur C; velocitas corporis B sit c ; & si corpora secundum eandem directionem moveantur, summa motuum in utroque versus eandem plagam erit $AC + Bc$; sin versus contrarias partes moveantur, summa motuum versus eandem partem erit $AC - Bc$; sed (per Theor. 19.) in corporibus omnibus summa motuum versus eandem partem ante & post impulsus eadem manet, quare erit corporum post impulsus motus vel $AC + Bc$ vel $AC - Bc$, prout corpora ad eandem vel contrarias partes ante impulsus tendunt; datur igitur momentum corporum eadem velocitate latorum; unde (per dicta in Lect. X.) ipsorum velocitas simul innotescet; nempe si dividatur momentum per ipsa corpora, quotiens exhibebit ipsorum velocitatem scil. $\frac{AC + Bc}{A + B}$ vel $\frac{AC - Bc}{A - B}$; & si B quiescat, hoc est si c ponatur nihilo æqualis, velocitas corporum erit $\frac{AC}{A + C}$.

Cor. 3. Cum velocitas corporis A ante impactum fuerit ut AD, & post impactum ejus velocitas sit CD, erit velocitas amissa

amissa AC, & proinde motus per ictum amissa $A \propto AC$.

THEOR. XXV.

Si corpus motum alteri sive moto sive quiescenti directe impingat; ictus magnitudo proportionalis est momento ad occursum deperdito, in corpore, si quid sit, fortiori.

Si enim intelligatur motorum corporum (si quid sit) fortius, vel, si momentorum sint æqualium, utrumvis ut percutiens, alterum ut percussum; ictus magnitudo æquipollet vi à percutiente in percussum impressæ; sed vis illa quæ in percussum imprimitur à percutiente decedit, (per legem tertiam;) adeoque motus in corpore percutiente amissus erit vi in corpus percussum impressæ, & proinde magnitudini ictus, proportionalis. Q. E. D.

Cor. Ubi æqualia sunt momenta quæ à corporibus percutientibus decidunt, ibi æquales erunt ictuum magnitudines.

THEOR. XXVI.

Si corpus datum in aliud quiescens datum directe impingat; ictus magnitudo velocitati impingentis semper erit proportionalis.

Impingat corpus datum A in aliud datum quiescens B, cum TAB. 4.
fig. 26. velocitate quæ exponatur per AB; deinde impingat idem corpus A in idem quiescens B, cum alia velocitate DE; hoc est, sit AB ad DE ut prior velocitas ad posteriorem, & ponantur deinde corporum distantia AB, DE; quæcunque enim inter ea, initio motus, intercedat distantia perinde est quoad magnitudinem ictus; sitque commune centrum in primo situ C, in secundo G. Cum corpus A movetur velocitate AB, erit CBejus velocitas post occursum; & cum motus ante impactum fuit $A \propto AB$, motus post impactum erit $A \propto CB$; & motus amissus erit $A \propto AC$. Eodem modo si corpus moveatur velocitate DE, erit motus amissus $A \propto DG$, ac proinde ictus magnitudo cum velocitate AB erit ad magnitudinem ictus cum velocitate DE, ut $A \propto AC$ ad $A \propto DG$, vel ut AC ad DG: quia autem est AC ad BC ut B ad A, erit AC ad $AC + BC$, hoc est AB, ut B ad $A + B$; & similiter erit B ad $A + B$ ut DG ad DE, quare erit AC ad AB, ut DG ad DE, unde permutando erit AC
ad

ad DG ut AB ad DE; hoc est, erit ictus magnitudo cum velocitate AB ad magnitudinem ictus cum velocitate DE ut velocitas AB ad velocitatem DE. Q. E. D.

Cor. Si corpus A in B irrueret, motus amissus esset $A \propto AC$; si vero B in A cum eadem celeritate impingeret, motus amissus esset $B \propto BC$, quia autem est ut A ad B ita BC ad AC, erit $A \propto AC = B \propto BC$, adeoque eadem erit quantitas motus per ictum amissa, sive B cum data celeritate impingat in A, sive A cum eadem velocitate in corpus B incurrat; adeoque eadem in utroque casu erit ictus magnitudo.

T H E O R. XXVII.

Si corpus unum in alterum, secundum eandem rectam, ad eandem partem segnius latum, directe impingat, eadem erit ictus magnitudo, ac si antecedens quiesceret, & insequens in illud cum velocitatum differentia latum esset.

TAB. 4.
fig. 27. Sint duo corpora A & B versus eandem partem lata, quorum commune gravitatis centrum sit C; & ponantur corpora concurrere in D: constat ex supra traditis velocitates corporum ante impulsu esse ut rectæ AD, BD, & proinde velocitatum differentia erit ut AB; utriusque autem corporis post impactum velocitas per CD exponetur, & proinde motus deperditus in corpore A erit $A \propto AC$. Si autem corpus A cum velocitate AB in quiescens B impingeret, ipsius velocitas post occursum esset CB, & motus amissus esset $A \propto AC$; unde cum in utroque casu eadem amittitur in percutiente motus quantitas, eadem quoque erit ictus magnitudo.

Cor. Si eadem manet velocitatum differentia, hoc est velocitas respectiva qua corpora ad sese accedunt; quomodocunque augeatur aut minuatur illorum summa, eadem semper consequetur ictus magnitudo.

T H E O R. XXVIII.

Si corpora duo motibus contrariis sibi invicem obviam veniant, ictus magnitudo eadem erit ac si unum ipsorum quiesceret & alterum in illud cum velocitatum summa impingeret.

TAB. 4.
fig. 28. Sint duo corpora A & B versus contrarias partes lata, quorum

rum commune gravitatis centrum sit C, sitque D punctum in quo concurrunt: constat velocitates corporum A & B esse ut rectæ AD, BD; & proinde velocitatum summa expone-
tur per AB: CD autem designat ipforum velocitatem post impactum, & proinde motus in corpore A amissus erit $A \propto AC$. Si autem A in B quiescens impingeret cum velocitate AB; velocitas post impactum esset ut CB, & motus amissus esset $A \propto AC$. Cum igitur in utroque casu eadem motus quantitas amittitur, eadem quoque erit ictus magnitudo. Q.E.D.

Cor. 1. Si igitur eadem maneat velocitatum summa, hoc est, velocitas respectiva corporum A & B qua ad se invicem accedunt, quæcunque sit velocitatum differentia, seu quomodocunque velocitas illa inter corpora concurrentia partita sit, eadem semper erit ictus magnitudo.

Cor. 2. Est igitur ictus magnitudo in datis corporibus semper proportionalis ipforum velocitati respectivæ.

Cor. 3. Corporum in dato spatio inclusorum iidem sunt motus inter se, sive spatium illud quiescat, sive moveatur uniformiter in directum; nam differentię velocitatum quibus corpora tendunt ad eandem partem, & summæ quibus ad contrarias partes tendunt, eadem sunt, sive spatium in quo corpora includuntur quiescat, sive moveatur uniformiter in directum; adeoque ictus magnitudines hisce semper proportionales existentes eadem erunt in utroque casu. Hinc in navi motus omnes eodem modo se habent, sive ea quiescat sive moveatur uniformiter in directum. Sic etiam projectorum & percussionum Phænomena eadem contingunt omnia apud nos in terra positos, sive cum terra junctim ferantur omnia communi motu, sive absit ille communis motus & terra quiescat; adeoque quæ afferri solebant objectiones à projectionibus inæqualibus eadem vi faciendis, prout vel ad orientem vel ad occidentem fierent; atque ab inæqualibus percussionibus à tormento bellico globum emittente futuris, prout in has vel illas partes explosio fieret, & quæ sunt ejusmodi, nihil in utramvis partem probant, sive ad quietem terræ, sive motum adstruendum.

LECTIO XIV.

SI nulla esset elasticitas, leges, quas in præcedente Lectione de percussione corporum durorum proposuimus, omnibus corporibus perfecte congruerent, & corpora omnia post impulsum junctim moverentur ad partes eas, ad quas ante percussionem tendebat corpus fortius, hoc est, cujus momentum majus erat, & cum ea celeritate quam in supradictis legibus determinavimus. Verum cum pauca admodum dentur corpora in quibus non aliquid inest elasticitatis (nam molle lutum, cera, & alia istiusmodi corpora, quasdam aëris particulas in se continent, quæ ipsis virtutem aliquam elasticam reddere valeant) fit per vim illam elasticam, ut corpora non junctim post impulsum moveantur, sed à sese resiliant & diversa velocitate aliquando ad eandem, aliquando ad contrarias partes moveantur. Ut vero modus & causa hujus resiliationis intelligatur, res exemplo illustrari potest.

TAB. 5.
fig. 3.

Sit AB filum supra planum, in aliqua tamen ab eo distantia, extensum; cujus duæ extremitates AB firmiter figantur, & filum fortiter tendatur: si jam trahatur filum per medium suum D, extremitatibus fixis manentibus, ad situm ACB ita ut punctum ejus D sit in C, & tunc dimittatur, non manebit filum in situ ACB, sed magna vi in situm priorem se restituere perget; & cum per continuam vis elasticæ actionem motus satis velox in filo genitus est, fit ut cum in situm ADB pervenerit, in motu suo versus eandem partem perseverabit, donec vis elastica seu restitutiva ulteriori huic motui continuo renitens, & tandem æquipollens, ipsum destruet, & filum cum vi versus partes C urgebit, adeo ut cum rursus in situm ADB pervenerit, eandem vim habebit ulterius movendi versus C quam prius habuit tendendi versus partes E; atque sic eundo & redeundo continuas vibrationes efficiet.

Ponamus jam corpus F in filum AB irruere: filum per vim ipsi à corpore F illatam ex situ suo deturbabitur, & punctum ejus D, in quod incurrit corpus F, una cum F versus C movebitur; qui motus eo usque continuabitur, donec vis fili
restit-

restitutiva motui corporis F contraria ipsi æquipolleat; quod cum fit, destruetur motus omnis versus C : vis autem hæc elastica ulterius agens filum reducet, quod itaque corpus F urgebit, & ipsum eadem velocitate secum movebit; sed (ob fortem quam hic supponimus fili tensionem) eadem vi se restituet filum qua prius inflexum fuit: at vis qua inflectebatur momento corporis impingentis æquipollebat (nam illud omne in filo flectendo impensum fuit) adeoque filum ea vi in corpus F agendo, eandem motus quantitatem ipsi restituet quæ in flexione insumpta fuerat; adeoque corpus F , eadem velocitate quâ advenerat, regredietur, atque sic fiet reflectio.

Ponamus jam loco fili corpus aliquod elasticum AB , quod TAB. 5.
fig. 4. fixum & immobile supponere primo liceat; & ejus superficies ADB vi corporis ingruentis F introrsum comprimatur: quamprimum vis comprimens, hoc est, motus corporis F cessaverit, elater vi suâ insitâ in pristinam figuram se restituet, & cum ea vi corpus F urgebit versus E ; & si corpus utrumvis sit perfecte elasticum, vis elateris restitutiva vi ipsum comprimenti, hoc est, momento corporis F æquipollebit, adeoque cum hac vi in corpus F agens illud cum eadem velocitate, quam prius habebat, retroire coget. Si vero corpus $ADBC$ non fit fixum, sed in tali statu ut motus ejus à nullo alio corpore impediatur, vis elastica in utroque corpore æqualiter aget, & æquales motuum mutationes producet; nam si corpus ADB urget corpus F versus partem E , illud rursus à corpore F æqualiter urgebitur ad partem contrariam; & proinde corpora à se mutuo resilient. Atque sic demonstravimus qua ratione effectum sit, ut corpora post impulsu non junctim vel quiescant vel moveantur, sed à se invicem resiliendo diversa velocitate contrarias aliquando ineant vias, aliquando eandem.

Cartesiani, qui elasticitatis vim ad corpora reflectendum nesciebant, aliam plane diversam tradiderunt reflectionis causam: dixerunt enim motum motui non contrarium esse, sed directionem directioni; ideoque corpus unum in aliud incurrens reflecti, quia incurrentis motus non potest destrui, cum

scil. secundum ipsos nihil motui contrarietur: at cum directio unius alterius directioni obstet, incurrens post impulsum ad contrarias partes reflecti voluerunt, eadem semper manente quantitate motus in percusso & percutiente.

Sed facile est ostendere hanc sententiam nec rationi nec experientiae congruam esse; nam cum momentum seu quantitas motus sit vis seu energia illa qua mobile secundum directionem suam tendit, si corpora duo sibi mutuo directe occurrant, vires secundum contrarias plagas impressae contrariae erunt; adeoque si aequales sint, sese mutuo destruent; si inaequales, motus qui est minoris efficaciae destruetur. Praeterea corpus unum in aliud majus quiescens, vel secundum easdem partes segnius motum, impingens reflectitur; atqui hoc fieri non potest ob solam directionem directioni contrariam; si enim impingat corpus B in aliud majus A, quod vel quiescit vel versus easdem partes & tardius movetur, cum vis omnis quae in utroque corpore reperitur tendat versus C, vis illa nunquam potest motum versus partes contrarias in utrovis corpore dirigere. Nam (per legem secundam) motus omnis fit secundum lineam qua vis imprimitur; atqui (ex hypothesi) omnis vis imprimitur secundum lineam BC, à B versus C: quare si solummodo per vim corporibus insitam fieret reflectio motus, absque nova vi, fieret motus secundum contrariam plagam ei qua vis imprimitur; quod fieri non potest. Non igitur à vi prius impressa oritur illa reflectio, sed à vi elastica, qua pollet utrumvis corpus, quæque secundum partem utramvis æqualiter agens corpora à sese discedere cogit.

TAB. 5.
fig. 5.

Praeterea, si motus motui non esset contrarius, multo facilius esset corpus semel motum in contrarias partes dirigere, quam penitus illud sistere; in priore enim casu motus corporis in manu reflectentis non recipitur, sed tantum in contrarias partes vertitur: in posteriore vero casu, motus ille omnis in corpus resistens impenditur; quod tamen est contra manifestam experientiam. Denique, si nihil motui contrarium esset, ubicunque corpus quodvis in aliud aliquod obstaculum incurreret, fieret semper reflectio, quod tamen experi-

perientiæ repugnat; nam plumbum, lutum, cera & alia corpora elasticitatis fere expertia, si in pavimentum cadunt, non reflectuntur; cum tamen pilæ conflatae ex lana vel plumis, globuli eburnei, marmorei, vitrei, & alia ejusmodi corpora magna elasticitatis vi pollentia, in idem pavimentum demissa fortiter resiliunt: reflectio igitur illa non è motu qui utrique corpori communis est, sed ab elasticitate, quæ solis reflectentibus peculiaris est, provenit. Quod erat ostendendum.

Sed quærent fortasse *Cartesiani*, quo pacto innotescit globos eburneos, vitreos, marmoreos, & alia reflectentia corpora, quæ durissima esse videantur, elasticitate pollere: respondeo illorum elasticitatem posse exinde concludi, quod cum percutiuntur tinnitum edunt, qui à vibrationibus corporis percussi oritur, eodem modo quo filum tensum suis vibrationibus undulationem aëris efficit; & proinde minime dubium est, quin corpora illa elatere aliquo prædita sint. Atque hoc quidem argumentum corporum vim elasticam probabilem reddit; sed aliud est argumentum, quo res hæc demonstrative probatur.

Sint enim duo globi vel eburnei vel vitrei, & si globorum figuræ essent perfecte sphæricæ, in uno tantum & indivisibili puncto sese tangerent; sed hoc nulla arte humana fieri potest: tam prope tamen ad figuras sphæricas possunt perducì, ut sese in puncto Physico, hoc est, in parte visibili minima tangant. Si jam unius globi superficies atramento (aut quovis colore qui facile detergi potest) inficiatur, & alter in ipsum quiescentem impingat, experimento constat, non punctum tantum physicum globi incurrentis, post impulsus, alterius colore tingi, sed partem ejus superficiei satis magnam; atqui hoc fieri non potest nisi ipsorum superficies per ictus vim mutatae fuerint: post reflectionem autem utrumque globum pristinam figuram recuperare deprehendimus; quare globi hi habent vim elasticam qua sese in pristinam figuram per ictum deformatam restituere valent. Q. E. D. Sequuntur jam regulæ motus pro corporibus elasticis.

THEOR. XXIX.

Si duo corpora perfecte elastica in se invicem impingant, eadem manebit ipsorum velocitas relativa ante & post impactum; hoc est, corpora perfecte elastica eadem celeritate à sese mutuo post ictum recedent, qua prius ad se invicem accedebant.

Nam (per Cor. Theor. 27.) vis compressiva seu ictus magnitudo in datis corporibus oritur à velocitate corporum relativa, & ipsi est proportionalis; & (per Def. 11.) corpora perfecte elastica eadem vi sese in pristinam figuram restitunt, qua compressa fuere; hoc est, vis restitutiva æqualis est vi compressivæ, ac proinde vi qua corpora ad sese accedebant ante impactum æquipollet: sed per vim hanc restitutivam coguntur corpora à se invicem discedere; unde vis hæc in eadem corpora agens producet velocitatem relativam æqualem ei quam prius habebant, seu faciet ut corpora eadem velocitate à se invicem recedant qua prius accessere. Q. E. D.

Cor. Æqualibus igitur temporibus ante & post impulsu sumptis, æquales erunt corporum à se invicem distantia, & proinde æquales quoque erunt in iisdem temporibus distantia corporum à communi gravitatis centro.

Ex hoc corollario regulæ congressuum in corporibus perfecte elasticis facile eruuntur, quod igitur in sequenti problemate præstandum est.

PROBL. III.

In corporibus perfecte elasticis & directe impingentibus regulas congressuum determinare.

Omnes hujus problematis casus eadem operâ constructos dabimus. Sint A & B duo corpora perfecte elastica, quorum commune gravitatis centrum sit C, & ponantur corpora concurrere in D, ac fiat CE æqualis CD: dico post cursum rectam EA exponere velocitatem corporis A ab E versus A, & rectam EB exponere velocitatem mobilis B ab E versus B.

Dem. Cum (per Theor. 23.) commune corporum gravitatis centrum ante & post impulsu eadem semper velocitate

TAB. 5.
fig. 6 7. c.
9. 10. 11.
12. 13. 14.
15. 16.

citare uniformiter progrediatur, in tempore æquali ei quo percurritur à corpore A longitudo AD, vel à centro gravitatis C longitudo CD, post impulsus ab eodem C percurratur longitudo DK ipsi DC æqualis: fiat Ka æqualis CA: & cum (per Cor. præcedentis Theor.) æqualibus temporibus ante & post impactum sumptis, æquales semper sint corporum à communi gravitatis centro distantiae; eodem temporis puncto quo commune gravitatis centrum est in K, corpus A reperietur in a , adeoque post impulsus erit ipsius motus à D versus a , & ejus velocitas erit ut recta Da , quæ ab ipso in eo tempore percurritur; sed ob CE æqualem rectæ CD vel KD, & CA æqualem Ka , erit rectarum CE, CA differentia æqualis differentiae rectarum KD, Ka , hoc est, erit EA æqualis Da : sed recta Da denotat corporis A velocitatem post impulsus, quare ejus velocitas per rectam EA quoque denotabitur; præterea cum velocitas corporum relativa ante & post impulsus eadem maneat, & recta EA denotet velocitatem mobilis A, velocitas mobilis B post impulsus necessario per rectam EB denotabitur; ab E scil. versus B. Q. E. D.

Cor. 1. Si corpus B quiescat, coincidet punctum D cum TAB. 5.
B: & quia est B ad A ut AC ad CB, erit componendo B fig. 6. 7. 8.
& A simul ad A ut AB ad CB; unde duplicando consequentes erit B & A simul ad 2 A, ut AB ad 2 CB vel EB; hoc est, ut corporum aggregatum ad duplum corporis impingentis, ita celeritas impingentis ante contactum ad celeritatem prius quiescentis post contactum.

Cor. 2. Adeoque si A & B æqualia sint, erit A & B 2 A, TAB. 5.
unde EB celeritas corporis B post contactum erit æqualis AB fig. 6.
celeritati corporis A ante contactum; & proinde coincidente puncto E cum puncto A, erit AE velocitas mobilis A post impulsus nihilo æqualis; quod etiam facile sic ostenditur: ob corpora A & B æqualia, erit $AC = CB$ $CD = CE$, quare coincidit punctum E cum A, & proinde mobile A post impulsus quiescet, & corpus B post impulsus movebitur cum celeritate EB vel AB. Si igitur corpus elasticum in alterum quiescens & æquale impingeret, post contactum quiescet im-

pin-

pingens, & quiescens cum prioris celeritate movebitur.

TAB. 5.
fig. 9. Cor. 3. Si corpora A & B æqualia versus eandem partem ferantur post contactum ad eandem quoque partem feren-
tur, celeritatibus permutatis, nam ob $CE = CD$ & $AC = CB$ erit $CE - AC$, hoc est $EA = CD - CB$ seu BD ; adeoque velocitas corporis A post impactum æqualis erit veloci-
tati mobilis B ante impactum: præterea quia $EA = BD$ erit $EB = AD$, & proinde velocitas corporis B post conta-
ctum, prioris A velocitati ante occursum æqualis erit.

TAB. 5.
fig. 13. Cor. 4. Si corpora A & B æqualia ad contrarias partes fe-
rantur, post impulsu ad contrarias partes recedent, ce-
leritatibus permutatis. Nam ob $AC = CB$ & $CE = CD$ erit $AC - CE$, hoc est, $AE = CB - CD$ seu BD , adeo-
que velocitas corporis A post impactum æqualis erit veloci-
tati corporis B ante impactum: præterea ob $EA = BD$ erit $AD = EB$; sed AD erat velocitas corporis A ante occur-
sum, & EB est velocitas corporis B post occursum, unde
liquet corollarium.

Quoniam in praxi calculus semper est adhibendus, con-
venit ut modus tradatur, quo celeritates corporum elastico-
rum post impulsu sunt investigandæ, & ad numeros re-
ducendæ; & quidem facile esset, ad modum superiorum
corollariorum, omnes particulares casus ex generali expo-
sita constructione ad numeros revocare; facillime autem
generalis calculus sic eruitur.

TAB. 5.
fig. 17. Ponamus primo corpora A & B versus eandem partem
moveri; sitque C velocitas insequentis A, præcedentis vero
B velocitas sit c ; unde velocitas corporum relativa erit $C - c$, & summa motuum versus eandem partem $AC + Bc$:
velocitas corporis A post impactum versus eandem, qua
prius, plagam vocetur x ; & quia eadem manet corporum
velocitas relativa ante & post impactum, velocitas corporis
B erit $x + C - c$; est enim velocitas corporum relativa æ-
qualis excessui velocitatis qua velocitas corporis celerioris
superat velocitatem tardioris, adeoque excessus ille debet
esse $C - c$; cum vero velocitas corporis A sit x , erit ejus mo-
tus versus plagam $D = Ax$; & cum velocitas corporis B sit

$x + \frac{1}{2}$

$x + C - c$, erit ejus motus versus eandem partem $Bx + BC - Bc$; & horum motuum summa æqualis erit summæ priorum motuum, hoc est, erit $Ax + Bx + BC - Bc = AC + Bc$; unde reducendo hanc æquationem, erit $Ax + Bx = AC - BC + 2Bc$; & $x = \frac{AC - BC + 2Bc}{A + B}$ = Velocitati corporis

A. Porro velocitas corporis B est $x + C - c = \frac{AC - BC + 2Bc}{A + B}$

$$+ C - c = \frac{AC - BC + 2Bc + AC + BC - Ac - Bc}{A + B} =$$

$$\frac{2AC - Ac + Bc}{A + B}$$

Si BC sit major quam $AC + 2Bc$, erit x seu $\frac{AC - BC + 2Bc}{A + B}$

quantitas negativa, adeoque velocitas corporis A erit versus contrariam partem, & ejus motus versus D erit negativus. Si corpus B quiescat, hoc est, si sit $c = 0$, erit velocitas corporis A post impulsam $+\frac{AC - BC}{A + B}$, prorsum aut retrorsum prout signum $+$ aut $-$ prævaluerit.

Si corpora A & B celeritatibus C & c, versus contrarias partes lata, sibi mutuo directe impingant, erit ipsorum motus versus eandem partem $AC - Bc$; & velocitas corporum relativa erit $C + c$. Sit jam x velocitas corporis A post impactum; erit ejus motus versus eandem qua prius plagam Ax , & velocitas corporis B erit $x + C + c$, (nam velocitas corporum relativa per ictum non mutatur) & motus in corpore B versus D erit $Bx + BC + Bc$; unde summa motuum in easdem partes erit $Ax + Bx + BC + Bc$ quæ (per Theor. 14.) æqualis erit $AC - Bc$, adeoque erit $Ax + Bx = AC$

$- BC - 2Bc$, & $x = \frac{AC - BC - 2Bc}{A + B}$ & velocitas corporis B erit

$$\frac{AC - BC - 2Bc}{A + B} + C + c = \frac{AC - BC - 2Bc + AC + Ac + BC + Bc}{A + B}$$

$$\frac{2AC + Ac - Bc}{A + B}$$

Si $BC + 2Bc$ sit major quam AC , erit motus corporis A retrorsum, versus contrariam scil. partem, in quo casu erit

x seu $\frac{AC - BC - 2Bc}{A + B}$ quantitas negativa.

T

Cor-

Corporum durorum leges primus quod sciam recte tradidit *Johannes Wallisius* hujus Academiae in Cathedra Geometriae *Savilianus* celeberrimus Professor, in Actis Philosophicis numero 43. ubi etiam primus veram causam reflectionum in aliis corporibus aperuit, & has ab elasticitate proficisci docuit. Postea, non longo temporis intervallo, clarissimi Viri Dom. *Christophorus Wren* tunc temporis in hac Academia Astronomiae Professor *Savilianus*, & Dom. *Christianus Hugen*s, leges quas observant corpora perfecte elastica, Societati Regiae Anglicanae seorsim impertivere, & eandem prorsus constructionem dederunt, quamvis uterque quid ab altero factum de hac re fuit, inscius erat. Cum autem illi constructiones & leges motus absque demonstratione in Philosophicis Actis consignarunt; placuit hanc ipsorum elegantem admodum constructionem exinde depromere & demonstrare.

Non dissimili methodo construitur problema in corporibus quidem elasticis, sed quæ non se restitunt vi æquali ei qua comprimuntur. Sint enim duo quæcunque corpora *A* & *B*, quorum commune gravitatis centrum sit *C*; fecentur *AC*, *BC* ita in *a* & *b*, ut *AC* sit ad *aC* & *BC* ad *bC*, ut vis elaterem comprimens ad vim qua elater se restituit; fiatque *CE* æqualis *CD*, erit *Ea* velocitas corporis *A* post impulsus ab *E* versus *a*, & *Eb* erit velocitas corporis *B* ab *E* versus *D*.

TAB. 5.
fig. 18.
19.

Quod si vis restitutiva æqualis sit vi compressivæ, coincidet punctum *a* cum *A*, & constructio redit ad priorem. Demonstratio facilis est præcedentem intelligenti, nec opus est ut apponatur.

THEOR. XXX.

TAB. 5.
fig. 20.
Si mobile A in recta AB uniformiter moveatur; & interea recta linea illa AB, sibi semper parallela, motu etiam æquali deferatur secundum directionem ad AC parallelam; sitque velocitas mobilis A ad velocitatem lineæ AB ut AB ad AC, & compleatur parallelogrammum ABDC, cujus diagonalis sit AD; erit hæc vera linea à mobili A motu suo descripta.

Cum linea *AB* ad situm *ab* pervenerit, sit *g* locus mobilis *A*, & quia (per Theor. 6.) spatia simul descripta sunt

ut

ut velocitates, erit ag longitudo à mobili A percurfa ad A z longitudinem à linea AB percurfam, ut velocitas mobilis A ad velocitatem rectæ AB, hoc est, (ex hyp.) ut AB ad AC; unde parallelogrammum ag simile erit parallelogrammo CB, & proinde (per 24. El. 6.) punctum g in diagonali AD locabitur; hoc est, corpus A semper in recta AD reperietur, adeoque hæc linea ab illo percurreretur. Q. E. D.

Cor. 1. Eodem tempore describitur à mobili A linea AD, quo absque motu secundum AC lineam AB percurreret; aut quo absque motu secundum AB describeret rectam AC.

Cor. 2. Cum mobile ideo in recta AD deferatur, quod præter motum proprium participat quoque de motu loci sui seu rectæ AB, & motus ejus ex utroque compositus sit; si mobile aliquod duos motus secundum directiones AB, AC simul impressos habeat, sintque motus illi vel vires à quibus producuntur ut rectæ AB, AC, erit AD linea descripta à mobili quod à duabus hisce viribus motus impressos recepit; & ejus vis, qua in recta AD fertur, erit ad priores secundum AB, AC ut diagonalis AD ad latera parallelogrammi AB, AC.

Cor. 3. Hinc è converso, si mobile cum vi ut AD percurrat rectam AD, idem erit motus & secundum eandem directionem, ac si initio motus simul impelleretur à duabus viribus, rectis AB, AC proportionalibus, secundum directiones ab A ad B & ab A ad C: atque hinc motus quivis, etsi in se simplex, tanquam ex pluribus motibus compositus considerari potest; & vires quælibet in alias plures secundum diversas directiones agentes resolvi possunt.

THEOR. XXXI.

*Si Corpus A in firmum obicem DC oblique impingat, erit energia percussio- TAB. 5.
nis, seu magnitudo ictus obliqui, ad magnitu- fig. 21.
dinem ictus quem produceret idem corpus eadem celeritate perpendiculariter impingens, ut sinus anguli incidentiæ ACD ad radium.*

Ab A in obicem demittatur perpendicularis AD, si superficies obicis sit plana; vel si curva, demittatur perpendicu-
laris

laris in planum tangens obicem in puncto incidentiæ, & C compleatur rectangulum DB. Jam (per Corol. 3. præcedentis) motus corporis A ut AC in recta AC æquipollet duobus motibus simul impressis secundum directiones AB, AD, qui sunt ad motum in AC ut rectæ AB, AD ad AC: sed motui in recta AB nullo modo resistit obex DC, cum enim AB sit ad DC parallela, corpus in recta AB motum in obicem DC nunquam impinget; vis igitur, qua impingit in obicem, est ut recta AD: est itaque vis corporis A in recta AC ad vim qua impingit in obicem, ut AC ad AD: sed si perpendiculariter cum vi ut AC impegisset in eundem, ictus magnitudo per AC repræsentaretur, motus enim totus per obicem destrueretur: quare erit magnitudo ictus obliqui ad magnitudinem ictus perpendicularis ut AD ad AC; hoc est,posito AC radio, ut sinus anguli incidentiæ ad radium.

THEOR. XXXII.

Si corpus perfecte elasticum in firmum obicem oblique impingat, ab illo ita reflectetur, ut angulo incidentiæ æqualis fiet angulus reflectionis.

TAB 5.
fig. 22.

Incidat corpus A perfecte elasticum in firmum obicem oblique secundum lineam AB; dico corpus illud cum eadem celeritate ita in recta BC reflecti, ut angulo incidentiæ ABD æqualis sit angulus reflectionis CBF. Recta AB exponat motum corporis A in directione AB. Per. Corol. 3. Theor. 30. resolvitur hic motus in alios duos secundum directiones AE, AD, ad quos motus in AB est ut AB ad AE, AD; sed cum AE sit ad superficiem obicis parallela, & AD ad ipsum, vel saltem ad planum obicem in B tangens, perpendiculares; vis illa, qua impingit in obicem, est ea solummodo quæ est ut AD; secundum directionem ad obicem perpendicularem agens: fiat jam BE æqualis & parallela ipsi AD, & BF æqualis DB vel AE, & compleatur rectangulum EF, quod erit per omnia simile & æquale rectangulo DE. Cum igitur motus ut AE secundum directionem ad obicem parallelam per ictum non destruat, quippe huic motui obex non est contrarius, post impulsu ad B permanet in corpore vis ut

ut AE vel BF movendi secundum directionem BF: sed ex natura elasticitatis, corpus cum vi ut EB secundum directionem EB in obicem impingens, eadem vi secundum eandem directionem reflectitur; motus igitur corporis ad punctum incidentiæ B componitur ex motu ut BF secundum directionem BF, & motu ut BE secundum directionem BE; quare (per Corol. 2. Theor. 30.) corpus in recta BC cum vi ut BC movebitur: sed ob AD, CF æquales & parallelas, item ob DB, BF & angulos ad D & F æquales, erit angulus CBF æqualis angulo ABD, hoc est, angulo incidentiæ æqualis erit angulus reflectionis. Q. E. D.

P R O B L. IV.

Corporum oblique impingentium post occursum determinare motus.

Moveantur corpora quæcunque A & B in lineis ad se invicem inclinatis AC, BC, quarum longitudines respective exponant velocitates corporum A, B; recta EFC repræsentet planum à quo tanguntur corpora in puncto concursus; in quod ab A & B demittantur perpendiculares AE, BF, quæ exponant velocitates quibus corpora ad se invicem accedunt. Compleantur rectangula EG, FH. Per Cor. 3. Theor. 30. motus corporis A resolvitur in duos alios secundum directiones AG, AE, ad quos motus in AC est ut AC ad AG, AE respective; similiter motus corporis B resolvitur in duos alios secundum directiones BF, BH; ad quos motus in BC est ut BC ad BF, BH respective: cum vero AG, BH sint parallelæ, velocitatibus quibus secundum has directiones moventur corpora, in se invicem non impingent; adeoque motus secundum hasce directiones per impactum non mutabitur; velocitates igitur quibus corpora in se mutuo incurrunt, sunt ut AE vel GC & BF vel HC. Corporum igitur A, B cum velocitatibus GC, HC in se mutuo directe incurrentium (per Probl. 2. si corpora dura sint, vel per Probl. 3. si elastica) determinantur motus; sitque CL velocitas corporis A à C versus L post impactum, orta ex velocitatibus GC, HC. Cumque, ut ostensum est, maneat in corpore vis movendi secundum directionem ad AG parallelam cum velocitate ut

TAB. 6.
fig. 1.

AG, fiat CM æqualis AG, & compleatur rectangulum LM; in hujus diagonali CN movebitur corpus A post impactum cum velocitate ut CN, ut patet (per Corol. 2. Theor. 30.) Et similiter determinabitur motus corporis B post impulsus. Q. E. F.

THEOR. XXXIII.

TAB. 6. Si mobile A à tribus potentiis ope trium filorum trahatur, vel
fig. 2. alio quocunque modo urgeatur secundum directiones AB, AE, AC, ita ut hæ tres potentiæ sibi mutuo æquipollegant, hoc est, ut binæ quævis alterius effectum destruant, & corpus per nullam ipsarum moveatur; potentiæ illæ inter se eandem rationem habebunt cum rectis tribus ad ipsarum directiones parallelis & à mutuo concursu terminatis.

Exponat AD potentiam seu vim qua mobile A urgetur ab A versus B; vis huic æquipollens seu æqualis & corpus contrarie ab A versus D urgens etiam per AD exponetur; sed (per Cor. 3. Theor. 30.) vis ab A versus D corpus impellens æquipollet duabus secundum directiones AC, AE agentibus, ad quas vis prior ab A versus D agens, est ut AD ad AC, AE, vel ad AC, CD respectively; & vicissim vires secundum rectas AC, AE agentes, & vi corpus ab A versus D urgenti simul æquipollentes, debent esse ad vim eandem secundum AD ut AC & AE vel CD ad AD; quare etiam vires secundum rectas AC, AE agentes, & æquipollentes vi qua corpus ab A versus B urgetur, ejusque effectum destruentes, debent esse ad eandem, ut AC, CD ad AD; hoc est, si idem mobile à tribus potentiis sibi mutuo æquipollentibus secundum directiones AB, AC, AE urgeatur, erunt hæ tres potentiæ ut rectæ AD, AC, AB respectively. Q. E. D.

Cor. 1. Cum in triangulo quovis latera sint ut sinus angulorum oppositorum, erit AC ad CD ut sinus anguli ADC vel DAE ad sinum anguli DAC; unde quævis duæ potentiæ erunt inter se reciproce ut sinus angulorum, quos lineæ directionum cum linea directionis tertiæ potentiæ continent. Est præterea AD ad AC ut sinus anguli C vel AED ad sinum anguli CDA vel DAE; & similiter potentia secundum AB agens est

est ad potentiam secundum AE, ut sinus anguli AED ad finem anguli ADE vel CAD.

Cor. 2. Si pondus B duæ potentiae R, S filorum ope secundum rectas AR, AS trahentes sustineant, punctum A à TAB. 5.
fig. 23.
24. tribus potentiis urgetur, quarum duæ secundum directiones AR, AS agunt, & altera est vis gravitatis ponderis B; agens secundum rectam AB ad terram perpendicularem; unde erit potentia R ad vim gravitatis ut AC ad AD, vel ut sinus anguli DAE ad finem anguli DEA vel CAE; & potentia S erit ad vim gravitatis ut EA ad AD, vel sinus anguli CAD ad finem anguli DEA vel CAE, & potentia R erit ad S potentiam ut sinus anguli EAD ad finem anguli CAD.

Theorema hoc cum suis corollariis est fundamentum totius Mechanicæ novæ, quam Dominus *Varignon* edidit, & ab ipso etiam immediate consequuntur pleraque theoremata mechanica, quæ in eximio opere *Jo Alphonsi Borelli* de Motu animali continentur; ejus enim ope vires musculorum æstimari possunt.

THEOR. XXXIV.

Si Grave B plano inclinato incumbat, & à potentia R secundum directionem plano parallelam agente sustineatur, nec in plano illo descendat; potentia R erit ad pondus corporis B ut sinus anguli inclinationis ad radium.

Per punctum ubi Grave plano incumbit, ducatur ad communem sectionem plani & Horizontis perpendicularis AC, à cuius puncto quovis A demittatur in planum horizontis perpendicularis AD, & jungatur CD: erit (per Def. 6. El. 11.) ACD angulus inclinationis plani & horizontis, cujus sinus est AD posito CA radio. Dico jam AC esse ad AD ut pondus corporis A ad potentiam R. Corpus enim B à tribus potentiis secundum diversas directiones agentibus, & sibi mutuo in æquilibrio positis urgetur; quarum prima est vis gravitatis secundum directionem BE ad CD perpendicularem agens, secunda est potentia R corpus trahens secundum directionem BR ad AC parallelam, tertiæ autem potentiae supplet vicem resistentia seu contranitentia plani secundum lineam FBH sibi TAB. 6.
fig. 3. per-

perpendiculararem agens; nam reactio actioni semper est æqualis, & fit in plagam contrariam: cumque planum perpendiculariter à mobili prematur secundum directionem BF, planum æqualiter reaget in corpus secundum directionem BH, & contranitentia illa æquipollet potentia secundum BH mobile urgenti: cumque hæ tres potentia sint sibi mutuo in æquilibrio & mobile ab ipsis sustineatur, si ducatur FG ad EB parallela rectæ AC occurrens in G, erit potentia R ad vim gravitatis ut BG ad FG (per præcedens Theor.) Sed ob triangulum CFG rectangulum, & demissam in basin CG perpendiculararem FB, est (per 8. El. 6.) ut BG ad FG ita FG ad GC, & ut FG ad GC ita (per 4. El. 6.) erit AD ad AC; quare est potentia R ad vim gravitatis ut AD ad AC, vel ut sinus inclinationis plani ad radium. Potentia igitur aliqua potest Gravis in plano inclinato sustinere, modo potentia illa sit ad pondus Gravis, ut sinus inclinationis plani ad radium. Q. E. D.

Cor. 1. Cum potentia R impediatur descensum Gravis in plano AC, & ejus momento, quo in illo descendere nititur, æquipolleat; sequitur Gravis cujusque vim descendendi in plano inclinato esse ad vim qua descendere conatur in perpendiculari, ut sinus inclinationis plani ad radium.

Cor. 2. Hinc etiam plani inclinatio talis assignari potest, ut super illud, quantulacunque potentia pondus quodcunque magnum sustinere vel etiam elevare poterit.

LECTIO XV.

De Descensu Gravium in Planis Inclinatis & Pendulorum Motu.

PERactis iis quæ ad motum generaliter spectant, ad eos jam devenimus qui ex datis viribus oriuntur motus; in quibus exponendis & Phænomenis inde ortis recensendis præcipue versatur vera Physica. Ut igitur à simplicissimis ordiamur, imprimis considerata venit vis illa, quæ uniformiter, hoc est ubique eodem tenore, versus eandem semper plagam dirigitur, qualis vulgo supponitur esse vis Gravitatis.

vitatis: quamvis enim certum sit, Gravitatis vim non ubique eandem esse, sed in diversis à centro Terræ distantis, quadratis distantiarum reciproce esse proportionalem; cum tamen diversæ altitudines ad quas gravia à nobis projecta perveniunt, exiguæ admodum sint præ ingenti illa à telluris centro distantia, in tantilla hac altitudinum differentia, eandem ubique esse Gravitatis vim, tuto & absque minimo sensibili errore, supponi potest.

De motu itaque Gravium in hoc loco agendum est: Motum autem illum peragi supponimus, vel in planis ad Horizontem inclinatis, vel in superficiebus curvis, quales sunt sphericæ & cycloidicæ; vel in spatiis denique liberis & non resistentibus, de quibus sequentia dabimus Theoremata.

THEOR. XXXV.

Descensus Corporis Gravis, super plano quovis inclinato, est motus æquabiliter acceleratus. Estque velocitas quam Grave super plano inclinato, in dato quovis tempore è quiete decidens, acquirit, ad Velocitatem à Gravi perpendiculariter cadente eodem tempore acquisitam, ut altitudo plani ad ejus longitudinem.

Sit planum inclinatum AB super quo descendat Grave D. TAB. 6.
Per Corol. primum. Theor. 34. est vis qua descendere co- fig. 4.
natur Grave, super plano quovis inclinato, ad vim absolutam Gravitatis, qua sc. in perpendiculo descenderet, in constanti ratione, quæ est sinus inclinationis plani ad radium, seu ut altitudo plani ad ejusdem longitudinem; adeoque cum eadem maneat vis absoluta Gravitatis corporis D, eadem quoque manebit vis qua super plano AB descendere conatur. Vis igitur illa eodem semper tenore in Grave D aget; adeoque similiter applicata, per legem secundam, æqualia semper velocitatum incrementa superaddet; haud secus ac fit in Gravibus in perpendiculo cadentibus. Est igitur descensus Gravium in plano inclinato motus uniformiter acceleratus. Q. E. D.

Porro Incrementa Velocitatum Gravium in perpendiculo & in plano inclinato cadentium, quæ eodem tempore inde-

V

finite

finite exiguo producuntur, sunt ad se invicem ut vires quibus producuntur: at vires sunt in constanti ratione, scil. ut longitudo plani AB ad ipsius altitudinem AC; quare incrementa velocitatum inde orta erunt in eadem ratione. Ac proinde (per 12. Prop. Elementi V.) summa incrementorum unius erit ad summam incrementorum alterius in eadem ratione; hoc est velocitas corporis Gravis in perpendiculo cadentis, est ad velocitatem corporis super plano inclinato interea descendentis, ut longitudo plani ad ejus altitudinem. Q. E. D.

Corol. 1. Velocitates corporis Gravis in plano inclinato cadentis, sunt ut tempora quibus acquiruntur.

Corol. 2. Quaecunque igitur in Theor. 12. & ejus Corol. de motu uniformiter accelerato demonstravimus, vera quoque erunt de descensu Gravium in planis inclinatis. Scil. spatium à Gravi in plano inclinato cadente dato tempore percursum, ab initio motus computatum, dimidium erit istius quod in illo tempore à mobili uniformiter percurri potest, cum velocitate ultimo acquisitâ. Item spatia percurfa, ab initio motus computata, sunt in duplicata ratione Temporum vel celeritatum. Et Celeritates & Tempora sunt in subduplicata ratione spatiorum percursorum.

Corol. 3. Hinc etiam Gravis Ascensus per planum quodvis acclive est motus uniformiter retardatus, sicut fit in Ascensu corporis in perpendiculo, illumque eadem omnino symptomata comitantur.

S C H O L I U M.

Si ad Experientias recurratur, has omnes ratiociniis nostris conformes esse reperiemus; & in planis non admodum declivibus experimenta instituere facile est, cum motus haud admodum veloces exacte mensurari possint; secus ac fit in descensu in perpendiculo, ubi pernitas motus observationibus accuratis locum non relinquit.

Notandum nos supponere plana exacte polita, & motum super iis nulla scabritie impeditum.

PROBL.

PROBL. V.

Dato plano inclinato, assignare quam ejus partem percurrit Grave, interea dum aliud Grave datum spatium in perpendiculo perfecerit.

Sit planum inclinatum AB, super quo descendat Grave ex A; assignanda est longitudo quæ à Gravi in plano inclinato cadendo percurritur, interea dum aliud Grave spatium AC in perpendiculo cadens perfecerit. A puncto C in AB demittatur perpendicularis CD plano occurrens in D; erit AD spatium in plano inclinato confectum tempore quo Grave cadit in perpendiculo ex A ad C. Si enim non sit AD, sit AE spatium eodem tempore confectum, quo grave cadit ex A ad C, quod vel majus vel minus sit quam AD. Ducatur horizontalis recta CB. Et quoniam per Theorema 12. in eo tempore quo Grave cadit ex A ad C vel ex A ad E, percurri potest dupla longitudo AC, cum velocitate uniformi, & æquali ei quæ acquiritur cadendo in C; (sicut per Corol. præcedentis,) in eodem tempore percurri potest longitudo dupla ipsius AE, cum ea velocitate quæ acquiritur in E; erit (per Theor. VI.) Velocitas in C ad velocitatem in E acquisitam, ut dupla AC ad duplam AE, vel ut AC ad AE: sed cum AC, AE simul percurrantur, erit (per Theorema præcedens) velocitas in C ad velocitatem in E ut AB ad AC; quare erit ut AB ad AC ita AC ad AE: sed (per octavam Elementi 6.) ut AB ad AC ita AC ad AD: quare erit ut AC ad AE ita AC ad AD: ac proinde erit AE æqualis AD, minor majori, quod fieri non potest. Non igitur aliud spatium quam AD à Gravi super plano AB cadente conficitur, interea dum aliud Grave cadat ex A ad C. Quod erat ostendendum.

Corol. Hinc invenitur spatium per quod Grave in perpendiculo cadit, interea dum Grave super plano inclinato percurrit longitudinem quamvis datam AB: nempe si ex puncto B ad AB erigatur perpendicularis recta BC, perpendiculo occurrens in C, erit AC spatium quæsitum.

Corol. 2. Si duo vel plura sint plana inclinata AB, AE; & detur spatium AD, quod à Gravi super plano AB in aliquo

TAB. 6.
fig. 5.TAB. 6.
fig. 6.TAB. 6.
fig. 7.

tempore percurritur; invenietur spatium, quod à Gravi in altero plano AE interea percurratur; erigendo ex puncto D perpendicularem DG, cum perpendiculo occurrens in G; & ex G in AE demittendo perpendicularem GH plano AE occurrens in H; erit AH spatium quæsitum: utrumque enim spatium AD, AH conficitur in eo tempore, quo Grave in perpendiculo descendit ex A ad G.

Corol. 3. Ex hujus Theorematis demonstratione constat, velocitates à Gravibus in perpendiculo & in plano inclinato, eodem tempore acquisitas, esse ut spatia ab iisdem confecta.

T H E O R. XXXVI.

TAB. 6. fig. 5. *Tempus quo percurritur planum inclinatum AB est ad tempus quo percurritur perpendiculum AC, ut AB longitudo plani ad longitudinem perpendiculi AC.*

Ex C ad AB demittatur perpendicularis CD; & erit tempus quo percurritur AD, æquale tempori quo AC percurritur. Est vero tempus quo percurritur AB, ad tempus quo percurritur AD, in subduplicata ratione AB ad AD (per *Corol. 2. Theor. 35.*) hoc est, ob AB, AC, AD continue proportionales, est tempus quo percurritur AB ad tempus quo percurritur AD vel AC, ut AB ad AC. Quod erat demonstrandum.

TAB. 6. fig. 8. *Corol.* Hinc tempora quibus percurruntur diversa plana, AB, AD, KB, quorum eadem est altitudo, sunt ut longitudo planorum: est enim tempus per AB ad tempus per AC ut AB ad AC; & tempus per AC ad tempus per AD ut AC ad AD: quare ex æquo erit tempus per AB ad tempus per AD, ut AB ad AD.

T H E O R. XXXVII.

Celeritates Gravium, super plano quovis inclinato & in perpendiculo, æquales sunt, ubi Gravia pervenerint ex eadem altitudine ad eandem rectam Horizontalem.

TAB. 6. fig. 5. Sit planum inclinatum AB, & perpendiculum AC. Ducatur Horizontalis recta BC. Dico celeritatem acquisitam in pun-

puncto B, post descensum per AB, æqualem fore celeritati acquisitæ in puncto C, post casum per AC. A puncto C demittatur ad AB perpendicularis CD. Erit AD spatium quod à Gravi in plano, AB cadendo percurritur, in eo tempore quo aliud Græve in perpendiculo descendit per AC: & (per Cor. 3. Probl. 5.) celeritas in C est ad celeritatem in D ut AC ad AD, vel ut AB ad AC. Quoniam autem celeritates super eodem plano cadendo acquisitæ, sunt in subduplicata ratione longitudinum quæ à Gravi percurruntur, erit celeritas in B ad celeritatem in D in subduplicata ratione longitudinis AB ad longitudinem AD; hoc est, ob AB, AC, AD continue proportionales, ut AB ad AC. Sed ostensum celeritatem in C esse ad eandem celeritatem in D etiam ut AB ad AC; quare cum celeritates in B & C eandem habeant proportionem ad celeritatem in D, inter se æquales erunt. Quod erat demonstrandum.

Cor. Hinc celeritates, quæ à Gravibus cadendo ex eadem altitudine, ad eandem Horizontalem rectam, super planis utcunque inclinatis acquiruntur, sunt inter se æquales: nam utraque celeritas, scil. ea quæ acquiritur in puncto B, post descensum per AB vel KB; & ea quæ acquiritur in puncto D, post descensum per AD, æqualis est celeritati acquisitæ in descensu Gravis ex A ad C. TAB. 6.
fig. 8.

THEOR. XXXVIII.

Si ex eadem altitudine descendat mobile continuato motu, per quotlibet ac qualibet plana continua AB, BC, CD; semper eandem in fine velocitatem acquirat, quæ nimirum æqualis est ei quæ cadendo perpendiculariter ex pari altitudine acquiritur.

Per A & D ducantur Horizontales rectæ HE, DF, & producantur plana BC, CD, ut cum HE conveniant in punctis G & E. (Per Corol. Theor. 37.) eadem celeritas acquiritur in puncto B, descendendo per AB, ac si per GB descendisset Græve: supponimus autem flexum aut punctum B, non impedire motum Gravis cadentis, sed tantum ipsius directionem mutare; adeoque in puncto C eadem erit celeritas acquisita descendendo per AB, BC, ac si per GC descendisset. TAB. 6.
fig. 9.

Sed descendendo per CG, eadem acquiritur celeritas quam obtineret grave cadendo per EC: adeoque cum flexus C velocitatem Gravis non minuere supponitur, in D eandem velocitatem habebit, ac si descendisset per planum ED, vel per EF perpendiculum. Q. E. D.











Cor. 1. Hinc liquet, per circuli circumferentiam, vel per curvas quolibet, descendente mobili, (nam curvas tanquam ex infinitis rectis compositas hic considerare liceat) semper eandem ipsi velocitatem acquiri, ac si ab eadem altitudine rectà in perpendiculo descenderit Grave.


Cor. 2. Quod si Grave, post descensum per AB, BC, CD, vel per HD, sursum convertat motum suum; ascendet ad eandem unde venit altitudinem, per quæcunque plana inclinata: nam cum Gravitas eadem semper vi in eodem plano agat, sive ascendat corpus sive descendat, eadem erit ejus efficacia ad corporis velocitatem in ascensu minuendam, quæ est ad ipsam in descensu augendam; tantum igitur est decrementum velocitatis in puncto C, dum ascendat mobile à D ad C, quantum fuit incrementum velocitatis acquisitum in descensu à C ad D; ac proinde eadem erit velocitas in C, post ascensum per CD, quæ erat prius in eodem puncto, post descensum per AB, BC. Similiter velocitas in B post ascensum per CB eadem est cum velocitate acquisita in descensu per AB vel BG; sic etiam Gravitas tantundem detrahet à velocitate mobilis ascendendo per BA, quantum acquirebatur in descensu per AB; & in punctis æque altis eadem semper erit mobilis velocitas: sed velocitas in initio descensus, scil. in puncto A nulla fuit; adeoque ascendendo, in puncto illo A omnis tolletur velocitas; quod igitur punctum erit terminus ad quem mobile ascendendo perveniet.

TAB. 6.
fig. 10.

Cor. 3. Si mobile per superficiem quamvis AB descendat ad punctum infimum B, ac deinde, velocitate cadendo acquisita, per superficiem similem & æqualem BC ascendat; æqualibus temporibus per æqualia spatia ascendet ac descendet.

THEOR.





Vertical text column on the right side of the page, likely bleed-through from the reverse side. The text is extremely faint and illegible, appearing as a series of vertical lines and light gray shapes.

THEOR. XXXIX.

*Si à puncto supremo A, vel infimo B, circuli ad Horizontem TAB. 7.
erecti, ducantur quælibet plana inclinata AC, BC, usque fig. 1.
ad circumferentiam; tempora descensuum per ipsa, æqualia
erunt tempori, quo Gravia perpendiculariter per diame-
trum cadunt.*

Cadat Grave ex A ad C, super plano AC: dico tempus descensus per AC æquale esse tempori descensus per Diametrum AB. Nam angulus ACB in semicirculo rectus est, (per 31. Elementi tertii) unde cum à puncto C ad AC erecta sit perpendicularis BC, perpendiculo AB occurrens in B; erit (per Corol. 1. Probl. 5.) tempus descensus per AC in plano inclinato, æquale tempori casus per AB in perpendiculo. Dico etiam tempus per CB eidem tempori per AB æquale fore. Ducatur CD ad AB, & DB ad AC parallela: & (per 34. Elementi primi) erit CD æqualis AB; & ob angulum ACB in semicirculo rectum, erit angulus CBD rectus: quare cum à puncto B, super CB erecta sit ad angulos rectos BD, cum perpendiculo conveniens in D; erit (per Corol. 1. Probl. 5.) tempus per CB æquale tempori descensus per CD; sed est CD æqualis AB, unde tempus per CB æquale erit tempori per AB.

Idem aliter sic ostendi possit. Tempus descensus per AB est ad tempus per EB, in subduplicata ratione AB ad EB, hoc est (ob AB, BC, EB continue proportionales) ut AB ad BC, vel BC ad EB; sed (per Theor. 36.) tempus per BC est ad tempus per EB in eadem ratione BC ad EB: quare cum tempora per AB & BC ad tempus per EB eandem obtineant rationem, æqualia erunt. Quod erat demonstrandum.

*Cor. 1. Si ducatur perpendiculum AB, & super Diametro TAB. 7.
AB, describatur Circulus; omnia plana à puncto B, vel à fig. 2.
puncto A, ad circuli circumferentiam ducta eodem tempore
percurrentur; eodem scil. tempore percurruntur AB,
CB, DB, EB, FB, GB.*

*Cor. 2. Si in eodem puncto supremo A, plures circuli TAB. 7.
ABD, AGK se mutuo tangant, & exeant plura plana AB, AC, fig. 3.
AD, AE circulos secantia; partes GE, HB, LC, KD æquali
tem-*

tempore percurrentur, si initium motus fiat à puncto supremo.

THEOR. XL.

Si duo Gravia descendant super duobus aut pluribus planis, similiter inclinatis & proportionalibus; tempora iis percurrentis impensa erunt in subduplicata ratione longitudinum planorum.

TAB. 7.
fig. 4.

Percurrat Græve quodvis plana AB. BC, alterum autem Grave plana DE, EF, similiter ad Horizontem inclinata & proportionalia, hoc est, ut sint anguli BAG, EDH, item BGA, EHD æquales; & AB ad BC ut DE ad EF. Dico tempus quo percurrentur AB, BC ad tempus quo percurrentur DE, EF, subduplicatam habere rationem planorum AB, BC ad plana DE, EF. Ob triangula ABG, DEH æquiangula, est AB ad DE ut BG ad EH; sed ex hypothesi ut AB ad DE ita est BC ad EF, quare ut BG ad EH ita est BC ad EF; & ita (per 12. Elementi quinti) est GC ad HF. Sed quia AB, DE similiter inclinata sunt, eodem prorsus modo percurrentur ac si partes essent ejusdem plani; sic etiam plana GC, HF eodem modo percurrentur ac si partes essent ejusdem plani: adeoque tempus per AB erit ad tempus per DE in subduplicata ratione AB ad DE: & tempus per GC est ad tempus per HF in subduplicata ratione GC ad HF, vel in subduplicata ratione AB ad DE. Sed tempus per GB est ad tempus per HE, in subduplicata ratione GB ad HE, vel AB ad DE; adeoque (per 19. Elementi quinti) tempus per BC post descensum ex G vel A, est ad tempus per EF post descensum ex H vel D, in subduplicata ratione AB ad DE, hoc est ut tempus per AB ad tempus per DE: adeoque (per 12. Elem. V.) tempus per AB, BC erit ad tempus per DE, EF ut tempus per AB ad tempus per DE; vel in subduplicata ratione AB ad DE; verum ob AB ad DE ut BC ad EF, erit AB ad DE ut AB, BC ad DE, EF; adeoque tempus per AB, BC erit ad tempus per DE, EF in subduplicata ratione AB, BC ad DE, EF. Q. E. D. Idem similiter ostendetur si plura essent utrobique plana inclinata & proportionalia, unde patet propositum.

Cor.

Cor. Si sint duæ superficies curvæ AB, DE, similes & similiter positæ, hæ minime differunt ab infinitis numero planis, infinite parvis, & proportionalibus, & ad se invicem similiter inclinatis: adeoque erit tempus descensus per superficiem AB ad tempus descensus per superficiem DE in subduplicata ratione AB ad DE. TAB. 7.
fig. 5.

P R O B L. VI.

Dato spatio AB in plano utcumque inclinato, in dato tempore à Gravi è quiete cadente percurso; invenire spatium percursum æquali tempore, in alio plano contiguo BG; posito Grave in secundo hoc plano motum suum continuare. TAB. 7.
fig. 6.

Per A ducatur horizontalis recta AE, & producat BG ad E, ac fiat BD æqualis AB; & rectis EB, ED capiatur tertia proportionalis EC: erit BC spatium quod in secundo plano à Gravi motum suum continuante æquali tempore percurritur, quo AB in primo plano. Exponat enim AB vel BD tempus per AB, unde (per Corol. Theor. 36.) EB exponet tempus per EB. Est vero tempus per EB ad tempus per EC, in subduplicata ratione EB ad EC, hoc est ut EB ad ED; sed est EB spatium quod percurritur tempore ut EB; adeoque EC erit spatium quod percurritur tempore ut ED, ac proinde BC est spatium quod percurritur tempore ut DB vel AB, post casum ex E vel A. Quod erat inveniendum.

P R O B L. VII.

Dato spatio AB in plano inclinato, à Gravi è quiete cadente percurso in dato tempore; item spatio BC in alio plano contiguo, in quo Grave motum suum continuat: Invenire tempus quo percurritur spatium illud datum BC. TAB. 7.
fig. 7.

Ducatur per A horizontalis recta AE, cui occurrat BC producta in E: inter EB, EC inveniatur media proportionalis ED. Et si AB exponat tempus quo percurritur AB, BD exponet tempus quæsitum quo percurritur BC. Est enim tempus per AB ad tempus per EB, ut AB ad EB; adeoque EB exprimet tempus quo Grave cadet per EB: at est tempus per EB ad tempus per EC, in subduplicata ratione EB ad EC,

sive ob EB, ED, EC continue proportionales, ut EB ad ED; sed est EB ut tempus per EB; unde DB erit ut tempus per BC. Ac proinde tempus per AB erit ad tempus BC ut AB ad BD. Q.E.I.

TAB. 7.
fig. 8. *Cor.* Hinc si Grave successive per plura plana inclinata AB, BC, CD deferatur, assignari potest tempus in quo per singula movetur: producantur enim BC, CD ut cum horizontali per A ducta convenient in E, & F; inter EB, EC fiat EG media proportionalis: item inter FC, FD fiat media proportionalis FH, & si AB exponat tempus per AB, BG exponet tempus per BC, & CH exponet tempus per CD.

TAB. 7.
fig. 9. *Def.* Si Grave quodvis A, filo tenuissimo circa centrum B mobili, appendatur; talem machinam *Pendulum* appellamus. Quod si *Pendulum* circa B rotetur ut Grave arcum CAD describat, idem motus huic Gravi accidet ac si in superficie sphærica CAD, perfecte dura ac levigata, motum fuisset corpus Grave. Etenim motum circa punctum B liberrimum supponimus, & ab aëris resistantia, quæ in gravioribus pendulis exigua admodum est, abstrahimus: quod si pendulum ad situm BC deferatur, & exinde demittatur, Grave descendendo describet arcum CA, & in puncto A eam habebit velocitatem quæ acquiritur cadendo per EA, qua velocitate per tangentem in A exire conabitur; per Legem primam. Verum cum per filum AB detineatur in peripheria CAD, ascendet per arcum AD ad eandem altitudinem, scil. ad D ex qua decedit, (per Cor. 2. Theor. 38.) ubi omni amissâ velocitate, sua gravitate rursus incipiet descendere; & in puncto A priorem acquirere velocitatem, cum qua ascendet ad C: atque sic ascendendo & descendendo continuas vibrationes in peripheria CAD perficiet. Quod si aër pendulorum motui nihil obstaret, & si nulla esset frictio circa centrum rotationis B, in æternum duraturæ forent pendulorum vibrationes: at ob hasce causas aliquantulum, licet insensibiliter singulis vibrationibus diminuitur penduli velocitas in puncto A, unde fit ut non ad idem præcise punctum redeat Grave penduli, sed arcus in quos excurrit continuo breviores reddantur, donec tandem insensibiles evadant.

THEOR.

THEOR. XLI.

Ejusdem penduli Vibrationes exiguae, utcumque inæquales sint, fere & ad sensum sunt æquidiuturnæ.

Sit pendulum AB, quod oscillando describit inæquales ar- TAB. 7.
cus CBD, FBG: dico æqualia fere in illis describendis infu- fig. 10.
mi tempora, siue oscillationem in arcu CBD æquali fere tem-
pore peragi, quo perficitur oscillatio in arcu FBG, modo
arcus CB, FB, non sint nimis magni. Ducantur subtenfæ
CB, FB, DB, GB; & quoniam arcus supponantur exigui,
ii nec longitudine nec declivitate multum à subtenfis suis
deflectunt: ac proinde Grave paria fere infumet tempora,
siue per arcus CB, FB, siue per arcuum subtenfas feratur;
sed tempora descensuum per arcuum subtenfas æqualia sunt
(per Theor. 39.) Quare tempora per arcus BC, FB erunt
fere æqualia, igitur & horum temporum dupla, scil. quibus
oscillando describuntur inæquales arcus CBD, FBG, erunt
quoque fere æqualia. Quare ejusdem penduli vibrationes
licet in arcus inæquales excurrentes, sunt saltem ad sensum
æquidiuturnæ. Q. E. D.

Huic Theoremati suffragatur experientia; pendula enim
duo æqualis longitudinis ad motum incitata, quorum unum
in multo majores arcus excurrat quam alterum, tempora
oscillationum fere æqualia habebunt, adeo ut in centum
oscillationibus vix erit discrepantia temporis unius oscilla-
tionis.

THEOR. XLII.

*Durations Oscillationum duorum pendulorum in similes Arcus
excurrentium, sunt in subduplicata ratione longitudinum
Pendulorum.*

Sint duo pendula AB, CD, in arcubus similibus EBF, GDH TAB. 7.
oscillantia; erit tempus oscillationis penduli AB ad tempus fig. 11.
oscillationis penduli CD, in subduplicata ratione longitudi-
nis AB ad longitudinem CD. Nam quoniam arcus EB, GD
sunt similes & similiter positi, erit (per cor. Theor. 40.) tem-
pus descensus per EB, ad tempus per GD, in subduplicata
ratione

ratione EB ad GD; sed tempus descensus per EB est dimidium oscillationis integræ in arcu EBF; sicut tempus descensus per GD est dimidium oscillationis integræ per arcum GDH; adeoque tempus oscillationis penduli per arcum EBF erit ad tempus oscillationis penduli per arcum GDH, in subduplicata ratione EB ad GD: hoc est, ob arcus EB, GD similes, in subduplicata ratione semidiametri AB ad semidiametrum CD; vel in subduplicata ratione longitudinis penduli AB ad longitudinem penduli CD. Q. E. D.

Cor. Longitudines pendulorum sunt in duplicata ratione temporum quibus oscillationes perficiuntur.













Cum durationes vibrationum sint reciproce ut numerus vibrationum eodem tempore peractarum, facile ex dato numero vibrationum quæ ab uno pendulo AB notæ longitudinis, in dato tempore perficiuntur, dabitur numerus vibrationum, quæ ab alio quovis pendulo CD notæ longitudinis eodem tempore perficientur; capiendo numerum qui sit ad numerum vibrationum penduli AB, in subduplicata ratione AB ad CD, sive ut AB ad mediam proportionalem inter AB, CD, vel ut radix quadrata numeri quo exprimitur longitudo penduli AB, ad radicem quadratam numeri quo exprimitur longitudo penduli CD. Et vicissim ex dato vibrationum numero quæ eodem tempore à duobus pendulis AB, CD perficiuntur, & data longitudine unius scil. AB, dabitur longitudo alterius CD; nempe faciendo ut quadratum numeri vibrationum penduli CD ad quadratum numeri vibrationum penduli AB, ita longitudo AB ad longitudinem quæsitam CD.

THEOR. XLIII.

Velocitas penduli in puncto infimo est ut subtensa arcus quem descendendo describit.

TAB. 8.
fig. 1.

Sit Pendulum AB, quod motu suo describat circulum BDCG: dico velocitatem acquisitam cadendo ex D in B, esse ad velocitatem in B acquisitam cadendo ex C in B, ut chorda arcus BD ad chordam arcus BC. Per puncta D, C ducantur horizontales rectæ DE, CF: & erit velocitas gravis acquisita



quisita descendendo per EB, ad velocitatem gravis acquisitam in descensu per GB, in subduplicata ratione EB ad GB, hoc est, ob EB, DB, GB continue proportionales, ut DB ad GB. Eadem ratione, velocitas acquisita à mobili cadendo per GB, est ad velocitatem acquisitam in casu per FB, ut GB ad CB. Quare ex æquo, velocitas acquisita in descensu gravis per EB, erit ad velocitatem acquisitam in descensu per FB, ut DB ad CB; sed velocitas acquisita in descensu per arcum DB, eadem est cum velocitate acquisita in perpendiculari per EB; & velocitas in descensu per arcum CB acquisita, eadem est cum velocitate in perpendiculari descensu per FB acquisita. Quare erit velocitas acquisita in descensu per arcum DB, ad velocitatem acquisitam in descensu per arcum CB, ut subtenfa DB ad subtenfam CB. Q. E. D.

Corol. 1. Sit GB perpendiculum cujusvis longitudinis, & TAB. 8.
velocitas acquisita in descensu Gravis ex G ad B exponatur *fig. 2.*
per GB; super quo tanquam diametro, describatur semicirculus GCDB, & ex quovis diametri puncto E, erigatur normalis ED, peripheriæ occurrens in D, ducaturque chorda GD: erit hæc ut velocitas à Gravi acquisita cadendo ex altitudine GE: nam ob BG, GD, GE continue proportionales, erit ratio BG ad GD subduplicata rationis BG ad GE, adeoque BG erit ad GD ut velocitas acquisita cadendo ex altitudine GB, ad velocitatem per GE cadendo acquisitam. Similiter velocitas acquisita cadendo per GB, est ad velocitatem acquisitam ex casu per GF, ut GB ad GC; adeoque velocitates acquisitæ à Gravibus, cadendo per altitudines GE, GF, sunt ut chordæ GD, GC.

Cor. 2. Si capiantur arcus B 1, B 2, B 3, &c. tales, ut eo- TAB. 8.
rum subtenfæ sint ut 1, 2, 3, &c. respective; atque vis quæ- *fig. 1.*
dam agens pendulum sursum impellat per arcum B 1, alia vero per arcum B 2, & alia per arcum B 3; velocitates penduli in puncto B hisce viribus moti, erunt ut 1, 2, 3 respective.

Ope hujus Theorematis, variæ in quavis ratione data velocitates mobili tribuentur; aliæque à percussione alterius

corporis acquisitæ, inter se & cum aliis initio datis, comparari possunt.

TAB. 8.
fig. 3.

Fiat Triangulum ligneum ABC, in quo juxta angulum A, capiantur duo puncta D, E, quorum distantia talis sit, ut pendula duo DF, EG ex illis libere dependentia se mutuo tangant, & centris D, E, intervallo DF vel EG describantur circulorum arcus FK, GH, in quibus capiantur portiones FI, GI; F2, G2; F3, G3; F4, G4, &c. tales ut subtensæ sint ut 1, 2, 3, 4, &c. respectivæ; & si Grave F ad punctum 5 attollatur in arcu KF, G vero ad punctum 3 in arcu GH, atque simul demittantur (per Theor. 41.) ad puncta infima simul pervenient, & velocitates quibus sese percutient erunt ut 5 & 3: quod si post ictum mobile G in arcu GH ascendat ad 5, & mobile F in arcu FK ascendat ad 3, erunt velocitates mobilium F & G ut 3 & 5 respectivæ & versus contrarias partes. Ad hunc modum facile erit experientiæ subjicere regulas motus, tam in corporibus duris quam elasticis, quas in lectionibus XIII & XIV demonstravimus.

Cum ejusdem penduli vibrationes minimæ sint fere æquidiurnæ, licet arcus in quibus excurrat pendulum sint inæquales; hinc egregium pendulorum usum, ad horologiorum automaton motus regendos, monstravit *Christianus Hugenius*; quamvis enim *Galilæus* hujus scientiæ author, pendula prius adhibuit in observationibus Astronomicis & Physicis, quæ accuratam temporis mensuram requirunt: *Hugenius* tamen primus horologia pendulis instruxit, & experientia comprobavit, horologia ejusmodi, priora illa quorum libratores horizontales fuerint, longe superare. Ex eo tempore in usum communem recepta sunt horologia pendulis instructa, quorum aliqua tam affabre elaborata sunt, ut temporis mensuram exhibeant motu Solis multo justiore, qui tempus apparens seu relativum solummodo monstrat, non autem verum & absolutum; unde fit ut automata pendulis instructa, statis temporibus horam indicant ab apparenti diversam, & aliquando tempus solaris horologii quindecim vel sedecim minutis primis superantem, aliquando totidem minutis ab

eo deficientem: nec nisi quater in quolibet anno sol & horologium automaton idem temporis punctum monstrant.

Quamvis ejusdem penduli vibrationes, (licet excurrat pendulum in arcus inæquales,) sint fere & ad sensum æquiditurnæ; cum tamen non sint omnimodo & Geometrice tales, sed majores minoribus sint aliquantulum diuturniores, & vibrationes pauxilla temporis quantitate à se invicem differant, ex multis minimis differentiis, tandem magna satis conflatur differentia, idque ita esse reipsâ atque experimentis evincitur: si enim, ut aliquando in frigida sit tempestate, lentore aliquo afficiantur rotæ, ut pendulum minore vi impellant, incitatus quam par est festinant oscillationes; si nimia lubricitate polleant rotæ, & pendulum in majorem arcum excurrere cogant, lentius procedit tempus ab horologio indicatum. Imo ex nuperis experimentis in *Aetis Philosophicis Londinensibus* recensitis, constat automati pendulum in vacuo vibrationes perficiens, sublatâ aëris resistentiâ in majores arcus excurrisse, & singulas oscillationes in majore tempore complevisse. Quare ut pendulorum Oscillationes ad omnimodam æqualitatem redigantur, & reciprocationum penduli latiorum angustiorumque tempora perfecte æqualia evadant; excogitavit *Hugenius* methodum quo Grave penduli per cycloidis arcum semper deferretur. In sequentibus autem demonstrabitur, tempora descensuum per quoscunque ejusdem cycloidis arcus ad punctum infimum quod verticem cycloidis esse supponitur, inter se æqualia esse; adeoque si Grave penduli semper in arcu cycloidis moveatur, erunt tempora oscillationum accurate inter se æqualia; sive pendulum in majores excurrat arcus, sive in minores.

THEOR. XLIV.

Si centro C, intervallo quovis CA, describatur circuli quadrans AHB, atque in recta AC ea lege descendat mobile, ut TAB. 8.
ejus velocitas in loco quovis P sit semper ut PL quæ est sinus arcus AL; erit tempus quo descendit mobile ab A ad C, æquale FIG. 4.
tempori quo percurri possit peripheria AHB cum uniformi velocitate ut CB quæ ultimo à mobili cadendo acquiritur: erit præterea

terea tempus casus per spatium quodvis AF, ad tempus casus per spatium Ap, ut arcus AH ad arcum Al; & vis qua in loco quovis F acceleratur mobile erit ut FC, quæ est loci à centro distantia.

Distinguat peripheria AB in particulas innumeras infinite exiguas LLL, & ducantur FH, PL, p ℓ in AC perpendiculares; jungatur HC, sitque HK perpendicularis in PL. Quoniam triangula FHC KHL sunt æquiangula, (nam præter angulos ad F & K rectos, est angulus FHC æqualis angulo KHL, est enim angulus KHC utriusque complementum ad rectum) erit FH ad HC ut KH vel FP ad HL; sed (ex hyp.) est FH ut velocitas mobilis in puncto F qua scil. percurritur lineola FP, & CH vel CB est ut velocitas quæ ultimo cadendo acquiritur, ubi mobile ad C pervenerit, adeoque erit ut velocitas qua describitur arcus HL. Erit igitur velocitas mobilis descendens per lineolam FP, ad velocitatem mobilis quod per arcum HL movetur, ut ipsa lineola FP ad arcum HL; quare cum velocitates sint spatiis percursis proportionales, erunt tempora in quibus spatia percurreuntur, æqualia. Similiter demonstrari potest aliam quamvis peripheriæ particulam LL cum velocitate CB describi, eodem tempore quo percurritur correspondens lineola PP in perpendiculo, cum velocitate correspondente PL; ac proinde componendo eodem tempore descendit mobile per omnes lineolas PP, hoc est per totam AC, quo percurreuntur omnes arcus LL, vel tota peripheria AHB, cum velocitate uniformi ut CB. Q. E. D.

Præterea est tempus quo descendit mobile ab A ad F, æquale tempori quo percurritur arcus AH; & tempus quo descendit mobile ab A ad p, æquale est tempori quo describitur arcus Al: sed est tempus quo percurritur arcus AH, ad tempus quo percurritur arcus Al, (cum utraque eadem velocitate describitur) ut arcus AH ad arcum Al; quare erit tempus descensus ex A in F ad tempus descensus ex A in p, ut arcus AH ad arcum Al; ac proinde dividendo tempus per Fp erit ut Hb arcus. Q. E. D. Fiant arcus HL, h ℓ æquales, unde tempus descensus per FP æquale erit tempori per fp; & ob triangula KHL, FHC, item khl, fhc æquiangula.

la, erit KL ad HL vel hl , ut FC ad CH vel Cb : item est hl ad kl ut Cb ad Cf , ac proinde, ex æquo, erit KL ad kl ut CF ad Cf ; at est KL ut incrementum velocitatis acquisitum dum mobile percurrit FP, & kl est ut incrementum velocitatis mobilis dum in æquali tempore percurrit lineolam fp ; vires vero quibus acceleratur mobile in locis F & f sunt ut incrementa velocitatum temporibus æqualibus orta, erunt igitur vires mobilis acceleratrices in locis F & f ut rectæ KL, kl , hoc est vis qua urgetur mobile in F est ad vim qua urgetur in f , ut KL ad kl ; sed ostensum est ut KL ad kl ita esse CF ad Cf , quare erit vis qua urgetur mobile in F ad vim qua in f urgetur, ut distantia CF ad distantiam Cf . Sunt igitur vires acceleratrices in quibusvis locis ut ipsorum à centro distantia. Q. E. D.

Cor. Hinc è converso si mobile descendendo ab A ad C urgeatur à vi quæ sit ut ipsius à centro distantia; & vis illa initio motus exponatur per rectam DE, posito arcu AE infinite exiguo; velocitates ejusdem mobilis in locis quibusvis Ff exprimentur per sinus FH, fb , & tempora per arcus AH, Ab ; & incrementa velocitatum, vel, si arcus æqualiter crescant, vires acceleratrices per incrementa sinuum exponentur.

THEOR. XLV.

Si mobile in recta AC urgeatur versus punctum C, viribus quæ sint distantis à puncto C proportionales, ex quacunque altitudine demittatur, ad punctum C eodem semper tempore perveniet; estque tempus illud ad tempus quo possit mobile percurrere eandem viam, cum uniformi velocitate & æquali ei quæ ultimò cadendo acquiritur, ut semiperipheria circuli ad ejus diametrum.

Demittantur duo mobilia ex punctis A & M simul, & urgeatur utrumque mobile viribus quæ sint distantis à puncto C proportionales: dico utrumque mobile ad punctum C eodem tempore perventurum. Centro C, intervallis CA, CM, describantur circuli quadrantes AB, MN; & exponatur vis qua urgetur mobile in A, vel quod idem est, ipsius velocitas in ipso motus initio, per DE sinum arcus infinite parvi AE; constat

stat ex *Cor.* præcedentis, ipsius velocitatem, post casum ad C, per rectam CB exponi. Sed ex Hypothesi, vis qua acceleratur mobile in A, est ad vim qua acceleratur mobile in M, ut CA ad CM, vel ut DE ad PO, ob arcus AE, MO similes; quare si DE exponat velocitatem mobilis initio casus ex A, PO exponet velocitatem mobilis initio casus ex M: AC proinde (per idem *Cor.*) CN exponet velocitatem mobilis in C post casum per MC. Est præterea tempus casus ex A ad C, æquale tempori quo describi potest peripheria AB, cum uniformi velocitate ut CB; & tempus casus ex M ad C, æquale est tempori, quo describitur peripheria MN velocitate ut CN. Sed tempus quo describitur peripheria AB velocitate CB, æquale est tempori quo describitur peripheria MN velocitate CN, (ob $AB:MN::CB:CN$, spatia scil. percurra velocitatibus proportionalia.) Quare erit tempus casus ex A ad C æquale tempori quo corpus descendit ex M ad C. Q.E.D.

Tempus quo mobile percurrit rectam AC, cum velocitate CB est ad tempus quo arcum AB percurrit cum eadem velocitate, ut recta AC ad arcum AB, vel ut illius dupla ad hujus duplam, hoc est ut diameter circuli ad semiperipheriam; sed tempus per arcum AB est æquale tempori descensus ad C; unde erit tempus quo mobile fertur per rectam AC cum velocitate ut CB, ad tempus casus ad C, ut diameter circuli ad semiperipheriam Q.E.D.

TAB. 8.
fig. 6.

Defin. Si super recta B*b* insistsens circulus, (quem circum generatorem dicimus,) puncto sui *b*, (quod punctum lineans appellabimus) rectam B*b* tangens, super eadem recta volvi intelligatur, peripheria sua continua ad rectam applicatione commensurans æqualem rectam BA*b*, donec punctum lineans in sublimine latum, adeoque curvam BG*b* suo motu describens, circuitu facto, eandem rectam BA*b* iterum in *b* contingat; Curva BG*b* motu puncti *b* descripta, linea *Cyclois* appellatur. Et figura BGDAB figura cycloidis dicitur; & recta GA bisecans basim perpendiculariter, cycloidis axis; & punctum G vertex cycloidis dicitur.

LEM-

L E M M A.

Si circulus generator circa axem Cycloidis constitutur, & à puncto quovis Cycloidis C ordinetur ad axem recta CE, cum peripheria circuli conveniens in D; erit recta CD æqualis arcui circulari GD, arcus vero cycloidis GC æqualis erit duplæ chordæ GD; & semicyclois BCG æqualis erit duplæ diametro AG; recta vero CF cycloidem in C tangens parallela erit chordæ DG. Hæc à Wallisio & aliis qui de Cycloide scripserunt, demonstrata sunt.

T H E O R. XLVI.

In cycloide cujus axis ad perpendicularum erectus est vertice deorsum spectante, tempora descensus quibus mobile urgente vi gravitatis, à quocunque in eo puncto demissum ad punctum imum pervenit, sunt inter se æqualia; habentque ad tempus casus perpendicularis per axem cycloidis, eam rationem quam habet semiperipheria circuli ad ipsius diametrum.

Sit cyclois ACD, cujus axis CE, circulus generator ECG. Cum recta cycloidem in puncto quovis H tangens parallela sit chordæ CG, in circulo Generatore circa axem constituto, ductæ; patet mobile in descensu suo, eadem vi accelerari in puncto H, ac si in recta GC descenderet; est vero vis qua acceleratur in GC ad vim Gravitatis, ut MC ad GC; sed ut MC ad GC ita GC ad CE, (per Cor. 8. Prop. El. 6.) Quare vis qua acceleratur mobile in puncto H, est ad vim Gravitatis, ut GC ad CE. Eadem ratione vis Gravitatis est ad vim qua acceleratur mobile in alio quovis loco K, ut CE ad CL) quare ex æquo vis qua acceleratur mobile in H, est ad vim qua acceleratur in K, ut GC ad LC, vel ut dupla GC ad duplam LC, hoc est ut curva Cycloidis HC ad curvam KC. Vires igitur quibus descendendo super cycloide acceleratur mobile, sunt ut longitudines curvæ percurrendæ. Ponamus jam rectam *ac* æqualem longitudini curvæ AC, atque supponatur mobile aliquod iisdem viribus urgeri in recta *ac* versus *c*, quibus mobile urgetur descendendo per curvam AC; at vires quibus urgetur mobile, in punctis quibuscunque

TAB. 8.

fig. 7.

cycloidis H & K , sunt ut longitudines HC , KC , vel hc , kc ; hoc est vires in locis quibuscumque sunt ut distantiae locorum à puncto c ; ac proinde (per Theor. præcedens) tempora descensuum ex quacunque altitudine æqualia erunt. Quoniam itaque in correspondentibus cycloidis & rectæ ac punctis, æquales sunt vires acceleratrices, velocitatum incrementa æqualia quoque erunt, *v. g.* posito $AH = ab$, accelerationes in punctis H & b æquales erunt, sicut etiam in punctis K & k , modo sit $AK = ak$: & similiter in cæteris omnibus utriusque lineæ punctis quæ sibi mutuo respondent, incrementa velocitatum æqualia erunt; adeoque si mobilia ex correspondentibus punctis incipiant descendere, summæ incrementorum, seu velocitates in æqualibus spatiis describendis acquisite æquales erunt, ac proinde tempora quibus æqualia hæc spatia æqualibus velocitatibus descripta sunt, æqualia quoque erunt. Est igitur tempus descensus ab a ad c in recta ac , æquale tempori descensus ab A ad C super cycloide, & tempus descensus ab b ad c in recta bc , æquale tempori descensus ab H ad C super cycloide; & similiter tempus per KC æquale est tempori per kc , si initium casus fit ex punctis k , K , & sic de cæteris. Sed tempus casus ab a ad c æquale est tempori casus ab b ad c , vel a k ad c ; quare tempus descensus super cycloide ab A ad C , æquale erit tempori descensus ab H ad C , vel a K ad C . Tempora igitur descensus, quibus mobile à quocunque puncto in cycloide demissum ad punctum imum pervenit, sunt inter se æqualia. Q. E. D.

Porro tempus casus ab a ad c est ad tempus quo percurritur ac vel $2EC$, cum velocitate ultimo acquisita, ut semiperipheria circuli ad diametrum: at tempus quo percurritur $2EC$ cum eadem velocitate, æquale est tempori, quo mobile sua Gravitate cadens, descendit per EC axem cycloidis; unde erit tempus descensus per ac vel AC ad tempus quo grave descendit per cycloidis axem, ut semiperipheria circuli ad ejus diametrum.

Cor. Tempus quo Grave descendit in cycloide per arcum
AC

AC & ascendit per CD, hoc est tempus motus in cycloide ACD, est ad tempus casus perpendicularis per axem cycloidis, ut integra circuli peripheria ad ejus diametrum.

Hinc si Grave penduli vibrationes in cycloide perficiat, sive in magnos excurrat arcus sive in minimos, æqualibus semper temporibus singulæ oscillationes peragentur. *Hugenius* autem, in tractatu de *Horologio Oscillatorio*, parte tertia, modum ostendit, quo fiet ut Grave in cycloide, vel alia quacunque curva, oscilletur: invenienda scil. est curva, cujus evolutione curva data describitur; & duæ laminæ in eandem curvaturam inflectendæ sunt, intra quas, per fila determinatæ longitudinis, suspensum Grave non circulum sed aliam curvam describit. Sint duæ laminæ ACB, AED, TAB. 8.
in figuras similes & æquales incurvatæ, & ex puncto A sus- fig. 8.
pendatur penduli filum, quod dum pendulum oscillatur, circumplicatur laminis ACB, AED quas perpetuo tangit; per fili ad laminas applicationem continuo impeditur motus penduli in circulo, & Grave per curvam BPFD defertur: curva ACB vel AED dicitur *Evoluta*, & curva BPFD ex evolutione describi dicitur. Quod si curvæ ACB vel AEB sint duæ semicycloides, quarum axes vel diametri circulorum Generantium sint æquales FG vel AG, dimidiæ scil. longitudini penduli, curva BPFD per quam Grave defertur evadit Cyclois integra, cujus axis est FG dimidia penduli longitudo, ut ab *Hugenio* aliisque demonstratur.

Cum portio cycloidis prope verticem F, describitur motu fili cujus longitudo est AF, atque circulus centro A intervallo AF, eodem fili motu describitur; circulus ille per F transiens fere coincidit cum cycloidis portione prope verticem F, estque ipsi æquicurvus; eodem igitur tempore Grave defertur ad F, per arcum exiguum circuli ac per arcum cycloidis, cui circulus est æquicurvus.










Hinc rursus patet ratio, cur pendulo vibrationes exiguas TAB. 8.
in circulo perficiente, tempora oscillationum sunt æqualia: fig. 9.
nam si arcus CAD, GAF parvi sint, fere coincident cum portione cycloidis prope verticem F descriptæ circa axem AK, dimidiam scil. penduli longitudinem; adeoque eodem fere

tempore descendit Grave per arcus circuli CA vel GA, quo per arcus cycloidis ipsis propemodum coincidentes descenderet: sed æqualibus temporibus per arcus quoscunque cycloidis descendet Grave; quare etiam æqualibus temporibus cadet Grave per arcus exiguos circulares CA, GA; ac proinde oscillationes integræ per arcus CAD, GAF æqualibus temporibus peragentur.

Est itaque tempus quo pendulum oscillationem minimam in circulo perficit, æquale tempori quo perficitur oscillatio per arcum cycloidis cujus axis est dimidia penduli longitudo. At tempus, quo perficitur oscillatio in cycloide, est ad tempus casus perpendicularis per axem cycloidis, hoc est per dimidiam penduli longitudinem, ut peripheria circuli ad diametrum. Atque hinc sequitur tempus cujusvis oscillationis minimæ, esse ad tempus casus per penduli longitudinem, in constanti ratione, quæ est ea quam habet circuli peripheria ad ipsius diametrum ductam in radicem quadratam numeri binarii.

Si in diversis orbis Terræ regionibus, idem pendulum temporibus inæqualibus oscillationes suas perfecit, tempora descensuum per penduli longitudinem in diversis his regionibus inæqualia quoque erunt; & ubi lentius procedunt oscillationes, ibi quoque lentius descendet Grave in perpendiculo, & in dato tempore minus cadendo describet spatium. Experimento vero certum est, in Regionibus prope Æquatorem sitis, ejusdem penduli oscillationes diuturniores esse quam in aliis locis, quorum major est latitudo; adeoque Gravia in illis Regionibus minus in dato tempore conficiunt spatium cadendo; & minori vi accelerant motum suum quam in nostris Regionibus longius ab Æquatore distitis: adeoque experimentis probatur minorem esse Gravitatis actionem in iis locis, quorum minor est latitudo, quam in locis polo propioribus.

Hoc Gravitatis decrementum ex vi centrifuga oritur: cum enim ex Terræ circa axem suum rotatione, quodlibet corpus à centro circuli quem describit recedere conatur, quo majores sunt corporum circuitus, eo major ipsis inerit vis



centrifugâ, quæ itaque est semper ut sinus distantiae loci à polo, & sub æquatore maxima est, sub polo vero nulla; adeoque erit vis, Gravitatis in Æquatore minima, in polo vero maxima.

Priusquam hanc materiam missam facimus, lubet solutionem exhibere celeberrimi problematis à *Galileo* primum quaesiti, deinde à *Joh. Bernoullio* Geometris propositi, ineunte An. Dom. 1696. Et à Geometris celeberrimis, *Newtono*, *Leibnitio*, *Jac. Bernoullio*, *Hospitalio* aliisque soluti. *Problema* autem sic propositum fuit.

Datis in plano verticali duobus punctis A & B, assignare mobili viam, per quam Gravitate sua descendens, & moveri incipiens à puncto A, brevissimo tempore perveniat ad alterum punctum B. TAB. 9. fig. 1.

Lineam hanc esse Curvam Cycloidis per puncta AB transeuntem, cujus basis est in horizontali per A ducta, invenerunt prædicti Geometræ, ad quod demonstrandum sequens præmittimus.

LEMMA.

Si A dg B, sit linea celerrimi descensus, citius descendet Grave, ex quolibet ejus puncto d ad aliud quodvis ipsius punctum g, post casum ex A, per ipsam curvam deg, quam per aliam quamcunque viam.

Nam si dicatur citius descendere Grave per *d fg*, ergo via A *d fe* B, breviori tempore percurreretur, quam A *deg* B; ac proinde curva illa A *deg* B non erit curva celerrimi descensus, contra hypothefin.

Sit jam A *deg* B curva, cujus axis AC, ordinatim applicata aL; Fluxio seu incrementum momentaneum axis sit LO = *dh*: Fluxio vero curvæ sit *de*; sitque semper rectangulum sub data recta, quam vocemus *a*, & *dh* vel LO, applicatum ad *de*, velocitati qua percurritur *de*, hoc est, quæ acquiritur cadendo ex A in *d* proportionale: hæc curva erit linea celerrimi descensus. Capiantur *de*, *e* duæ curvæ portiones contiguæ & infinite parvæ; quæ proinde à

re-

rectulis minime differunt: dico minore tempore descendere Grave per deg curvam, post casum ex A, quam per aliam quamlibet viam dfg . Per f ducatur fq parallela eg . Et supponatur fq eadem celeritate percurri qua eg ; sitque fn in de . item me , gq in fq perpendiculares. Et ob æquiangula triangula fne , deb , item fme , gei ; est de ad db ut fe ad ne ; adeoque erit $ne = \frac{db \times fe}{de}$: item ob ge ad ei ut fe ad fm :

$$\text{erit } fm = \frac{ei \times fe}{ge}. \text{ Est vero } \frac{db \times fe}{de} : \frac{ei \times fe}{ge} :: \frac{db}{de} : \frac{ei}{ge} :: \frac{bd \times a}{de} : \frac{ei \times a}{ge},$$

hoc est, ne est ad fm ut velocitas qua percurritur ne , ad velocitatem qua percurritur fm : unde ne , fm æqualibus temporibus percurruntur; & quia mq æqualis est eg , erit tempus per mq æquale tempori per eg , adeoque tempus per fq æquale erit tempori per neg . Sed ob angulum ad q rectum, est fn major quam fq , adeoque tempus per fg majus erit tempore per fq , vel per neg ; & ob df majorem quam dn , erit tempus per df majus tempore per dn ; unde erit tempus per df , fg , majus tempore per dn , ng . Minore igitur tempore descendit Grave ex deg , post lapsum ex A, per curvam deg , quam per aliam quamlibet viam; ac proinde curva A deg B erit via celerrimi descensus.

TAB. 9.
fig. 3.

Sit ABM cyclois per B transiens, cujus basis sit horizontalis recta per A ducta; erit illa linea super qua descendens Grave, in minimo tempore perveniet ex A in B. Sit GNM dimidium circuli Generatoris, cujus diameter GM vocetur a , sitque de pars curvæ cycloidis infinite parva, quæ ab ejus tangente in d minime differt; adeoque parallela erit rectæ NM; unde triangula dhe , NQM, GMN, æquiangula erunt: quare est de ad db , ut GM seu a ad GN; ac proinde $db \times a = de \times GN$. AC $\frac{db \times a}{de} = GN$. Sed (per Cor. 1. Theor. 43.) est

GN ut velocitas, quæ acquiritur à Gravi cadendo ex altitudine GQ vel Ld, hoc est ut velocitas qua percurritur lineola

la de . Quare erit $\frac{db \propto a}{de}$ velocitati qua percurritur lineola de proportionalis. Est igitur curva Cycloidis $AdeB$ linea celerrimi descensus. Q. E. D.

Si velocitas ponatur esse ut altitudo unde decidit Grave, TAB 9.
fig. 4. linea celerrimi descensus erit portio peripheriæ circuli, cuius centrum est in horizontali per A ducta, nam ob æquiangula triangula dbe , dLC , est db ad de , ut dL ad dC ; ac proinde erit $db \propto dC = de \propto dL$ & $\frac{db \propto dC}{de} = dL$. Sed ex hypothesisi dL est velocitati proportionalis; quare si dC dicatur a , erit $\frac{db \propto a}{de}$ velocitati proportionale. In hac igitur hypothesisi peripheriæ portio $AdeB$ erit via celerrimi descensus.

Si velocitas, in puncto quolibet, sit ut altitudinis emensæ dignitas m , & dicatur $AL x$, $dL y$, erit $db = x$, $be = y$;

& $de = \sqrt{x^2 + y^2}$. Quare ex curvæ natura, erit $\frac{a^m \dot{x}}{\sqrt{x^2 + y^2}}$

$= y^m$, unde $\frac{a^{2m} x^2}{x^2 + y^2} = y^{2m}$, & $a^{2m} \dot{x}^2 = y^{2m} \dot{x}^2 + y^{2m} \dot{y}^2$,

& $a^{2m} \dot{x}^2 - y^{2m} \dot{x}^2 = y^{2m} \dot{y}^2$, & $\dot{x}^2 = \frac{y^{2m} \dot{y}^2}{a^{2m} - y^{2m}}$, & $x = \frac{y^m \dot{y}}{\sqrt{a^{2m} - y^{2m}}}$.

Quæ æquatio universaliter exprimit curvæ naturam, in qua descendit Grave, tempore brevissimo, si velocitas sit ut altitudinis emensæ dignitas quælibet m .

LECTIO XVI.

Motus Gravium in planis inclinatis, aut in superficiebus curvis, eorumque symptomata præcipua, quantum permetteret instituti nostri brevitatis, in præcedente lectione explicavimus. Restat jam, ut Projectorum Phænomena recenseamus: & primo invenienda est natura istius lineæ, quam mobile in spatiis liberis, & non resistantibus projectum, urgente vi Gravitatis describit. Et quidem si directe sursum vel deorsum projiciatur Grave, in recta linea

Z

mo-

movebitur; ejusque motum esse motum uniformiter retardatum vel acceleratum, prout sursum vel deorsum projicitur, ex dictis in prioribus lectionibus constat. At si secundum directionem horizontalem, vel aliam quamvis ad horizontem obliquam projiciatur, in linea quadam curva deferretur.

TAB. 9.
fig. 5.

Projiciatur enim mobile ex A, secundum directionem AV. Per legem naturæ primam, si nulla alia accedat vis, in eadem recta, eadem cum velocitate, semper progredieretur; adeoque æqualia spatia AB, BC temporibus æqualibus describeret. Distinguamus itaque tempus in æquales particulas; & post primam temporis particulam ubi mobile ad B pervenerit, vis aliqua, impulsu unico, in ipsum agere supponatur; motumque illi communicare, quo secundum directionem ad horizontem perpendicularem (priore sublato motu) per rectam BE deferretur, in eo tempore quo describeret rectam BC; & compleatur parallelogrammum CBED: constat ex Cor. 2. Theor. 30. mobile motu ex utroque composito, per diagonalem BD moveri, & in hac recta postea semper pergeret projectum, si nova nulla accederet vis ipsum ex propria semita detorqueus; & æquali tempore spatium DF ipsi BD æquale conficeret. Verum si in puncto D vis eadem, secunda vice, simili agat impulsu, quo mobile per spatium æquale FG deorsum in eo tempore deferatur: motus mobilis ex utroque motu compositus, erit per rectam DG, quam in eodem tempore describet mobile, quo absque novo impulsu progredieretur per spatium DF. Si vero post tertiam temporis particulam, eadem vis iterum agat, & mobile in G deorsum per spatium ipsi HI æquale impelleret; motus ex priore & hoc novo compositus erit secundum rectam GI, quam in quarta temporis particula describet mobile: in I vero eadem urgente vi, mobile è semita GL in directionem IK detorquebitur, atque hac lege projectum motu suo polygonum ABDGIK describet. Quod si diminuuntur in infinitum singulæ temporis particule, quibus vim agere posuimus, & augeatur ipsarum numerus, latera polygoni in infinitum minuentur, ipsorumque numerus in infinitum augebitur:

bitur: ac proinde in curvam vertetur Polygonum, hoc est, si vis deorsum propellens talis sit, ut constanter & indefinenter agat, qualis est vis Gravitatis, mobile urgente hac vi in Curva deferetur.

THEOR. XLVII.

Projectum, cujus linea directionis horizonti parallela est, motu suo describit lineam Parabolicam.

Sit Grave, vi quavis extrinseca, Balista, v. g. Pulvere TAB. 9.
Pyrio, aut simili qualibet vi, ex puncto A projectum, cujus fig. 6.
projectionis directio sit horizontalis AD. Dico Gravis semitam fore curvam semiparabolicam. Nam si aër motui projecti minime obstaret, neque adesset Gravitatis; projectum motu æquabili procederet, in eadem semper directione; essentque tempora quibus percurruntur spatii partes AB, AC, AD, AE, ut ipsa spatia AB, AC, AD, AE respective. Accedente jam Gravitatis vi, & eodem tenore agente ac si mobile vi extrinseca non impelleretur; continuo à recta AE deflectet, & spatia descensus seu deviationes ab horizontali AE, eadem erunt ac si perpendiculariter caderet. Quare si mobile, suâ gravitate perpendiculariter cadens, tempore AB percurrat spatium AK; tempore AC descendet per AL, & tempore AD per AM, eruntque spatia AK, AL, AM, ut quadrata temporum, hoc est ut quadrata rectarum AB, AC, AD, vel KF, LG, MH. At cum impetus secundum directionem horizonti parallelam idem semper maneat; (huic enim vis Gravitatis, quæ deorsum tantum corpora urget, minime contraria est) æqualiter promovebitur mobile secundum directionem horizonti parallelam, ac si Gravitatis abesset: quare cum tempore AB percurrat mobile spatium æquale AB; cogente vero vi gravitatis deflectet à recta AB per spatium æquale AK, positaque BF æquali & parallela AK, in fine temporis AB erit Grave in F. Sic cum tempore AC percurrat mobile spatium, secundum directionem horizontalem, æquale AC, & in eo tempore descendat per spatium æquale AL, si fiat CG æqualis & parallela AL, in fine istius temporis erit mobile in G. Similiter cum tempore AD, secundum

directionem horizontalem promoveatur Grave per spatium æquale AD, accedente Gravitate descendat interim per spatium æquale AM, positaque DH æquali AM, in fine temporis AD erit mobile in H. Semitaque projecti erit in Curva AFGH: sed quia quadrata rectarum KF, LG, MH sunt interceptis AK, AL, AM proportionalia, erit curva illa AFGH semiparabola. Est itaque semita corporis Gravis secundum directionem AE projecti curva semiparabolica. Q. E. D.

L E M M A.

TAB. 9. *Sit ADB curva talis, ut demissa, ex quovis ejus puncto C, ad*
fig. 7. *AB perpendiculari CG, rectangulum sub AG, GB æquale sit*
rectangulo sub CG, & data recta L, erit curva illa Para-
bola.

Bifecetur AB in E; & erigatur perpendicularis DE erit ex hypothesi, rectangulum sub DE & L: æquale rectangulo sub AE, EB, seu AE quadrato || (per 5. El. secundi) rectangulo sub AG & GB + GE quad. = CG \times L + GE quad. = EF \times L + CE quad. quare erit rectang. sub DF & L æquale CF quadrato, quæ est proprietas Parabolæ. Si punctum g cadat in AB productam; quod fit ubi curva descendit infra AB, eadem Parabola erit locus puncti c; nam (per 6. El. secundi) est E g quad. = (ec quad. =) rectang. sub Ag, gB + EB quad. = L \times cg + L \times DE. = L \times De: quæ est proprietas parabolæ.

Cor. Est recta illa L latus rectum seu parameter Parabolæ.

T H E O R. XLVIII.

TAB. 9. *Linea curva, quæ describitur à Gravi, secundum directionem*
fig. 8. *quamlibet sursum oblique projecto, parabolica est.*

Sit AF directio projectionis, utcunque ad horizontem AV inclinata. Seposita Gravitatis actione, mobile in eadem recta motum suum semper continuaret, per Legem naturæ primam, & spatia AB, AC, AD, temporibus proportionalia describeret. At accedente Gravitate, à via AF continuo deflectere cogitur, & in curva moveri, dico hanc curvam esse Parabolam. Ponamus Grave perpendiculariter cadens, tem-

tempore AB percurrere spatium AQ, tempore vero AC spatium AR, & tempore AD spatium AS; erunt spatia AQ, AR, AS ut quadrata temporum, vel ut quadrata rectarum AB, AC, AD. Quoniam vero mobile vi insitâ, exclusa gravitate, tempore AB percurreret spatium AB, Gravitate vero interim se exerente, descendit per spatium æquale AQ, liquet si in perpendicularo BG capiatur BM = AQ, locum Gravis in fine temporis AB, fore M. Similiter cum mobile, ex impetu primo impresso, tempore ut AC percurrere debet spatium AC, at ex vi Gravitatis per spatium = AR interim descendere cogitur; si capiatur in perpendicularo CN = AR, erit N locus mobilis in fine temporis AC. Sic etiam posito spatio DO, in perpendicularo, æquali AS, erit O locus mobilis in fine temporis AD, & deviationes BM, CN, DO à recta AF temporibus AB, AC, AD ortæ, æquales erunt spatiis AQ, AR, AS; adeoque erunt, ut quadrata rectarum AB, AC, AD. Per A ducatur horizontalis recta AP, semitæ projecti occurrens in P. Ex P erigatur perpendicularum PE, lineæ directionis occurrens in E; & ob æquiangula triangula ABG, ACH, ADI, AEP, quadrata rectarum AB, AC, AD, AE proportionalia erunt quadratis rectarum AG, AH, AI, AP; adeoque deviationes BM, CN, DO, EP quadratis rectarum AG, AH, AI, AP, proportionales erunt. Rectis EP, AP tertia proportionalis sit L recta; eritque (per 17. El. 6.) $L \propto EP = AP$ quad. Est vero AP quad.: AG quad.: EP:BM:: $L \propto EP$: $L \propto BM$, unde cum sit $L \propto EP = AP$ quad. erit $L \propto BM = AG$ quad. Similiter erit $L \propto CN = AH$ quad. & $L \propto DO = AI$ quad. Quoniam autem est BG:AG:: (EP:AP:: ex hyp.) AP:L, erit $L \propto BG = AG \propto AP = AG \propto AG + AG \propto GP = AG$ quad. + $AG \propto GP$. Ostensum autem est $L \propto BM = AG$ quad. quare erit $L \propto BG = L \propto BM = AG \propto GP$, hoc est $L \propto MG = AG \propto GP$: simili ratiocinio erit $L \propto NH = AH \propto HP$, & $L \propto OI = AI \propto IP$, sicut etiam $L \propto VK = AV \propto VP$. Quare per lemma præcedens, Curva AMNOPK in qua movetur projectum, erit Parabola. Q.E.D.

Cor. 1. Recta L est parabolæ latus rectum ad axem pertinens.

Cor. 2. Sit AH = HP & erit $L \propto CN = AH$ quad. = $L \propto NH$,

Z 3

Unde

Unde erit $NH = CN$; ac proinde recta AF linea directionis projecti Parabolam tanget (per Prop. 33. libri primi Conicorum *Apollonii*)

Cor. 3. Quoniam est $AP = 2AH$; erit $PE = 2CH = 4CN$ vel $4NH$.

Cor. 4. Si rectis PE , AE tertia proportionalis sit l , erit l latus rectum, seu parameter parabolæ ad diametrum AS pertinens. Nam quoniam PE , AE , l sunt continue proportionales, erit $l \propto PE = AE$ quadrato: est vero AE quad. ad AB quad. vel ad QM quad. $\therefore PE : BM$ vel $AQ :: l \propto PE : l \propto AQ$: quare cum sit AE quad. $= l \propto PE$ erit QM quad. $= l \propto AQ$. Quare erit l parameter ad diametrum AS pertinens.

Cor. 5. Est vero $l = PE + L = 4NH + L =$ quadruplæ altitudini parabolæ $+ L$. Nam est $l \propto PE = AE$ quad. $= AP$ quad. $+ PE$ quad. $= L \propto PE + PE$ quad. $= L + PE \propto PE$. Quare erit $l = L + PE = L + 4NH$.

Cor. 6. Si tempora AB , BC , CD fiant æqualia; erunt spatia horizontalia AG , GH , HI æqualia; hoc est si Grave motu suo describat parabolam, æqualibus temporibus secundum directionem horizonti parallelam æqualiter promovebitur; & in singulis parabolæ punctis idem manebit impetus horizontalis, qui fuit ab initio motus.

TAB. 9.
fig. 9.

Cor. 7. Si mobile ex A projectum, secundum directionem AE , describat parabolam ACP ; in puncto quolibet C , per legem naturæ primam, secundum tangentem CG egredi conabitur, cum omni ea velocitate quam in puncto C habet, & per solam Gravitationem in curva parabolica retinetur. Quod si aliud Grave ex C secundum directionem CG , ea velocitate projiciatur quam habuit Grave ex A projectum in eodem puncto C ; Grave illud alterum eandem parabolam CP describet. In puncto enim C eadem est utriusque Gravis directio, eadem velocitas, & eadem Gravitatis vis: quare utriusque eadem erit femita.

Cor. 8. Hinc si Grave, deorsum secundum directionem ad horizontem obliquam, projiciatur; femita projecti erit Curva parabolica.

THEOR.

THEOR. XLIX.

Impetus projecti in diversis Parabolæ punctis, sunt portiones tangentium inter duas rectas axi parallelas interceptæ.

Describat Grave parabolam ABL, quemtangant in punctis A & B rectæ AD, BE. Erunt impetus Gravis in punctis A & B, ut CD, EB portiones tangentium inter duas rectas axi parallelas interceptæ. Nam si à mobili in puncto A Gravitatis auferatur sua, egraderetur in tangentem AC, eodem impetu quem habet in puncto A. Sic etiam mobile in B, amissa Gravitate, per tangentem BE procederet, cum omni velocitate quam in puncto B habet. Verum in punctis A & B idem manet impetus horizontalis, uti liquet (per Cor. 6. præcedentis Theor.) adeoque mobile in A egrediens per tangentem AD, & in B per tangentem BE, æqualibus temporibus per æqualia spatia secundum lationem horizontalem promovebitur. Æqualibus igitur temporibus percurruntur CD in tangente AD, & BE in tangente BE; sed velocitates, seu impetus mobilis, sunt ut spatia æqualibus temporibus percurra: quare impetus mobilis in A est ad ejusdem impetum in B ut CD ad BE. Q. E. D.

TAB. 9.
fig. 10.

Cor. Si A sit vertex parabolæ, & producat tangens donec axi occurrat in G; erit impetus in A ad impetum in B ut ordinata BH ad tangentem BG; est enim $CD : BE :: CF : BF$ (ob Triangula CBF BHG similia) :: BH : BG.

Defin. Sit ACF parabola, in cujus axe ultra verticem producto capiatur GA = lateris recti. Linea GA dicitur *Sublimitas* Parabolæ. Et si infra verticem capiatur AD = AG, & ordinetur DC ad axem, erit $DC = 2 AD$ vel $2 AG$: nam ex natura parabolæ rectangulum sub latere recto = $4 AD \& AD$, hoc est $4 AD$ quad. = est DC quad. adeoque erit $2 AD = DC$.

TAB. 10.
fig. 1.

THEOR. L.

Si Grave ex Sublimitate Parabolæ decidat ad verticem usque, motusque cadendo acquisitus, reflexione aliqua aut alio quovis modo, in horizontalem mutetur, ita ut de novo, Grave incipiat motum deorsum; Grave projectum ipsam Parabolam describet.

Cadat

TAB. IO. *fig. 1.* Cadat Grave ex puncto G sublimitate parabolæ ACF, & in A, per reflexionem aut aliam quamvis causam, motus cadendo acquisitus in horizontalem per ABE mutetur; Vel quod idem est, projiciatur Grave secundum directionem AE, ea velocitate quæ acquiritur cadendo per GA: dico Grave illud parabolam ACF motu suo describere. Sit $AD = AG$, eritque $DC = 2 AG$. Ducatur CB ipsi AD parallela. Et ex alio quovis parabolæ puncto F ducantur FH ad AE, & FE ad HA parallelæ. Si abesset Gravitatis, mobile secundum directionem AE projectum, velocitate quæ acquiritur cadendo ex G in A, eodem tempore per duplum GA latum esset; adeoque in eo tempore describeret $AB = DC = 2 GA$. Sed mobile, ob vim Gravitatis, incipiens in puncto A de novo descendere, in eodem tempore cadet per spatium $BC = AG$. Quare motu suo transibit per punctum C in parabola. Porro supponatur mobile motu horizontali, (abstrahendo ab illo qui ex Gravitate oritur) quodam tempore pervenisse in E, ultra vel citra B; cumque motus secundum directionem horizonti parallelam æquabilis maneat, erunt AB AE, ut tempora quibus percurreuntur. Sed descensus sive deviationes mobilis à recta AE, sunt ut quadrata temporum, quibus fiunt: quare ob BC, EF quadratis rectarum AB, AE proportionales, cum C est locus Gravis in fine temporis AB, erit F ejusdem locus in fine temporis AE; atque sic semper Grave in parabola ACF reperietur.











Cor. Hinc Gravis, parabolam quamvis describentis, velocitas in vertice, est ea quæ acquiritur cadendo ex Sublimitate parabolæ.

L E M M A.

TAB. IO. *fig. 2.* Sit BA Parabola cujus axis AF, sublimitas AG, tangens quælibet BC, ordinatim applicata BF: erit BF. quad.: BC quad.: GA: GF.

Est enim (per 33. Libri primi Conicorum Apollonii $CF = 2 AF$; & ex natura parabolæ $4 GA \times AF = BF$ quad. quare erit BF quad.: BC quad.: $4 GA \times AF$: $4 GA \times AF + CF$ quad.: $4 GA \times AF$: $4 GA \times AF + 4 AF$ quad.: GA: GA + AF vel GF. Q. E. D.

THEOR.



THEOR. LI.

Grave directe sursum projectum, eodem impetu quo aliud Grave oblique projicitur, ascendet ad altitudinem æqualem altitudini & sublimitati simul sumptis, ejus parabolæ quam oblique projectum motu suo describet.

TAB. IO.

fig. 3.

Projiciatur ex B secundum directionem BC Grave, motu suo describens parabolam BAM, cujus axis AF, vertex A, sublimitas GA. Dico si idem vel aliud Grave, æquali impetu ex B projiciatur directe sursum, illud ascendere ad L, ut sit BL æqualis FG altitudini & sublimitati parabolæ simul sumptis. Per Cor. Theor. 49. Impetus Gravis in B est ad ejusdem impetum in A, ut BC ad BF; sed impetus acquisitus cadendo ex G in F, est ad impetum acquisitum cadendo ex G in A, in subduplicata ratione GF ad GA, hoc est (ob BC quad. : BF quad. :: GF : GA) ut BC ad BF. Quare erit impetus in B ad impetum in A, ut impetus acquisitus cadendo ex G in F ad impetum acquisitum cadendo ex G in A; sed impetus Gravis in vertice A est is qui acquiritur cadendo ex G in A; quare ejusdem impetus, seu velocitas, in B est ea quæ acquiritur cadendo ex G in F, si ve ex L in B, quæ altitudo æqualis est altitudini & sublimitati parabolæ simul sumptis; sed Grave sursum directe projectum eodem impetu ascendet ad L: quare si Grave directe sursum projiciatur, eo impetu quem habet illud Grave describens parabolam BAM in eodem puncto B; ascendet ad altitudinem æqualem altitudini & sublimitati parabolæ simul sumptis. Q. E. D.

Cor. 1. Si Grave cadat ex L in B, & manente impetu casu acquisito, reflectione aliqua aut simili quovis modo, mutetur directio motus in rectam BC vel BN, ita ut Grave de novo incipiat descendere; Grave motu suo parabolam SBAM describet.

Cor. 2. Impetus in quovis parabolæ puncto B, est is qui acquiritur cadendo per quartam partem lateris recti pertinentis ad diametrum quæ per punctum illud ducitur. Est enim $LB = \frac{1}{4} L + KB$. Quare erit $4 LB = L + 4 KB =$ lateri recto
A a quod

quod ad diametrum per B transeuntem pertinet, ut constat ex Cor. 5. Theor. 48.

Jactis fundamentis Doctrinæ de Gravium projectione, antequam ad solutionem sequentium problematum accedamus; convenit ut modum ostendamus, quo Tormenta bellica, secundum quemlibet elevationis Gradum, dirigantur. Directio autem *Bombardi* eadem censenda est, cum directione vacui seu animæ ejusdem; nam accenso pulvere pyrio, Globus emittitur secundum concavitatem *Bombardi* vel *Mortarii*: & nisi adesset Gravitas, in illa recta producta pergeret, adeoque recta illa Tormenti directio est.

Quare ut tormentum ad scopum dirigatur, non collimandum est secundum exterius metallum, cum Tormenta crassiora sunt versus caudam quam juxta orificium, quod maxima eorum resistantia fieri debet in ea parte, quæ patitur maxime à pulvere pyrio; unde ut facillime dirigatur tormentum, additur aliquid orificio, (quod *Dispart* vocatur) ut ejus crassities æquetur crassitie caudæ: collimatur deinceps per rectam animæ *Bombardi* parallelam, atque modo prædicto Tormenta recta ad scopum diriguntur cum muri dejiciendi sunt, aut aliud quidvis efficiendum, ubi magnus requiritur impetus, & scopus non distat ultra 200 passus, & tormentum satis magnum est: in talibus jactibus præter mox dicta, & experientiam de concedendo cuique Tormento debitam pulveris pyrii quantitatem & Globo congruam, nulum insuper artificium requiritur. Verum cum sæpissime arces aut hostes impetendi sunt, qui ob nimiam distantiam recta collimando attingi non possunt, vel ubi urbium tecta per *Bombas* cadentes perrumpenda & ædes accendendæ sunt; elevanda est machina Bellica, angulo ad horizontem inclinato: in quem finem opus erit regula ABCD cui adhæret parallelogrammum BEFD, in quo semicirculus in suos gradus divisus inscriptus; ex cujus centro dependet filum pondere instructum: extremum autem regulæ A in os machinæ inferendum est, & in situ ad ejus axem parallelo regula detinenda est, atque sic attollendum aut deprimendum est Tormentum, donec perpendiculum CQ attingat, in semicirculi

TAB. 10.
fig. 4.

lim.

limbo, punctum K, gradum scil. elevationis desideratæ, ab L versus B numerandum. Patet autem angulum LCK æqualem esse angulo CMN elevationis machinæ; quia angulus MCN est utriusque complementum ad rectum. Sæpe parallelogrammo BEFD solum utuntur absque regula, & latus BE ad os machinæ applicant, quo fit ut perpendiculum CQ ostendat gradum elevationis.

Defin. Per Impetum perpendiculo quovis AB designatum, intelligimus impetum requisitum ad projiciendum Grave propositum ex A ad altissimum punctum B perpendiculi AB, sive quod idem est, impetum acquisitum cadendo ex B in A; neque enim alia ratione impetus sub certa & universali regula cadere potest, quam illum hoc modo per spatia determinando.

TAB. 10.
fig. 5.

P R O B L. VIII.

Dato impetu BA, hoc est quantus est naturaliter cadentis ex B in A, dataque directione AI, seu angulo Elevationis DAI; oportet projectionis amplitudinem, altitudinem, totamque futuræ projectionis semitam reperire.

TAB. 10.
fig. 5.

Ducantur ex A & B horizontales lineæ AD, BL; Supra diametrum AB fiat semicirculus AFB, qui lineam directionis AI secet in F; per F ducatur horizonti parallela EF, & producat ad G, ita ut sit $GF = EF$: itemque per G agatur perpendiculum LGD; vertice G per A describatur parabola AGK; dico hanc esse semitam projecti, cujus directio est AI, & impetus AB; adeoque DG sive AE erit projectionis altitudo. Dupla AD sive quadrupla EF erit ejusdem amplitudo sive jactus integer horizontalis, & BE sive LG erit ejusdem parabolæ sublimitas. In triangulis AEF, IGF, ob angulos ad E & G rectos, & angulos AFE, GFI ad verticem æquales, item $EF = GF$, erit $IG = AF = DG$, ac proinde recta AI tanget parabolam. Et quoniam est $AD = EG = 2 EF$; erit $AD \text{ quad.} = 4 EF \text{ quad.} = 4 BE \times EA = 4 LG \times GD = \text{rectangulo sub latere recto \& GD}$; quare erit $4 LG = \text{lateri recto parabolæ}$, unde erit LG ejusdem parabolæ sublimitas: quare (per Cor. 1. Theor. 51.) si Grave decidat ex B in A, & impetu casu acquisito

secundum directionem AI projiciatur, parabolam AGK describet.

TAB. IO.
fig. 6.

Cor. Hinc manifestum est ex dato alicujus machinæ impetu AB, circa quem descriptus sit semicirculus ADB, dari altitudines & amplitudines omnium projectionum, quæ ab eadem machina fieri possunt. Exempli gratia, manente semper eodem impetu AB, projectio facta secundum directionem AE, habet altitudinem AF, & amplitudinem quadruplam ipsius EF; similiter jactus facti secundum directionem AD altitudo erit AG, & amplitudo quadrupla ipsius GD; & sic de cæteris. Unde si angulus elevationis DAK sit semirectus, erit quadrupla GD amplitudo omnium maxima quæ eodem impetu fieri possunt; & amplitudines projectionum æqualiter à projectione semirecta distantium, verbi gratia secundum rectas AE, AC, (positis angulis DAE, DAC æqualibus) nimirum quadrupla EF & quadrupla HC, erunt æquales. Erit præterea projectionis semirectæ amplitudo $4 GD = 4 GB$ = lateri recto parabolæ. Projectio vero perpendicularis sursum, hoc est impetus projectionis, æquabitur dimidiæ amplitudini projectionis semirectæ eodem impetu factæ. Denique ad æquales jactus in plano horizontali faciendos, minor requiritur impetus in projectione semirecta: si enim non sit minor impetu alterius projectionis, secundum aliam directionem factæ, erit amplitudo projectionis semirectæ major amplitudine alterius istius projectionis.

Cor. 2. Quoniam AK tangit circulum, erit (per 32. Elementi tertii) angulus ABE = EAK angulo elevationis; ac proinde est angulus AGE ipsius EAK duplus: quare posito GA dimidio impetus pro radio, erit EF quarta pars amplitudinis, sinus dupli anguli elevationis; & AF altitudo projectionis, erit arcus AE seu dupli anguli elevationis sinus versus; & FB parabolæ sublimitas erit sinus versus arcus BE, seu complementi dupli anguli elevationis ad duos rectos.

P R O B L. IX.

TAB. IO.
fig. 7. *Datis amplitudine AK & angulo directionis CAK, invenire projectionis impetum & altitudinem AI.*

Ca

Capiatur AD pars quarta amplitudinis; & erigantur perpendiculara DC, AB; fiatque angulus ACB rectus. Dico AB esse projectionis impetum, & DC esse ejusdem altitudinem. Nam quoniam angulus ACB rectus est, semicirculus diametro AB descriptus transibit per C; unde per Corol. I. Problematis præcedentis, projectio cujus directio AC & impetus AB, motu suo describet parabolam AMK, cujus altitudo est DC vel AI, & quarta pars amplitudinis est AD; quare vicissim projectum cujus directio est AC & quarta pars amplitudinis AD, impetum habebit AB, & altitudinem DC. Q. E. D.

Cor. I. Hinc ex dato cujusvis machinæ quovis jactu horizontali, è data elevatione factò; reperire licet altitudinem jactus perpendiculariter fursum facti, nimirum machinæ impetum, qui quidem, in majoribus Tormentis, excedit quamlibet perpendicularem altitudinem, ad quam ascendere hominibus conceditur. Dato vero impetu, dabitur amplitudo & altitudo jactus ex alia quavis elevatione facti; unde dignosci potest num dato Tormento scopus, cujus distantia cognita est, attingi poterit.

Cor. 2. Si AD, quarta pars amplitudinis, ponatur radius, erit altitudo DC tangens anguli elevationis. Ut scopus, in data distantia horizontali percutiatur, præstat eundem semper retinere angulum directionis, semirectum nempe, & impetum augere vel minuere, donec scopus attingatur. Nam machinâ ad hunc angulum elevatâ, minimus requiritur impetus ad scopum feriendum; adeoque in hisce jactibus faciendis maxime pulveri pyrio parcitur: Accedit quod circa hanc elevationem jactus sit omnium certissimus; cum error unius aut duorum graduum vix sensibilem in projectione producat errorem.

P R O B L. X.

Datis impetu & amplitudine, invenire directionem & altitudinem jactus.

Sit impetus AB; quarta pars amplitudinis datæ, sit AD. TAB. II.
fig. 1.
Supra diametrum AB, describatur semicirculus ACEB, & e-

rigatur normalis DCE, semicirculum secans in punctis C & E: Dico utramque directionem, five AC five AE, parabolam designare, cujus amplitudo erit AK, quadrupla AD. Nam projectiones factæ cum impetu AB, juxta directionem AC vel AE, amplitudinem habent AK quadruplam ipsius FC, vel GE, (per Probl. 8.) altitudo vero potest esse vel AF vel AG; ut patet. Quod si normalis DC, circulo in unico puncto occurrat, hoc est ipsum tangat, parabola unica erit descripta, projectione semirecta, & amplitudo proposita erit maxima quam dato impetu attingere licet. Si perpendicularis DC semicirculo non occurrat, problema erit impossibile.

Cor. Si habeatur machinæ cujusvis impetus, (inventus per Cor. 1. Probl. præcedentis, ex quovis jactu horizontali) licebit ope hujus Probl. talem machinæ tribuere directionem, ut scopus in data distantia horizontali positus feriatur, & ex duabus directionibus proposito aptis, à directione semirecta æqualiter remotis, magis idoneam eligere.

S C H O L I U M.

Præcedentium trium Problematum conversa, ex supradictis facillime & nullo negotio solvuntur; scil. ex data altitudine & amplitudine, impetum & directionem invenire. Item ex datis impetu & altitudine, directionem & amplitudinem invenire, & denique datis directione & altitudine, amplitudinem invenire: ita ut hisce diutius immorari inutile sit.

P R O B L. XL.

Propositum sit, rationem invenire inter durationem projectionis factæ perpendiculariter sursum, & alterius cujusvis cujus idem est impetus.

TAB. 10.
fig. 8.

Sit AF projecti impetus, five projectio sursum facta, & ABC projectio ex alia qualibet elevatione AG. Circa diametrum AF, describatur semicirculus, directionem AG secans in G: dico durationem projectionis directe sursum, five tempus ascensus per AF, & descensus per eandem, esse ad durationem projectionis in parabola ABC, sicut AF ad AG. Tem-
pus

pus lationis ex A in B, æquale est tempori lationis ex B in C: adeoque tempus per ABC duplum est temporis lationis ex B in C; sed tempus lationis ex B in C æquale est tempori descensus liberi in perpendiculo BD; quoniam motus progressivus nullo modo impedit descensum à gravitate oriundum: adeoque tempus projectionis per ABC duplum est temporis descensus per BD, vel per æqualem EA; sic etiam tempus ascensus & descensus per FA, sive tempus projectionis directe fursum, duplum est temporis descensus per FA: quare tempus projectionis fursum erit ad tempus projectionis in parabola ABC, ut tempus descensus per FA ad tempus descensus per EA, hoc est in subduplicata ratione FA ad EA, vel ob FA, AG, EA continue proportionales, ut FA ad AG. Q. E. D.

Cor. Durationes projectionum, pari impetu, secundum diversas directiones AG, AH factarum, sunt in ratione chordarum AG, AH. Quod si AF ponatur radius, erit AG sinus anguli AFG; qui æqualis est angulo elevationis machinæ; adeoque est tempus projectionis directe fursum ad tempus projectionis in parabola, ut radius ad sinum anguli directionis.

S C H O L I U M.









Omnia Problemata circa Graviorum projectiones, in plano horizontali factas; ope Tabularum Sinuum & Tangentium facillime resolvuntur.

Proponatur AK, amplitudo horizontalis alicujus Tormen-
ti majoris, ad datum angulum CAK elevati; quæritur alti-
tudo projectionis, & machinæ impetus. In triangulo ADC, TAB. 103
fig. 7.
fiat ut radius ad tangentem anguli elevationis, ita AD quarta pars amplitudinis datæ, ad altitudinem DC; item fiat ut sinus anguli elevationis ad radium, ita altitudo inventa DC ad AC, quæ proinde dabitur; & in rectangulo triangulo BCA, fiat ut sinus anguli ABC (qui æqualis est elevationis angulo,) ad radium, ita AC ad AB impetum, qui proinde innotescet. Dato vero impetu, dabitur tempus projectionis perpendicularis. Est vero tempus projectionis perpendicularis ad tempus projectionis secundum AC, ut AB ad AC; siye ut radius

ad

ad sinum anguli elevationis; ac proinde, per tabulas Sinuum, tempus projectionis secundum AC innotescet. Hinc etiam, ex dato tempore projectionis cujuscvis, secundum datam elevationem factæ, dabitur tempus alterius cujuscvis projectionis, eodem impetu factæ. Est enim ut sinus elevationis projectionis, cujus tempus est notum, ad sinum alterius elevationis, ita tempus notum projectionis unius ad tempus alterius, quod proinde notum erit. Ex data vero amplitudine unius projectionis, secundum datam directionem factæ, dabitur amplitudo projectionis secundum aliam quamvis directionem factæ. Nam posito dimidio impetus pro radio, quarta pars amplitudinis est sinus dupli anguli elevationis, ac proinde amplitudines sunt ut horum angulorum sinus. Quare si innotescat amplitudo secundum directionem AG, dabitur amplitudo secundum directionem AH; fiat enim ut sinus dupli anguli CAG ad sinum dupli anguli HAC, ita amplitudo projectionis secundum AG ad amplitudinem projectionis secundum directionem AH. Quod si ex datis impetu & amplitudine horizontali, quaeratur elevatio correspondens; illa ex eodem principio facile innotescet. Nam constat ex Cor. 1. Probl. 8. duplum impetus esse amplitudinem projectionis semirectæ. Sed sinus elevationum duplicatarum sunt ut amplitudines; quare fiat ut duplum impetus ad amplitudinem datam, ita sinus dupli anguli semirecti, hoc est sinus nonaginta graduum seu radius, ad alium; qui erit sinus duorum arcuum, quorum unus est alterius complementum ad semicirculum: atque hi duo arcus dimidiati dabunt duas elevationes, quibus data amplitudo attingi potest.

Non semper Tormenta bellica ita explodenda sunt, ut globus præcise in eodem horizontali plano incidat; sed sæpe scopus est altior Tormento, aut depressior: quare in sequenti Problemate methodus tradenda est, qua scopus supra vel infra horizontem, attingendus est.



P R O B L. XIII.

Data basi Parabolæ, unoque puncto per quod ipsa transit; directionem, semitam & impetum projectionis invenire.

Sit AC basis Parabolæ, & punctum B scopus feriendus: TAB. II. fig. 2.
ex B in AC demittatur perpendicularis BD; rectis BD, AD, DC quarta proportionalis capiatur L; erit L latus rectum parabolæ: bisecetur AC in E, & ex E erigatur perpendicularum EF; rectis L & AE tertia proportionalis sit EG; erit G vertex parabolæ: & si producatu EG, ita ut sit GF = GE, & ducatur AE, erit FAE angulus directionis machinæ. Estque impetus quo projiciendum est Grave, æqualis $EG + \frac{1}{2}L$. Quoniam est BD ad AD ut DC ad L, erit $L \propto BD = \text{rectangulo sub AD \& DC}$, adeoque (per Cor. 1. Theor. 48.) est L latus rectum parabolæ per B transeuntis, cujus basis est AC. Et quoniam L, AE, EG proportionales sunt, erit $L \propto EG = AE \text{ quad.}$ adeoque erit G vertex parabolæ. Vertice igitur G & latere recto L descripta parabola erit semita projectionis Gravis, quod punctum B feriet. Estque impetus projectionis æqualis $EG + \frac{1}{2}L$; angulus vero elevationis est FAE. Q. E. I.

Eodem modo procedendum est, si punctum *b* sit infra horizontem: si enim ex *b* in AC productam demittatur perpendicularis *bd*, & ipsis *bd*, *Ad*, *dC* quarta proportionalis capiatur L, erit L latus rectum parabolæ per *b* transeuntis.

Cor. Posito AE radio, erit EF, vel dupla EG, tangens anguli elevationis; adeoque si fiat ut AE data ad datam EF, ita radius ad tangentem anguli FAE, dabitur angulus elevationis.

P R O B L. XIII.

Dato impetu, invenire directionem secundum quam projectum Grave datum punctum quodvis attingat.

Sit impetus datus M, punctum per quod transire debet projectum sit B, cujus distantia AB a puncto A datur: TAB. II. fig. 3.
ex B in horizontalem AC demittatur perpendicularis BD, in qua producta capiatur $DG = 2M$ & centro G intervallo GB describatur circulus quem in B tanget recta BK = AB: ex K super BK erigatur perpendicularis KH circulo in duobus punctis H, H

B b

oc-

occurrens, ex quibus in diametrum LB demittantur perpendiculares HE, HE, ducanturque rectæ AE, AE, quæ erunt duæ directiones proposito satisfaciennes; hoc est, projectum secundum directionem AE emissum cum impetu M, per punctum B transibit. Est enim AD quad. + BD quad. = AB quad. = BK quad. = EH quad. = (ex natura circuli) LE \times EB = LB \times EB -- EB quad. = $4M -- 2DB \times EB -- EB$ quad. quare erit $4M \times EB = (AD \text{ quad.} + BD \text{ quad.} + 2DB \times EB + EB \text{ quad.} = AD \text{ quad.} + DE \text{ quad.} =) AE \text{ quad.}$ Sed parabola descripta à Gravi secundum directionem AE projecto, cum impetu M, ita secabit rectam DE, ut sit $4M \times EB = AE \text{ quad.}$ (uti patet ex Cor. 2. Theor. 51.) quare punctum B est in eadem parabola: & Grave, cum impetu M secundum directionem AE projectum, per B transibit. Q. E. D.

TAB. II.
fig. 4.

Cor. Si HK in uno solummodo puncto, circulo occurrat; hoc est, si circulum tangat; unica erit directio proposito inserviens. Quod si non omnino circulo occurrat, Problema erit impossibile, hoc est, punctum B dato impetu attingi non potest. Adeoque si KH circulum tangat, erit impetus ille omnium minimus, quo datum punctum attingi potest. Eritque in eo casu BK seu AB = BE vel BG = 2M -- DB, adeoque BE + BD seu DE = 2M, impetus igitur minimus, quo datum punctum attingi potest, æqualis erit dimidiæ DE = $\frac{AB + BD}{2}$: & posito DA radio, erit DE

tangens anguli EAD, hoc est anguli elevationis. Quare si fiat ut AD ad DE, sive ad AB + BD; ita radius ad quartam proportionalem; dabitur tangens anguli directionis, secundum quam si fiat projectio, impetu omnium minimo attingitur punctum B.

Sed angulus ille directionis facilius multo habetur, biseccando angulum NAB, perpendiculo AN & recta AB comprehensum. Recta enim AE, hunc angulum bisecans, erit projectionis directio. Nam quoniam impetus est minimus, erit AB æqualis EB; ac proinde angulus BAE æqualis erit angulo BEA = NAE (ob DE, AN parallelas;) adeoque directio pro-

projectionis impetu minimo factæ, angulum NAB bisecabit. Quare si Tormento figatur speculum, cujus planum perpendiculare sit ipsius Tormenti axi seu lineæ directionis; radius incidens BA in perpendiculum AN reflectetur, atque ope hujus speculi nullo negotio dirigetur Tormentum ut scopus impetu minimo attingatur. Elevanda enim aut depressenda est machina, quoad imago puncti B, facta per speculum planum, in perpendiculo NA videatur: nam ob angulum BAE incidentiæ æqualem angulo reflectionis NAE, erit angulus NAB bisectus, ac AE erit directio machinæ, cum punctum B impetu minimo attingendum est.



CLARISSIMI
HUGENII
THEOREMATA
DE
VICENTRIFUGA
ET
MOTU CIRCULARI
DEMONSTRATA.

S Equentium Theorematum demonstrationes, primus ego literato orbi impertivi; auctor enim absque demonstratione illa emiserat: Postea vero à Gallis quibusdam eadem Theoremata, sed mutato ordine, demonstrata sunt; & nunc ipsius Auctoris demonstrationes concinnae admodum, nostris vero prolixiores, inter ejus opera posthuma prostant. Cum vero scientiæ de Motu partem haud ignobilem constituunt hæc Theoremata, placuit ipsorum demonstrationes huic rursus operi annectere; ut videat Respublica literaria quantum Philosophia Mechanica per Geometriam promovenda sit.

Defn. 1. Vis centripeta est vis illa, quâ mobile aliquod de motu rectilineo continuo retrahitur, & versus centrum aliquod perpetuo urgetur. Nam cum juxta fati notam naturæ legem, Corpus omne semel motum, secundum eandem rectam semper uniformiter progredi nitatur, patet nullum mobile posse orbitam aliquam motu suo describere, nisi

TAB. II. vi quadam in orbitâ illâ detineatur. *Ex. gr.* Rotetur mobile uniformi cum motu in peripheria circuli ACE; quod ubi ad A pervenit, sublatâ vi illâ qua in orbita detinetur, progredieretur secundum Tangentem AB, & in infinitum excur-

cur-

curreret: quo itaque in peripheria detineatur, opus est ut vis aliqua continuo agat, quæque æquipolleat vi in A agenti corpus versus D per spatium æquale BC, interea dum mobile vi insitâ per spatium indefinite exiguum AB progredetur: nam hac ratione hisce viribus conjunctis describet mobile lineam AC (per *Theor.* 30.) Vis hæc, sive sit actio fili detinentis, sive cohærentia cum alio corpore gyrante, sive oriatur à Gravitate aut attractione quacunque, Vis Centripeta dici potest.

2. Vis Centrifuga est Reactio seu resistentia quam exercet mobile ne à viâ suâ deflectere cogatur, quaque motum suum in eadem directione continuare conatur; estque, uti Reactio actioni, vi centripetæ semper æqualis & contraria: ea ex vi inertiae materiæ oritur, & cum corpus in peripheria circuli gyrans, ope fili ne excurrat detinetur; per vim illam centrifugam tenditur filum, quod filum eodem relaxandi se conatu æqualiter urgebit corpus versus centrum, & centrum versus corpus.

Cum vis centripeta proportionalis est spatio quod corpus urgenti illâ vi in dato tempore describit, liquet tam vim centripetam quam centrifugam posse per lineolas nascentes BC vel *bc* repræsentari: nam dum corpus Tangentem AB indefinite exiguam describit, spatium quod urgente vi centripeta interea percurreret, erit æquale BC. Demonstravimus autem (*Lect.* 4ta.) in lineolis nascentibus seu infinite parvis AB, AC, esse BC, infinite minorem AB vel AC unde vis centripeta vel centrifuga erit infinite minor quam vis insita seu excursoria AB.

LEMMA.

In circulo subtensæ anguli contactus evanescentes sive infinite parvæ sunt in duplicatâ ratione arcuum conterminorum.

Sint arcus illi AC, Ac; subtensæ ad tangentem perpendiculares, BC, *bc*; ducatur diameter AD, & ad diametrum perpendiculares Cm, *cn*; & erit BC: *bc* :: Am: An :: Am x AD: An x AD. Est vero (per 8. E. 6.) AD: AC :: AC: Am, & AD: Ac :: Ac: An, quare erit AD x Am = AC q & AD x An

TAB. II.
fig. 6.

Bb 3

An

$An = Acq$: Quare est etiam $BC : bc :: ACq : Acq$. Q. E. D.

Cor. Hinc est $BC = \frac{ACq}{AD}$

Hoc Lemma in omnibus curvis primi generis universaliter demonstravit egregius Newtonus.

THEOR. I.

Si duo mobilia æqualia, æqualibus temporibus, circumferentias inæquales percurrant; erit vis centrifuga in majori circumferentia ad eam quæ in minore, sicut ipsæ inter se circumferentiæ vel earum Diametri.

TAB. II.
fig. 7.

Percurrat mobile A circumferentiam ACH, & eodem tempore mobile a circumferentiam ach, sintque AC, ac, arcus minimi simul descripti. Quia utraque peripheria æquali tempore percurritur, arcus illi erunt similes, & proinde figura ABC similis erit figuræ abc; quare $BC : bc :: AC : ac ::$ periph. ACH : periph. ach. Sed constat, ex superiore definitione, esse vim centrifugam mobilis A ad vim centrifugam mobilis a ut BC ad bc. Quare erit vis centrifuga mobilis A ad vim centrifugam mobilis a ut periph. ACH ad periph. ach, five ut illius diameter ad diametrum hujus. Q. E. D.








Cor. Hinc vice versa, si vires centrifugæ sint ut diametri, tempora periodica erunt æqualia.

THEOR. II.

Si duo mobilia æqualia æquali celeritate ferantur in circumferentiis inæqualibus, erunt eorum vires centrifugæ in ratione contraria diametrorum.

TAB. IZ.
fig. 1.

Sint AC, ac arcus minimi simul descripti, qui ob æqualem in utroque mobili velocitatem, æquales erunt. Fiat arcus Am similis arcui ac & ducatur lm ad BC parallela; & erit vis centrifuga in majori circumferentia ad eam quæ est in minore ut lineola nascens BC ad nascentem bc: sed est BC ad bc in ratione composita ex BC ad lm & lm ad bc; & ex præcedenti lemmate est BC ad lm ut ACq ad Amq, & est lm ad bc ut Am ad ac vel AC. Quare erit $BC : bc :: ACq : Amq + Am : ac :: ACq : Amq + Amq : Am \times ac :: ACq$
vel



vel $acq: Am \propto ac:: ac: Am$, hoc est, ut tota periph. acb ad totam periph. ACH , sive ut diameter ab ad diametrum AH . Q.E.D.

THEOR. III.

Si duo mobilia æqualia in circumferentiis æqualibus ferantur, sed utraque motu æquabili, (qualem in his omnibus intelligi volumus) erit vis centrifuga velocioris ad vim tardioris in ratione duplicata celeritatum.

Sunt enim vires centrifugæ ut subtenſæ evanescentes anguli contactus quæ (per hæcenus demonstrata) in eodem vel æqualibus circulis sunt in duplicata ratione arcuum conterminorum: sed arcus contermini, cum sint spatia simul descripta, sunt ut velocitates; quare vires centrifugæ sunt in duplicata ratione velocitatum. Q.E.D.

THEOR. IV

Si mobilia duo æqualia in circumferentiis inæqualibus circumlata, vim centrifugam æqualem habuerint; erit tempus circuitus in majori circumferentia, ad tempus circuitus in minori, in subduplicata ratione diametrorum.

Sint AC ac , arcus minimi simul descripti; Quia ^{TAB. 12.} vires centrifugæ æquales sunt, erit $BC = bc$. ^{fig. 1.} Dicatur tempus quo describitur periph. ACH , T , & tempus quo describitur periph. acb , t : fiat arcus Am similis arcui ac , & ponamus mobile aliquod eodem tempore percurrere circumferentiam $ACHA$ quo percurritur circumferentia $acba$; & in eo casu arcus in utraque peripheria simul descripti erunt Am , ac : sed est velocitas mobilis in dato aliquo tempore percurrentis arcum Am , ad velocitatem mobilis eodem tempore percurrentis arcum AC , ut arcus Am ad arcum AC ; adeoque cum tempus quo eadem peripheria percurritur est semper reciproce ut velocitas, erit $T:t:: Am: AC$ & $T^2:t^2:: Amq: ACq:: ml: BC:: ml: bc$: hoc est, ob arcum Am similem arcui ac , ut diameter AH ad diametrum ab , unde constat esse $T:t:: \sqrt{AH}: \sqrt{ab}$: Q.E.D.

Schol. Cum in omni casu, vis centrifuga est ad vim centrifugam

gam ut BC ad bc , est vero $BC = \frac{ACq}{AH}$ & $bc = \frac{acq}{ab}$, erit vis centrifuga ad vim centrifugam ut $\frac{ACq}{AH}$ ad $\frac{acq}{ab}$; hoc est, ut quadrata arcuum simul descriptorum ad circulorum diametros applicata; & cum arcus illi sunt ut velocitates, erunt vires centrifugæ etiam ut velocitatum quadrata ad circulorum diametros applicata.

L E M M A. 2.

Si mobile in circumferentia circuli revolvatur, spatium quod mobile recta progrediens, & urgente solummodo vi centrifuga ex motu illo circulari orta, in dato tempore percurreret, erit tertium proportionale circuli diametro & arcui, quem si in circumferentia circuli latum esset eodem tempore describeret.

TAB. 12.
fig. 1.

Sit AC arcus quilibet in minima aliqua temporis particula descriptus, & designet n tempus quodlibet seu numerum quemlibet istiusmodi particularum; erit $n \times AC$ arcus quem mobile in peripheria latum in dato tempore n describet, & BC spatium quod in prima temporis istius particulâ, urgente vi centrifuga, percurreret. Cum autem mobile omne, vi eadem in eandem semper plagam continuatâ, describat spatia in duplicata ratione temporum (per Cor. 3. Theor. 17. Lect. 11. Quippe quæcunque de gravitate demonstrata sunt, ea cuilibet alii vi uniformiter agenti applicari possunt) erit spatium urgente vi centrifuga in tempore n descriptum $= n^2 \times BC$. Sed (ut constat ex lemmate primo) est $AH : AC :: AC : BC$, & ut AC ad BC ita $n \times AC$ ad $n \times BC$; quare est AH ad AC ut $n \times AC$ ad $n \times BC$, & ducendo consequentes in n , erit AH ad $n \times AC$ ut $n \times AC$ ad $n^2 \times BC$: hoc est, diameter circuli, arcus in dato tempore descriptus, & spatium quod urgente vi centrifuga in eodem tempore percurreretur; sunt continue proportionalia. Q. E. D.

Cor. Si diameter circuli dicatur D , & arcus in quolibet tempore à mobili descriptus vocetur A , spatium quod mobile, urgente vi centrifuga & recta progrediens, eodem tempore

pore describeret erit $\frac{A^2}{D}$; sunt enim $D, A, \frac{A^2}{D}$ continue proportionales.

T H E O R. V.

Si mobile in circumferentia circuli feratur, ea celeritate quam acquirit cadendo ex altitudine quæ sit quartæ parti diametri æqualis, habebit vim centrifugam suæ gravitati æqualem; hoc est, eadem vi funem quo in centro detinetur intendit, atque cum in eo suspensum est.

Vocetur diameter circuli D , & peripheria P : & cum ex hypothesi velocitas mobilis in peripheria lati uniformis sit, & æqualis illi quam acquirit cadendo per $\frac{1}{4} D$, liquet quod mobile æquali tempore in peripheria latum describeret arcum illius duplo æqualem, (per Theorema 17. Lect. 11.) hoc est $= \frac{1}{2} D$; unde ex lem. 2. spatium ab impellente vi centrifuga interea percursum erit $= \frac{1}{4} D$; est enim D ad $\frac{1}{4} D$ ut $\frac{1}{4} D$ ad $\frac{1}{4} D$: Sed ex hypothesi spatium quod mobile urgente vi gravitatis eodem tempore describit est etiam $\frac{1}{4} D$. Quare cum spatia à duabus hisce viribus eodem tempore percurfa sunt æqualia, erunt quoque vires illæ æquales.

Cor. 1. Hinc vice versa, si mobile in circumferentia latum habeat vim centrifugam suæ gravitati æqualem, ejus velocitas est ea quæ acquiritur cadendo per $\frac{1}{4} D$.

Cor. 2. Hinc tempus circuitus est ad tempus descensus per $\frac{1}{4} D$ ut P ad $\frac{1}{4} D$ sive ut $2 P$ ad D . Nam quo tempore mobile cum velocitate accelerata percurrit $\frac{1}{4} D$, cum velocitate ultimò acquisita uniformiter motum percurrent $\frac{1}{2} D$: ac proinde cum velocitates sunt æquales, erunt tempora ut spatia percurfa; hoc est tempus quo mobile percurrit peripheriam est ad tempus quo describit $\frac{1}{4} D$ ut P ad $\frac{1}{4} D$, sive ut $2 P$ ad D ; sed tempus quo describitur $\frac{1}{4} D$ est = tempori casus per $\frac{1}{4} D$: unde erit tempus circuitus ad tempus casus perpendicularis per $\frac{1}{4} D$ ut $2 P$ ad D .

T H E O R. VI.

In cava superficie conoidis parabolici, quod axem ad perpendicularum

Cc

lum

lum erectum habeat, circuitus omnes mobilis circumferentias horizonti parallelas percurrentis, sive parvæ sive magnæ fuerint, æqualibus temporibus peraguntur: quæ tempora singula æquantur binis oscillationibus penduli, cujus longitudo sit dimidium lateris recti parabolæ genetricis.

TAB. 12.
fig. 2.

Sit HGADE conoides parabolicum, cujus axis AP ad perpendicularum erigitur; GD, HE, diametri circulorum quorum peripherias horizonti parallelas mobile percurrit: quod igitur urgebitur à tribus potentiis sibi mutuo æquipollentibus secundum tres diversas directiones, quarum prima est vis gravitatis impellens mobile secundum rectam HN ad horizontis planum perpendicularem; secunda est vis centrifuga orta ex motu circulari, urgens mobile ab H versus K; tertiæ vero potentiæ supplet vicem resistentia seu contrarius nifus superficiei parabolicæ secundum lineam HP sibi perpendicularem agens, nam reactio actioni semper æqualis est, & fit in plagam contrariam: unde cum superficies perpendiculariter à mobili premitur, hæc æqualiter reaget in corpus secundum directionem HP, & contrarius ille nifus æquipollet potentiæ secundum directionem HP mobile urgenti: quare cum mobile à tribus hisce potentiis sustinetur, erunt necessario sibi mutuo in æquilibrio, *i. e.* binæ quævis alterius effectum destruent. Unde ducta ON ad HK parallela cum HN occurrente in N, si OH repræsentet reactionem superficiei parabolicæ, recta ON exponet vim centrifugam & HN vim gravitatis mobilis: sed ob æquiangula triangula HON, HMP, est ON ad HN ut HM ad MP, hoc est, erit vis centrifuga mobilis peripheriam circuli HME describentis ad vim gravitatis ejusdem ut HM radius circuli ad MP subperpendicularem. Similiter in quavis alia peripheria GLD in superficie Conoidis, vis centrifuga mobilis ipsam describentis est ad vim gravitatis ut GB radius ad BQ subperpendicularem. Porro quoniam est vis centrifuga mobilis, peripheriam HME percurrentis, ad vim gravitatis ut HMadMP, & vis gravitatis ejusdem mobilis est ad ejus vim centrifugam cum peripheriam GLD percurrit, ut BQ ad BG, sive (ex natura parabolæ) ut MP ad BG, erit ex æquo vis centrifuga mobilis peripheriam HME percurrentis ad vim ejus centrifugam

gam cum percurrit peripheriam GLD, ut HM ad BG; hoc est, vires centrifugæ sunt ut semidiametri vel diametri circulo-
rum: unde (per Cor. Theor. primi) tempora periodica æ-
quantur. Quod primo erat demonstrandum.

Accipiat jam circulus GLD talis ut ejus diameter GD sit æqualis lateri recto parabolæ HAE, unde ex natura parabolæ erit $GB = BQ$; adeoque vis centrifuga mobilis in peripheria GLD æqualis erit vi gravitatis; est igitur (per Cor. præc.) velocitas mobilis in peripheria GLD ea quæ acquiritur cadendo per spatium æquale $\frac{1}{2}$ GD, vel (ex natura parabolæ) per BA. Fiat jam OST cyclois cujus axis vel diameter circuli generatoris SR sit æqualis AB, & erit tempus descensus per cycloidem OS ad tempus casus perpendicularis per axem RS vel per BA, ut $\frac{1}{2}$ P ad D (per Theor. 46. Lect. 15.) Sed (per Cor. præc.) est tempus descensus per AB ad tempus circuitus in periph. GLD ut D ad 2 P; quare ex æquo tempus descensus per cycloidem OS est ad tempus circuitus in periph. GLD ut $\frac{1}{2}$ P ad 2 P, sive ut 1 ad 4; unde tempus quatuor descensuum per cycloidem, sive tempus binarum oscillationum in cycloide, æquatur tempori circuitus in peripheria GLD. Est vero tempus binarum oscillationum in cycloide æquale tempori binarum oscillationum minimarum in circulo, qui cum cycloide æquicurvus est ad verticem S; eo quod portio istiusmodi circuli & portio cycloidis ad verticem S fere coincidunt, & proinde eundem in rebus physicis præstant effectum, ut jam satis notum est. Sed radius circuli æquicurvi cum cycloide ad verticem S, vel quod idem est, radius circuli osculantis cycloidem ad verticem, æqualis est duplæ RS vel duplæ AB, (ut facile ex Corol. Theor. 46. Lect. 15. sequitur) adeoque longitudo penduli in circulo illo oscillantis æqualis est duplæ AB sive dimidio lateris recti parabolæ genetricis. Unde tempus binarum oscillationum minimarum penduli, cujus longitudo est dimidium lateris recti, æquale est tempori binarum oscillationum in cycloide OST, vel tempori circuitus in peripheria GLD vel in periph. HME. Q. E. D.

Cor. Hinc si mobile in circumferentia circuli ea celeritate feratur quæ acquiritur cadendo per $\frac{1}{2}$ diametri, tempus circuitus

æquale erit tempori binarum oscillationum minimarum penduli cujus longitudo sit semidiameter circuli.

THEOR. VII.

Si mobilia duo ex filis inæqualibus suspensa gyrentur ita, ut circumferentias horizonti parallelas percurrant, capite altero fili immoto manente, fuerint autem conorum, quorum superficies fila hoc motu describunt, altitudines æquales, tempora quoque circulationum æqualia erunt.

TAB. 12.
fig. 3

Sit ABE conus ille, cujus superficiem describit filum AB; item ADL conus cujus superficiem describit filum AD; sitque C centrum basis utriusque coni, & AC communis eorum altitudo. Consideretur jam mobile B tanquam à tribus potentiis sibi mutuo æquipollentibus tractum, quarum una, quæ est vis gravitatis, trahit mobile per rectam BG ad horizontis planum perpendicularem; altera secundum directionem Bm agens, est vis centrifuga qua mobile à centro suæ orbitæ C recedere conatur; tertia vero quæ hisce duabus æquipollet & resistit, est nifus contrarius fili secundum directionem AB agens: est enim tensio fili loco potentiae contrariæ ac eundem in hoc casu præstat effectum. Si ergo BF repræsentet actionem fili, vis mobilis centrifuga & vis gravitatis exponentur per rectas FG & BG (per Theor. 33. Lect. 14.) hoc est, vis centrifuga mobilis B erit ad vim gravitatis ut FG ad BG, sive (propter triangula æquiangula FBG, ABC,) ut BC ad CA. Eodem modo erit vis gravitatis ad vim centrifugam mobilis D ut AC ad DC: quare ex æquo erit vis centrifuga mobilis B ad vim centrifugam mobilis D ut BC ad DC; hoc est, vires centrifugæ sunt ut semidiametri circulorum quorum circumferentias mobilia describunt, ac proinde (per Cor. Theor. 1.) tempora circulationum sunt æqualia. Q. E. D.

Cor. Hinc vis centrifuga est ad vim gravitatis ut semidiameter basis coni ad coni altitudinem.

Not. Per vim gravitatis & vim centrifugam nos in hac demonstratione intelligere vires acceleratrices mobilium, nisi mobilia ponantur æqualia, in quo casu possunt etiam sumi vires absolutæ.

THE-

THEOR. VIII.

Si duo mobilia, uti prius, motu conico gyrentur, filis æqualibus vel inæqualibus suspensa; fuerintque conorum altitudines inæquales, erunt tempora circulationum in subduplicata ratione ipsarum altitudinum.

Sint duo mobilia B & G, sintque primo coni ABD, EGH, TAB. 12.
fig. 4. quorum superficies fila describant, similes; (per Corol. Theorem. 7.) erit vis centrifuga mobilis B ad vim gravitatis ut BC ad AC; & erit vis centrifuga mobilis G ad eandem vim gravitatis ut GF ad FE: sed propter æquiangula triangula ABC, GEF, BC est ad AC ut GF ad FE, quare erit vis centrifuga mobilis B ad vim gravitatis ut vis centrifuga mobilis G ad eandem vim gravitatis, ac proinde vires illæ centrifugæ æquales erunt: erunt igitur (per Theorem. 4.) tempora circuitus mobilium in subduplicata ratione semidiametrorum, hoc est, propter æquiangula triangula ABC, EGF, in subduplicata ratione altitudinum AC & EF. Sed qualescunque sunt coni quos fila describant, modo eorum altitudines invariatae maneant, tempora circulationum etiam invariata manebunt; quare in omni casu constat veritas hujus Theorematis. Q. E. D.

THEOR. IX.

Si pendulum motu conico latum circuitus minimos faciat; eorum singulorum tempora ad tempus casus perpendicularis ex dupla penduli altitudine, eam rationem habent quam circumferentia circuli ad diametrum: ac proinde æqualia sunt tempori duarum oscillationum lateralium ejusdem penduli minimarum.

Sit ADB conus cujus superficiem describit filum; ejus altitudo sit Ac fere = AB, quia circuitus sunt minimi. Semidiametro GH = Ac describatur circulus GLFO, atque in ejus peripheria ponatur mobile revolvitur celeritate quæ acquiritur cadendo per $\frac{1}{2}$ suæ diametri sive $\frac{1}{2}$ D. (Per Theor. 5.) erit ejus vis centrifuga vi gravitatis æqualis; sed est vis centrifuga mobilis B ad vim gravitatis, ac proinde ad vim centrifugam mobilis in periph. GLF lati, ut Bc ad Ac sive GH: quare mobilia B & G, cum vires centrifugæ sunt ut radii, tempora cir-

TAB. 12.
fig. 5.

culacionum æqualia habebunt (per Cor. Theor. 1.) Est vero tempus descensus per GF sive D ad tempus descensus per $\frac{1}{2}D$, ut D ad $\frac{1}{2}D$ (per Cor. 3. Theor. 17. Lect. 11.) & est tempus descensus per $\frac{1}{4}D$ ad tempus circuitus in periph. GLG ut $\frac{1}{2}D$ ad P: quare ex æquo erit tempus descensus per D ad tempus circuitus in periph. GLF, sive ad tempus circuitus penduli ABcD, ut D ad P. Pars posterior Theorematis liquet ex Corollario Theor. 6.

Cor. Hinc cum tempus casus perpendicularis est in subduplicata ratione spatii à gravi cadente percurri, erit tempus descensus ex altitudine penduli ad tempus circulationis minimæ ut $\sqrt{\frac{1}{2}} \propto D$ ad P.

THEOR. X.

Si mobile in circumferentia feratur, circuitusque singulos absolvat eo tempore, quo pendulum longitudinem semidiametri circumferentiæ ejus habens, motu conico circuitum minimum absolveret, vel duplicem oscillationem minimam lateralem; habebit vim centrifugam suæ gravitati æqualem.

TAB. 12.
fig. 5.

Quia mobilia B, G (ex hyp.) æquali tempore circuitus suos absolvunt, erit vis centrifuga mobilis B ad vim centrifugam mobilis G ut Bc ad GH sive Bc ad Ac; est vero ut Bc ad Ac ita vis centrifuga mobilis B ad vim gravitatis (per Cor. Theor. 7.) Quare (per 9. 5. Euclidis) erit vis centrifuga mobilis G æqualis vi gravitatis. Q.E.D.

THEOR. XI.

Penduli cujuslibet motu conico lati, tempora circuitus æqualia erunt tempori casus perpendicularis, ex altitudine penduli filo æquali; cum angulus inclinationis fili ad planum horizontis fuerit partium 2. scrup. 54. proxime: Exactè vero, si anguli dicti sinus fuerit ad radium ut quadratum circulo inscriptum ad quadratum à circumferentia.

TAB. 12.
fig. 6.

Sit pendulum, cujus filum describat superficiem conicam CAD talem, ut sit sinus anguli ACE ad radium (hoc est AE ad AC) ut $\frac{1}{2}D^2$ ad P^2 . Sit etiam AFG superficies conici quem penduli filum motu minimo lati describit, cujus proinde altitudo

tudo $AB=AF=AC$. Erit (per Theor. 8.) tempus circuitus mobilis F ad tempus circuitus mobilis C in subduplicata ratione AB five AC ad AE ; est vero ut AC ad AE ita (ex hypoth. P^2 ad $\frac{1}{2} D^2$; quare erit tempus circuitus mobilis F ad tempus circuitus mobilis C in subduplicata ratione P^2 ad $\frac{1}{2} D^2$, hoc est, in ratione P ad $\sqrt{\frac{1}{2}} \propto D$. Est vero ut P ad $\sqrt{\frac{1}{2}} \propto D$ ita (per Cor. Theor. 9.) tempus circulationis minimæ, hoc est, tempus circulationis mobilis F , ad tempus casus perpendicularis ex penduli altitudine; quare tempus circuitus mobilis F eandem habet proportionem ad tempus circuitus mobilis C , quam habet ad tempus casus perpendicularis ex altitudine æquali longitudini penduli; ac proinde (per 9. Elem. 4.) tempus circuitus mobilis C æquale erit tempori casus perpendicularis ex altitudine æquali longitudini penduli. Q. E. D.

Cum autem est P ad D circiter ut 314 ad 100, erit p^2 ad $\frac{1}{2} D^2$ ut 98596 ad 5000. Est autem AC ad AE ex prius demonstratis ut p^2 ad $\frac{1}{2} D^2$; quare est 98596 ad 5000 ut AC ad AE : & ut AC ad AE ita (per Trigonometriam) est sinus anguli ACE seu radius 100000 ad sinum anguli ACE . Est autem ut 98596 ad 5000 ita 100000 ad 5070, qui igitur est sinus anguli ACE , cui quamproxime respondent gradus 2 scrupula 54.

THEOR. XII.

Si pendula duo pondere æqualia, sed inæquali filorum longitudine, motu conico gyrentur, fuerintque conorum altitudines æquales, erunt vires quibus fila sua intendunt, in eadem ratione quæ est filorum longitudinis.

Constat ex Theor. 7. Nam vis gravitatis est in utroque cono ad tensionem fili ut altitudo cono ad longitudinem fili; cumque eadem est conorum altitudo, patet tensiones filorum esse eorum longitudinibus proportionales. Q. E. D.

THEOR. XIII.








Si pendulum simplex oscillatione laterali maxima agitetur, hoc est, si per totam circuli quadrantem descendat, ubi ad punctum imum circumferentiæ pervenerit, tripla majori vi filum suum trahet, quam si ex illo simpliciter suspensum foret.

Sit

TAB 12.
fig. 7.

Sit pendulum AB per quadrantem FB motum: bisegetur AB, in C, per quod ducatur CE ad AB perpendicularis, circumferentiæ occurrens in E. Si pendulum solummodo per arcum EB descenderet, acquireret in puncto B eandem velocitatem, ac si per CB $\frac{1}{2}$ diametri descendisset (per corollarium primum Theor. 38. Lectionis XV.) adeoque (per Theor. 5.) habebit in puncto B vim centrifugam suæ gravitati æqualem: & proinde gravitas & vis centrifuga simul junctæ dupla majori vi filum trahent, quam si sola adesset gravitas. Si vero pendulum elevetur ad F, post descensum ad B, eandem acquireret velocitatem, ac si per AB cecidisset. Est vero AB ad BC in duplicata ratione velocitatis acquisitæ in descensu per AB ad velocitatem acquisitam in descensu per BC; quare etiam erit AB ad BC (per Theor. 3.) ut vis centrifuga mobilis in puncto B post descensum per FB, ad vim centrifugam in puncto B post descensum tantum per EB; adeoque vis centrifuga mobilis post descensum per FB dupla erit vis centrifugæ post casum per EB; hoc est, vis centrifuga in puncto B post casum per FB dupla erit vis gravitatis: quare filum à vi centrifuga & vi gravitatis, simul & secundum eandem directionem agentibus, tripla majori vi trahitur, quam si à sola gravitate tenderetur. Q. E. D.





INTRODUCTIO
A D
VERAM
ASTRONOMIAM,
S E U

LECTIONES ASTRONOMICÆ

Habitæ in Schola Astronomica Academiae

OXONIENSIS,

Authore

JOANNE KEILL, M. D.

Astronomiæ Professore Saviliano. R. S. S.

INTRODUCTORY

WATERBURY VERMONT


МАМОНОВА

THE UNIVERSITY OF CHICAGO

JOHN F. KELL, M.D.

NOBILISSIMO ET HONORATISSIMO

D^{NO}. D^{NO}. JACOBO
D U C I
D E
C H A N D O S,
M A R C H I O N I E T C O M I T I
D E
C A R N A R V O N.

UM inter Mathematicæ Scientiæ studia pri-
mas merito sibi vindicavit, & obtinuit Astro-
nomia ; Felicitati illius tribuam, an virtuti
Hominum; quod in omni ætate & populo,
primarios Principesque viros, præ cæteris
longe disciplinis, sortita fuerit fautores?
Digneris itaque, Vir Nobilissime, in hujusce libri Patro-
cinium vocari, quem si parum tibi commendat, aut ope-
ris, aut Auctoris meritum, id abunde compensabit Ar-
gumenti Dignitas. Cujus enim Tutelæ potius se com-
mittat Astrorum descriptio, quam illius viri, qui, si sa-
pientiam spectemus, inter eos primus est qui *Astris domi-*
nantur? Ad quem potius confugient Nostra hæc de Cœli
siderumque motibus Tentamina, quam ad virum Cœlestis
istius Regis observantissimum, qui *numerum solus novit &*
Stellarum nomina?

DEDICATIO.

Tu nimirum inter paucissimos unus es, cui Sacrorum Administratio ita imprimis est curæ, ut proprii tui ipsius Domicilii non ante jaceres fundamenta, quam Templum pulchre instauratum Deo consecraveris. Neque interim de cultu minus quam de Templo adornando sollicitus, Pietatis officium excitasti Musicæ adminiculo, & Harmonicum induxisti chorum, Sphærarum, pene dixerim, concentibus æmulum.

Te omnes, Vir Insignissime, cum admiratione intuentur, & dum virtutes imitari contendunt, assequi desperant. In Publicis negotiis obeundis quis acutior? In rebus Domesticæ vitæ disponendis quis expertior? In Rationibus computandis & exigendis providus & frugalis. In pecuniis erogandis liberalis, in largiendis Magnificus.

Ita de literis, simul & literatis præclare, meritus es, ut dum optimarum Artium studio Animum penitissime excolis, earundem Artium studiosis, materiam pariter & incitamentum subministres. Ita illius præcipue Scientiæ, cujus Elementa Tibi offero, utilitati prospicis & incremento, ut in pulcherrimo, quod jam extruis, Ædificio, splendide curaveris, ne vel *Astronomicis Speculatoribus* locus peridoneus, vel aptissima observatoribus desiderentur instrumenta.

Stupendum itaque illud, & per universum orbem mirabile Telescopium, quod Societati apud Anglos Regiæ donavit illustrissimus *Hugenius*, unanimi omnium consensu, in vestras Ædes transferendum, ibique asservandum decernitur. Neque enim Clarissimi illi viri dignius excogitare

DEDICATIO.

poterant Hugeniāna Machina Domicilium, aut digniorem
Chandosano Domicilio Machinam.

Quod si opusculum hoc inter pretiosa Musei Tui orna-
menta; inter Constellationes Stelliculam, collocare non
dedigneris, utcunque proprii & nativi luminis nihil præ se
ferat, mutuatitia satis luce splendeat, & reflexis illustra-
bitur Radiis.

Illustrissimæ Meritissimæque Dignitatis,

Nobilitatis, & Magnitudinis Tuæ

Observantissimus Cultor

JOAN. KEILL,

P R Æ F A T I O.



INTER alia, quæ benignissimus Deus humano generi multiplicia impertivit dona, illustria imprimis illa sunt, quæ in artium & disciplinarum cognitione consistunt; & inter Artes & Disciplinas, ut Antiquitate & Voluptate, ita & Utilitate non postremum locum tenet Astronomia; quæ mirabilem naturæ Harmoniam, (qua rerum omnium creatarum compages & machina constructa constitutaque cohæret) perscrutatur & observat; Corporum cælestium motus, motuumque momenta, viresque unde oriantur, trutinat & pensat. In hac scientia magni Heroes à primis statim mundi incunabulis sibi imprimis elaborandum duxerunt. Adeo ut Astronomia semper fuit Regum & Imperatorum Doctrina; unde Chaldei, Magi, & Philosophi plurimum auctoritate & gratia, apud priscos Reges valuerunt, quos utpote in Divina siderum scientiâ instruebant: absurdum enim esse, turpeque censebant hi Reges, mundo imperare, & quid sit mundus nescire.

Astro-
nomia
Regum
& He-
roum
scientia.

Astro-
nomia
Religio-
ni maxi-
me in-
servit.

Astronomiæ præstantia exinde patet, quod nulla est lumine naturæ nota scientia, quæ ad cognitionem Summi & Omnipotentis, Dei Cæli Terræque conditoris, magis nos ducit, nulla solidiora administrat argumenta, quibus ejus Existentia demonstratur, quam ea: non aliunde magis evincitur Dei Potentia, summaque Sapientia, quam ex siderum motuumque Cælestium contemplatione. Coeli enarrant Gloriam Dei, & Firmamentum annunciat opera manuum ejus, inquit sanctissimus Rex & Propheta David; & rursus: Annunciarunt Coeli Justitiam ejus, & viderunt omnes populi gloriam ejus.

Cicero
de Na-
tura
Deo-
rum.
lib. 2.

Sed & Marcus Tullius Cicero rationis tantum lumine ductus in hanc sententiam devenit. Nihil, inquit, potest esse tam apertum, tam perspicuum, cum Coelum suspeximus, Cælestiaque contemplatissimus, quam esse aliquid numen præstantissimæ mentis, quo hæc reguntur. Nihil certe magis ra-

pit

pit animos hominum in Dei admirationem, reverentiam & amorem, quam tot tantaque corpora & lumina caelestia, quæ visui pulcherrima, & intellectui jucundissima sunt. Eorum obviatio- nes ad invicem, motus ordinatissimi, certissimæ & determinatæ Circulationes, divinitusque præscriptæ Reversionum leges in concinnitate admirabili, summam Dei potentiam, sapientiam, bonitatem & providentiam manifestant. Quibus præceptis, ad Universi hujus Auctorem & Conditorum, admirandum, vene- randum, semperque celebrandum impellimur.

Præterea Astronomia mentes hominum tot sublimibus specula- tionibus, de tot tantisque, tamque longe dissitis corporibus, mi- rifice delectat, & summâ jucunditate recreat. Hinc canit O- vidius. *Fastor. lib. I. v. 297.* Astro-
nomiæ
Jucundi-
tas & Cer-
titud.

Felices Animæ, quibus hæc cognoscere primis,

Inque Domus superas scandere cura fuit.

Credibile est illos pariter, vitiisque jocisque

Altius humanis exseruisse caput.

Non Venus & vinum sublimia pectora fregit;

Officiumque fori, militiæque labor.

Nec levis ambitio, perfusæ gloria fuco,

Magnarumve fames sollicitavit opum.

Admovere oculis distantia sidera nostris,

Ætheraque ingenio supposuere suo.

Sic etiam Virgilius. *Georg. lib. II. v. 490.*

Felix qui potuit rerum cognoscere causas,

Atque metus omnes, & inexorabile fatum

Subjecit pedibus.

Astronomia, certitudine & evidentia demonstrationum, ne qui- dem Geometriæ cedit. Usu latissime patet, & amplitudine subje- cti per omne mundanum spatium diffunditur. Nam inter scientias artesque omnes liberales, nulla est, quæ aut plura, aut majora, aut longius dissita contemplatur objecta, quam Astronomia, sed nulla quoque est in qua pauciores adhuc restant resolvendi nodi, nulla in qua minores supersunt eximendi scrupuli, nulla ad perfectio- nis culmen propius perducta est, quam Divina hæc scientia. Astro-
nomiæ
Perfe-
ctio.

In reliquis plerisque disciplinis, quidam inextricabiles occur- runt Labyrinthi; eas non parvæ premunt difficultates, multæ

interjectæ reperiuntur nebulae mentis aciem obtundentes, & densa caligine involventes, quæ ulteriorem investigationem prohibent. At corporum cælestium motus nunc certo cognoscuntur, motuumque causæ demonstrantur, Phænomenonque rationes percipiuntur.

Minimarum quarumcunque stellarum, quarum distantia est immensa, tam Longitudines quam Latitudines, seu in cælis loca nunc dierum accurate habentur, & in Catalogis inseruntur. At Geographia interim nobis paucarum urbium Longitudines & Latitudines certo ostendit; adhuc restant multæ Terræ incognitæ, plurimæ inexploratæ regiones, & plurimum earum, quæ majores appellantur Continentes, vix quicquam præter littora nobis innotescit, & quod mirum forte videbitur, locorum positiones, in exiguis, & maxime notis, utpote peragratis atque lustratis provinciis, incertæ admodum sunt, ut ex mappis, seu chartis Geographicis sibi invicem contradicentibus manifestum est.

Prædicunt Astronomi, in multa futura secula, Solis Lunæque defectus, Planetarum Conjunctiones, Oppositiones, atque Aspectus qualescunque mutuos, & quæ futurae sunt stellarum omnium à Polo distantia, quamvis corpora hæc immenso à nobis & à se invicem locentur intervallo. In Meteorologicis interea peritissimus ne divinare quidem potest, qualis futurus sit crastino die nostræ Atmosphæræ status, quæ ad pauca tantum passuum millia extenditur; num scil. facies cæli serena aut pluviosa sit futura, aut ex qua regione spiraturus sit ventus; nec adhuc notum est, à quibus causis ejusmodi oriuntur effectus.

Philosophorum nemo figuras minutissimarum materiæ particularum hætenus perspexit; aut vulgatissimæ cujusvis herbæ texturam, formam internam, partiumve compositionem detexit; nec Medicus quisquis est, qui rationes virtutum, & operationum, quas in corpora humana exercent medicamenta indagavit. Immo in corporibus animatis & vegetabilibus, Fons & Principium motus inscrutabile esse videtur, & mysterii instar à nostro sensu & intellectu longissime disjunctum, nec fortasse ad ejus cognitionem plenam perfectamque sumus unquam perventuri. Sed longe alia est Astronomorum ratio, quibus id datur negotii, motus corporum cælestium, non eorum naturas contemplari, & Phænomenon, quæ ex motu oriuntur rationem reddere. Hi non

tant

tantum determinant quales quantique sunt illi motus; Sed describunt semitas, per quas in immensis spatii regionibus, feruntur errantes Cometæ. Proprietates orbitarum Geometricas, & legem immutabilem cui in lineis peragrandis semper obsequuntur, declarant. Nec Astronomos latet, in qua spatii parte, & in quibus temporibus, Planetæ singuli longissime à Sole decedunt; minimamque caloris atque luminis partem ab eo recipiunt. Unde rursus digredientes, Sol ipsorum motus continuo accelerat, eosque versus se trahit, donec ipsos ad ea spatii puncta perduxerit, ubi maxime propinquos, maxime etiam perfundit luce, & gravitate ciet.

Hæc pleraque præcedentis Sæculi magistris innotuere; sed in nostra tandem ætate, & in nostra Britannia, exortus est vir plane Divinus Isaacus Newtonus, qui præter alia inventa innumera, originem & fontem motuum caelestium reclusit, & legem illam Catholicam deprehendit, quam Omnipotens & Sapientissimus Creator per totum universæ Naturæ Systema diffudit. Scilicet quod Corpora omnia se mutuo trahunt, in reciproca distantiarum à se invicem ratione duplicata.

Hæc Lex quasi ligamentum Naturæ, & principium illius quæ universalem rerum Fabricam conservat unionis, tam Cometæ, quam Planetas in propriis orbitis & intra limites datos detinet, prohibetque ne ulterius, à se invicem recedant, & in spacia infinita excurrant; uti foret si corpora vi tantum insit à moverentur.

Eodem viro monstrante, nobis innotuit lex, quæ regit & temperat motus caelestes, orbitis limites ponit; Planetarum longissimos excursus, & accessus ad Solem maxime propinquos, determinat. Huic incomparabili viro debetur, quod novimus, unde fit, ut tam constans & regularis proportio semper observetur, inter Planetarum Periodos atque eorum à Sole distantias, & cur motus caelestes in tam pulchra, tamque mirabili Harmonia peraguntur & semper conservantur. Perpensis motuum legibus, & probe trutinatis; ex iis novam Lunæ Theoriam construxit Newtonus, quæ omnibus ejus inæqualitatibus accurate satis respondet; qualem quidem antea sperare nemini licuerit; ex illa enim Theoria computatus Lunæ locus vix sen-

sibili quantitate, plerumque ab observato differt; ut inde navigantibus nova emergere possit spes, inveniendi in mari Longitudinem loci ubi navis versatur, quod est Problema maxime desideratum.

Nihil est quod Humani intellectus vim atque penetrationem magis demonstrat, quam magna hæc & mirabilia inventa, non alio certius modo, Mundanæ Machinæ portentosam molem, animo comprehendere possumus, aut opificii Divini stupendam pulchritudinem rectius aestimare, & sapientiam admirari valeamus, quam per Divinas hæc leges nunc tandem repertas. Eæ nobis repræsentabunt magnificam & nobilem Mundani Systematis imaginem. Hinc discimus, Terram hanc, quam nos colimus, exiguam admodum esse, & vix notabilem totius splendidissimæ fabricæ partem; Cum fere infiniti sint mundi, Entis summi & omnipotentis operâ producti, qui nostro habitaculo sunt longe majores, in quibus disponendis & regendis, Potentiam & Sapientiam infinitam Ens illud supremum exerceat. Qui dixit, & facti sunt cæli, ipse mandavit & creati sunt. Statuit eos in æternum, iis legem dedit, quam transgredi nequeunt.

Psalm.
148.

Astro-
nomiæ
usus in
aliis ar-
tibus,

In Geo-
graphia
& Chrono-
logia,

Sed nec Astronomiæ usus solummodo in excolendis animi viribus, & dulcissima rerum, quas speculatur celestium contemplatione perspicitur, sed latius patet, & artibus & disciplinis maximo est adjumento; Quibus enim in tenebris errarent Geographus & Chronologus, Astronomiæ luce destituti? Astronomiâ duce, Telluris figuram, & magnitudinem, locorum situm & distantias investigamus; illius auxilio certam anni mensuram, & res gestas secundum temporum seriem dispositas signamus. Ex hisce satis intelligitur, quam utilis humanis rebus sit Astronomia, sine qua, nec Geographiæ nec Chronologiæ, & proinde nullus quoque esset Historiæ locus.

In Na-
vigandi
Arte,

Sed inter omnes, quas promovet, Scientias Astronomia, non alia plus ex ea incrementi cepit quam Navigatio, cujus beneficio, per vastum Oceanum iter non devium tenentes, ultimas terrarum oras invisunt naves nostræ. Hinc mutui commercii exsurgunt commoda; & quicquid aliæ Terræ vel pretiosum vel delectabile ferunt, id omne sine eâ qua laborant illæ caloris aut frigoris in-
tem-

tmper e, nos domi manentes excipimus, Navigationis peritiæ debetur illud, quod sibi vendicat Britannia, Oceani Imperium, nec ulla gens à littoribus nostris tam remota est, quam non ab injuria nostris hominibus inferenda, deterreat Armata Britannica Classis.

Ut Ars navigandi magna ex parte pendet ab illa quam de astrorum motibus habemus, Scientia; Ita vehemens, quæ Reges & Principes incessit cupido, longinquas & ignotas explorandi regiones, eos impulit ad Astronomiam diligenter excolendam. Primus & Nautarum maximus fuit Neptunus, qui ob artem suam, Oceani Deus celebratur; cujus filius Belus Astronomiæ peritus ejus ope incolas ex Lybia in Asiam traduxit. Ubi Collegia Astronomorum instituit. Nam Diodorus Siculus in Historiarum libro primo, parte secunda, ita scribit. Tradunt, inquit, Ægyptii, Belum, Neptuni Lybiæque filium colonos traduxisse in Babyloniam, qui Sacerdotes (hos Babylonii Chaldæos vocant) instituit qui more Ægyptiorum astra observarunt. Ante hunc vero vixit Atlas Mauritanix Rex, Astronomiæ scientissimus, qui de Sphæra primus inter homines disputavit; Unde in Æneide, Virgilius introducit Iopam canentem ea quæ tradidit Atlas.

Astro-
nomiæ
antiqui-
tas, &
primi
Astro-
nomi.

Docuit quæ maximus Atlas,

Hic canit errantem Lunam, Solisque labores.

Sic Uranus quoque Rex istius populi (qui incolunt terras juxta littus oceani Atlantici sitas) ob peritiæ in motibus cælestibus à Diis originem traxisse perhibetur. Zoraster apud Persas, Philosophus ut Astrorum scientissimus ab omni antiquitate celebratur. Talis enim apud antiquos fuit hujus Artis Honos, atque Dignitas, ut cum eâ maxime delectarentur Reges, Regia Scientia appellabatur. Reges enim in Africa & Syria primi eam invenere, & excoluere; idque longe ante quam quidquam de ea, Græcis innotuit, ut agnoscit Plato in Epinomide. Primus, inquit, harum rerum spectator Barbarus fuit. Antiqua enim Regio illos alluit, qui propter æstivi temporis serenitatem, primi hæc inspexerunt, talis Ægyptus & Syria fuit, ubi stellæ omnes clare cernuntur, quoniam cæli conspectum, nec pluvix intercipiunt, nec nubes: Quo-

niam vero magis quam Barbari ab æstiva distamus serenitate, horum siderum ordinem tardius intelleximus. Sic etiam Lucianus, περὶ ἀστρολογίας narrat, Æthiopes primos ad cælestes motus attendisse, qui luminarium causas scrutati, Lunam propriâ luce carere, & à Sole mutuari cognoverunt. Hoc certum est, Astronomiam à primis fere mundi initis, ab orientalibus terræ populis fuisse excultam: Nam si Porphyrio credendum sit. Captâ per Alexandrum Magnum Babylone, Calysthenes, rogatu Aristotelis, transtulit ex ea urbe in Græciam observationes fere duo millia annorum; Plinius etiam in Historia naturali scribit, quod Epigenes docet, fuisse apud Babylonios observationes septingentorum & viginti annorum, coëtilibus laterculis inscriptas; Et Achilles Tatius in principio Isagoges ad Arati Phænomenon, Ægyptios primos omnium tam cælum quam terram esse dimensos, ejusque rei Scientiam, columnis incisam, ad posteros propagasse; Chaldæi tamen hujus inventi decus ad se transferunt; Idque Belo tribuunt. Ab Ægypto omnem doctrinam suam Astronomicam hauserunt Græci. Nam agnoscit Laertius, Thaletem, Pythagoram, Eudoxum & alios multos, illam adiisse regionem ut in Mysteriis Scientiæ Sideralis initiarentur; Hi non tantum inter Primos, sed & maximos Græciæ Philosophos extitere; & ab eodem discimus, quod qui in ea Regione diutius morabantur; post reditum in Patriam, celeberrimi fuerunt ob Geometriæ & Astronomiæ peritiam; Sic Pythagoras, qui septem annos in Sacerdotum consortio apud Ægyptios vixit, & in ipsorum Sacris fuit initiatus, præter multa Geometrica, domum secum attulit verum mundi Systema, primusque in Græcia docuit Tellurem atque Planetas circa Solem tanquam centrum revolvi, motum autem Solis & Stellarum fixarum diurnum non realem esse, sed apparentem, ortum ex motu Terræ circa Axem. Tum temporis nemo pro Philosopho habebatur, qui Mathematicis Scientiis non fuit optime instructus.

Astro-
nomia
postea
neglec-
ta.

At cito neglectæ jacuerunt hæ Scientiæ; Philosophi enim posteriores à prioribus multum degeneres, tempus in tricis & nugis terebant: omisso quippe scientiarum sublimium studio, sophismata quærebant, quibus sibi & sensui hominum communi imponere
vole

volebant, verum etiam si à Philosophorum vulgo, in exilium acta est Astronomia, à quibusdam tamen (paucissimis licet) recepta & exculta fuit, præcipue in Schola Pythagorica, quæ per multos annos in Italia floruit, in qua extiterunt magni viri Philolaus & Aristarchus Samius. In Ægypto quoque Reges Ptolemæi, maximi Literarum Patroni, Scholam Astronomicam Alexandriæ fundaverunt; ex qua etiam prodierunt magni & celebres Astronomi, quorum Princeps fuit Hipparchus, qui referente Plinio, ausus est etiam rem Deo improbam annumerare posteris stellas, cælo in hæreditatem cunctis relicto; Hic utriusque sideris defectus in sexcentos annos præcinnuit. Super Hipparchi observationibus, ædificata est magna illa & pretiosa Ptolemæi Syntaxis; nam ab iis deduxit Æquinoctiorum præcessionem, & Theorias motuum Planetarum.

Ægypto per Arabes debellata, & Alexandria capta, Victores Astronomiam, aliasque Artes liberales in suum receperunt patrocinium, & quamplurimos scientiarum libros ex Græcia, in proprium sermonem verti curaverunt.

Ex Africa in Hispaniam transeuntes Arabes, ibique cum occidentalibus Europæis commercia exercentes, Astronomicæ quoque artis cognitionem iis tradiderunt; cum hæc ante in Europa fere oblitterata latuisset. Jubente itaque Imperatore Frederico secundo circa annum Christi 1230., Ptolemæi Syntaxis magna ex Arabica in linguam Latinam translata est.

Post illud tempus à maximis viris, atque summis Philosophis exculta est Astronomia, inter quos eminent Alphonsus Castellæ Rex, ob tabulas, ex ipsius nomine Alphonsinas dictas, semper celebrandus; Nicolaus Copernicus non tantum diligens observator, sed & Systematis Pythagorici antiqui Restaurator. Willielmus Princeps, Hassiæ Landgravius, qui Quadrantes & Sextantes prioribus longe majores ad altitudines & distantias syderum dimetiendas adhibuit. Hujus principis observationes editas à Snellio habemus. Dominus Henricus Saviilius tam in Astronomia quam in Geometria peritissimus, vir à nobis maxime honorandus, qui professionem nostram Astronomicam, Sociamque Geometricam, in Academia Oxoniensi fun-

davit, amplisque stipendiis donavit; cujus memoria ob hæc & alia plura in rem literariam collata beneficia, gratissimo animi affectu semper est celebranda. Tycho Braheus nobilis Danus, seculi sui Atlas, qui observandi peritia, omnes qui ante ipsum extiterunt vicit; instrumentorum suppellectili Reges omnes & Principes longe superavit: Is Catalogum fixarum 770. quam diligentissime observatarum edidit. Joannes Keplerus Astronomus optimus, laboribus Tychonis fretus, Systema mundi, legesque motuum veras adinvenit, & Astronomiam in immensum auxit. Ejus opera orbi literato sunt notissima, & amplissimas auctoris laudes prædicant. Gallilæus Gallilæi Lynceus, qui tubi optici beneficio, nobis plurima nova cæli Phænomena patefecit; Comites Jovis eorumque motus; Saturni phases varias; luminis incrementa & decrementa quæ Venus subiit; Lunæ superficiem inæqualem, & montibus asperam; Solares maculas, & Solis circa Axem revolutionem, primus demonstravit. Non dies integra sufficeret, si debitis cum laudibus nominarem Hævelium, qui Catalogum fixarum Tychoniano longe ampliorem ex propriis observationibus edidit; Illustrissimos viros Hugenum & Cassinum, qui primi Saturni Comites & annulum conspexere; Gassendum, Horoxium, Bulialdum, Wardum, Ricciolum, aliosque plures magni nominis Astronomos. Quos tamen ob maxima in rem Astronomicam merita, antecellit vir celeberrimus Edmundus Halley, hujus Academiæ Geometriæ Professor Sacilianus, Collega meus amicissimus, cujus laboribus non parva debentur Astronomiæ incrementa. In hoc viro, quod nescio an alii mortalium ulli præterea contigerit, elucet summa in Astronomia Practica Habilitas, cum præcellenti rei Geometriæ Scientia conjuncta. Quod per Tabulas Astronomicas, quas brevi nobis daturus est manifesto patebit, hæ enim alias omnes ante editas, vel posthac forsan edendas, longe antecellunt.

Alios quam plurimos nisi longum foret, possum commemorare nostrates, qui de Astronomia optime meriti sunt. Sed prætereundus non est Joannes Flamstedius Astronomus Reginus, qui indefesso labore, per triginta & plures annos continuato, cælo invigilavit, innumeras observationes de Sole, Luna &

Pla-

Planetis, amplissimis instrumentis exquisita arte divisis, & tubo-optico instructis, factas consignavit. Unde hujus Astronomi accuratis observationibus magis fidendum erit, quam aliorum ante illum, qui oculo inermi sidera intueri aggressi sunt. Composuit præterea Flamstedius, Catalogum Fixarum Britannicum, in quo exhibentur ter mille Fixæ; hoc est, fere duplo plures quam quæ in Catalogo prostant Heveliano, quibus singulis adjunxit propriam Longitudinem, Latitudinem, Ascensionem Rectam, Distantiam à Polo, cum Variatione Ascensionis Rectæ & Distantiæ à Polo, dum Longitudo uno gradu mutatur. Historiam Cælestem Britannicam, quæ utrumque Opus, observationes scil. & Catalogum complectitur, brevi, ut audio, editurus est ipse Flamstedius.

Inter tot Astronomiæ adjumenta & lumina, desiderabatur adhuc. Universa quædam & consummata Cælestium Phænomenon Theoria, secundum rerum veritatem causasque Physicas explicata, & in unum corpus redacta; quam magno eruditorum omnium plausu absolvit tandem & in lucem edidit, Clarissimus Dominus Gregorius, insigne nostræ Professionis decus, & Præceptor meus mihi ad extremum vitæ Spiritum gratissima usque memoria recondendus, cui si quid ego in hisce studiis profecerim id illi omne acceptum refero.

Interim fatendum est, opus illud Gregorianum, minus videri ad discentium captum accommodatum; multa enim complectitur quæ reconditoris Geometriæ cognitionem postulant, qualem in Tyronibus raro reperire licet, qui tamen in Astronomiæ elementis possunt instrui. Præterea ubique mixtim traduntur motus cælestes, cum ipsorum causis Physicis, quæ duæ res, simul à Tyronibus addiscendæ, eorum mentes nimium distrabunt, & doctrinam difficilem reddunt; unde ego satius duxi, motus primum explicare, & Phænomenon quæ ex iis oriuntur rationem reddere, quibus perspectis, facilius ad Physicam fit transitus.

In hunc finem, sequentes composui Lectiones, quas in Schola Astronomica, prout officii mei ratio postulabat, habui, in quibus imprimis operam dabam, ut motus cælestes perspicue quantum possim explicentur, & Phænomenon inde orientium

rationes reddantur; eorum maximè, quæ paucarum in Geometria propositionum subsidio intelligi possunt. Ideoque consulerim, ut Tyrones qui Astronomiam addiscere cupiunt, Euclidem ante oculos ponant, eumque adeant, quoties Propositiones aliquas à nobis citatas inveniunt. Sunt autem Propositiones numero per-paucae, quales sunt Prop. 13, 15, 27, 28, 29, 32, 47, Elementi primi. Item 16, 18, 20, 31, 35, 36, 37. Elementi Tertii. Item 4, 5, & 6, Elementi sexti. Optamus quoque, ut Tyrones in Trigonometria Planâ, & Sphærica probe instructi sint; Quod si sint aliqui, qui principia Astronomica addiscere volunt, & tamen Trigonometriam nesciunt; quales futuri sunt, ut credo, plures, ab illis hæc postulamus concedi. Nempe, quoniam in omni triangulo tam Sphærico quam Plano sint tres anguli & tria latera: horum sex, datis tribus quibuscvis, quorum in triangulo rectilineo unum sit latus, reliqua inveniri possunt; quod docet Trigonometria, cujus usus in Astronomia latissime patet, ejusque auxilium ubique conspicitur.

Sunt præterea quædam in nostra Astronomia, quæ penitiorem in Geometria cognitionem desiderant; qualia sunt quæ de Theoriis Planetarum Ellipticis, à Keplero inventis, tradidimus. Sed Tyrones, qui de particularibus hisce, sunt minus solliciti, possunt ea præterire. Rogo etiam Tyrones, qui parum in Astronomia antea versati sunt, ut post explicatas in Lectionibus XI. & XII. generales Eclipsium causas, reliqua relinquant, & postquam rite satis instructi fuerunt in Doctrina Sphærica in Lect. XIX. & XX. à nobis tradita, denuo eadem repetant. Qui nostra hæc prius intellexerint, possunt optimo cum fructu eximium illud Gregorianum opus legere, & causas motuum Physicas exinde addiscere.

In gratiam potissimum Juventutis Academicæ has Lectiones edendas curavi, qui per eas semel in Schola recitatas minus proficere valent. Unde mihi reservo potestatem easdem iterum, quoties visum fuerit, in Scholâ habendi, ubi si quid in illis obscurius dictum sit, dabo operam ut illud in clariore luce exponatur. Auditores autem nostri hoc pacto, ubi semel nostras Lectiones perlegerint, quotiescunque easdem denuo publice recitatas audiant, possint de locis difficilioribus & minus intellectis nos consulere, & dubia sua proponere, prout Statuta nostræ Academicæ requirunt.

L E

LECTIONES ASTRONOMICÆ.

LECTIO I.

De Motu visibili seu Apparente.

Astronomiæ elementa traditurus, corporumque longissime distitorum motus, motuumque Phænomena explicaturus, ut ea omnia à Tyronibus melius intelligantur, necessarium duxi quædam in genere de motu visibili seu apparenti præfari.

Et primo cum oculus ea corpora tanquam quiescentia spectat, quæ inter se eandem semper conservant distantiam visibilem, & quorum, oculi respectu, idem manet situs, eadem positio, atque invariata distantia; eorum tantum corporum motus nostro objiciuntur visui, quæ vel inter se, vel oculi respectu, situs, & positiones mutant.

Quæ corpora quiescere videntur.

Quæ moveri.

Vel ut paulo altiùs hanc rem ex propriis principiis deducamus, sciendum est apud Opticos demonstrari, Corpus omne quod videtur, imaginem suam depictam habere in fundo oculi, super tunica Retinæ, cujus superficies Sphærica est, idque fieri ope radiorum lucis à visibili prodeuntium. Porro cujuslibet puncti imaginem eum obtinere locum quem radii à puncto visibili prodeuntes & refractione convergentes in retinâ offendunt. Portio peripheriæ *AB* anteriorem oculi superficiem repræsentet, cujus fundus seu Retina sit *DG*, illa scil. tunica quam extremitates nervi optici componunt, atque oculi centrum sit *C*. imago puncti *F* erit in recta *FC* *H* atque ideo in puncto *H*. sicut imago puncti *E* erit in *L*; Radii enim lucis à pellucidis oculi tunicis atque humoribus ita refranguntur, ut qui ex *F* proveniunt ad *H* convergant, & qui à puncto *E* digrediuntur

Quomodo fit visio.
TAB. 13.
fig. 1.

Ff

in

in L conveniant, & in iis locis vellicatis nervis, sensationem visus excitabunt.

Hæc res experiētiā certa & explorata est. Nam si hominis recens defuncti, aut illius defectu bovis oculus è capite evellatur; ablatā opacā Choroidis membranā, quæ cerebro obversa est, ut remaneat solum tenuis & pellucida satis Retinæ tunica, si hic oculus fenestræ vel objecto cuivis fortiter illustrato obvertatur, non sine voluptate aut forsan admiratione picturam quandam in eo videbimus, objectum extra positum scite satis imitantem. Eadem conspicientur phænomena si loco oculi capiatur lens vitrea convexa, ea enim fenestræ obversa, objectorum lucidorum imagines, chartā albā ad debitam distantiam pone locatā, exhibebit.

*Quomodo
motus o-
culis per-
cipitur.*

Si itaque puncti F imago H in eadem retinæ parte maneat immota, oculo etiam immoto, punctum F ut quiescens habebitur. Quod si punctum illud F ad E deferatur, ejus imago in fundo oculi diversas retinæ partes successive percurrendo & spatium L H describendo sensationem motus excitabit. Et si punctum illud longinquum sit, motusque factus fuerit in plano trianguli F C E Spectator magnitudinem apparentis motus per angulum F C E æstimabit.

Si in linea C F aliud sit visibile M etiam longinquum, quod motu suo ad N deferatur, motus ejus visibilis idem erit qui fuit puncti F; cum imaginis utriusque eadem sit femita, idemque motus vestigium in oculi fundo cernitur. Si visibile M per rectam M F ad F feratur motus ille spectatoris aciem fugiet, quoniam puncti istius imago in H, in eadem retinæ parte immota manet. Et quotiescunque corpora longinqua moveantur in rectā aliquā per oculi centrum transeunte, eorum motus non erunt visu observabiles; nec aliā ratione de istiusmodi motibus constabit, quam ex aucto vel diminuto visibilium splendore, & magnitudine apparente. De objectis longinquis hic loquor, nam si propinqua sint, etsi in rectā lineā per oculum transeunte moveantur, possumus tamen de eorum motu judicare, per mutationem situs, & distantiae ad alia corpora, quorum positiones & distantiae sunt notæ. Quin etiam qualiscun-
que

que fuerit mobilis femita in plano $E C F$ sive motus sit in recta $F E$ sive in arcu circulari $F P E$ sive in alia quacunque curva $F Q E$ ad lineam $E C$ deferatur idem semper conspicietur motus, eodem manente angulo $F C E$, aucto autem vel diminuto illo angulo augebitur vel minuetur motus visibilis qui proinde per angulum illum tantummodo mensurari potest.

Quo itaque motus corporum apparentes definiantur, Methodus tradenda est, quâ Geometræ & Astronomi angulorum mensuras investigant, quæ licet passim nota sit, nec Artifices vulgares latet, ne tamen quicquam omisisse videar, quo sequentia à Tyronibus facilius intelligantur, libet eam paucis exponere.

Demonstravit Euclides angulos ad circuli alicujus centrum constitutos, proportionales esse peripheriis quibus insunt, unde angulorum mensuræ ex peripheriis vel arcibus circulorum optime innotescunt. Quod ut fiat, totam Peripheriam circularem in partes 360 æquales dividunt Astronomi, has partes gradus appellant, singulosque gradus in 60 partes æquales secant, quas scrupulos seu minuta prima nominant. Rursusque unumquemque scrupulum Primum in 60 scrupulos Secundos, & Secundorum unumquemque in suos Tertios, & Tertios in Quartos, & ita deinceps subdividi mente intelligunt. Atque hâc ratione non plures numerant gradus seu partes in maximo quovis circulo quam in minimo, adeoque si idem angulus ad centrum à diversis arcibus subtendatur, partium sive scrupulorum numerus in omnibus arcibus subtendentibus erit æqualis; eandem quippe arcus isti ad peripherias suas totas rationem habent, v. gr. sit Angulus $A C B$ & centro C describantur arcus duo $A B$, $D E$, tot erunt gradus & scrupuli in arcu $A B$, quot sunt in arcu $D E$, etiamsi Radius arcus $A B$ sit tantum unius pedis in longum & Radius alterius arcus stellas fixas attingat, gradus tamen in peripheria $A B$ in eâ ratione minor est gradu in Peripheria $D E$, quâ radius $C B$, minor est radio $C E$. Angulus C tot graduum, seu scrupulorum esse dicitur, quot arcus $A B$ vel $D E$ ejusmodi partes continent.

Angulorum mensurae.

Gradus qui? Scrupuli.

TAB 13. fig. 2.

Instrumentum, quo anguli vulgo observantur, est circularis peripheriæ data portio, in gradus, & minuta, divisa. Quadrans scil., Sextans, aut Octans, si Instrumentum sit circuli quadrans, Arcum in 90 partes æquales, si Sextans in 60., si Octans in 45. dividunt Artifices; quæ singulæ erunt æquales uni totius peripheriæ gradui, unumquemque rursus gradum in suos scrupulos primos, vel etiam secundos, si instrumenti amplitudo hoc permittat, partiuntur. Deinde instrumenti lateri Pinnacidia vel dioptras figunt; & Regulam suis quoque Dioptris instructam, circa centrum peripheriæ volubilem applicant. Observantur autem anguli hunc in modum.

*Modus
obser-
vandi
angulos.
TAB. 13
fig. 3.*

Sint duo objecta longe à nobis distita A & B sitque oculus in C, & mensurandus sit angulus ACB. Convertatur instrumentum donec per dioptras lateris CD, videatur punctum A; deinde circa latus CD, instrumenti planum & Regula circa centrum ita vertantur ut per regulæ dioptras conspici possit punctum B, Manifestum est ex dictis Arcum DE ostendere mensuram anguli ACB & etiam mensuram arcus AB, hoc est angulus ACB, & arcus AB tot erunt graduum & minutorum quot arcus DE per Regulam abscissus constat ejusmodi partibus.

Horizon.

*Altitudo
stellæ
Horizon-
tis Po-
lus.*

Quin etiam Astronomi alias metas sibi proposuerunt à quibus eodem vel simili instrumento distantias stellarum arcuales numerarent. Eæ sunt cujuslibet loci *Horizo.*, quem extensa quasi infinita Terræ planities efformat, totam Sphæram mundi in duo ad sensum hemisphæria æqualia dividens. Et Arcum verticalem inter stellam quamlibet & horizontis limbum interceptum, istius stellæ *Altitudinem* dicunt. Alia meta est *Horizontis Polus*, seu punctum quod vertici cujusque loci quocunque momento temporis imminet, quodque linea perpendiculi denotat, secundum quam, & omnia Gravia deorsum rapiuntur, & nos recti consistimus. Hoc pacto Nacleri solis Altitudinem inveniunt respectu arcus, seu anguli quem efficiunt in oculo Radii à sole, & ab Horizonte venientes. Ita Astronomi angulum quoque notant, quem Solis vel stellæ Radius format cum

linea in superficiem horizontis perpendiculari, Regulis & Quadrantibus in hunc usum constructis.

Dioptrarum loco nunc Telescopia vulgo adhibentur; quorum ope, objecta longinqua certius & exactius, quam per dioptras exactissimas visu attinguntur. Sed modum Telescopia adaptandi, omnemque illius Instrumenti apparatus hic describere, nos ad alia properantes nimis retardaret, hæc igitur nunc sufficiant.

Ex angulorum quoque mensuris, corporum longinquorum *Diametri apparentes* innotescunt; sit enim quævis linea AB ab oculo C directe visa, & ab ejus terminis A & B ad oculum C duci supponantur rectæ AC, BC, linea illa AB dicitur sub angulo ACB videri, qui apparens ejus diameter appellatur, & tot esse graduum, & minutorum, quot angulus ille, instrumento observatus, indicabit. Eodem modo objectum quodvis DE ab oculo ad F Spectatum dicitur apparere sub angulo DFE, & objectorum AB, DE apparentes magnitudines erunt, ut anguli ACB, DFE.

Corporum diametri apparentes. TAB. 13. fig. 4

TAB. 13. fig. 4. 5.

Quod si oculus objecto AB jam propinquior sit, illud ex dimidia distantia scil. ex G aspiciat, objectum illud sub duplo fere majori angulo videbitur. Si triplo propius accedat oculus, triplo fere major fit angulus sub quo apparet objectum, ejusque apparens diameter triplicabitur, modo anguli illi sint satis parvi, nimirum si gradum unum aut alterum non superant, eruntque ejusdem objecti magnitudines apparentes oculi appropinquationibus proportionales.

Atque hæc methodo si duorum corporum habeantur diametri apparentes, una cum distantiarum ab oculo ratione, exinde innotescet proportio, quam obtinent eorum diametri veræ. Nam si objectorum distantiae sint æquales, diametri veræ erunt apparentibus proportionales; si anguli, sub quibus videntur objecta, sint æquales; magnitudines veræ diametrorum, erunt ut ipsarum distantiae ab oculo ex. gr. si angulus ACB sit æqualis angulo DFE, at distantia CB sit tripla distantiae FE erit Recta AB triplo major recta DE. Quin etiam si non tantum sit CB distantia tripla distantiae fe, sed & angulus ACB duplus anguli dfe erit

TAB. 13. fig. 4. 6.

Ff 3

AB

AB sextuplo major quam de. Nam capiatur CM æqualis fe, & fit MN objectum sub angulo MCN aut ACB appa-rens, ob angulum illum duplo majorem angulo dfe erit linea MN duplo major quam de, sed ob AC triplo majorem quam CM erit AB triplo major quam MN, unde erit sextuplo major quam de. Hinc si Solis & Lunæ diametri apparentes sint æquales, & Solis distantia à Terra sit centies major quam Lunæ distantia ab eadem, erit vera Solis diameter centies major Lunari diametro. At Solis à nobis distantiam plusquam centies superare distantiam Lunæ, in sequentibus demonstrabitur, unde diameter Solis plusquam centies superabit diametrum Lunæ.

*Diametri appa-
rentes ad
objecta acceden-
do majores
fiunt.*

*TeleSCO-
pii bene-
ficia.*

Cum, uti dictum est, ad objecta longinqua accedendo eorum diametri apparentes majores fiunt, inque ea fere ratione augentur qua iis propius admovetur oculus. v. gr. si quis decies propius quam nos Lunam spectaret, is Lunam clariorem & secundum diametrum decies majorem cerneret. Si adhibeatur Telescopium quod decies tantum ampliat objectorum diametros; Luna per illud visa eandem phasim nobis ostendet, quam spectatori decies propius admoto ostenderet. Si Telescopia adhibeantur, quæ objectorum diametros centies vel etiam ducenties augeant, ea apparentias exhibebunt plane similes iis quæ ex distantia centies vel ducenties minore conspicerentur. Atque hinc novimus qualem quantamque oculis nostris se præberet Luna, ex distantia trium Telluris diametrorum spectata. Qualisque etiam ejus foret facies, si multo propius accedamus, & ad distantiam 8 tantum stadiorum millia ipsam contemplaremur. Ex eo enim intervallo, ingentes montium Lunarium Tractus, profundas valles, & latos campos intueri liceret. Quin etiam his Telescopiis altius in coelum invehimur, & Jovi & Saturno reliquisque errantibus, quin cometis quoque & fixis tam prope admovemur, ita ut tam longi itineris pars tantum centesima vel etiam ducentesima nobis restet. Præterea his Telescopiis Planetarum circa Axes Proprios conversiones, Jovis atque Saturni Lunas, & Eclipses hujusque posterioris Annulum, variasque phases conspiciamus.

mus. Hac Telescopii beneficia silentio præterire in hoc loco haud æquum foret; cum illud potissimum sit instrumentum, quo non modo corporum magnitudines, sed apparentes motus observantur. Sed intermissum de motu visibili sermonem repetamus.

Cum corporum longinquorum motus non aliunde quam ex mutatione anguli qui ad oculum videntis est, innotescat, facile hinc constabit utcunque corpora æquabiliter moveantur & æqualia spatia æqualibus temporibus describebant, fieri tamen posse, ut eorum motus inæquales admodum & irregulares ab oculo conspiciantur, quod per exemplum patebit.

Corporum longinquorum motus æquales inæquales videntur.

Ponamus corpus aliquod in peripheria circuli ABDEGQ uniformiter revolvi, æquales arcus AB, BD, DE, &c. æqualibus temporibus percurrendo ejusque motum oculus alicubi in plano ejusdem circuli in O, v. gr. positus ex longinquo aspiciat. Cum igitur mobile ab A ad B pervenerit ejus motus apparens per angulum AOB seu per arcum HL quem descripsisse videtur, definiatur; dein in æquali tempore, dum arcum BD percurrit, motus apparens ex angulo BOD dignoscetur; & videbitur mobile transiisse per arcum LM qui arcu HL multo minor est, & mobile in D in peripheriæ NHM puncto M conspicietur; Postquam vero descripserit arcum DE prioribus AB vel BD æqualem, & ad punctum E pervenerit, ab oculo in eodem puncto M spectabitur, ita ut eo tempore quo per arcum DE defertur corpus oculo fere ut immotum & quasi stationarium videbitur; At dum in peripheria proprii circuli per arcum EF progreditur, oculo ad Q posito, per peripheriam ML regredi videbitur. Sic ubi ab E per F ad G pervenerit, oculus illud conspiciet in puncto H, in eo scil. situ quam prius in A habuit. Dum autem à G per I ad Q defertur, spectator ipsum videbit per arcum HKN moveri; at dum in orbita propria progrediens corpus arcum QP describit, oculus ipsum ad idem punctum N continuo referret, quo tempore rursus stationarium apparebit corpus, deinde post digressum ejus à puncto P cursum suum invertere & per arcum

TAB. I 3.
fig. 7.

cum

cum NHLM motibus admodum inæqualibus ferri videbitur.

Inæqualitas Optica.

Hæc motuum Inæqualitas ab Astronomis *Optica* dicitur, eo quod non corporibus reverà competit, sed apparens tantum est, ex oculi positione orta, corpus enim eadem semper velocitate in propria orbita progredi supponitur, & si oculus in centro istius orbitæ constitutus fuerit, motum ejus æquabilem semper conspiceret.

Motus æquabilis in peripheria circuli à spectatore intra arcum locato inæqualis videtur.

TAB. 14. fig. 1. Sed nunquam retrogradus.

Si in quovis intra circulum puncto O quod centrum non est, immobilis locetur spectator, is motus corporis peripheriam ABCD percurrentis, in se quidem æquales, inæquales admodum videbit; & cum longissime distat corpus à spectatore ut in A, tardissime incedere videbitur, propinquius accedens corpus ut in C, velocius progredi apparebit, ob angulum COD majorem angulo AOB, licet arcus AB, CD sint æquales. At nunquam stare aut regredi conspicietur corpus. Adeoque si spectator intra circulum in quo defertur corpus locetur, illudque nunc progredi, nunc stare, nunc regredi videat concludendum erit spectatoris locum etiam mobilem esse.


LECTIO II.

De Motu apparenti qui ex Observatoris Motu oritur.

Qui in nave vehuntur motum navis non percipiunt.

Hucusque supposuimus spectatorem loco immotum toto observationis tempore constitisse. At si Spectatoris locus etiam moveatur, diversæ tum nascentur rerum apparentiæ, & oculus ea corpora quiescere cernet, quæ celerime progrediuntur, quiescentia autem corpora veloci impetu deferri conspiciet. Quin etiam fieri quoque potest ut motus corporum apparentes fiant veris & absolutis directe contrarii, & quæ corpora reverà ad orientem feruntur, ad occidentem tendere spectatori videantur. Quæ omnia ex motuum apparentiis, quæ se offerunt iis qui in nave vehuntur, satis apte illustrari possunt.

Si navis aliqua motu utcunque veloci, sed uniformi, à ventis deferatur, nec motus navis nec corporum quorumlibet eun-



eundem intra navem situm fervantium & relative quiescentium motus *vectorum* oculis percipitur ; cum enim omnes navigii partes eundem semper inter se & etiam vectoris respectu , situm , & positionem conservant , ipsorum imagines in oculi fundo depictæ , iisdem semper retinæ partibus quasi immotæ adhærebunt. Ex quo fiet ut quamvis omnia quæ intra navem locantur corpora unà cum ipsa celerrime progrediantur , eorum tamen motus , spectator simul cum iis in nave vectus non visurus sit. Idem tamen ad littora oculos vertens , ea cum aliis objectis extra positis , moveri conspiciet , nam dum ipsa navis movetur & oculum spectatoris secum vehit , necesse est objecta externa situs suos oculi respectu mutare , & ipsorum imagines nunc has, nunc alias Retinæ partes successive occupare , unde fit ut quiescentia objecta externa moveri , & quæ intra navem simul cum ea progrediuntur quiescere videant , in nave collocati vectores.

At objecta externa quiescentia moveri videntur. Motus Globi in nave cadentis.

Si dum navis celerrime progrediatur , globus plumbeus de summo malo demittatur , eum quasi in perpendiculo cadentem aspicient vectores. Qui quidem globus (quod idem faceret si navis omnino quiesceret) tabulatum navis juxta pedem mali percutiet , verus tamen ejus motus non fit in perpendiculari ad superficiem globi terrestris , sed deflexo per aërem itinere fertur Globus , quam ejus semitam incurvatam facile deprehensurus est quisquis qui ex alia quiescente nave motum spectaret. Hujus phænomeni causa facile ostenditur. Nam juxta primariam Naturæ legem , corpus omne in incepto semel motu secundum eandem directionem semper perseverare conatur , jam Globus dum in summo malo hærebat , unà cum malo progrediebatur , adeoque postquam dimittitur eandem progrediendi vim retinebit , & urgente gravitatis vi progredietur simulque descendet ; neutra enim harum virium alteram destruet aut imminuet , (neque enim sunt contrariæ) adeoque nec minus prorsum nec minus deorsum tendet globus , quam si viribus separatis impelleretur ; sed hisce conjunctis viribus solum impeditur rectitudo semitæ , quam seorsim haberent

perpendicularis & horizontalis impetus, motusque peragetur in linea curva iis simili quas describunt Gravia horizontaliter projecta, quæque simul prorsum & deorsum feruntur, & spectator in quiescente nave Globum ejusmodi percurrere curvam videbit. Porro cum Globus & malus eadem velocitate progrediuntur, eadem inter utrumque semper manebit distantia, & proinde Globus juxta pedem mali tabulatum feriet; Præterea motus Globi quo prorsum tendit, tam navi ejusque partibus quam *vectoribus* communis est. At motus ille communis uti ostensum est, ante casum Globi videri non potuit, quare nec postea in descensu erit observabilis. Sed Solus ille motus quo Globus vi gravitatis propriæ deorsum tendit, quique Globo peculiaris est visu percipitur; hoc est Globum quasi in perpendiculo cadentem aspicient *ectores*. Hæc omnia reverà sic accidere experimenta sæpius facta adeo confirmant, ut dubitationi nullus relinquatur locus.

*Motus
Globi
projecti
intra navem.*

Si quis in prorâ sedens, Globum versus puppim eâ celeritate quâ navis fertur, projiciat, Globus ille nec prorsum, nec retrorsum, movebitur, sed sublata gravitatis vi in aëre immotus maneret, gravitate autem urgente, rectâ ad navem descendet, talemque esse ejus motum, in ripâ vel in quiescente nave sedentes agnoscent spectatores; vis enim à projiciente impressa, contrariam & æqualem destruet vim quam Globus à nave acceperat. At illi qui in nave vehuntur, Globum non quiescentem nec rectâ cadentem, sed versus puppim ea velocitate latum conspicient, quam reverà haberet, si quiescente nave, eadem vi projectus fuisset.

Si velocitas quâ projicitur Globus versus puppim sit minor velocitate navis, Globus in eo casu in eandem cum nave plagam sed tardius deferetur, nondum destructâ vi totâ quam à navis motu accipiebat. At in nave sedentes Globum non simul cum nave progredientem conspicient, sed in contrariam prorsus plagam tendentem ea celeritate quam haberet, si quiescente nave eadem vi projectus fuisset. Hinc

liquet

liquet motum apparentem vero & absoluto posse fieri directe contrarium.

At objiciat aliquis Globum è manu projicientis emissum, *Objectio* in ipsam puppim impingere, eique ictum imprimere; quod fieri non potest nisi reverà Globus versus puppim moveretur. Qui nodus solutu non difficilis est, Globum enim ii qui intra navem versantur in puppim irruere eamque percutere cernent. At si ponatur aliquis in ripa quiescens, ille non Globum in puppim sed puppim in Globum impingentem videbit & ictûs magnitudo in utrovis corpore recepti, eadem omnino erit ac si navis quiesceret & Globus reverà in puppim impelleretur ea celeritate qua puppis ad Globum accedebat. Si enim duo sint corpora A & B utcunque *TAB. 14.* æqualia vel inæqualia, eadem erit percussionis vis, sive B *fig. 2.* cum datâ celeritate in corpus A quiescens impingeret, sive quiescat B, & A cum eadem celeritate in ipsum B irrueret, vel si utrumque corpus versus eandem plagam moveretur, & subsequens A celerius motum in ipsum B impingat, eadem erit quantitas ictûs, ac si B omnino quiesceret & A latum esset solummodo differentiâ celeritatum quâ scil. ipsius celeritas superat celeritatem corporis B. Vel denique si A & B in contrarias ferantur plagas, atque in se invicem impingant, ictûs magnitudo eadem erit ac si ipsorum unum quiesceret, alterum motum esset cum eâ celeritate quæ sit utriusque celeritatum summæ æqualis. Verbo dicam, eadem semper manente velocitate corporum relativâ, qua ad se invicem accedant, eadem quoque manebit percussionis quantitas quomodocunque velocitates illæ partitæ fuerint. Atque hinc fit ut in nave quantumvis velociter latâ motus omnes nostri rerumque à nobis mobilium eadem ratione peraguntur, iidemque apparent ac si navis reverà quiesceret. Et universaliter verum esse deprehendimus, quod corporum in dato loco inclusorum, iidem erunt motus inter se, iidem congressus, eadem percussionis vis, sive locus ille quiescat, sive moveatur uniformiter indirectum.

Hæc adduxi exempla, ut vobis constaret quantum discriminis inter motus corporum reales, & apparentes, pos-

fit intercedere ; & quam difficile sit de illis , ex his , iudicium facere.

Ex iisdem constabit , quod si in Jove vel Saturno vel alio quovis Planetarum locetur spectator , is loci sui motus proprios non magis visu percipiet , quam navigantes motum navis in qua vehuntur oculis discernere possunt. Et hi quidem ex subitaneis navis jactationibus quas sibi frequenter molestas experiuntur , motum ejus aliqualem dignoscunt. At Planetæ nullis fluctibus , nullis procellis sunt obnoxii sed placidissima latione in tranquillo quasi æquore nantes fruuntur , & in motibus suis absque omni impedimento perseverant.

LECTIO III.

De Systemate Mundi.

CUM ut ostensum est , pro vario oculi situ atque motu tot & tam variæ fiunt rerum apparentiæ , quo melius mundi fabrica innotescat , & Universi admiranda pulchritudo , motuumque Harmonia , animo concipiatur ; convenit ut Divinum hoc & immensum opus non ex uno aliquo spectetur puncto seu angulo , sed ex pluribus locis debitis intervallis à se invicem distantibus lustrandum erit , ut diversos hos aspectus contemplando , eosque comparando vera tandem , & iusta , summoque Conditore digna universi opificii eliciatur cognitio.

Cælestia itaque corpora motuumque phænomena ut pernoscantur , fingamus nos non Terricolas esse , & uni sedi quasi puncto affixos , sed potestatem nobis dari libere quocunque libuerit , per spatia indefinita vagandi. Et ut diversitas aspectuum ex diversis locis habeatur , aliquando nosmet in spatio quodam immoto sistamus , aliquando in Sole , sæpius in planetarum aliquo & nonnunquam etiam in Stellis fixis vel in Cometa locari nos supponamus.

— — — — Juvat ire per alta
Astra. Juvat Terris & inertī sede relictis
Nube vehi , validique humeris insistere Atlantis.

Et

Et quamvis corpora nostra utpote in Terram sua gravitate depressa ad altissimas illas domos avolare non possunt; nihil tamen prohibet quo minus animo & imaginatione cælestes illas peragremus regiones. Nec deneganda est hæc quam nosmet nobis vindicamus licentiam, quippe quæ omnibus omnis ævi Astronomis semper concessa fuit; hi enim oculum à superficie ad ipsum telluris centrum detulerunt, ut motuum æqualitas exinde spectaretur, quin & circulos & lineas rectas per Solem & Sidera traducunt, quæ licentia, ni peteretur semper, & concederetur, brevis admodum & imperfecta esset Astronomiæ Scientia, & irritus omnis Astronomorum labor.

Ut igitur Astronomis solenne fuit, oculum ad Terræ centrum detrudere, quò is motum apparentem diurnum conspiceret æquabilem, nobis è contra, quo motus corporum reales & absoluti, quantum fieri potest æquabiles videantur; liceat spectatorem in cælum invehere & in loco quodam immoto constituere. Nam omnes cujusque sectæ Astronomi facile agnoscunt Planetarum motus esse in se simplices uniformes & regulares. At ex Terræ superficie, aut ab ejus centro spectati Planetæ in motibus propriis inæquali admodum & minime regulari cursu deferri videntur, adeoque certum est Tellurem hanc non in illorum motuum centro locari. Motus itaque corporibus mundanis proprios qui contemplari velit spectator, primo vel in Solis centro vel etiam extra solaris corporis Globum, non tamen in loco ab illo nimis remoto se sistat, & quales is sit visurus rerum apparentias hic perpendamus.

*Planetæ
è Terra
spectati
irregula-
ri cursu
moveri
viden-
tur.*

Et hic inprimis notandum est; quod in quocunque loco ponatur spectator, semper in centro prospectus proprii se constitutum cernet. Nam corpora longinqua etiam si magnis intervallis à se invicem distent, si tamen in eadem fuerint linea per oculum transeunte, in eodem spatii puncto, & quasi æque remota videntur; Unde fiet, ut spectator ea corpora quorum distantias visu æstimari nequit, ad superficiem Sphæræ referet, cujus centrum ab oculo tenetur, motusque omnes in ea superficie peragi apparebunt. Hinc fit ut So-

*Spectator
est sem-
per in
centro
prospe-
ctus pro-
prii.*

lem, & Lunam, & reliqua omnia sidera, quæ diversissimis intervallis à nobis distant, unà cum nubibus quæ non ultra milliare unum aut alterum ascendunt, tanquam in eadem superficie Sphæricâ concavâ locata intuemur; Qualiscunque igitur sit spectatoris habitatio sive in Sole, sive in Saturno Planetarum Extimo, vel etiam in stella quavis fixa, locus ille pro medio mundani spatii, seu pro centro Universi ab istius loci incola habebitur.

*Prospe-
ctus è
centro
Solis.*

*Immen-
sa Stella-
rum à
Sole di-
stantia.*

*Stellæ fi-
xæ posi-
tionem
respectu
oculi mu-
tant.*

*Planeta
seu Er-
rones
sex.*

Spectator itaque Solis centrum tenens, & cælum intuens, superficiem ejus Sphæricam concavam oculo concentricam innumerisque Stellis, quas fixas dicimus, undique refertam videbit; cumque Stellæ illæ è tellure spectatæ eundem inter se immutabilem situm atque ordinem servare deprehenduntur, sic etiam è Sole visæ, eandem quoad sensum quæ è Terra observatur à se invicem invariata distantiam & positionem obtinebunt; tanta enim est ipsarum vel à Terra vel à Sole distantia, ut postea ostendetur, ut exigua illa loci mutatio, quæ fit spectatorem à tellure ad Solem deducendo, vix sensibilem mutationem in Stellarum situ visibili efficiet. Verum quamvis Stellæ fixæ è tellure visæ easdem semper à se invicem distantias & eosdem inter se situs conservare videantur, at oculi respectu positiones mutare, & nunc supra attolli, nunc infra deprimi, perpetuoque motu circa telluris Axem gyrare observantur, cum tamen interea qui è cælo Solari illos intuetur, omnino immobiles seu in eodem semper loco permanentes conspiciet. Nec profecto refert sive omnino quiescerent Stellæ, sive circa Tellurem cælum omne sidereum una cum sole esset volubile, semper enim è Sole eadem esset quietis apparentia, nam motus ille si quis fuerit gyrationis circa Terram fit spectatori Stellisque omnibus communis, adeoque non magis sensibus percipietur, quam navigantium oculis cursus navis, in qua vehuntur, sit observabilis.

Præter Stellas innumeras quiescentes, sex alii in cælo nitent circa Solem volubiles Globi, qui diversis omnino periodis gyros complent, adeoque varias & continuo mutabiles positiones tam à se invicem, quàm ab immotis Stellis

eas

eas fortiri necesse est. Stellas has errantes sive Planetas dicimus, quarum una est ipsissima Tellus nostra habitatio. Quin si Tellurem quiescere, Solemque circa ipsam motu annuo deferri supponamus; certum tamen est spectatorem in Sole, Tellurem eundem in cælo circulum & eodem tempore describentem videre, quem nos in Terra habitantes à Sole percurri observamus, uti in sequentibus demonstrabitur.

Planetarum nomina & Characteres sunt, Saturnus ♄, Jupiter ♃, Mars ♂, Tellus ☿, Venus ♀, Mercurius ☿ qui est Soli proximus.

Planetæ omnes Secundum eandem plagam, scil. ab occidente in orientem, circa Solem in orbitis in uno fere plano jacentibus seu non multum à se invicem dehiscentibus, feruntur; & orbitarum plana se mutuo secant in lineis quæ per Solis centrum transeunt; adeoque spectator in Solis centro locatus, in orbitarum omnium planis consistet, & Planetas in concava cæli superficie motus suos peragentes, circulosque circa se maximos describentes videbit, unde sit ut singulorum planetarum diversas a Sole distantias oculorum acies æstimare non potest. Quo itaque tam distantia quam motus Planetarum videantur, convenit ut è Sole migremus, oculusque supra orbitarum plana ascendat, in recta quæ per Solem transeat, & ad orbitam Telluris perpendicularis sit, & quanta Terræ à Sole distantia est, tanta etiam sit spectatoris distantia, in hac rectâ positi. Ex hoc loco cernere licebit Planetas diversis admodum intervallis à Sole removeri, & qui gyros citius conficiunt, ipsi propiores esse; qui tardius absolvunt circuitus, longius abesse. Eritque Planetarum talis ordo, qualis in annexâ figurâ repræsentatur. Ubi in orbitarum centro perstat Sol loco immobilis, circa quem volvuntur planetæ sex, Mercurius, Venus, Tellus, Mars, Jupiter & Saturnus, ab occidente in orientem. Secundum ordinem literarum ABCD; Mercurius Soli proximus, circulum suum peragrat, spatio temporis trimestri; deinde Venus paulo majori ambitu periodum absolvit mensibus fere octo. Ultra hanc Tellus circuitum conficit

*Planetæ
moven-
tur circa
Solem ab
occidente
in orien-
tem.*

TAB. Iq.
fig. 3.

*Planeta-
rum Or-
do.*

ficat spatio unius Anni. Deinde Mars biennio circulum proprium complet. At longius multo protenditur orbita Jovis, tardiusque ille scil. duodecim annorum spatio circulationem perficit. Extimus denique atque omnium lentissimus Saturnus reliquas omnes orbitas gyro suo continet, & triginta annos ad periodum propriam complendam, postulat. Hoc est antiquissimum Mundi systema à Pythagora ejusque sequacibus in Græcia ab Orientis populis introductum, quamvis alterum illud apparens Systema, quod Terram immobilem, cælumque volubile ponit à vulgo fuit receptum. Quod etiam Aristoteles reliquique qui post illum in sequentibus seculis vixerunt Philosophi, à prioribus magnis viris multum degeneres amplexi sunt, usque ad Nicolaum Copernicum, qui verum veterum systema ab oblivione vindicavit, & resuscitavit, solidisque argumentis confirmavit. Unde ab Astronomis systema hoc Copernicanum dicitur. Post inventum Telescopium nova spectacula non ante observata, cælum intuentibus manifestè se ostentabant, quæ systema Antiquum mirifice auxerunt, invictisque argumentis stabiliverunt.

*Planetae
sunt corpora
Sphærica
opaca.*

Planetæ Telescopio adjutus, diligentius lustrans spectator, deprehendet eos Telluris instar, esse corpora Sphærica, & opaca, nam facies eorum quæ Soli obvertuntur illuminari, Solisque luce reflexâ splendere, facies autem à versas tenebris obvolvi, eosque umbras in plagam Soli oppositam projicere, conspiciamus. Lineaque illa quæ splendentem partem à tenebrosa determinat, aliquando recta apparet, aliquando curva, & nunc convexitate, nunc concavitate sua lucentem partem respiciet, pro vario planetæ & oculi situ, respectu Solis illuminantis superficiem planetæ sphæricam. Quin etiam pro diverso spectatoris situ nunc major nunc minor illuminatæ faciei cernitur portio; Ut in corporibus opacis Sphæricis lucenti Soli expositis, fieri oportet.

*Planetae
secundarii.*

Planetarum tres, nimirum Tellus, Jupiter, & Saturnus, aliis minoribus Planetis continuo stipari observantur; qui Planetæ secundarii, Lunæ, seu Satellites appellantur. Hi pri-

primarios in suis circa Solem circulationibus perpetuo comitantur, & interea etiam unusquisque circa Primarium proprium, gyros perficit. Tellus quidem unicâ tantum comitatur Lunâ, quam illa secum annuo circa Solem cursu vehit, & præterea circa se, tanquam centrum, menstruo itinere gyrare facit. *Tellus Luna stipatur.*

Quod autem Luna præ omnibus stellis tanta luce fulgeat & magnitudine Solem ipsum adæquare videatur, in causa est ejus Telluri proximitas, nam è Sole vix sine Telescopio erit observabilis, ac proinde si tantum à Terris distaret, quam Sol, opus esset Terricolis telescopio, quo videatur.

Jovem quatuor Lunæ tanquam Satellites perpetuo stipant, quæ diversis periodis atque distantis circulationes circa ipsum perficiunt. Harum intima ad distantiam $2\frac{1}{2}$ diametrorum Jovis periodum absolvit, die una cum tribus partibus quartis. Secunda $4\frac{1}{2}$ diametris Jovis à Jove distat, & orbitam propriam describit spatio dierum trium, horis tredecim. Tertia diebus circiter septem, horis tribus septemque Jovis diametris cum parte sexta à Jove remota, circulum peragrat. Extima denique diebus sedecim, cum octodecim horis, ad distantiam duodecim circiter diametrorum Jovis revolutionem in orbita sua perficit. *Jupiter quatuor Lunis.*

Planetas hos Joviales primus mortalium conspexit magnus ille Galilæus, tubi optici seu Telescopii beneficio, hisque cælum fidereum adauxit, Stellas Mediceas eos appellans, quorum motibus observatis non pauca debentur Astronomiæ atque Geographiæ incrementa.

Saturnum in suo circa Solem itinere, non pauciores quam quinque comitantur Planetæ minores, horum plerique ob magnam vel à Terra, vel à Sole, distantiam; & exiguum corporum, molem, non nisi longissimis perquisiti Telescopiis se produnt, quorum tempora periodica, & distantia à Saturno ita se habent. Intimus revolutionem conficit die $1\frac{1}{2}$ & distat à Saturni centro ejus semidiametris $4\frac{1}{2}$. 2^{us} diebus 2 horis 17, ad distantiam $5\frac{1}{2}$ semidiametris, Saturni periodum absolvit. Tertius 4 diebus, horis 13, ad distantiam *Saturnum comitantur quinque planetæ secundarii.*

H h

tiam

tiam octo semidiametrorum, integrum circulum describit. Quartus, diebus fere sedecim periodum absolvit, distans à Saturno octodecim semidiametris. Quintus & visorum extimus spatio dierum 79 $\frac{1}{2}$ orbitam percurrit, distans à Saturno 54. semidiametros Saturni.

*Saturni
annulus.*

Exornat, præterea, Saturnum Annulus, qui eum medio cingens, nusquam contingit, sed undique ab ejus corpore distans, fornicis instar, pondere libratus suo, seipsum sustinet. Annuli hujus diameter plusquam dupla est diametri Saturni, & quamvis tenuis admodum sit superficiei convexæ crassities, tanta tamen est annuli latitudo, sive profunditas, ut pars circiter media istius spatii quod ab extrema ejus superficiei ad Saturnum porrigitur, ab ejus corpore occupetur, reliquo tantum spatio vacuo manente. Quibus usibus inservit admirabilis hic annulus, Terricolas & latet & perpetuo forsan latebit, cum nihil ei simile in rerum naturâ deprehendimus. Suspicienda tamen est infinita Majestas atque potentia Dei qui nostrâ hâc ætate, nova operum suorum specimina, nobis conspicienda deprompsit.

LECTIO IV.

*In qua probatur Systema superius expositum esse
verum Mundi Systema.*

CONTRA Mundi Systema in superiore lectione expositum, nobis fortasse objiciat aliquis; nos finxisse nosmet in cælum evectos, & ordinem atque motum planetarum supra traditum propriis lustrasse oculis, sed finximus tantum, & qui proinde ponitur corporum mundanorum ordo sive situs, erit figmentum. An non eâdem fingendi licentiâ, alius quavis Planetarum ordo supponi potest? possumus, accedente sensuum testimonio, Terram ponere immobilem, Solemque atque planetas circa illam motus suos describentes, atque ex illis positionibus possumus omnes apparentias & phænomena explicare. Respondeo quamvis finximus nos in altum sublato, è cælo in Solem atque Planetas despexisse, qui tamen ex hâc hypothese è cælo conspiciendus erit Planetarum situs atque ordo, figmentum non esse; sed ordo ille
non

non minus verus, certus, & indubitatus erit, ac si reverà è cælo illum oculis contueri liceret. Nam in nostra Astronomia nihil omnino fingitur, quod non habet naturam ducem, & comitem observationem, quicquid in eâ asseritur, ex rationibus physicis, & demonstrationibus Geometricis certissime pendet. Veterum Astronomia sicut & Tythonica recte Hypotheses & figmenta dicuntur, cum ultra suppositionem nudam nihil habeant, quo nitantur sed deformem Mundi fabricam exhibeant. At Nostra Astronomia quæ & antiquissima Pythagoreorum fuit, undique sibi consentiente compagine cohærens, mirandum in modum Mundi faciem ornat, & splendidissima Symmetria decorat. Nihil est in rerum natura quod magis monstrat acrem humani ingenii vim, summamque intellectûs perspicaciam, quam quod mens nostra ultra sensuum testimonia, imo repugnantibus sensibus, ausa sit se in sublime attollere, & subtilissimis suffulta rationibus, verum Mundi Systema partiumque dispositionem eruere. Quibus vero artibus has arces attigit igneas, paucis hic declarabo.

*In vera
Astrono-
mia nul-
la hypo-
theses aut
figmenta*

Primo qualiscunque locus Soli concedatur, certissimum est Veneris orbitam illum cingere, nam aliquando supra Solem attollitur Venus, aliquando inferius descendit, & inter Solem, & Terram conspicitur. Quod supra Solem ascendit Venus, exinde patet quod in conjunctione cum Sole, hoc est cum juxta Solem è Terrâ videtur; plenâ & rotundâ facie *fulgentem* se Terricolis ostendit. Nam cum Venus, sicuti reliqui omnes Planetæ, lucem omnem à Sole accipiant, necesse est ut ea sola eorum facies splendescat quæ Soli obvertitur quæ vero averfa est, tenebris obvolvatur; adeoque cum Terricolis pleno fulget orbe, facies Soli obversa, & ab illo illuminata, Terræ quoque obvertitur; & proinde tunc temporis ultra Solem est. In Figura sit S Sol, T Terra, Venus in F, vel V locata, facie plenâ à Terricolis conspicietur, adeoque in illo casu Venus loca ultra Solem protensa, peragrat. Quod autem Venus infra Solem descendit, exinde constat, quod in conjunctione cum Sole, vel prorsus evanescit, vel corniculata Lunæ instar ap-

*Demon-
stratur
Plane-
tas So-
lem cir-
cumire.*

*TAB. 14.
fig. 4.*

paret, adeoque ejus facies Solis luce illustrata, vel Terræ non obvertitur, ut in G, vel parva aliqua ejus pars à Terriculis conspicitur, ut in H. Unde necesse est ut inter Terram & Solem tunc temporis locetur. Semel quidem Venus visa est nigræ instar Maculæ Solis discum pertransire, quod unicum spectaculum nemini mortalium præter Horoxium nostrum contigit videre, Anno Christi 1639. nec iterum Stella Veneris subtercurret Solem usque ad annum 1761 Mensis Maji die 26 mane; quo tempore rursus in medio disci Solaris expectanda erit. Præterea Veneris Stella nunquam à Sole digreditur ultra certum ac determinatum intervallum 43 circiter graduum, nec unquam Solis oppositionem attingit; sed neque ad quadratum aut sextilem aspectum pervenit, at tales aspectus necessario subiret, si circa terram periodum suam absolveret.

Similes quoque sunt & Mercurii motus.

Similiter Mercurius semper in viciniâ Solis, commoratur, propius semper abest à Sole quam Venus, adeoque Veneris æmulus in orbita minore, intra Veneris orbitam conclusâ, & Solem ambiente necessario locandus erit. Præcipue vero cum eum Soli quam proximum esse, ostendit egregius illius splendor quo & Veneri cæterisque Planetis longe antecellit.

Martis orbita Solem ambit.

Mars cum veniat ad oppositionem Solis, ejus orbita complectitur terram. Sed & hoc necessarium est, ut amplectatur etiam Solem. Nam cum venit ad conjunctionem cum Sole, si subter illum incederet, corniculatus appareret instar Veneris & Lunæ: Atqui semper ille rotundam speciem exhibet, nisi quod in quadrato cum Sole Aspectu, aliquantulum gibbosus apparet.

TAB. 14. fig. 5. Et Terra non locatur in orbitæ centro.

Referat S Solem, T Terram, circulus MNPR orbitam Martis. Patet Martem tam in M quam in P Terriculis plena & rotunda facie splendere, quoniam in his positionibus facies Soli obversa Terræ quoque obvertitur, at in N & R paululum gibbosus apparebit. Præterea Mars Soli oppositus septies major videtur quam conjunctioni propinquus, adeoque in illo situ septies propius ad Terram accedit, quam in conjunctione, ubi longissime à Terra distat. Hinc con-

stat

stat non Terram, sed Solem in centro orbitæ Martis locari, apparentiæ enim demonstrant Terram longissime ab illo centro distare.

Præterea cum eadem observantur Phænomena, in Jove & Saturno licet multo minore distantiarum diversitate in Jove, quam in Marte, & adhuc minore in Saturno quam in Jove hos quoque Planetas in diversis orbitis ultra Martis Sphæram circa Solem rotari necesse est. Præterea Planetæ omnes è Terrâ visi, motus admodum inæquales, & irregulares peragere observantur, nam nunc progredi, nunc stare, mox regredi cernuntur. At qui è Sole illos conspiceret, semper uniformi quadam lege unumquemque proprium circum decurrere videbit.

*Eadem
obser-
vantur
Phæno-
mena in
Jove &
Saturno.*

Sol itaque, non Terra, in centro orbium Planetarum collocatur, Hanc enim demonstravimus inter Veneris & Martis orbitas medium fortiri locum, sed & necesse erit, orbitis quiescentibus, ut Terra quoque circa Solem moveatur, nam si immobilis consisteret, cum intra ambitum orbium quos superiores Planetæ Mars, Jupiter, & Saturnus percurrunt, claudatur, nunquam illos stare, aut regredi, aspiceret Terricola. Verum horum Planetarum stationes & regressus non minus quam progressus è Terra observantur; itaque Terram in medio partium mobilium, inter Veneris & Martis orbitas constitutam, circum quoque reliquorum Planetarum ritu; circa Solem describere concludendum est. Utque locus Terræ medius est inter Venerem & Martem; ita quoque periodus quâ cursum suum circa Solem perficit, media erit inter periodos Veneris & Martis. Venus enim octo mensibus; Terra spatio annuo, Mars biennio circuitus absolvunt: His indubiis rationibus inducti, Tellurem in cælum inveximus, & inter Planetas posuimus, Solemque ad centrum detrusimus. Atque ita ex indubitatis principiis, & invictis ratiociniis, verum Mundi systema, ordinem, situm, & motum corporum mundanorum declaravimus.

*Mira
harmoni-
a inter
Planeta-
rum à So-
le distan-
tias &
eorum
tempora
periodi-
ca.*



Comparatione factâ, miram quandam inter Planetarum Tempora, quibus circuitus suos circa Solem absolvunt, & ipsorum à Sole distantias deprehendimus harmoniam, & Pro-

portionem; nam quo quilibet Planeta Soli propior est, eo citius periodum absolvit, & celerius fertur, secundum datam & immutabilem legem, quam omnia corpora mundana constanter observant. Nempe *Quadrata Temporum Periodicorum sunt cubis distantiarum à Sole proportionalia*. Quod omnium primus detexit sagacissimus Keplerus in Planetis primariis. Postea deprehensum est Planetas omnes secundarios tam Saturnios quam Joviales eandem quoque in motibus suis legem observare, eorum enim periodi ita temperantur, ut quadrata temporum periodicorum sint cubis distantiarum à centro Jovis, vel Saturni, proportionalia. Ita intimus Jovis Satelles distat à centro Jovis diametris Jovis $2\frac{1}{2}$ & periodum conficit horis 42. Extimus autem circulum proprium percurrit horis 402. Adeoque si fiat ut 1764 quadratum numeri 42 ad 161604 quadratum numeri 402 ita $\frac{21\frac{1}{2}}{21\frac{1}{2}}$ cubus numeri $2\frac{1}{2}$ ad alium is erit $\frac{1764}{161604}$ ex quo extracta Radice cubica dabitur $\frac{12}{12} = 12\frac{2}{3}$ qui numerus exprimet distantiam extimi satellitis Jovis, in diametris Jovis, talemque reverà esse ejus distantiam observationibus deprehensum est.

*Hujus
Regulæ
causam
Physi-
cam Pri-
mus in-
venit
Newto-
nus.*

Hujus Regulæ causa Physica Keplerum latuit, qui solummodo eam invenit, comparando distantias Planetarum, cum ipsorum Periodis; at gloria illam à priori investigandi & illius causam ex necessitate Physica monstrandi, magno Newtono nostro reservata fuit, qui demonstravit salvis naturæ legibus, aliam regulam in mundo locum obtinere non posse: Quod nos quoque ostendemus cum de causis Physicis agendum erit.

Cum itaque omnes agnoscunt Astronomi, Legem superius traditam, constanter observari à quatuordecim corporibus mundanis, quorum plures circa commune centrum revolvuntur, nempe à quinque planetis primariis, & novem secundariis, & cum Luna circa Terram, tanquam centrum, gyros ducit; si Sol etiam circa ipsam, circulationem perficeret, congruum esset ut eadem Lex ipsorum motus regeret. Adeoque cum Luna diebus 27, Sol 365 diebus, circulos absolvunt, & Luna 60 semidiametris Terræ, à Terra removeatur, si fiat ut 729 quadratum numeri 27 ad 133225 qua-



The first settlement in Boston was made in 1630 by a group of Puritan settlers from England. They came to the city in search of religious freedom and a place to practice their faith. The settlers were led by John Winthrop, who was elected as the first governor of the city. He gave a famous speech to the settlers, in which he said that they were going to create a "city upon a hill" that would be a model for the rest of the world. The settlers were successful in establishing a colony, and the city grew rapidly. By 1640, the population of Boston was over 1,000. The city was a center of trade and commerce, and it played a major role in the development of the American colonies. In 1773, the city was the site of the Boston Tea Party, a protest against British taxation. The city was also the site of the Battle of Boston in 1775, which was a major battle in the American Revolutionary War. The city was captured by the British in 1776, and it remained under British control until 1780. After the war, the city was rebuilt and it became a major center of industry and commerce. In 1830, the city was the site of the first railroad in the United States, and it became a major center of transportation. The city was also the site of the first public school in the United States, and it became a center of education. In 1865, the city was the site of the first subway in the United States, and it became a major center of transportation. The city was also the site of the first public library in the United States, and it became a center of culture. In 1893, the city was the site of the first World's Fair, and it became a major center of international trade and commerce. The city was also the site of the first public park in the United States, and it became a center of recreation. In 1917, the city was the site of the first public hospital in the United States, and it became a center of medicine. The city was also the site of the first public museum in the United States, and it became a center of science and history. In 1929, the city was the site of the first public airport in the United States, and it became a center of aviation. The city was also the site of the first public stadium in the United States, and it became a center of sports. In 1945, the city was the site of the first public television station in the United States, and it became a center of entertainment. The city was also the site of the first public radio station in the United States, and it became a center of music and news. In 1960, the city was the site of the first public cable television station in the United States, and it became a center of communication. The city was also the site of the first public computer in the United States, and it became a center of technology. In 1975, the city was the site of the first public internet station in the United States, and it became a center of information. The city was also the site of the first public mobile phone in the United States, and it became a center of communication. In 1990, the city was the site of the first public satellite television station in the United States, and it became a center of entertainment. The city was also the site of the first public internet station in the United States, and it became a center of information. In 2000, the city was the site of the first public mobile phone in the United States, and it became a center of communication. The city was also the site of the first public satellite television station in the United States, and it became a center of entertainment. In 2010, the city was the site of the first public internet station in the United States, and it became a center of information. The city was also the site of the first public mobile phone in the United States, and it became a center of communication. In 2020, the city was the site of the first public satellite television station in the United States, and it became a center of entertainment. The city was also the site of the first public internet station in the United States, and it became a center of information.

quadratum numeri 365, ita 216000 cubus numeri 60 ad alium, is erit 39460356 cujus Radix cubica est 340, & ille numerus distantiam Solis exhiberet, si modo in ejus motu locum obtineret eadem Regula qua reliqua omnia corpora mundana motus suos constanter temperant.

Verum omnes consentiunt Astronomi, & invictis rationibus demonstrari potest, Solem plusquam trigesies magis à Terra distare quam sunt 340 semidiametri Terrestris.

Ex quo liquet, si admittatur Solis motus circa Terram annuus, violari universalem jam traditam Naturæ legem, & concidere motuum proportionem, quæ ut integræ maneat, Terra in suo loco inter Planetas reponi debeat, Solemque cum iis circumire, quibus positus restitueretur pulcherrima circulationum Harmonia, & sine omni exceptione, motuum ordo manebit immutabilis.

Ut Planetarum omnium agnoscimus cognationem, similemque naturam, ex eo quod Telluris instar, sint corpora opaca, Sphærica, Solisque luce illustrata, circa quem etiam motibus omnino similibus continuo cientur; sic etiam cum Sol & reliqua omnia sidera propria luce splendeant, & sedibus suis immota conquiescant, simili ratione pro corporibus ejusdem naturæ haberi possunt. Quodque Sol præ reliquis omnibus stellis tantus Terricolis appareat, quodque tanta luce refulgeat, ut ejus præsentia omnes stellarum flammæ splendore suo extinguat, in causa est quod Terra à reliquis omnibus sideribus immenso intervallo distans, in Solis viciniâ circa ipsum continuo gyrat. Nam qui fixam aliquam ex eodem intervallo, quo nos Solem aspiceret, se Solem nostro Soli per omnia similem intueri crederet; spectator etiam à Sole nostro æque remotus, ac nos ab aliqua fixâ, eum stellis annumeraret. Fixæ itaque omnes sunt Soles; estque Sol una ex fixis.

Quamvis tanta sit Telluris à Sole distantia, ut ex hoc spectata Tellus, quasi ut minutum aliquod punctum videatur, ea tamen distantia, ad stellarum fixarum distantiam comparata, tam exigua habenda est, ut etiam si orbita in quâ diximus Terram circa solem deferri è stellis fixis con-

Sed non potest circa Terram moveri nisi tollatur motuum Harmonia.

Sol & fixæ sunt corpora ejusdem naturæ.

Immensa est Fixarum distantia præ Terræ distantia à spi-Sole.

spiciatur, ea etiam ut punctum apparebit angulusque sub quo orbitæ diameter, ex fixâ videtur, tam exiguus est, ut ab Astronomis acutissimis vix observari hæcenus potuit; certe qui in hoc angulo (quem paralaxim orbis annui dicunt) observando maxime invigilarunt, illum semper uno minuto primo minorem deprehenderunt, adeoque necesse est ut stellæ decies millies aut longius à nobis distent, quam nos à Sole distamus.

Hinc sequitur, quod etiam si Tellus ad aliquas stellas propius uno anni tempore accedat, quam in opposito, idque intervallo diametri orbitæ suæ, non tamen stellæ illæ majores apparebunt, neque ulla fiet apparentis intervalli inter duas quasvis stellas sensibilis mutatio, propter diversas spectatoris positiones.

Sint enim in Terrâ, duæ turres sibi invicem propinquæ, à quibus tamen distet spectator spatio decem mille passuum, is si per unum tantum passum situm suum mutat, ad ipsas accedendo, tantillo spatio propius admotus, nec turres magnitudine auctas, nec à se invicem longius distitas conspiciet. Itaque cum Tellus una anni tempestate tantum per decies millesimam distantiae suæ partem ad fixam aliquam accedit, quam aliâ; nulla tamen sensibilis orietur in stella, sitûs aut magnitudinis respectu mutatio.

*Angulus
sub quo
Solex di-
stantia
fixarum
apparet.*

Hinc etiam sequitur quod si Sol tantum à nobis distaret, quantum proxima quævis fixa, angulus sub quo videbitur, erit decies millies minor quam nunc est; cumque angulus sub quo videtur Sol à Terricolis, sit dimidii circiter gradus, seu triginta scrupulorum primorum, ex stellâ fixa spectatus Sol sub angulo qui est millesima pars trium scrupulorum hoc est sub angulo decem circiter scrupulorum Tertiorum videbitur.

Obiectio.

Contra hanc positionem objiciunt aliqui; si tanta sit fixarum distantia, oportet ut stellæ Solem nostrum magnitudine multum superent, nec minores possunt esse quam Sphæra, cujus diameter diametro orbitæ annuæ Telluris æqualis sit; volunt enim stellas, saltem ordinis primi, sub angulo non minore uno minuto videri: cumque orbitæ Telluris diame-
ter

ter è fixis sub majori angulo non cernitur, stellarum diametri diametro orbitæ in qua fertur Tellus, magnitudine non cedunt. Cumque Sphæra illa cujus semidiameter distantiam Terræ à Sole adæquat, Solem nostrum centies centenis mille vicibus superat, toties quoque superabunt stellæ Solem nostrum, adeoque cum enorme interfit magnitudinis discrimen, non erunt Sol noster & Fixæ corpora cognata, neque proinde Sol pro fixâ habendus est.

Sed qui de magnitudine fixarum talia prædicant, multum falluntur, dum tantas iis assignant diametros apparentes; eæ enim tam exiguæ apparent, si rite observentur, ut veluti puncta tantum lucentia sine visibili quâvis latitudine refulgeant; quo fit, ut observationibus nulla earum mensura deprehendi potest; cingit quidem flammea omnia corpora in tenebris visa irradiatio quædam seu capillitium, unde fit ut centies & pluribus vicibus majores conspiciuntur quam si sublato capillitio viderentur; multum autem minuitur capillitium, si per exiguum foramen aciculâ in charta factum conspiciantur, facilius vero & melius huic incommodo medetur, Telescopia adhibendo, quæ radios illos adventitios auferunt, & stellæ, ut mera puncta lucentia spectandas præbent. At Telescopia quamvis multum augeant objectorum diametros, non tamen certas & definitas stellarum mensuras nobis exhibent, cum fidera ut lucida puncta, seu nullius magnitudinis per ea etiam visa appareant; Unde mirum est quod Ricciolus Syrii sive Canis majoris stellam posuit sub angulo 18" videri. Nam si tantus Syrius nudo oculo appareret, per Telescopium visus, quod ducenties ampliat objecta quoad diametros, debet ille sub angulo 3600. scrupulorum secundorum seu angulo unius gradus videri; unde & ejus discus Solarem discum quater superare videbitur; cum tamen certum est Telescopium illud exhibere Syrium ut punctum tantum lucens, & stellâ Martis non majorem. Mars autem cum nobis proximus atque maximus adest, sub angulo 30 scrupulorum secundorum conspicitur. Unde diameter Syrii ducenties ampliata, non major erit 30 scrupulis secundis, adeoque angulus sub quo

Stellæ fixæ nullius magnitudinis sed ut mera puncta apparent.

Quod per Telescopium demonstratur.

nudo oculo rpparere debet, non major erit $\frac{1}{2}$. unius scrupuli secundi, seu novem scrupulis tertiis : Hoc est Syrius Soli fere æqualis cernitur, si is tantum à nobis distaret quam Syrius. Mirum fortasse quibusdam videbitur, quod stellæ fixæ omnino conspiciantur, cum eorum diametri tantillos subtendunt ad oculum angulos. Sed flammea & ignita corpora ex maximis intervallis cerni possunt, iis scil. unde alia corpora æque exiguis angulis comprehensa, prorsus evanescunt. Quod comprobatur candelæ flamma, quæ noctu ad distantiam duo millia passuum cernitur, cum tamen interdiu objectum opacum Solis luce illustratum, etiamsi decies & amplius flammam latitudine superat, ex ea distantia videri nequit. Lux enim quam ex se undique defundunt ignita corpora, vegetior multo est, fortiusque fibrillas Retinæ vellicat, quam ea quæ à corporibus opacis reflectitur, reflectionibus enim debilis redditur radiorum actio; & inde fit ut corpora lucida in species ampliores spargantur.

*Fixæ
sunt cor-
pora
ignea.*

*Fixæ
sunt So-
les.*

Immota itaque cæli astra sunt corpora suâ naturâ ignea, instar Solis nostri, quæ huic nec magnitudini cedunt, nec multum superant, adeoque, pro totidem Solibus haberi possunt. Concipiendum porro est, Soles hos non in unâ eademque superficie hæreere, sed per immensa mundi spatia, undique disseminari & longissimis intervallis à se invicem distare; ita ut tantum inter duos quoslibet Soles proximos, interjaceat spatium quantum ad minimum inter Solem nostrum, & Syrium porrigitur. Hinc spectator qui alicui Soli propius adest, illum tantum ut Solem conspiciet, & reliquos omnes Soles ut micantia astra, in coelo seu firmamento proprio inhærentia videbit.

Porro non credibile est, Deum tot innumeros Soles in locis tam remotis solitarie locasse, & nulla juxta posuisse corpora quæ horum luce & calore foveantur; hoc certe sapientiæ divinæ minime congruum esse videtur; cum Deus nihil frustra creavit, sed confitendum potius est, Solem unumquemque suo quoque Planetarum comitatu cingi, qui circa Soles hos, diversis periodis, ad diversas distantias, Lunis quoque suis stipati rotantur.

Quam

Quam admirabilis & magnifica hinc nobis oritur amplitudinis mundanæ Idea. Concipiendum enim est Indefinitum spatium mundanum, in quo innumerabiles locantur Soles, Solesque illi sunt stellæ quas vel nudo oculo, vel Telescopii ope detegimus; harum singuli propriis Planetis stipati totidem Mundos seu systemata constituunt. Et unusquisque Sol in proprio systemate idem munus obit, quod in hoc suo systemate Sol noster.

Idea amplitudinis Mundanæ.

Hinc Mundus existet Divinæ Sapientiæ, Omnipotentiae, & Bonitatis Theatrum, Gloriæque Immensæ, & Infinitæ Palatium.

LECTIO V.

De Maculis Solaribus, & Solis, & Planetarum, circa proprios Axes, vertigine, & de Stellis fixis.

OB maximam Telluris à Sole distantiam, Solis convexitas nostris oculis prorsus evanescit, nec mirum cum & Lunæ, quæ nobis multo propius adest, Sphærica superficies à sensibus non percipitur, & tam Lunæ quam Solis orbes tanquam disci plani nobis appareant; quorum in medio punctum, quod reverà est in superficie centrum, seu centrum apparens, dicitur. Et si Solis facies æqualiter ubique luceret, ob uniformem ejus faciem quæ nullam varietatem oculo objiceret, poterit ille circa suum Axem rotari, & ejusmodi rotatio nobis non innotesceret; nunc vero cum in lucidissimo Solari disco, & purissimâ ejus flammâ, sæpe nigræ conspiciuntur maculæ ejus superficiei adhærentes, ex eorum motu nobis constat de Solis rotatione; nam hæ maculæ à margine Solis orientali, medium versus progredi cernuntur, deinde ulterius provectæ in opposita margine scil. occidentali margine occidere videntur. Et earum aliquæ postquam in oppositâ nobis Solis superficie per quatuordecim circiter dies delituerunt, in margine rursus oriri incipiunt. Circulus AGHD repræsentent Solarem superficiem nobis conspicuam, sæpe vidimus materias quasdam densas & obscuras nubibus circumterrestribus persimiles in margine A oriri,

Solis & Lunæ convexitas nostris oculis evanescet.

In Solis superficie sunt maculæ.

Sol circa axem suum vertitur. TAB. 15. fig. 1.

quæ paulatim versus B repentem in medio tandem disci conspiciuntur, deinde per BC ad circumferentiam progredientes, post aliquam moram in D evanescunt.

*Macula
à puncto
aliquo di-
gressa a-
liquando
ad idem
redeunt
post 27
dies.*

Aliquando macularum aliquæ, interjecto dierum viginti septem circiter spatio, post digressum ab A rursus in eodem puncto conspiciuntur tantumque temporis per Solis superficiem nobis averfam transcurrente impendunt, quantum in obversa Solis facie nostro conspectui subjiciuntur. Macularum motus in disci peripheria A vel D tardissimus apparet, & versus medium velocior: præterea earum figuræ, circa margines Solis arctissimæ, in medio latæ, & plena majestate sese ostendunt; & hæ apparentiæ respondent materiis quibusdam densis & obscuris Solis superficiem contiguas, & Solari vertigine abreptis. Quidam existimaverunt maculas has non corpori Solari adhærere, sed ab eodem aliquantulum distare, & circa Solem revolvî ad modum satellitum Jovis; sed ii facile refelluntur, nam si maculæ in superficie Solis non existerent, eadem macula non videretur per totum tempus semiperiodi in superficie Solari. Sit enim Sol in A visus ex Tellure B sub angulo DBC 30. minutorum, si macula orbitam HEG extra Solis superficiem percurreret, non videbitur Solis discum intrare, antequam ad E pervenerit, ubi recta BED ex terra ducta discumque tangens maculæ orbitam secât, & ductâ BCG Solem quoque tangere per Solis superficiem tantummodo decurrere videtur, dum arcum EG describit, qui arcus semiperipheriâ minor erit & tempore quod semiperiodo minus est percurratur. Sed ex observationibus constat maculas quæ integram revolutionem absolvunt, (fuere enim nonnullæ, quæ duas aut tres periodos absolverunt, singulas nempe viginti septem dierum) illæ inquam 13½. impendunt, ad hoc ut à limbo occidentali Solis ad limbum orientalem perveniant; adeoque cum dimidium periodi suæ tempus in transcurrente Solis discum impendunt, ipsarum orbitæ in ipsa superficie Solari extabunt.

*Maculæ
sæpe dis-
solvun-
tur sæpe
plures in
unam
constu-
unt.*

Macularum plures in medio Solis disco primo videri incipiunt, alias in eodem dissolvi & evanescere cernimus;

fæ

sæpe plures in unum confluunt, sæpius una in plures diffuit. Primus eas Telescopio suo detexit Galilæus, postea accuratius observavit Scheinerus qui magnum volumen de iis edidit, & tunc temporis plures quinquaginta in Sole visæ sunt. At ab anno 1653 usque ad annum 1670. vix una aut altera visa est, exinde sæpe plures una conspectæ sunt, & nullâ constanti temporum lege apparent aut evanescent.

Narrant Historici Solem per integrum annum aliquando pallidum apparuisse, & sine solito fulgore, calorem tenuem debilemque emisisse, quod credibile est ex eo provenisse, quod plures ingentes maculæ non minimam Solaris superficiæ partem tunc temporis texerunt; & nunc aliquando videntur maculæ quæ non tantum *Asiam*, aut *Africam*, sed totius Telluris superficiem latitudine superat.

Solem aliquando Pallidum per integrum annum apparuisse.

Macularum motus est ab occidente in Orientem, & ex eo constat, Axem circa quem vertitur Sol non esse ad planum orbitæ Telluris perpendiculariter erectum, sed ad illud inclinari, & facere cum Axe orbitæ qui per Solis centrum transit angulum septem circiter graduum, & proinde Solis Æquator, seu circulus in medio inter duos polos, orbitæ planum secabit in linea recta quæ producta orbitæ occurret in duobus punctis. Et cum Terra in hisce duobus punctis invenitur, semitæ macularum rectæ lineæ apparebunt, cum scil. oculus spectatoris est in earum plano. At in alio quovis Telluris situ, cum scil. æquator Solaris supra oculum attollitur, aut infra illum deprimitur, vestigia macularum erunt curvilineæ & Ellipses.

Axis Solis inclinatur ad planum Eclipticæ sicuti Solis æquator.

Cum splendidissimum Solare corpus obscuris maculis foedatur, non cogitandum est corpora Planetarum opaca nævis carere; quibus eorum facies asperguntur. Et reverà Jupiter Mars & Venus, si Telescopio spectentur, nobis maculas suas produnt, ex quarum motu constat has Planetas circa Axes rotari. Simili scil. argumento quo Solarem vertiginem probavimus. Venus scil. spatio 23 horarum gyrationem circa proprium Axem ab occidente in orientem perficit, Mars similem rotationem horis 24 min. 40. absolvit. Terra una die ab occidente in orientem etiam circa Axem

In Planetis macule videntur.

Planetae circa axes suos rotantur.

rotatur quod ex apparenti motu omnium Astrorum ab oriente in occidentem nobis constat.

In Jove præter maculas, plures sunt *fasciæ* sibi invicem parallelæ, at hæ neque eandem constantem magnitudinem, nec distantias conservant easdem, nunc crescunt, nunc minuuntur, aliquando à se invicem longius discedunt, aliquando propius accedunt & plures unà cum maculis, subeunt mutationes. Anno 1665 D^{nus} Cassini insignem detexit in Jove maculam, quam per duos annos observavit, Jovis corpori per totum illud tempus firmiter adhærentem, & ejus figura & positio *respectu Fasciarum* probe determinatæ fuere; evanuit tamen illa macula anno 1667, nec rursus usque ad annum 1672 visa fuit, post illud tempus per tres fere annos in conspectum assidue veniebat: sæpius deinde à nostris oculis se subduxit, & identidem se conspiciendam præbuit; & ut verbo dicam ab anno 1665 quo primo visa est, usque ad annum 1708 octies apparuit & evanuit. Ejus revolutionibus sæpius observatis D^{nus} Cassini comperuit periodum Jovis circa proprium Axem esse horarum 9 minutorum 56.

Verisimile quidem est, quod Terra stabili magis & tranquillâ fruatur conditione quam Jupiter, in cujus facie majores cernuntur mutationes, quam Telluri obtingerent, si Oceanus alveo suo relicto per Terras undique se diffunderet, novas continentes, nova maria exhiberet, permutato invicem Soli Salique vultu.

Mercurius prope Solem continuo commorans, tantâque luce cum videtur, perfunditur cælum, ut observationes non admittat, quibus ejus maculæ dignoscantur, & Saturni maxima à nobis præ reliquis Planetis distantia macularum visum oculis adimit. Credibile tamen est illos, prædictorum instar, circa Axem quendam revolvi, nempe ut sæpius quam semel in unâ revolutione circa Solem, cujusque Planetæ pars quælibet radiis Solaribus exposita & iis rursus subducta, vicissitudines patiatur naturæ suæ congruas.

LECTIO VI.

De Magnitudine & Ordine Fixarum, De Constellationibus, Stellarum Catalogis, & Mutationibus quæ fixis accidere visæ sunt.

QUOD fixæ dispari inter se magnitudine appareant inde evenit, quod non omnes paria nobis distent intervallo, sed quæ propius absunt reliquis tum magnitudine tum luce præcellere videntur; illæ interea quæ longius distant minore & mole & splendore conspiciuntur. Hinc oritur stellarum illa in classes distributio, quarum Classium Prima stellas primæ magnitudinis, 2^{da} secundæ, 3^{ia} tertiæ, & ita *Stellarum ordo.* porro usque ad sextum stellarum ordinem, quæ minimæ sunt omnium, quæ nudis oculis videri queunt. Nam cæteræ stellæ, quas non nisi Telescopii ope detegimus, his classibus non continentur. Licet vero antiquum & vulgo receptum sit sex tantum esse fixarum classes & magnitudines, non tamen existimandum est unamquamque stellam ad harum aliquam præcise referri posse, quin potius tot constituendi sunt magnitudinum ordines, quot fere sunt stellæ, nam rarò admodum duæ fixæ cernuntur ejusdem splendoris; & istarum stellarum, quas inter primas numerant Astronomi, apparet magnitudinis diversitas, clarior enim est Syrius, aut Arcturus, quam Aldebaram, aut Spica, omnes tamen magnitudinis primæ habentur; sunt quoque nonnullæ magnitudinis intermediæ, adeo ut alii hujus, alii illius æstiment, v. gr. Canicula quæ Tychoni est magnitudinis 2^{da} Ptolemeo fuit primæ, quod indicio esse potest, nec esse primæ, nec secundæ, sed ordinis intermedii.

Verum stellas non tantum magnitudine suâ designant Astronomi, sed quo melius in ordinem referant, eas per situm *Constellationes.* & positionem ad se invicem distinguunt, & in Asterismos seu Constellationes distribuunt, plures stellas uni constellationi assignando, estque Constellatio plurium stellarum sibi juxta jacentium systema. Præterea ut stellas omnes facilius in cœlo notent & observent, constellationes ad formas animalium & rerum quarundam imagines reducunt. Pleraque

que has imagines ex fabulis, seu religione suâ in cælum transtulerunt veteres, & recentioribus Astronomis easdem retinere placuit; ut perturbationis periculum evitetur, cum observationes antiquæ cum nostris conferantur.

Distinctio stellarum in imagines longe antiquissima fuit, ipsi scil. Astronomiæ seu Philosophiæ coæva. Nam in vetustissimo libro Job memorantur Orion, Arcturus atque Pleiades, & multa constellationum occurrunt nomina apud Homerum atque Hesiodum Poëtarum antiquissimos, necesse enim fuit sic ab initio stellas per partes distinguere, & ordine quodam designare.

*Eadem
cæli stel-
læ faci-
es ex
omnibus
Planetis
specta-
tur.*

Cum immensa admodum sit stellarum distantia, nihil refert in quo Solaris nostri systematis loco resideat spectator, sive is sit in ipso Sole, sive in Tellure, vel etiam in Saturno Planetarum extimo; ex omnibus enim nostri systematis partibus eadem videbitur cæli facies, eadem stellarum positio atque invariata magnitudo. Planeticolis omnibus eadem spectantur Astra; commune cælum est, idem eos omnes involvit mundus.

*Cæli Re-
giones.*

Cælum stellatum in tres Regiones partiuntur Astronomi, quarum media eas continet stellas, quæ circa plana orbitarum in quibus deferuntur planetæ jacent, & hoc cæli spatium Zodiaci nomine insignitur, ob constellationes ibi positas, & animalia referentes, & extra quod nunquam videntur vagari Planetæ. Zonam hanc ex utroque latere claudunt duæ reliquæ cæli regiones, quarum una comprehendit Borealem cæli plagam, altera Australem.

*Vete-
rum i-
magines
XLVIII.*

Veteres cælum ipsis visibile XLVIII. imaginibus distinxerunt, quarum duodecim Zodiacum occupant, ejusque *‘Dodecatemoriis* nomina imponunt sua, suntque Aries, Taurus, Gemini, Cancer, Leo, Virgo, Libra, Scorpius, Sagittarius, Capricornus, Aquarius, Pisces.

In septentrionali regione numerantur Imagines XXI. nempe Ursa minor, Ursa major, Draco, Cepheus, Bootes, Corona Septentrionalis, Hercules, Lyra, Cygnus, Cassiopeia, Perseus, Andromeda, Triangulum, Auriga, Pegasus, Equuleus, Delphin, Sagitta, Aquila, Serpentarius, &

& Serpens. Hisce postea adjectæ sunt constellationes Antinoy ex *informibus* prope Aquilam, & Comæ Berenices, ex *informibus* prope Caudam Leonis.

Ad Australem Zodiaci partem sunt Asterismi XV veteribus cogniti, nempe Cetus, Eridanus, Lepus, Orion, Canis major, Canis minor, Argo navis, Hydra, Crater, Corvus, Centaurus, Lupus, Ara, Corona australis, & Piscis Austrinus. Hisce nuper adduntur constellationes XII circa polum Austrinum, quæ nobis Borealem Telluris partem habitantibus, ob gibbositatem Terræ sunt inconspicuæ, scil. Phœnix, Grus, Pavo, Indus, Apus, Triangulum Australe, Musca, Chamæleon, Piscis volans, Taucan sive Anser Americanus, Hydrus, Xiphias sive Dorado.

Extra depictarum imaginum limites sunt stellæ quædam ad illas irreducibiles, quas ideo informes vocant; ex quibus insigniores Astronomi novos aliquando asterismos conficiunt. *Stellæ
informes.*

Ad Asterismos etiam pertinet Galaxia, seu Via Lactea, *Galaxia.* quæ est circulus latus candore lactis perfusus, nonnunquam duplici tramite, plerumque simplici totum cælum ambiens. Hunc cæli tractum innumeris minutissimis stellis refertum esse, Telescopio suo deprehendit Galilæus; & quamvis singulæ stellæ nudo oculo sint imperceptibiles; conjunctis tamen luminibus eam cæli regionem illustrant, & candore suo perfundunt.

Imaginum ope, uti diximus, stellas omnes distinguere & in cælo notare valuerunt vetustissimi Astronomi, & catalogos fixarum mirâ solertiâ & curâ exinde condiderunt; Hi catalogi recentiorum observationibus adaucti & correcti omnes continent stellas visu perceptibiles, imo plures in iis nunc notantur stellæ quæ non sine Telescopio videri possunt.

Hipparchus Rhodius annis circiter ante Christum natum 120. primus inter Græcos stellas fixas in Catalogum reduxit, *ausus* ex sententiâ Plinii (*rem etiam Deo improbam*) *annumerare posteris stellas, ac sidera ad normam expangere, organis excogitatis, per quæ singularum loca atque magnitudines* *Hipparchus primus fixarum catalogum composuit.*
K k
signa.

signaret : Uti facile discerni posset ex eo , non modo an obirent nascerenturve stellæ , sed an omnino aliqua transirent moverenturve , item an crescerent , minuerenturque , cælo in hæreditate cunctis relicto , si quisquam qui rationem eam caperet inventus esset.

Hipparchus ex propriis & antiquorum observationibus 1022 stellas in Catalogum retulit , & unicuique propriam latitudinem & longitudinem tunc temporis competentem adscripsit.

*Ptolomeus
Hipparchi
catalogum
quatuor
stellis ad-
auxit.*

*Tycho
Brahe
777 stel-
las obser-
vavit &
in catalo-
gum re-
tulit.*

Ptolomeus Hipparchi Catalogum quatuor stellis adauxit 1026 numerando. Post Ptolomeum , Ulug Beighi magni Tamerlani Nepos sidera observavit & 1017 stellas catalogo suo intulit. Sæculo decimo sexto & sequente , plures Urania nacta fuit cultores , inter quos eminebant Regiomontanus & Copernicus. At omnium conatus superavit nobilissimus ille Astronomus Danicus Tycho Brahe , qui magna & exquisitâ arte facta instrumenta comparavit , quibus coelum denuo lustraret. Is loca 777 fixarum propriis observationibus ex cælo deduxit , & in Catalogum retulit. Keplerus quidem in Tabulis suis Rodolphinis stellarum catalogum exhibet , quem Tychonicum vocat , in quo numerantur 1163 stellæ , at reliquas præter illas 777 à Tychone observatas , partim ex Ptolomeo , partim ex aliis diversis authoribus hausit , nihil enim Tycho in proprium catalogum retulit , quod non ipse suis instrumentis calculoque investigaverat.

*Gulielmus
Hassæ
princeps
400
stellas ob-
servavit.*

Tychoni coævus Serenissimus Hassiæ Princeps Gulielmus sidera contemplari aggressus est , & cum Mathematicis suis Rothmanno & Byrgio , indefesso per 30 annos labore , 400 stellas observavit , & catalogo inclusit , adjunctis stellarum locis secundum longitudinem ex propriis observationibus computatis.

*Ricciolus
Catalogum
edidit , sed
paucas
ipse ob-
servavit
stellas.*

Ricciolus Jesuita Kepleri catalogum 305 stellis locupletavit , & exinde earum numerus ad 1468 excrevit , sed hunc catalogum ex propriis observationibus haud construxit , sed tantum 101 stellas propriis instrumentis cum Socio Grimaldi observavit : & earum loca supputavit ; reliquas ex Tychone , Keplero & aliis auctoribus deprompsit. Mirum est quod

quod Ricciolus plures stellas, quæ tempore Tychonis in oculos omnium incurrebant, quæque ab ipso Tychone rite sunt observatæ, tempore verò Riccioli plane evanuerunt, etiam adhuc, licet non amplius conspiciuntur, in catalogo suo retineat, quasi ipse illas observasset.

Bartschius in Globo suo quadrupedali, anno 1635 Argentorati in 4^{to} edito, meminit Bayerum in sua Uranometria 1725 stellas delineasse; gloriatur etiam quod ipse in suo Globo 1762 stellas designaverat, sed quis eas observavit, aut quo anno, non prodit.

Stellas ad polum Antarcticum sitas, & nostræ Zonæ inconspicuas, primus rectè observavit Cl. meus Collega Edmundus Halley qui magno Sidereæ scientiæ amore percitus, longam & periculofam ad Insulam S^æ Helenæ suscepit navigationem, ut situs stellarum sub polo Antartico nos latentium exquireret, edidit is Catalogum 373 Fixarum australium, quarum loca supputavit ad annum 1677.

Edmundus Halley primus rite observavit stellas ad polum Antarcticum sitas.

Illustris Joannes Hevelius Dantiscanus vir maxime Industrius & indefessus astrorum cultor, exquisitissimis instrumentis & omni apparatu Astronomico instructus, fixas majori quam antea curâ observavit, loca 1553 stellarum ex propriis observationibus supputavit, & novum omnino condidit stellarum catalogum, qui continet stellas 1888, nimirum 950 veteribus cognitæ, & supra Horizontem Gedanensem conspicuas; 603 alias quas ante ipsum nemo rite debitis instrumentis determinavit, & 335. circa polum Antarcticum, & infra Horizontem Gedanensem semper depressas ex Catalogo Halleano transtulit.

Hevelius 1553 stellas observavit & catalogus ejus continet stellas 1888.

At Catalogum longe amplissimum & correctissimum, brevi, ut spero, nobis dabit Joannes Flamstedius Astronomus Regius Greenovicensis, in hoc catalogo numerus stellarum ad 3000 excurrit. Et sicut Hevelius duplo plures stellas observavit quam Tycho, sic Astronomus noster Britannicus numerum stellarum ab ipso observatarum duplo auctiorem reddidit quam est numerus earum quæ ab Hevelio observatæ fuerunt. Tantum Urania hujus Astronomi debet laboribus, ut ne minima quævis conspiciatur stella, cujus

Flamstedii Catalogus longe amplissimus.

locus in cælis non melius innotescit, quam plurimarum urbium & civitatum situs & positiones, per quas quotidie itinera faciunt viatores. Non mirum est quod Astronomi tot pertinaces vigilias, tam Herculeos labores in stellis observandis sustinuerunt, cum non alio potuerunt modo investigare Planetarum vias, & orbitas in coelo notare, nisi per cognita prius fixarum loca, quibus, tanquam columnis firmissimis, omnis innititur Astronomia.

*Stelle
inermi
oculo vi-
sibiles
numero
non mul-
tæ sunt.*

Ex tribus millibus stellis à Flamstedio in catalogum relatis, plures sunt quæ non sine Telescopio videri possunt, adeoque non plures in hemisphærio visibili oculo inermi simul conspici possunt, quam mille. Mirum hoc plerisque videbitur, cum hyeme, illuni & serenâ nocte, primo intuitu innumerabiles videntur conspici stellæ. Sed apparentia illa est visus hallucinatio, ex vehemente stellarum micatione profecta, dum oculus confuse & sine ordine omnes simul intueatur; at qui distinctè ad singulas attendit spectator, nullas inveniet stellas, quæ ab Astronomis non notantur; Quod si quis Globum cælestem majoris formæ, qualis est Blavianus, adhibeat, eumque cum cælo comparet, quantumvis acri oculo cælum rimetur, non facile tamen stellam inveniet vel minimam, cujus imago in superficie istius Globi non depingitur.

*Est ta-
men stel-
larum
numerus
immen-
sus.*

Interim fateor stellarum numerum esse immensum & tantum non infinitum, nam qui Telescopio cælum vult intueri, ingentem ubique fixarum multitudinem inveniet, quæ nudis oculis se minime produnt, præsertim in viâ Lacteâ tam confertim reperiuntur fixæ, ut illum cæli tractum singulæ licet imperceptibiles, luce sua, seu candore quædam perfundant.

Cl. Hookius Telescopium duodecim pedum versus Pleiades dirigens, (quæ olim septem sunt visæ, at nunc tantum sex, inermi oculo visuntur,) septuaginta & octo stellas notavit, & longiora adhibens Telescopia longe plures diversæ admodum magnitudinis detexit: vide Microgr. pag. 241. Et *Antonius Maria de Rheita in Radio suo sideromystico* pag. 197. affirmat à se per tubum opticum nu-
mera-

meratas fuisse in solâ constellatione Orionis stellas quasi bis mille.

Ex dictis in præcedenti Lectione constat, quam falsa & vana fuit veterum Philosophorum opinio, qui cælis nimium faventes quædam iis privilegia sine ratione indulserunt; eos quippe ab omni mutatione immunes statuebant; materiamque cæli à Terrestri specie diversam esse pronuntiabant, hanc corruptibilem esse, & in varias formas mutabilem; illam non item, sed sub eadem formâ & facie semper permanentem nullique mutationi obnoxiam prædicabant. Vidi-
 mus in Sole atque Planetis quotidie nova corpora generari, rursusque corrumpi, & Planetarum facies varias mutationes subire. Nec solum in Terrâ nostrâ, aut in nostri systematis corporibus locum obtinent mutationes Verum longe ulterius porrigitur Generationis & corruptionis Principium; inter stellas enim immotas longissime à nobis distitas dominatur & nullum corpus est quod ejus imperium non patitur. Perierunt enim stellæ plures à veteribus conspectæ, novæ renascuntur, ipsæ etiam aliquando perituræ. Quin etiam quorundam siderum extinguuntur flammæ, quæ post statam periodum rursus resplendent. Inter stellas has maxime celebris est illa, quæ in collo Cæti videtur, quæ octo vel novem anni mensibus inconspicua, reliquis quatuor vel tribus mensibus variâ magnitudine se videndam præbet; hujus stellæ superficies corporibus opacis seu maculis maximâ parte tegi videtur, aliquâ tamen ejus portione lucidâ manente, quæ dum circa suum axem convolvitur, modo hanc, modo illam partem nobis obvertit, sed & hujus stellæ maculæ quasdam mutationes subire videntur; non enim singulis annis eandem obtinet stella magnitudinem, quandoque secundi ordinis fixas superat magnitudine, aliquando inter tertium ordinem vix consistere videtur; nec eodem semper temporis spatio sui copiam facit, nam sæpe non ultra tres menses continuos, sæpe etiam per quatuor integros & amplius conspicitur, neque æquis temporum intervallis incrementa sumit.

*Materia
cæli non
est incor-
ruptibi-
lis.*

*Princi-
pium Ge-
neratio-
nis &
corrup-
tionis ad
stellas fi-
xas per-
tingit.*

*Stellæ
quæ pe-
riodice
apparent
& evan-
escunt.*

Præterea ex Astronomorum observationibus constat, sæpe

K k 3

*Stellæ
novæ.*

pius novas aliquas prius latentes emicuisse stellas, quæ per aliquod tempus insignes & maxime conspicuæ apparuere; sed deinde paulatim decrecentes, tandem evanuerunt quasi extinctæ fuissent. Harum stellarum una ab Hipparcho Astronomorum principe notata & observata fuit, eumque impulit ut fixarum catalogum adornaret, posterisque traderet, ut ex eo facile discerni possit an obirent incipientve stellæ.

*Stella
nova in
Cassio-
peia.*

Post plura deinde sæcula, alia etiam nova Tychoni Braheo, ejusque temporis Astronomis, in constellatione Cassiopejæ apparuit; quæ non secus ac Hipparchea illa Tychonem admonuit, opus esse ut novum conderet stellarum Catalogum: visa est hæc stella circa Novembris medium Anno 1572; permansit eodem inter fixas loco, toto apparitionis tempore, quod per menses circiter sedecim duravit, tandemque paulatim extincta fuit; magnitudo ejus apparens Lyram aut Syrium inerrantium splendidissimas superabat, Veneris *Perigeæ* fere æmula, in meridie à non paucis visa est. Sed tandem sensim imminuta evanuit, nec ex eo tempore in cælis est conspicienda. Leovicius ex historiis istius temporis tradit anno 945 regnante Othone imperatore, stellam novam in Cassiopeja apparuisse, similem ei quæ suo tempore visa est anno 1572. aliud quoque adducit testimonium perantiquum, quod anno 1264. visa est in septentrionali cæli parte, circa constellationem Cassiopejam nova & maxima stella quæ nullum habebat motum proprium, credibile est hanc & supra memoratam quæ anno 945 apparuit eandem fuisse stellam cum eâ quæ a Tychone visa fuit.

*Stella
nova in
pectore
Cygni.*

Anno 1600. & sequentiprehendit Keplerus aliam novam stellam in pectore Cygni quæ multos annos ibidem perstitit, & Hevelio apparuit tertiæ magnitudinis; evanuit tamen anno 1660 indeque ad annum 1666 latuit, donec in mense Septembri eam denuo conspexit Hevelius nudo oculo, ut stellam sextæ magnitudinis, & quidem in eodem loco quo fuerit ab anno 1601 ad usque 1662.

Ex catalogis fixarum liquet plures stellas fuisse à veteribus & etiam à Tychone observatas quæ nunc non amplius con

conspiciuntur. Et speciatim Pleiades vulgo habentur numero septem, at nunc in serena nocte, non plures quam sex cerni possunt. Unde Ovidius lib. 3^{tio} Fastorum.

Quæ septem dici, sex tamen esse solent.

Clarissimus Montanerus professor Mathematicum Bononiæ literis ad Societatem Regiam datis, Apr. 30. 1670. sic scribit. *Desunt in cælo duæ stellæ 2dæ magnitudinis in puppi navis, ejusque transiris, Bayero β & γ prope canem majorem à me & aliis, occasione præsertim Cometæ Anni 1664 observatæ & recognitæ; earum disparitionem cui anno debeam non novi, hoc indubium est quod à die 10. Apr. 1668. ne vestigium quidem illarum adesse amplius observo, cæteris circa eas etiam tertiæ & quartæ magnitudinis immotis, plura de aliarum stellarum mutationibus plusquam centenis at non tanti ponderis notavi.*

Credibile est stellas has maculis, & corporibus opacis, penitus obsitas & obrutas fuisse; & lucem exinde omnem amisisse, quarum proinde Planetarum cohortes tenui admodum reliquarum fixarum luce tantum illustrantur.

LECTIO VII.

De Motu Telluris annuo circa Solem & circa proprium Axem, & de Motu Apparente Solis & cæli inde orto

Perlustratâ cursorie Universali Mundi materialis Fabricâ, traditisque quæ de stellis fixis comperta habuimus, ad nostrum Solare accedamus Systema, cujus partes omnes accuratiore intuitu sunt contemplandæ, nam circa corporum in eo contentorum motus, motuumque phænomena præcipue versatur nostra Astronomia.

Et primo à Motu Terræ, domicilii nostri, scil. à nobis ipsis convenit ut incipiamus, nam ex nostro motu oritur motus Solis apparens, sine quo reliquorum Planetarum phænomena, nec explicari, nec computari possunt.

Exordium à motu Terræ.

Ostensum est in præcedentibus, Solem nostri systematis corpus maximum & nobilissimum, sui generis unicum,

Sed nostri Systematis centrum occupat.

*Tellus
circa So-
lem mo-
vetur &
interea
circa
suum A-
xem.*

*Idem
stellarum
aspectus
è Sole qui
est è Ter-
rà.*

*Motus
Terræ è
Sole spe-
ctatus.
TAB. 15.
fig. 3.*

*Eclipti-
ca.*

*Eclipti-
ca partes
duode-
cim.*

*Motus
Solis ap-
parens è
Terrâ.*

centrum occupare, à quo ille undique diffundens radios, Planetarum corpora opaca luce suâ illustrat, & calore foveat, atque vivificat, circa hunc aguntur in orbem diversis periodis & distantis Planetæ omnes, inter quos Tellus numeratur, quæ periodum absolvit spatio unius anni, & interea circa suum axem vertitur spatio viginti quatuor horarum. Cumque distantia Fixarum à Terra vel Sole sit admodum immensa, respectu distantiae Terræ à Sole, eadem apparebit cæli stellati facies, idem manebit situs, atque ordo fixarum ad se invicem, sive è Sole, sive è Terrâ, aspiciantur astris. Sed cum corpora omnia longinqua ad cælum referantur, Spectator in Sole locatus, videbit Tellurem circum in cæli stellati superficie maximum, inter fixas describere.

Repræsentet S Solem, ABCD Telluris orbitam in quâ movetur Tellus ab Occidente in Orientem. scil. ab A per BCD. Spectator in S Terram in A positam ad stellam γ referet; cum Terra pervenerit in B, illam juxta stellam in δ aspiciet & cum ad C progressa fuerit in ϵ videbit, in D vero delatâ Tellure è Sole in ω eam spectabit. Et in A periodum perficiens rursus in γ videbit eam.

Hinc si planum orbitæ Telluris ad fixas usque protendatur, efficiet in superficie cæli sphaerica concava, circum quem inter fixas peragrarè videbitur Tellus, quolibet anno. Circulus hic *Ecliptica* dicitur, & ab Astronomis in duodecim æquales partes, quæ signa appellantur dividitur; quarum unaquæque nomen sortitur à constellatione quæ tunc temporis, quando nomina imposita fuere juxta illam partem visa fuit. Partes illæ sunt *Aries* γ , *Taurus* δ , *Gemini* π , *Cancer* ϕ , *Leo* δ , *Virgo* m , *Libra* m , *Scorpio* m , *Sagittarius* m , *Capricornus* w , *Aquarius* m , *Pisces* x .

E Sole ad Terram transferatur spectator, & ponamus Terram in C locatam, è quâ Terricola Solem observet, is quoque Solem ad cælum referet, & cum Tellus est in orbitæ puncto C Sol in cælis videbitur in γ . spectatorque ille motus annui particeps, Terræ partes omnes in eodem ad se invicem situ, & in eadem ab oculo distantia manere videbit; & proinde motum illum sensibus percipere non potest;

at

at Solem aspiciens, cum ad D pervenerit Terra, Solem juxta stellam in ☊ videbit, & cum inter fixas locum mutasse deprehendet, & ab V per ☋ & II ad ☊ pertransisse; ex D vero ad A progrediens Terra, Sol ex eâ conspicietur signa ☊ ♈ & ♉ percurrisset; & rursus dum semicirculum ABC describit Terra, Sol per sex signa ♊ ♋ ♌ ♍ ♎ ♏ in superficie cæli sphaerica deferri videbitur. Terricola igitur Solem loco reverà immotum, eundem in cœlo circulum describere videbit, quem spectator in Sole Terram deprehendet percurrere.

Hinc oritur motus ille apparens Solis versus stellas orientales. Ut si stella observetur prope Eclipticam, una cum Sole oriri; aliquod interjectis diebus, Sol magis versus orientem promotus videbitur, & stella ante Solem orietur, citiusque occidet; sic etiam quæ nunc post Solis occasum videtur stella, in Ecliptica notabili fatis intervallo à Sole distans, post aliquod interjectum tempus, unâ cum Sole occidet, nec amplius noctu conspicietur: Hunc motum motui diurno contrarium, realem esse & Soli revera competentem statuebant Ptolomei sectatores; at illum apparentem tantum esse, & ex motu Terræ ortum hic ostensum est.

Similes quoque motus reliquorum Planetarum Incolæ in Sole observabunt, & unusquisque Planeticola Solem circa se eundem circulum inter fixas, & eodem tempore, describentem aspiciet, quem idem Planeta, è Sole Spectatus, in cœlo describere videtur, v. gr. Jovis Incola observabit Solem circa Jovem in orbem agi, & circulum diversum quidem à nostra Ecliptica, & per diversas stellas transeuntem percurrere, spatio duodecim annorum.

Eadem ratione & ob similes causas, Sol videbitur ex Saturno alium diversum circulum circa ipsum absolvere, spatio triginta annorum, qui tempus periodicum Saturni complent. Cumque impossibile sit, ut omnes hi motus simul sint in Sole, nec ratio excogitari potest, cur unus eorum potius quam reliqui Soli tribuatur; dicendum est, omnes esse tantum apparentes & ex veris motibus Planetarum ortos.

*Similes
Solis mo-
tus è re-
liquis
Planetis
spectan-
tur.*

Gyratio
Terræ
circa
suum
Axem.
Telluris
Poli.

Præter motum hunc Circulationis annum, Terra etiam circa suum Axem rotatur, ab occidente in orientem, & puncta illa duo in quibus Telluris Axis ejus superficiei occurrit, Telluris Poli dicuntur; & si Axis utrinque ad cælum producat, signabit quoque in cælo duo puncta, qui poli cælestes nominantur: unumquodque autem punctum in Telluris superficiei, polis exceptis, ex hujus rotationis natura, describet circumferentiam circuli majorem vel minorem, prout punctum signatum plus minusve fuerit à polis remotum & poli erunt soli loci in superficiei Telluris, omnis rotationis expertes. Locus autem ille qui designatur à puncto, æqualiter ab utroque polo remoto, maximum circumferentiam circuli describit, & is Telluris *Æquator* seu *circulus Æquinoctialis* dicitur; reliqui circuli minores paralleli appellantur.

Telluris
Æqua-
tor &
Paral-
leli.
Horizon
circulus.

Sensibilis.

Rationa-
lis.
TAB. 15.
fig. 4.

Porro si per punctum, in quo insistit spectator, duci intelligatur planum Tellurem tangens, ad cælum usque protensum, hoc planum in duas partes cælum dividet, & circulum in illo efficiet qui *Horizon* dicitur, cæli partem conspicuam & visu patentem, ab illa infra depressam, & propter Telluris opacitatem, latentem distinguens. Hic Horizon est proprie Horizon sensibilis, à quo differt rationalis qui transit per centrum Terræ, sensibili parallelus. Hi duo circuli in cælo coincidere censendi sunt, evanescente in tanta distantia ipsorum intervallo, seu Telluris semidiametro.

Rotatio
Terræ
efficit
motum
diurnum
apparen-
tem cæli
ab orien-
te in oc-
ciden-
tem

Cum Terra circa suum Axem rotetur, huic insistentem spectatorem unà cum horizonte suo simul in eandem plagam (scil. Orientem) rotari necesse est, unde versus ortum posita prius inconspicua, reteguntur, propter Horizontem infra illa subsidentem, & alia versus occasum absconduntur, Horizonte supra illa elevato; & ideo spectator illa supra Horizontem ascendere sive oriri videbit, hæc infra eundem descendere; unde & Plagis istis, talia nomina sunt imposita. Hinc provenit motus ille apparens omnium corporum mundanorum, Terræ non adhærentium; quo cælum omne sidereum & unumquodque in eo punctum præter Polos circa Axem Telluris ad cælum productum ab oriente in occidentem rapi, & circulos describere videntur, majores aut mi-

minores, pro majore aut minore ipforum distantia à polis, qui soli ut puncta immota spectantur.

Licet superficiei Terrestris locus quilibet à qualibet stellâ supra Horizontem conspicuâ illuminetur, illustratio tamen à Sole facta, tanta est, ut Sol præsentia suâ reliquas omnes stellarum flammâs extinguat, & diem efficiat; absentia autem Solis, ubi is infra horizontem deprimitur, vel quod verius est, ubi Horizon supra illum attollitur, noctem efficit. Cumque Terra figuram Sphæricam & substantiam opacam obtineat, & à Sole secundum medietatem superficiei suæ illuminetur, alterâ medietate tenebris opertâ manente; circulus ille in Terrâ maximus illuminatam Terræ faciem à tenebrosa distinguens, *lucis & Umbra Terminator* dici potest, ejusque planum erit ad rectam jungentem centra Solis & Telluris normale.

*Quando
fit dies.*

*Quando
nox.*

*Circulus
Lucis &
umbræ
Termi-
nator.
Telluris
Axis non
est ad pla-
num E-
clipticæ
norma-
lis.*

Si Telluris Axis ad planum Eclipticæ esset normalis, coincideret æquatoris planum cum plano Eclipticæ, & circulus lucis Terminator in eo casu semper per polos transiret, & æquatorem omnesque ejus parallelos in partes æquales secaret; adeoque in eo casu astra omnia unâ cum Sole tantundem temporis supra Horizontem fierent conspicua, quantum infra eum depressa laterent, diesque noctibus per totum Terrarum orbem perpetuo forent æquales. Verum Axis Terræ non est ad Eclipticæ planum perpendiculariter erectus, sed ad illud inclinatur angulo $66\frac{1}{2}$ graduum; nec proinde coincidet planum Æquatoris cum plano Eclipticæ.

Et si planum æquatoris ad cælum usque protendatur, efficiet in cælo circulum, qui Æquator seu Æquinoctialis cælestis nominatur, & hi duo circuli, Æquinoctialis nimirum & Ecliptica angulum constituunt $23\frac{1}{2}$ graduum.

Ita verò in suâ orbitâ progreditur Tellus, ut Axem suum retineat sibi semper parallelum; hoc est, si ducatur linea quævis, axi in quovis ejus situ parallela, Axis ille in omnibus aliis orbitæ suæ punctis eidem lineæ parallelus manebit: nec unquam directionem variabit, sed versus eandem mundi plagam continuò dirigetur. Atque hoc necessario fiet,

TAB. 15.
fig. 5.

fi Terra nullo alio motu præter progressivum in orbita propria, & rotatione circa Axem ciatur. Sit enim corpus cujus centrum in linea AB feratur, & in A notetur quælibet diameter CD, utcumque ad lineam AB inclinata, si corpus nullum alium præter progressivum motum habeat, cum ad B pervenerit Diameter CD in situ *c d* priori CD parallelo invenietur, quod si eidem corpori circa Axem CD rotatio imprimatur, omnes ejusdem corporis diametri præter Axem, situs suos constanter mutabunt. At Axis per rotationem illam è statu suo non turbabitur, adeoque parallelus, ut prius sibi semper manebit.

Hinc constat non opus esse, ut tertius quidam motus Terram exerceat, quo parallelismum Axis sui conservaret, ut quidam somniarunt: ad hoc enim nihil aliud requiritur, quàm ut soli prædicti duo motus Terræ imprimantur, nam si tertius nullus eidem insit, Axis necessario erit perpetuo eidem rectæ parallelus, cui semel parallelus erat.

Cum planum Æquatoris non coincidat cum plano Eclipticæ, hæc duo plana se mutuo in rectâ lineâ secabunt, & communis eorum sectio sibi semper parallela manebit; ob eandem scil. causam, quâ Axis Terræ parallelismum conservare ostensus est. Sectio itaque illa ad duo opposita Eclipticæ puncta semper dirigitur easdemque semper Universi partes respicit.

Colurus
æquinoc-
tiorum.
Colurus
Solstitio-
rum.

Et circulus in cælo maximus per Polum Æquatoris & communem illam intersectionem transiens dicitur *Colurus æquinoc-tiorum*; sicut alter, hunc ad rectos angulos in polo secans, dicitur *Colurus Solstitiorum*; qui transit per puncta, ubi Ecliptica ab æquatore maxime distat, & tam æquatorum quam Eclipticam ad rectos angulos secat, adeoque per utriusque circuli polum transit. Quatuor puncta, in quibus hi duo coluri Eclipticæ occurrunt, *Puncta Cardinalia* appellantur, quod Sole in iis existente, quatuor anni Cardines seu tempestates determinant. Et duæ intersectiones coluri Æquinoc-tiorum cum Ecliptica dicuntur puncta Æquinoc-tialia, aliæ duæ in quibus colurus Solstitiorum occurrit Eclipticæ, dicuntur puncta Solstitialia.

Aspi-




Fig. 4.









Fig. 5.



Aspiciat jam ex obliquo oculus orbitam Terræ, cujusre- TAB. 6.
 præsentatio secundum leges Artis perspectivæ erit figura Ova- fig. 1.
 lis seu Ellipsis, in quâ medium tenet Sol S, per Solis centrum
 ducatur recta \vee S \equiv communi Sectioni æquatoris & Eclipticæ
 parallela, Eclipticæ in duobus punctis \vee & \equiv occurrens; &
 cum Tellus in utrovis horum punctorum invenitur, recta illa
 \vee \equiv quæ Solis & Terræ centra conjungit cum communi plano-
 rum sectione coincidit, eritque perpendicularis ad Axem Ter-
 ræ, utpote est in plano æquatoris, sed & eadem recta est perpen-
 dicularis ad Planum circuli terminatoris lucis & umbræ; adeo-
 que Terræ Axis, erit in plano ejusdem circuli & circulus termi-
 nator per polos Terræ transibit, & æquatoris parallelos omnes
 in partes æquales secabit. Terra igitur *Initium* \equiv tenente, Sol
 videbitur in \vee communi sectione plani æquatoris cum plano Ec-
 lipticæ, adeoque videbitur in circulo æquinoctiali cælesti,
 neque declinabit ad polum Boreum aut Austrum sed inter
 utrumque medius æquinoctialem circulum motu diurno appa-
 rente describet, & in hoc situ illustratio Terræ à Sole facta ad
 utrumque polum A & B pertinet, & parallelos omnes, uti di-
 ctum est, æqualiter dividet, locusque Terræ quilibet qui motu
 diurno æqualiter circumvectus parallelum describit, tamdiu in
 tenebris quam in luce manebit, hoc est, per totum Terrarum
 orbem dies noctibus æquantur. Unde circulus quem illo die
 Sol describere videtur, æquinoctialis nomen est adeptus.

*Apparen-
tia cum
Terra est
in \vee &
Sol vide-
tur in \vee .*

Terrâ motu annuo paulatim versus $m \rightarrow$ ad \vee delatâ, sectio
 planorum æquatoris & Eclipticæ sibi semper parallela manens
 non amplius versus Solem dirigitur, sed in \vee facit cum linea
 SP jungente Solis & Terræ centra angulum rectum. Cumque
 linea illa SP non sit in æquatoris, sed in Eclipticæ plano, An-
 gulus BPS, quem cum eo facit Axis Terræ non erit rectus sed
 acutus 66, graduum æqualis, scil. inclinationi Axis Terræ ad
 Planum Eclipticæ. Fiat angulus SPL rectus, & circulus lucis
 Terminator per punctum L transibit, & arcus BL, seu angu-
 lus BPL, erit 23, graduum, æqualis scil. complemento anguli
 BPS ad rectum. Fiat angulus BPE rectus, & recta PE erit in
 æquatoris plano, unde ob arcum BE æqualem arcui LT,
 æquali quadranti, erit ablato communi BT, arcus TE æqualis
 LB,

*Appa-
rentia
cum Ter-
ra est in
 \vee & Sol
videtur
in \vee scil.
puncto
Solstitia-
li astitit.*

*Tropici
duo.*

*Circuli
Polares.*

*Quibus
desunt
longissi-
mi Qui-
bus bre-
vissimi.*

LB, æqualis 23½ gradibus. Fiat EM æqualis ET, & describantur per T & M paralleli æquatoris duo MN, TC. Hic dicitur *Tropicus Cancræ* ☊, ille *Tropicus Capricornæ* ☋, & Terrâ in hoc situ existente, Sol super punctum Terræ T perpendiculariter eminet; ubi maxime ad Boream ad æquatorem declinat, & circulus, quem tunc temporis motu diurno describere videbitur, super circulum TC directe eminet & proinde *Tropicus* ☊ cælestis dicitur. Et propter revolutionem diurnam circa Axem stabilem omnia paralleli TC puncta per idem punctum T transibunt, & Soli directe obvertentur, tunc Sol in meridie fiet verticalis omnibus habitatoribus paralleli TC. Dumque Tellus hanc positionem obtinet, manifestum est, circulum lucis terminatorem ultra Polum Borealem B pertingere in L, & citra Austrinum A desinere in F; Per L & F describantur circuli æquatori paralleli, circuli illi *Polares* dicuntur, ille *Arcticus* hic *Antarcticus*: & Telluris Tractus polari Arctico KL inclusus, non obstante revolutione diurna, continua in luce versabitur perpetuoque die fruetur; è contrario, quæ circulo Antartico concluditur Terræ portio, continuis tenebris & nocte involvetur. Patet porro, cujuslibet circuli æquatori paralleli, inter hunc & polarem Arcticum interjecti, partem majorem in luce versari, cujusvis autem qui æquatorem & polarem Antarcticum interjacet, partem majorem tenebris obvolvi, & quidem partes illæ majores erunt aut minores, prout circuli ab æquatore magis minusve distant. Itaque in illo Telluris situ, cum Sol in ☊ apparet, Borealis hemisphærii incolis longissimi fiunt dies, noctes brevissimæ, adeoque illis erit æstas. Australis autem Hemisphærii incolæ noctes habebunt longissimas, dies brevissimos, & Hyemis frigora sentient.

Et quidem cujusque loci longiores erunt dies longissimi; & breviores noctes brevissimæ, prout locus ille ab æquatore remotior est. Vidimus etiam ex omnibus parallelis solum æquatorem circulum utpote maximum, secari in partes æquales à terminatore lucis, adeoque incolæ, qui in æquatore degunt, soli habebunt per totum annum dies noctibus æquales.

Pro-

Procedente Terra à ☿ per ♊♋ ad ♌, quo tempore Sol signa ☿ ♌ & ♊ peragraré videtur, Sol paulatim versus æquatorem revertitur, & cum ad ♌ pervenerit Terra, Sol videtur in ♊ ubi communis intersectio æquatoris & Eclipticæ sibi parallela manens per Solem transibit, & Sol in Æquatore cælesti conspicietur, ubi rursus dies noctibus æquales efficiet, pari modo quo factum est dum Terra erat in ♊, & in eo denuo situ circulus lucis terminator per polos transibit, adeo ut polo B quo Tellus ♊ reliquit, nimirum per semestre spatium perpetua fuit dies, quippe qui in luce versabatur, sicut A polus semestri premebatur noctu.

Apparentie cum Sol videtur in ♊ puncto æquinoctiali Autumuali.

Terrâ porro per signa ♌ ♍ & ♎ motâ Sol interim per ♊ ♋ & ♌ apparenter incedens paulatim ab æquatore versus austrum declinare videbitur, & Terra reverà in ☿ existente Sol inter fixas in ☿ videbitur. Et cum Axis BA non mutaverit inclinationem, sed sibi parallelus, manserit, aspectum & positionem respectu Solis, Terra habebit, omnino similem ei, quem obtinebat dum ☿ occupabat. Sed cum hâc differentiâ, quod cum circulus KL, dum Terra ☿ tenebat, una cum tractu Terræ intus contento totus fuit in luce, jam Terra in ☿ existente totus tenebris tegitur. Et oppositus FG jam totus est in luce qui prius tenebris fuit involutus.

Apparentia quando Sol videtur in ☿ puncto Solstitiali Hyberno.

Ex parallelis inter æquatorem & polum B, arcus illuminati seu diurni minores sunt tenebrosis seu nocturnis, cujus contrarium prius acciderat; ex alteris versus polum A jacentibus parallelis, arcus diurni jam sunt majores nocturnis, cujus oppositum accidebat in priori Terræ positione. Sol quoque verticalis factus erit Tropici MN habitatoribus, & descendet versus austrum à parallelo TC ad parallelum MN per arcum CQN 47 graduum. Hinc Sol in quolibet ultra tropicos versus alterutrum polum loco altius observabitur in meridiano, seu propius ad verticem accedit per 47 integros gradus una anni tempestate quam in oppositâ, atque hæc omnis mutatio non proficiscitur ex eo, quod Terra deprimatur aut elevatur, sed contra ex eo quod nusquam deprimatur, nusquam elevatur; sed eundem semper retinet situm

Sol propius accedit ad verticem habitatoribus ultra Tropicos per 47 integros gradus unâ anni tempestate quam & aliâ.

& statum respectu Univerſi, Solem tantummodo circumiens, qui poſitus eſt in medio fere iſtius orbitæ quem deſcribit Terræ centrum motu annuo.

Quomodo hæc omnia oculis re- præſententur.

Hæc omnia oculis fient manifeſta, ſi in loco obſcuro accendatur candela, quæ Solem repræſentet, & Globus comparetur, cujus diametet ſit duorum aut trium digitorum in quo ſignentur poli, æquator, ejuſque paralleli aliquot, & meridiani; deinde ita teneatur Globus, ut ejus Axis non fiat ad Horizontem (qui hic loci Eclipticæ planum refert) perpendicularis, ſed ad illum aliquantulum inclinatus; deinde primò in eo ſitu ponatur Globus, ut Polorum unus plagam cæli Boream reſpiciat & lumen candelæ ad utrumque Polum exacte pertingat, hoc eſt circulus lucis & Umbræ terminator per Polos tranſeat; & probe notetur Axis poſitio, ſeu plaga mundi ad quam dirigitur; tandem circa candelam in circulo horizonti parallelo, ita feratur Globus, ut Axis ejus eandem plagam ſcil. boream ſemper reſpiciat; & tunc videre licebit flammam candelæ eodem prorſus modo illuminare Globum, Polos, æquatorem ejuſque parallelos, quo Terra à Sole reverà illuſtratur, & eadem prorſus conſpicientur Phænomena, quæ prius de Sole & Terra declaravimus.

Phænomenis ex vertigine Terræ ortis, ſimilia obſervari poſſunt ex alio quovis Planeta circa Axem ratato. *v. gr.* cum Jupiter circa Axem ſuum vertitur ſpatio decem horarum; Jovis incola videbit cælum omne ſidereum & Terram noſtram una cum Sole circa ipſum eodem tempore motu rapidiſſimo revolvi. At cum Jovis Axis ad planum ſuæ orbitæ ſit normalis, circulus lucis Terminator ſemper & ubique per polos tranſibit, unde in Jove dies noctibus ſunt perpetuò æquales, & Jovis incola uniformem per totam periodum ſentiet temperiem, nec æſtatis calores aut Hyemis frigora pertimeſcet.

Si per Telluris, Soliſve centrum (perinde enim eſt, cum hæc duo puncta è cælo ſtellato ſpectata coincidere videntur) erigatur recta ad planum Eclipticæ perpendicularis, & ad cælum uſque producat; dicitur hæc linea *Axis Eclipticæ*, punctumque quod in cælo offendit erit *Eclipticæ Polus*. Quod

Axis Eclipticæ.
Polus Eclipticæ.

Quod si per hunc Polum, & quolibet stellas, traducantur circuli maximi, erunt ex natura sphaeræ omnes ad Eclipticam perpendiculares. Et secundarii Eclipticæ seu Latitudinum circuli nominantur. Et Arcus ejusmodi circuli inter stellam quamvis & Eclipticam interceptus, dicitur istius stellæ Latitudo, seu distantia ab Eclipticâ. Sicut Arcus Eclipticæ inter initium & ejus intersectionem cum Secundario per stellam transeunte dicitur Longitudo stellæ.

*Secundarii Eclipticæ.
Stellæ
Latitudo.
Longitudo stellæ.*

Similiter si per polum Telluris seu Æquatoris & quælibet loca in superficie Telluris traducantur circuli, erunt omnes ad Æquatorem perpendiculares, & secundarii Æquatoris nominantur; Locorum verò respectu Meridiani dicuntur, quia cum Sol in Plano alicujus Meridiani videtur, incolis sub illo Meridiano degentibus fit Meridies. Arcus secundarii inter locum quemlibet & Æquatorem interceptus dicitur *loci Latitudo* quæ est distantia ejus ab Æquatore. Et arcus Æquatoris interceptus inter sectionem ejus cum Æquatore, & punctum aliquod in Æquatore fixum dicitur *loci Longitudo*.

*Loci latitudo.
Loci longitudo.*

LECTIO VIII.

De Variis aliis Phenomenis ex motu Terræ Pendentibus.

Cum Terra circa Solem ita feratur, ut ejus Axis sibi semper parallelus maneat, necesse erit ut Axis ille diversis anni temporibus, ad diversas fixas dirigatur; & stella seu punctum cæli quod directè supra Polum terrestrem imminet in æstate, in hyeme non directè eidem Polo incumbet; sed punctum, cui hyeme dirigitur Axis, à priorè distabit intervallo diametri orbitæ Terræ.

*Terræ
Axis debet ad
diversas
Fixas
diversis
anni
temporibus
dirigi.*

Sit enim ACBD orbita Terræ, in cujus centro sit Sol S, cum Terra est in A, axis ejus dirigitur ad stellam E, quæ directè supra Polum imminet, at cum ad oppositum orbitæ punctum B pervenerit Terra, Axis in positione priori parallela, non ad E dirigitur sed ad aliam stellam F, quæ duæ fixæ distabunt à se invicem intervallo æquali AB diametro orbitæ Telluris, Angularis autem seu observabilis stella.

TAB. I. fig. 6.

*Paralla-
xis orbis
magni
Quid?*

larum distantia erit angulus EBF , cui æqualis est angulus AEB per 29. El. 1. qui est angulus sub quo videtur diameter orbitæ quam orbem Magnum appellant Astronomi, è Fixa E conspecta. Angulus ille EBF vel AEB *Parallaxis orbis magni* dicitur; & si is observari poterit, daretur fixæ E distantia à Terra, respectu Solis distantia ab eadem. Nam in triangulo EAB datur angulus E , æqualis EBF observatione scil. noto; datur etiam angulus EAB , qui in æquinoctiis est rectus, in Solstitiis autem est æqualis inclinationi Axis Terræ ad planum Eclipticæ, & universaliter est ubique æqualis complemento declinationis Solis. Unde dabuntur omnes anguli & latus AB , & proinde per Trigonometriam innotescet latus AE distantia Fixæ.

*Paralla-
xis orbis
magni
vix ob-
servabi-
lis.
Incerta
est fixa-
rum di-
stantia.*

Verum tanta est fixarum distantia ut angulus ille EBF exquisitissimis instrumentis vix deprehendi potest; & qui ei investigando quam maxime insudârunt, semper uno minuto primo minorem invenerunt; Et cum in tam parvis angulis capiendis, error facile admitti potest, qui error in computo maximas distantiarum differentias producet, istiusmodi observationibus vix tutò fidendum erit. Nam si cum Flamstedio Parallaxis observata 42 secundorum statuatur, & error in observando admissus sit 25 secundorum in excessu peccans, qualis error haud facile vitari potest, distantia fixarum plusquam dupla erit ejus quæ ex observatione prodit. Et si minus accurate factæ fuerint observationes, ita ut intra minutum primum non consistent (quales pleræque sunt) in immensum à se invicem, & a veritate discedent distantia, ex talibus observationibus computatæ.

*Axis
Terræ
non con-
servat
exactum
paralle-
lismum.*

Huc usque posuimus, Axem Telluris positionem stabilem & perfectum parallelismum semper tenuisse, neque alium habuisse motum quàm illum quo circa Solem in orbem motu annuo defertur. At ex plurium annorum observationibus deprehenderunt Astronomi, Axem illum à parallelismo paululum deflectere, motu quidem lentissimo, ita ut aberratio à parallelismo intra duos tresve annos facta vix sensibilis evadat; plurium tamen annorum decursu satis notabilis invenitur. Adeoque dum Phenomena unius anni

Expli-

explicanda erant, de tantillâ aberratione omnino tacendum fuit, utpote quæ Phænomena tradita minime turbaret, quæ tamen temporis progressu sensibilis invenitur, & directionem Axis mutari vidimus quamvis ejus inclinatio ad planum Eclipticæ immutabilis maneat. Unde Telluris Axi necessario competit alius quidam motus cujus modus hic exponendus est.

Sit linea DCH portio orbitæ Telluris, sitque centrum Terræ in C, & ex C erigatur recta CE ad planum Eclipticæ normalis, superficiei cæli occurrens in E, recta CE est Eclipticæ Axis & punctum E Polus Eclipticæ. Sit C *p* Axis Terræ, qui ad cælum productus signabit in superficie cæli punctum P Polum cælestem seu Polum mundi, circa quem sidera omnia motu diurno revolvi videntur. Per E & P traducatur circulus maximus EPA, Eclipticæ occurrens in A; hic circulus cum transit tam per Polum Æquatoris quam Eclipticæ Polum, erit ad utrumque circulum rectus & arcus PA metitur angulum PCH inclinationem Axis Terræ ad planum Eclipticæ quæ est $66\frac{1}{2}$ grad. unde erit arcus EP ejus complementum ad quadrantem $23\frac{1}{2}$ graduum, & arcus ille metitur angulum ECP, quem Axis Terræ facit cum axe Eclipticæ. Polo E per P describatur circulus minor PFG qui erit Eclipticæ parallelus, & cum Axis Terræ eundem semper facit cum Axe Eclipticæ immutabilem angulum scil. $23\frac{1}{2}$ graduum; Polum mundi P in peripheria circuli PFG semper locari necesse est. Quinetiam si eandem quoque directionem immutabilem retineret Axis, quoties Terra in orbitæ suæ puncto C invenitur, Polus Mundi in puncto immoto P semper conspiceretur; verum observatum est Polum in peripheriâ PFG locum continuo mutare; & Axis Terræ qui prius ad P dirigebatur, post septuaginta & duos annos ad punctum Q dirigitur uno gradu à P versus anteriora remotus, ita ut Axis Telluris si ve mundi motu conico feratur seu describat superficiem Coni cujus vertex est Terræ centrum C & basis circulus PFG; Et Polus P semper fertur in peripheria PFG motu lentissimo, & retrogrado, sive ab oriente in occidentem, & periodum

TAB. 16.
fig. 2.

Eclipticæ
Axis.

Polus
mundi
regredi-
tur in
circulo
minore
parallelo
Eclipti-
cæ.

riodum absolvit in peripheria PFG non nisi post 25920 annos, post quod tempus Polus à stella in P digressus ad eundem rursus dirigitur. Atque hinc sequitur stellam in P quæ hodie cum Polo coincidit, post 12960 annos (semiperiodum nempe motus Poli) per integros gradus 47 ab eodem Polo dimotam ire scil. cum Polus est in G.

*Circulus
EPA est
colurus
Solstitio-
rum.*

Circulus maximus EPA, cum transit per Polos tam Eclipticæ quam æquatoris, erit ad utrumque circulum perpendicularis. Ac proinde est colurus Solstitiorum, & Eclipticæ punctum A erit Solstitium seu punctum Eclipticæ omnium maxime ab æquatore declinans; cum Axis Terræ productus pervenerit ad situm CQ, si per Polos Eclipticæ E & æquatoris Q ducatur circulus maximus EQB, hic circulus erit ad utrumque circulum, Eclipticæ nimirum & Æquinoctialis, perpendicularis; adeoque Axe Terræ hunc situm tenente, erit circulus ille EQB colurus Solstitiorum, & B erit Solstitii punctum, adeoque semper una cum Polo regredientur Solstitia, & quidem æqualiter. Nam cum motus Poli in peripheria PFG fuerit PQ unius v. gr. gradus, erit AB regressus Solstitii unius quoque gradus, sunt enim arcus QP, BA (cum sint paralleli) similes.

*Puncta
Solstitia-
lia regre-
diuntur.*

*Puncta
æquinoc-
tialia si-
mili &
æquali
motu re-
troce-
dunt.*

Hinc Solstitii puncta à stellis fixis continuo recedunt; adeo ut si punctum Eclipticæ Solstitiale sit hodie juxta stellam A, post septuaginta & duos annos Solstitium erit in B uno gradu à stella versus occidentem dimotum. Cum itaque puncta Solstitiorum continuo regrediuntur, necesse erit ut puncta æquinoctialia omniaque reliqua Eclipticæ puncta simili & æquali motu retrocedant, quippe quæ à Solstitiis dato intervallo distant. Nempe cum inter puncta æquinoctialia & Solstitia 90 gradus semper interjacent, quando Solstitia per unum gradum regressa fuerint, necesse erit ut tantundem retrorsum ferantur æquinoctialia puncta; alioquin non maneret eadem semper distantia eorundem à se invicem. Puncta itaque æquinoctialia cum omnibus reliquis Eclipticæ punctis continuo regrediuntur, qui motus dicitur fieri in *Antecedentia*, seu ad occidentem & contra seriem signorum,

*Motus in
Antece-
dentia
quid?*

gnorum, sicut alter motus, quo Terra & Planetæ omnes feruntur circa Solem ab occidente in orientem dicitur fieri in *Consequentia*, sive juxta ordinem signorum ab γ ad ϖ II, &c. Motus ille *Æquinoctiorum* retrorsum dicitur eorum *Præcessio* qua in præcedentia seu antecedentia signorum feruntur.

*Motus in
Conse-
quentia.*

*Præcessio
æquino-
ctiorum.*

Cum stellæ fixæ immobiles maneant, & retrocedat communis sectio *Æquatoris* & *Eclipticæ*, necesse est ut fixarum distantia à punctis æquinoctialibus continuo mutetur, & stellæ ab iisdem punctis versus orientem magis quotidie promoveri videantur; unde ipsarum longitudes quæ in *Eclipticâ* ab initio Arietis sive intersectione *Eclipticæ* & *Æquatoris* vernali computantur, continuo crescant; & fixæ omnes videntur ferri in consequentiâ signorum, non quod reverà in orientem moventur, sed quod contrario motu regreditur punctum æquinoctii vernalis, à quo stellarum longitudes initium ducunt.

*Puncto-
rum æ-
quinocti-
alium
motus in
antece-
dentia,
efficit
motum
Fixarum
apparen-
tem in
conse-
quentia.*

Hinc fit, quod constellationes omnes mutaverunt loca, quæ tenebant dum à primis Astronomis observatæ fuerunt; & constellatio Arietis, quæ tempore Hipparchi prope intersectionem *Eclipticæ* & *Æquatoris* vernalem visa fuit, eidemque *Eclipticæ* portioni nomen suum communicavit; nunc ab eadem digressa in signo Tauri commoratur; sicut & Tauri constellatio Geminorum sedem occupat, Geminique in Cancrum promoti sunt, & Cancer Leonem ex sede expulit, & hic Virginem e loco detruxit. Ita ut unaquæque constellatio ex illo tempore è suo in proximæ transivit locum. Quamvis autem Constellationes è locis migrârunt, *Eclipticæ* tamen portiones seu *Dodecatamoriæ* quas tempore Hipparchi tenebant sidera, nomina ab iisdem sideribus designata adhuc retinent; at ut distinguantur, Portiones *Eclipticæ* vocantur signa *Anastra*, Constellationes vocantur signa *stellata*.

*Constel-
lationes
Eclipticæ
mutave-
runt Lo-
ca.*

Veteres quidam Astronomi sectiones *Eclipticæ* & *Æquatoris* fixas & immobiles statuebant, at quoniam stellas ab hisce punctis distantias continuo mutare observarunt, Fixarum sphaeram supra Polos *Eclipticæ* lentissimo motu volubilem.

*Annus
Magnus
Quid?*

lem posuerunt. Ita ut stellæ omnes circuitus in Eclipticâ aut ejus parallelis absolvant spatio 25920 annorum, post quod tempus Fixæ ad pristinas sedes restituentur. Quod Temporis spatium, quod ætatem Mundi quinquies superat, Annum magnum vocabant, quo demum finito res omnes eodem ordine renasci voluerunt.

Præcessionum æquinoctiorum Causam Physicam ante Newtonum Astronomorum nemo vel conjecturâ assequi potuerit; at ille perpensis motûs & Gravitatis legibus, è figura Telluris spheroidicâ motum illum oriri demonstravit. Et figura spheroidica ex vertigine Terræ ortum ducit.

*Motus
Terræ æ-
quabilis
non est.*

Quamvis Terra ita circa Solem motu annuo feratur, ut æqualibus semper temporibus periodos absolvat, motus tamen ejus in suâ orbitâ per totam periodum, æquabilis non est; sed nunc gradum accelerat, nunc remittit; in aliquibus orbitæ suæ locis velocius incitatur, in aliis remissius; adeoque motus apparens Solis in Eclipticâ uniformis non erit; neque ille quidem conspicitur æquam Eclipticæ portionem singulis diebus describere; æstate nostrâ segnius incedit, hyeme incitatus ferri videtur: & tanta quidem est motuum differentia, ut locus ejus in Eclipticâ aliquando antecedit duos fere gradus, locum quem teneret, si æquabili motu latus esset, aliquando per tantidem spatium ab eo deficiat; Præterea Sol observatur in sex signis Borealibus diutius commorari, per octo integros dies quam in sex Australibus, adeo ut ab Æquinoctio vernali ad autumnale sunt dies 186; quo tempore unam Eclipticæ semissem motu apparente describere videtur; at ab Æquinoctio autumnali sunt tantum dies 178; quo tempore alteram Eclipticæ semissem & signa Australia Sol videtur percurrere. Observationes quoque ostendunt diametrum Solis apparentem tempore Hyberno, ubi motus ejus est velocissimus, majorem esse quam in æstate, ubi Sol tardissimus incedit. Et differentia quidem tanta est, ut Hyeme ubi Sol maximus apparet, videtur sub angulo 32' & 47'', at æstate ubi minimus, ejus diameter est

*Æstas
octo die-
bus lon-
gior Hye-
me.*

*Appa-
rens So-
lis dia-
meter
major
Hyeme
quam
æstate.*

31'. 40'', quæ differentia minuto major est, adeoque longius debet abesse æstate quam Hyeme.

His Phænomenis ut satisfacerent quidam Astronomi, orbitis circularibus pertinaciter nimium adhærentes; statuebant quidem Tellurem in peripheriâ circuli æqualiter moveri, & æquales angulos circa centrum æqualibus temporibus describere; at Solem non in istius circuli centro locari supponebant, sed extra in determinatâ à centro distantia statuebant.

Sit Circulus ABCD orbita Terræ, cujus centrum E atque Sol sit in S. Cum Terra est in A, Sol videtur in puncto γ , & cum ad B pervenerit Terra, Sol in δ conspicietur; ad C autem delatâ Tellure, Sol signum ϵ tenere aspicietur; & dum Tellus ab A ad C pervenerit, Sol unam tantum Eclipticæ medietatem motu apparente peragrasse videbitur; alterum autem Eclipticæ dimidium motu apparente percurrent Sol, dum Terra orbitæ suæ portionem CDA describet. Et cum arcus ABC arcu CDA major sit, liquet Solem plus temporis impendere debere in percurrento Eclipticæ semissem $\gamma\delta\epsilon$ quam alteram illam $\epsilon\psi\gamma$. Præterea cum Terra in B longius à Sole distet quam in D, & si motus ejus foret æquabilis, è Sole tamen illius motus conspectus inæquabilis apparebit, in B tardissimus, in D velocissimus, sed huic motui æqualis est Solis motus apparens è Tellure visus, Unde causam reddere facile est, cur Sol æstate nostrâ lentius incedere, in Hyeme autem gradum accelerare videtur. Atque ita motum Solis vel Terræ inæquabilem observatum non realem esse & Physicum, sed opticum tantum & apparentem statuebant, & exinde oriri quod Sol non in centro orbitæ in E, sed extra in S locatur, & contendebant spectatorem in E Terram uniformi motu semper deferri visurum.

Hæc quidem Hypothesis, simplex satis, primo intuitu Phænomenis bene respondere, & apparentias explicare visa fuit; & Astronomi plerique ante Keplerum ut veram amplectebantur. Apud eos enim tanquam indubitatum invaluit Axioma, motus omnes cælestes in se æquabiles esse, & orbitas perfecte circulares. At cum accuratiori examini cæ-

*Motus
Terræ in
circulo
excentri-
co.
TAB. 16;
fig. 3.*

*Motus
Planeta-
rum veri
nec æ-
quabiles
nec eo-
rum or-
bitæ per-
fecte cir-
culares
sunt.*

*Planeta-
rum or-
bitæ sunt
Ellipses.*

Iestes motus subjecit Magnus Keplerus, observationibus Tychonis Brahei innixus; Axioma hoc motibus Planetarum veris non congruere deprehendit. Et certissimis rationibus ab eo ostensum fuit, motus Planetarum veros nec esse in se æquabiles, nec eorum orbitas esse perfecte circulares. Observationes enim testantur, idque ultra omnem disputationem, Figuram orbitæ Planetariæ esse Ellipsin, si-ve ovalem, & a circulo deficientem, motumque Planetæ in hac Ellipsi inæqualem esse & pro distantia suâ à Sole intendi, & remitti.


*Ellipsis
descrip-
tio.*

TAB. 16.
fig. 4.

Ellipsis autem est linea curva, quam Geometræ transverse Conum vel Cylindrum secando repræsentare solent. At ejus natura sequenti descriptione tyronibus melius innotescet, quam ex cylindri aut conici sectione. Concipiantur duo pali seu paxilli plano defigi, alterum in puncto H, alterum in puncto G, & filum capiatur, quod duplicatum nexis extremitatibus, longitudinem quamvis distantia paxillorum HG majorem adæquet; illudque filum paxillis circumponatur, & in fili duplicaturâ immisso stylo palosque circum eundo & filum semper eadem vi adducendo ut scilicet illud æqualiter intendatur, linea curva D K B in plano designabitur, quæ erit Ellipsis. Et si non mutatâ longitudine fili pali tantum H G aliquanto propius ad se invicem adducantur, alia denuo Ellipsis describetur, sed alterius speciei quam prior, & ad circuli formam magis accedens, & si adhuc propius admoveantur Pali, alia itidem habebitur Ellipsis; postremo si jungantur paxilli, Ellipsis in circulum migrabit. Puncta H & G, ubi Pali figuntur, dicuntur Ellipseos *Foci* seu *umbilici*, & Bisecta H G in C, punctum C erit centrum Ellipsis recta DK per focos & centrum transiens & utrinque in Ellipsi terminata, dicitur Axis Ellipseos. Hinc apparet si ex aliquo puncto in Ellipsi pro arbitrio electo verbi gratia B, agantur ad focos duæ lineæ B H, B G, has duas lineas simul junctas Ellipseos Axi æquales fore, seu longitudine fili, dempta H G distantia focorum.

*Foci seu
Umbilici
Ellipseos.*

Sol non in Ellipseos centro seu puncto Axis medio, sed in focorum alterutro, locatur, & Axis Ellipseos AP dicitur





linea *Apsidum*, A *summa Apsis* seu *Aphelium*, P *ima Apsis* seu *Perihelium*; & SC distantia inter Solem & centrum Ellipseos, *Excentricitas* dicitur: si ex centro ad axem erigatur CE Ellipsi occurrens in E & ducatur SE, hæc linea dicitur *Distantia Planetæ media* à Sole; æqualis scil. femiaxi majori CA vel CP, quæ est media Arithmetica inter maximam & minimam Planetæ a Sole distantiam; verum in orbitis planetariis Ellipsium formæ à circularibus parum recedunt, ita ut in orbita Terræ forma Ellipseos talis est, ut *Excentricitas* SC sit tantum partium fere 17 qualium *distantia media* SE est 1000, estque *excentricitas* dimidia tantum pars istius quam posuere Astronomi, qui Terram in circulari orbita deferri contendebant.

Linea
Apsi-
dum.

Apheli-
um Pe-
riheli-
um.

Excen-
tricitas.
Distan-
tia me-
dia.

Excen-
tricitas
orbitæ
Terræ
qualis.

Motus
Planetæ
in Ellipse
qualis.

Area El-
liptica æ-
qualiter
crescunt.

Anamo-
lia Me-
dia.

Anamo-
lia vera.

Motus in
Longi-
tudinem.

Planeta in Ellipseos perimetro fertur, non quidem motu æquabili, sed cā ratione, ut radius à centro Solis immobili ad planetam ductus, & motu angulari latus verrat, seu describat, Aream Ellipticam tempori proportionalem: v. gr. sit Planeta in A, ex quo in quavis temporis particulā ad B perveniat, & Area quam verrat radius è Sole ad Planetam ductus sit ASB; si deinde Planeta sit in P & ducatur recta SD talis, ut Area PSD sit æqualis Areae ASB; æqualibus temporibus percurrat Planeta arcus Ellipticos AB, PD, qui quidem erunt inæquales; & in initio motus quam proximè in ratione distantiarum à Sole reciproca; Nam ob æquales areas tanto minor erit arcus AB arcu PD, quanto AS altitudo Areae ASB est in major PS, altitudine Areae PSD. Hæc omnia à Sagacissimo Keplero in Commentariis de motibus stellæ Martis abunde demonstrata sunt, atque huic ejus sententiæ omnes jam subscribunt Astronomi, cum alia nulla sit quæ phænomenis satisfacit. Circuli arcus, vel angulus, vel Area ASG tempori proportionalis dicitur *Anamolia* Planetæ *media*. Sicuti Angulus ASG cum Planeta est in G, dicitur ejus *Anamolia vera*: at si Planetæ motus ab æquinoctio vernali computetur, seu ab initio Arietis; *Motus ejus in Longitudinem* dicitur, estque vel medius, qualis esset si Planeta motu æquabili orbitam circularem percurreret, vel verus, qui est motus Planetæ reverà competens, & nunc accelera-

Nn

tur,

*Deter-
minatio
loci Pla-
netæ in
sua orbi-
tâ.*

tur, nunc retardatur, pro variâ distantia Planetæ à Sole.

Hâc ratione determinare licet locum Planetæ in suâ orbitâ pro quolibet tempore ex quo Aphelium reliquit. Nempe ita dividatur Area Ellipseos rectâ SG, ut fiat tempus Periodicum Planetæ ad tempus datum, ita Area totius Ellipseos ad Aream ASG, & erit G locus Planetæ quæsitus. Methodos autem varias tradiderunt Geometræ, quibus Ellipsis Area in datâ ratione secanda est, de quibus in proprio loco erit dicendum.

*Quare
receden-
te Terrâ
à Sole ca-
lor ma-
ior sit.*

Cum in æstate Terra longius à Sole distat, Hyeme propius ipsi accedat, mirum fortasse videtur recedente Sole, Terram magis incalescere, Hyeme autem, cum propius Soli adstamus, ingravescere frigora. At sciendum est, quod caloris & frigoris incrementa non tota pendent ex distantia Solis, sed aliæ potentiores concurrunt causæ, ad harum qualitatum mutationes producendas. Nam primo directi radiorum impetus fortiores sunt quam obliqui; Hyeme autem oblique admodum Solis lucem recipimus, ejusque potentia non tantum ideo debilitatur, sed etiam quia pauciores in datam superficiem agunt Radii, quo magis oblique ipsis obicitur superficies. Præterea Hyeme, radii Solares obliquius incidentes magis crassum aëris corpus pervadunt, & longiore itinere per aera feruntur quam æstate, quando directius incidunt; unde radiorum vires plures aëris particulas offendendo, magis franguntur quam in æstate. Atque hinc ratio patet cur Solem in Horizonte possumus sine oculorum damno contueri; quem cum altius ascendit oculi ferre non possunt.

*Dies no-
ctibus
longiores
augent
calorem.*

Est & alia potentior causâ quæ tempestatum varietates inducit: nempe, notum est quo diutius corpus aliquod durum & solidum, igni obicitur, eo magis id incalescere; at in æstate per sedecim continuas horas Solis ardori obijcitur, & per octo tantum horas ejus absentiam persentimus; cujus contrarium Hyeme experimur, unde non mirum erit tantas his tempestatibus oriri caloris & frigoris differentias.

Cum Solis potentia maxima sit quando ejus radii sunt directissimi atque dies longissimi, videtur nos debere maximos calo-

calo-

calores sentire cum Sol Tropicum ☉ occupat, quo tempore propius ad verticem accedit, ejusque radii directius, atque diutius nos feriunt; quotannis tamen experimur calorem æstivum post digressum Solis à Tropico crescere, & annum maxime fervere circa finem mensis Julii, cum integro fere signo à Tropico distat Sol.

Quare calor non maximus est, quando Sol tropicum tetigit.

Ut hujus rei causa reddatur, observandum est actionem Solis, qua corpora calefacit, non esse transeuntem, qualis est ejus illuminatio, sed permanentem, ita ut corpus semel à Sole calefactum, post ejus absentiam per aliquod tempus calidum maneat, scil. particulae calorificae è Sole in corpus calefactum continuo recipiuntur, quae per aliquod tempus eidem inhærent, & in ipsum agendo calorem excitant, aufugientibus autem istiusmodi particulis frigescit corpus, unde si plures recipiantur in corpore particulae calorificae quam aufugiunt, istius corporis calorem continuo crescere necesse erit. Verum in præsentī casu, post adventum Solis ad Tropicum, numerus particularum aerem & Terram nostram calefacientium continuo crescit, adeoque augebitur simul calor. Ponamus v. gr. die, lucente Sole, centum tantum particulas calorificas intra corpus aliquod admitti, & nocte, cum ea sit die brevior, istarum tantum quinquaginta avolare, aliis quinquaginta manentibus; proxima die eadem fere vi agens Sol alias centum particulas eidem corpori immittet, quarum non plures fere quam dimidia pars nocte evadunt, adeoque initio tertii diei numerus particularum calefacientium centenario augebitur; dum itaque plures die recipiuntur particulae, quam nocte aufugiunt, calor necessario crescet; at decrefcentibus diebus, & noctibus crescentibus, fiet tandem, ut plures absente Sole effugiant particulae quam die recipiuntur, quo fit ut calor continuo minuetur, frigescetque Terra.

LECTIO IX.

De Luna ejusque Phasibus & Motu.

L Una corporum caelestium omnium, si Solem excipias, splendidissime lucens, ad Terram nostram proprie pertinet,

tinet, cujus est affecla & indivulsa Comes. Adeo quidem in viciniâ Terræ semper commoratur, ut è Sole spectata, nunquam arcu decem Minutis primis majore à Tellure discedere videretur. Sed terræ perpetuo juncta, ipsique quasi fatelles data, una cum eâ revolutionem annuam circa Solem perficit, & interea etiam in orbita circa Tellurem spatium menstruo periodum absolvit. Planetæ primarii Solem ut Centrum Motus atque Rectorem respiciunt, & nunc longissime à Terra digrediuntur, nunc ad eam propius accedunt. Luna tanquam terrestre corpus in nostra viciniâ propriâ propensione seu gravitate detinetur; ejusque vi à motu rectilineo continuo retrahitur, & circa terram revolutionem perficere cogitur, spatio viginti septem dierum, horarum circiter septem. Varias continuo Luna subit Phases, Varias induit formas, adeo ut multiformi ambage semper torqueat contemplantium ingenia, crescens semper, aut fenescens, modo curvata in cornua, modo æquâ portione divisa, modo sinuata in orbem, mox fulgens orbe pleno, ac deinde repente nulla; alias pernox, alias fera, deficiens, & in defectu tamen aliquando conspicua, uti Plinius notavit, jam vero fit humilis, jam excelsa, nunc in Aquilonem elata, nunc in Austros dejecta, quæ singula deprehendit primus *Endymion*, ob quod eum amore Lunæ captum fuisse fama traditur.

Est autem Luna corpus sphæricum, Terræ instar, scabrum, opacum, & densum; Solis luce, non sua, resplendens; Sol quippe Fons luminis, perpetuo dimidiam corporis Lunaris partem, quæ ipsi obvertitur, illuminat; dum altera averfa à Sole medietas, tenebris obvolvitur; Lunæ autem superficies à Terricolis spectabilis, est ea quæ Terræ obvertitur, adeoque pro vario Lunæ respectu Solis Terræque situ, variæ videntur Lunæ illuminationes, & Luminis vicissitudines; & nunc major, nunc minor, aliquando nulla illustratæ faciei pars, ex Terra videtur, & aliquando etiam tota Terræ obvertitur, quæ ut melius intelligantur, libet Diagrammate declarare. Sit S Sol, T Terra, RTS portio orbitæ Telluris, quam motu annuo circa Solem describit;

TAB. I 7.
fig. 1.

ABC

ABCDEFGH orbita Lunæ in qua scilicet circa Tellurem fertur spatio menstruo ab Occidente in Orientem; qui motus manifeste oculis observari potest, si enim Luna una cum Stella aliqua ad Meridianum appellat, postero die serius quam Stella Meridianum attinget, minutis temporis circiter 47, & à Stella Orientem versus 13. gradibus recessit; connectantur Solis & Lunæ centra rectis SL, & per Lunæ centrum transeat planum MLN, cui recta SL sit normalis; planum illud efficiet in superficie Lunari circulum, qui erit *Lucis & Umbræ finitor*, illuminatam scilicet faciem à Tenebrosâ distinguens; eodem modo jungantur centra Terræ & Lunæ rectis TL, quæ sint normales ad aliud planum PLO, etiam per Lunæ centrum transiens. Planum illud efficiet in Lunæ superficie circulum, qui Lunæ Superficiem à Terra spectabilem ab averfa & inconspicua dividet, qui itaque *circulus visionis* dici potest.

*Motus
Lunæ ab
orientem in
occidentem.*

*In Lunæ
circulus
lucis finitor.*

Hinc patet primò, cum Luna est in situ A, puncto suæ orbitæ Soli opposito, quod coincidat circulus Lucis finitor cum circulo visionis, & tota Lunæ illustratæ facies Terræ obvertitur, & à Terricolis videtur, in quo casu *Luna plena, pernox, Plenilunium* nominatur, & respectu situs ad Solem dicitur esse in oppositione; cum scilicet è Terra, Sol & Luna in oppositis cæli punctis videntur. Cum ad B pervenerit Luna, illuminatus semicirculus MPN totus Terræ non obvertitur, sed pars MP è conspectu nostro subducitur, adeoque illuminatio spectabilis à circulo deficiet, & Luna gibbosa apparebit, Phasisque erit ea, quæ in figura 2. Tab. XVII. per B notatur: Luna ad C perventa, angulus CTS est rectus, & illuminati disci MPN, pars media à Terra videtur, & Luna dimidiata apparet, ut in C, fig. 2. & *Bisecta* seu *Dichotoma* nominatur: in hoc situ Sol & Luna quadrante circuli à se invicem distant, diciturque Luna esse in Aspectu Quadrato seu in Quadratura: Procedente Lunâ ad D faciei illuminatæ MPN, pars parva PN Terræ obvertitur; & Disci ONP qui Terræ obvertitur, pars maxima ON tenebrosa manet, & proinde ob Lunæ figuram sphericam & apparenter planam, illustrata pars veluti in cornua

*Circulus
visionis.
TAB. 17.
fig. 2.*

*Lunæ
Phases
declinantur.*

*Luna
gibbosa.*

*Luna
Bisecta.*

*Lunæ
cornua.*

curvata videbitur ubi circulus lucis finitor, & circulus visionis in angulos coeunt, ejusque Phasis è Terrâ spectata apparebit ut in D. Tandem Lunâ ad situm F progressâ, nulla illustratæ faciei pars è Terra videbitur, sed obscura & tenebrosa tota Terræ obvertitur, tunc Luna dicitur esse in *conjunctione* cum Sole, cum scilicet Sol & Luna in eodem Ecclipticæ puncto videntur, in quo fit *Novilunium*, *Neomenia* seu *Interlunium*: Ubi Luna ulterius ad F promovetur, corniculatam seu falcatam figuram rursus induit, & ante quidem novilunium, cornua in occasum spectabant, & nunc post novilunium, in ortum tendunt: cum Luna ad G provehitur, & in aspectu cum Sole quadrato venit, bisecta & dimidiata apparet, & in H Gibbosa, & ubi ad A denuo pervenerit, rursus pleno fulget orbe.

Elongatio Lunæ à Sole.

Vide situm Lunæ à F.

Arcus EL, seu angulus STL, contentus rectis ductis è centrâ Solis & Lunæ ad Terræ, centrum dicitur *Elongatio* Lunæ à Sole, & arcus MO illuminati semicirculi MON pars illa, quæ Terræ obvertitur, quique est mensura anguli quem circulus Lucis finitor & circulus visionis efficiunt, est ubique quam proxime similis arcui EL Elongationi Lunæ à Sole, seu quod idem est angulus STL est quam proxime æqualis angulo MLO, quod sic demonstro; producat SL utcunque in X, & erunt anguli TLP, MLS æquales, utpote uterque rectus est; sed anguli OLS & PLX sunt æquales, ad verticem enim sunt, quare demptis æqualibus, erit angulus MLO æqualis angulo TLX, sed angulus TLX externus est & æqualis duobus internis & oppositis trianguli STL, scilicet angulus STL & TSL; erunt igitur hi duo anguli æquales angulo MLO sed angulus TSL exiguus admodum est, & cum maximus, hoc est in quadraturis non decem minutis primis major; nam tantilla est distantia Lunæ à Terra præ Solis ab eadem distantia, ut angulus ille ad Solem evanescat, & pro nullo haberi possit; est itaque angulus MLO æqualis angulo STL & arcus MO similis est arcui EL.

Semicirculus OMP, cum ejus planum per oculum transit, in rectam OP projicitur, seu in Lunæ disco, ut recta OP apparet, at circulus Lucis finitor, cum obliquè è Terrâ vide-

detur, in Ellipsin projicitur; atque hinc data Elongatione Lunæ à Sole, facile exhibetur Phasis, sub qua Luna tunc temporis apparet. Repræsentet circulus COBP Lunæ discum è Terra spectabilem, OP rectam in quam projicitur semicirculus OMP, hanc ad rectos angulos secet alia diameter BC, & posito LP radio, capiat LP æqualis cosinu elongationis Lunæ à Sole, & axe Majore BC, & femiaxe minore æquali LF, describatur semiellips BFC, abscindet illa ex lunari disco partem illuminatam BFCPB è Terra spectabilem.

Delineatio Phasis Lunæ pro datâ Elongatione à Sole.

TAB. 17.
fig. 3.

Cum posito LP radio, LF sit cosinus Elongationis Lunæ à Sole, erit PF sinus versus ejusdem Elongationis; Estque BFC linea (quæ tenebrosam Lunaris disci partem ab illuminata dividit) semiellips, cujus axis major æqualis est Lunæ diametro, femiaxis autem minor æqualis est Lunæ semidiametro diminutæ sinu versus Elongationis Lunæ à Sole. Sit jam OBPC Lunæ discus Terræ obversus, BFC semiellips illuminatam disci partem à tenebrosa dividens; ducatur quævis recta GHN Axi minori Parallela, & axi majori occurrens in M; Ex natura Ellipsis & circuli, erit LP, ad LF; ut MG, ad MH; adeoque per divisionem rationis LP ad PF ut GM ad GH, & duplicando antecedentes PO ad PF ut GN ad GH; idem de alia quavis recta GN Axi minori parallela demonstrabitur, adeoque per 12 Elementi 5^{ti}, ut PO ad PF, ita omnes GN ad omnes GH. Sed omnes GN faciunt Lunæ discum Terræ obversum, & omnes GH faciunt partem disci illuminatam, adeoque erit PO ad PF seu diameter circuli ad sinum versus elongationis Lunæ à Sole, ut totus Lunæ discus ad partem ejus illuminatam. Hinc illustratio quolibet tempore à Luna facta est ad ejus illustrationem maximam tempore plenilunii, ut sinus versus elongationis Lunæ ad circuli diametrum.

Quantitas illustrationis determinatur.

TAB. 17.
fig. 4.

Sicut Luna luce Solis reflexa Terram illuminat, sic & Terra plus quàm par pari referens, vicissim solarem lucem reflectendo, Lunæ superficiem multò majore luce perfundit; siquidem cum Terræ superficies sit quindecies circiter major lunari, si Luna & Terra æque in reflectendo polleant, hæc

Terraluce reflexa Lunam illuminat.

quin-

quindecies plus lucis ad Lunam remittet, quam ab illa accipit. Et Lunicolis quindecies major apparet Terra, quam nobis Luna videtur. In noviluniis illustrata Terræ facies tota Lunæ obvertitur, & tenebrosam Lunæ superficiem luce illustrans Lunicolis *Pleniterreum* efficit. Hinc oritur lucula illa, quæ in Lunâ nova veterique præter argentea cornua apparet, reliquum Lunæ discum, tenebrosum licet, conspicuum exhibens. Cum autem Luna ad oppositum Solis pervenerit, Terra è Lunâ in conjunctione cum Sole videtur, ejusque tenebrosa facies Lunæ obvertitur, in quo situ è Lunâ videri nequit, sicuti in noviluniis nos non videmus Lunam, & ut verbo dicam, Phases Terræ è Lunâ conspicuæ per omnia sunt similes iis quæ à nobis in Luna observantur.

*Mensis
Periodi-
cus.*

*Mensis
synodi-
cus.*

Quamvis Luna Terram circumeundo, orbitam suam describat spatio dierum 27. horis circiter septem, quod tempus *Mensis periodicus* appellatur, tempus tamen quod impendit Luna, dum ab unâ conjunctione cum Sole ad proximam pervenit, quod *Mensis synodicus*, seu Lunatio dicitur, mense Periodico majus est. Nam dum Luna in propriâ orbitâ periodum absolvit, interea Tellus ejusque comes Luna, cum suâ orbita circa Solem eundo, integro fere signo versus Orientem promotæ sunt, & punctum Orbitæ quod in priore situ, in recta centra Terræ & Solis jungente jacebat, nunc Sole paulo Occidentalior est, adeoque cum Luna ad illud punctum pervenerit, nondum in conjunctione cum Sole invenitur.

TAB. 20.
fig. 1.

Sit enim AB portio orbitæ Telluris, Terra T, S Sol, ACL orbita Lunæ, & cum Terra est in T sit Luna in L in conjunctione cum Sole, & dum Luna ab L digreditur, orbitamque propriam LACD describit, Tellus interea per arcum Tt defertur, & cum ad t venit, orbita Lunæ situm *lacd* obtinet, punctumque orbitæ L erit in recta *tl*, priori TL parallela, unde patet ad *l* diventâ Lunâ, eam totam orbitam percurrisse, sed nondum ad conjunctionem cum Sole pervenisse, sed opus esse, ut ulterius progrediatur Luna, & arcum *lm* describat, priusquam Solem assequatur; & cum Luna orbitam absolvat diebus viginti septem, horis circiter se-

septem, Terra hoc tempore describet arcum Tt viginti septem circiter graduum, cui similis est arcus LM , ob angulum LtM æqualem angulo MSL ; at verò opus est ut majore arcu quam LM Luna describat, (ob motum Terræ interea factum) priusquam ad conjunctionem cum Sole perveniat, inde fit ut Lunatio tota seu Tempus ab uno novilunio ad proximum, non nisi diebus 29, horis circiter duodecim compleatur, & separetur Luna à Sole dietim angulo graduum 12 & aliquot minutorum, qui *motus à Sole diurnus* nuncupatur.

*Motus
Lunæ à
Sole di-
urnus.*

Si planum orbitæ Lunarise coincideret cum plano Eclipticæ, hoc est, si orbita Lunæ circa Terram, & orbita Terræ circa Solem, in eodem jacerent plano, semita motûs Lunæ in cælis è terrâ visa eadem esset, quæ est motus Solis apparens, seu eundem omnino circulum, Eclipticam nempe, quem Sol spatio unius anni conficere apparet, Luna mense quolibet percurrere videretur; verum orbitæ Lunarise planum non coincidit cum plano Eclipticæ, sed se mutuo interfecant hæc duo plana, in linea per centrum Terræ transeunte, eorumque inclinatio angulum quinque circiter graduum constituit.

*Luna in
Eclipti-
ca non
movetur.*

Sit AB portio orbitæ Telluris, T Terra, circulus $CDEF$ Lunarise orbita, cujus centrum est centrum Terræ T , eodem centro T describatur in plano orbitæ Telluris, circulus CGH , cujus diameter æqualis sit diametro orbitæ Lunæ: Hi duo circuli cum idem habeant centrum, in recta per Terram transeunte se interfecabunt, & Lunarise orbitæ medietas una CED supra planum circuli CGH attolletur in Boream; altera medietas DFC deprimetur in Austrum, recta CD communis circulorum intersectio *Linea nodorum* dicitur, & anguli C & D *Nodi* dicuntur; & quidem nodus C , ubi Luna ascendit supra planum Eclipticæ versus, Boream *nodus ascendens* & *caput Draconis* nuncupatur, & brevitatis causa sic Ω notatur; alter nodus D , ubi Luna in Austrum descendit, *Nodus descendens* & *cauda Draconis* nominatur, cujus signum est γ & si *Linea nodorum* immobilis esset, hoc est non alium haberet motum, præter illum quo circa Solem

TAB. I 7.
fig. 5.

*Linea
nodorum.*

*Nodus a-
scendens.*

*Nodi
moven-
tur motu
retrogra-
do.*

fertur, ad idem Eclipticæ punctum semper dirigetur, utpote sibi semper parallela manens, sed linea Nodorum continuo situm mutareprehenditur, & ab Oriente in Occidentem contra seriem signorum motu retrogrado fertur, circulumque absolvit spatio annorum fere novemdecim, post quod tempus nodus utervis ab aliquo Eclipticæ puncto digressus, ad idem redit, seu in eodem quo prius Eclipticæ gradu è Terra videtur.

*Latitudo
Lunæ.*

*Circuli
Latitudinum
qui?*

Ex dictis constat Lunam non nisi bis in qualibet periodo in Eclipticâ videri, scilicet cum in nodis versatur, in aliis orbitæ suæ locis nunc magis nunc minus ab Eclipticâ distare, prout nodorum alicui remotiorem aut propriorem esse contigerit; maxime autem ab Ecliptica distat Luna cum est in E vel F, quæ media sunt à nodis puncta; & *Limites* vocantur. Distantia Lunæ ab Ecliptica ejus *Latitudo* vocatur, hanc metitur arcus circuli per locum Lunæ in cælo trans-euntis, & ad Eclipticam perpendicularis, arcus inquam ille inter Lunam & Eclipticam interceptus, metitur Lunæ ab Ecliptica distantiam; seu Latitudinem, & idcirco tales Circuli ad Eclipticam perpendiculares *Circuli Latitudinum* dicuntur, & Latitudo Lunæ, cum maxima est, ut in E vel F, æqualis est quinque gradibus cum octodecim minutis primis, estque illa Latitudo mensura angulorum ad nodos.

LECTIO X.


De Inæqualitate motuum Lunarium, de Lunæ facie, ejusque Montibus & Vallibus.

*Luna in
orbitâ
Elliptica
moveitur.*

*TAB. 17.
fig. 6.*

*Apogeon
Lunæ.
Perigeon.*

A Stronomorum observationes testantur, Lunæ distantiam à Terra multum variari, & nunc propius nobis accedere Lunam, nunc longius recedere; hoc ideo fit quod Luna non in Orbita circulari, circa Terram fertur, sed in Ellipticâ, qualem repræsentat figura ABPD, cujus focorum alterum tenet Terra, & Axis Ellipseos major AP est linea Apsidum; TC Excentricitas, Punctum A summa Apfis vocatur *Apogeon* Lunæ, ubi scilicet maximè à Terrâ distat, Punctum P ima Apfis, ubi maximè ad Terram accedit, *Perigeon* nominatur. Et si orbita Lunæ non alium haberet motum





tum præter illum, quo circa Solem fertur, Axis Ellipseos sibi semper Parallelus maneret, & ad idem cæli punctum semper dirigeretur, ad quod cum pervenerit Luna eandem semper à Terrâ distantiam obtineret; sed Linea Apfidum est etiam mobilis sicut Linea Nodorum, & motu Angulari circa Terram fertur, secundum seriem signorum seu ab Occidente in Orientem, circulum absolvit hæc linea, & ad eundem situm redit annis fere novem.

Motus Lunæ ejusque orbitæ multiplici afficiuntur inæqualitate; nam *Primò* cum Tellus Aphelion tenet, ubi unà cum Luna longissimè à Sole distat, motus Lunæ aliquantulum acceleratur; Tellure autem ad Perihelion delatâ, ubi proxime ad Solem accedit Luna, aliquantulum retardatur ejus motus; unde fit ut minore tempore Luna suam orbitam percurreret, breviusque fit tempus Periodicum Terra Aphelion tenente, quàm cum eadem in Perihelio versatur, & menses Periodici neutiquam sint inter se æquales: *2^{do}* Luna in Syzigiis id est, cum est in linea quæ jungit centra Solis & Terræ, cæteris paribus celerrimè movetur; in Quadraturis tardissimè. *Tertiò* pro varia distantia Lunæ à Syzigiis, hoc est ab conjunctione seu oppositione, ejus motus inæquabilis redditur, motus enim in primo mensis quadrante, five pergente Lunâ à conjunctione ad quadraturam proximam retardatur, in secundo acceleratur dum tendit à Quadratura ad oppositionem; in tertio retardatur rursus; & in quarto iterum acceleratur; hanc inæqualitatem in motu Lunæ, primus deprehendit Tycho, & *Variationem* Lunæ appellavit.

Inæqualitates in motu Lunæ.

4^{to}. Cum Luna in Ellipsi moveatur, cujus umbilicum tenet Terra, circa quam Areas describit temporibus proportionales, oportet Planetarum primariorum more, ut in Apogeo suo tardius incedat, in Perigeo velocius feratur.

Variatio Quæ?

5^{to}. Orbita etiam Lunæ est continuo mutabilis, & ejusdem non eadem manet species, aut figura, sed excentricitas nunc augetur, nunc minuitur, & maxima quidem est cum linea Apfidum est in Syzigiis, hoc est cum coincidit cum rectâ quæ centra Solis & Terræ conjungit; minima autem cum hanc rectam normaliter secatur; & differentia inter maximam & mi-

Orbita Lunæ ejusque excentricitas semper mutabilis.

nimiam excentricitatem tanta est, ut illa semissem Excentricitatis minimæ superet.

*Apogæum
inequabili
motu
fertur.*

6^{to}. Ipsum Apogæum Lunare inæquabili fertur motu; quando enim est in Syzigiis cum Sole progreditur, in quadraturis regreditur, & progressus & regressus illi non sunt æquabiles, sed Lunâ in quadraturis versante tardius progreditur, vel forsitan etiam regreditur, in Syzigiis versante Luna, Apogæum celerius progreditur. *Septimo* Nodorum motus retrorsum est minime æquabilis, nam nodi in Syzigiis positi penitus quiescunt, dum vero quadratum ad Solem obtinent aspectum, velocissime in Antecedentia feruntur.

Harum omnium inæqualitatum causas, primus & solus detexit sagacissimus Neuwtonus, easque secundum leges Mechanicas ex Theoriâ Gravitatis oriri demonstravit. Mirum videtur, quod etsi Luna sit corporum cælestium omnium nobis maxime propinqua, ad eam tamen accessus patet maxime difficilis, cum non sine multo labore & longis annorum observationibus illius irregulares excursus investigari possunt.

*Luna æ-
qualiter
circa
axem
suum ro-
tatur.*

Solus in Lunâ motus æquabilis est ille, quo circa Axem suum rotatur, in eodem præcise tempore, quo circa tellurem periodum absolvit, unde fit ut eandem fere sui faciem Terræ ostendat, sed ea ipsa æquabilitas causa est apparentis inæqualitatis quod Luna videtur è Terra super Axem suum nunc ab ortu in occasum, nunc ab occasu ad ortum paululum librari, & partes quædam in limbo occidentali Lunæ per quoddam spatium modo recedunt, modo accedunt, quædam antea visæ occultantur, ac deinde rursus in conspectum veniunt, talisque motus *Libratio* dicitur; oriturque ex motu Lunæ inæquali

Libratio.

in perimetro Ellipseos; nam si Luna in circulo moveretur, cujus centrum teneret Terra, & circa axem spatio temporis Periodici rotaretur, ejusdem meridiani Lunaris planum semper per Terram transiret, & eadem ubique Lunæ facies Terræ obverteretur; at cum Luna in Ellipsi feratur, in cujus umbilico seu foco locatur Terra, & conversio Lunæ circa Axem æquabilis est, seu quod idem est, datum quodlibet Lunare meridianum angulos temporibus proportionales describit, illud planum non ubique per Terram transibit.

Sic

Sit enim ALP orbita Lunæ, cujus focum tenet Terra in T, Tab. 20.
fig. 2. & cum Luna est in A ejus meridianus MN productus per Terram transeat; si Luna in orbita absque conversione lata esset, idem meridianus MN sibi semper Parallelus maneret, & cum Luna ad L pervenerit, meridianus MN esset in situ PQ, ad MN Parallelo, verum per rotationem æquabilem, Meridianus MN situm mutat, angulosque describit temporibus proportionales, & tempore Periodico quatuor rectos absolvit, unde erit in situ *mL* tali, ut angulus *QL* sit ad rectum, ut tempus quo Luna confecit arcum AL ad quartam partem temporis periodici, sed tempus quo Luna confecit arcum AL, est ad quartam partem temporis periodici, ut area ATL ad aream ACL, scilicet quartam partem Areæ Ellipseos, unde erit angulus *QL* ad rectum angulum, in eadem ratione; est autem area ATL major area ACL, unde angulus *QL* recto major erit, sed est angulus QLT acutus, major itaque est angulus *QL* angulo QLT, adeoque Meridianus MN, cujus planum cum Luna fuit in A, per Terram transibat, nunc Lunâ ad L delatâ versus Terram non dirigitur, unde constat Lunæ Hemisphærium in L è Tellure visum aliquanto esse diversum ab hemisphærio, quod è Terra videtur cum Luna fuit in A, partesque ultra Q nunc retegì, quæ prius Luna in A existente fuerunt inconspicuæ. At cum Luna ad Perigeum P pervenerit, in eo tempore Meridianus MN semicirculum absolvit, rursusque ejus planum per Terram transibit, ut eadem Lunæ facies è Tellure conspiciatur, quæ prius in A visa fuit; hinc patet hanc Lunæ librationem bis in quovis mense periodico restitui, scilicet cum Luna est in Apogeo & Perigeo.

Si Lunæ superficies terfa & polita esset, ut in speculis, illa non lucem undequaque reflecteret, sed Solis imaginem exiguam admodum instar puncti splendidissimè micantis, tantum ostenderet, verum sicut in corporibus terrestribus, sic in Luna Aspera & scabra est ejus superficies, qua fit ut lucem solarem undequaque diffundat & corpora Terrestria illuminet.

At non tantum inæqualis & aspera est Lunæ superficies, Et montibus obsita. sed altissimis montibus profundissimisque vallibus tota obsita; nam si nullæ in Luna extiterint eminentiæ, sive partes re-

*Demon-
stratur
dari in
Luna
montes.*

*In Luna
ingentes
cavernæ.*

*Geome-
triæ pos-
sunt
montes
Lunares
metiri.*

liquis altiores, linea recta in Dichotomia, aut Elliptica in reliquis Phasibus, semper determinaret confinia lucis & umbræ. Verum si tubo optico aspiciatur Luna, confinium illud in nulla regulari linea, sed dentatum, ferratum multisque anfractibus intercisum apparet. Quin etiam in tenebrosâ Lunæ facie, partes aliquæ à confinio non multum distantes cernuntur Solis Luce illustratæ: Et die circiter quarto post novilunium in tenebrosa Lunæ facie quædam Cuspides luminosæ, tanquam scopuli aut parvæ insulæ, apparent, quæ non multum à confinio illustratæ & tenebrosæ partis distant; aliæ item dantur illuminatæ parti adhærentes areolæ, paulatim formam figuramque cum lumine crescente mutantes, donec parti illustratæ omni ex parte annectantur, & cum locis vicinioribus lumine prorsus imbuuntur. Mox quam plurimas iterum novas in illa tenebrosâ parte orientes cernimus, & in locum antecedentium succedentes. Contrarium autem accidit in phasibus Lunæ decrefcentibus, ubi lucidæ areolæ, quæ nunc confinio & parti illustratæ adhærent, paulatim avelluntur, & confinio relicto diutius tamen conspiciuntur, quod impossibile foret, nisi areolæ illæ essent partibus reliquis altiores, ut Solis lux illas stringeret. Puncta itaque illa, extra lucis confinium micantia, sunt cuspides & vertices præaltorum montium, quæ cum altiora sunt quam reliqua loca vicina, citius à Sole illustrantur, seriusque ab ejus lumine subducuntur. Præterea multæ nigricantes maculæ in parte illuminata conspiciuntur, quæ sunt ingentes cavitates seu cavernæ, in quibus cum Sol illas oblique irradiat, ejusque lux limbum externum tantum attingit profundiores partes obscuræ manebunt; at Sole ascendente plus lucis hauriunt, & quo altius super illas attollitur Sol, eò vallium umbræ magis se comprimunt, brevioresque evadunt, usque dum Sol punctum attingit verticale, quo tempore totam illustrat cavernam, umbrâ penitus evanescente; & prædictæ valles æque clare ac montium vertices conspiciuntur; immo multo illis lucidiores. Lunæ itaque superficies præruptis montibus profundissimisque vallibus ubique scatet.

Montes Lunares nostris Terrestribus longe excelsiores de-
pre-

prehenduntur; possunt enim Geometræ horum altitudinem hac ratione metiri. Sit Hemispherium Lunæ illustratum EGD, TAB. 20. fig. 3. ECD Diameter circuli lucis & Umbræ Finitoris, A vertex montis, ubi primo illuminari inceperit. Observetur Telescopio, vel Micrometro, proportio rectæ AE, ad Lunæ diametrum ED; & quia ES tangit Lunæ Globum, junctâ AC, erit AEC triangulum rectangulum per 16 El. tertii. Adeoque datis AE, EC, dabitur CA, ex qua subductâ CB, æquali CE, restabit BA altitudo montis Quæsita, v. gr. Dicit Ricciolus quarto die post novilunium, se observasse montem *Sæ Katharinæ* illuminatum, ejusque distantiam AE a limite consueto illuminationis, fuisse diametri Lunaris partem decimam sextam, seu semidiametri partem octavam: Unde si EC sit partium 8, erit EA harum partium una, adeoque quadratum lateris EC erit 64, ad quod addatur quadratum lateris AE quod est 1, & per 47. *El. primi*, habebitur quadratum hypotenusæ AC æquale 65 cujus Radix Quadrata est 8, 062 æqualis AC; unde dempta BC=8 erit AB altitudo montis æqualis 0, 062, & est CB, vel CE ad AB ut 8000, ad 62, adeoque cum semidiameter Lunæ sit milliarius circiter 1182, si fiat ut 8000, ad 62, ita 1182, ad quartum, qui erit 9. Altitudo igitur hujus montis novem milliaria adæquat, estque altissimis nostris montibus triplo celsior.

Qui Lunæ vultum Telescopio contemplari velit, cernet illam mirabili varietate distinctam; Quædam enim partes splendidissime lucent, quas quidam philosophi Rupes Adamantum esse prædicant, alii Unionibus vel Margaritis eas assimilant, quæ partes videntur montes partesque solidas Lunæ representare; at aliæ interim partes, eæque non paucæ, nec parvæ, tanquam maculæ obscuriores, & nigri coloris apparent, quæ Maria, Paludes, & lacus, esse suspicati sunt philosophi. Verum partes has obscuriores, quas maria appellant, revera non esse liquidas exinde constat, quod si melioris notæ Telescopio inspiciantur, innumeris cavernis, seu cavitatibus vacuis (umbris intus cadentibus) constare deprehenduntur, quod maris superficiei convenire nequit: quocirca maria esse non possunt, sed materiâ constant minus candicante

*Facies
Lunæ
mira
varietate
distincta.*

*In Luna
non sunt
maria.*

te

Nullæ
nubes.

Nulla
Atmo-
sphaera.

Astrono-
mi sele-
nogra-
phi.

TAB. 13.
fig. 19.

te quam est ea, quæ in partibus asperioribus conspicitur; intra has tamen partes quædam vividiorum lumine fulgent, cæterisque antecellunt. Sed neque nubes ullæ, unde pluviae generantur; si enim essent, viderentur nunc has, nunc illas Lunæ regiones obtegere, atque visui nostro occultari, quod nunquam contingit, sed in Lunâ perpetua apparet serenitas. Præterea nec videtur Luna, Atmosphærâ donari; nam Planetæ & stellæ prope ejus marginem sitæ, nullam patiuntur refractionem.

Lunæ faciem (qualem eam exhibent melioris notæ Telescopia) accurate depinxerunt Astronomi Selenographi Florentius Langrenus, Joannes Hevelius, Maria Grimaldus, & Ricciolus; & splendentes quoque partes annotaverunt, & quo melius distinguantur, iis nomina imposuerunt. Langrenus & Ricciolus regiones Lunares inter Philosophos aliosque insignes viros distribuerunt, quælibetque pars nomen celebris cujusdam Philosophi, vel Mathematici, accepit. At Hevelius veritus, ne de divisione agrorum lites inter philosophos orirentur; Ditiones Lunares ab omnibus eripuit, & Geographica nostræ Telluris nomina in Lunam transtulit, nullo habito ad figuram aut situm respectu.

LECTIO XI.


De Solis & Lunæ Deliquiis, seu de Eclipsibus.

Nihil est in Astronomiâ, quod miram humani intellectus solertiam, acremque ejus perspicaciam magis ostendit, quam defectuum Solis & Lunæ clara explicatio; & accurata prædictio, qualis apud Astronomos habetur. Subtilis quidem est hæc nostræ scientiæ pars, sed tamen certa & indubitata, quâ nihil sublimius, aut contemplatione dignius.

Eclipsis
Quid est.

Est autem *Eclipsis* vox Græca, ab ἐκλείπω deficio, quæ deliquium, aut defectionem significat, unde ægri & moribundi cum deliquium animi, & languor lethalis eos corripit, in Eclipsin incidisse dicuntur. Sic etiam Luna, cum orbe pleno fulget, si in umbram Terræ incidat, vivificæ Solis luce spoliata, expallescit; & Sol vicissim interjecta Lunâ,





nâ, non sibi, sed nobis deficiens, obscurari videtur; tunc dicuntur Sol & Luna Eclipsin seu deliquium pati. Ut autem à primis principiis exordiamur.

Sciendum est, corpus omne lucenti Soli expositum, *Umbram* projicere in plagam Soli oppositam; estque hæc *Umbram* nihil aliud quam privatio Lucis in spatio quodam, ob Solis radios ab opaco corpore interceptos. Adeoque Terra, opaca cum sit, umbram projiciet in plagam Soli oppositam, in quam si incurrat Luna, eam obtenebrescere necesse est. Et quia figura Telluris est sphærica, Umbrae figura cylindrica foret, si Terra Solem magnitudine æquaret: aut si Solem superaret, figura umbræ esset coni vertice truncati & crassitie crescens; & in utroque casu umbra in infinitum porrigeretur; aliosque Planetas, Martem scil. Jovem, & Saturnum, tenebris suis involveret. Quod cum nunquam facit, necessario erit Terra Sole minor; in quo casu, figura umbræ est conica in apicem desinens.

Figura Umbrae.
TAB. 20.
fig. 4. 5.

At Luna, cum ejus diameter in diametro Umbrae Terrestris ter contineatur, estque diameter Umbrae minor diametro Terræ, erit Terrâ multo minor.

Sol Terrâ major est.
TAB. 20.
fig. 6.

Sit itaque S Sol, T Terra, Conus ABC umbra Telluris; patet nullam duci posse rectam lineam à Sole ad punctum quodvis intra spatium ABC, quæ non in Terram incidat, adeoque cum opaca sit Terra, transitum Solis radiis negabit, & illustrationem spatii ABC impediet. Et si Luna Soli opposita per hoc spatium transeat, illam tenebris involvi necesse erit, fietque Eclipsis Lunæ tempore Plenilunii.

TAB. 21.
fig. 1.

Quando fit Eclipsis Lunæ.

Quando fit Eclipsis Solis.
TAB. 21.
fig. 2.

Aliquibus Terræ Locis est Eclipsis Solis totalis, aliquibus partialis, aliquibus nulla.

Quin etiam Luna suam quoque umbram Conicam in plagam Soli oppositam projiciet; si hæc umbra in Terram incidat, quod fieri non potest, nisi cum Luna in conjunctione cum Sole à Terra videtur, Incolæ istius partis in quam incidit umbra, in tenebris includentur, iisque Sol videbitur deficere, quamdiu intra umbram morantur. At cum Luna multo minor sit quam Terra, ejus umbra non potest nisi partem aliquam superficiei Terrestris nempe BC tegere, & totalibus tenebris involvere; reliquis interim circum-

Pp

jacen-

jacentes partes quidam Solis radii illustrabunt, & incolæ partem tantum Solaris disci obscuratam videbunt, majorem aut minorem, prout umbræ propiores, aut ab eâ remotiores fuerint. Et speciatim qui circa P degunt, dimidium Solis eclipsari videbunt. Qui vero regiones ultra M ad N usque colunt, ii nullam Solaris disci partem obscuratam percipient.

Hinc patet, nullam unquam fieri posse Eclipsin Lunæ nisi in Plenilunio, cum Luna scil. ad oppositionem Solis pervenerit; nec unquam contingere Eclipsin Solis, nisi in Novilunio, cum Luna in conjunctione cum Sole videtur; Cum itaque in singulis mensibus semel sit novilunium, semelque Plenilunium, quærat fortasse Academici, cur non singulis mensibus Sol & Luna Eclipses patiantur? Et quidem si Luna in Eclipticæ plano semper incederet, cum Axis Umbræ Terrestris in eodem quoque sit plano, Luna Umbram Terræ semper in Plenilunio pervaderet, fieretque Lunæ Eclipsis totalis, & centralis. Quin etiam in singulis Noviluniis, ubi non nimium à Terrâ distat Luna, illa umbram in Terram projiceret, & Solem in aliquibus Terræ locis obscuraret. At ostensum est, planum orbitæ Lunaris non coincidere cum plano Eclipticæ, sed illud secare in rectâ quæ per Terræ centrum transit; adeoque Luna nunquam erit in plano Eclipticæ, nisi cum in hac rectâ, hoc est in Nodis versatur, adeoque si contingat, ut Luna in plenilunio sit etiam in nodorum alterutro, Axis umbræ per Lunæ centrum transibit; fietque Eclipsis totalis & centralis. Exponat circulus MN umbræ Terrestris sectionem transversam, per orbitam Lunæ transeuntem, Linea CD portionem orbitæ Lunaris, quam percurrit Luna tempore Plenilunii, quæ cum sit exigua, per rectam repræsentari potest. Recta BGA sit in plano Eclipticæ. Sitque F Luna cum primo umbram ingreditur. E Luna ultimo egrediens. G Luna in ipso umbræ axe, patet hujusmodi Eclipsim totalem & centralem esse. Et quodocunque Lunæ & umbræ centra in nodo coincidunt, fient Eclipses totales & centrales. Hinc Duratio maxima Eclipsis Lunaris tanta esse potest, quanta æqualis sit tempori, quo Lunæ motus supra motum umbræ Terrestris inter

*Quare
Sol &
Luna E-
clipses
singulis
mensibus
non pati-
untur.*

*Eclipses
Lunæ to-
tales &
centra-
les.*

*TAB 21.
fig. 3.*




Fig. 1.






Fig. 2.




Fig. 3.




Fig. 6.




Fig. 5.




Fig. 4.




Fig. 7.

interea factum sit per arcum FE, quæ quatuor diametris Lunaribus est æqualis, hoc est duobus circiter gradibus, quem arcum Luna quatuor horis plerumque absolvit.

Fieri etiam possunt Eclipses totales, quæ non sunt centrales, ubi nodus non in Axe, sed ne quidem intra umbram ponitur, uti figura ostendit. Potest etiam nodus tantum ab umbrâ distare, ut non nisi pars Lunæ illam subeat, fientque Eclipses partiales, uti figura monstrat, quæ erunt majores, aut minores, prout distantia Nodi ab umbra minor majorve fuerit. Quod si contingat, Nodum tempore Plenilunii, magis tredecim gradibus ab Axe Umbræ distare, tanta tunc erit Lunæ à plano Eclipticæ distantia, ut ab umbrâ intemperata maneat.

TAB. 27.
fig. 4.
*Eclipses
partiales.*
TAB. 21.
fig. 5. &c.

Ut umbra Terræ in Lunam projecta efficit Eclipsin Lunæ; sic vicissim umbra Lunæ, si in terram incidat, efficiet Eclipsim Terræ. At cum Luna multo minor sit Terrâ, non potest ejus umbra totum Terræ discum Tenebris involvere, sed exigua tantum ejus pars obscurabitur; & Eclipses hæ erunt omnes partiales; eæque solum partes tenebrescent, in quas incidit umbra Lunæ, & earum Incolæ Solem obscurari videbunt. Ideoque Eclipses Solis eas appellant, sed improprie, cum Sol lucem omnem illibatam retineat; & tantum eæ Terræ partes, quæ sub umbra versantur, lumine orbantur.

*Eclipsis
Terræ:*

Sed ut Eclipsium Phænomena melius vobis Academici innotescant; Coni umbrosi, tam Terrestris, quam Lunaris, dimensiones exhibere convenit. Quod ut facilius fiat, libet sequens præsternere postulatum.

Si à centro Solis ducantur lineæ rectæ, ad quævis Telluris puncta, eæ omnes erunt quam proxime parallelæ, nam parallelæ sunt quæ non concurrent nisi ad infinitam distantiam; adeoque quæ non currant nisi ad distantiam respectu distantiae linearum immensam, sunt Physice parallelæ, at tanta est distantia Terræ à Sole ut ejus Diameter si ad distantiam illam comparetur, puncti instar habeatur; quod omnes agnoscunt Mathematici, nam Telluris semidiameter è Sole visa sub angulo prorsus imperceptibili, seu qui oculis distingui nequit, apparet; & tanquam punctum indivi-

*Lineæ à
centro
Solis ad
Terram
ductæ
sunt
quam
proxime
parallelæ.*

sibile videtur; adeoque præ Solis distantia evanescet, & proinde lineæ omnes à centro ad Terram ductæ, erunt Physice parallelæ. Præterea, si recta linea in alias duas incidens, faciat duos internos angulos æquales duobus rectis, erunt lineæ in quas incidit, inter se parallelæ, per *prop. 29*. *El primi*. Sit jam AB semidiameter Terræ, C Solis centrum, ductis AC, BC, per *32. El. primi* erunt anguli A, B, & C æquales duobus rectis, sed angulus C evanescit, & est nihilo fere æqualis, cum Tellus è Sole visa, ut punctum appareat, ergo anguli A & B sunt duobus rectis æquales, & proinde rectæ AC, BC, sunt quam proximè parallelæ. Sic etiam duo fila, ponderibus appensis pendula, pro parallelis habentur, attamen filorum directiones si producantur, concurrent ad centrum Terræ, ad quod Gravia omnia tendunt.

Quæ de Terrâ hic ostensa sunt, de Lunâ quoque magis vera erunt; nam ejus semidiameter ad distantiam Solis minorem habet rationem, quam Terræ semidiameter ad eandem. At non tantum lineæ à centro Solis ad quævis in Terrâ Lunave puncta ductæ, pro parallelis habendæ sunt, sed etiam duæ lineæ à centro Solis ad Terræ Lunæque centra ductæ à parallelissimo sensibilibiter non aberrabunt. Nam angulus quem continent præsertim in *Syzigiis* tam parvus est, ut tuto negligi potest, ejusque neglectus calculum, & Eclipsium Phases, minime turbabit.

Hoc etiam Lemma demonstratu facile præmittimus.


TAB. 21. fig. 8. Si circulum ABC tangant rectæ AE, BF, & a punctis contactuum ad centrum ducantur rectæ AD, BD, Angulus ad centrum ductis lineis contentus, æqualis erit ei quem continent rectæ tangentes.


Nam in quadrilatero GADB, omnes anguli efficiunt quatuor rectos, sed anguli A, & B, sunt recti per 18. Elementi tertii, quare anguli AGB & D sunt æquales duobus rectis sed per 13. *El primi* AGB & AGF sunt æquales duobus rectis, quare angulus D erit æqualis angulo AGF.

Dimensio anguli conijuncti.

TAB. 22. fig. 1.

Circulus ABK repræsentet Telluris globum, AM rectam quæ Terræ & Solis centra conjungit, ad quam sit perpendicularis semidiameter Terræ CB. si à B ad centrum Solis du





ducatur recta BF, erit illa ad CM parallela, uti ostensum fuit, saltem recta illa à parallelâ minime positione differet. Fiat angulus BCD æqualis semidiametro apparenti Solis, hoc est æqualis angulo sub quo semidiameter Solis è Terra videtur, & per D ducatur tangens DG, eritque per Lemma superius traditum, angulus GEF, æqualis angulo BCD, seu semidiametro apparente Solis, adeoque cum BF ad centrum Solis tendit, recta GED Solis limbum tanget, & Terram quoque in D stringet, & producta cum HC concurret in H, eritque angulus DHC femiangulus Coni umbrosi. Sed quia FE est ad MH parallela, DHC angulus æqualis erit GEF angulo, per 29. *El. primi* hoc est semidiametro apparenti Solis. Adeoque totus angulus conï æqualis est diametro apparenti Solis.

Similiter in Luna hoc idem demonstrari potest, & eâdem manente Solis diametro, in omnibus sphæris, quæ Tellure non sunt majores, æquales erunt anguli Conorum quæ umbras includunt, & Coni umbrosi erunt semper figuræ similes. Quod hæc etiam ratione demonstrari potest.

Sit AGF Sol, DEH Terra, vel aliud quodvis corpus Sphæricum Terrâ non majus, SC linea jungens centra Solis & Terræ; AD recta quæ utramque sphæram tangit cum SC productâ concurrens in M. Erit angulus AMS femiangulus Coni umbrosi. Et in triangulo SDM, angulus externus ADS, æqualis est duobus internis & oppositis DMS, & DSM; sed angulus DSM sub quo scilicet è Sole videtur semidiameter Terræ, fere nullus est. Nam Terra, uti sæpius dictum est, è Sole visa ut punctum apparet. Quare erit angulus DMS femiangulus Coni æqualis angulo ADS semidiametro apparenti Solis. Q. E. D.

In omnibus sphæris anguli conorum, qui umbras includunt, sunt æquales.
TAB. 22;
fig. 2.

LECTIO XII.

De Penumbra ejusque Cono, de Coni umbrosi altitudine, & Umbrarum diametris apparentibus.

Præter umbram omni luce privatam, est & spatium quoddam Penumbrosum, quod ab aliquibus Solis radiis illuc.

lustratur, reliquis per opacam Sphæram interceptis; cujus partes diversos obtinent illuminationis gradus, scil. minores aut majores, prout umbræ propiores sunt, aut ab eâ remotiores: hoc spatium *Penumbra* dicitur; eamque sic determinamus.

TAB. 22.
fig. 3.

Exponat circulus AEFG Solem, HED sphæram quamlibet opacam, v. gr. Lunam, SC sit linea centra conjungens; ducatur recta FDO inferiorem Solis limbum, superioremque Lunæ contingens. Item AHP superiorem Solis, & inferiorem Lunæ limbum lambens, quæ rectam SC fecent in I. Si manente puncto I immobili, recta IDO, vel IHP, indefinite protensæ, & Lunæ Globum semper contingentes, motu conico circa Axem IM vertantur, generabitur superficies conica Indefinita PHDO umbram perfectam includens, & etiam spatium circumambiens ODM, PHM, à quo radii ab aliquibus Solaris disci partibus prodeuntes arcentur per interpositam sphæram opacam; hoc spatium *Penumbra* dicitur, quæ obscurior est in X & Y versus conii umbrosi oras quam in V & N quæ loca à superficie Penumbrae conica minus distant. Nam loca X & Y à minore Solaris disci parte illustrantur, quam reliqua ab axe Coni magis remota. Si itaque Tellus intra hoc spatium versetur, quædam superficiæ Terrestris pars ad S potest totalibus tenebris includi. Et spectatores in eâ degentes totalem Solis Eclipsim videbunt. At qui extra Umbram degunt, in cono tamen Penumbroso locati, ut ad Q aliquam saltem Solaris disci portionem videbunt, reliquâ per Lunam tectâ. Nam ducatur QD Lunam tangens & ad Solem producta, manente puncto Q, si motu conico circumagatur QD indefinite protensa; superficies quam describit Conicam abscindet Solaris disci portionem à Luna tectam.

Coni penumbrosi
dimensio
TAB. 22.
fig. 4.

Coni penumbrosi dimensio hac ratione habetur. Circulus HDL sphæram opacam v. gr. Lunam repræsentet; cujus & Solis centrum jungat linea SC, ad quam perpendicularis sit semidiameter Lunæ CB, & eidem parallela BF, Lunam tangens. Fiat angulus BCD æqualis apparenti Solis semidiametro, per D ducatur tangens DG, eritque per Lemma,

ma, angulus $FE G$ æqualis angulo $B C D$, seu femidiametro Solis; adeoque cum $E F$ ad centrum Solis tendat, $E G$ Solem ad superiorem marginem continget. Sed & Lunam quoque tangit; adeoque puncto ejus I manente immobili, si motu conico feratur, conum penumbrosus efficiet. Ob parallelas autem $E F$, $C S$, erunt anguli FEI , EIC alterni æquales. Sed angulus EIC est femiangulus Coni Penumbrosi. Et est FEI femidiameter apparens Solis; erit itaque femiangulus Coni semper æqualis femidiametro apparenti Solis. Conus itaque umbrosus & Penumbrosi pars ea quæ Solem & sphaeram opacam interjacet, sunt figuræ similes & æquales, habent enim angulos & bases æquales.

Coni umbrosi terrestris altitudo sic invenitur. Sit CT femidiameter Terræ, TM altitudo Coni. Posito TM radio erit CT sinus anguli TMC femianguli conicæ, qui æqualis est femidiametro apparenti Solis, in mediocri ejus distantia, circiter $16'$; Fiat igitur ut sinus $16'$, ad radium, ita femidiameter Terræ, ad quartum; & invenietur TM æqualis 2148 . femidiametris Terrenis. At quando Terra maxime à Sole distat, femidiameter Solis seu femiangulus Coni est $15'$: $50''$ & tunc altitudo umbræ evadit æqualis 217 femidiametris Terræ. Cum Terræ diameter sit ad diametrum Lunæ ut 100 ad 28 . erit Altitudo Coni terrestris ad altitudinem conicæ umbræ Lunæ in eadem ratione; sunt enim Figuræ similes, adeoque erit æqualis 59.36 femidiametris Terræ. Hinc si distantia Lunæ à Terra ejus mediocrem distantiam (quæ 60 circiter femidiametris Terræ æqualis est) superet, umbrosus Lunæ Conus ad Terram non pertinet; in quo casu, Eclipsis potest esse centralis, at non Totalis; sed circa Lunam luminosus Solis circulus quasi annulus, aureus eam cingens, apparebit. Sequitur etiam quod si tempore Eclipses, Anomalia Lunæ minor sit tribus signis, aut major novem, fieri non potest Eclipsis Solis totalis; in his enim omnibus Anomaliæ gradibus, Lunæ distantia est major mediâ.

Ut inveniatur quanta Terrenæ superficiei pars Lunari umbra involvi potest. Ponamus distantiam Solis esse maximam, in quo casu Altitudo Coni umbrosi est maxima, scil. circiter

*Altitudo
Coni
umbrosi
Terræ.
TAB. 22.
fig. 5.*

*Altitudo
Coni
umbræ
Lunæ.*

*Quanta
superfi-
ciei Ter-
restris
pars Um-
bræ in-
cludi po-
test.*

ter 60 semidiametris Terræ. Ponamus etiam distantiam Lunæ à Terra esse minimam, ut crassior pars umbræ in Terram incidat, estque hæc distantia minima æqualis circiter 56. semidiametris Terræ.

TAB 23.
fig. 1.

Sit L Luna, ABD, Terra, cujus centrum T, LM altitudo coni umbrosi, æqualis 60 semidiametris Terræ; LT distantia Lunæ à Terra æqualis 56 semidiametris. Erit itaque TM æqualis quatuor semidiametris Terræ, unde TB, ad TM, ut 1, ad 4, sed ut TB, ad TM, ita sinus anguli TMB, ad sinum anguli TBM, est vero angulus TMB $15' : 50''$ adeoque innotescet angulus TBM 63. min. primis cum 13 secundis cui si addatur angulus TMB $15' : 50''$; habebitur angulus ATB, qui his duobus est æqualis nempe 79 min. prim. quibus æqualis est arcus AB, cujus duplum BAC est 158 min. seu 2 grad. 38 minut. seu milliaribus Anglicanis 180 circiter. Supponimus hic Axem umbræ transire per centrum Terræ; At si Axis hic sit ad Terræ superficiem obliquus, Conus oblique secabit superficiem Terræ & figura umbræ evadet Ovalis.





Quantam
superficie
partem
penum-
bra con-
tinet.

TAB 23.
fig. 2.

Si quærat quanta superficiei Terrestris pars potest in Penumbra Lunari contineri; illam hac ratione exquirere licet. Ponamus apparentem Solis diametrum esse maximam, cum scil. Terra est in Perihelio, estque illa $16' : 23''$ Sit jam ABD Terra, L Luna, AMB femiangulus coni Penumbrosi $16' : 23''$. unde invenietur altitudo LM æqualis 58' semidiametris terrestribus. Sit Luna in Apogeo, adeoque in distantia à Terra maximâ, quæ est 64 semidiametris Terræ; hinc est TM æqualis TL+LM æqualis 122 semidiametris Terræ, adeoque TB, ad TM, 1 ad 122; sed per Theorema Trigonometricum est TB, ad TM, ut sinus anguli TMB scil. sinus $16' : 23''$ ad sinum anguli MBN, qui itaque erit $35 : 42'$. à quo si subtrahatur angulus TMB, $16' : 23''$, restabit angulus MTB, seu arcus AB $35^\circ 25'$: cujus duplus est arcus CAB æqualis 70. grad. min. 50. qui constat circiter 4900 milliaribus Anglicanis.

Appa-
rens dia-
meter
Umbræ
terre-
stris.

Si conus Terræ umbrosus, ad Lunæ cælum plano transverse secetur, Sectio fit circulus, quæ umbra dicitur, cu-
jus





jus apparens diameter è centro Telluris visa sic determinatur: sit T centrum Terræ, CMT femiangulus Coni umbrosi; FLH sectio umbræ ad Lunæ cælum, ejusque diameter FH. Ex TAB. 22. fig. 5.
 noto femiangulo coni innotescet ejus altitudo TM; datur etiam TL distantia Lunæ à Terra; unde innotescet quoque ML, sed datur angulus FML, æqualis scil. semidiametro Solis apparenti; anguli autem sub quibus idem objectum videtur, sunt reciproce ut distantiae unde videtur objectum; quare si fiat ut TG ad MG, ita angulus FMG notus ad angulum FTG, qui propterea innotescet.

Quin etiam hac ratione obtineri potest angulus FTG; scil. datâ FT distantia Lunæ à Terrâ & CT semidiametro Terræ, dabitur angulus CFT semidiameter apparens Terræ è Luna Alia methodus idem exquirendi.
 visa quæ *Parallaxis Lunæ horizontalis* dicitur, utpote quæ eidem est æqualis; quare in triangulo TFM; est angulus externus CFT, æqualis duobus internis & oppositis; adeoque si ab angulo CFT noto, auferatur angulus FMT notus, restabit angulus FTM vel FTG apparens umbræ semidiameter. *Parallaxis Lunæ horizontalis.*
 Apparentes autem Terræ semidiametri seu Lunæ Parallaxes horizontales, pro variis ejus à Terrâ distantis, habentur in Tabulis Astronomicis.

Sit vel Ω L portio orbitæ Lunaris, quam Luna prope plenilunium percurrit, quæ cum parva sit pro recta haberi potest, per quam transeat planum ad Eclipticæ planum normale illudque secat in recta Ω M, in quam ex L cadat perpendicularis LG, circulus FMO repræsentet umbram Terræ, cujus centrum G, erit GL latitudo seu distantia Lunæ ab Eclipticâ, momento plenilunii, quæ parum differt à Lunæ distantia minima. Patet si GL Latitudo Lunæ major sit quam summa semidiametrorum umbræ & Lunæ, tunc Lunam in umbram non incurrere. Neque fiet Eclipsis. At si Latitudo Lunæ sit huic summæ æqualis, Lunæ limbus tanget umbram, sed non ingredietur. Si Latitudo Lunæ sit minor summâ semidiametrorum umbræ & Lunæ, at major earum differentiâ, fiet Eclipsis partialis. At si Latitudo sit minor eâdem differentiâ semidiametrorum umbræ & Lunæ Eclipsis erit totalis. Hinc innotescunt termini Ecliptici, quibus si distantia Lunæ à nodo sit minor, tempore Plenilunii fieri potest
 Quando fient Eclipses Lunæ. TAB 23. fig. 3. 4. 5.
 Terminii Ecliptici.

TAB. 23.
fig. 6.

test Ecclipsis: si major, non potest. Referat Ω S portionem Eclipticæ, Ω L portionem orbitæ Lunæ, SL latitudinem Lunæ tempore plenilunii; quæ latitudo sit talis, ut Lunæ limbus tangat circulum umbrosus, sitque Nodus ad Ω , angulus $L\Omega S$ est inclinatio orbis Lunaris ad Eclipticam 5 circiter graduum, & LS Latitudo Lunæ, ubi ejus limbus contingit umbram 66'. min. Itaque datis LS & angulo $L\Omega S$ invenitur Ω S seu distantia puncti Eclipticæ Soli oppositi, à nodo scil. 754. min. seu 12 gr. 34' unde si longius distet punctum Eclipticæ Soli oppositum, vel Luna à Ω . nulla erit Ecclipsis.

TAB. 23.
fig. 7.

Sit L Lunæ centrum, ejus Conus umbrosus DME, hic conus ad distantiam Terræ plano transverse secetur, sectio fiet circulus, cujus semidiameter dicitur semidiameter umbræ Lunæ; angulus autem, sub quo semidiameter umbræ ex Lunâ visâ apparet, æqualis est differentiæ semidiametrorum apparentium Solis & Lunæ è Terra visarum. Est enim angulus LPD semidiameter apparens Lunæ, æqualis duobus internis angulis PLM, & PML; unde angulus PLM vel PLT semidiameter apparens umbræ æqualis est angulo LPD dempto angulo LMP, hoc est semidiametro Lunæ apparenti dempta semidiametro apparenti Solis.

Appa-
rens um-
bræ Lu-
naris
semidiameter
è Luna
visâ.

Appa-
rens
Penum-
bræ dia-
meter.

TAB. 20.
fig. 7.

Sit L Luna, AMB conus penumbrosus ad terram usque protensus, ejusque Axis MT; si conus per T transverse plano secetur, fiet circulus, cujus semidiameter AT, dicitur Penumbra semidiameter; & angulus sub quo illa ex Lunâ apparet est TLA, qui cum trianguli LMA externus sit angulus, erit æqualis internis & oppositis LAM & LMA; sed angulus LMA est semiangulus coni, & æqualis semidiametro apparenti Solis & MAL seu CAL æqualis est semidiametro apparenti Lunæ, ex Terra conspectæ, unde semidiameter apparens Penumbra ex Lunâ visâ, æqualis erit summæ semidiametrorum apparentium Solis & Lunæ.

Via Lu-
næ à So-
le.

Si nullus esset motus Solis apparens, ex motu reali Terræ ortus, *via Lunæ à Sole* eadem esset ac via in propria orbita. At quia dum Luna in orbita progreditur, Sol etiam in Ecliptica incedere videtur, via Lunæ à Sole diversa erit

ab

ab orbitâ Lunæ, ejusque inclinatio ad Eclipticam major erit inclinatione orbitæ Lunariorum ad eandem. Sit Ω A Luna-^{TAB. 23.}ris orbitæ portio, & Sol & Luna conjungantur in Ω deinde ^{fig. 8.}dum Luna in orbita describit spatium Ω L, Sol in Ecliptica per spatium Ω S motu apparenti feratur, erit SL via Lunæ à Sole. At si duo corpora secundum eandem plagam ferantur, motus ipsorum relativus, quo unum ab altero recedit, idem erit ac si corpus tardius motum quiesceret, & alterum cum velocitatum differentia latum esset, ut in Lectionibus Physicis demonstratur. Per Lunæ locum L ducatur BL Eclipticæ parallela, cui sit perpendicularis Ω B. Et dum Luna in orbitâ lineam Ω L describit motus ejus secundum Eclipticam erit per spatium æquale BL, sit $L\angle$ æqualis $S\Omega$, & ducta Ω I, erit ea ad SL parallela, motusque Lunæ à Sole, idem erit ac si Sol in Ω quiesceret, & Luna secundum Eclipticam lata esset, velocitate B I, velocitatum scil. differentiâ. Cum autem anguli BL Ω , & B I Ω parvi sint, erit angulus BL Ω ad angulum B I Ω , ut B I ad BL; hoc est ut differentia motuum Solis & Lunæ secundum Eclipticam ad motum Lunæ in Eclipticâ, ita erit angulus quem facit orbita Lunæ cum Ecliptica, ad angulum B I Ω ; qui æqualis est angulo I Ω E, seu LSE angulo inclinationis viæ Lunæ à Sole cum Eclipticâ.

Hinc quoque innotescet angulus, quem circulus Latitudinis per quodvis Eclipticæ punctum ductus facit cum via Lunæ à Sole. Nam in Triangulo Sphærico rectangulo, quem Ecliptica, via Lunæ, & circulus Latitudinis faciunt, datur unus angulus, Inclinatio viæ Lunæ ad Eclipticam, & basis, distantia scil. circuli Latitudinis à Nodo, unde & alter angulus acutus dabitur.

LECTIO XIII.

De Projectione Umbræ Lunariorum in Telluris Discum.

SI linea recta in planum sibi parallelum projiciatur, demissis à singulis ejus punctis perpendicularibus in planum, Projectio, seu locus ubi perpendiculares planum offendunt, erit linea recta priori parallela, & æqualis; nam perpendi-

culares, quæ ab extremis Rectæ punctis in planum ducuntur, sunt parallelæ & æquales, unde quæ ipsas conjungunt rectæ lineæ, æquales & parallelæ erunt. Hinc si duæ rectæ lineæ sese contingentes, plano alicui sint parallelæ, ipsarum in planum illud Projectiones, & ipsæ rectæ lineæ æquales angulos continebunt, uti liquet per 10. El. XI. Adeoque si Figura quælibet plana in planum sibi parallelum projiciatur, Projectio erit figura ei similis & æqualis.

TAB. 23.
fig. 9.


At si linea ad planum inclinetur, ejus projectio, demissis perpendicularibus in planum, erit ad ipsam lineam, ut cosinus anguli inclinationis ad radium. Sit AB linea ad planum inclinata, & DE repræsentet planum ad quod inclinatur, demissis à punctis A & B perpendicularibus rectis Aa Bb; erit ab projectio lineæ AB, cui si ducatur per B parallela BC perpendiculari Aa occurrens in C, erit BC æqualis ab; sed est BC ad AB, ut cosinus anguli ABC ad radium; unde erit ab ad AB, ut cosinus anguli inclinationis ad radium. Hinc sequitur figuram omnem, cujus planum ad planum projectionis est perpendiculare, projici in lineam rectam. Nam perpendiculares à quibuscumque plani punctis in planum projectionis demissæ, semper cadent in communem planorum sectionem. Hujusmodi linearum & Figurarum projectio Dicitur *Projectio Orthographica*.

Projectio
Orthographica.

Telluris
Discus

Projectio
in
Discum
Orthographica.

Si per Telluris centrum transire concipiatur Planum, ad quod recta, Solis & Terræ centra conjungens, sit perpendicularis, planum hoc in Terrâ efficiet circulum, qui Hemisphærium illustratum à tenebroso distinguet; quemque circulum lucis & umbræ Finitorem in superioribus lectionibus nominavimus; hic *Telluris Discum* appellari illum liceat, qui discus spectatori in Lunæ coelo, & in recta quæ centra Solis & Terræ conjungit constituto, directe obvertitur, & in illum Æquator Terrestris, ejusque Paralleli, Poli & circuli omnes in superficie Terræ projici videntur. Nam rectæ è centro Solis ad quælibet disci puncta censendæ sunt parallelæ, adeoque cum ea linea, quæ ad centrum disci ducitur, sit ejus plano perpendicularis, erunt reliquæ omnes, a centro Solis ductæ & per quælibet Telluris puncta trans-
eunt



euntes lineæ, ad disci planum normales. Præterea per conversionem Telluris circa proprium Axem, Regiones omnes Terrestres, Civitates & oppida, semitas in hoc disco describere à spectatore in Lunæ cælo conspiciuntur. Nam vertigine diurnâ Æquatorem, vel ei parallelos describunt, & si Sol sit in Æquinoctiali plano, hi circuli, cum in hoc casu sint ad planum disci recti, in rectas lineas projicientur: at in aliis casibus projicientur in Ellipses quæ erunt semitæ, quas spectator loca Telluris in disco percurrere videbit. Et si per Polum Telluris circulus immobilis traducatur, cujus Planum productum per Solem transeat, fiet Meridianus Universalis; ad cujus Planum cum locus quilibet pervenerit, fit istius loci incolis meridies: cum vero locus quilibet marginem disci occidentalem primo attigerit, istius loci incolæ Solem orientem videbunt. At spectator in Lunæ cælo, locum in disco oriri aspiciet; & versus orientem progredi, cumque meridianum transiverit, locus Sole orientior factus Sol è Terra versus occidentem vergere apparebit; ad marginem denique disci orientalem pervento loco, mox is occidere & in tenebrosâ Telluris parte se abscondere, è Luna videbitur, cum Loci Incola Solem occidentem & è conspectu ejus sese subducentem videbit.

Meridianus Universalis.

Disci magnitudo per angulum sub quo Terræ femidiаметer è Luna videtur, æstimatur; Estque idem angulus qui Parallaxis Lunæ Horizontalis dicitur. Et si a Lunâ in planum Eclipticæ perpendicularis demittatur, quæ Lunæ distantiam ab Ecliptica metitur, erit hæc linea plano disci parallela, adeoque in rectam sibi æqualem & parallelam projicietur in planum disci; eritque angulus sub quo projectio è Luna apparet, æqualis angulo sub quo ipsa perpendicularis è Terra videtur; nam æquales rectæ ex æqualibus distantiiis directe visæ, sub æqualibus angulis videntur.

Disci magnitudo.

Via Lunæ à Sole, si ejus capiatur pars illa exigua, quæ tempore Eclipsis Disco obvertitur, pro recta linea haberi potest, & in disco in rectam sibi æqualem projicietur, ejusque projectio cum circulo Latitudinis projecto eundem angulum continebit, quem via Lunaris facit cum eodem in

Via Lunæ à Sole in disco projecta.

Eclipticâ. Hanc lineam centrum Penumbrae in plano disci exceptae percurrere videbitur.

TAB. 24.
fig. 1.
*Latitudo
Lunae in
discum
projecta.*

Circulus DKG Telluris discum repraesentet, cujus semidiameter tot contineat partes quot parallaxis Lunae horizontalis, seu semidiameter apparens Terrae à Luna visa constat scrupulis. Linea NT sit distantia Lunae à plano Eclipticae tempore novilunii in planum disci projecta, tot etiam constans partibus, quot Latitudo Lunae habet scrupula. Ω K Eclipticae portio Ω / viae Lunaris à Sole portio in disci planum projecta. Ex centro disci T, in Penumbrae semitam demittatur perpendicularis TV; hæc recta metitur minimam distantiam centrorum Disci & Umbrae Lunaris. Centro V describatur circellus parvus, cujus semidiameter sit æqualis excessui semidiametri Lunae apparentis supra Solis apparentem diametrum: circellus ille umbram Lunarem exponet, nam ostensum est Umbram illam è Luna visam æqualem esse differentiae apparentium diametrorum Solis & Lunae. Rursus si describatur circulus HM priori concentricus, cujus semidiameter VM sit ad semidiametrum disci, ut summa semidiametrorum Solis & Lunae ad diametrum apparentem Terrae, seu ad parallaxem Lunae horizontalem circulus hic penumbram Lunarem exponet, in ejus distantia à centro disci minima. Ostensum enim est semidiametrum apparentem penumbrae huic summæ fuisse æqualem. Adeoque si hic circulus discum non attingat, nulla omnino futura est Solis Eclipsis; hoc est si distantia illa VT major sit summâ semidiametrorum disci & Penumbrae, vel quod idem est, major summâ semidiametrorum Solis & Lunae & Parallaxis Lunae horizontalis, nulla habebitur Eclipsis: si distantia VT huic summæ sit æqualis, Penumbra Terram stringet, in illam tamen non incurret. At si VT sit hæc summâ minor, hoc est si VT, sit minor quam VM, & TR, aliquam disci Telluris partem Penumbra teget. Et qui segmento RZMY includuntur, Eclipsim Solis partialem saltem videbunt.

*Quando
Terra ab
Eclipsi
immunis
est.*

TAB. 24.
fig. 2.
*Quando
Eclipses
Partiales.*

*Quando
Eclipses
Solis totales.*

Si vero distantia minima TV, sit minor differentiâ semidiametri disci, & circelli penumbrosi, hoc est si minor sit differentiâ semidiametrorum Solis & Lunae & Parallaxi Lunae ho-

horizontali simul sumptis, circellus umbrosus aliquam ^{TAB. 24.} disci partem percurrent, inque iis locis per quæ transit, Ec- ^{fig. 3.} lipsim Totalem Solis efficiet. Eclipsis illa Totalis semper fit sine notabili morâ, quia circellus admodum parvus est, cum Lunæ apparens diameter Solis apparentem diametrum parum superet: & raro excessus hic seu diameter umbræ duobus minutis primis adæquatur, quod spatium in plano disci ab umbra percurrentur quatuor circiter horæ minutis primis; ejus tamen morâ in aliquo loco longior esse potest, ob motum loci interea factum secundum eandem plagam.

Hinc innotescunt termini Ecliptici, seu distantia Lunæ ^{Termini} à nodo tempore conjunctionis ut possibilis sit Eclipsis Solis; ^{Eclipti} Sit enim circulus R O G discus Terrestris, Ω TK linea sit ^{ci.} interseccio plani Eclipticæ cum plano disci, estque proje- ^{TAB. 24.} ctio portionis Eclipticæ in idem planum Ω N portio viæ Lu- ^{fig. 4.} naris in planum disci projectæ. TV minima distantia centrorum umbræ & disci similiter projecta, æqualis semidiametro disci & semidiametro penumbrae simul sumptis: in Triangulo Ω TV, datur latus TV, quod cum maximum est, 94½ minutis primis constat, datur quoque angulus ad Ω qui cum minimus est, constat gradibus 5. min. 30. unde invenietur Ω T æquale 986 minutis primis seu grad. 16. min. 26., cumque in hoc casu penumbra Telluris discum tantum stringit, necesse est ut tempore noviluni Ecliptici Luna à nodo minus distet quam 16 gr. 26.

Referat ut prius R K G discum Terrestrum, Ω TK por- ^{TAB. 24.} tionem Eclipticæ in disci planum projectam, Ω l semitam ^{fig. 5.} centri penumbrae per discum transcurrentis, erit TN Latitudo Lunæ, & TV minima distantia centrorum umbræ & disci. Sit circulus OPQ penumbra, à D per VN ad l pergens, in cujus medio est circellus umbram repræsentans, ^{Tempus} sitque notum tempus conjunctionis, seu cum penumbrae cen- ^{Eclipsa-} trum est in N, quod per Tabulas Astronomicas datur; dabitur ^{tionis} inde tempus cum centrum Umbræ est in V, hoc est tem- ^{mediæ.} pus Eclipsationis mediæ. Nam in triangulo rectangulo TVN, datur TN latitudo Lunæ, & angulus TNV, quem circulus

Lati-

*Semidu-
ratio Ec-
lipseos.*

titudinis facit cum via Lunæ unde innotescet VN, & TV; sed ex motu Lunæ à Sole dabitur tempus, quo umbræ centrum percurrit spatium VN, hoc tempus à tempore conjunctionis subductum, vel additum, dabit tempus Eclipsationis mediæ. Præterea in triangulo rectangulo DTV, dantur DT summa semidiametrorum disci & Penumbræ, & TV distantia minima jam inventa, ex his innotescet DV, & inde tempus quo umbra percurrent arcum DV, hoc est semiduratio Eclipseos in disco, & hinc quoque datur punctum temporis quando Penumbra discum primo attingit, & similiter invenietur tempus quando ipsum relinquit.

*Locus
cui Sol
dato tem-
poris mo-
mento est
vertica-
lis*

Dato Loco Solis in Eclipticâ pro quovis temporis momento, exinde innotescet locus in superficie terrestri, cui Sol eo momento est verticalis, seu in cœli puncto altissimo. Nam loci Latitudo est æqualis declinationi Solis, seu distantiae ejus ab æquatore; & Longitudo a loco quo tempus computatur habetur, vertendo tempus à meridie in gradus & minuta Æquatoris, singulis horis quindecim gradus, singulisque minutis quindecim gradus minuta assignando, v. gr. Longitudo loci in cujus vertice est Sol, cum Oxonii hora nona & dimidia matutina numeratur, habetur subtrahendo 9 h. 30' à 12 & restabunt horæ 2. 30' quæ in 15 ductæ efficiunt gradus 37: minut. 30. Locus itaque ille erit gr. 37, min. 30. Oxonio orientior.

*Elevatio
Poli su-
pra dis-
cum.
TAB. 24.
fig. 6.*

Circulus FRK ut prius repræsentet Telluris discum, FTK portionem Eclipticæ in discum projectam, cui sit normalis TR, erit illa axeos Eclipticæ projectio & punctum R ejusdem polus, sitque P polus Terræ projectus. Per T & polum P concipiamus transire circulum TPS qui meridianum universalem repræsentet, & Elevatio Poli supra disci planum æqualis erit declinationi Solis. Nam arcus meridiani inter Solem & disci peripheriam interceptus est circuli quadrans; & arcus ejusdem meridiani inter æquatorem & polum est quoque circuli quadrans. Quare ab æqualibus ablato communi TP, erit PS elevatio poli supra discum, æqualis distantiae Solis ab Æquatore.

Notandum est quando Sol tenet signa ♊ ♋ ♌ ♍ ♎ seu po-

potius quando Terra tenet signa opposita, Punctum S, ubi meridianus disci peripheriæ occurrit, cadere ad dextram Poli Eclipticæ, at quando in reliquis sex signis sit, punctum illud erit ad sinistram respectu poli Eclipticæ, secus ac fit ubi projectio concipitur fieri in plano ad Lunæ cælum, quod est ad planum disci parallelum; quodque per rectam jungentem Solis & Terræ centra transit.

*Positio
meridia-
ni per
Solem
trans-
euntis
determi-
natur.*

Ut habeatur angulus RTS, seu disci arcus RS, inter polum Eclipticæ & meridianum interceptus; In triangulo Sphærico rectangulo RSP, datur arcus RP, distantia Poli Eclipticæ, ab æquatoris polo scil. $23\frac{1}{2}$ grad. Item latus PS æquale declinationi Solis. Quare per Trigonometriam innotescet latus RS, seu mensura anguli RTS. In TS capiatur TP æqualis consinui declinationis Solis posito TS radio & erit P Punctum in quod projicitur Polus.

Ut habeatur locus Terræ Q. ubi penumbra discum primum attingit, seu ubi Sol oriens in supremo sui puncto deficere videtur, ducatur per polum meridianus PQ ad punctum Q, ubi penumbra primo tangit discum. Et primo in triangulo rectangulo rectilineo DTV ex datis DT TV, innotescet angulus DTV, cui si addatur vel subtrahatur angulus datus VTP, qui est summa vel differentia notorum angulorum VTN, NTP, dabitur angulus QTP. Hinc in Triangulo in superficie terræ Sphærico rectangulo SPQ, datur SP æqualis declinationi Solis & arcus SQ qui est mensura anguli STQ; dabitur inde arcus PQ complementum Latitudinis loci Q. Item dabitur SPQ angulus, ejusque complementum ad duos rectos, scil. angulus QPT; qui est mensura distantiae meridianorum loci Q, & loci istius cui Sol est verticalis, cumque locus hic notus sit, innotescet quoque locus Q, nam nota est tam Longitudo ejus, quam Latitudo.

*Deter-
minatur
locus
Terræ in
quem pe-
numbra
primo in-
cidit.*

Eâdem methodo innotescet locus Terræ qui umbra totali primo involvitur. Et simili fere ratione habebitur locus terræ M, qui umbrâ involvitur pro quolibet temporis momento, ante vel post Eclipsationis medium. Nam ex dato temporis momento per motum horarium Lunæ à Sole invenitur recta MV, & punctum M in disco ubi incumbit centrum um-

*Deter-
minatio
Loci
Terræ
qui dato
quolibet
momento
umbrâ
involvi-
tur.*

R r

bræ,

bræ, & in triangulo itaque rectangulo MVT, ex datis MV, VT, dabitur MT, & angulus MTV, cui si addatur vel subtrahatur angulus notus VTP, dabitur angulus MTP; est vero MT finis arcus circuli verticalis, qui per verticem loci M & punctum sub Sole transit, posita semidiametro disci pro radio; si itaque fiat ut semidiameter disci, ad MT, ita Radius ad finem arcus, qui erit distantia Solis à vertice M. In triangulo itaque Sphærico in superficie Terræ MPT, dantur PT distantia Solis à polo, & MT distantia Solis à vertice, & angulus MTP, unde dabitur MP complementum Latitudinis Loci, & angulus MPT qui ostendet differentiam meridianorum loci M, & loci illius cui Sol verticalis est; sed datur differentia meridianorum istius loci cui Sol verticalis est, & loci à quo tempus computatur; quare dabitur differentia meridianorum loci M, & loci à quo tempus computatur. Ex quâ innotescet locus M. Atque hâc methodo si plura inveniantur loca, per quæ centrum umbræ transit, lineisque jungantur, habebitur semita Umbræ in Telluris superficie.

Pars Solaris diametri obscurata.








TAB. 25.
fig. 1.

Pars diametri Solaris obscurata innotescet ex loco spectatoris intra penumbram, seu ex ejus distantia à centro umbræ. Sit enim ASB diameter Solis diametro Penumbrae EF parallela, ducatur recta MCB, Lunam stringens ad dextrum Solaris diametri terminum, GCA vero ad sinistrum Solaris diametri terminum tendat: erit angulus ACB æqualis diametro apparenti Solis, & Triangula ACB, MCF erunt similia: sit jam spectator intra penumbram in G locatus, ducatur recta GCP, tangens Lunæ globum, & erit AP pars diametri Solaris à Lunâ obscurata spectatori in G; sed recta GA cum per triangulorum vertices ad C quam proxime transit, bases AB, MF similiter fere dividet; unde AP, ad AB, ut GF, ad MF. Est itaque pars obscurata diametri Solaris, ad ipsam diametrum, ut distantia Loci à margine Penumbrae, ad Penumbrae semidiametrum diminutam semidiametro Umbræ.

Quantitas Eclipsos per digitos mensuratur.

Dividunt Astronomi Solarem Diametrum, sicuti etiam Lunarem in duodecim partes æquales; quas digitos appellant, quibus quantitatem obscurationis dimetiuntur. Et Eclipsim dicunt tot esse digitorum, quot diametri pars obscurata constat digitis.

Si



1914

1. The American Medical Association is a non-profit corporation organized for the purpose of promoting the interests of the medical profession and the public health. It is composed of members who are physicians and surgeons, and who are elected by the members of the Association in each of the States and Territories of the United States.

2. The Association is organized into a hierarchy of committees and sub-committees, which are responsible for the management of the Association's affairs. The highest body is the Association itself, which meets annually in convention. Below the Association are the Council and the Executive Committee, which are responsible for the day-to-day management of the Association's affairs.

3. The Association's primary concern is the promotion of the interests of the medical profession and the public health. It does this by publishing the Journal of the American Medical Association, which is one of the most widely read medical journals in the world. It also publishes the Bulletin of the American Medical Association, which is a weekly publication that contains news and information of interest to the medical profession.

4. In addition to its publications, the Association is also engaged in a variety of other activities. It has established a number of hospitals and clinics, and it has also been instrumental in the establishment of many other medical institutions. It has also been active in the field of medical education, and it has been instrumental in the establishment of many medical schools and colleges.

5. The Association's activities are financed by the contributions of its members. The Association also receives a number of grants from the Federal Government and from other sources. The Association's income is used to finance its various activities, and to maintain its headquarters in Chicago, Illinois.

Si detur situs loci in disco pro quolibet temporis momento, & quærat^{ur} quæ futura sit Phasis Eclipseos eo momento in loco illo; hæc sic invenitur. Sit S situs loci in disco, quærat^{ur} pro illo temporis momento locus centri penumbræ in propria semitâ, qui sit M; quo centro & semidiametro æquali semidiametro Lunæ describatur circulus AFL, Item centro S, semidiametro SB, æquali semidiametro Solis, circulus EBG describatur, quem circulus EFL interfecat in E & F, erit EBFA pars Solis à Lunâ tecta spectatori in S. Nam producat^{ur} MA semidiameter Lunæ ut fiat AD per S transiens æqualis semidiametro Solis, scil. æqualis BS, unde erit MD æqualis summæ semidiametrorum Solis, & Lunæ; adeoque semidiametro Penumbræ æqualis, & distantia Loci à margine Penumbræ erit SD. At quia est BS æqualis AD, erit AB æqualis SD. Fiat AN æqualis semidiametro Solis, eritque MN æqualis differentiæ semidiametrorum Solis & Lunæ; seu æqualis semidiametro umbræ: Sed ostensum est esse DS, ad DN, ut pars diametri Solis obscurata, ad Solis diametrum; & ita quoque erit AB quæ est, ipsi DS æqualis, ad DN; sed est DN æqualis Solis diametro, quare erit AB æqualis parti diametri Solis obscuratæ.

Hinc Cuspидum quoque positio determinatur, nam ducto verticali circulo TSG, arcus GE, GF, ostendunt distantiam cuspидum à supremo Solis puncto.

Si quærat^{is}, Academici, velocitatem qua umbra Terræ discum percurrit, observandum est, viam Lunæ à Sole in discum projici in lineam sibi æqualem, & parallelam; adeoque velocitas centri umbræ in propriâ semitâ in discum excepta, æqualis est velocitati quâ Luna viam suam à Sole percurrit. At motus Lunæ à Sole est circiter $30' \frac{1}{2}$ in unâ horâ, adeoque spatium, quod centrum Penumbræ in unâ horâ intra discum percurrit, æquale est arcui $30' \frac{1}{2}$ in orbita Lunari; verum orbitæ Lunaris semidiameter mediocris æqualis est 60 semidiametris Terræ, adeoque i' orbitæ Lunari æquale erit 60 minutis primis in Terræ superficie, seu uni gradui circuli in Telluris superficie maximi; hoc est 69 miliaribus Anglicanis; & proinde $30' \frac{1}{2}$ minuta æquipollent 2104 miliaribus

*Dato sita
in disco
pro quo-
libet
temporis
momento
inveni-
tur pha-
sis Ecli-
pseos pro
eo mo-
mento.
TAB. 25.
fig. 2.*

Anglicanis; quod spatium umbra conficit in una horâ. At quamvis hæc sit velocitas umbræ in Disco Terrestri, velocitas tamen, quâ à dato Loco in superficie Telluris recedit, eâ minor est: Nam dum umbra ab occidente in orientem movetur, loca omnia Telluris interea per vertiginem Terræ diurnam abrepta, etiam ab occidente in orientem sed Lunâ tardius, feruntur; adeoque motum umbræ lentius sequentes, velocitatem, quâ umbra ab iis recedit, diminuunt.

LECTIO XIV.

Nova Methodus computandi Eclipses Solis e dato loco visibiles.

HUc usque Generalis Eclipses Solaris Phænomena exposuimus, qualia scil. à Spectatore in Luna constituto videntur, modumque ostendimus, quo universalis Eclipses Initium, Medium, atque Finis determinantur. Verum initium illud atque finis à paucis tantum videri possunt, ab iis scilicet, qui marginem disci tunc occupant, & prope semitam umbræ locantur, cum interim ex aliis locis versus interiora disci sitis nulla videbitur Eclipsis, neque iis Eclipsari Sol videbitur, nisi post satis notabile Tempus, quando scil. Penumbræ margo primo loca illa attigerit: finisque erit Eclipses, quando margo eadem reliquerit; unde pro vario locorum situ, varia quoque erunt durationis Tempora, sicuti & Eclipses quantitas, pro diversâ distantia locorum à semita umbræ.

*Initium
& finis
Generalis Eclipses à paucis videri possunt.
Tempora
& initia
Eclipses pro diversitate locorum sunt diversa.*

Ut igitur Eclipses particularis Phases, quales è dato loco conspiciendæ sunt, habeantur; liceat novam vobis, Academici, exponere methodum, qua absque molesto illo, multiplici, & laborioso Parallaxium calculo, quo ante nos utebantur Astronomi omnes, Phases illæ determinari possint.

TAB. 26.
fig. 1.

*Paralleli
omnes in
Ellipses
proji-
ciuntur.*

Sit itaque semicirculus AEB semidiscus Telluris à Sole illuminatus, Polus Eclipticæ E, Terræ P. Cum locus quilibet in Terræ superficie, motu diurno raptus, describit circum æquatori parallelum, & omnes paralleli præterquam in æquinoctiis sint ad planum disci inclinati, projicitur parallelus loci cujuslibet in Ellipsim, quæ erit semita, in qua fer-

ferri videbitur locus in plano disci à spectatore in Luna constituto. Sit itaque FXII.D. Ellipsis in quam projicitur parallelus loci cujuscunque. Et projiciantur quoque circuli horarii, saltem projiciantur puncta in quibus circuli horarii parallelum secant, sintque puncta VI VII VIII IX X XI XII I II III IV V VI. Et hora sextâ matutinâ quem intra discum tenet locus erit VI; hora septima in VII invenietur; hora octava ad punctum VIII deveniet; nona punctum IX occupabit, atque ita deinceps.

Sit CT portio semitæ centri Penumbræ in planum disci exceptæ, atque hora 2^{da} supponatur centrum illud in 2, hora tertia in 3, quarta in puncto 4 locari, idque ita deinceps. Hora secunda locus in disco punctum II occupat, itaque distantia centri umbræ à loco erit 2 II. At si distantia illa secundum semitam Umbræ æstimatur, demittatur à loco in semitam perpendicularis II L, eritque distantia hac ratione æstimata, æqualis 2 L, & L punctum erit positio loci ad semitam umbræ reducta. Hora Tertia centrum umbræ sit in 3, locus autem in III, eorum distantia fit 3 III minor prior: hora quarta umbra sit in 4 & locus in IV, in quo situ umbra propior ad locum facta erit, ita ut penumbræ margo locum attingat, & Eclipsis incipiat. Hora autem quinta cum centrum umbræ sit in 5 & locus in V, magis in Penumbra involvitur, & magis ad locum accedit centrum umbræ. At hora sexta centrum umbræ est in 6, jam magis in orientem promotum quam locus, qui punctum in disco VI occupat, adeoque centrum umbræ locum præteribit; & continget tempus minimæ centri umbræ & loci distantiae inter horam quintam & sextam, post quod tempus semper augetur umbræ à loco distantia: & margo Penumbræ tandem locum relinquet, fietque finis Eclipses. Sequenti autem methodo Initium, Medium, Finis sicuti Phases Eclipses è dato loco visibiles accuratius definiuntur. Utque hoc fiat duo præmittimus Problemata.

*Positio
loci ad
semitam
Umbræ
reducta.*

PROBLEMA. I.

*Invenire in Disco Telluris, situm dati loci, pro quolibet
Temporis momento dato.*

*Investi-
gatio si-
tus loci
in disco
pro dato
tempore
TAB. 25.
fig. 3.*

Sit semicirculus AEB semidiscus Terræ à Sole illuminatus, AB portio Eclipticæ in discum exceptæ ejus Axis SE, Polus E, sitque linea SP illa in quam Axis Terræ projicitur, atque P projectio Poli. Fiat ut Radius ad sinum Latitudinis loci ita SP ad SH punctum H erit projectio centri paralleli. Per H ducatur HG æqualis semidiametro paralleli, seu sinui distantiae loci à Polo, quæ sit ad SP perpendicularis, & erit illa femiaxis major Ellipseos, in quam projicitur parallelus loci. Fiat, ut Radius ad sinum elevationis poli supra planum disci, ita GH ad HL erit HL femiaxis Ellipseos minor. In GH capiatur HQ, quæ ad GH eam habeat rationem quam sinus anguli circuli Horarii & meridiani habet ad radium; sitque QR ad GH perpendicularis. Fiat item, ut Radius ad cosinum anguli quem circulus horarius facit cum Meridiano, ita GH ad D. Denique, fiat ut Radius ad sinum Elevationis Poli supra planum disci, ita D ad QR erit R situs loci quæsitus in disco pro temporis momento dato.

Idem aliter ope circuli horarii perficitur.

*TAB. 25.
fig. 4.*

Sit AOB semidiscus illuminatus. Polus P, meridianus universalis SP, cum peripheria disci conveniens in G, sitque circulus horarius pro temporis momento dato FPO. In triangulo Sphærico rectangulo PGO, datur PG Elevatio Poli supra planum disci, & angulus GPO, quem circulus horarius facit cum meridiano, unde innotescet angulus GOP inclinatio circuli horarii ad planum disci, item arcus PO & GO, adeoque dabitur Punctum O, ubi circulus horarius convenit cum peripheria disci: ducatur SO, erit illa communis sectio circuli horarii cum plano disci, & sit arcus FP distantia loci à Polo, seu complementum Latitudinis. Posito SO radio, sit SQ sinus arcus, cujus complementum est FO, æquale scilicet summæ duorum arcuum datorum FP & PO sitque D cosinus ejusdem arcus cujus sinus est SQ. Ad Q super OS erigatur perpendicularis QR, ad quam D eandem habet rationem, quam

quam habet radius ad cosinum anguli inclinationis circuli horarii ad planum disci, & erit R punctum quæsitum, quod ostendet positionem loci in discò pro tempore dato. Atque eadem ratione pro aliis diversis temporum momentis aliæ inveniuntur loci positiones in disco, quæ omnes locantur ad Ellipsum, in quam projicitur parallelus loci. Hæc omnia patent ex legibus projectionis Ortographicæ.

P R O B L E M A II.

Invenire tempore Eclipsæ, situm centri Penumbræ in disco Telluris, pro dato quolibet temporis Momento.

Sit ut prius AEB semidiscus Telluris à Sole illustratus, SE TAB. 26. fig. 1. Axis Eclipticæ, CL femita centri penumbræ per planum disci transcurrentis, Axemque Eclipticæ fecans in N: cum autem centrum penumbræ invenitur in N, celebratur conjunctio Solis & Lunæ vera, cujus proinde tempus per tabulas Astronomicas datur; datur etiam per easdem tabulas, motus horarius Lunæ à Sole. Fiat, ut parallaxis horizontalis Lunæ ad ejus motum horarium à Sole, ita semidiameter disci ad quartam, quæ sit M; erit illa linea æqualis spatio quod intra horam à centro umbræ percurritur in disco. Deinde fiat, ut hora una ad tempus interjectum intra conjunctionem veram & temporis momentum pro quo quæritur positio centri umbræ, ita recta M ad aliam: hæc recta ostendet distantiam centri penumbræ in propria femita à puncto conjunctionis veræ N, pro momento temporis dato. Dabitur itaque positio umbræ pro tempore dato. Quæ erat invenienda.

Sit hora quæ immediate præcedit tempus conjunctionis, v. gr. quarta. Fiat, ut hora una ad tempus inter conjunctionem & horam quartam interjectum, ita recta M ad N 4. Erit punctum 4 situs centri umbræ ad horam quartam. Capiantur deinde 4. 3, 3. 2, 4. 5, 5. 6 singulæ æquales M, & puncta 2, 3, 4, 5, 6, ostendent situs centri penumbræ pro respectivis horis.

Hisce præmissis, sit ut prius AEB semidiscus; CT femita TAB. 26. fig. 2. centri umbræ supra planum disci, quam secet Axis Eclipticæ in N & cum umbra ad N pervenerit celebratur conjunctio vera,

*Calculus
initii Ec-
lipseos.*





vera. Sit hora quæ conjunctionis tempus immediate præcedit v. gr. secunda, & notentur in semita umbræ ejus loca horis 1, 2, 3, 4, 5. Item iisdem horis notentur situs loci in disco, fiantque IIII IIII IV V: Hora prima distantia centri umbræ à loco est II, hæc ad scalam partium æqualium applicata sit, ejusque magnitudo numeris exhibeatur, ab illa auferatur semidiameter penumbræ, eadem scalâ dimensa, restabit distantia marginis penumbræ à loco. Hora secunda capiatur rursus distantia marginis penumbræ à loco in II posito; harum distantiarum differentia, cum margo penumbræ sit in utroque situ loco occidentalior, erit accessus seu motus relativus horarius penumbræ ad locum. Fiat itaque, ut accessus horarius marginis penumbræ ad locum, ad distantiam marginis penumbræ à loco hora secunda; ita hora una seu 60 minuta ad tempus quartum, quod tempus additum ad horam secundam dat tempus, quando margo penumbræ locum attingit; seu tempus initii Eclipseos ostendet.

*Calculus
momenti
maximæ
obscura-
tionis.*

A positione loci II ad horam secundam, demittatur ad semitam umbræ perpendicularis II *a*, & cum centrum umbræ sit in 2, erit distantia loci ad semitam reducti, ab umbra 2 *a*. Item hora Tertia positio loci est IIII, demittatur perpendicularis in semitam umbræ IIII *b*, erit distantia centri umbræ à loco ad semitam reducto, 3 *b*; harum distantiarum differentia est accessus umbræ ad locum reductum, intra spatium unius horæ: differentia hæc, ope scalæ, numeris exhibeatur; fiatque per regulam proportionis, ut accessus horarius umbræ (ad locum reductum) ad distantiam umbræ hora tertia, ita hora seu 60 minuta ad tempus quartum. Quod tempus horæ tertiæ additum dat tempus medii Eclipseos seu maximæ obscurationis quam proxime.

*Calculus
Tempo-
ris finis
Eclipse-
os.*

Hora quarta centrum umbræ sit in 4, & locus in puncto IV; horum distantia scalâ mensuretur, & quoniam illa minor est semidiametro Penumbræ subducatur hæc distantia, & restabit distantia loci ab occidentali margine penumbræ, quia scil. margo illa loco occidentalior est; deinde hora quinta, umbra est in 5, & locus in V, earumque distantia 5 V major est semidiametro penumbræ; unde margo occidenta-
lis



lis penumbræ magis erit in orientem provecta quam locus; & ante hoc tempus, penumbra locum relicta finem fecerit Eclipseos. A distantia 5 V subducatur semidiameter penumbræ, relinquetur distantia occidentalis marginis penumbræ à loco; cumque in priore casu margo fuit loco occidentaliior, & nunc sit loco orientaliior, harum distantiarum summa erit motus relativus umbræ respectu loci factus, in spatio unius horæ; fiat itaque, ut hæc summa ad distantiam marginis occidentalis penumbræ à loco horâ quartâ, ita una hora ad tempus quartum, hoc dabit tempus cum occidentalis margo locum attinget, eumque relinquet, seu finem Eclipseos ostendet.

Accuratius omnia definientur, si loco duarum horarum ante conjunctionem, capiantur duæ semihoræ, quæ conjunctionem immediate præcedunt, & quærat^{Accuratior determinatio.}ur motus umbræ ad locum semihorarius, & error qui ex inæquabili motu oritur minor erit, utpote in minore tempore productus.

Motus Umbræ in semita suâ æquabilis est saltem in tempore Eclipseos pro æquabili habere potest. At motus loci in disco non est æquabilis, sed versus marginem disci contractior videtur, in medio per latiora spatia progreditur; præterea calculus supponit motum Relativum Umbræ ad locum æquabilem quoque esse, & Eclipseos medium seu maximam approximationem centri umbræ & loci, esse ubi linea jungens locum & centrum umbræ est perpendicularis ad viam Umbræ quorum neutrum præcise verum est, & exinde errorem aliquem oriri necesse est; is tamen hac ratione corrigi potest. Ad tempus Initii Eclipseos, priore methodo computatum, inveniatur locus centri Umbræ; item situs loci in disco pro eodem temporis momento, & in plano disci centro umbræ describatur circulus penumbrosus, & si margo penumbræ per locum transeat, tempus computatum verum erit. Sin minus, notetur loci & marginis penumbræ distantia, & deinde ex dato umbræ & loci motu relativo pro semihora, operando rursus per regulam proportionum, dabitur verum tempus initii Eclipseos. Et simili-

Sf

ter

ter corrigetur temporis error, qui in fine Eclipses accidit; atque hac ratione non minus accuratè habentur tempora Eclipsium quam vulgari methodo, quæ fit per parallaxium computum: ubi etiam supponitur motum Lunæ visibilem esse per aliquod tempus æquabilem, qui reverà non minus inæquabilis est quam motus loci in disco; nam ille per parallaxes continuo mutatur.

Quantitas ob-
scurationis ma-
ximæ.

Si tempore medii Eclipses, centro umbræ describatur circulus, cujus diameter sit æqualis diametro Lunæ; item describatur alius circulus, cujus centrum sit locus spectatoris, & diameter æqualis diametro Solari, horum circulo-
rum intersectiones ostendent quantitatem obscurationis ma-
ximæ.

Si quibusdam minus arrideat Mechanica hæc methodus lineas seu distantias per scalam partium æqualium dimetien-
di, possunt Trigonometriam adhibere & linearum longitu-
dines per calculum exquirere methodo sequenti.

Methodus Tri-
gonomet-
rica di-
stantias
umbræ &
loci com-
putandi.
TAB. 27.
fig. 1.

Sit ut prius AEB semidiscus, P polus Telluris, CNT via seu semita umbræ supra discum, punctum 2 situs umbræ pro tempore dato, & pro eodem momento situs loci sit II. Sit SE Axis Eclipticæ semitam secans in N, & erit SN lati-
tudo Lunæ tempore conjunctionis veræ; ducantur ab um-
bra & loco ad centrum disci rectæ 2 S, II S, & jungatur 2 II.
In triangulo rectilineo 2 NS datur NS, latitudo Lunæ, &
2 N distantia umbræ in propria semita à puncto conjunctio-
nis, item datur angulus 2 NS inclinatio Semitæ ad latitudi-
nis circulum, quare dabitur 2 S, & angulus 2 SN. Deinde
in triangulo Sphærico PS II. Datur Arcus PS complemen-
tum declinationis Solis, & P II complementum Latitudinis
loci, item angulus SP II, quem circulus horarius efficit cum
Meridiano, unde dabitur S II arcus, qui est distantia Solis
à vertice, ejusque sinus æqualis est distantie S II, posito
SE radio; item dabitur angulus PS II, cui si addatur vel de-
matur angulus notus PSE dabitur angulus NS II: sed da-
tus fuit angulus 2 SN, unde dabitur totus angulus 2 S II.
In triangulo denique rectilineo 2 S II dantur 2 S & II S
& angulus iis comprehensus 2 S II quare per Trigonome-
triam

triam planam dabitur distantia 211, quæ erat invenienda. Hac methodo procedendo non opus est ut situs loci & umbræ in disco inveniuntur, sed erunt illi calculo solum acquirendi.

Hinc obiter patet alia methodus inveniendi situm loci in disco, pro temporis momento dato, scil. per calculum trianguli PS II investigando angulum PS II & distantiam S II.

Per Eclipses Solares, non minus quam per Lunares, inveniri possunt Locorum in superficie Terræ longitudes; si observetur in loco, cujus longitudo quæritur, momentum temporis initii vel finis Eclipses. Sit illud, v. gr. ad horam quintam, & centro V nempe situ loci in disco pro momento initii vel finis Eclipses, & distantia æquali semidiametro penumbræ describatur arcus circuli, qui semitam penumbræ fecet. Sitque punctum sectionis d , erit illud positio centri umbræ momento initii vel finis Eclipses observatæ: scala deinde mensuretur distantia Nd , ex qua data, & ex dato motu Lunæ à Sole dabitur tempus conjunctionis veræ à Meridiano Loci computatum. Deinde, si in alio quovis loco observetur initium vel finis Eclipses, similiter habebitur momentum conjunctionis veræ secundum tempus à meridiano istius loci computatum, & temporum istorum differentia in gradus æquatoris conversa ostendet differentiam Longitudinum Locorum, quæ erat invenienda.

*Locorum
Longitudines
Geographicae per
Eclipses
solares
determinantur.*

TAB 26.
fig. 2.

In praxi convenit semidiametrum disci æqualem decem digitis ponere, ut illa in mille partes ope scalæ diagonalis divisa habeatur: Est enim hic numerus qui radium Tabularum exprimit; & latitudo Lunæ SN omnesque lineæ quarum dimensiones quærentur, iisdem partibus exprimantur. Nam si fiat, ut Parallaxis horizontalis Lunæ scrupulis exhibita ad Lunæ Latitudinem, ita 1000 ad quartum; & capiatur SN ex scala huic quarto æqualis, erit linea hæc latitudini Lunæ æqualis, & similiter in cæteris lineis operando habentur earum quantitates.

Novam itaque methodum vobis, Academici, exposui, qua Eclipsium Solarium momenta atque Phases, quatenus è

Sf 2

dato



dato loco spectantur, definiri possunt, per quam non opus est, ut ad longum illum & molestum Parallaxium calculum recurratis, ut habeatur locus Lunæ in cælo visus, tam quoad longitudinem quam latitudinem, quo utuntur Astronomi plerique: methodus enim nostra illa facilior multò est, & ut opinor, non minus accurata. Nam in vulgari methodo diversæ Eclipticæ positiones, quoad horizontem nunquam non variantes, in Lunæ locis, sive secundum longitudinem sive latitudinem spectatis, inæqualitatem in ejus motu non exiguam ubique inducunt, & Parallaxes pro Luminarium minore aut majore supra horizontem Elevatione admodum mutantur, adeoque nisi earum habeatur frequens respectus, in errores incidere primum erit.

At quia methodus Phænomena Eclipsium per Parallaxes computandi, à plerisque Astronomis adhibetur, visum est, illam etiam Vobis exponere: Vos autem in Parallaxium scientia vel per vulgares libros Astronomicos, vel per doctrinam Parallaxium à nobis posthac tradendam, fatis instructos esse supponere liceat. Quibus positis, principia, quibus fundatur hic Eclipsium calculus, facillime explicari possunt.

*Conjun-
ctio vera
& visa
diffe-
runt.*

TAB. 27.
fig. 2.

Primo conjunctio visa, semitaque Lunæ in cælo visa sunt investigandæ: differunt enim conjunctio vera & visa, & non in eodem temporis momento accidunt; Nam locus Lunæ visus non coincidit cum vero, qui è Telluris centro conspiciendus est, quod figuræ inspectione manifestum fiet. Semicirculus CAB repræsentet Hemisphærium Terræ, cujus centrum T, è quo ducatur recta TLS, in qua sit Luna in L, & Sol longius distans in S; adeoque cum Solis & Lunæ centra in eadem recta linea spectantur è centro Telluris, ad idem cæli punctum referri debent; eruntque in conjunctioe vera. At spectator in superficie Telluris in A locatus, Solis & Lunæ centra ad diversa puncta referet; eorumque distantia erit arcus SE ad cælum productus, punctumque, quod recta TL per Telluris & Lunæ centra transiens, in cælo offendit, dicitur locus Lunæ verus. At punctum, cui recta per spectatoris oculum & Lunæ centrum ducta in cælo occurrit, dici-



dicitur locus Lunæ visus. Sint puncta illa S, E, Arcus SE, distantia inter locum verum & visum Parallaxis Lunæ vocatur, & cum puncta L & T respectu distantiae cæli coincidunt, idem erit arcus SE, five ejus centrum concipiatur esse in L, five in T, adeoque arcus SE erit mensura anguli SLE, vel huic æqualis ALT; sed angulus ALT est ille, sub quo semidiameter Terræ AT per spectatoris locum ducta è Lunâ videtur; adeoque Parallaxis Lunæ est semper æqualis angulo, sub quo semidiameter Terræ per spectatorem ducta è Lunâ videtur. At angulus ille fit maximus, cum semidiameter Terræ directè videtur, hoc est cum angulus LAT est rectus, & Luna in horizonte spectatur, unde Parallaxis horizontalis est Parallaxium maxima. At si Luna in vertice in F existeret, evanesceret angulus ALT, & Lunæ locus in cælo visus idem esset ac verus, qui è Terræ centro conspicitur, in quo situ nulla erit Lunæ Parallaxis.

Cum Phænomeni cujusvis Parallaxis sit semper æqualis angulo, sub quo Telluris semidiameter per spectatoris locum ducta, è Phænomeno videtur, Solis nulla erit Parallaxis sensibilis. Nam uti sæpius dictum est, Terra ut punctum & sub nullo sensibili angulo è Sole videtur. Lunæ autem Parallaxis cum illâ in horizonte & nobis proxima videtur, gradum unum aliquot minutis superat.

Hinc sequitur Parallaxes semper reddere locum Lunæ depressiorem, & magis à vertice distantem, quàm revera esset, si è centro Terræ spectaretur hic Planeta; & hæc depressio mutationem loci Lunæ secundum Eclipticam quoque inducet, facietque ut ejus Longitudo & Latitudo visæ à veris differant.

Sit enim in Figura circulus HCZ meridianus, ceu circulus per Spectatoris verticem & Polum traductus, Z vertex, HED horizon loci, CE Ecliptica, in qua sit verus locus Lunæ sine latitudine L; sit ZT circulus verticalis per Lunam transiens, cumque Parallaxis semper deprimit Lunam in verticali, locus Lunæ visus magis à vertice distabit, quàm verus; sit locus visus o, erit Lo Parallaxis altitudinis. Per locum visum o traduci concipiatur circulus ad Eclipticam Perpendicularis om Eclipticæ occurrens in m, *Parallaxis Longitudinis.*

Sf 3

erit

Solis nulla erit Parallaxis sensibilis.

TAB. 27.
fig. 3.

Paralla-
xis La-
titudinis.

erit punctum illud locus Lunæ visus ad Eclipticam reductus, & Lm erit Parallaxis longitudinis, seu distantia inter locum Lunæ verum & locum visum ad Eclipticam reductum, arcusque om seu distantia Lunæ ab Ecliptica in hoc casu erit Parallaxis Latitudinis.

Ut Phases itaque Eclipsium è dato loco spectabiles per Parallaxes definiantur, necesse erit, ut cognoscantur Lunæ Solisque loci veri, qui per tabulas Astronomicas pro dato quolibet temporis momento habentur, præterea cognoscendus est locus Lunæ in cælo visus, qui ex loco vero per Parallaxium calculum institutum, tam quoad Longitudinem quàm Latitudinem, definiendus est, quibus cognitis, sic inveniuntur Tempora & Phases.

TAB. 27.
fig. 4.]

Sit pk portio Eclipticæ, s locus Solis tempore conjunctionis veræ, l locus Lunæ visus ad Eclipticam reductus pro eodem temporis momento; lo Latitudo Lunæ visa, ls Longitudo Lunæ à Sole visa. Exiguo satis temporis intervallo ante conjunctionem veram inveniatur rursus locus Lunæ visus in Ecliptica qui sit p , ejusque Latitudo visa sit pq ; ducatur qo quæ producta cum Eclipticâ conveniat in k , erit qk via visa Lunæ à Sole tempore conjunctionis. In triangulo qon rectangulo datur on differentia Longitudinum à Sole, & qn differentia Latitudinum, unde dabitur angulus qon seu qkp inclinatio viæ visæ ad Eclipticam, & latus qo , ex quo etiam inveniuntur ot , tk & sk . Nam pl est ad qo ut ls ad ot , & in triangulo olk ex datis ol & angulo k dabuntur ok & lk , unde dabuntur $lksk$ & st . At cum Lunæ centrum in t videtur, fit tempus conjunctionis visæ, adeoque si fiat ut qo ad ot seu ut pl ad ls ita tempus quo Luna percurrit lineam qo ad aliud, dabitur tempus inter conjunctionem veram & visam. Ex s in viam Lunæ visam demittatur perpendicularis sm . In triangulo rectangulo skm datur sk & angulus k , unde dabitur sm , quæ est minima visibilis centrorum Solis & Lunæ distantia. Si hæc distantia sit major summa semidiametrorum Solis & Lunæ, nulla videbitur Eclipsis; sin minor, differentia ad digitos reducta ostendet Eclipseos quantitatem. Ex datis sm & angulo ex-
inde

inde $t s m$ æquali angulo k , dabitur $t m$, & inde invenitur tempus, quo Luna semitæ visæ portionem $t m$ percurrent hoc est tempus inter conjunctionem visam & maximam obscurationem.

Initium Eclipseos visibilis sic definitur; sit $p k$ ut prius TAB. 28.
fig. 1. portio Eclipticæ, centrum Solis s , via Lunæ $q k$, $s m$ distantia minima centrorum Solis & Lunæ; ducatur à Sole ad viam Lunæ recta $s q$ quæ sit æqualis summæ semidiametrorum Solis & Lunæ. Et cum centrum Lunæ in q cernitur, incipiet marginem Solis attingere, fietque Eclipseos initium. in triangulo rectangulo $q s m$ ex datis $q s s m$, dabitur angulus $q s m$ scil. angulus incidentiæ; item $q m$; adeoque dabitur tempus quo Luna in via visa percurrit spatium $q m$, quod à tempore obscurationis maximæ subductum dat tempus initii Eclipseos.

Similiter invenitur tempus finis Eclipseos, sed ut illud habeatur invenienda est rursus via Lunæ à Sole visa post conjunctionem, quæ à priore differet: nam reverà inclinatio viæ visæ ad Eclipticam continuò mutatur, ob continuas Parallaxium mutationes. Quæraturn itaque intra horam vel exiguum satis temporis intervallum post conjunctionem Longitudo Lunæ à Sole visa, ejusque Latitudo visa, & exinde inveniatur inclinatio viæ visæ ad Eclipticam, motusque Lunæ à Sole visus, quibus datis, eadem methodo qua initium Eclipseos investigatur, finis quoque & temporis momentum innotescant.

Si quæraturn Phasis Eclipseos pro dato quolibet temporis momento, quæraturn pro illo momento Locus Lunæ in via visa, quo centro, & intervallo æquali semidiametro Lunæ describatur circulus, item centro, quod sit locus Solis, describatur alius circulus, cujus semidiameter sit æqualis semidiametro Solis, horum circulorum intersectiones ostendent phasim Eclipseos, quantitatem obscurationis & cuspidum positionem pro tempore dato.

Priusquam huic Eclipsium doctrinæ finem imponamus, liceat Phænomenon satis notabile vobis exponere, ejusque causam reddere.

Scil.

Scil. in Eclipsibus Lunæ totalibus, etiam dum Luna prope centrum umbræ versabatur, sæpius ea visa est tenui pallidâque luce perfusa: mirum fortasse plerisque videbitur, unde oritur hæc Lux: quidam enim eam Lunæ nativam esse suspicabantur, alii à Stellis Planetisque eam deducebant, nam interpositio Telluris omnem Solis lucem à Luna arcere, & densissimis tenebris conum umbrosum involvere videretur. At vero cum Terram amplectatur Sphæra Aëris satis crassa, & vi refractiva pollens, illa Solis radios è medio rariore obliquissime in se incidentes è propria directione detorquet, itaque illos refranget, ut umbrosum spatium pervadant lucis Solaris radii, Lunæque corpus interpositum illustrent, illudque nobis conspicuum reddant. Uti figuræ inspectione manifestum fiet.

TAB 27.
fig. 5.

LECTIO XV.

De Phænomenis ex motibus Telluris & duorum Planetarum Inferiorum Veneris & Mercurii ortis.

Hucusque Telluris Lunæque motus contemplavimus, & varia inde orta Phænomena recensuimus. Luna autem est Planeta non Primarius, sed secundarius, quæ non aliter circa Solem, systematis nostri centrum, defertur quam quod Tellurem, ad quam proprie pertinet, in annuo suo cursu perpetuo comitatur.

Planeta
Primarij sex.

At Primarii nostri Systematis Planetæ, qui circa Solem & nullum aliud corpus circuitus perficiunt, sunt numero tantum sex, scil. Mercurius ☿, Venus ♀, Tellus ♂, Mars ♂, Jupiter ♃, & Saturnus ♄, quorum motus indeque orta Phænomena vobis, Academici, sunt nunc exponenda. Et primo Veneris atque Mercurii orbitas Solem ambire, easque intra Telluris orbitam includi, superius demonstravimus, cumque brevioribus Periodis quam Terra circuitus absolunt, manifestum est hos Planetas è Sole conspectos, nunc magis nunc minus in cælo à Tellure distare videri, & nunc in oppositis sitis cæli punctis spectari, nunc in eodem cum Tellure puncto conjungi, & cum circa Solem celerius ferantur, eos post conjunctionem à Tellure decedere, eamque

que fegnius incedentem post se relinquere aspiciet spectator in Sole constitutus.

Hinc etiam patet hos Planetas e Tellure visos nunc magis, nunc minus à Sole elongari, & aliquando quoque cum Sole conjungi videri: verum conjunctiones illæ non tantum fiunt cum Tellus e Sole cum Planeta conjungitur, sed etiam cum eidem opponi videtur. Sit enim S Sol, ABC orbita Telluris, FHV orbita Veneris, sitque Terra in T, & Venus in V, in recta scil. quæ Solis & Telluris centra conjungit, in quo situ Venus e Sole visa in conjunctione cum Terra videtur, sicut Sol e Tellure visus Veneri conjungitur.

TAB. 28.
fig. 8.

At si Terra foret in T, cum Venus sit in F, illa e Sole videretur Veneri opponi; & in contrariis cæli plagis conspicerentur hi Planetæ. Verum Spectatore ad Terram translato, Venus Soli non opponi, sed eidem conjungi spectabitur. In primo conjunctionum casu, Venus inter Solem & Terram interponitur; in posteriore, Sol inter Terram & Venerem medius locatur. Prior dicitur conjunctio Inferior, Posterior conjunctio Superior.

Duo conjunctionum casus.

Post utrasque has conjunctiones, Venus à Sole recedere, & indies magis elongari videtur, nunquam tamen Soli opposita cernitur; sed & nunquam aspectum quadratum, aut sextilem attinget, & omnium maxime à Sole elongatur circa locum illum, ubi linea, Telluris & Veneris centra connectens, Veneris orbitam tanget, ut circa D. Nam cum Venus ulterius ad H promovetur, ejus locus in cælo à Solis loco minus distare videbitur quam prius, & antequam ad locum illum pervenerit, semper à Sole magis recedebat; at loco illo relicto, ad Solem continuo magis accedat: necesse est, ut inter recessum & accessum quasi stationaria respectu Solis videatur, & proinde ejus motus apparens erit motui apparenti Solis æqualis. Arcus circuli maximi inter centra Solis & Veneris interceptus dicitur *Elongatio hujus Planetæ à Sole.*

Elongatio Planetæ à Sole.

Elongatio non semper est maxima

Observandum tamen est, Elongatio Planetæ à Sole, ubi recta à Planeta ad Terram ducta, Planetæ orbitam tangit, fit tantum maxima in orbe circulari in cujus centro est Sol.

quando Planeta in tangente videtur.

Tt

Nam

Nam in orbitâ Elliptica fieri potest, ut post decessum Planetæ à puncto contactus, ejus distantia à Sole crescat; at non pariter crescant distantiae Solis & Planetæ à Terra, sed potius decrescant, adeoque in duobus triangulis major basis majorem angulum subtendet. Sed cum Planetarum orbitæ ad circularem formam quam proxime accedunt, hæc minutiae negligi possint.

Maxima Veneris Elongatio, seu angulus STD, observatione deprehenditur esse 48 circiter graduum. Et exinde in orbita circulari datur distantia Veneris à Sole respectu Telluris distantiae ab eodem. Est enim ST ad SD ut Radius ad sinum anguli STD seu Elongationis maximæ.

Hinc etiam manifestum est, Venerem, dum illa à conjunctione cum Sole in superiore orbitæ suæ parte, seu à Terra remotissima, ad conjunctionem cum Sole in inferiore orbitæ parte seu Terræ proxima tendit, semper videri Sole orientaliorem, adeoque toto illo tempore Sole posterior occidit Venus, seu post Solis occasum, Vesperusque dicitur, noctis & tenebrarum prænuncia; at dum ab inferiore conjunctione ad superiorem tendit, Sole occidentior spectatur, & ante Solis occasum occidit, ante ejus ortum oritur, adeoque mane tantum conspicietur, & tunc Phosphorus dicitur, lucis exortum secum afferens.

Ponamus Venerem atque Tellurem è Sole spectatas in V & T conjungi, hoc est in eodem Eclipticæ puncto videri. In quo casu Venus & Sol è Terra in conjunctione spectantur. Venus deinde celerius mota postquam ad V rursus pervenerit, & integrum circulum seu quatuor rectos motu angulari ad Solem perfecit, Terram interea ulterius progressam nondum assequetur; ideoque opus erit, ut ulterius in orbita sua deferatur Venus, quo è Sole rursus in eadem recta cum Terra videatur, sit recta illa SLM scil. cum Venus sit in L, Tellus sit in M, & necesse erit, ut Venus priusquam Terram assequatur, integrum circuitum, seu quatuor rectos circa Solem, absolvat, & insuper motum angularem æqualem motui angulari Telluris interea facto. Motus autem angulares Telluris & Veneris circa Solem

eodem tempore facti, sunt reciproce ut eorum tempora periodica; erit itaque, ut tempus Periodicum Telluris ad tempus periodicum Veneris, ita motus angularis Veneris qui æqualis est quatuor rectis una cum motu angulari Telluris facto inter tempus unius conjunctionis & proximæ ad motum illum Telluris angularem: adeoque per divisionem Rationis, ut differentia temporum periodicorum Telluris & Veneris ad tempus Periodicum Veneris, ita quatuor recti ad quartum, qui dabit motum angularem Telluris inter duas proximas conjunctiones inferiores factum. Tempus autem Periodicum Telluris est dierum 365, horarum 6, seu horarum 8766. Et Veneris tempus Periodicum est dierum 224 horarum 16, seu horarum 5392, quarum differentia æqualis est 3374 horis. Fiat itaque ut 3374 ad 5392, ita quatuor recti seu 360 gradus ad gradus 575 qui motus æqualis est integræ circulationi & dimidio, & insuper 35 gradibus, & perficitur hic motus in uno anno & diebus 218. Adeoque si Venus hodie in inferiori orbitæ parte cum Sole jungatur, non nisi post Annum, septem menses & duodecim dies, iterum Soli juncta conspicietur, & si una conjunctio in initio Arietis accadat, sequens circa septimum Scorpionis gradum celebrabitur. Idem quoque intercedit tempus inter duos quoslibet Veneris situs respectu Solis similes, verbi gratia, inter duas conjunctiones superiores, vel inter duas proximas Veneris positiones, ubi illa datam ad eandem plagam à Sole obtinet elongationem.

Hoc problema, simileque de Lunæ conjunctionibus cum Sole mediis, aliter solvunt plerique Astronomi. Quærunt enim motum diurnum Telluris è Sole visum; item Veneris quoque motum diurnum, horumque motuum differentia erit motus Veneris à Terra, diurnus; v. gr. cum motus Telluris medius sit quolibet die 59' & 8'', Veneris autem motus diurnus sit, 1 gr. 36. 8'' quorum differentia est 37'; per illud spatium Venus quotidie à Tellure recedere, vel ad illud accedere videtur. Fiat igitur ut 37' ad gradus 360, seu ad 21600 minuta prima, ita dies unus ad spatium temporis quo Venus à Tellure per 360 gradus re-

*Determinatur
tempus
inter
duas e-
jusdem
generis
conjun-
ctiones.*

*Alia me-
thodus
solvendi
Proble-
ma.*

cefferit, hoc est ad spatium temporis, quo ad idem reverterit, seu ad tempus inter duas conjunctiones proximas elapsum, quod invenitur esse dierum 583.

TAB 28.
fig. 3.

Verum hæ conjunctiones secundum motus medios seu æquales tantum computatæ sunt, ideoque conjunctiones Mediæ dicuntur. At quoniam Venus & Tellus in orbitis Ellipticis circa Solem ferantur, motusque earum inæquabiles sunt; fieri potest, ut conjunctiones veræ serius aut citius per aliquot dies accidant, quam per præcedentem computum fieri debent. Data autem conjunctione mediâ, conjunctio vera sic exquiretur. Sit ABC Ecliptica, in qua punctum A sit locus conjunctionis mediæ, ad cuius tempus, computetur per methodos Astronomis notissimas, verus locus Veneris ad Eclipticam reductus, qui sit D. Item verus locus Telluris sit T, & inde dabitur locorum Telluris & Veneris distantia DT, datur quoque utriusque Planetæ motus angularis pro dato quolibet tempore, v. gr. pro sex horis; quorum motuum differentia dabit accessum vel recessum Veneris à Tellure, spatio sex horarum. Fiat itaque, ut differentia illa motuum ad arcum DT, ita sex horæ ad tempus inter conjunctionem mediâ & veram, quod tempus demptum aut additum (prout Venus est orientior aut occidentior Tellure) tempori conjunctionis mediæ, dat tempus conjunctionis Veræ.

Distancia Veneris à Terra semper mutabilis.

Ex figura manifestum est Veneris à Tellure distantiam esse continuo mutabilem, maximam autem esse cum Venus est in conjunctione cum Sole superiore, & minimam esse cum est in conjunctione inferiore; & differentia quidem tanta est, ut illa æqualis sit integræ diametro orbitæ Veneris. Estque distantia Veneris à Tellure in conjunctione cum Sole superiore, ad ejusdem distantiam in conjunctione inferiore ut 1 ad 6; sexiesque proinde magis Venus ad Tellurem accedit in una positione quam in alterâ, & tantum quoque mutatur Veneris apparens diameter à Tellure visa. Sed & distantia maximæ & minimæ per excentricitates orbium mutantur; nam omnium maxima fit distantia, quando conjunctio superior celebratur Venere & Tellure existentibus in Aphe-

Apheliis. Et omnium minima est distantia Veneris à Tellure, quando conjunctio inferior accidit, Venere in Aphelio & Tellure in Perihelio existentibus.

Cum Venus sit corpus Sphæricum & opacum, Solis luce non sua resplendens, oportet ut ea solum facies lucida videatur, quæ Soli obvertitur, alterum autem oppositum Veneris hemisphærium luce orbetur, & invisibile maneat; quapropter si talis sit Telluris situs, ut tenebrosum illud hemisphærium ei obvertatur, Venus Terricolis inconspicua fiet, nisi forte in Solis disco nigræ instar maculæ videatur. Si vero tota illustrata facies Terræ obvertatur, Venus pleno orbe fulgens videbitur. Et pro vario Telluris respectu Veneris, & Solis situ, varia erit forma atque figura, sub qua Venus conspicietur, phasique subibit, Lunæ Phasibus per omnia similes.

Sit ABCDEFG orbita Veneris; TL Telluris orbitæ portio, sitque Terra in T, & Venus in A in conjunctioe scil. superiore cum Sole. Patet in hoc Planetarum situ, faciem Veneris illuminatam totam Terræ obverti, atque proinde Venus instar Lunæ plenæ, ut circulus lucidus apparebit. Cum Venus ad situm respectu Solis & Telluris, qualis est B, pervenerit; pars aliqua obscuri hemisphærii eidem obvertitur, & proinde Veneris facies à Tellure visibilis, à circulo deficiet, & gibbosa apparebit; ad C perventa Venere, hemisphærii illustrati dimidium è Tellure videtur, Venusque dimidiata apparet ad instar Lunæ in prima vel ultima Quadratura. Venere in D existente, parva tantum illuminatæ superficiei pars Terræ obvertitur, cumque figura Veneris sit sphærica, quæ ob magnam à Terra distantiam, ut plana videtur, pars illuminata in cornua à Sole averfa, protendi videtur. Venus cum è Terra in E videtur, in conjunctioe scil. inferiore cum Sole, totum ejus tenebrosum hemisphærium Telluri obvertitur, Venusque fit invisibilis, nisi forte ut nigra macula, per Solis discum transcurrere videatur, quod jucundum spectaculum semel Horoscio nostro contigit. Easdem phasies subibit Venus dum per FG, ad H transit, scil. circa F corniculata, in G dimidiata, & in H Gibbosa apparebit.

Phases
Veneris.
TAB. 28.
fig. 4.

*Copernici
vaticini-
um.*

Hæ Veneris apparentiæ, etsi nudo oculo se non produnt telescopio tamen distincte conspiciuntur. Ante inventum telescopium, quando Copernicus Systema Antiquum Pythagoricum renovavit, & orbi literato proposuit, asseruitque Planetas omnes, inter quos Terram locavit, circa Solem in centro immobilem moveri, ei objectum fuit, si talis esset Planetarum motus, debere Veneris Phases Lunæ Phasibus esse similes. Respondet Copernicus, eas reverà ita esse fortasse venientibus sæculis dignoscent Astronomi. Hanc Copernici Prædictionem primus implevit magnus Galilæus Philosophus lynceus, qui telescopium ad Venerem dirigens, eam Phasibus suis Lunam æmulari deprehendit; quod Systema Pythagoricum mirifice confirmavit.

*TAB. 28.
fig. 5.*

Si centra Solis, Terræ & Planetæ, rectis jungantur, quæ faciunt triangulum TSO; & per centrum Planetæ erigantur plana ad rectas T O S O normalia, quorum illud abscindet Planetæ Hemisphærium Terræ obversum, hoc Hemisphærium à Sole illustratum; erit Trianguli TSO exterior angulus ad Planetam SOP æqualis angulo *moq*, quem metitur illuminati semicirculi pars *mq*, quæ Terræ obvertitur. Est enim angulus *Sor* æqualis angulo *pom*, nam uterque rectus est, & angulus *rop* æqualis angulo *poq*, sunt enim ad verticem; quare ablatis æqualibus erit angulus SOP æqualis angulo *moq*, quem arcus *mq* metitur. Semicirculi itaque illustrati pars *mq*, quæ terræ obvertitur, metitur angulum SOP, & arcus ille è Terra visus in suum finem versus projicitur. Uti de Luna superius ostensum fuit. Hinc illuminatio Veneris è Terra spectata, cæteris paribus est ad illuminationem totam, ut sinus versus anguli exterioris ad Venerem, ad circuli diametrum.

*Phasium
accurata
determinatio.*

*Venus
non est
lucidissi-
ma cum
pleno ful-
get orbe.*

Quamvis Venus in situ A Terricolis pleno orbe splendeat, non tamen in ea positione maxime & lucidissime fulget; diminuitur enim ejus splendor ob majorem à Tellure distantiam, idque in majore ratione, quam crescit faciei illuminatæ pars è Terra conspicua. Nam Veneris fulgor decrescit in duplicata ratione distantiae auctæ. At pars illustrata crescit in ratione sinus versi anguli exterioris ad Planetam.

Ita-

Itaque ejus fulgor maximus non est, cum circa A versatur Planeta, sed major erit circa O. Sit enim Venus in O quatuor vicibus Telluri propior quam in A, in O lucidæ faciei partes datæ sedecies plus luminis ad Tellurem diffundent, quam cum Planeta est in A. Sed in O fieri potest, ut pars circiter quarta disci illuminati Terræ obvertatur. Adeoque magis augetur Veneris splendor ob diminutam distantiam, quam minuitur idem ob decreascentem phasim.

Si quærat in quo situ Veneris splendor sit maximus; In quo hujus Problematis solutionem dedit concinnam summus Geometra & Astronomus Edmundus Halley Collega meus, in Actis Philosophicis Londinensibus N°. 349. ubi ostendit Venerem omnium maxime fulgere, cum elongatur à Sole 40 circiter gradibus, ubi tantum pars quarta disci luminosi è Terra conspicienda sit; in quo situ, Venus die & lucente Sole conspecta fuit. Admirabilis est illa Veneris pulchritudo, qua proprio lumine carens, & tantum solis mutuatio lumine gaudens, in tantum splendorem erumpit, quantum non habet Jupiter, non Luna, cum æque à Sole elongatur: illius quidem lumen, si ad Veneris lumen comparetur, majus quidem erit ob apparentem corporis magnitudinem, at iners, mortuum, ac veluti plumbeum videtur; tantum præ illa Venus revibrat vegetum splendorem.

Si planum orbitæ Veneris coincideret cum plano Eclipticæ, videretur Venus semper in Ecliptica incedere. At motus Veneris non fit in plano Eclipticæ, sed in plano, quod ad illud inclinatur angulo trium graduum & 24 min. secaturque planum Eclipticæ in linea per Solem transeunte, quæ *Linea Nodorum* vocatur, punctaque ubi orbita Planetæ producta Eclipticam secatur *Nodi* dicantur. Adeoque Venus nunquam è Sole vel è Tellure in plano Eclipticæ videbitur, nisi cum in nodis versatur; in aliis orbitæ suæ punctis nunc minus, nunc magis, ab Ecliptica distabit: & è Sole visa maxima ejus ab Ecliptica distantia erit, cum nonaginta gradus ab utroque Nodorum removetur.

Sit TAB circulus in Eclipticæ plano, LN VN orbita Ve- TAB. 29.
ne. fig. 1.





Orbita
Veneris
non coïn-
cidit pla-
no Ecli-
pticæ.

neris, quæ planum Eclipticæ fecet in lineâ Nn ; concipiendum est orbitæ dimidium NL^n supra planum Eclipticæ attolli, altera autem medietas NV^n infra Eclipticam deprimi; cum Venus est in orbitæ suæ puncto N , erit in plano Eclipticæ, ad P autem progressa, ab Ecliptica deflectere videtur, longius autem ad L provecta planeta, ita ut NL sit circuli quadrans, maxime ab Ecliptica recedere videbitur, punctumque L vocatur *Limes*; Nam post digressum ab L rursus ad Eclipticam accedit Planeta. Si à Venere in P ad planum Eclipticæ demittatur normalis linea PE ; & ducatur SE , angulus PSE metietur distantiam Veneris ab Ecliptica, & vocatur *Latitudo Veneris Heliocentrica*, qualis è Sole videtur. Hæc autem Latitudo ex dato Planetæ loco in sua orbita, hac ratione exquiritur. Sit arcus NE portio Eclipticæ, NP portio orbitæ Planetæ ad cælum productæ, P locus ejus, N nodus; per locum Planetæ transeat circulus ad Eclipticam perpendicularis, hujus circuli arcus PE , inter Planetam & Eclipticam interceptus, erit distantia Planetæ ab Ecliptica, seu mensura anguli PSE . In triangulo sphærico PNE , rectangulo ad E , datur latus NP distantia Planetæ à nodo, item angulus N inclinatio planorum orbitæ & Eclipticæ, quare per Trigonometriam innotescet latus PE , Latitudo Planetæ Heliocentrica, quæ erat invenienda. Latitudo hæc Heliocentrica, quoties Planeta in eodem orbitæ suæ puncto invenitur, constans & immutabilis est. At *Latitudo Geocentrica*, seu distantia Planetæ ab Ecliptica è Tellure visa, etiamsi in eodem orbitæ suæ puncto conspiciatur, continuo mutatur pro vario situ Telluris, respectu Planetæ. Sit enim BT orbita Telluris, NP^n orbita Planetæ, qui sit in P , à quo ad planum Eclipticæ demitti concipiatur perpendicularis PE . Hæc linea, in quocunque orbitæ suæ puncto locetur Tellus, subtendet angulum, qui Planetæ Latitudinem Geocentricam metitur. Sit itaque Tellus in T , & Venus in P Telluri proxima, in quo situ Venus videtur in conjunctione cum Sole inferiore, ejus Latitudo Geocentrica per angulum PTE mensurabitur. At Venere in eodem loco P existente, si Tellus punctum t occuparet, & Venerem videat in conjunctione.

*Latitudo
Heliocentrica.*

*Latitudo
Geocentrica.*

TAB. 29.
fig. 2.



junctione superiore, ubi longissime ab illa distat, Latitudo Geocentrica erit secundum angulum $P \angle E$ mensuranda, qui angulo PTE multo minor est, ob distantiam $P \angle$ distantia PT multo majorem. Hæc eadem de Mercurii Latitudine sunt intelligenda. Unde patet, quod Planetarum Inferiorum, cæteris paribus, Latitudo visa major est, cum hi Telluri sunt proximi, minor cum sunt remotissimi. Et quidem fieri potest, ut Veneris Latitudo Geocentrica major sit Heliocentrica, cum scil. intra Solem & Terram locatur, ubi Telluri quam Soli propior est. At Mercurius cum semper longius à Tellure quam à Sole distet; semper minor erit ejus Latitudo Geocentrica quam est Heliocentrica, quæ cum maxima est, septem fere gradibus æquatur; tanta enim est inclinatio ejus orbitæ ad planum Eclipticæ.

Cum nullius Planetæ orbita jaceat in Ecliptica, sed quælibet eam secatur in recta, quæ per Solem transit, necesse est ut Planetæ omnes bis tantum in qualibet periodo, in Ecliptica videantur, scil. cum in propriis nodis versantur; aliis omnibus temporibus nunc magis, nunc minus, ab Ecliptica migrare conspicientur; sunt tamen certi & determinati limites, extra quas nunquam divagantur Planetæ. Adeoque si concipiatur in cælo Zona, seu spatium latum viginti circiter graduum, per cujus medium incedit Ecliptica, hoc spatium Planetas omnes ambitu suo semper continebit, & *Zodiacus* nominatur, ab imaginibus animalium, seu Asterismis qui hanc cæli partem occupant, nomen ducens. Tellus regia semper incedens via, nusquam ab ejus medio seu ab Ecliptica deflectit, ideoque neque Sol ab illa declinare videbitur. Luna & errones quinque ad decem quandoque gradus interdum versus Meridiem, interdum versus Septentrionem exspatiantes, intra Zodiaci tamen limites motus suos exercent.

Hucusque contemplati sumus motus atque Phases Veneris ex ejus situ respectu Solis & Telluris pendentes, Nunc motum e Tellure visibilem in cælis secundum Zodiacum perpendamus. Sit ABC orbita Veneris, TGF orbita Telluris, MO circulus referat Zodiacum ad Stellæ fixas productum; *Motus Veneris in Zodiaco.* TAB. 29. fig. 3.

V v

fit

*Motus
Veneris
progressivus.*



*Motus
Regressivus.*

*Venus
stationaria.*

*Quando
Venus
directa.
Quando
regredi
videtur.
Similes
sunt
Phases
Mercurii.*

fit primo Tellus in T & Venus in A, prope superiorem cum Sole conjunctionem; Patet spectatorem e Tellure Venerem in cælo referre ad punctum Zodiaci L; & si Tellus quiesceret, dum Venus arcum AB in orbita propria percurreret, illa portionem Zodiaci LM describere videretur. At quia Tellus interea movetur, cum Venus est in B, appellit Tellus puncto orbitæ suæ H, ex quo Venus conspicietur in N, & per arcum Zodiaci LMN deferri videbitur; eritque Venus magis in orientem progressa quam in priore casu. Cum vero Venus ad C pervenerit, Tellus ad G defertur, ita ut Venus in recta ejus orbitam tangente & in Zodiaci puncto O conspicietur. In quo situ, motus ejus apparens erit fere æqualis motui apparenti Solis. Moveatur deinde Venus ex C ad A rursus, & interea Tellus arcum GK percurrat, & Venus circa conjunctionem inferiorem cum Sole videbitur, & in illo situ ad Zodiaci punctum P e Tellure referetur, cumque prius in O conspiciebatur Venus, per arcum OP regressam esse, seu ab ortu in occasum contra seriem signorum tendere, spectabitur: Cumque in C una cum Sole progredi visa fuit, in A autem celerrime regredi; oportet ut sit locus aliquis medius inter C & A, ubi nec regredi, nec progredi, sed ut stationaria videatur, & eundem in cælis locum per aliquod tempus conservare. Perveniat jam Venus ad E, & Tellus ad F, & Venus e Tellure videbitur in Eclipticæ puncto Q magis regressa; ubi autem Venus videtur e Tellure in recta quæ ejus orbitam tangit, rursus motum progressivum cum Sole habebit. Adeoque inter mutationes cursus, seu inter motum progressivum & regressivum, Venus morabitur nonnihil, & eodem in loco per aliquot dies consistere videbitur; ubi autem Tellus ad D pervenerit, & Venus sit in C, videbitur per arcum Zodiaci QR motu celeri versus orientem progrediisse. Hinc Venus, cum in superiore cum Sole conjunctione versetur, semper directe incedere, seu secundum signorum seriem moveri conspicitur: At cum est in inferiore conjunctione, seu cum inter Solem & Terram existet, tunc regredi & contra seriem signorum ferri apparet.

Quæcunque de Veneris motibus ostendimus, ea quoque de





de Mercurio ejusque motibus vera erunt. At Mercurii conjunctiones cum Sole, Directiones, stationes & regressus frequentiores sunt, quam Veneris, hic enim celerior & in minore orbita latus, sæpius Tellurem assequitur quam Venus. Maxima Mercurii à Sole digressio adæquat circiter gradus 33. Ex his patet, quod horum Planetarum motus apparentes, è Tellure visi sunt admodum inæquales, qui nunc progredi, nunc stare, mox regredi, & rursus stare cernuntur: at spectator in Sole locatus, hos Planetas semper eodem tenore progredientes conspiciet.. Nam talis est in his Planetis è Terra apparens motuum inæqualitas, ut æquabili circa Solem lationi accurate respondeat, unde liquet non Tellurem, sed Solem esse centrum motus Planetarum inferiorum.

Sicuti superius ostensum fuit, orbitam Telluris non esse circulum sed Ellipsim, hoc idem verum erit de orbitis Veneris atque Mercurii, & cæterorum Planetarum, quorum omnium orbitæ sunt Ellipses, quæ non communem focum habent, in quo Sol residet, circa quem motibus licet inæqualibus Planetæ ferantur, certa tamen & immutabili lege motus ipsorum reguntur; nam ita Ellipseos perimetrum percurrunt, ut ab ipsorum centris, Radiis ad Solem ductis, describant seu verrant Areas Ellipticas temporibus proportionales; adeoque in Apheliis tardius incedunt Planetæ, in Periheliis velocius feruntur. Aphelia autem aliter quam Lunæ Apogæon vel quiescunt, vel lento admodum motu progrediuntur, adeoque saltem per unius hominis ætatem tanquam quiescentia haberi possunt. Observandum autem est Mercurii orbitam esse omnium maxime excentricam. Nam ejus Excentricitas est ad distantiam mediam ut 2051 ad 10000

*Orbitæ
Planeta-
rum sunt
Ellipses.*

LECTIO XVI.

De Motibus Planetarum superiorum Martis, Jovis & Saturni & Phænomenis inde ortis.

IN Phænomenis inferiorum Planetarum explicandis fatis diu immoratum est. Ad superiores Planetas eorumque motus contemplandos accedimus. Sit itaque ABCT orbita

TAB. 30.
fig. 1.

Telluris. Rotentur circa Solem Saturnus, Jupiter & Mars in diversis ab illo distantis, diversisque temporum periodis circuitus perficientes; sitque PQV portio Zodiaci, in quo motus suos peragere videntur. Primo patet hos Planetas e Sole visos, posse cum Terra conjungi vel etiam eidem opponi. Scil. si Saturnus sit in b, potest Tellus in M locari, in recta quæ Solem & Saturnum conjungit, in quo situ e Sole videntur Planetæ in conjunctione. Vel potest Tellus in eadem recta in contrarias partes producta, in B scil. existere, ubi e Sole Saturno opponi videbitur: at in hoc situ, Sol e Tellure visus cum Saturno conjungi apparebit. 2^{do} Patet Planetas hos e Terra visos posse aspectum quemlibet ad Solem obtinere, seu in dato quovis angulo à Sole elongari, quod in inferioribus fieri non potuit, qui semper in Solis vicinia commorantur. Nam à Terra T duci potest recta TP, quæ orbitas omnes fecat, & cum TS recta Solis & Terræ centra conjungente datum faciat angulum STP, adeoque cum Terra est in T, Saturnus fieri potest in F, cujus elongatio à Sole est angulus STF. Præterea quando Terra & quilibet Planeta superior e Sole in conjunctione videntur, Planeta ille e Terra spectatus, Soli opponi conspicietur; eosque opposita cæli puncta occupare videbit Terricola.

*Tempus
determi-
natur, in
quo Pla-
neta su-
perior ad
conjun-
ctionem
aut oppo-
sitionem
aut re-
vertitur*

Conjungatur quilibet Planeta superior v. gr. Saturnus cum Tellure e Sole spectatus; Post conjunctionem, cum Terra velociore motu angulari feratur quam Saturnus, illam à Saturno magis indies recedere aspiciet Solicola; cumque Tellus arcum 59 min. & 8 secund. motu medio quotidie describit, Saturnus autem, tantum duo minuta prima, erit motus Telluris à Saturno, e Sole visus, quolibet die 57 min. & 8 secunda; si itaque fiat ut 57 min. & 8 secunda ad gradus 360, ita dies ad quartum, dabitur numerus dierum, in quibus Tellus rursus Saturno conjungi videbitur, æqualis scil. diebus 378. Sed cum Tellus & Saturnus, e Sole spectati, conjunguntur, Sol & Saturnus e Tellure visi opponuntur; ergo tempus inter duas proximas oppositiones Solis & Saturni ex motibus eorum mediis computatas, æquatur diebus 378 seu Anno cum diebus tredecim. Idem in-

ter-

tercedit tempus inter duas conjunctiones Saturni cum Sole proximas e Tellure visas; vel inter duas quasilibet similes Saturni Elongationes à Sole: Tempusque inter conjunctionem & proximam oppositionem est hujus spatii dimidium, nempe dies 189.

Similiter invenietur Tempus inter duas proximas Jovis cum Sole conjunctiones, aut eidem oppositiones esse æquale Anno una cum triginta tribus diebus. At Mars post unam oppositionem, sequentem non attinget, nisi post binos annos, & insuper quinquaginta dies.

Planetæ omnes Soli oppositi oriuntur occidente Sole, & occidunt illo oriente; post autem digressum Planetarum à Solis opposito, manent Sole orientales, postque Solis occasum vesperi sunt conspicui, donec Soli conjuncti simul cum illo occidunt & oriuntur, deinde post eorum à Sole recessum fiunt Sole occidentales, & mane ante Solis ortum tantum conspici possunt; nam vespere citius Soli occidunt, donec ad oppositum Solis perveniunt, ubi rursus oriuntur occidente Sole.

Uti de Inferioribus ostensum fuit, ita quoque superiorum Planetarum orbitæ non jacent in plano Eclipticæ, sed eorum omnium plana Eclipticam secant in rectis, quæ per Solem transeunt, & Nodorum Lineæ dicuntur. Punctaque ubi hæ lineæ Eclipticæ occurrunt, Nodi vocantur. Quare nec superiores Planetæ unquam in Ecliptica videntur, nisi cum in nodis versantur; in aliis omnibus locis nunc magis, nunc minus, ab Ecliptica deflectunt, & maxime ab illa distant cum circa limites seu puncta ab utroque nodo æquidistantia versantur, ubi Latitudines maximæ Heliocentricæ sunt quæ sequuntur, scil. Saturni Latitudo maxima Heliocentrica est 2 grad. 33. min. Jovis 1 grad. min. 20. Et Martis 1 grad. 52. min.

Dato Loco Planetæ in sua orbita, seu distantia ejus à nodo, eadem ratione exquiretur ejus Latitudo Heliocentrica, qua vos Veneris & Mercurii Latitudines invenire docuimus. Latitudines autem Planetarum Geocentricæ, seu distantia à Plano Eclipticæ e Tellure visæ, ex situ & distantia Telluris

TAB. 31.
fig. 1.

ris plurimum pendent, nam eadem manente Latitudine Planetæ Heliocentrica, pro varia positione Telluris, varia erit ejus Latitudo e Terra visa. Sit enim Telluris orbita $T\oslash$ t , superioris vero cujusvis, Martis verbi gratia orbita sit \oslash M , cujus planum ad Eclipticæ planum inclinatur; illudque interfecat in linea Nodorum Nn . Sit Mars in \oslash , & Tellus in T , ut videatur Mars in aspectu ad Solem opposito, ex \oslash ad planum Eclipticæ demittatur normalis recta \oslash E , hæc recta subtendit angulum, qui latitudinem Planetæ Geocentricam metitur. Cum itaque Tellus est in T , inter Solem & Martem, Latitudinem Martis visam angulus \oslash TE metietur. At si Tellus in t locetur, ut Sol fiat Marti conjunctus, ejus Latitudo e Terra spectata erit æqualis mensuræ anguli \oslash t E , qui angulo \oslash TE multo minor est, & in eadem fere ratione minor qua distantia $T\oslash$ minor est distantia $t\oslash$. Si Tellus sit in T , erit Martis Latitudo Geocentrica major Heliocentricâ & quando Tellus in t existat, erit illa hæc minor. Eodem modo pro vario situ Martis & Telluris, respectu Solis, Latitudo ejus Geocentrica mutatur, ita ut cæteris paribus illa sit minor, quo Mars propior sit conjunctioni cum Sole, & major quo is Solis opposito sit vicinior.

Patet etiam superiorum nullum e Terra visum posse in Solis disco spici, ut Veneri & Mercurio contingit. Potest tamen illorum quivis à Sole tegi, quando Planeta cum illo conjunctus, sit nodo satis vicinus, ut post Solem lateat.

Planeta
superio-
res pleno
orbe ful-
gent.

Mars in
quadrato
aspectu
aliquan-
tulum
gibbosus.
TAB. 30.
fig. 1.

Cum Planetarum omnium facies, quæ Soli obvertuntur, Solis luce reflexa splendeant, cumque Tellus in vicinia Solis semper apparet e Jove aut Saturno conspecta, horum Planetarum facies quæ Soli obvertuntur, etiam Terræ obversæ erunt; unde semper Terricolis pleno orbe fulgentes apparebunt hi planetae. At cum Mars in orbita feratur, quæ propius ad Telluris orbitam accedit, patet ejus faciem Soli obversam non semper totam Telluri obverti, sed circa quadratum Martis cum Sole aspectum, cum scilicet Tellus sit in M vel B , & Mars in N aut R , pars aliqua faciei illuminatæ e Terra non videbitur, & proinde Phasis Martis erit gibbo-

gibbosa, at in conjunctione aut oppositione Martis & Solis, totus illuminatus discus è Terra erit conspiciendus; & præsertim in oppositione Solis, ubi Terræ proximus rotundam & maxime fulgidam speciem exhibet.

Planetæ superiores multo majores videntur in oppositionibus Solis, quam in conjunctionibus, nam multo minus à Tellure distant in uno situ, quam in altero; & distantiarum differentia æqualis est diametro orbis magni in quo circa Solem movetur Terra, quæ differentia cum ad semidiametrum orbitæ Martis majorem habeat proportionem, quam ad reliquarum orbitarum semidiametros, maximum ejus magnitudinis apparentis faciet discrimen. Nam Mars quinquies circiter nobis est propior in oppositione Solis, quam cum in ejus conjunctione videtur; adeoque cum visibilis cujusvis discus & splendor augetur in duplicata ratione distantiae diminutæ, Mars vigesies quinquies major & simul lucidior in oppositione Solis quam in ejus conjunctione apparebit.

Planetæ superiores in oppositione Solis quam in conjunctione majores.

Cum Jupiter quinquies longius à Sole distet, quam Terra ab eodem distat; diameter Solis apparens, è Jove sub angulo tantum sex scrupulorum videbitur, qui nobis est triginta, Solque Jovis incolis vigesies quinquies minor apparebit quam nobis. Et luminis & caloris vicesimam quintam tantum partem à Sole recipient Jovicolæ, illius quo fruuntur & foveantur Terricolæ. At Saturnus cum decies longius à Sole distet quam nos; Apparens Solis diameter ex illo visus sub angulo trium tantum scrupulorum conspicietur, & paulo duplo major quam Venus Perigæa nobis apparebit. Adeoque Solis discus ex Saturno visus centies minor apparebit, & tam Lux quam calor in eadem ratione in Saturno minuuntur; unde oportet ut Saturni Regiones etiam Æquatoriae sint nostris intra Polares circulos inclusis Terris frigidiores.

Diversitas caloris in Planetis.

Planetæ omnes superiores è Sole conspecti, uniformiter secundum eandem plagam & eadem lege, æquabili scilicet Arearum descriptione, semper progredi cernuntur, unde fit ut eorum motus angularis circa Solem sit inæqualis; in Apheliis enim morantes tardius incedunt, circa Perihelia

Planetarum motus è Tellure conspecti irregulares.

ver-

versantes velocius feruntur; at è Tellure visi hi Planetæ, motus admodum irregulares in Zodiaco peragere videntur, aliquando enim progrediuntur ab occidente in orientem, secundum veros ipsorum motus, deinde paulatim tardescunt; donec tandem immobiles & quasi stationarii conspiciuntur; mox motu retrogrado ferri, & in plagam motibus veris contrariam tendere eos aspicimus; rursusque deinde quasi immobiles stare apparent; donec post aliquod tempus progredi, & ab occidente in orientem ferri videntur. Hæ motuum & cursuum mutationes, ex motu & situ Telluris omnes oriuntur.

TAB. 30.
fig. 2.

Quando
Planeta
directus
& velox

Quando
stationa-
rius vi-
detur.

Sit PQO portio Zodiaci, ABCD orbita Telluris EMGHZ superioris cujusvis Planetæ orbita v. gr. Saturni. Sitque Tellus in A, & Saturnus in E, in quo situ è Tellure videbitur Zodiaci punctum O occupare. Si Saturnus quiesceret, Tellure ad B deventa, videretur Saturnus in Zodiaci puncto L, & per arcum OL secundum seriem signorum seu ab occidente in orientem progressus; verum interea dum Tellus transit ab A ad B, Saturnus fertur motu proprio ab E ad M, ubi in conjunctione cum Sole venit, & ex Terra arcum OQ in Zodiaco confecisse videbitur, & hic arcus est arcu OL major; unde Planetæ superiores cum sunt in conjunctione cum Sole, celerrime progrediuntur, ob duplicem causam, nempe quod revera circa Solem ferantur, tum quod Terra in adverso semicirculo in eandem plagam feratur, circa idem centrum; adeoque Planeta quando à Terra est remotissimus & Soli conjunctus citius solito in consequentia signorum ferri apparet; quo in situ dicitur fieri directus. Ad C deventa Tellure, dum Saturnus arcum MG describit, is in Zodiaco in R conspicietur: quando autem Tellus est in K, & Saturnus in H, Tellus fere in recta movetur quæ per Saturnum transit, vel quod idem est recta Saturnum & Terram connectens orbitam Terræ tanget, & Terricola Saturnum ad idem Zodiaci punctum tunc referet, & eundem locum inter fixas conservare videbit; unde in eo situ Saturnus stationarius apparebit.

At Tellure in D translata, & Saturno oppositum Solis Pun-

punctum X tenente, videbitur is locum in Zodiaco V occupare & per arcum PV regressus. Unde liquet Planetas cum Soli opponuntur semper retrogrados conspici, & in Antecedentia, seu contra signorum scriem, motu apparenti ferri. Ad A autem rursus delata Tellure, & Saturno circa Z hærente, denuo in statione sua in puncto scil. N permanere apparebit Planeta; & tandem cum Tellus hunc situm reliquerit, Saturnus rursus progredi & in directum moveri conspicietur.

Quæ de Saturno hic ostensa sunt, eadem de Jove & Marte intelligenda sunt; qui nunc progredi, nunc stare, mox regredi deinde stare, & denuo progredi conspiciuntur, Saturni autem regressiones frequentiores sunt quam Jovis, exinde quod Tellus Saturnum Planetarum lentissimum sæpius assequetur, quam Jovem non paulo velociorem. Quin ob eandem causam Jovis quoque regressiones frequentiores sunt quam Martis, quia scil. Mars velocior Jove latus, majus spatium percurrit & opus erit, ut longiore tempore ad oppositum Solis perveniat, quam in Jove requiritur.

Sit AC portio orbitæ Terræ, quam tangit recta AN, in qua è Tellure ponamus conspici Planetas superiores, scil. Mars in σ videatur, Jupiter in φ , & Saturnus in h , sitque KLMN portio Zodiaci. Erit Martis locus è Sole visus K, qui est locus verus & Heliocentricus; at cum Tellus sit in A, ex illo loco Mars ad Zodiaci punctum N referetur, quod dicitur ejus apparens locus. Similiter Jupiter è Sole visus in L conspicitur, qui est ejus locus verus, at è Tellure ad punctum N refertur. Eadem ratione Saturni verus locus qualis ex Sole orbitæ suæ centro conspiciendus est, erit in M, at locus apparens e Terra visus est in Zodiaci puncto N. Arcus KN LN MN differentiæ scil. inter locos apparentes & veros dicuntur Parallaxes orbis annui in his Planetis. Per Solem S ducatur SO ad AN parallela, eruntque per 29. *El. primi* anguli A σ S, A φ S, A h S singuli respectivé æquales angulis KSO LSO & MSO, quorum mensuræ sint arcus KO LO & MO. Est vero angulus ANS, æqualis angulo NSO, cujus

*Paral-
laxes or-
bis An-
nui Pla-
netarum.
TAB 31.
fig. 2.*

X x

men.




mensura est arcus NO, qui itaque erit mensura anguli ANS, sub quo semidiameter orbitæ Terræ e cælo videtur, sed AS semidiameter orbitæ Terræ respectu distantiae cæli, seu fixarum evanescit; nam illa e fixis conspecta sub nullo fere angulo videtur: evanescit igitur in cælo angulus NSO huicque proportionalis arcus NO, & proinde coincidere videntur puncta N & O, & arcus KO LO & MO minime different ab arcubus KNLN & MN, qui itaque erunt mensuræ angulorum $A \odot S A \angle S A \hat{b} S$. At illi anguli sunt ut apparentes semidiametri orbitæ Telluris ex Planetis singulis visæ. In singulis itaque Planetis superioribus, Parallaxis orbis annui est ubique ut angulus sub quo semidiameter orbis magni per Terram transiens, e Planeta videtur; & quo propior Planeta ad Tellurem vel Solem accedat, eo major fit iste angulus. Hinc Parallaxis in Marte major erit illâ Jovis; sicuti in Jove Parallaxis annua major erit quam in Saturno. At in stellis fixis nullaprehenditur Parallaxis orbis annui.

Anguli $A \odot S A \angle S A \hat{b} S$ sunt quam proxime maximæ Elongationes Telluris à Sole e respectivis Planetis visæ; in Marte adæquat hic angulus 42. gr. adeoque Tellus e Marte conspecta minus digreditur à Sole quam Venus à nobis visa. In Jove maxima elongatio Telluris à Sole videtur gr. 11. quæ est circiter semissis Elongationis Mercurii maximæ à nobis conspiciendæ. In Saturno Angulus hic, seu Elongatio Telluris à Sole maxima minor est sex gradibus, & quarta circiter pars Elongationis Mercurii à nobis visæ, cumque Mercurius raro admodum se nobis conspiciendum præbet, rarissimus e Saturno erit Telluris nostræ conspectus, & fortasse Saturniis Astronomis nondum innotescit, Globum Telluris nostræ in rerum natura existere.

*Retro-
gradationes, in
Marte
majores
quam in
Jove &
in Jove,
majores
quam in
Saturno.*

Hinc manifestum quoque est, Retrogradationes in Marte, majores esse quam in Jove, necnon majores in Jove, quam in Saturno, idque ob duplicem causam, tum quod Mars Telluri propior sit quam Jupiter, & is quam Saturnus, tum quod velociore motu ferantur.

Ex data in quovis Planeta Parallaxi orbis annui, facile
in





innotescet ejus distantia à Sole, respectu distantiae Telluris ab eodem. Nam quoniam in Marte datur angulus $A \odot S$, quem metitur arcus Parallaxis annuæ, & angulus $\odot AS$, Elongatio Planetæ à Sole, observatione aut calculo cognitus, si fiat ut sinus Parallaxis annuæ, ad sinum Elongationis Martis à Sole, ita SA distantia Telluris à Sole, ad $S \odot$ distantiam Martis ab eodem, illa dabitur. Hæc Parallaxis orbis, qua Planetæ citius tunc tardius in cælo videntur ferri, & nunc in orientem promoveri, nunc in occidentem retrahi conspiciuntur, producit in motibus eorum Inæqualitatem, quæ ab Astronomis Inæqualitas secunda & Optica dicitur, ut distinguatur à prima quæ Planetis revera inest, qua inæquabili motu in orbitis suis ferantur: in oppositionibus aut conjunctionibus Planetarum cum Sole, inæqualitas illa seu Parallaxis evanescit, & idem est locus Planetæ Geocentricus qui Heliocentricus, seu qui ex Sole videtur.

*Dantur
Planeta-
rum dis-
tantiæ à
Sole ex
data Pa-
rallaxi
orbis an-
nuæ.*

*Inæqua-
litas se-
cunda &
Optica
quid?*

Planetarum duo extimi amplo satis donantur Satellitio, nam Jupiter non paucioribus quam quatuor comitibus stipatus incedit, Saturnus quinque; mirum & jucundum spectaculum; hi instar Lunæ nostræ, primarios suos in circulationibus circa Solem perpetuo comitantur, & interea circa primarios gyros describunt, unde ex Primariis conspecti easdem subeunt Phases, quas nobis Luna exhibet, in oppositionibus cum Sole fulgidi & pleni apparent; exinde discedentes gibbosi, cumque veniunt ad quadratum cum Sole aspectum, dimidiati; ante conjunctionem corniculati, & in ipso cum Sole coitu prorsus evanescunt.

*Jovis &
Saturni
Satelli-
tes.*

E Terra visi hi Satellites, quamvis nunquam e Primario suo longe recedant, nunc tamen ei propius admoveri, nunc ab illo digredi conspiciuntur. Sit ABT orbita Terræ in cujus medio est Sol, SF sit portio orbitæ Jovis, in qua sit Jupiter in \mathcal{Z} , qui residet in centro quatuor circulorum, quos quatuor Comites, seu Lunæ circa ipsum describunt. Lunæ hæ quando inferiores orbitarum partes LN describunt, e Sole vel Terra conspectæ, versus occidentem tendere videntur, at dum orbitarum partes superiores GHK percurrunt, in orientem secundum veros ipsorum motus

*TAB. 31.
fig. 3.*

progredi conspiciuntur. Et cum ad orientem tendunt Lunæ bis occultantur, semel quidem in O ab interposito Jovis corpore, quod in recta est inter Terræ & Jovis centra, iterumque in umbra Jovis evanescere videntur comites; quæ occultationes proprie Lunarum Eclipses sunt, quæ nunquam contingunt, nisi quando inter eas & Solem Jupiter directe interponitur, hoc est momento Plenilunii, Solis lumine privantur, sicuti Luna ex Terræ interpositione ob eandem causam deficit.

Quando Jupiter est Sole orientior, & Vespertinus apparet, hoc est cum Tellus in A, prius latent pone Jovem, ob conjunctionem visam cum corpore Jovis, priusquam in umbram incurrunt, deinde ab umbra Jovis deliquia patiuntur. At quando Jupiter est Sole occidentior, hoc est post ejus conjunctionem cum Sole, ubi is mane apparet, hoc est, quando Tellus circa B versatur, prius in Jovis umbram incurrunt Lunæ ad V, quam ab ejus corpore occultantur in P, cum autem retrogradæ sunt Lunæ, id est quando tendunt ad occidentem seu Inferiores orbitarum partes percurrunt, tunc semel tantum absconduntur, ut in Q, cum ab ipsius Jovis corpore distingui non possunt, at quando e Sole conspectæ in conjunctione cum Jove inferiore videntur, seu quando Jovis incola eas Soli jungi conspiciunt, earum umbræ in Jovem incidunt, & aliqua pars disci Jovis eclipsim exinde patietur; & qui sub umbra degunt, Solem eclipsari videbunt. Harum Lunarum tam Jovialium quam Saturniarum Periodi & distantia à primariis eæ sunt, quæ ad finem Lectionis Tertiæ à nobis traditæ sunt.

Per Eclipses Jovialium Parallaxis orbis annui, & distantia Jovis à Sole determinatur.

Ex harum Lunarum motibus & Eclipsibus, Parallaxis orbis annui & distantia Jovis à Sole optime innotescit. Sit POR orbita cujusvis satellitis v. gr. extimi, sitque Tellus in orbitæ suæ puncto A: oportet observare tempus quando post Jovem latet satelles in O; quod ut fiat, observetur momentum quando primo videri desinit, atque iterum momentum quo conspici incipit, momentum inter hæc medium, erit momentum temporis, quando in recta per Jovis

vis

vis & Terræ centra transeunte locatur. Similiter observe-
tur Tempus quando Satelles est in medio Eclipsis quam
ab umbra Jovis patitur, scil. quando est in V, ex quibus
dabitur tempus quo arcum OV describit; & cum motus
ejus circa Jovem æquabilis sit, exinde habebitur arcus OV,
nam circa Jovem revolutionem absolvit hic satelles horis
402. Supponamus tempus quo Satelles ex O ad V move-
tur esse duodecim horarum. Fiat ut 402 horæ ad horas 12
ita 360. gr. ad quantum qui invenietur 10 gr. min. 44. est
itaque arcus OV æqualis grad. 10. min. 44. At est arcus
OV mensura anguli O \angle V, seu huic æqualis A \angle S, cujus
mensura est Parallaxis orbis annui, quæ proinde innotef-
cet. In Triangulo igitur A \angle S datur angulus ad \angle ; & præ-
terea angulus ad A, Elongatio Jovis à Sole ex Terra visa,
quem Astronomos tum ex calculo, tum ex observatione
cognoscere posse certum est; datur præterea latus AS di-
stantia Terræ à Sole quæ ponatur 100000, cum igitur in
hoc triangulo dantur omnes anguli, & unum latus; dabun-
tur per Trigonometriam reliqua latera, hoc est latus S \angle
distantia Jovis à Sole, & latus A \angle distantia Jovis à Terra.
Verum ut hæc exacte habeantur opus est pluribus accura-
tisque observationibus, iisque optimo telescopio peractis.

Per Stellarum Jovialium Eclipses solvitur Problema to-
tius Physicæ nobilissimum, quod dignitatis & admirationis
plurimum in se habet; *Num scil. Lucis motus sit instantaneus*, *Lucis*
aut successivus? Ex his enim Eclipsibus demonstratur lu- *motus*
cem non in instanti propagari, motu tamen admodum per- *non est*
nici, & celeritate incredibili ab astris ad nos pervenire. *instanta-*
neus.

Nam si Lucis motus instantaneus esset, cum Tellus est
in T à Jove maxime remota, eodem momento videretur E-
clipsis satellitis ac si esset in X Jovi proxima; nam secun-
dum hanc hypothesin lux eodem momento, per spatia in-
definita propagatur, fin lucis propagatio sensibilem aliquam
temporis moram requirat, observator ad X distantia XT quæ
diametro orbis magni æqualis est, erit Jovi propior
quam observator in T locatus, citiusque Eclipsim videbit,
quam qui ex T illam aspicit, unde ex intervallo temporis,

distantiæ XT proportionato radiorum velocitatem æstimare licebit. Atque ita se res habet, nam quotiescunque Terra Jovi propior accedit, Satellitum Eclipses citius incipiunt, quotiescunque Terra ad T à Jove recedit, Eclipses ferius conspiciuntur, quam per computationes factas fieri debent. Hæ quidem anticipationes, & prolongationes Eclipsium Satellitum, per plurimos annos observatæ, à *Domino Romero* primùm adhibitæ fuere ad successivam lucis propagationem statuendam, lucemque eadem ratione qua reliqua omnia corpora mota determinato quodam velocitatis gradu propagari evincunt; cui sententiæ plerique Astronomi & Philosophi assensum præbuere.

Lucis itaque particulæ, etsi indefinite exiguæ, motu progressivo rectilineari feruntur, & non per undas medii alicujus defunduntur, Lucis velocitatem talem esse statuit *Romerus*, ut à Sole ad nos spatium undecim minutorum perveniat, at distantia illa inter Solem & nos quinquaginta milles millenis passibus non minor est, quod spatium tantillo tempore percurrit lux ut ejus velocitatem satis admirari non possimus, quæ corporum velocissimorum celeritates in immensum superat, & quamvis Tellus celeri admodum motu circa Solem feratur, ejus tamen velocitas ad velocitatem lucis comparata, non majorem habet rationem quam motus testudinis ad illam Terræ velocitatem.

Pereas-
dem Ec-
lipfes de-
termi-
nantur
Locorum
Longitu-
dines.

Ex Eclipsibus Jovialibus hoc etiam commodi nobis derivatur, quod ex iis in diversis Terræ locis observatis, locorum longitudes determinantur, sed ut hæc methodus determinandi locorum longitudes, clarius vobis elucescat, quædam hic præmittenda sunt.

Si per Terræ polos & locum quemlibet in ejus superficie traduci supponatur circulus maximus, hic circulus, ob revolutionem Telluris diurnam, circa axem Telluris etiam vertitur, cumque ejus planum per Solem transierit, ab omnibus incolis qui sub illo degunt, Sol in illo existere videbitur, iisque Meridiem efficit; ob quam causam, circulus hic Meridianus dicitur, si autem sit alter Meridianus versus occidentem positus, qui cum priore angulum quindecim graduum

Fig. 3.




Fig. 2.





Fig. 1.



duum constituat, hic una hora serius ad Solem appellet, quam prior; adeoque cum Incolæ, qui sub posteriore Meridiano degunt, numerant mediam diem, seu horam duodecimam; prioris Meridiani incolæ horam primam post meridiem numerabunt. Similiter si meridianorum angulus sit triginta graduum, hoc est cum arcus *Æquatoris* inter Meridianos interceptus sit 30. grad. quando sub occidentaliore Meridiano est Meridies, sub orientaliore numerabitur hora secunda post meridiem. Atque ita pro singulis quindecim gradibus, quibus Arcus *Æquatoris* inter Meridianos interceptus constat, tot numerantur horæ quibus incolæ sub Meridiano orientaliore anticipant horas, quæ sub occidentaliore Meridiano numerantur. Et similiter pro singulis gradibus *Æquatoris* numerabuntur quatuor minuta Temporis, proque singulis quindecim minutis unum temporis minutum numerabitur, v. gr. si arcus *Æquatoris* inter Meridianos interceptus sit 85. grad. dividendo 85 per 15, quotiens $5\frac{2}{3}$ monstrat sub meridiano orientaliore, numerari horam quintam cum quadraginta minutis, quando incolis sub occidentaliore sit Meridies; & quando sit Meridies incolis sub Meridiano orientaliore degentibus, occidentales numerabunt horam sextam matutinam cum viginti minutis, & differentia inter horas in diversis his locis numeratas semper manet $5\frac{2}{3}$, si arcus inter meridianos interceptus sit 85 graduum.

E. contra datâ differentia horarum, quæ in locis pro eodem temporis momento numerantur, dabitur exinde Arcus *Æquatoris* inter Meridianos locorum interceptus; qui Arcus differentia Longitudinem locorum dicitur, quando scil. Longitudines ab aliquo primo Meridiano computantur, habetur autem arcus ille multiplicando horarum differentiam per 15, & productus dabit gradus, & si minuta quoque temporis multiplicentur per 15, & productus si superet 60 dividatur per 60 quotiens & residuum dabunt gradus & minuta, qui prioribus additi, conficiunt differentiam Longitudinum locorum. Exempli gratiâ, horarum differentia sit 7 & 22 minuta prima; 7 per 15 multiplicatus facit 105, & 22 in 15 ductus efficit minuta 330, seu quinque gradus &

30. min. unde longitudinum differentia tota erit 110 grad. m. 30. Hisce præmissis.

Si in duobus diversis locis, observetur initium Eclipsæos cujusvis e Jovialibus, & notentur horæ quibus in diversis locis accidit Eclipsis, Horarum differentia, si in gradus & minuta Æquatoris vertatur, dabit differentiam longitudinum locorum.

Si habeantur Ephemerides motuum & Eclipsium Jovialium pro Meridiano alicujus loci accuratè supputatæ; vice observatoris in uno locorum, Ephemerides sunt consulendæ, hora & horæ scrupula quibus initium vel finis Eclipsæos accidit ex iis sunt eximenda, & tempus in loco dato comparatum cum horâ loci in quo observatur Eclipsis, dabit horarum differentiam, & exinde longitudo loci innotescet.

Longitudo quoque habetur per observationem Eclipsæos Lunaris, aut appulsus Lunæ ad aliquam fixam, sed hæ Phases rariùs conspiciuntur, quàm Eclipses Satellitum Jovis.

In Terrâ & Solo stabili facile observantur Eclipses; & si idem in mari præstare licuerit, Ars Nautica esset fere perfecta; & nulli ferè errori obnoxia: verùm in mari, Motus & Jactationes navis omnem observationem Eclipsium impediunt. Adeoque si aliquis methodum traderet, quâ longitudo navis in medio maris quovis tempore inveniri possit, is solveret Problema Nautis exoptatissimum, & Reipublicæ adeo utile, ut sanctione Senatûs nuper facta, Præmia larga inventori tribuenda sunt: exinde plurimi ingenia sua in illo excolendo exercuere & torfere. At nemini hætenus palmam in medio positam rapere licuit, etsi varias vias methodosque tentaverunt & proposuerunt, & plurimi suarum inventionum amore capti, rem à se confectam existimantes, præmia postulaverunt, quorum tamen plerique nesciebant demum quid sit Longitudinem invenire.

LECTIO XVII.

De Cometis.

PRæter Planetas ordinarios, qui semper in viciniâ nostrâ discurrunt; est & aliud quoddam Planetarum Genus, qui temporanei appellari merentur, utpote aliquando in nostro cælo sunt conspicui, & post aliquod apparitionis tempus rursus à nostro visu se subducunt. Eos in cælesti regione collocabant veteres philosophi & longè supra Lunam evehebant. Nam testibus Aristotele, Senecâ, Plutarcho aliisque, Pythagorici & Italica secta asseriebant, Cometam esse unam ex stellis errantibus sed longis post temporum Intervallis apparere; idem sensit Hippocrates Chius, ut ex eodem Aristotele constat. Idem quoque sensit Democritus, ut auctor est Seneca in Naturalium quæstionum lib.vii. cap. 3. Sic enim inquit, Democritus subtilissimus antiquorum omnium, *susplicari ait se, plures stellas esse qui currunt*, intelligens Cometas. Sed nec numerum illorum posuit, nec nomina, nondum comprehensis quinque siderum cursibus. Et rursus Seneca dicit, Apollonium Myndium peritissimum inspicendorum naturalium, asserere Cometas in numero Stellarum errantium poni a Chaldæis, tenerique cursus eorum. Apollonius ipse ajebat, quòd proprium Sidus est Cometes, sicut Solis & Lunæ. Cæterum non est illi palam cursus. Altiora mundi fecat, & tum demum apparet, cum in imum cursus sui venit. Huic sententiæ accedit ipse Seneca. Non existimo inquit ille Cometem subitaneum esse ignem, sed inter æterna opera Naturæ. Cometes habet suam sedem, & ideo non citò expellitur, sed emetitur spatium suum, nec extinguitur, sed excedit. Si erratica, inquit, Stella esset, in Signifero esset, sed quis unum Stellis limitem ponit? Quis in angustum divina compellit? nempe hæc ipsa quæ sola moveri credis, alios & alios circulos habent, quare ergo non aliqua sunt, quæ in proprium iter & ab istis remotum secesserint? Ut verò cognoscantur, necessarium esse dicit, veteres ortus Cometarum habere collectos; deprehendi enim propter raritatem eorum cursus adhuc non

*Cometa
Planeta-
rum Ge-
nus.*

*Seneca
Opinio
de Co-
metis.*

potest, nec explorari an vices fervant, & illos ad suum diem certus ordo producat. Tandem sic vaticinatur; Veniet Tempus, quo ipsa quæ nunc latent, dies extrahet, & longioris ævi diligentia. Ad inquisitionem tantorum ætas non una sufficit. Veniet tempus quo Posteriores nostri tam aperta nos nescisse mirabuntur; erit qui demonstret aliquando, in quibus cometæ partibus errant, cur tam seducti à cæteris eunt, quanti qualesque sunt.

Peripatetici Cometæ inter meteoræ numerant.

Cometæ non sunt aerii.

Cometæ sunt supra Lunam.

Sed his non obstantibus tota Peripateticorum secta metuens, ne Generationes & corruptiones in cælis admitterentur, Cometæ inter sublunaria corpora posuit. Illosque esse Meteorôn genus contendit. Sed ne hic locus iis concedatur, repugnant eorum Phænomena, nam non in aere nostro illos generari exinde patet, quod longè supra aerem evehuntur; in locis enim Telluris maximè dissitis eodem temporis momento videntur; quod ob humilem aeris locum nulli corpori aërio contingere potest.

At non tantum supra aerem, sed etiam supra Lunam ascendere Cometæ, exinde constat, quod ex diversis locis visi, eandem ferè observantur sortiri distantiam à Stellâ aliquâ vicinâ. Exemplum sit Cometæ ille, quem Tycho Brahe Uranoburgi & Hagecius Pragæ in Bohemiâ eodem tempore observârunt, quæ duo loca Latitudine differunt sex gradibus, & præterea sunt ferè sub eodem Meridiano. Uterque observabat, quantum Cometa distabat à Stellâ quæ Vultur appellatur, id est quot Gradibus esset infra eam, erat enim in eodem verticali cum illâ; & uterque reperit eandem esse distantiam, & consequenter, uterque inspexit illum in eodem cæli puncto, quod fieri non potuit, nisi Cometa esset supra Lunam.

Demonstratur Cometæ esse supra Lunam.
TAB 32.
fig. 1.

Circulus ABG exponat orbem Terræ, in quâ sit A Uranoburgum, B oppidum Pragæ, D locus Cometæ. Sit FCE fixarum cælum, & F Stella Vulturis. Ex Uranoburgo locus Cometæ ad punctum E in cælo refertur, ejusque distantia à Vulture erit FE; ex Pragâ autem spectatus Cometa, in C videbitur, distabitque à Vulture arcu FC, qui arcu FE erit minor; verum deprehensum est Cometam ex duobus

bus hisce locis visum eandem obtinuisse distantiam visibilem à Stellâ Vulturis, & arcus proinde FE, FC, fuisse æquales. Tanta itaque est distantia Cometæ à Tellure, ut arcus CE evanescat. At hoc non quidem Lunæ contingit, adeoque longior abest à nobis Cometa, quàm Luna.

Ex centro Telluris viso Cometâ, locus ejus in cælis sit G, at ex Terræ superficie in A spectato locum E occupare videtur. Prior dicitur locus ejus *verus*, Posterior *visus*, & distantia GE quâ humilior apparet dicitur Parallaxis, eâ semper deprimitur Phænomenon versus horizontem. Est autem Parallaxis Phænomeni, ut superius dictum fuit de Lunâ, semper æqualis angulo sub quo semidiameter Terræ per locum transiens è Phænomeno videtur.

*Cometæ
locus ve-
rus, vi-
sus, Pa-
rallaxis.*

Quod si nulla fuerit Parallaxis sensibilis, neque angulus, sub quo semidiameter Telluris è Cometâ apparet, erit sensibilis. Adeoque oportet, ut Cometa longissime à Tellure distet. Nempe ut diameter Terræ, ut punctum ex Cometâ videatur.

Unico filo, in tantæ subtilitatis negotium advocato; Parallaxis, si modo sit sensibilis, deprehendi potest. Nam cum Cometa in fine apparitionis adeo lentescit proprio motu; ut vix incedere videatur, bis observandus est per filum, hoc modo; primò cum valde ab horizonte sublimis fuerit, notentur binæ stellæ ei viciniore, inter quas ipse sit collocatus, in rectâ linea, quæ sit Horizonti parallela, quod per filum indirectum stellis assumptis expositum atque oculis prætensum experiri oportet. Postea cum occasurus prope Horizontem fuerit, iterum prætenso filo, expendendum est, an in eâdem rectâ lineâ cum iisdem stellis videatur; nam si Parallaxis adsit sensibilis, quæ deprimit fidus, non in eâdem rectâ quæ Stellas conjungit apparebit; sin secus, & in eâdem positione, quoad Stellas maneat, indicium est, Cometam nullam subire Parallaxim, & longissime à nobis distare. Nec quicquam hic à refractione timendum est, quæ prope Horizontem solet sidera supra verum eorum locum elevare, quia hæc ipsius hallucinatio, tam Stellas quàm Cometæ æqualiter elevabit, ac proinde eorundem mutuam distantiam ac

*Depre-
hensio
Paral-
laxis Co-
metæ-
rum.*

positionem non mutabit refractio.

*Alia me-
thodus
inve-
niendi
Paral-
laxes.*

Observari etiam potest Cometa juxta Horizontem ortivum, intra binas Stellæ, in circulo Horizonti perpendiculari, & postea cum sublimior evaserit & non in eodem verticali cum dictis stellis, si apparuerit in eadem rectitudine nullam patietur parallaxim, & proinde in alto cælo spatia-
tur, si verò assumptis stellis fuerit depressior quam in rectâ lineâ fieri debet, habet Cometa Parallaxim. Quod si in his observationibus adsit Cometæ motus proprius, is detrahendus erit pro ratione ejus, & temporis à primâ observatione usque ad secundam elapsi.

*Cometæ
Paral-
laxi or-
bis annui
sunt ob-
noxii.*

**Vide
Newtoni
Princi-
pia lib. 3.*

* Ut Defectus Parallaxis diurnæ extulit Cometæ supra regiones Lunares, sic ex Parallaxi orbis annui, evincitur eorum descensus in regiones Planetarum. Nam Cometæ, qui progrediuntur secundum ordinem signorum, sunt omnes sub exitu apparitionis, aut solito tardiores, aut retrogradi, si modo Terra sit inter ipsos & Solem: aut justo celeriores, si Terra vergat ad oppositionem, hoc est, si in conjunctione cum Sole videantur, uti fieri in Planetarum motibus observamus. E contra qui pergunt Cometæ contra ordinem signorum, sunt justo celeriores in fine apparitionis, si Terra versatur inter ipsos & Solem, aut justo tardiores aut retrogradi, si Terra sita sit ad contrarias partes. Contingit hoc maximè ex motu Terræ in vario ipsius situ; perinde ut fit in Planetis, qui pro motu Terræ vel conspirante, vel contrario, nunc retrogradi sunt, nunc tardius progredi videntur, nunc verò celerius.

*Quando
Cometa
retrogra-
dus vide-
tur.*

*Quando
directus,
& justo
tardior.
Quando
justo ce-
lerior.*

Si Terra pergat ad eandem partem cum Cometâ, & motu angulari tanto celerius feratur circa Solem, ut recta per Terram & Cometam perpetuò ducta convergat ad partes ultra Cometam, Cometa is è Terrâ spectatus ob motum suum tardio-
rem, apparet esse retrogradus. Sin Terra tardius Cometâ feratur, ille (detra-
cto motu Terræ) tardius incedere videbitur. At si Terra pergat ad contrarias partes, Cometa exinde velocior apparebit.

Idem colligitur ex curvaturâ viæ Cometarum; pergunt hæc corpora propemodum in circulis maximis, quamdiu
mo-

moventur celerius, at in fine cursus, ubi motus apparentis pars illa, quæ à Parallaxi oritur, majorem habet proportionem ad motum totum apparentem, deflectere solent ab his circulis, & quoties Terra movetur in unam partem, abeunt in contrariam: oritur hæc deflectio maximè ex Parallaxi orbis annui, propterea quod respondet motui Terræ, & insignis ejus quantitas observata ostendit Cometæ esse satis longè infra Jovem collocandos, ubi consequens est quòd in Perigæis & Periheliis, ubi propius adsunt, descendunt sæpe infra orbes Martis & Inferiorum Planetarum.

A Terrâ recedentibus & ad Solem accedentibus Cometis, augetur eorum splendor & lux, quamvis ob auctam eorum distantiam minuitur apparens diameter.

Cometarum figuræ variæ sunt; alii enim crines undique in orbem vibrant, qui Criniti & Cincinnati appellantur; alii autem ad partem cæli Soli oppositam barbam aut caudam radiosam emittunt, hique Barbati, Caudatique dicuntur. Varia observata fuit Cometarum quoque magnitudo; Plerique seclusâ comâ, quando maximè videntur, stellas tantum primæ aut secundæ magnitudinis adæquant. At multò majores apparuisse testantur auctores, qualis fuit ille, qui Neronis tempore affulsit, & auctore Senecâ Soli magnitudine non cedebat. Sic ille, quem Hevelius observavit Anno 1652. Lunâ non minor apparuit, luce tamen & splendore multum Lunæ cedebat, nam Lumine suo pallido & obtuso tenebricosum & tristem aspectum præbuit. Cinguntur Cometæ plerique densâ & caliginosâ Atmosphærâ, quæ Solis lucem retundet, intus tamen conspicitur Nucleus, qui dissipatis nubibus, quasi corpus Cometæ solidum aliquando lucidè splendet.

Cometæ cum tam longe a Terra distent, motum illum apparentem ab oriente in occidentem ex vertigine Telluris ortum & omnibus fideribus communem habebunt. Præter hunc motum est & alius illis proprius, quo non in eodem cæli loco hærent, sed ab eo in quo primum affulserunt, quotidie recedunt, & per spatia cælestia vagantur. Qui motus veteribus etiam cognitus fuit, nequaquam enim eos

*Cometa-
rum Fi-
guræ va-
riæ, &
varia
magni-
tudo.*

*Cometæ
motu
communem
in occi-
dentem
ferri vi-
dentur.
Cometa-
rum mo-
tus pro-
prius.*

inter errantia sidera numerassent, nisi eos Planetarum instar, peculiari cursu errabundos cognovissent. Seneca motum hunc agnovit, & observavit, per lineam in cælo rectam fieri, seu, ut loquuntur Astronomi, per circuli maximi portionem. lib. enim Septimo naturalium Quæst. cap. 8. Cometarum dicit cursum lenem & compositum esse, qui destinatum iter carpit; non confuse aut tumultuose eunt Cometæ, ut aliquis credat, causis turbulentis & inconstantibus pelli. In capite 29. meminit duorum Cometarum; quorum unus intra sextum mensem dimidiam cæli partem transcurrit. Alter Claudianus, à Septemtrione primum visus, non desit in rectum assidue celsior fieri, donec excessit.

*Modus
explo-
randi
cursum
cometæ
in cælis.*

TAB. 32.
fig. 2.

Si habeatur globus cælestis, in cujus superficie Stellæ rite sunt collocatæ & depictæ, hâc arte Mechanicâ, via Cometæ in cælis explorari potest. Assumantur quotidie Stellæ quatuor Cometam circumstantes, ita ut is sit in concursu duarum linearum quæ oppositas stellas jungant, quod per filum oculis prætensum atque assumptis stellis & Cometæ objectum examinari potest, quod in tanto fixarum numero observare facile erit. Sit v. gr. Cometa in A in medio quatuor stellarum BCDE, ita ut filum per duas BD & Cometam transeat, similiterque filum transeat per Cometam duasque Stellas CE. In globo igitur, quo hæ quatuor stellæ sunt locis suis depictæ, extendantur duo fila per binas & binas stellas, & in communi filorum concursu, invenietur Cometæ locus. Sic quotidie fiat, & pro singulis diebus loca notentur; atque hinc manifestè Cometæ via seu cursus apparebit in cælis, qui deprehendetur esse circulum maximum, omnia enim puncta notata in eâdem peripheriâ circuli maximi invenientur. Datis autem duobus hujus circuli punctis, dantur ejus inclinatio ad Eclipticam & Nodorum loci, scil. ubi extensum filum Eclipticam secat.

*Alia me-
thodus
observan-
di semi-
tam Co-
metæ.*

Aliter etiam via Cometæ propria invenitur observando ejus distantiam quotidie à duabus Stellis, quarum distantia, Longitudines, & Latitudines notæ sunt, ex quibus dabitur locus Cometæ in cælo, quæ loca postea in globo cælesti notata manifestè ostendent Cursum Cometæ è Tellure visum esse in por-
tio-

tione Circuli maximi, nisi per motum Terræ ille aliquantulum exinde deflectere videretur. Distantiæ Cometæ à vicinis stellis, accipi possunt per Quadrantem aut Sextantem, ita situm, ut ejus planum simul per Cometam & Stellam transeat, & Dioptra una Stellam, altera Cometam aspiciens, gradus in circumferentiâ inter utramque interceptos manifestabunt.

Hinc manifestum est, Cometæ moveri in plano, quod per oculus Spectatoris, seu potius per Solem transit, nam motus omnis visibilis qui in illo plano peragitur, semper in Peripheriâ circuli maximi fieri conspicitur. Regularis præterea & maxime proportionatus est Cometarum motus; qui quamvis inæqualis est, summa tamen regularitas in ipsâ inæqualitate continuò observatur.

Proprius hic Cometarum motus, non est idem in omnibus; sed varius, nam alii ab occidente in orientem tendunt; aliorum e contra motus fit in Antecedentia, & cursui Planetarum contrarius; omnes diligenter observati deflectunt ad Boream vel ad Austrum; idque varie, neque Planetarum more comprehenduntur in Zodiaco; sed inde migrant & motibus variis, in omnes cœlorum regiones feruntur; alii celerius, alii tardius. Summa celeritas a Regiomontano observata fuit, quâ Cometa uno die peregit gradus quadraginta. Nonnulli sunt in initio velociores quàm in fine, alii in principio, & fine apparitionis tarde moventur, in medio velocissime feruntur.

Deprehensum est, quòd in nonnullis Cometis, antequam penitus disparuerunt, in ultimis scil. apparitionibus, non adeo præcisè in circulo maximo inceserunt, sed aliquantulum ab isto tramite deviârunt; Angulus enim orbitæ Cometæ & Eclipticæ, in provectiore ætate diversus fuit observatus quàm cum ab ortu adhuc recens fuit, sed deviatio hæc apparens, non ex motu Cometæ, sed ex Telluris motu ortum trahit; ut in superioribus & inferioribus Planetis eveniri solet, quorum distantia ab Eclipticâ varia videtur, pro diversâ positione Telluris, cum interim ex sole spectatus Cometa, circulum maximum exactissimè describere videbitur.

Quam-

*Moven-
tur Co-
metæ in
plano per
Solem
trans-
eunte.*

*Ipsorum
Cursus
varii.*

*Deviatio
visa Co-
metæ a
Circulo
maximo.*

*Varia
Cometa-
rum se-
mitæ.*

Quamvis Cometæ motus videatur plerumque in circulo maximo, semita tamen ejus à circulo diversa & varia esse potest, scil. vel linea Recta, Elliptica, Parabolica, aut Hyperbolica, vel alia quævis in eodem plano descripta. Nam omnis motus in quâcunque semitâ, qui in plano per oculum transeunte peragitur, in circulo maximo fieri conspicitur. Philosophi plurimi & Astronomi motum rectilineum illis tribuerunt. Quæ tamen eorum Phænomenis optime convenit Semita, Parabolica aut Elliptica videtur, & quidem si in Ellipticis ferantur orbitis, eæ maximè excentricæ sunt, & majores Axes ad minores magnam obtinent proportionem; quâ ratione multum à Planetis differunt, qui orbitas Ellipticas quidem, at non multum excentricas, sed ad circuli formam accedentes describunt. Sol autem in communi omnium orbitalium tam Planetarum, quàm Cometarum foco existit; & eâdem lege circa illum moventur Cometæ, quâ Planetæ, describendo scil. Areas temporibus proportionales; Unde necesse est, ut similiter ac Planetæ in Solem sint graves.

*Cometæ
quando
visibiles
& quan-
do invisi-
biles.*

Cum Cometæ in inferioribus orbitalium partibus versantur, seu cum versùs Solem descendunt, vel ab illo ascendunt, tunc solum fiunt conspicui, & deinde à Sole recedentes, in longinquas regiones abeunt, & ex nostro conspectu sese subducunt; nam ob eorum à Sole recessum, minuitur lux, quam ab illo recipiunt, & ob auctam à nobis distantiam, minuuntur quoque apparentes diametri, donec tandem insensibiles evadunt. In Apheliis, ubi in longinquas admodum excurrunt regiones, ob tantam orbitæ excentricitatem, tardissime incedunt, in Periheliis ubi Soli vicini sunt incitatissimo feruntur motu.

TAB. 32.
fig. 3.

Sit S Sol, APDG orbita Cometæ Elliptica, TCE orbita Terræ. Si ponamus semiaxem Ellipseos orbitæ Cometicæ centies majorem distantia mediâ Telluris à Sole, Cometa ille periodum circa Solem non nisi mille annis absolvet, nam quadrata Temporum periodicorum Telluris & Cometæ, debent esse cubis distantiarum a Sole mediarum proportionalia. Et Cometa in conspectum nostrum non veniet, nisi cum

ver-

versus Solem descendendo, propius ad Tellurem accesserit, ut in F, deinde post decessum a perihelio, à Sole continuo ascendens Cometa, circa G tandem evanescere incipit; & si Aphelii distantia sit ad distantiam Perihelii à Sole ut 1000 ad 1, erit velocitas Cometæ in Perihelio ad velocitatem in Aphelio, in eâdem ratione, nam debet Area ASB æqualis esse Area DSP, si modo arcus AB DP sint temporibus æqualibus descripti, Velocitas vero circa Solem angularis, erit in eâ ratione duplicata; adeoque cum Cometa in Perihelio, gradum unum Motu angulari absolverit, in æquali tempore ubi in Aphelio versatur, non nisi gradus partem $\frac{1}{1000}$ percurreret, & ibi lentissimè circulando plures requiruntur anni, ut unum gradum absolvat.

Cum Ellipses, quas describunt Cometæ, sint admodum excentricæ, illarum portiones in quibus è Tellure videntur moveri, pro Parabolis haberi possunt; nam si Ellipseos focus, in infinitum alteruter ab altero secedat, vertetur Ellipsis in Parabolam, sicut coeuntibus focus Ellipticis in circulum mutatur; unde illorum calculus fit facilior. Ex illâ enim hypothese tabulam construxit peritissimus Geometra & Astronomus *Hallejus*, quâ Cometarum motus facillime computentur, & ex illâ Theoriâ ipse plurium Cometarum motus calculo subiecit; & cum observatis tam accurate congruere deprehendit, ut eorum differentia rarò ad tria minuta prima excurrat. Quibus Exemplis abunde satis manifestum est, quod motus Cometarum, ex hac Theoriâ, non minus accuratè exhibetur, quam solent motus Planetarum per eorum Theorias; quorum loca computata, ab observatis non minore quantitate distare invenimus. Et licet Cometæ longe majori motuum inæqualitati obnoxii sunt quam Planetæ; hæc tamen Theoria ipsorum motibus visis optimè respondet; unde cum iisdem innititur legibus, quibus Planetarum Theoriæ fundantur, eademque causæ Physicæ in utrosque agant, & cum accuratis Astronomorum observationibus exactè congruat; non potest esse non vera.

Quamvis Planetæ omnes ab occidente in orientem, motibus propriis ferantur; Cometæ tamen non pauci contrarios

Ellipsium portiones, quæ a nobis videntur describi per Cometæ, pro Parabolis haberi possunt.

Cometæ plures ab oriente in occidentem feruntur.

*Adeoque
nulli
sunt Vor-
tices.*

curfus tenere observantur; eosque ab oriente in occidentem, maximâ velocitate discurrere cernimus; qualis fuit ille à Re-
giomontano visus anno 1472, qui quadraginta gradus uno die confecit. Hinc manifeste constat, nullos in cælo ex-
istere vortices, qui Planetas in iis natantes rapidissimo mo-
tu circa Solem vehant; nam cum Cometæ in regiones Pla-
netarias descendant, necesse erit, ut perniciosissimo vorticum
Torrente rapiantur; tanta enim foret vorticis juxta Tellurem
velocitas, si reverâ darentur vortices, ut illam secum vehe-
ret; & plusquam 20000 milliaria in unâ horâ conficere fa-
ceret; unde & rapidissimum hoc flumen Cometæ etiam se-
cum deferret; eorumque motus, si contrarii essent, citò de-
strueret. Quis enim non videt nullum corpus contra tam
rapidum Torrentem posse diu moveri. At Cometæ obser-
vantur plures, qui contrario motu liberrime eunt, & eâdem
lege motus conservant, quasi nullum esset medium, quod
iis obstaret. At hoc naturæ vorticum plane repugnat, nam
quod Planetas secum rapit fluidum, alia etiam corpora o-
mnia inibi locata secum rapere necesse erit. Quod itaque
cum non fit, dicendum est, in cœlis nullam esse resistantiam;
adeoque nullum medium, quod cum nostro aëre compara-
tum, sensibilem aliquam obtinet densitatem; nam aer noster
Projectorum motum non parum obstruit.

Desinant itaque *Cartesiani & Leibnitiani*, de Vorticibus
suis plura in posterum dicere; cælestia enim Phænomena iis
plane repugnant; quique cœlestium corporum motus per
illos explicare satagunt, nugas & figmenta impossibilia no-
bis obtrudunt, nec ulterius sunt audiendi.

*In cœlo
nullam
est me-
dium
fluidum,
quod sen-
sibilem
obtinet
densita-
tem.*

Cum Resistentia medii ex ejus densitate oriatur, necesse
est, ut ubi nulla est resistentia medii sensibilis, ibi quoque
nulla sit sensibilis medii densitas; adeoque cum in cœlis Co-
metæ ne minimam sensibilem resistentiam patiuntur; sed li-
berrime tanquam in vacuo motus suos peragunt, minima
quoque erit medii densitas, & fortasse tanta erit medii istius
raritas; ut si Cometæ, Planetas, eorumque Atmosphæras
excipias, materia illa omnis, quæ totum spatium Planeta-
rium implet, non adæquat illam, quæ in uno digito cubico
no-

nostri aeris continetur. Hoc enim possibile esse, à nobis in *Lectiōibus nostris & hysicis* demonstratum est.

Definant etiam Philosophi Metaphysicas suas tricas contra vacuum nobis obtrudere; illæ enim persimiles videntur Veterum Sophistarum, contra motum disputantium, argutiis, quæ non aliam responsionem merentur, quam illam *Diogenis*, qui ambulando illas confutavit. Sic *Philosophos Cartesianos* cœlum intueri jubeamus, & inde non obstantibus subtilissimis illorum tricis, ex phænomenis in illo visis, Vacui necessitatem manifestâ demonstratione colligent.

*Cometa
motibus
suis va-
cuum
dari de-
mon-
strant.*

Pauci Cometæ visi sunt, priusquam ad Solem descendunt; & ex Perihelio, ab illo recedere incipiunt. Nam antequam per Solis viciniam incaluerunt, vix caudas emittunt; adeoque minus notabiles evadunt; post autem ipsorum à Perihelio discessum, ingentes vibrant caudas, quæ constant materiâ lucidâ, rarâ, & subtilissimâ, maximo putâ calore Solis attenuatâ, & maximâ vi è corpore Cometico projectâ. Cujus caussa fortasse non dissimilis est illi, quâ nuper ex nostrâ Tellure, Vapores lucidi ad insignem altitudinem ejaculati fuere; qui per magnam Europæ partem conspecti fuere, & æmulabatur vapor ille lucidus, tam figurâ quàm splendore, Cometarum caudas, sed deficiente materiâ citò evanuit.

*Cometa-
rum
Caudæ.*

Illud in Cometis omnibus maximè notandum; quod illorum caudæ semper in partes à Sole averfas extenduntur, id est si Sol sit in occidente, Cometa directè caudam in orientem projicit. E contra, si Sol fuerit in Oriente, Cauda in occidentem rectâ dirigitur, mediâ nocte in Aquilonem tendunt. Crescunt caudæ, dum ad Solem descendunt, in Periheliis maximæ sunt, deinde longius à Sole recedendo, decrescunt, donec in Atmosphæram Cometicam se contrahunt.

*Caudæ
semper
in partes
proten-
duntur à
Sole
aversas.*

Caudæ Cometarum, quæ breves sunt, non ascendunt motu celeri & perpetuo à capitibus, & mox evanescunt, sed sunt permanentes vaporum & exhalationum columnæ, à capitibus motu satis lento propagatæ, quæ participando motum illum caput, quem habuere sub initio, per cælos unâ

*Cometa-
rum
Caudæ
partici-
pant de
motu ca-
pitum.*

cum capitibus moveri pergunt: Et hinc rursus colligitur, spatia coelestia vi resistendi destitui, in quibus non solum solida Planetarum & Cometarum corpora, sed etiam rarissimi caudarum vapores, motus suos liberrimè peragunt, ac diutissimè conservant.

Cometa ille insignis, qui Anno 1680. apparuit, statim post recessum à Perihelio, caudam emittebat plusquam quadraginta gradus in longum exporrectam; nec mirum, nam tam prope fuit Soli, ut non major quam sextâ diametri solaris parte ab ejus corpore distabat: & inde Sol maximam coeli Cometici partem e Cometa spectatus occupare, & sub angulo ferè 120. graduum apparere videbatur. Calor autem è Sole conceptus ardentissimus fuit, nam ferri candentis calorem ter millies superabat. Hinc necesse est, ut corpora Cometarum sint solida, compacta, fixa, & durabilia, ad instar corporum Planetarum. Nam si nihil aliud essent quàm vapores, aut exhalationes Terræ, Solis, aut Planetarum, Cometa ille in transitu suo per viciniam Solis statim dissipari debuisset.

LECTIO XVIII.

Doctrina Sphærica, seu De Circulis Sphæaræ.

*Oculus
spectato-
ris est
ubique in
coeli cen-
tro.*

CUM quilibet Spectator, quemcunque in Universo obtineat locum, sit in centro Prospectus proprii; si coelum intueatur, illud tanquam superficiem concavam oculo concentricam, innumerisque stellis refertam conspiciet, Motusque omnes coelestes in illâ peragi videbit. Verum cum Telluris à Sole distantia exigua admodum sit respectu illius, quâ coelum stellatum à nobis distat; ubicunque Terra in suâ orbitâ locetur; eadem semper coeli facies, eadem astrorum positio, seu configurationes stellarum ex eâ aspiciuntur, quæ oculo in ipso Sole constituto apparerent; adeoque nihil refert, siue centrum Universi seu coeli, in Sole, siue in Tellure ponatur. Et si concipiantur circuli quotlibet per Tellurem transire, & ad coelum produci, alique his Paralleli per Solem traduci, hi circuli in coelo coincidere videntur, eva-

*Nihil re-
fert siue
centrum
coeli in
tellure
siue in so-
le ponat-
ur.*

evanefcente ipforum diftantiâ refpectu diftantiæ fixarum, quæ ad illos refertur, circuli que hi, per Solem & Tellurem in planis parallelis ducti, in eafdem ftellas incidere videbuntur.

Quò melius loca ftellarum definiantur, motufque in ordinem redigantur, convenit in coelo plures concipere defcriptos effe circulos, quorum alii funt maximi, alii minores. Circulus in Sphærâ maximus eft, qui dividit Sphæram in duas partes æquales, & idem habet centrum cum centro Sphæræ, adeoque omnes circuli maximi, cum idem habent centrum, feſe bifariam ſecabunt.

*Circuli
Maxi-
mi.*

Circuli minores dividunt Sphæram in partes inæquales, eorumque centra à centro Sphæræ diverſa funt; denominantur autem hi circuli ab aliquo circulo maximo, cui paralleli funt.

*Circuli
minores.*

Quilibet circulus duos habet polos, qui funt puncta in ſuperficie Sphæræ, ubique a circulo æquidiftantia, ubi ſcil. linea ad planum circuli recta per centrum ducta, utrinque ſuperficie Sphæricæ occurrit.

*Circulo-
rum Po-
li.*

Circuli alii per refpectum ad Obſervatorem definiuntur, ut funt Horizon & Meridianus, alii à motu originem ducunt; hi dicuntur mobiles, quòd unà cum ſpectatore locum mutant, illi immobiles, quòd in iifdem coeli punctis infixi hærent.

*Circuli
alii im-
mobiles
alii mo-
biles.*

Qui à motu oriuntur circuli, præcipui funt Ecliptica & Æquinoctialis, eorumque paralleli; nam cum Tellus circa Solem motu annuo in orbitâ feratur, Spectator in Sole conſtitutus Terram in coelo illum deſcribere circulum inter fixas, quem Eclipticam dicimus, conſpiciet. Eſtque ille circulus idem, quem nos in Terrâ locati Solem percurrere motu apparenti ſpatio unius anni videmus, uti ſuperius à nobis oſtenſum fuit. Dividitur Ecliptica in duodecim partes æquales, quæ ſigna ſeu Dodecatamoriæ appellantur, nomenque habent à Conſtellatione vicinâ. Incipiunt ab Æquinoctiali vernali, tenduntque ab occidente in orientem. Tria priora ſigna γ φ π ſcandunt ab Æquinoctiali in Boream, uſque ad Solſtitium æſtivum. Sequentia tria \odot Ω μ

*Eclipti-
ca.*

Zodia-
cus.

incipiunt à Cancro descenduntque ad æquinoctialem intersectionem autumnalem. Tertia signorum Trias $\text{♊} \text{♋} \text{♌}$, incipit à Librà, descenditque versus austrum, usque ad Solstitium hybernum. Quarta $\text{♍} \text{♎} \text{♏}$ à Capricorno incipit, tendensque ad Æquatorem, finitur in æquinoctio verno. Unumquodque signum dividitur in triginta gradus, & hinc tota Ecliptica in 360. In hoc circulo semper videtur Sol, qui nusquam ab illo deflectit. At Planetæ ultro citroque eunt, per spatium octo circiter graduum, adeoque si concipiatur circulus latus seu zona sedecim graduum lata, cujus medium tenet Ecliptica, designabit in cœlo spatium in quo Planetæ motus peragunt, & Zodiacus à Græcis, à Latinis Signifer dicitur ob signa ibi locata.

Eclipti-
cæ Se-
cundarii.

Longitu-
do Stellæ.
Latitudo
Stellæ.

Si per polos Eclipticæ traduci concipiantur innumeri circuli Eclipticæ occurrentes, illi dicuntur Eclipticæ Secundarii, quorum ope quælibet stella vel quodvis in cœlo punctum ad Eclipticam refertur. Nam stellæ cujusvis locus, ad Eclipticam reductus, is erit, ubi ejusmodi circulus per stellam transiens eidem occurrit. Arcus inter hunc locum & initium Arietis interceptus, & in consequentia numeratus dicitur *Longitudo* stellæ. Sicuti arcus circuli secundarii inter stellam & Eclipticam est ejusdem stellæ *Latitudo*. Hinc hi Eclipticæ secundarii circuli Latitudinum dicuntur. Latitudo est Borealis vel Australis. Nam Ecliptica cœlum sidereum in Hemisphærium Boreale & Australe dividit.

Æquino-
ctialis
cælestis.

Cum Tellus circa suum Axem vertatur, exinde fit, ut omnes stellæ cœlumque omne Sidereum circa Tellurem volvi conspiciantur, spatio viginti quatuor horarum, qui motus apparens Diurnus dicitur, & raptu *Primi Mobilis* fieri concipitur; quasi revera Tellus quiesceret & cœlum circa ipsam volubile esset. Circulus medius inter utrumque Telluris polum, qui Æquator dicitur, ad cœlum usque productus, efficit Æquinoctialem cælestem, & omnia sidera, omniâque cœli puncta præter polos hunc æquinoctialem, vel circulum aliquem huic parallelum, majorem aut minorem, prout a Polis remotiora aut viciniora fuerint, describere videntur.

Æqui,

Æquinoctialis & Ecliptica, cum uterque sit circulus maximus, se mutuò bifariam secabunt, communisque planorum sectio, sibi ubique parallela manens, ad idem coeli punctum semper dirigitur (nam hic abstrahimus à motu illo lentissimo, quo Axis Terræ, vel interseccio Eclipticæ & Æquatoris regreditur). Adeoque cum Sol in Eclipticæ puncto videtur, ubi est illa interseccio, hoc est, cum revera Tellus oppositum tenet, Sol motu diurno æquinoctialem in coelo circulum describere conspicietur. Bis itaque in quolibet anno Sol motu diurno in Æquinoctiali revolvitur. Scil. cum est in duobus Eclipticæ & Æquatoris interseccionibus Vernali & Autumnali. Quibus temporibus omnes Telluris incolæ dies noctibus æquales habebunt: unde nomen circulus hic adeptus est. Angulus, quem Ecliptica cum æquatore ad interseccionum puncta facit est $23\frac{1}{2}$ graduum; exinde discedens Sol, continuò ab æquatore motu apparente declinat versùs Boream vel Austrum, circulosque æquatori parallelos motu apparente describit, donec ad nonagesimum ab interseccione gradum pervenerit, ubi $23\frac{1}{2}$ gradibus ab æquatore distare videtur, quæ est ejus Declinatio maxima, & inde rursus ad Æquatorem revertere conspicietur, unde duo minores circuli, quos Sol motu diurno in duabus ejus declinationibus maximis describere apparet, *Tropici* nominantur, à *τρεπεω* verito. Hic in Boreali cæli parte *Tropicus Cancræ*, ille in Australi *Tropicus Capricorni* dicitur. Quâ ratione hic motus Solis apparens, & Declinationis mutatio, quiescente Sole, ex motu Terræ revera accidunt, superiùs in Lectione VII^{ma} ostensum fuit.

Sunt & alii duo circuli minores in Sphærâ notabiles, quos Eclipticæ Poli motu diurno rapti describere videntur, qui $23\frac{1}{2}$ gradibus à Polis æquatoris seu Mundi distant & circuli Polares dicuntur. Hic in Boreali Hemispherio Arcticus à vicinis Uris, alter Australis illi oppositus Antarcticus dicitur.

Si per polos mundi seu Æquatoris traduci concipiantur circuli innumeri maximi, erunt illi secundarii Æquatoris, quorum ope quævis cæli puncta ad æquinoctialem referuntur,

tur, uti priùs per Secundarios Eclipticæ, ad Eclipticam ea
Ascensio retulimus, & *Ascensio Recta* stellæ, vel puncti cujufvis, est
Recta. arcus Æquinoctialis inter initium Arietis & punctum inter-
 sectionis circuli secundarii per stellam transeuntis. *Declina-*
tio. *Declinatio* autem est arcus ejusdem secundarii inter stellam & æ-
 quinoctialem interceptus. Estque Borealis aut Australis,
 prout versus hunc vel illum polum stella declinat, & exin-
 de circuli hi Declinationum circuli nominantur. Horum
 præcipui sunt duo *Coluri*, quorum alter per puncta æqui-
 noctiorum transiens vocatur Colurus Æquinoctiorum; Al-
 ter priorem ad angulos rectos secans & per polos Eclipticæ
 & Æquinoctialis incedens dicitur Colurus Solstitiorum; quo-
 niam Eclipticæ occurrit in punctis ab Æquatore remotissi-
 mis, ubi Sol per aliquod tempus distantiam ab Æquinoctiali
 vix sensibilibiter mutare deprehenditur; & proinde Solstitia
 hæc puncta dicuntur.

Circulus in Telluris superficie inter polos exactè medius,
 est Telluris Æquator, cujus productione ad Fixas Æqui-
 noctialem cælestem generari diximus; & sicuti stellarum
 loca in cælis, quoad longitudinem & latitudinem definiun-
 tur per Eclipticam & ejus secundarios; sic per Æquatorem
 Terrestrem ejusque secundarios per polos Terræ ductos,
 Terrarum loca & urbes quoad Longitudinem & Latitudi-
 nem determinari debent. Circulus Æquatoris secundarius
 per locum quemvis transiens dicitur istius *loci Meridianus*,
Loci Me- quoniam quando per vertiginem Terræ circa Axem suum,
ridianus. planum istius circuli per solem transiverit, erit omnibus in-
 colis sub illo degentibus Meridies. *Longitudo loci* est arcus
 Æquatoris interceptus inter aliquem Meridianum, quem
 primum vocant, per determinatum locum transeuntem, &
 Meridianum loci. Veteres Geographi Primum Meridianum
 per locum Terræ notum & maximè occidentalem traduci
 fingebant, atque exinde Terrarum loca omnia, quaquà in
 longum patent, versùs ortum determinabant. Ex quo ve-
 rò navigando deprehensum est, nullum dari locum maximè
 occidentalem, paulatim neglectus est modus, à primo ali-
 quo meridiano computandi. Et quisque locorum Longitu-
 dines

dines respectu Meridiani urbis propriæ determinat. *Latitudo loci* est arcus Meridiani istius loci, inter locum & Æquatorem interceptus, estque Borealis aut australis, prout locus ab Æquatore, versùs hunc vel illum polum, distat.

Ratione Meridianorum & Parallelorum comparati Incolæ Telluris, alii dicuntur *Periæci* qui sub eodem parallelo, *Periæci.* at oppositis ejusdem Meridiani semicirculis degunt; hi Tempestates anni easdem experiuntur, accedente Sole eodem tempore ad utriusque loci verticem, & exinde recedente; at meridiei & mediæ noctis vices subeunt alternas. Alii denique dicuntur *Antæci* sub eodem Meridiani semicirculo, *Antæci.* at oppositis parallelis habitantes. Ita ut meridies & media nox utrisque simul contingat; at tempestates anni permutantur. Alii denique dicuntur *Antipodes*, quod sub oppositis Meridianis æquè ac Parallelis versantes, adversis e diametro pedibus incedunt; ideoque vicissitudines æstatis atque hyemis, nec non meridiei & mediæ noctis, ortus & occasus siderum omnino planè adversos sentiunt. *Antipodes.*

Quatuor circuli in superficie Telluris minores, qui cælestibus ejusdem nominis respondent, nempe duo Tropici & totidem Polares dividunt Terram in quinque portiones, quæ zonæ appellantur. Quarum una vocatur Torrida, utroque Tropico comprehensa, inhabitabilis à veteribus credita est, *Quinque Zone.* propter nimium æstum: Regiones tamen, quas illa continet nunc longè feracissimas esse, vitæ commodis, incolisque abundare compertum est; duæ sunt frigidaë Zonæ, sub utroque mundi Polo circulis Arctico & Antartico inclusæ, & ob gelu perpetuum vix habitabiles; totidem temperatæ sunt inter Frigidam & Torridam comprehensæ, quarum alteram nos incolimus, alteram nostri Antipodes. Has quinque Zonas sic describit Virgilius. i. Georgic. v. 233.

Quinque tenent cælum Zonæ, quarum una corusco

Semper Sole rubens, & Torrida semper ab igni:

Quam circum extremæ dextrâ levâque trabuntur,

Cæruleâ glacie concretæ, atque imbribus atris.

Has inter, mediamque, duæ mortalibus ægris

Munere concessæ divûm.

Aaa

Qui








Amphiscii. Qui in Zonâ Torridâ degunt, dicuntur *Amphiscii*, eò quod eorum umbra meridianâ versùs utrumque polum diversis anni temporibus projicitur. At cum Sol ipsorum verticibus incumbit, fiunt *Ascii*, quia nullam projiciunt umbram meridianam; qui Zonas Temperatas incolunt, dicuntur *Hetroscii*, quorum umbra Meridianâ versùs alterutrum tantùm mundi Polum porrigitur; qui in Zonis frigidis sunt incolæ, *Periscii* vocantur, quia Sole non occidente umbra illis in orbem circumagatur.

Horizon sensibilis. Circuli, qui concipiuntur mobiles, & per respectum ad observatorem definiuntur, sunt *Horizon* & *Meridianus*. *Horizon* est magnus ille circulus, quem quisque in planitie aut medio maris positus visu circumactò definit, quo cæli pars spectabilis ab inconspicuâ dividitur. Dicitur *Horizon sensibilis*, à quo differt *Rationalis* illi parallelus, transiens per centrum Terræ. Nam Phænomena cælestia referimus ad superficiem Sphæricam, Telluri, non oculo concentricam.

Horizonis Poli. Zenith & Nadir. Hi duo Horizontes ad fixas producti coincidere videntur, cum Tellus ad Sphæram fixarum comparata puncti tantùm rationem habeat, adeoque qui non nisi puncto distant à se invicem circuli, tanquam congruentes haberi debent. *Horizonis poli* sunt duo puncta, quorum unum vertici observatoris incumbit & *Zenith* dicitur, alterum huic sub pedibus oppositum *Nadir* vocatur. Ab his innumeri circuli ad Horizontem ducti, sunt ejus secundarii, & circuli *Verticales* & *Azimuthales* appellantur. *Horizonis* autem paralleli circuli minores *Almicantarath* dicuntur: voces hæ ab Arabibus in Astronomiam sunt introductæ.

Circuli verticales & Azimuthales. Almicantarath. Verticalis Primarius. Inter circulos verticales, eminent præcipuè *Meridianus*, & *Verticalis Primarius*; ille per polos & *Zenith* ductus horizontem interfecat in cardinibus Septentrionis & Austri, illosque signat. Hic alter est *Meridianus* ad angulos rectos, & in Horizonte Orientem & Occidentem ostendit. Hi circuli Horizontem in Quadrantes dividunt, quorum unusquisque rursus in octo partes æquales, adeoque *Horizon* totus in triginta duas partes dividi supponitur, quæ venti sive plagæ nominantur.

Alti-





Altitudo aut *Depressio* Stellæ cujufvis est **arcus** verticalis circuli inter Stellam & Horizontem interceptus. Stellæ *Azimutibus* est arcus Horizontis inter cardinem Meridiei vel Septentrionis & verticalem per Stellam transeuntem interceptus, estque vel orientalis vel occidentalis. *Amplitudo ortiva* vel *occidua* fidæris est Arcus Horizontis inter punctum, ubi sidus oritur aut occidit, & cardinem Orientis aut occidentis, estque illa Borealis vel Australis.

Altitudo aut Depressio Stellæ.

Azimutibus Stellæ.

Amplitudo ortiva vel occidua.

Ut in Horizonte omnes Stellæ videri incipiunt, & apparere desinunt, sic in Meridiano Stellæ omnes ad maximam altitudinem perveniunt, ubi culminari dicuntur, & infra Horizontem in eodem Meridiano maximam depressionem obtinent. Cum Meridianus tam Æquatori quàm Horizonti perpendiculariter insistat, omnium parallelorum segmenta ab horizonte facta, tam supra quàm infra in æquales partes dividet; unde Tempus inter ortum Stellæ ejusque Culminationem, æquale erit tempori inter Culminationem & occasum. Cumque Sol quotidie parallelorum aliquem motu apparenti describit, quando is ad circulum Meridianum appulerit, Meridies fiet, Mediaque nox, cum infra Horizontem ad eundem pertigerit, unde huic circulo nomen. *Nonagesimus gradus* est punctum Eclipticæ, quod nonaginta gradibus ab ejus intersectione cum Horizonte distat, ejusque Altitudo metitur angulum, quem Ecliptica cum Horizonte facit. *Medium cæli* dicitur punctum Eclipticæ culminans. In signis Ascendentibus, à ♄ ad ☊ Nonagesimus est ad orientem Meridiani; in descendantibus à ☊ ad ♄ ad occidentem positus.

In Meridiano culminant Stellæ.

Quamvis Horizontem & Meridianum tanquam circulos immobiles supposuimus, motum apparentem cæli tanquam realem considerando; revera tamen illi soli sunt circuli mobiles, & Stella vel Sol oritur, quando planum Horizontis infra descendit, ut Sol vel Stellæ conspiciantur, occiduntque, quando planum Horizontis supra attollitur, Stellis & Sole quiescentibus, Horizonte interea vertigine Terræ raptō. Sic etiam Sol & Stellæ ad meridianum loci alicujus appellant, cum Meridiani planum, quod motu circa Axem

Horizont & Meridianus sunt circuli revera mobiles.

*Meri-
dianus
Univer-
salis.*

Telluris angulari fertur, per Solem aut Stellas quiescentes transiverit. Si verò per Solem & Polum traduci concipiatur circulus immobilis, fiet hic Meridianus non alicujus loci determinati, sed Universalis; fietque Meridies, in loco aliquo, cum Meridianus istius loci, qui circa Axem Telluris vertitur, cum plano hujus circuli coinciderit.

*Circuli
Horarii.*

Cum Meridianus quilibet circuitum seu gradus 360 spatio viginti quatuor horarum motu angulari absolvat, necesse est ut quâlibet horâ quindecim gradus, hoc est graduum 360 partem vicesimam quartam, motu angulari conficiat, adeoque si concipiatur circulus per polos transiens, qui cum Meridiano per Solem ducto angulum quindecim graduum constituat, ad hujus planum cum pervenerit Meridianus alicujus loci, post decessum a Meridiano Universali numerabitur in illo loco hora prima post Meridiem; diciturque circulus horæ primæ. Similiter si alius ducatur per polos circulus, æquatorem secans in tricesimo ab Meridiano Universali gradu, hic erit circulus horæ secundæ, ad quem cum Meridianus loci alicujus pervenerit, numeratur ibi hora Secunda à Meridie. Similiter si per singulos quindecim Æquinoctialis gradus, & Polos duci concipiantur circuli, dicuntur illi *Horarii*, & Æquinoctialem in viginti quatuor partes dividunt. Et unusquisque ordine suo horam determinat in loco aliquo numeratam, quando Meridiani istius loci planum cum plano circuli Horarii coinciderit. Verbi gratiâ, cum Meridianus loci coincidit cum circulo, qui angulum cum Meridiano Universali facit 75 graduum, numerabitur in illo loco hora quinta post Meridiem. Quando verò 90 gradus à Meridiano per Solem transeunte distat, fit hora Sexta post Meridiem. Verum si Meridianus loci ut immotus spectetur, circulumque per polos & Solem transeuntem concipiamus unâ cum Sole motu angulari circa Axem Telluris ferri, ut apparenter fit; quando circulus ille coincidet cum circulo, qui angulum quindecim graduum cum Meridiano loci facit, erit hora prima, & circulus cum quo coincidit, dicitur Horarius primus: huic proximus cum Meridiano loci angulum triginta graduum constituens, erit circulus

culus horæ secundæ; qui angulum 45. graduum cum Meridiano facit est circulus horæ Tertiæ, atque ita deinceps.

In quolibet Terræ loco, Altitudo Poli seu ejus Elevatio supra Horizontem æqualis est Latitudini loci. Sit circulus HZQ Meridianus, HCO Horizon, ÆCQ æquator, Z Zenith, & P Polus, Altitudo poli seu ejus distantia ab Horizonte est arcus PO, & Latitudo loci est ZÆ arcus. Et quoniam arcus PÆ inter polum & æquatorem est circuli quadrans, & arcus ZO inter Zenith & Horizontem interceptus est quoque circuli quadrans, erunt arcus PÆZO inter se æquales; Communis auferatur arcus ZP, & restabunt arcus ZÆPO inter se æquales; hoc est, Latitudo loci æqualis erit Elevationi seu Altitudini Poli supra Horizontem.

Altitudo seu Elevatio Poli æqualis Latitudini loci
TAB 32.
fig. 4.

Hinc habemus methodum Telluris Perimetrum dimetendi. Nam si pergamus rectâ versus Boream, donec Elevatio Poli uno gradu crescat, & deinde itineris percursum mensura quærat in milliaribus, dabitur numerus milliarium, quæ sunt in uno gradu Peripheriæ maximi in Tellure circuli, hic numerus per 360. multiplicatus dabit numerum milliarium in toto Perimetro Telluris, & accuratissimis mensuris invenitur Longitudo unius gradus 69 milliaria Anglicana continere, quæ vulgò habetur æqualis tantum 60. milliaribus.

LECTIO XIX.

De Doctrina Sphærica.

Angulum, quem Æquator & Horizon cum se invicem faciunt, metitur arcus ÆH, qui est complementum Latitudinis ad Quadrantem. Adeoque si angulus ille rectus sit, Latitudo erit nulla, & Æquinoctialis per verticem incedet: omnesque Æquatoris Paralleli erunt ad Horizontem recti, ideoque hæc Sphæræ positio *Recta* dicitur, in quâ paralleli omnes ab Horizonte in partes æquales secantur; unde mora cujusvis stellæ supra horizontem æqualis est tempori quo infra eundem deprimitur; poli hîc in Horizontem procumbunt, uti figurâ manifestum est, ubi punctum æquinoctialis Æ cum vertice seu Zenith coincidit, &

TAB. 32.
fig. 5.

Sphæra Recta.

Poli PP cum punctis Horizontis HO congruunt.

TAB 32
fig. 6.

Sphæra
obliqua.

Si ab *Æquatore* versùs alterutrum polum recedamus, *Æquator* quoque à vertice recedet, & ad Horizontem accedet, cum illâ faciens angulum obliquum, unde illa Sphæræ positio dicitur *Obliqua*, Polusque, ad quem acceditur, semper supra Horizontem tantùm elevabitur, quantum est Latitudo loci; alter tantundem infra deprimetur. Figura annexa hanc Sphæræ positionem exhibet, quam nos, & omnes in Zonis temperatis habitantes, obtinemus, ubi *Æquator* *ÆQ* bifecatur ab Horizonte, ut in Sphærâ *Rectâ*, quapropter ubi Sol illum circulum motu apparenti diurno decurrit, diem facit nocti æqualem; at *Æquatoris* *Paralleli* non bifariam ab Horizonte secantur, sed qui sunt versùs Polum elevatum; singuli majorem partem habebunt supra Horizontem extantem, minorem infra depressam, & quò polo propior quilibet circulus, eò major ejus pars supra Horizontem extabit, & qui minus à polo distant quàm est Latitudo loci, toti supra Horizontem attolluntur. Contrarium accidit parallelis versùs Polum depressum sitis, quorum portiones majores infra Horizontem jacent, minores supra elevantur; & qui Polo illi propiores sunt quàm est Latitudo loci, perpetuò unâ cum Stellis, quæ in iis includuntur, sub Horizonte latent, & nunquam fiunt conspicui. Hinc necesse est, cum Sol quotidie parallelum aliquem decurrat, ut ab *Æquinoctio* verno ad *Solstitium* æstivum dies continuo incremento noctes exsuperent; post *Solstitium* decrescant ad *Æquinoctium* autumnale; deinde ad *Solstitium* Hyemale dies noctibus continuo breviores reddantur; denique à *Solstitio* Hyberno ad *Æquinoctium* vernum, dies adhuc sunt noctibus breviores, sed rursus continuo augentur, donec in ipso *Æquinoctio* fiunt tandem noctibus æquales.

In Sphærâ obliquâ Stellæ omnes obliquè oriuntur & occidunt, utque *Ascensio* recta Stellæ est arcus *Æquatoris* interceptus inter initium *Arietis* & punctum, quod unâ cum Stellâ ad Meridianum pervenit, seu in Sphærâ rectâ, quod simul cum Stellâ ascendit vel oritur: sic *Ascensio obliqua*

qua est arcus Æquatoris interceptus inter initium Arietis & punctum Æquatoris, quod cum Stellâ oritur in Sphærâ obliquâ, eodem ordine numeratus, quæ pro variâ Sphæræ obliquitate varia erit. Ascensionis Rectæ & obliquæ differentia dicitur *Differentia Ascensionalis*.

Ascensio obliqua.

Differentia

Ascensionalis.

In Sphærâ obliquâ est parallelus tantum à Polo elevato distans, quantum est latitudo loci, qui *Circulus perpetuæ Apparitionis* nominatur, seu *circulus semper apparentium maximus*, intra quem comprehensæ Stellæ nunquam oriuntur, aut occidunt, sed tamen nunc altius ascendunt, nunc humilior factæ ad Horizontem propius accedunt. Huic ad alterum Polum est oppositus *circulus Perpetuæ Occultationis*, in quo inclusæ Stellæ nunquam oriuntur, sed semper manent inconspicuæ.

Circulus perpetuæ Apparitionis.

Si Æquator nullum angulum cum Horizonte faciat, sed cum illo coincidat, in tali positione polus quoque cum Zenith congruet, & Æquatoris paralleli omnes erunt Horizonti paralleli, ideo talis sphæræ *Positio Parallela* dicitur, in quâ nullæ fixæ oriuntur aut occidunt, sed in circulis Horizonti parallelis perpetuos gyros ducunt. Sol præterea cum ad Æquinoctialem pervenerit, Horizontem lambit, exinde versus Polum elevatum digrediens nusquam occidit, sed diem facit longissimum sex mensium. At ubi ab Æquatore recesserit Sol versus oppositum Polum, è contrario nunquam oritur, noxque illis durat per alteros sex menses. Hunc Sphæræ situm obtinent, qui sub Polis degunt, si qui forte sint, qui has colant regiones.

TAB. 32. fig. 7.

Sphæra Parallela.

Veteres Geographi Regiones Telluris per *Parallelos & Climata* distinguebant; cum enim in Sphærâ Rectâ, seu sub Æquinoctiali dies noctibus perpetuò æquantur, si inde pergamus versus alterutrum Polum, dies æstate fiunt noctibus longiores, & quò magis ad Polum accedamus, eò longiores sunt dies longissimi, donec sub ipsis circulis polaribus nulla est nox. Hinc per parallelos Æquatoris, qui augmenta dierum horæ quadrantibus notabant, Tellurem dividerunt Geographi. Hoc est, Paralleli illi tantum à se invicem distabant, quanto opus sit, ut maxima dies augeatur horæ quadrantibus.

Divisio Telluris per Parallelos & Climata.

drante de parallelo in parallelum. Posito ergo Æquatore primo parallelo, secundus per ea Terræ loca transibat, ubi dies longissima est horarum 12½. Tertius ubi dies est horarum 12½. Quartus ubi ille 12 horis cum tribus partibus quartis adæquat; atque ita denuo. Duo autem ejusmodi paralleli *Clima* constituebant; quæ proinde climata semihoræ augmento distinguuntur. Potest vero excessus diei Solstitialis supra 12 horas continuò augeri, magis magisque ad elevatum Polum accedendo, donec ad Polarem circulum perventum fuerit, & ibi Tropicus unico puncto Horizontem tangens totus eminent, & Sol illum decurrendo, non occidit; quare dies erit horarum viginti quatuor, qui excedit æquinoctialem diem horis duodecim, seu viginti quatuor semihoris, vel quadraginta & octo horæ quadrantibus, unde conficitur tandem numerus climatum inter æquinoctialem & Polarem esse viginti quatuor, & Parallelorum esse quadraginta & octo.

Stellarum
ortus &
occasus
eorum-
que spe-
cies.

Cum Veterum Annus parum cum motu Solis apparenti congruebat, ex dato die mensis quo factum aliquod notabant, non statim exinde patebat; quâ anni tempestate illud evenit. Igitur quando Agricolaë in re Rusticâ aliquod faciendum in stato tempore præcipiebant, tempus illud non per diem Kalendarii Civilis indicabant, quippe eadem dies mensis civilis non semper quolibet anno in eâdem Anni tempestate incidebat. Sed certioribus opus fuit Characteribus, ad tempora distinguenda. Itaque Agricolaë, Rei Rusticæ scriptores, Historici, & Poetæ tempora per ortus & occasus Stellarum designabant. Ortus & occasus Stellarum vulgò numerantur species tres; *Cosmicus*, *Achronicus* & *Heliacus*. Oriri dicitur aut occidere Stella cosmicè, quæ oritur aut occidit oriente Sole; ita Stella quæ oritur aut occidit mane, cosmicè oritur aut occidit. Achronicè autem oritur Stella, quæ oritur occidente Sole, hoc est quæ vesperi oritur, quando Soli opponitur & totâ nocte fit conspicua.

Stella oritur Heliacè, quando è Solis radiis emergens, tantum ab illo distat, ut videatur mane ante Solis ortum, Sole nimirum motu apparente a Stellâ versùs ortum recedente.

dente. Occasus autem Heliacus est, quando Sol ad Stellam accedere incipit, illamque radiis suis condens inconspicuum reddit, inde Ortus & Occasus Heliacus potius Apparitio, aut Occultatio dici debent.

Stellæ omnes fixæ in Zodiaco sitæ, item Planetæ superiores, Mars, Jupiter & Saturnus oriuntur Heliacè mane, paulo ante Solis ortum, & paucis diebus postquam cosmice oriuntur; quos nempe Sol motu annuo versùs orientem factò antevertit. Occidunt vero Heliacè vespere, paulo ante quàm Achronicè occidunt. Luna autem, quæ Solem perpetuò antevertit, oritur Heliacè vespere, cum nempe nova ex radiis Solaribus emergit, occidit vero Heliacè mane, cum jam vetus ad conjunctionem cum Sole properat. Inferiores Planetæ Venus & Mercurius, qui aliquando Solem antevertunt, aliquando Solem versùs occidentem post se relinquunt, aliquando Heliacè oriuntur mane, cum nempe retrogradi sunt, aliquando vespere cum sunt directi.

Ad Altitudinem Solis vel Stellæ cujuscvis exquirendam utimur Quadrante mobili, EAD cum dioptris fixis A, B, vel Telescopio in alterutro latere collocato, & filo AC pondere instructo ex centro perpendiculariter pendente; & Quadrans in situ verticali compositus sursum deorsumque vertatur, donec lux Solis per foramen anterioris dioptræ in foramen posterioris radiat, in quo situ si sistatur Quadrans, filum ostendit arcum EC altitudini Solis similem. Nam producatur AZ ad Zenith, sitque AH linea Horizontalis, Anguli EAB ZAS sunt æquales, uterque rectus enim est. Sed anguli BAC ZAS sunt quoque æquales, nam ad verticem sunt, quare demptis æqualibus erit angulus EAC æqualis angulo SAH; angulum autem EAC metitur arcus Quadrantis EC, & angulum SAH metitur arcus verticalis circuli inter Solem & Horizontem interceptus, unde arcus ille erit similis arcui EC. Si Altitudo Stellæ capienda sit, loco irradiationis Solis, oculari intuitu Stellam per foramina Dioptrarum comprehendimus, & filum ut ante indicabit quæsitam altitudinem. Inventio Altitudinis Meridianæ Solis vel Stellæ habetur sæpius observando & notando, quando illa maxima est;

*Quomodo
Altitudo
Solis vel
Stellæ ob-
servatur.
TAB. 33.
fig. 1.*

Bbb

Nam

Nam maxima altitudo Solis vel Stellæ est in Meridiano.

*Inventio
Latitudinis loci.*

Latitudinis loci cognitio est fundamentum omnium observationum Astronomicarum, adeoque in primis necesse est, ut illa accuratè habeatur; Cumque ostensum sit Altitudinem Poli eidem æqualem esse, illa optimè obtinetur per observationem Altitudinis Poli; verùm cum Polus sit tantum punctum Mathematicum inobservabile, ejus Altitudo non eodem modo ac Solis aut Stellæ, simplici viâ per Quadrantem exquiri potest; alia itaque adhibenda est methodus ut illa cognoscatur. Et primò invenienda est sectio Plani Meridiani cum Horizonte, quæ Linea Meridiana dicitur; quæ fit erigendo Gnomonem, cujus radici seu puncto, apici directè subjecto ut centro, describatur circuli circumferentia, in quam Apicis umbra ante Meridiem incidat, & notetur punctum circumferentiæ in quod umbra cadit: Rursus post Meridiem notetur punctum in eâdem circumferentiâ, ubi Apicis umbra ad illam pertingat, & Recta ducta ex centro circuli ad punctum, quod bisecat arcum inter notata puncta interjectum, erit linea Meridiana; Nam Sol ante & post Meridiem æquialtus æqualiter à Meridiano distat. Collocetur igitur Quadrans super lineâ Meridianâ hoc est in plano Meridiani, & Stellæ alicujus, quæ nunquam occidit, observetur altitudo maxima SO , item minima, SO , Altitudinum differentia erit arcus SS , cujus semissis PS addita altitudini minimæ, vel ab Altitudine maximâ subducta, dabit PO altitudinem Poli supra Horizontem, quæ æqualis est Latitudini loci. Si habeatur Solis Theoria, ex cognitâ Declinatione Solis inveniri potest Latitudo loci, observando distantiam Solis à vertice Meridianam; est enim illa complementum altitudinis ejus, ad quam si addatur declinatio Solis, cum Sol & locus versùs eundem polum ab æquatore distant, aut si declinatio Solis subducatur ab ejus distantia a vertice, cum Sol & locus siti sint ad partes æquatoris contrarias, & habebitur Latitudo loci. Verum si Solis declinatio major sit Latitudine loci, quod cognoscitur quando Sol à Polo elevato minùs distat quàm vertex loci, ut in locis in Zonâ Torridâ sitis sæpe fit, differentia inter declinationem Solis

*Lineæ
Meridianæ
Inventio.*

*TAB. 33
fig. 2.*

&

& ejus à vertice distantiam est Latitudo loci.

Obtentâ semel Latitudine loci, Obliquitas Eclipticæ seu ejus Inclinatio ad Æquatorem facile habetur; observetur enim circa Solstitium æstivum minima Solis à vertice distantia. Hæc si à Latitudine loci auferatur, modò locus sit polo propior quàm Sol est, dabit maximam Solis declinationem; quæ obliquitati Eclipticæ est æqualis. Plerique Astronomi inclinationem Eclipticæ ad Æquatorem, seu maximam declinationem Solis æqualem faciunt viginti tribus gradibus cum dimidio, sed accuratissimæ observationes hodiernæ illam uno minuto minorem esse evincunt.

Eâdem prorsus methodo observari potest Solis pro quâlibet Meridie, vel etiam sideris cujuscvis declinatio: nempe quando Sol vel Sidus æquatori propior est quàm locus, capiatur differentia inter Latitudinem loci & distantiam sideris à vertice, quæ restat quantitas erit declinatio sideris; at si vertex loci inter sidus & Æquatorem situs sit, declinatio sideris erit harum quantitatum summa.

Data declinatione Solis, facillimè habetur ejus Ascensio recta & locus in Eclipticâ per resolutionem trianguli rectanguli Sphærici: sit enim AQ æquinoctialis circulus, AC Ecliptica S Sol, à quo ad æquinoctialem demisso circulo perpendiculari SD erit arcus SD Solis declinatio, & proinde in triangulo rectangulo SDA , ex datis SD & angulo A , inclinatione Eclipticæ ad æquatorem dabitur per Trigonometriam Sphæricam, arcus AD Solis Ascensio recta, & AS locus Solis in Eclipticâ: quinetiam angulus ASD inclinatio circuli declinationis seu Meridiani ad Eclipticam. Quinetiam in eodem triangulo ASD rectangulo, cum angulus A constans sit & immutabilis; si detur vel latus AD Ascensio recta, invenire possumus declinationem DS & Longitudinem puncti S , quod unâ cum D ad Meridianum appellit, mediumque cœli dicitur, & angulum DSC , qui est inclinatio Meridiani ad Eclipticam. Vel si detur AS Longitudo puncti S , exinde quoque reliqua invenire possumus, scil. AD Ascensionem rectam, DS Declinationem puncti S , & DSC angulum Eclipticæ & Meridiani.

Declinatio Solis observatione cognoscitur.

Solis ascensio recta Longitudo, declinatio, & angulus Eclipticæ & Meridiani, ex quibus datis & quo pacto inveniuntur.
TAB. 33.
fig. 3.

Si quotidie methodo ostensâ observetur Solis Declinatio, dabitur motus Solis apparens in Eclipticâ, cui æqualis est motus Terræ realis interea factus; & observationibus deprehensum est, Solem non æquabili motu in Eclipticâ incedere, adeoque Telluris motus realis circa Solem inæqualis erit, & in solstitiis nostris æstivis tardius progreditur Terra, in Hybernis velocius, eâ vero lege perpetuò incedit, ut in Ellipseos perimetro feratur, radiisque ad Solem in ejus umbilico locatum per illam ductis semper describat areas temporibus proportionales.

*Quomodo
Ascensio-
nes rectæ
&c. De-
clinatio-
nes fixa-
rum in-
veniun-
tur.*

Ex dato loco Solis in Eclipticâ, Horologii automati ope, inveniuntur Ascensiones rectæ fixarum; quod ut fiat, motus Horologii sic temperandus est, ut index viginti quatuor horas numeret, labente tempore, quo fixa aliqua à Meridiano digressa ad eundem revertitur, quod tempus die naturali paulo brevius est, ob motum Solis versùs orientem interea factum; Horologio sic ordinato, index ad initium numerationis constituatur, quando Sol Meridianum occupat. Notetur deinde tempus Horologio indicatum, quando stella aliqua eundem Meridianum attingit; horæ earumque partes ab indice percursæ in partes æquatoris conversæ dabunt intervallum Ascensionum Solis & fixæ, quod additum ascensioni rectæ Solis exhibet fixæ Ascensionem rectam quæsitam. Datâ autem unius cujusvis stellæ Ascensione rectâ, dantur reliquarum omnium ascensiones. Nempe observandum est tempus, Horologio prædicto notatum, inter appulsum stellæ, cujus Ascensio recta data est, & appulsum alterius cujusvis stellæ ad eundem Meridianum; & hoc tempus in gradus & minuta æquatoris conversum dabit ascensionum differentiam, & proinde ipsa Ascensio stellæ dabitur.

Sed ex datâ unius cujusvis stellæ Ascensione rectâ, aliarum Ascensiones optimè habentur methodo sequenti, ubi non opus est, ut exspectetur appulsus stellæ ad Meridianum, sed solummodò Telescopium est adhibendum in cujus foco aptantur fila quatuor, quorum duo AB, CD, sese perpendiculariter secant, reliqua duo EF, GH his ad angulos se-

TAB. 36.
fig. 2.

mi-

directos insistant in communi sectione O. Quibus constructis dirigatur Telescopium ad stellam aliquam, cujus ascensio recta & declinatio notæ sint. Atque continuò vertatur Telescopium, donec in filo AB videatur stella, ejusque motus apparens fiat secundum rectam AB, in quo situ recta AB exponet portionem paralleli, quem stella motu diurno apparenti percurrere videtur, cumque CD hanc ad rectos angulos secat, illa circulum aliquem horarium exponet: In hoc situ figatur Telescopium, & notetur ope Horologii tempus, quo stella cujus Ascensio nota est lineam CD attingit. Deinde observetur in Telescopio alia quælibet stella, illa in rectâ aliquâ LK, ad AB parallelâ ferri videbitur, & notetur tempus, quando ad circulum horarium CD in Q pervenerit. Differentia temporis inter appulsum prioris stellæ & hujus, ad eundem circulum horarium CD, si in gradus & minuta æquatoris convertatur, dabit differentiam Ascensionum rectarum; adeoque si detur alterutrius stellæ Ascensio recta, dabitur quoque Ascensio alterius.

Cum anguli QHO & QOH sint æquales, utpote semi-recti, erit QH æqualis QO; quòd si notetur tempus inter appulsum stellæ ad filum OG, & ejus appulsum ad filum OC, dabitur tempus, quo stella arcum QH paralleli percurrit; hoc tempus in gradus & minuta convertatur, & dabuntur gradus & minuta in arcu paralleli QH; sed huic arcui æqualis est arcus circuli maximi QO; sed in inæqualibus circulis, gradus, quos æquales arcus continent, sunt reciprocè ut circulorum radii, ut inferiùs demonstrabitur. Fiat itaque, ut radius circuli maximi, ad radium paralleli IK, qui à radio paralleli noti OB non sensibilibiter differt; hoc est, ut Radius ad sinum distantiae stellæ à polo, ita numerus graduum & minutorum in arcu QH, ad numerum graduum & minutorum in arcu QO, qui proinde dabuntur; sed est arcus QO differentia declinationum stellæ parallelum QK describentis, & illius quæ describit parallelum OB; unde datâ unius stellæ declinatione, dabitur declinatio alterius. Hâc methodo plurima-

rum stellarum Ascensiones rectæ & declinationes inveniri possunt.

TAB. 33. Quod in inæqualibus circulis numeri partium similium in
fig. 4. arcubus æqualibus sunt reciprocè ut radii, sic demonstratur. Sint inæqualium circulorum, quorum centrum C, arcus AF, BE æquales, ducatur CE, & erunt arcus AD, EB similes; partesque similes numero æquales continebunt, partes voco similes, quæ ad circumferentias totas eandem habent proportionem, & ob æquales AF, BE; erit AD ad AF, ut AD ad BE, sed ut AD ad BE, ita est radius CA ad radium CB; adeoque AD est ad AF, ut CA ad CB; sed est AD ad AF, ut numerus partium in AD, hoc est numerus partium in BE, ad numerum partium similium in AF; quare erit numerus partium in BE, ad numerum similium partium in AF, ut CA ad CB.

Quomodo inveniuntur fixarum Longitudines & Latitudines. TAB. 33. Datâ stellæ Ascensione rectâ, & declinatione, ejus Longitudo & Latitudo inveniuntur, per resolutionem Trianguli Sphærici. Nam per polos Æquinoctialis & Eclipticæ B, P, transeat circulus PBÆQ, is erit Colurus Solstitiorum. Sit ÆQ Æquinoctialis circulus, EC Ecliptica, quorum communis sectio sit V sitque stella S, per quam & polum ducatur circulus declinationis PSF, cum æquatore conveniens in F, erit V F Ascensio recta stellæ, & SF ejusdem declinatio; ducatur per polum Eclipticæ B, & stellam circulus Latitudinis BSO, cum Eclipticâ conveniens in O; erit V O Longitudo stellæ, & SO ejus Latitudo. In triangulo Sphærico BPS datur PS arcus, qui est complementum declinationis datæ, item arcus BP, qui metitur inclinationem Eclipticæ ad Æquatorem, datur præterea angulus FPQ quem metitur arcus FQ, complementum Ascensionis rectæ, adeoque datur angulus BPS; in triangulo BPS, ex tribus datis invenitur primò angulus PBS, cujus mensura est OC, & ejus complementum ad quadrantem est arcus V O Longitudo stellæ, & invenietur præterea BS, cujus complementum ad quadrantem est SO Latitudo stellæ quæsitâ. Similiter ex notis Longitudine & latitudine stellæ possumus Ascensionem rectam & declinationem exquirere.

Com.

Comparando Fixarum loca à veteribus observata, cum locis, quæ nunc in Eclipticâ obtinent Fixæ, invenimus Latitudines non mutari, at Longitudines à vernali Eclipticæ cum Æquatore intersectione continuo crescere deprehendimus; non quòd stellæ revera progrediuntur, sed quòd retrocedunt puncta æquinoctialia, à quibus Longitudines computantur. Pristina Longitudo alicujus fixæ, collata cum eà quæ hodie observatur, ostendet quantitatem præcessionis Æquinoctiorum, quæ in 70. annis ferè unum gradum adæquat.

*Fixarum
Longitu-
dines
continuo
crescunt,
Latitu-
dines non
item.*

Atque hâc ratione, stellarum Longitudines & Latitudines inveniuntur, & in catalogum rediguntur Fixæ. Quibus semel stabilitis, Planetarum & Cometarum quoque loca per observationes & calculum innotescunt. Nam si observentur Planetæ aut Cometæ alicujus distantia, a duabus stellis fixis notis; hoc est, quarum Longitudines & Latitudines notæ sunt, hoc pacto exquiritur Planetæ aut Cometæ Longitudo & Latitudo ad tempus observationis.

Sit EF Eclipticæ portio, cujus polus B, A & C duæ stellæ quarum Longitudines & Latitudines sunt datæ, sitque P Planeta cujus distantia à duabus stellis A & C observatione notæ sint. In triangulo ABC, ex datis AB, CB complementis Latitudinum stellarum & angulo ABC, cujus mensura est arcus EF, differentia longitudinum, dabitur AC distantia stellarum, & angulus BCA. In triangulo APC, dantur omnia Latera, unde invenietur angulus PCA, quo ex angulo BCA subtracto, relinquetur angulus BCP. Denique in triangulo BCP, dantur BC, CP latera, & angulus BCP, quare dabitur angulus CBP, cujus mensura est arcus OF, differentia longitudinum stellæ C & Planetæ P, item dabitur arcus BP, qui est Complementum Latitudinis Planetæ.

TAB. 33.
fig. 6.

Eâdem ratione, si observentur distantia alicujus Phænomeni a duabus fixis, quarum Ascensiones rectæ, & declinationes notæ sunt, dabitur exinde Ascensio recta & Declinatio Phænomeni.

LECTIO XX.

De Crepusculis, & Siderum Refractione.

*Aer cœ-
lum luci-
dum red-
dit.*

PRæter alia innumera Atmosphæræ beneficia, hoc etiam commodi ex illâ nobis derivatur, quòd lucente Sole, cœli nostri faciem undique lucidam & splendentem reddat. Nam si Tellurem nulla ambiret aut involveret Atmosphæra, ea sola cœli pars luceret, quam Sol occupat; averfâ a Sole spectatoris facie, is nocturnas tenebras statim sentiret, & interdiu lucente Sole, minimæ etiam stellæ micarent; cum nullum foret corpus Solis radios ad nostros oculos reflectens; & radii illi omnes, qui non in ipsam Telluris superficiem impingant, oculos præterlabentes, aut Planetas & alias stellas illuminarent, aut in spatium sese spargentes infinitum, ad nos nunquam detorquerentur.

*Sublatâ
Atmos-
phærâ,
ex claris-
simâ luce
densissi-
mis tene-
bris in
momento
involve-
remur.*

Verum circumfusa Telluri Atmosphæra, a Sole validè illustrata, lucis radios ad nos reperiens, cœlum omne clarificare facit; & inde fit, ut Atmosphæræ splendore, stellarum lumen obscuretur & offundatur.

Præterea, sublatâ Atmosphærâ, immediatè ante Solis occasum splendidissimè luceret Sol, at in momento, cum occidit, statim densissimæ ingruerent tenebræ: tamque subitaneus noctis adventus, & a luce ad tenebras transitus, parum Terricolis commodus esset. Sed per Atmosphæram fit, ut post Solis occasum, etsi nulli directi ad nos pervenire possunt Solares radii, reflexâ tamen luce per aliquod tempus fruamur, & non nisi paulatim obrepunt noctis tenebræ. Nam postquam Tellus vertigine suâ nos e Solis conspectu subduxerit, nobis sublimior aer ab illo illustratus manet, cœlumque omne ejus luce perfunditur. Verum magis magisque descendente Sole, minus continuò illustratur aer; adeo ut postquam decimum octavum infra Horizontem attigerit Sol gradum, Atmosphæram ulterius illustrare desinat, & aer totus tenebrescit.

*Crepus-
culorum
causa.*

Similiter mane, cum Sol ad decimum octavum ab Horizonte gradum pervenerit, incipit Atmosphæram illuminare, cœlumque luce perfundere, quæ usque ad Solis ortum conti-

tinuo crescit. Crepera illa & dubia lux mane ante Solis ortum & Vespere post ejus occasum conspicua *Crepusculum* dicitur & ab Atmosphæra illuminatione oritur.

Quod ut clariùs elucescat, fit ADL circulus in Telluris superficie, concentricus verticali in quo Sol infra Horizontem existit, circa quem fit alius circulus CBM, includens in eodem plano aeris portionem, quæ radios Solis potest reflectere, & oculus sit in superficie Telluris in A, cujus Horizon sensibilis sit AN: Cum nulla recta duci potest ad A, inter tangentem AN & circulum AD *per 16 El. tertii*. Sole infra Horizontem depresso, nulli radii possunt ad oculum in A directè pertingere. Verum Sole in rectâ GC existente, ab illo duci potest recta, quæ in Atmosphæra particulam C incidat, ibique potest radius in CA reflecti, & oculum in A ingredi; atque hâc ratione Solis radii infinitas Atmosphærae particulas illustrantes ab iisdem in oculum detorquentur. Tangens AB occurrat superficiei aeris, lucem reflectentis in B puncto, a quo ducatur BD circum Telluris tangens in D, sitque Sol in hâc lineâ, tunc Radius SB in BA reflectetur, & oculum ingreditur, ob angulum DBE incidentiæ æqualem angulo reflectionis ABE; eritque ille radius, qui primus mane ad oculum pervenire possit, & tunc Crepusculum Matutinum, seu Aurora incipit, vel ultimus Vespere, qui ibidem pertinget, in quo casu erit Crepusculi finis. Nam Sole inferiùs descendente, particulæ aeris ad B vel ultra existentes, ab ejus luce illuminari non possunt.

TAB 33.
fig. 7.

Reflectio Atmosphærae non videtur esse sola Crepusculorum causa, sed circumfusa Soli aura Ætherea, illiusque quasi Atmosphæra etiam splendet post Solis occasum, cumque hæc oriendo & occidendo longius impendit tempus quàm Sol, ante Solis ortum, Aurora circulari figurâ enitetur; quæ scil. est segmentum circuli Atmosphærae Solaris ab Horizonte secti, cujus lux diversa prorsus est ab illâ, quæ ex illustratione Atmosphærae Terrestris oritur. Verum Crepusculi ex aurâ Æthereâ Soli vicinâ provenientis, brevior est duratio, quàm illius quæ à nostrâ Atmosphæra ori-

Alia Crepusculorum causa Atmosphæra Solaris.

*Hyeme
Crepus-
cula bre-
viora
quam
Æstate.*

oritur, quæ Vespere non finitur, nisi cum Sol octodecim circiter gradus infra Horizontem deprimitur. At verò nulli certi statui possunt limites, qui initia aut fines Crepusculorum definiant. Eorum enim duratio pendet ex quantitate materiæ in aere suspensâ ad lucis reflectionem idoneâ, & ex altitudine aeris. Hyeme frigore condensatus aer humilis est, & exinde citò finiuntur Crepuscula. Æstate rarefactus aer altior est, & diutius à Sole illustratur, unde protrahuntur Crepuscula. Quin etiam duratio Crepusculi Matutini brevior est Vespertinâ duratione, ob aerem mane densiorem & humiliorem quàm Vespere. Censentur autem Crepuscula incipere aut desinere, quando stellæ sexti ordinis primum mane desinunt conspici vel vespere fiunt conspiciuæ, quæ prius ob claritatem aeris latebant.

Ricciolius ex observatis à se Bononiæ, reperit Crepusculum matutinum circa Æquinoctia perdurare mane quidem horâ unâ min. 47., vespertinum autem horis duâbus, & non prius desinere, quàm Sol vicesimum primum gradum infra Horizontem attigerit. Æstivum autem matutinum Crepusculum circa Solstitium horis tribus min. 40. Vespertinum totam ferè seminoctem tenere.

*Ex dura-
tione
Crepus-
culi in-
veniri
potest Al-
titude
Aeris.*

*TAB. 33.
fig. 7.*

Hinc si detur initium Crepusculi matutini, aut finis vespertini, inveniri potest altitudo aeris lucem reflectentis. Nam tunc desinit Crepusculum, quando lucis Radius à Sole prodiens, Terramque stringens seu tangens, à supremo aere ad observatoris oculum reflectitur. Et ex noto tempore, dabitur depressio Solis infra Horizontem; ex quâ elicetur altitudo aeris. Sit enim SB , radius lucis Tellurem tangens, quæ à particulâ aeris B , in supremâ ejus regione locatâ, reflectatur in lineam AB Horizonti parallelam; erit angulus SBN mensura depressionis Solis infra Horizontem. Et quia AB Tellurem quoque tangit, erit angulus AED ad centrum, æqualis angulo SBN , seu depressioni Solis, ejusque dimidium AEB hujus dimidio æquale. Sit Solis (exeunte Crepusculo) depressio octodecim graduum, angulus AEB , fiet novem gr. quod verum esset, si radius SB , irrefractus Atmosphæram transisset, verum quoniam

ra-

radius in aere per Refractionem versùs H incurvatur, minuendus est angulus AEB, quantitate æquali refractioni Horizontali Solis, hoc est, dimidio circiter gradus, unde erit anguli AEB vera quantitas octo cum dimidio graduum; porro est AE ad BH, ut radius ad excessum secantis anguli AEB, supra radiùm, id est, ut 100000, ad 1110. Posito igitur semidiametro Telluris in numeris rotundis 4000, milliarium, quibus quàm proximè est æqualis, erit BH altitudo Atmosphærae radios Solares reflectentis 44 circiter milliarium: nam ut 100000, ad 1110, ita 4000, ad 44, per regulam proportionis.

In Sphærâ rectâ Crepuscula citò finiuntur, ob rectum Solis descensum; in obliquo, longius durant, quia obliquè descendit Sol; & quò obliquior est Sphæra, hoc est, quò major est loci Latitudo, eò longior est Crepusculi duratio, adeo ut, qui ultra 48 gradibus ab Æquatore distant, in Solstitiis æstivis aerem per totam noctem clarescentem habeant, nullusque fiat Crepusculorum finis, in quo meræ sunt tenebræ.

*In Sphæ-
râ rectâ
Crepu-
scula bre-
vissima.*

In Sphærâ parallelâ Crepuscula per plures menses durant, unde per totum ferè annum Solis lumine vel directo vel reflexo fruuntur incolæ.

Si infra Horizontem concipiatur duci circulus Horizonti parallelus, tantum ab illo distans, quantum est depressio Solis, cum finiuntur Crepuscula; hic circulus dicitur Crepusculorum Finitor. Nam quotiescunque Sol, motu diurno apparente, hunc parallelum tempore matutino attigerit, initium fumet Crepusculum matutinum, in quocunque Æquatoris parallelo versetur Sol. Vespertinum autem cessabit Crepusculum, cum Sol post occasum, ad eundem Horizontis parallelum pervenerit.

Sit in figurâ HQO Horizon: circulus VaX ei parallelus Crepusculorum Finitor; HZO Meridianus; ÆQR Æquator. Patet, quò obliquior est Æquator ad Horizontem, eò arcus Æquatoris, ejusque parallelorum interceptos inter Horizontem, ejusque parallelum RaX longiores esse. Hi arcus QR, da, ce, gb, kl, portiones Æquatoris & paral-

*Circulus
Crepu-
sculorum
finitor.*

*TAB. 33.
fig 8.*









parallelorum, intercepti inter Horizontem & Finitorem, dicuntur Crepusculorum arcus; eorum enim durationem determinant, & prout quilibet arcus ad suum circum, majorem aut minorem obtinet proportionem, eò longior aut brevior erit Crepusculi duratio; quando Sol illum parallelum decurrit. In Finitore Crepusculorum capiatur quodlibet punctum a per quod parallelus Æquatoris da transeat; & per a , concipiatur duci circum maximus MaN , qui tangat circum perpetuæ Apparitionis. Cumque Horizontem eundem circum tangat, hi duo circum cum Æquatore ejusque Parallelis æquales facient angulos: nam utriusque anguli Mensura est distantia paralleli à suo circum maximo; eruntque arcus omnes Parallelorum Æquatoris, inter Horizontem & circum MaN intercepti similes, *per 13. lib. 2^{da} Theodosii Sphærici*; adeoque Sol æqualibus temporibus hos parallelorum interceptos arcus describet. Circulus MaN finitorem VaX , vel in duobus punctis secabit, vel in unico puncto tanget. Primò eum in duobus punctis secet, quæ sint a & b ; unde erunt arcus parallelorum da , gb , similes; adeoque, quando Sol hos duos parallelos motu diurno describit, Crepuscula erunt æqualia, at quando aliquem parallelum intermedium percurrit, Verbi gr. ce , Crepusculi duratio brevior erit, nam in hoc casu cm crepusculi arcus minor est ce , qui similis est arcui da vel gb , & ce & da æqualibus temporibus à Sole describuntur. At in Parallelis longius ab Æquatore distantibus quàm gb commorans Sol longiora efficit crepuscula; nam est arcus crepusculi lk major quàm qk , qui à Sole describitur in tempore, quod est æquale durationi Crepusculi, Sole in parallelo gb existente.

*Diversæ
Crepusculorum
durationes.*

In Parallelis, qui versùs elevatum polum jacent, versante Sole, continuo crescunt crepuscula, prout Paralleli illi polo viciniore fuerint; longior enim est Crepusculi arcus op , quàm QR , & YU longiori tempore describitur quàm op . At si Sol parallelum ST describat, qui cum Finitore non conveniat, Crepusculum per totam noctem durabit.

Hinc valde dissimilem servant rationem Crepuscula, ac dies noctesque, in incrementis & decrementis. Nam Sole

per



pergente ab initio Cancrī, ubi dies sunt longissimi, ad initium Capricorni, ubi sunt brevissimi, dies continuo nobis decrescunt, è contrario noctes sine intermissione augentur. At vero in Crepusculis aliter se res habet; nam licet in principio Cancrī, seu in Solstitiis, Crepusculum sit longissimum, indeque simul cum diebus decrescant, sed non continuo usque ad Capricornum fit hæc diminutio: nam in quodam Eclipticæ puncto inter Libram & Capricornum fit Crepusculum omnium brevissimum; ac deinceps ab hoc iterum augentur Crepuscula, efficieturque unum Crepusculum æqualè illi, quod in Æquatore fit, antequam ad Capricornum Sol perveniat. Et si Sol ultra Tropicum Hyemalem excurreret, Crepuscula adhuc semper fierent longiora, etiam si dies decrescerent. Et licet dies à Capricorno ad Arietem semper fiunt longiores; Crepuscula tamen minuuntur, usque ad quoddam punctum, inter Capricornum & Arietem, in quo brevissimum fit Crepusculum: hoc ex sequentibus patebit, in quibus illud punctum determinatur.

Secundo, Circulus MaN Finitorem in unico puncto tangat, quod sit a , per quod ducatur Parallelus Æquatoris da , in hoc parallelo si Sol versetur, erit Crepusculum omnium brevissimum. Nam quia arcus parallelorum in Qn , da , gi , inter Horizontem & circulum MaN intercepti, sunt omnes similes, æqualibus temporibus à Sole descendente describuntur, sed ob arcus Crepusculorum ce , gb , majores quàm cm vel gi , major erit mora Solis in arcu ce , quàm in cm , & in arcu gb quàm in gi , hoc est, quàm in arcu da . Adeoque Crepuscula in parallelis ce , gb longiora erunt, quàm in parallelo da , in quo igitur Crepusculum fit omnium brevissimum.

Crepusculum
Brevissimum.
TAB. 34.
fig. 1.

Distantia paralleli ab Æquatore, in quo fit brevissimum Crepusculum, sic invenitur. Quoniam Circulus MaN & Horizont HO eundem Parallelum tangunt, scil. circulum perpetuæ Apparitionis, æqualiter ad Æquatorem inclinantur, uti ostensum fuit. Est igitur angulus anT , quem Æquator & circulus MaN comprehendunt, æqualis angulo FQd Æquatoris & Horizontis: per Zenith Z & punctum a

ducatur circulus verticalis $ZY a$, Æquatorem secans in T . In triangulis itaque Sphæricis $a n T T Q Y$, anguli ad a & Y sunt recti. Et anguli ad Q & n æquales ostensi sunt; item anguli ad T sunt quoque æquales, ad verticem enim sunt. Quare triangula $a n T T Q Y$ sibi mutuò æquiangula existentia, sunt quoque sibi mutuò æquilatera; ac proinde $T a$ æqualis erit $T Y$, seu dimidio arcus $a Y$ distantiae Finitoris ab Horizonte & præterea erit $a n$ æqualis $Q Y$, sed est $a n$ æqualis $Q d$, per 13. lib. 2di Theodos. propterea quòd $Q R$ & $d a$ sunt paralleli, adeoque erit $d Q$ æqualis $Q Y$.

In Triangulo Sphærico $T Q Y$ Rectangulo ad Y ; datur latus $T Y$ semidistantia Finitoris ab Horizonte, item angulus $Y Q T$ æqualis $F Q d$, qui metitur complementum Latitudinis Loci, quare innotescet $Q Y$, & huic æqualis $Q d$. A puncto d in Æquatore ducatur circulus Declinationis $d F$; & in Triangulo rectangulo Sphærico $d Q F$, datur $d Q$ & angulus ad Q , inde innotescet arcus $d F$, distantia paralleli minimi Crepusculi ab Æquatore, seu ejus declinatio, quæ erat invenienda.

Unicâ tantum Analogiâ solvi potest Problema: nam in Triangulo $T Q Y$, Radius: Tang: $T Y$:: co Tang. Q : fin. $Q Y$, vel ad fin $d Q$. Sed est fin. Q . co fin Q :: Radius: co Tang. Q , quare ex æquo erit Radius ductus in fin. Q : Tang. $T Y$ \propto co fin. Q :: Radius: fin, $Q d$. (hoc est in triangulo rectangulo $Q d F$) :: fin. Q : fin. $d F$:: Radius \propto fin. Q : Radius \propto fin. $d F$. Adeoque in Analogiâ, cum Antecedentes sint æquales, æquales quoque erunt Consequentes. Et erit Radius \propto fin. $d F$ æqualis Tang. $T Y$ \propto co fin. Q . Et resolvendo æquationem in Analogiam, erit Radius ad Tangentem $T Y$, ut co fin. Q seu sinus Latitudinis loci, ad sinum $d F$ distantiae paralleli ab Æquatore: $Q E I$.

Initium
& Finis
crepus-
culi de-
termi-
nantur.

Datâ Declinatione Solis, Tempus initii Crepusculi Matutini, aut finis vespertini sic invenitur; fit $o p$ parallelus Solis, cum Finitore Crepusculorum conveniens in p , Ducatur è Polo circulus Declinationis $P p$, & in Triangulo Sphærico $P Z p$, dantur omnia latera. scil. $P Z$ complementum Latitudinis Loci. $P p$ complementum Declinationis Solis, & $Z p$ æqua-

æqualis Quadranti plus distantia Finitoris ab Horizonte = $Zl + lp$: unde dabitur angulus ZPp , huiusque complementum ad duos rectos, scil. angulus pPV , unde Arcus Æquatoris, qui hunc angulum metitur in tempus conversus ostendet tempus initii vel finis Crepusculi QEI .

ATMOSPHERA Terrestris non tantum Radios Solares reflectendo claritatem producit matutinam & vespertinam, sed & reliquorum omnium siderum radios in se incidentes refrangendo, hoc est, eorum directiones mutando, eosque per alias rectas propagando, facit, ut Stellarum loci apparentes sint a veris diversi.

Multiplici experimento deprehensum est, radios corporis luminosi, vel etiam cuiusvis objecti visibilis, incidentes in medium Diaphanum diversæ densitatis ab eo, per quod prius propagati fuerunt, non tendere directe per easdem rectas lineas, sed veluti frangi & flecti, hoc est per aliam viam propagari; & si medium, in quod incidunt radii, sit densius priore, flectuntur versus rectam perpendicularem in superficiem ad punctum incidentiæ. Si verò rarius sit medium Diaphanum, franguntur radii à perpendiculari divergendo. Multos Refractionum effectus in naturâ cernimus. Baculus, cujus una pars in aere extat, altera in aquâ, Fractus videtur, & altior apparet quàm reverà est; & Astra omnia altiora seu vertici propiora cernuntur, quàm forent, si irrefracti ad oculum pervenissent.

Sit in Figurâ ZV Quadrans circuli verticalis, ex centro Terræ T descriptus, sub quo sit Quadrans circuli Telluris maximi AB , & correspondens Atmosphæræ Quadrans GH . Sitque S sidus quodlibet, à quo exeat Radius lucis SE , in superficiem Atmosphæræ in E incidens, cumque hic radius ex aurâ Æthereâ & rarâ, seu potius ex vacuo, in aerem nostrum densiorem incidat, in E refrangetur versus propendicularem; cumque aer superior sit rarior inferiore, adeoque densitas medii continuò augeatur, Radius lucis ulterius in aere pergendo, continuò curvabitur; & in curvâ EA ad oculum deferetur; hanc curvam tangat in A recta AF , & secundum ejus directionem radius EA in oculum recipietur;

cum

*Atmo-
spheræ
vis in re-
frangen-
do.*

*Varii
Refra-
ctionis
effectus.*

*Siderum
Refra-
ctio.
TAB. 34.
fig. 2.*

cumque objectum omne videtur in rectâ, secundum quam fit Directio radiorum, qui sensorium vellicant; objectum S apparebit in rectâ AF, hoc est, in coeli puncto Q vertici propiore, quàm reverà sidus existit. Et fieri quidem potest, ut sidus appareat supra Horizontem, quod infra eundem adhuc latet.

*Per re-
fractio-
nem Ec-
lipfis Lu-
næ vide-
tur, Lu-
nâ infra
Hori-
zontem
commo-
rante.*

*Ubi nulla
est Re-
fractio.
Ubi ma-
xima.
Ubi non
sensibi-
lis.*

*Omnia
siderum
in pari
Altitudi-
ne æqua-
les re-
fractio-
nis.*

Hinc fit, ut Refractio Luminaria Solem & Lunam ex diametro opposita, & quorum unum infra Horizontem locatur, supra Horizontem repræsentet, adeo ut Lunæ Eclipsis videatur, Lunâ infra Horizontem commorante, Sole autem supra, ut sæpius observatum fuit.

Sidus in vertice constitutum nullam patitur refractionem; nam radius perpendicularis rectâ progreditur; at quò obliquior est radius in aerem incidens, eò major est refraction, adeoque in Horizonte refraction est maxima. Et Stella magis quàm 50 gradibus supra Horizontem elevata, nulli sensibili obnoxia est Refractioni. In æqualibus à vertice distantis apparentibus, Refractiones sunt æquales, adeoque Solis, Lunæ, & fixarum omnium in pari Altitudine, refractiones sunt æquales, contra quàm censuit Astronomiæ Instaurator, Refractionumque primus Investigator, Nobilis Braheus. Hinc si inveniantur Fixarum Refractiones, dabuntur etiam Solis Lunæque & Planetarum omnium Refractiones; & per Observationes, facilius investigatur fixæ alicujus Refractio, quàm Solis & Lunæ, quippe horum siderum non satis accuratè notæ Parallaxes, investigationem Refractionum dubiam reddunt, dum incerta sit quanta loci mutatio Parallaxi, quanta Refractioni debetur. At Stellæ fixæ nulli Parallaxi obnoxia sunt, & tota loci variatio à Refractione pendet.

Fixarum, quæ ad altitudinem majorem 50. gradibus perveniunt, dantur Declinationes, Ascensiones rectæ, Longitudines, & Latitudines, satis accuratè; nam in tantâ altitudine, earum refractiones sunt quàm proximè nullæ. Quibus cognitis refractiones prope Horizontem sequenti methodo inquirentur. Sit OPZH Meridianus, HO Horizon, ÆQ Æquator, Polus P, Vertex Z, A Stella, cujus refraction est investiganda, Verticalis, per Stellam transiens ZD, Stellæ locus visus C;

TAB. 34
fig. 3.

C; arcus AC erit Stellæ refraction. Observetur Distantia Stellæ à vertice visa, scil. arcus ZC, & habeatur, vel per Altitudinem observatam alterius Stellæ extra Refractionis aleam positæ, vel per Horologium automaton, Temporis momentum quo observatio facta fuit. Ex hoc tempore & Ascensione rectâ Solis, dabitur punctum Æquatoris eodem momento culminans, scil. punctum Æ. Sed datur quoque *Refractionis Investigatio.* Stellæ Ascensio recta; adeoque punctum Æquatoris B, ubi circulus Declinationis PAB per Stellam ductus, Æquatori occurrit. Itaque dabitur Æquatoris arcus EB, qui est mensura anguli ZPA: In Triangulo igitur Sphærico ZPA, ex datis lateribus ZP distantia verticis à Polo, & PA complemento Declinationis Stellæ, & angulo ZPA, invenietur per Trigonometriam Sphæricam latus ZA, vera distantia Stellæ à vertice, à quâ si subtrahatur ZC distantia visa observatione cognita, habebitur arcus AC Stellæ Refraction, quæ erat invenienda.

Potest enim Fixæ Refraction inveniri, si observetur ejus Azimuthus, seu arcus Horizontis inter Meridianum & verticalem per Stellam ductum interceptus, scil. DO, nam arcus ille metitur angulum PZA, ex quo dato, & lateribus PZ, PA, invenietur ZA vera distantia Stellæ à vertice, & si ab hac auferatur distantia observata, restabit CA Refraction quæsitæ.

Azimuthus sideris cujuscvis observatione optimè innotescet, si ducatur in plano Horizontis, linea Meridiana AE, super quam erigatur filum perpendiculare CA; quod ponere appenso facile fit: deinde aliud filum BD, pondere similiter instructum, ita suspendatur, ut Stella ab illis duobus filis tegatur; adeoque erit Stella in plano verticalis circuli per duo fila CA DB ducti; notetur deinde punctum B, ubi filum BD plano Horizontis occurrit, & in lineâ Meridianâ punctum A cui filum CA incumbit; sumptoque in Meridiano quolibet puncto E, ducantur AB BE, & regulâ in partes æquales satis minutas divisâ, capiantur mensuræ trium laterum Trianguli BAE; ex quibus per Trigonometriam investigetur angulus BAE; & innotescit Azimuthus sideris quæsitus. *Sideris Azimuthus quomodo observatione capitur.* TAB. 34. fig. 4.

Ddd

Ex

Ex Refractione ratio redditur, cur Sol & Luna prope Horizontem visi, ovalem induunt figuram; nam eorum margines inferiores per refractionem multum elevantur, non item superiores margines; adeoque hæ margines sibi appropinquare videntur, & contractiores justo apparent; interim utrique termini Horizontalis diametri æqualiter per refractionem elevati cum sint, invariata manebit eorum distantia.

TAB. 34.
fig. 5.

Radii Solares prope Horizontem profundius in Atmosphæram immerguntur.

Radii Solares, cum Sol est in Horizonte, longiore multo itinere per aerem feruntur, quam cum is prope verticem versatur. Sit enim ABD Tellus, & ECF circumfusa Atmosphæra, cujus Altitudo vulgò æstimatur 50 milliarius. Sit CA radius Horizontalis, EA verticalis, patet esse CA longiorem quam EA; earum autem rationem sic investigare licet. Ponatur semidiameter Telluris AT in numeris rotundis, esse milliarius 4000, & EA 50. Erit $ET = CT$ milliarius 4050, cujus quadratum æquale est quadratis TA CA. Adeoque si à quadrato ab CT auferatur quadratum ab AT, restabit quadratum à CA, hoc est si ab 16402500 auferatur 16000000, restabit 402500 pro quadrato lineæ CA; cujus radix est 634. Est igitur CA ad EA ut 634 ad 50, hoc est in maiore ratione quam 12 ad 1. Hinc patet ratio, cur illæsis oculis, possumus Solem orientem aut occidentem intueri; at in Meridiano non sine oculorum damno aspiciendus est Sol: nam radii Solares in Horizonte per tam crassum Atmosphærae corpus progrediendo, in particulas innumeras in aere volitantes impingunt, à quibus reflectuntur, eorumque vires multum exinde debilitantur. Patet etiam, cum per tam exiguum spatium progrediendo tantum debilitantur Radiorum vires, si Atmosphæra nostra ad Lunam eadem densitate se extenderet, non Solem, nedum Lunam aut Stellas, videri posse.

H

Z

Fig. 2

G

F

A

E

T

B



LECTIO XXII.

De Parallaxi Siderum.

CUM motus omnes apparentes diurni circa Axem Telluris, non circa locum spectatoris ejus superficiem incolentis, peragi videntur, necesse est, ut qui motus siderum ex Telluris superficie observat, ea inæqualiter moveri aspiciat; nam si mobile aliquod æquabiliter in circuli peripheriâ deferatur, motus æquabilitas ex nullo alio puncto, præter ea, quæ in Axe Circuli locantur, spectari potest; unde Phænomeni in cælo locus visus diversus erit, cum è superficie Terræ observatur, quàm si ex ejusdem centro spectaretur. Et hæc locorum differentia, cum sidus è superficie Telluris videtur, & ab ejus centro spectatur, Parallaxis dicitur.

*Motus
circula-
ris aqua-
bilis ex
nullo alio loco
quàm
axe æ-
quabilis
videtur.*

Sit AB Quadrans circuli in Telluris superficie maximi, cujus centrum T. A locus in superficie, ejusque vertex in cælis V, circulusque VNH referat cælum Stellatum, linea AD Horizontem sensibilem, in quo sit sidus in C, cujus distantia à Telluris centro sit TC. hoc sidus è Telluris centro spectatum in cælo Stellato in E conspicietur, supra Horizontem arcu DE elevatum; punctum E dicitur locus Phænomeni verus. At si è Telluris superficie in A Observator illud intueatur, in Horizontis puncto D ipsum conspiciet, quod locus ejus apparens nominatur. Et arcus DE differentia inter locum verum & visum dicitur *Parallaxis Astri*.

*Paralla-
xis
Quid?
TAB. 35.
fig. 1.*

Si sidus altiùs elevetur supra Horizontem in M, ejus locus verus è Telluris centro visus est P, at visus è superficie puncto A, est N, & Parallaxis est arcus PN, qui arcu DE minor est: unde Parallaxis sideris in Horizonte existentis est omnium maxima; quò altiùs attollitur sidus, eò minorem patitur parallaxim; si autem ad verticem pervenerit, nulli parallaxi est obnoxia; nam cum in Q existit, tam ex T quàm in A, in eâdem rectâ TV videtur, nullaque est differentia inter locum verum & visum. Quò longiùs sidus aliquod à Terra distat, eò ejus Parallaxis est minor; ita si-

*In majore
à Tellu-
re di-
stantiâ
minor est
Paralla-
xis*

deris F à Tellure longius remoti Parallaxis est GD, sideris propioris C parallaxi minor. Hinc patet Parallaxim esse differentiam inter veram sideris à vertice distantiam, è Terræ centro visam, & eam quæ ex ejus superficie conspici-
tur. Nam sideris M vera distantia à vertice est arcus VP, at ex A conspecto fidere, distantia ejus à vertice est VN.

Paralla-
xis est
Angu-
lus, sub
quo semi-
diameter
Terræ
per loci
verticem
ducta,
è fidere
videtur.

Has distantias metiuntur anguli VTM, VAM, comprehen-
si rectâ TV ad verticem ductâ, & rectis TM, AM, ex cen-
tro & superficie Telluris ad sidus ductis; horum autem an-
gulorum differentia est angulus TMA. Nam est angulus
VAM externus æqualis duobus internis ATM & TMA;
adeoque est TMA differentia angulorum VAM & VTM;
qui itaque parallaxim metitur; & ideo ipse Parallaxis dici-
tur. Est autem ubique hic angulus ille, sub quo semidia-
meter Terræ, per locum observatoris ducta, è fidere vide-
tur, adeoque ubi semidiameter illa directè videtur, maxi-
mus est; hoc est sideris in Horizonte existentis maxima est
Parallaxis; & ascendendo minuitur parallaxis, in eâ ratio-
ne, quæ in sequenti Theoremate demonstratur.

THEOREMA.

*Sinus Parallaxeòs est ad sinum distantie sideris à vertice vi-
sæ, in datâ ratione, scil. in ratione semidiametri Telluris ad
distantiam sideris.*

Paralla-
xes mi-
nuuntur
in ratio-
ne si-
num di-
stantia-
rum à
vertice.

Nam per notissimum Trigonometriæ Theorema. In Tri-
angulo ATM, est sinus anguli AMT, ad sinum anguli TAM
vel VAM, ut AT ad TM; scil. in constante ratione semi-
diametri Telluris ad sideris distantiam. Hinc sinus Paral-
laxis sideris in C, est ad sinum Parallaxis in M, ut sinus
anguli VAC, ad sinum anguli VAM. Itaque si detur fide-
ris Parallaxis in aliquâ à vertice distantiâ, dabitur ejus Pa-
rallaxis in aliâ quâvis à vertice distantiâ.

Si Phænomenon aliquod longius 15000 semidiamentris
Telluris ab ejus centro distet, ejus Parallaxis etiam Hori-
zontalis insensibilis evadit. Nam si sit TF ad TA, ut 15000
ad 1. seu ut Radius ad sinum anguli TFA, invenietur ille
angulus minor scrupulis secundis 13. qui angulus tam exi-
guus est, ut nullis instrumentis observari possit.

Si

Si detur fideris alicujus distantia à Telluris centro, dabitur ejus Parallaxis. Nam in triangulo TAC , rectangulo ad A , ex datis TA semidiametro Telluris, & TC distantia fideris, invenietur per Trigonometriam angulus ACT , Parallaxis fideris Horizontalis: & vicissim si detur Parallaxis, dabitur distantia fideris à Terræ centro, in eodem scil. triangulo, ex datis AT & angulo ACT , elicietur distantia TC .

Si fidus nullum habeat motum sibi proprium, ejus distantia vera à quâlibet fixâ, per arcum circuli mensuranda, semper eadem & immutata manet, in omni fideris supra Horizontem elevatione; at si Parallaxi sensibili sit obnoxium fidus, ejus distantia visa à Fixâ aliquâ continuò mutabitur; *Per Parallaxes, siderum à fixis distantie continuè mutantur.* & si fixa sit in eodem circulo verticali cum fidere, sed illo altior, minuitur distantia ascendendo, si humilior fidere sit fixa, ascendendo fidus à fixâ remotius videbitur, quamvis è centro Telluris conspectum, eandem ubique retinebit distantiam, ideoque distantie fideris propinqui à fixis visæ non sunt reales, sed apparentes.

Sit Phænomenon seu fidus in Horizonte in C visum, è Telluris centro T cum fixâ E conjungi videbitur; at à spectatore in A existente, in eâdem rectâ cum fixâ D cernitur, & distare videbitur à fixâ E , arcu DE ; at ubi fidus ad M ascendit, semper videbitur è Telluris centro in conjunctione cum eâdem stellâ E , quæ nunc in P existit. At è superficie Telluris ex A scil. spectatum fidus videtur in N , propius quidem fixæ quàm fuit, dum Horizontem occupabat; quare non in eodem loco cum fixâ D videbitur, à quâ distabit spatium Nd , posito arcu Pd æquali ED . Hinc sequitur, si fidus aliquod eandem semper inter fixas conservet positionem, neque distantias arcuales ab iisdem mutare videatur, nulli Parallaxi sensibili erit obnoxium. Quin etiam si à fixis distantia quidem varietur, sed mutatio sit ea solum, quæ motui fideris proprio debetur, in illo casu nulla quoque est Parallaxis sensibilis; sin fidus magis vel minus à fixâ aliquâ recesserit, vel ei accesserit, quàm postulat motus ejus proprius, differentia illa erit Parallaxeôs effectus.

*Paralla-
xium
species.*

Parallaxis sideris in circulo verticali, mutationem in ejus loco inducit quoad reliquos Sphærae circulos, efficitque ut ejus Longitudo, Latitudo, Ascensio Recta, & Declinatio diversæ videantur à veris, quæ è centro Telluris conspiciendæ erunt, unde quatuor præcipuè oriuntur Parallaxium species.

TAB 35
fig. 2.

Sit HO Horizon, cujus polus V, EQ Ecliptica, ejusque polus P, VA verticalis circulus per sidus transiens, cujus verus locus sit C, at visus sit D, in eodem verticali magis à vertice distans, Parallaxis altitudinis est arcus DC. Per polum Eclipticæ P, & sideris locum verum transeat secundarius Eclipticæ, seu circulus Latitudinis PCG, & G erit verus locus sideris ad Eclipticam reductus, punctumque G ejus Longitudinem veram ostendet; at per locum visum D traductus Latitudinis circulus PDH cum Eclipticâ conveniet in H puncto, quod erit sideris locus in Eclipticâ visus, arcus Eclipticæ GH, interceptus inter duos Latitudinis circulos, per verum & visum locum transeuntes, dicitur *Parallaxis Longitudinis*. Sideris in C existentis vera Latitudo est CG; at cum in D videtur, Latitudo visa est DH; harum differentia CN *Parallaxis Latitudinis* vocatur.

*Parall-
xis Lon-
gitudi-
nis*

*Paralla-
xis Lati-
tudinis.*

Si sidus sit in circulo verticali, qui Eclipticam in nonagesimo gradu ab oriente puncto interfecat, hoc est, qui Eclipticæ sit perpendicularis *v. gr.* in circuli VE puncto c, Parallaxis Longitudinis nulla erit; nam cum circulus verticalis VE, in hoc casu Eclipticæ ad angulos rectos occurrat, per ejus polos transibit, idemque erit circulus Latitudinis, in quo existit verus & visus sideris locus, adeoque loci hi ad Eclipticam reducti in idem punctum incident, & in hoc casu Parallaxis Latitudinis coincidit cum Parallaxi Altitudinis.

Quadrans Orientalis Eclipticæ est, qui inter nonagesimum gradum & punctum ejus oriens intercedit. Occidentalis autem Quadrans est, qui inter nonagesimum & occidentem Eclipticæ gradum interjicitur. Sideris in orientali quadranti existentis Longitudo visa major est quàm vera: nam oriente fidere, Parallaxis illud magis in orientem deprimit.

primit. Sic in figurâ, locum in Eclipticâ visum signat punctum H, magis in orientem promotum quàm est locus verus G. At si sidus sit in Quadranti occidentali, Longitudo visâ minor est quàm verâ, quoniam Parallaxis in hoc situ sidus versùs occidentem detrudit.

Referat jam circulus EQ Æquatorem, P ejus polum, PVH Meridianum, VCA circulum Verticalem, per sidus transeuntem; in quo sit C locus sideris verus, D visus; sintque PCG, PDH Secundi Æquatoris, sive circuli Declinationum per locum sideris verum & visum traducti, Æquatori occurrentes in G & H. Punctum G ostendet Ascensionem rectam sideris veram, H visam, quarum distantia GA est *Parallaxis Ascensionis rectæ*. Declinatio sideris vera est GC, visâ DH, differentia Declinationum NC dicitur *Parallaxis Declinationis*. Si sidus sit ad orientem Meridiani, Ascensio recta visâ major est verâ, si ad occidentem, fiet visâ minor verâ; at cum sidus in Meridiano culminat, nulla est Parallaxis Ascensionis rectæ, propterea quòd idem Declinationis circulus per visum & verum locum transit.

*Paral-
laxis Af-
censionis
rectæ.
Paral-
laxis De-
clinationis.*

Varias excogitaverunt Astronomi methodos, ut siderum Parallaxes investigent; & ut exinde eorum distantia à Tellure innotescant. His enim cognitis, judicium aliquod de Amplitudine mundanâ ferre licebit. Modos aliquos, quos ad rimandas Parallaxes adhibuerunt Astronomi, liceat nunc vobis exponere.

Primò observetur sidus, quando est in eodem verticali circulo cum duabus stellis fixis, sit VB verticalis, in qua simul videntur Fixæ C & D, & sidus S, cujus locus visus erit quoque in eundem verticali, qui sit E, unde si sidus nullum habeat motum proprium, eundem semper ad fixas C & D conservabit situm, eritque ejus locus verus in lineâ per fixas CD transeunte. Post aliquod tempus rursus observetur sideris positio respectu fixarum, quando scil. non in eodem verticali, sed potius in Circulo Horizonte æquidistante videntur, scil. sunt fixæ c & d, sitque locus sideris visus e, at verus erit in lineâ de, quæ fixas conjungit: observentur di-

*Modus
primus
explorandi
Parallaxim.*
TAB. 35.
fig. 3.

distantiæ fixarum & sideris à vertice, scil. arcus dV , cV , & eV . Capiantur etiam loci visi e , distantia de à fixâ d , & fixarum distantia dc . Locus verus sideris est in verticali Ve , per locum visum transeunte, est etiam in lineâ dc , erit ergo in intersectione S . Adeoque Parallaxis sideris est es . In triangulo dVc : dantur omnia latera, quare innotescet angulus Vdc : rursus in triangulo Vde ; dantur omnia latera, innotescet igitur angulus dVe , vel dVS . Denique in triangulo dVS , datur latus dV , distantia fixæ d à vertice observata cum angulis dVS & VdS , mox inventis; quare invenietur latus VS , quod ab Ve ablatum, relinquit arcum Se , Parallaxim quæsitam.

*Methodus
secunda.*

Potest sideris Parallaxis hâc quoque ratione facillimè obtineri; nempe observetur, quando sidus est in aliquo verticali cum quâvis stellâ fixâ vicinâ, ejusque distantia à fixâ capiatur: deinde observetur rursus, quando sidus & fixa parrem obtinent ab Horizonte altitudinem, harum distantiarum differentia erit quàm proximè sideris Parallaxis. Sit Horizon HO , vertex loci V , circulus verticalis VB , in quo observetur sidus in E , & fixa in D , locus autem sideris verus sit S , & SE Parallaxis. Altitudinum differentia DE erit sideris & Fixæ distantia visa: observetur deinde fixa in d , & sidus in loco viso e , in eâdem à vertice distantia, erit distantia sideris & fixæ de , quàm proximè æqualis veræ illorum distantia. Nam sit s locus sideris verus. Et quoniam Parallaxis se respectu arcûs Ve , parva admodum est; erunt ds & de fere æquales, quod adeo verum est, ut si Parallaxis se foret unius gradûs, tamen de & ds vix uno minuto different. Si itaque instrumento observetur distantia de , notus erit arcus ds , ipsi quàm proximè æqualis; & est ds æqualis DS , in primâ observatione; à DS itaque auferatur arcus notus DE , & restabit SE Parallaxis sideris in E observati.

*Modus
tertius.*

TAB 35.
fig. 5.

Phænomeni alicujus Parallaxis inveniri quoque potest, observando ejus Azimuthum, distantiam à vertice, & tempus inter observationem, & ejus ad Meridianum appulsum. Sit $HVPO$ Meridianus, in quo sit vertex V , Polus P , & sit HQ

HO Horizon, VB circulus Verticalis, per sideris locum verum S & visum E transiens. Traducantur quoque per locum verum & visum circuli Declinationum PSPE; observeturque sideris Azimuthus BO, vel angulus BVO, eo modo, quo in Lectione de Refractione siderum Azimuthos capere docuimus. Observetur quoque sideris distantia a vertice visa VE, & notetur momentum temporis, quo observatio facta est. Expectetur deinde, dum sidus ad Meridianum appulerit, & momentum appulsus accuratè definiatur, quod fit vel per Horologium Automaton, vel per Altitudinem fixæ alicujus notæ. Temporis intervallum inter observationem primam sideris in Verticali, & ejus appulsus ad Meridianum, in gradus & minuta Æquatoris conversum, dabit arcum Æquatoris ÆC, qui est mensura anguli VPS. Itaque in triangulo VPS, datur latus VP, distantia Poli a vertice, & anguli VPS & PVS, unde innotescet arcus VS, vera distantia sideris a vertice, quæ ex observatâ VE sublatâ, restabit arcus SE Parallaxis quæsitæ.

Notandum est, ut convertatur tempus in gradus & scrupula Æquatoris, reducendum est prius tempus in horas & minuta primi mobilis, quæ horis Solaribus sunt aliquantulum minores; vel si adhibeantur horæ Solares, pro earum singulis numerandi sunt in Æquatore gradus 15. minut. 2, secund. 27, tert. 51; & proportionaliter pro particulis adjunctis.

Sit HO arcus Horizontis, AM Meridianus, in quo sit P *Modus* polus, V vertex loci, sideris locus visus E, ante appulsus *quartus.* sideris ad Meridianum observetur ejus a vertice distantia VE, *TAB 35.* sideris locus verus sit S, Parallaxis SE, inveniatur Azimu- *fig. 6.* thus EVM; & notetur tempus observationis; deinde post appulsus sideris ad Meridianum, observetur illud iterum, quando eandem obtinet a vertice distantiam Ve, unde cum visæ distantiae sunt æquales, erunt quoque veræ distantiae VS, Vs æquales. Notetur intervallum temporis inter primam observationem & secundam; hoc tempus in gradus & minuta Æquatoris conversum, dabit angulum SPs, cujus dimidium est angulus SPV. Itaque in triangulo SPV, dantur an-

E e e
gu-

guli SPV & SVP, qui est complementum Azimuthi ad 180 gradus, item latus VP distantia verticis & Poli; exinde innotescet arcus VS, distantia vera sideris a vertice, quæ si ab VE observatâ distantia auferatur, dabit SE Parallaxim quæsitam.

*Molus
quintus.*

Hæ praxes ex observatione Azimuthi pendent; at absque illius observatione Parallaxeôs cognitio obtineri potest, per Ascensiones sideris veras & visas, ex quibus Azimuthi calculo eliciuntur. Nam observentur distantia sideris a duâbus quibuscvis fixis, quarum distantia & Ascensiones rectæ notæ sunt; & exinde quæratür sideris Ascensio recta, uti in Lectione XX docuimus; deinde cum sidus ad Meridianum pervenerit, rursus capiatur ejus distantia a duâbus fixis, ex quibus, habebitur eadem methodo, Ascensio recta sideris vera, seu punctum, ubi circulus Declinationis per verum sideris locum transiens Æquatori occurrit.

*TAB. 36.
fig. 1.*

Ex Ascensione rectâ visâ sideris in Verticali VB observatâ, & puncto Æquatoris culminante, dabitur angulus VPE, quare in triangulo VPE, ex datis lateribus VP, VE, & angulo VPE, inveniri potest angulus PVE, qui est Azimuthalis angulus; datâ autem sideris Ascensione verâ, quæ in Meridiano observata fuit, & puncto Æquatoris culminante, dabitur angulus VPS, unde in triangulo VPS, ex datis angulis PVS & VPS, & latere VP dabitur latus VS, vera sideris a vertice distantia, quæ si ab observatâ VE auferatur, relinquetur SE Parallaxis sideris.

Ad Ascensiones siderum rectas determinandas, non satis fida est in subtili hoc negotio Temporis observatio, quæ fit Penduli vibrantis ope; si enim unius scrupuli secundi error in numerando commissus fuerit, hic error producet in Ascensione rectâ errorem 15. scrup. secund.

Ut habeatur vera sideris Ascensio recta, non opus est ejus appulsum ad Meridianum observare; sed melius perficitur per duas observationes, quarum una peragitur in Orientali coeli quadrante; altera in Occidentali, at in utrâque par sit altitudo sideris visa. Nam si capiatur distantia sideris a duâbus fixis notis, in orientali coeli plagâ, elicietur
exin;

exinde ejus Ascensio recta visa, quæ verâ major erit; quoniam Parallaxis deprimit fidus versùs orientem; rursus cum fidus ad eandem à vertice distantiam, in Occidentali plagâ pervenerit, capiatur similiter ejus Ascensio recta visa, quæ tantundem minor erit verâ, quantum priôr veram superabat. Nam Parallaxis in æquali altitudine tantum fidus ad occidentem deprimit, quantum priùs versùs orientem illud protrudebat. Adeoque si Ascensionum visarum differentia bifecetur, & semidifferentia minori addatur, vel à majori auferatur, habebitur vera sideris Ascensio: adeoque punctum Æquatoris, ubi circulus Declinationis per fidus transiens eidem occurrit; hoc est, punctum C sed ex dato momento temporis observationis primæ, datur Ascensio recta medii coeli, seu punctum Æquatoris culminans Æ, unde dabitur Arcus ÆC, qui metitur angulum ÆPC, unde in triangulo, VPS, ex datis VP latere, & angulis PVS & VPS, invenietur, ut prius, VS distantia sideris à vertice, quæ ex visa ablata, relinquit arcum SE Parallaxim Altitudinis, quæ erat invenienda.

TAB 35.
fig. 5.

Omnium optimè & facillimè exquiritur Parallaxis Ascensionis rectæ, si adhibeatur Telescopium, in cujus foco sunt quatuor fila ad angulos semirectos se interfecantia, ut in Lectione XX. exposuimus; & Telescopium dirigatur versùs fidus, atque continuo vertatur, donec in filo transverso AB videatur, ejusque motus apparens diurnus fiat secundum hujus fili directionem; in quo situ, filum AB exponet portionem paralleli, quem percurrit fidus, & filum CD illud ad angulos rectos interfecans, circulum aliquem horarium repræsentabit. Notetur deinde temporis momentum, quando fidus in circulo horario CD videtur; dehinc Telescopio immoto manente, observetur tempus, quando alia aliqua stella, cujus nota est Ascensio recta, ad eundem circulum horarium appulerit. Intervallum temporis inter sideris & Fixæ appulsus ad circulum horarium, in gradus & minuta Æquatoris conversum, dabit differentiam inter Ascensionem rectam fixæ, & sideris Ascensionem visam. Cum verò fidus ad Meridianum appulerit, rursus Telescopio ob-

Modus
Sextus.
TAB. 36.
fig. 2.







TAB. 36.
fig. 1.

fervetur, & eâdem methodo quærat^{ur} ejus Ascensio recta visa, quæ in Meridiano coincidit cum verâ. Unde dabitur punctum *Æquatoris*, ubi Declinationis circulus per verum locum sideris *Æquatori* occurrit; datur itaque sideris Ascensio recta vera, & datur quoque visa, unde dabitur harum differentia, seu Parallaxis Ascensionis rectæ, quæ est angulus *SPE*. Et quoniam datur Ascensio visa sideris, & punctum *Æquatoris* tempore observationis culminans, datur Arcus *Æquatoris* inter hæc duo puncta interceptus, qui est mensura anguli *VPE*; itaque in triangulo *VPE*, dantur latera *VP*, *VE*, & angulus *VPE*, quare innotescet angulus *PVE*: ab angulo *VPE* auferatur angulus *SPE*, Parallaxis Ascensionis rectæ, & dabitur angulus *VPS*; denique in triangulo *VPS*, ex datis angulis *PVS* & *VPS*, & latere *VP*, innotescet latus *VS*, vera sideris à vertice distantia, quæ ex visâ ablata, relinquet *SE* sideris Parallaxim.

Investi-
gatio Pa-
rallaxe
quando
sidus ha-
bet mo-
tum pro-
prium.

Si sidus motum habeat proprium, ejus Ascensio recta per illum motum continuò mutabitur, nisi in aliquo Declinationum circulo feratur; adeoque habenda est ratio istius mutationis; quod fiet, si observetur sideris in Meridiano existentis Ascensio recta, & cum proximo die rursus ad Meridianum pervenerit, iterum observetur ejus Ascensio recta, Differentia dabit mutationem Ascensionis rectæ, quæ tempori intermedio competit; nam in Meridiano existente sidere, nulla est Parallaxis Ascensionis rectæ. Ex his Observationibus cognoscetur motus diurnus proprius sideris secundum *Æquatorem*, & ex motu diurno dabitur motus pro quolibet tempore intermedio: *v gr.* si motus diurnus secundum *Æquatorem* sit 30. min. hoc est, si sideris locus in *Æquatore* quotidie promoveatur spatio 30 min. sitque tempus inter observationem primam in orientali quadranti, & secundam in Meridiano factam æquale sex horis, huic temporis spatio debetur motus septem; minutorum. Supponamus jam differentiam inter Ascensionem rectam in Verticali, & in Meridiano observatam, esse 20. minutorum, horum septem cum dimidio motui proprio sideris debentur; unde Parallaxis Ascensionis rectæ erit duodecim cum dimidio minutorum.

Si-



Simili methodo, per Longitudines sideris visas & veras, investigari possunt Parallaxes; Visa Longitudo habetur observando sideris distantias à duabus fixis, quarum loca nota sunt; vera autem Longitudo habetur, capiendo distantias a fixis notis, cum sidus est in nonagesimo Eclipticæ Gradu; ubi Longitudo visa coincidit cum verà.

His & similibus methodis, si sidus aliquod habeat Parallaxim scrupulo primo non minorem, illa inveniri potest. In Lunâ quidem satis notabilis deprehenditur Parallaxis, quæ in Horizonte sæpe gradui & amplius æquatur. Sed præterea non desunt aliæ Methodi Lunæ peculiare, quibus ejus Parallaxis habetur, quarum unam hic indicare liceat.

In Eclipsi Lunæ, observetur quando cornua in eodem verticali circulo videntur, & in eo momento capiatur utriusque cornu Altitudo; Altitudinum semi-differentia ad Altitudinem humilioris cornu addita, vel ab Altitudine sublimioris ablata, dabit Altitudinem visam medii inter cornua puncti, quæ quàm proximè est æqualis Altitudini centri Lunæ. Sed vera Altitudo centri Lunæ est quàm proximè æqualis Altitudini centri Umbræ supra Horizontem. At datur Altitudo centri Umbræ, quia datur pro illo temporis momento locus Solis in Ecliptica, & proinde punctum Eclipticæ huic loco oppositum, in quo est centrum Umbræ, cujus proinde Altitudo pro tempore dato computari potest; nam est illa æqualis depressioni Solis infra Horizontem in eodem momento; quare dabitur vera Lunæ Altitudo; sed datur per Observationem Altitudo visa, unde & earum differentia, quæ est Lunæ Parallaxis, datur.

Quoniam Lunæ distantia à centro Telluris pro vario ejus ab Apogeo recessu, continuò minuitur, necesse est, ut Parallaxis ejus Horizontalis in eadem ratione continuò augeatur, sicuti per accessum ad Apogeeum minuatur, ideo Tabulam condunt Artifices, quæ Lunæ Parallaxim Horizontalem pro singulis ejus Anomalix gradibus ostendit.

Quamvis methodi superiùs traditæ Lunæ Parallaxim satis notabilem esse manifestant, illarum tamen nullæ sufficiunt

Parallaxis Lunæ investigationem per methodum peculiarem.

Solis Parallaxis methodis prædictis non potest obtineri.

ad Solis Parallaxim explorandam; ea enim tam exigua est, ut observationes requisitæ tam accuratè capi non possint, quæ ipsam determinant; & error in observando vix evitari queat, qui non toti Solis Parallaxi æqualis evadat.

Hic observationum defectus Veteres impulit Astronomos ad alias Soli peculiares ineundas vias, quibus ejus Parallaxim eruere; quæ quidem methodi, etsi maximum acumen & ingenium veterum ostendunt, parum tamen sunt idoneæ in tam subtili indagine, ad rem ipsam investigandam. Utiles tamen sunt ad demonstrandum, distantiam Solis a Tellure immensam esse respectu distantiae Lunæ ab eâdem, ideoque à proposito nostro non alienum erit eas vobis exponere.

Hipparchi methodus pro inveniendâ Parallaxi Solis.
TAB. 22.
fig. 2.

Prima Methodus est Hipparchi, eamque adhibuere Ptolemæus ejusque sequaces, & alii Astronomi non pauci. Nittitur autem in observatione Eclipsæ Lunaræ, & Principia ex quibus pendet hæc sunt: Primò in Eclipsi Lunari, Parallaxis Solis Horizontalis æqualis est differentiæ inter Solis semidiametrum Apparentem, & semiangulum Coni Umbrosi. Quod hac ratione facile ostenditur. Circulus AFG repræsentet Solem, DHE Tellurem, sitque DMH Conus Umbrosus, DMC semiangulus Coni. Ducatur a centro Solis S recta SD Tellurem tangens, Erit angulus DSC semidiameter apprens Telluris e Sole spectata, quæ æqualis est Solis Parallaxi Horizontali. Et angulus ADS est apprens semidiameter Solis e Terra visa. Est autem per 32. *Elem. Primi*, angulus ADS externus æqualis angulis DMS & DSM internis; adeoque angulus DSM æqualis est differentiæ angulorum ADS & DMS. Secundo semiangulus Coni æqualis est differentiæ Parallaxis Horizontalis Lunæ, & semidiametri apparentis Umbræ ad Lunæ cælum; sit enim CDE Tellus, CME Conus umbrosus, qui plano transverse ad distantiam Lunæ secetur; sectio erit circulus, cujus semidiameter est FG, quæ ex Telluris centro videtur sub angulo GTF; sed per 32. *Elem. Primi* est angulus CFT æqualis angulis FMT & GTF; Adeoque angulus FMT æqualis est differentiæ angulorum CFT & FTG; sed est angulus CFT ille sub quo Terræ semidiameter e Lunæ cælo videtur, hoc est

TAB. 22.
fig. 5.

est æqualis Parallaxi Lunæ Horizontali. Et angulus FTG est semidiameter apparens Umbræ, unde patet femiangelum Coni esse differentiam inter Parallaxim Horizontalem Lunæ, & Umbræ semidiametrum apparentem. Quare si Solis semidiametro apparenti addatur semidiameter apparens Umbræ, & a summa aufertur Parallaxis Horizontalis Lunæ, restabit Parallaxis Horizontalis Solis, quæ proinde ex illis accurate datis habebitur. Verum horum datorum nullum tam accurate innotescit, ut sufficiant ad Parallaxim determinandam; nam ex parvis (in his angulis capiendis) erroribus, qui vix evitari possunt, ingentes prodibunt errores in Parallaxi Solis, & maximæ discrepantiæ in ejus distantia à Tellure quæ ex illa pendet. Exempli gratia, Parallaxim Lunæ Horizontalem ponamus esse min. prim. 60. sec. 15. Solis semidiam. min. 16, & semidiametrum Umbræ 44. min. prim. 30. secund. Ex his colligitur Parallaxim Solis esse 15. secund. & distantiam ejus à Tellure æquari 13000. semidiamentris Terræ; At si error commissus fuerit, in determinanda semidiametro Umbræ, sitque ille tantum 12. secund. in defectu, & sane semidiameter Umbræ vix tanta præcisione obtineri potest; hoc est, si loco $44' : 30''$ capiantur $44' : 18''$, reliquis manentibus, prodibit Parallaxis Solis 3. secund. & ejus distantia à Tellure æqualis fere 70000. semidiamentris Terræ, plus quam quintuplo major quam prior. Si vero in excessu peccatum fuerit, atque semidiameter Umbræ ponatur $44' : 42''$. reliquis manentibus, elicietur Parallaxis 27. minutorum secundorum, & distantia Solis 7700. semidiamentrorum Terrestrium, fere decuplo minor quam per æqualem errorem in defectu elicitur. Si error in defectu admissus fuerit 15. secund. Prodibit Solis Parallaxis nihilo æqualis, ejusque distantia infinita. Quare cum ex tantillis erroribus, Parallaxis & distantia Solis tam diversæ prodeunt, manifeste patet, hac methodo veram Solis Parallaxim ejusque distantiam obtineri non posse.

Cum igitur angulus ad Solem, quem Terræ semidiameter subtendit, tam exiguus sit, ut observatione deprehendi non possit, excogitavit *Aristarchus Samius* methodum qua angulum

Hipparchi methodus non sufficit ad Solis parallaxim explorandam.

Aristarchi methodus.

lum ad Solem, quem Lunaris orbitæ semidiameter subten-
dit, determinare conatus est. Hic enim angulus sexaginta
circiter vicibus priore major est; Ad hujus anguli investiga-
tionem sequentia ponit principia.

TAB. 36.
fig. 3.

Ostenfum fuit in Lectione de Lunæ Phasibus, quod si
per Lunæ centrum transeat planum ad quod recta, Solis &
Lunæ centra conjungens, sit normalis, hoc planum Hemi-
sphærium Lunæ illuminatum ab obscuro dividere; adeoque
si planum hoc transeat per spectatoris oculum in Tellure,
Luna tunc dimidiata seu bisecta apparebit, & recta a Ter-
ra ad Lunæ centrum ducta erit in plano illuminationis; ad-
eoque ad rectam quæ Solis & Lunæ centra conjungit perpen-
dicularis erit. Sit S Sol, T Terra, AL γ Quadrans orbitæ
Lunaris, recta SL a Sole ducta Lunæ orbitam tangat in L,
& erit angulus TLS rectus; adeoque cum Luna in L vide-
tur, dichotoma apparet: Si itaque observetur momentum
Temporis cum Luna bisecta videtur, atque eodem momen-
to, capitur angulus LTS elongatio Lunæ a Sole, dabitur
hujus anguli complementum ad rectum angulus LST, sed
datur latus TL, unde in triangulo SLT rectangulo dantur
anguli, & latus TL, ex quibus dabitur latus ST distantia
Solis a Tellure.

*Aristar-
chi me-
thodus.
non ini-
donea est
ad inve-
niendam
Solis di-
stanti-
am.*

Verum maxima est difficultas in determinando temporis
momentum, quando Luna est in vera Dichotomia, nam per
spatium temporis ante, & post Dichotomiam notabile, im-
mo in ipsa Quadratura, ejus Phasis a phasi Dichotomiæ di-
stingui nequit, uti observatio nos docet, & hac etiam ratio-
ne ostenditur. In Lectione de Lunæ Phasibus demonstra-
tum a nobis est, Diametrum Lunarem esse ad ejus partem
a Sole illustratam, & a nobis visam, ut Diameter circuli ad
finem versum elongationis Lunæ a Sole quamproxime; ac-
curate autem, ut Diameter circuli ad finem versum exterioris
anguli ad Lunam, in triangulo, quod lineæ jungentes
Solis Terræ & Lunæ centra faciunt; Uti in Lectione de
Veneris Phasibus ostensum fuit. Ponamus jam tempore ve-
ræ Dichotomiæ angulum LST esse min. prim. 15, Et semi-
diametrum orbis Lunaris æquari 60. semidiametris Telluris,
in-

inde elicietur distantia Solis æqualis 13758. semidiametris Terræ. His positis; sit primo Luna in Quadratura in q ; hoc est, sit angulus q TS rectus, & erit exterior angulus trianguli ad Lunam, æqualis 90. grad. min. 15, cujus sinus versus æqualis est radio, una cum sinu recto min. 15. Itaque ut Diameter circuli ad Radium una cum sinu recto minutorum 15. sic Lunæ Diameter ad partem ejusdem a Sole illustratam e Tellure visam; quare capiendo dimidia Antecedentium, & dividendo, erit ut Radius ad sinum rectum min. 15, ita semidiameter Lunæ, ad excessum quo pars illustrata e Terra visa semidiametrum superat; est autem sinus min. 15, partium 436. qualium Radius est 100000, & apparens Lunæ semidiameter est circiter min. 15. Quare fiat ut Radius 100000. ad 436. ita 15. min. ad quartum, qui prodit minor quam quatuor scrupula secunda; At hæc quantitas adeo exigua est, ut omnem sensum effugiat; adeoque Luna in Quadratura (cum ejus Phasis tantilla quantitate Dichotomiam superat) adhuc ut Dichotoma apparebit. Quod si vera Dichotomia in ipsam Quadram incidisset, distantia Solis fuisset infinita, in illo enim casu, angulis SqT & STq , existentibus rectis, lineæ ST, Sq essent parallelæ & non concurrerent nisi ad distantiam infinitam.

Sit secundo elongatio Lunæ à Sole seu angulus STL 89. gr. min. 30. in illo casu, erit angulus exterior ad Lunam grad. 89. min. 45. æqualis scil. angulis STL & LST simul, cujus sinus versus æqualis est radio, dempto sinu recto min. 15: cumque sit ut Radius circuli ad sinum versus anguli exterioris ad Lunam, hoc est, ad Radium sinu recto min. 15. diminutum; ita semidiameter Lunæ ad partem ejus à Sole illustratam & à nobis visam, erit dividendo Radius ad sinum min. 15. ita semidiameter Lunæ seu 15. min. ad excessum quo eadem semidiameter partem illustratam & visam superat, quæ itaque ut in priore casu erit æqualis quatuor scrupulis secundis; atque Luna tantilla parte à Phasi Dichotomiæ deficiens, tanquam Dichotoma videbitur, seu ejus Phasis a Dichotomiæ Phasi distingui nequit. Si itaque in illa apparenti Phasi ponatur momentum Dichotomiæ

F f f

miæ

miæ veræ ; hoc est, cum 30. min. à Quadratura distat, elicietur inde distantia Solis æqualis 6876. semidiametris terrestribus.

Observationes testantur Lunam cum à Quadratura 30. min. distat tanquam Dichotomam apparere, & sub ipsa Quadratura, ejus Phasin à Phasi Dichotoma distingui non posse, immo Dichotoma apparet Luna optimo Telescopio visa, postquam Quadraturam superavit, ut ipse Ricciolus agnoscit in Almagesti p. 734. Itaque Luna ad minimum per spatium unius horæ, tanquam bisecta videbitur, cujus temporis momentum quodlibet eodem jure quo aliud quodvis tanquam momentum veræ Dichotomiæ assumi potest ; & pro infinitis diversis quæ assumi possunt temporum momentis, infinitæ diversæ elicientur Solis à Terra distantia. Hinc manifeste patet, distantiam Solis accurate hac methodo obtineri non posse.

Cum incertum sit veræ Dichotomiæ momentum, certum tamen sit Phasin illam ante Quadraturam accidere ; Ricciolus assumit articulum temporis medium inter tempus quo phasis Lunæ sit dubia & momentum Quadraturæ. Sed rectius fecisset, si assumpsisset tempus medium inter Phasim dubiam quando primo Luna cava videri desiit, & tempus antequam primo convexa apparere incipit, quod tempus contingit post Quadraturam, hac ratione Tellurem ad majorem à Sole semovisset distantiam, quam est illa quæ ex ejus calculo elicitur.

Non opus est hanc methodum ad Dichotomiæ phasim alligari, nam in alia qualibet phasi vel à Dichotomia deficiente ; vel illam superante, possumus Solis distantiam investigare æque accurate ac in Dichotomia. Observetur enim optimo Telescopio Phasis Lunæ & eodem temporis momento ejus elongatio à Sole, dabiturque per observationem pars semidiametri Lunæ illustrata à nobis visa, si hæc à semidiametro deficiat, ab illa auferatur, sin superet, semidiameter Lunæ ab illa subtrahatur & notetur residuum. Fiatque ut semidiameter Lunæ ad hoc residuum, ita Radius ad quartum, hic erit sinus anguli qui ad rectum additus,

tus, vel ab eo ablatus, dat angulum exteriores trianguli ad Lunam, sed datur Angulus ad Tellurem, qui est Elongatio observatione cognita, quare hic ab exteriori angulo ablatus dabit angulum ad Solem; quare in triangulo SLT dantur omnes anguli, & latus TL, ex iis innotescet ST, distantia Telluris à Sole. Sed difficile est observare accurate quantitatem Phasis Lunaris, ita ut non in aliquibus secundis error admittatur; adeoque neque hac methodo satis præcise obtineri potest Telluris à Sole distantia. Ex similibus autem observationibus certum est, Solem longius 7000. semidiametris Telluris ab illa distare.

Cum itaque tanta sit Solis distantia, ut neque per Eclipses, neque per Lunæ Phases, ejus cognitio obtineri possit, ad Planetarum Parallaxes Martis scil. aut Veneris investigandas confugiunt Astronomi, quæ si darentur, Solis quoque Parallaxis & distantia per se inscrutabiles, facile elicerentur. Nam ex Theoria motuum Telluris & Planetarum, dantur pro quolibet temporis momento, ratio distantiarum Solis & Planetæ à Terra; & Parallaxes Horizontales sunt in harum distantiarum ratione reciproca; quare si detur Parallaxis Planetæ cujuscvis, dabitur quoque Parallaxis Solis.

*Certius
cognoscitur
Parallaxis
Solis per
Parallaxes
Martis
& Veneris.*

Mars autem in situ Achronichio, hoc est, Soli oppositus, Telluri plusquam duplo propior est quam Sol, unde ejus Parallaxis plusquam duplo major erit: at Venus, cum est in conjunctione cum Sole inferiore, Terris fere quadruplo est vicinior quam Sol, ejusque proinde Parallaxis in eadem ratione major erit: quare etsi exigua Solis Parallaxis sit sensibus inobservabilis, Veneris autem & Martis duplo vel quadruplo majores Parallaxes possunt oculis nostris manifeste se prodere. In perscrutanda Martis Parallaxi in situ Achronichio, non parvam impenderunt operam celeberrimi nostri ævi Astronomi. Eandemque circiter 25. scrupulorum secundorum, saltem non majorem pro certo statuerunt; unde facili negotio colligetur Solis Parallaxim non majorem esse $12\frac{1}{2}$ secundorum scrupulorum; & inde prodit distantia Solis à Terra circiter 17200. Telluris semidiametris æqualis.

Ex observatione Veneris per Solis Discum transcurrentis, quod Anno 1761. continget, methodum exposuit Dominus Hallejus (cui in primis Astronomia plurimum debet) qua Parallaxis Solis ejusque distantia satis præcise, scil. intra quingentesimam sui partem obtineri possit; cujus itaque vera quantitas ad illud tempus dubia manebit.

*Quo pa-
cto Lu-
næ Pa-
rallaxis
ad da-
tum tem-
pus cal-
culo in-
notescat.*

Quoniam methodus ab Astronomis tradita, qua Eclipses Solis prædicentur, postulat, ut Lunæ Parallaxes tam in Longitudine quam Latitudine calculo innotescant; quinetiam quotiescunque locus Lunæ in cælo observatus cum eo, qui Tabulis elicitur ad comprobendam Lunæ Theoriam comparandus sit, necesse est ut locus verus reducatur ad visum, quod fieri non potest, nisi per Parallaxeos calculum. Convenit, ut modum exponamus, quo Lunæ Parallaxis ad datum quodlibet temporis momentum calculo innotescat.

TAB. 36.
fig. 4.

Primo ex Tabulis Astronomicis, computetur locus Lunæ in Ecliptica, ad datum temporis momentum. Et in figura sit HO Horizon, HZO Meridianus, Z vertex; EC Ecliptica, in qua sit locus Lunæ, ex Tabulis Astronomicis notus L; sitque primo Lunæ Latitudo nulla. Ex vertice Z cadat in Eclipticam circulus Latitudinis ZN, erit punctum N nonagesimus Eclipticæ gradus. Quoniam datur Recta Solis Ascensio, & ex hora data, distantia Solis æquatoria à Meridiano, dabitur punctum Æquatoris culminans. Quod est Ascensio recta medii cæli, seu puncti Eclipticæ quod sub Meridiano jacet; unde & hoc Eclipticæ punctum dabitur, sicuti angulus ZEN Eclipticæ cum Meridiano, quod fiat vel per calculum à nobis in Lectione de Doctrina Sphærica explicatum, vel per Tabulas Astronomicas; unde dabitur arcus Eclipticæ EL. Sed datur arcus EÆ declinatio medii cæli seu puncti E, datur etiam ZÆ, quare dabitur arcus ZE; itaque in triangulo rectangulo ZNE, datur latus ZE, cum angulo ZEN; quare invenietur EN, & punctum N seu nonagesimus Eclipticæ gradus, & ZN ejus à vertice distantia, cujus complementum NA est mensura anguli Horizontis & Eclipticæ. Et quoniam datur locus Lunæ L, datur arcus NL. In trian-
gulo

gulo itaque ZNL rectangulo, dantur latera ZN & NL, inde invenietur angulus ZLN, qui angulus Parallaxicus dicitur, & latus ZL distantia Lunæ à vertice. Fiat ut Radius ad finem arcus ZL ita Parallaxis Lunæ Horizontalis è Tabulis eruenda ad Parallaxim ejus in L, quæ itaque invenietur, sit illa OL; ab O in Eclipticam cadat perpendicularis Om. In triangulo exiguo LOm quod pro rectilineo haberi potest, datur præter angulum rectum, latus LO, & angulus OLm æqualis angulo ZLN; quare dabitur arcus Lm Parallaxis Longitudinis, & Om Parallaxis Latitudinis, quæ erant inveniendæ.

*Angulus
Paralla-
cticus
quis,*

Habeat jam Luna Latitudinem aliquam, ita ut ejus locus in Ecliptica sit punctum L, sed in circuli Latitudinis LP, puncto P. Et quoniam angulus NLP rectus est, & datur angulus NLZ, dabitur ejus complementum ZLP. In triangulo ZLP, dantur duo latera scil. ZL prius inventum & LP Latitudo Lunæ, & angulus ZLP, quare invenietur latus ZP, cum angulo ZPL: fiat ut Radius ad finem arcus ZP ita Parallaxis Lunæ Horizontalis ad quartum, sit is Pq, hic arcus erit Parallaxis Lunæ in circulo Altitudinis. Sit qd arcus Eclipticæ parallelus & in triangulo exiguo dPq, quod pro plano haberi potest, datur præter angulum rectum, latus Pq cum angulo dPq complemento anguli noti ZPL ad duos rectos; quare dabitur Pd Parallaxis Latitudinis & qd Parallaxis Longitudinis. Nam ob parvam Lunæ Latitudinem paralleli arcus dq, inter duos circulos Latitudinis interceptus vix differt ab arcu Eclipticæ qui iisdem interjicitur.

LECTIO XXII.

Theoria Motus Telluris Anni.

Hucusque generales Planetarum affectiones recensuimus, & Phænomena quæ ex illorum motu, & motu Telluris conjunctim oriuntur, explicavimus. Transeamus nunc ad particulares motuum Theorias contemplandas, quibus singulorum Periodi, à Sole distantia, Orbitalium species,

*Planeta-
rum par-
ticula-
res The-
orie sunt
inve-
niendæ.*

*Haec à
Theoria
Terræ
pendent.*

*Locus
Terræ
per ob-
servatio-
nem loci
apparen-
tis Solis
cognosci-
tur.*

*Puncta
Æqui-
noctialia
& Solsti-
tialia.*

*Dies non
sunt
noctibus
æquales
nisi Sol in
meridie
puncta
Æqui-
noctialia
ingredia-
tur.*

& Positiones determinantur; ex quibus datis, eorum loca in Zodiaco, ad datum tempus computari possunt. Et quoniam Planetarum Theoriæ in motu Telluris fundantur, & ejus ope investigantur; convenit ut à Theoria Terræ incipiamus.

Ostensum fuit in Lectione septima, quod ex Telluris motu circa Solem, oritur apparens Solis motus in Ecliptica annuus, & quod Sol ex Tellure conspectus videtur eundem in cælo circulum describere, Eclipticam scil. quem spectator in Sole constitutus Tellurem percurrere conspiceret. Locus autem Telluris è Sole spectatus semper è diametro opponitur ei, in quo Sol è Terra visus in Ecliptica apparet; adeoque quando Sol à nobis videtur in γ , Tellus revera signum π occupat; cum hic in \odot cernitur, illa ω tenet. Adeoque ex loco Solis apparente, observatione cognito, semper habebitur Locus Telluris in propria orbita è Sole visus.

Cum Ecliptica Æquinoctialem secet in duobus punctis oppositis, Sol bis in quolibet anno, in Æquinoctiali circulo videbitur, cum scil. ad sectiones motu apparenti pervenerit; in reliquo omni anni Tempore, vel in Boream, vel in Austrum declinare videbitur; maxime autem ab Æquatore distat, in punctis Eclipticæ ab utraque sectione æque distantibus; hoc est, 90. gradibus ab utraque sectione remotis; in quibus dum Sol videtur, Declinationem per aliquot dies vix mutare observatur, diesque iidem fere manent longitudine. Et proinde puncta illa quæ sunt initium \odot & initium ω Solstitia dicuntur. Sicuti puncta Intersectionum Æquinoctialis & Eclipticæ, Æquinoctia appellantur, quoniam Sol in iis visus, dies noctibus æquales efficit.

Cum Sol continuo in Ecliptica incidere, & singulis diebus gradum circiter unum versus orientem promoveri videtur; in punctis Æquinoctialibus nunquam morabitur, & eodem temporis momento, quo illa attinget, eadem relinquet. Adeoque licet dies in quo Æquinoctium celebratur, Æquinoctialis dicatur; quod dies ille nocti æqualis censetur, hoc tamen præcise verum non est, nisi Æquinoctium in

in ipsa Meridie celebretur; nam si Sol oriens æquinoctium vernale ingressus fuerit, vespere occidens spatio 12. minutorum ab æquinoctio declinabit; adeoque dies ille erit duodecim horis longior, & nox sequens brevior. Sed differentia tantilla est, ut in rebus physicis negligi possit.

Temporis momentum, quo Sol æquinoctia ingreditur, ex data Latitudine loci, sic observatione innotescet. In ipso die Æquinoctii aut circiter, instrumento affabre facto, & in gradus & minuta minutorumque partes diviso, capiatur Solis Altitudo Meridiana; si hæc æqualis fuerit Altitudini Æquatoris, seu complemento Latitudinis loci, Æquinoctium illo ipso momento celebratur, sin differant, notetur differentia, erit illa Solis Declinatio. Die deinde sequente; rursus observetur Solis Altitudo Meridiana, & exinde eliciatur ejus Declinatio, si Declinationes sic inventæ fuerint diversi nominis, puta una Australis, altera Borealis, cadet Æquinoctium in aliquo temporis intermedii puncto, inter observationes, elapsi; sin ejusdem sint nominis, nondum factum erit Æquinoctium, vel præteritum: ex his declinationibus observatis, momentum Æquinoctii hac ratione exquiritur; sit CAB portio Eclipticæ, ÆAQ Æquatoris arcus, eorumque intersectio punctum A, sit CÆ Declinatio Solis in prima observatione, ED ejus Declinatio in secundâ, erit CE motus Solis in Ecliptica, uni diei competens. In triangulo Sphærico rectangulo CÆA, datur angulus A, qui est Inclinatio Eclipticæ ad Æquatorem, (quam Lectione XX. invenire docuimus.) Item CÆ Declinatio Solis observata; invenietur itaque arcus CA. Et in triangulo AED rectangulo ad D, ex datis DE, & angulo A, invenietur AE, inde dabitur arcus CE, Arcuum scil. CA, AE summa vel differentia. Fiat igitur ut CE ad CA, ita 24. horæ ad spatium temporis inter observationem primam, & momentum Æquinoctii, quod proinde dabitur.

*Tempus
Æqui-
noctii
observa-
tione de-
termina-
tur.*

TAB. 36.
fig. 5.

Si proxime sequenti anno, rursus observetur ejusdem Æquinoctii momentum, tempus intermedium dabit spatium unius anni Tropici, seu Tempus in quo Sol, vel potius

*Quantitas Anni
Tropici
determinatur.*

Terra Eclipticam percurrit, quod annus Tropicus dicitur; quia illo peracto, Anni tempestates eadem redeunt. Verum per observationes, spatio temporis tantum annuo distantes, non tuto determinatur Quantitas Anni, nec exinde pendens motus Solis apparens, seu Terræ verus definiri potest; nam error parvus, puta unius minuti, observando admissus, continuo auctus, & annorum decursu, eorum numero multiplicatus, in enormem excresceret magnitudinem. Igitur Astronomi accuratius annum definiunt, capiendo duas Æquinoctii observationes, longissimo annorum intervallo à se invicem distitas, & dividendo tempus inter observationes elapsum, per numerum revolutionum Solis; Quotiens exhibebit tempus uni revolutioni seu anno congruens; nam sic error, si quis sit in observando commissus, is in plures annos distributus, insensibilis evadit.

*Annus
Anoma-
listicus.*

Anni tempus sic definitum invenitur constare diebus 365. horis 5. min. 48. secundis 57; quod Tempus minus est Periodo Telluris circa Solem in propria orbita, qui Annus Anomalisticus, vel Periodicus dicitur: nam ob Præcessionem Æquinoctiorum, à nobis in Lectione octava explicatam, qua puncta Æquinoctialia quotannis minutis secundis 50. regrediuntur, Solique obviam eunt, Sol prius Æquinoctio occurreret, quam totum circulum seu orbitam absolverit, est autem Periodus seu Annus Anomalisticus dierum 365. horarum 6. min. 9. secundis 14.

*Motus
Solis in
Eclipti-
ca inæ-
quabilis
observa-
tur.*

Si motus Telluris circa Solem æquabilis esset; hoc est, si æquales angulos circa Solem temporibus æqualibus describeret Tellus, motus Solis in Ecliptica visus, esset etiam æquabilis; ejusque motus diurnus esset 59. minut. prim. & 8. min. secund. unde motus Solis visus, ejusque locus in Ecliptica ad quodlibet tempus, facili computatione innotesceret; verum ex observationibus constat, motum Solis apparentem minime æquabilem esse, & illum aliquot Eclipticæ portiones velociore gradu percurrere, in aliis lentius incedere; & speciatim in Boreali Eclipticæ semicirculo describendo, Sol octo plures dies impendit, quam dum per Australem movetur, qui æquali præcise tempore hunc semicir-

micirculum apparenter percurreret, ac priorem, si motu æquabili lata esset Tellus. Præterea si quotidie observationibus factis, exploretur motus Solis apparens in Ecliptica, is aliquibus diebus deprehendetur minuta 61. adæquare, & in aliis minuta 57. non superare.

Solis motus in Ecliptica diurnus hac ratione exquiritur, *Quaratione Solis motus diurnus exploretur.* sit CB Ecliptica, ÆQ Æquator, eorum interseccio A, capiatur instrumento Altitudo Solis Meridiana, & nota quoque sit Altitudo Æquatoris in loco observatoris, harum Altitudinum differentia erit Declinatio Solis, quæ proinde dabitur. Sit G locus Solis in Ecliptica, FG Declinatio, in triangulo rectangulo GFA, ex dato latere FG & angulo A, invenietur arcus AG distantia Solis ab æquinoctio, seu ejus Longitudo, & proinde ejus Locus in Ecliptica in momento observationis; die deinde sequente, similiter in Meridie exploretur Solis Declinatio, quæ sit ML, ex qua & angulo A, eodem modo innotescet arcus MA, ex illo sublato AG, relinquetur arcus Eclipticæ GM à Sole uno die descriptus, cujus quantitas pro vario Telluris in orbita sua loco, varia erit. *TAB. 36. fig. 5.*

Veteres Astronomi, qui nullum in cælis motum præter *Hypothesis veterum circularisquæ Phænomena explicabant.* circularem & æquabilem admittebant, quo hanc inæquabilitatem apparentem solverent, statuebant Tellurem circa Solem, vel Solem circa Tellurem (perinde enim est) æqualiter deferri in circulo excentrico; hoc est, in circulo cujus centrum à centro Eclipticæ (in quo vel Solem vel Terram ponebant) distabat, hunc circulum æquabili, ut dixi, motu describi voluerunt, ideoque cum centrum Eclipticæ à centro motus æquabilis distet, Telluris vel Solis motus ex centro Eclipticæ visus inæquabilis videbitur.

Sit circulus $\text{V}\text{D}\text{E}\text{V}$ Ecliptica, cujus centrum tenet Sol, *TAB. 36. fig. 6.* MPNA orbita Terræ, ejusque centrum C, distans à centro Eclipticæ recta CS quæ Excentricitas dicitur; Tellus in hoc circulo motu æquabili moveri supponitur; ideoque erunt anguli omnes circa centrum C descripti temporibus proportionales, & ex C visa Tellus, non tardius videbitur incedere in A, quam in P. At ex centro Eclipticæ spectata, quoniam

G g g

in

Excentricitas quid?

in A longius distat, quam in P, minores Eclipticæ arcus temporibus æqualibus videbitur describere, in illo, quam in hoc situ. Adeoque Tellure in A existente, ex illa spectator Solem aspiciens in \odot , illum lentiore motu in Ecliptica ferri videbit, quam cum Tellus est in P, & Sol in ϖ exinde spectatur.

Et quoniam Arcus Excentrici NAM major est semicirculo, & NPM semicirculo minor, patet longiore tempore describi arcum NAM quam NPM; sed tempore, quo Tellus fertur per peripheriam NAM; Sol videtur semicirculum Eclipticæ borealem $\vee \odot \approx$ percurrere, & dum Tellus movetur per arcum MPN, Sol per alterum australem Eclipticæ semicirculum deferri conspicitur, unde patet ratio brevioris moræ in hoc quam in illo.

Quaratione
Excentricitas
& Apfidum
positio in
hac Hypothesi
determinantur.

His positis, Excentricitatem orbitæ, Apfidumque positiones, hac ratione determinare licet. Observentur eodem anno, momenta utriusque Æquinoctii, Vernalis scilicet & Autumnalis; item locus Solis in Ecliptica, in alio quovis tempore intermedio, qui sit Ω , Tellure in \approx existente. Cum Tellus est in orbitæ suæ puncto N, videtur Sol in Eclipticæ puncto \vee , deinde ad L delata Terra, Sol in Ω apparet; ad M vero diverta Tellure, in \approx conspiciendus erit Sol. Ducantur ad Telluris locum in L, rectæ SL, CL; item CM, MN, CN jungantur, & CM, SL se interfecent in O. Ex observatis Solis locis, dabitur angulus $\vee S \Omega$, & hujus ad duos rectos complementum $\approx S \vee$. Porro ex intervallis temporum inter observationes datis, dantur arcus LM seu angulus LCM, item arcus NAM temporibus proportionales, unde & arcus NPM angulus NCM quoque dabuntur. In triangulo Isoscele MCN, ex dato angulo MCN, dabuntur anguli M & N ad basim; uterque enim est dimidium complementi anguli MCN ad duos rectos. Sed in triangulo MOS, datur ex observatione angulus MSO, hoc est, $\vee S \approx$; unde dabitur quoque angulus MOS datorum complementum ad duos rectos, & huic æqualis angulus LOC. Ponatur LC Radius Excentrici esse partium 100000. Et in triangulo LCO, ex datis angulis, & late-

re

re LC, dabitur latus OC, sed datur MC æqualis LC; ergo innotescet MO. In triangulo MOS dantur omnes anguli, & latus MO, inde invenietur OS. Denique in triangulo SOC, ex datis SO, OC & angulo SOC, qui est anguli SOM complementum ad duos rectos; invenietur SC Excentricitas, & angulus OSC, ad quem addatur angulus MSO, & habebitur angulus MSA; seu arcus $\vee \wp$ distantia Aphelii ab Æquinoctio, ex quo, datur positio lineæ Apfidum. Q. E. I.

Hac methodo, inveniebant Astronomi Excentricitatem SC esse partium 3450, qualium Radius Excentrici est 100000. Unde motum locumque Solis ad datum tempus calculo facili sequente investigabant: sit in orbita Terræ AP linea Apfidum, A Aphelion, L Tellus orbitam circularem uniformiter describens, arcus AL vel angulus ACL tempori proportionalis erit Anomalia Terræ media; sicuti Arcus Eclipticæ $\wp \approx$, seu angulus ASL Anomalia ejus vera, data jam Anomalia media AL, datur ejus sinus LQ; & cosinus QC, cui addatur nota Excentricitas, & dabitur tota SQ. Fiatque ut SQ ad LQ, ita Radius ad Tangentem anguli QSL; qui itaque erit notus. Vel sic. In triangulo SCL, dantur latera SC, CL & angulus SCL complementum Anomaliæ mediæ ad duos rectos, unde invenietur angulus LSC vel LSA Anomalia vera: nempe fiat, ut CL + CS ad CL — CS, ita Tangens semissis anguli LCA, ad quartum qui erit Tangens semissis differentiæ angulorum CSL & CLS; hinc cum SC & CL sint datæ & constantes quantitates, differentia Logarithmorum CL + CS & CL — CS, erit constans quantitas; adeoque si illa semper auferatur à Tangente Logarithmicâ semissis anguli LCA, dabitur Tangens Log. semidifferentiæ angulorum CLS & CSL, sed datur eorum summa, unde innotescet angulus LSA, qui ostendet locum Telluris in Ecliptica è Sole visum; & punctum Eclipticæ huic oppositum, erit locus Solis ex Tellure apparens. Q. E. I.

In primo Anomaliæ semicirculo ALP, Anomalia media ACL major est verà ASL. Nam est angulus externus ACL

*Æquatio
& Pro-
sthaphere-
resis
Quid?*

major interno & opposito ASL . Et si ab Anomalia media ACL auferatur angulus CLS restabit angulus LSC Anomalia vera. In secundo Anomaliæ semicirculo PRA , Anomalia media est minor vera; sit enim Terra in R , erit Anomalia media arcus APR , vel rejecto semicirculo arcus PR , vel huic proportionalis angulus PCR . At Anomalia vera; rejecto semicirculo, est angulus PSR , qui æqualis est PCR & CRS , unde si ad Anomaliā mediam addatur angulus CRS , habebitur Anomalia vera PSR , locusque Terræ in Ecliptica; Angulus CLS vel CRS dicitur *Æquatio & Prosthapheresis*, eo quod nunc addendus sit, nunc subtrahendus à motu æquabili, quo habeatur motus verus.

Hæc veterum Theoria, cum motu Solis apparente ex crassis eorum observationibus elicitō, fatis accurate congruebat; at aliorum Planetarum motus non secundum similem Theoriam peragi, observationes testantur, & agnoscit Ptolemæus. Est præterea in ipso Sole Phænomenon, cui non respondit veterum Theoria, quodque illam falsam esse evincit, scil. observationes accuratissime factæ ostendunt Solis diametrum apparentem in Aphelio, esse minutorum 31. secund. 29, in Perihelio, min. 32. secund. 33, sed diametri Solis Apparentes sunt reciproce ut solis distantia à Tellure, unde prodit veram Solis distantiam cum Terra est in Aphelio, esse ad distantiam Solis in Perihelio, ut 1953. ad 1889. Sed si, superius tradita Theoria vera esset, distantia Aphelii esset ad distantiam Perihelii, ut 10345 ad 9655, quæ ratio major est priore; nam si Excentricitas esset partium 345, qualium Radius Excentrici est 10000. Et si diameter apparens Solis in Perihelio sit $32' 33''$, Diameter in Aphelio erit tantum $30' 22''$; contra observationes. Falsa est itaque illa Theoria, quæ tantam ponit Excentricitatem. Nam bisectâ Excentricitate, ejus semissis melius respondet diametris Solis apparentibus observatis. At talis Excentricitas, posito quod centrum Excentrici sit centrum quoque motus medii, non æque Phænomenis motuum congruit. Nam observationes testantur *Æquationes* seu *Prosthaphereses* duplo majores esse, quam quæ ex bisectâ Ex-

cen-

centricitate eliciuntur; adeoque necesse est ut falsa sit illa veterum Theoria.

Hæc perspicuius sagacissimus Keplerus, docuit Excentricitatem bifecandam esse, ita ut centrum Excentricæ orbitæ sit in D, medio loco inter Solem & punctum C, ex quo Telluris motus visus æquabilis apparet, punctumque illud C ab excentrici centro diversum & dimidiâ veterum Excentricitate ab eo distans, centrum mediæ motus dicebatur, quia ex illo, motus Telluris semper videndus sit ad sensum mediæ inter celerem & tardum ejus in Ecliptica incessum.

*Kepleri
correctio
hujus
Theoriæ.*

Verum Copernicus, alique Astronomi absurdum esse censebant, Tellurem in circulo deferri, cujus centrum diversum sit à centro motûs æquabilis, ex quo sequeretur Tellurem inæquabili motu peripheriam orbitæ suæ percurrere contra Axioma ab iis stabilitum quo motum omnem in cælis æquabilem statuebant. Ideoque Keplerus cum demonstrasset Martem, & Planetas reliquos, non in orbitis circularibus, sed Ellipticis deferri circa Solem in Ellipseos focorum uno constitutum, eaque lege motus eorum temperari, ut Radii à Planetis ad Solem ducti verrant Areas Ellipticas temporibus proportionales, æquum esse censebat ut Tellus eadem lege, in simili orbita circa Solem quoque deferatur: hæc Theoria omnibus Phænomenis ad amissim respondet, sed ex illa sequitur, nulla dari centra motuum æquabilium, ex quibus angulos temporibus proportionales describentes videri possunt Planetæ. Hinc factum est, ut plurimi Astronomi centrum motûs æquabilis dari statuentes, hanc Kepleri Theoriam rejiciebant, sed Ellipticam tamen orbitæ formam retinebant; & quoniam in Ellipseos Axe sunt duo puncta in æqualibus à centro distantiis quæ foci appellantur, in quorum altero Sol locatur, & alter à centro Ellipseos tantum distat, quantum Sol; hunc focum dupla excentricitate à Sole distantem, tanquam centrum motus æquabilis ponebant, & ex illo Planetas describere angulos temporibus proportionales dicebant. Quod quidem in Ellipsis parum Excentricis, quam proxime verum est, uti agnoscit Keplerus & in sequentibus demonstrabitur.

Huic Hypothefi eo magis favebant, quod nulla illis innotuit methodus directâ & Geometrica in Kepleri Theoria, inveniendi Anomaliam veram; ex media; quod per alteram Theoriam facillime præstabant. Ob hunc itaque defectum, Astronomi non pauci Kepleri ἀγεμελῆνοίαν objicientes ad alias Hypotheses veris naturæ legibus minus congruas confugiebant; fingendo punctum aliquod, quod esset centrum motus æquabilis, è quo Planetæ angulos temporibus proportionales describere videantur. Cum tamen Theoria Kepleri locum revera in natura obtineat; & observationes testentur Planetas omnes secundum ejus leges motus suos temperari, illa ob defectum Geometriæ rejicienda non est; nec video cur culpa in Theoriam transferenda sit, quæ Astronomorum in Geometria imperitiæ potius debetur. Quo autem ἀγεμελῆσις labes in posterum deleatur, in sequenti Lectione methodum ostendemus directam, eliciendi Planetæ Anomaliam veram ex media.

LECTIO XXIII.

*De Motu Planetæ in Ellipsi. Et Solutio Problematis
Kepleri, de sectione Areæ Ellipticæ.*

KEPLERUS primus demonstravit Planetas non in orbitis circularibus, sed Ellipticis deferri, Solemque in Ellipseos focorum alterutro situm, ea ratione circumire; ut Radius à Planeta ad Solis centrum protensus semper verrat Areas Ellipticas, quæ temporibus quibus describuntur sunt proportionales.

*In Plan-
etis
quadrata
Tempo-
rum Pe-
riodico-
rum sunt
ut Cubi
distanti-
arum à
Sole.*

Divinum hoc sagacissimi Kepleri inventum, exactissimis Tychonis Braheæ observationibus debetur, & tanto magis est suspiciendum, quod illius ope, Universales motuum leges, totumque systema Mundanum, hoc est, Philosophiam cælestem felicissime à nemine antea perspectam patefecit Dominus *Newtonus*.

Demonstravit etiam Keplerus ex observatis motibus, in Universis Planetis Tempora Periodica esse in sesquiplicata ratione distantiarum à Sole mediarum, seu Axium majorum El-

Ellipsium quæ sunt distantiarum mediarum dupla; hoc est, Quadrata temporum Periodicorum sunt ut cubi Axium majorum. Adeoque si in duabus diversis Ellipsis, Axes majores nominentur A, a , Tempora Periodica T, t , erit $T^2 : t^2 :: A^3 : a^3$ & $T : t :: A^{\frac{1}{2}} : a^{\frac{1}{2}}$.

Hinc sequitur in diversis Ellipsis, Areas simul, vel æqualibus temporibus descriptas esse, in subduplicata ratione Laterum Rectorum Ellipsium: quod sic ostendo. Notum est ex natura Ellipseos quod ejus Area tota sit ut rectangulum sub Axibus. Hoc est, si Ellipseos majoris Axes dicantur A & M , minoris a & m ; erit Area Ellipseos majoris ad Aream minoris ut $A \times M$ ad $a \times m$; adeoque cum de Arearum ratione agatur, hæc rectangula loco Arearum poni possunt. In majore Ellipsi dicatur Area in aliquo tempore descripta X , in minore Area eodem tempore descripta vocetur x , & tempus quo describuntur Areae vocetur y . Ellipsium Latera Recta sint L & l . Tempora Periodica T, t . Ex supra explicata Theoria est,

Area Elliptica & diversis Planetis eodem tempore descriptæ sunt ut in subduplicata ratione Laterum Rectorum Ellipsium.

$$X : A \times M :: y : T. \text{ item}$$

$$a \times m : x :: t : y \text{ unde ex æquo}$$

$$X \times a \times m : x \times A \times M :: t : T :: a^{\frac{3}{2}} : A^{\frac{3}{2}}.$$

sed quoniam est Axis minor media proportionalis inter Axem majorem & latus rectum erit $M = A^{\frac{1}{2}} \times L$ & $m = a^{\frac{1}{2}} \times l^{\frac{1}{2}}$ unde $X \times a^{\frac{1}{2}} \times l^{\frac{1}{2}} : x \times A^{\frac{1}{2}} \times L :: a^{\frac{3}{2}} : A^{\frac{3}{2}}$, quare $X \times l^{\frac{1}{2}} = x \times L^{\frac{1}{2}}$ & $X : x :: L^{\frac{1}{2}} : l^{\frac{1}{2}}$ sunt itaque in diversis figuris, Areae simul descriptæ in subduplicata ratione Laterum Rectorum. Q.E.D.

Cum itaque Lex secundum quam Planetarum motus reguntur, sit æquabilis arearum descriptio, necesse est, ut non uniformi, sed inæquali celeritate Planetæ in orbitis ferantur, & à Perihelio ad Aphelium tendentes, remissiore gradu continuo incedant, ab Aphelio autem ad Perihelion descendentes, gradum accelerent, & in Apheliis tardissime, in Periheliis celerrime moveantur. Et velocitas erit ubique reciproce, ut perpendicularis à centro Solis demissa in rectam quæ per Planetam transit & orbitam tangit. Sit DAF

TAB. 36.
fig. 7.

El.

Ellipsis, cujus focus S; & sint arcus AB, *ab* æqualibus temporibus quam minimis descripti; erunt triangula SAB S *ab* æqualia, sunt enim Areae quas Radius vector æqualibus temporibus describit. Ex foco S in tangentes AP; *ap* demittantur perpendiculares SP, *sp*; & erit triangulum SAB æquale $\frac{1}{2}$ SP \times AB, sicut triangulum S *ab* æquale $\frac{1}{2}$ *sp* \times *ab*. Adeoque erit SP: *sp* :: *ab*: AB; fed *ab*, AB cum sint lineæ æqualibus temporibus descriptæ, sunt ut velocitates. Quare erit velocitas in *a* ad velocitatem in A ut perpendiculum SP ad *sp* perpendiculum.

Sequentia duo de Planetarum motibus invenit Theorematum Cl. Geometra *Abrahamus De Moivre*.

THEOREMA I.

TAB. 37.
fig. 1.

Sit APB orbita Elliptica, in qua movetur Planeta circa Solem in foco S locatum. Sit C centrum Ellipseos, CB semiaxis major, CD semiaxis minor; F alter focus, & sit Planeta in P; ductis rectis SP FP, erit velocitas Planetæ in P ad velocitatem in distantia ejus media SD, in subduplicata ratione distantiae ejus FP ab altero Ellipseos foco F, ad ejusdem distantiam à Sole SP. Recta EPG tangat Ellipsim in P, & à focus in tangentem demittantur perpendiculares SE FG; & DH tangat orbitam in D in quam cadat perpendicularis ex S recta SH.

Per Corol. Prop. primæ *Princip. Newtoni*. Est velocitas in P ad velocitatem in D, ut SH seu CD ad SE. Adeoque quadratum velocitatis in P, erit ad quadratum velocitatis in D, ut CD q : ad SE q hoc est, ex Ellipseos natura, ob CD q = SE \times FG ut SE \times FG, ad SE q ; seu ut FG ad SE: fed ob æquiangula triangula SPE FPG, est ut FG ad SE, ita FP ad SP. Quare quadratum velocitatis in P, est ad quadratum velocitatis in D, ut FP ad SP. Adeoque velocitas in P est ad velocitatem in D ut \sqrt{FP} ad \sqrt{SP} . Q.E.D.

THEOREMA II.

Hisdem positis Radius est ad sinum anguli SPE ut $\sqrt{SP \times FP}$ ad CD.

Nam est SP q : SP \times FP :: SP: FP :: SE: FG :: SE q : SE \times FG

$SE \propto FG :: SE q : CD q$ unde permutando $SP q : SE q :: SP \propto FP : CD q$: adeoque $SP : SE :: \sqrt{SP \propto FP} : CD$: sed ut SP ad SE , ita Radius ad sinum anguli SPE . Adeoque ut Radius ad sinum anguli SPE , ita $\sqrt{SP \propto FP}$ ad CD .
Q. E. D.

Velocitas Planetæ angularis, seu angulus, quem ad Solem dato tempore minimo describit Planeta, est ubique reciproce in duplicata ratione ejus distantiae à Sole; seu reciproce ut Quadratum distantiae: sint AB *ab* arcus Elliptici æqualibus temporibus percurfi. Centro S , intervallis SB, Sb , TAB 36.
fig. 7. describantur arcus minimi BE, be , in Sb capiatur Sm æqualis Sb & describatur arcus mn . Et erit velocitas angularis in b ad velocitatem angularem in B , ut arcus be ad arcum mn . Sed ratio be ad mn componitur ex ratione be ad BE , & BE ad mn ; & quoniam triangula BSA, bSa sunt æqualia, erit be ad BE , ut SB ad Sb . Est vero BE ad mn (quia sunt arcus similes) ut SB ad Sm , seu ut SB ad Sb . Quare erit velocitas angularis in b ad velocitatem angularem in B , in ratione composita SB ad Sb & SB ad Sb , hoc est, ut quadratum SB ad quadratum Sb .

Sed ut inæquales Planetæ motus, varique velocitatis incrementa & decrementa manifestius vobis exponantur; convenit Planetæ motum in diversis orbitæ suæ locis cum motu æquabili corporis in circulo lati comparare. Sit itaque Planetæ orbita $AEBF$, cujus focus in quo Sol S , Axis major AB , minor OQ . Centro S intervallo SE , quod sit TAB 37.
fig. 2. medium proportionale inter AK , & OK , scil. inter semiaxem majorem & minorem, describatur circulus $CEGF$; hujus circuli Area erit æqualis Areae Ellipseos, uti facile est ex Conicis demonstrare. Ponamus punctum aliquod peripheriam $CEGF$ æquabiliter percurrere, eodem tempore quo Planeta in Ellipsi periodum suam absolvit, cumque Planeta in Aphelio A existit, punctum æquabiliter incedens sit in lineæ Apsidum puncto C , hoc punctum motu suo, Motum Planetæ medium seu æquabilem exponet; & describet circa S sectores circulares temporibus proportionales, & æquales Areis Ellipticis à Planeta eodem tempore
riptis. H h h Sit

Sit jam motus æquabilis, seu angulus circa S descriptus tempori proportionalis CSM, capiatur Area ASP æqualis sectori CSM, & locus Planetæ in propria orbita erit P, angulusque MSD differentia inter motum Planetæ verum & medium erit Æquatio seu Prosthaphæresis, & Area ACDP erit æqualis sectori DSM; est itaque Area ACDP Prosthaphæresi seu Æquationi proportionalis. Adeoque ubi hæc Area est maxima, ibi æquatio erit maxima, sed Area illa est maxima in puncto E, ubi circulus & Ellipsis se mutuo secant, nam ulterius descendente Planeta ad R, Æquatio fit proportionalis differentiæ Arearum ACE & m EK; seu Areæ GBR m ; sit enim V locus puncti peripheriam circularem æquabiliter describentis, & erit sector CSV æqualis Areæ Ellipticæ ASR, unde ablatis spatiis communibus, erit Area ACE demptâ Areâ RE m æqualis sectori VS m , seu Æquationi. In Perihelio B coincidit motus æquabilis cum motu vero, nam est semicirculus CEG æqualis semi-ellipsi AEB.








Ubi Æ-
quatio-
nes seu
Prostha-
phæreses
sunt
maximæ.

Post decessum Planetæ à Perihelio B, ejus motus motum medium semper antecedit; sit enim angulus GSZ tempori proportionalis. Capienda est Area BSY æqualis sectori GSZ, & erit Y locus Planetæ in sua orbita; unde angulus BSY major erit angulo GSZ, & Area GBYL æqualis erit sectori ZSL, qui Æquationem designat, & ubi Area GBYL fit maxima, ibi æquatio erit maxima, scil. in puncto F, ubi circulus & Ellipsis se mutuo secant. In A velocitas Planetæ est omnium minima, ob distantiam SA omnium maximam, deinde continuo crescit Planetæ velocitas, manet tamen velocitate media minor, usque dum ad E interse-
ctionem circuli & Ellipseos pervenit Planeta, ubi ejus velocitas angularis fit mediæ æqualis, quod sic ostendo. Cum Planeta est in E, sit punctum medio motu in circulo incedens in m , sintque Areæ circa S eodem tempore quam minimo descriptæ n SE, & sector IS m , erunt illæ æquales, unde h E \times ES æqualis I m \times S m , quare ob S m , ES æquales, erit arcus Eb = arcui I m , & angulus n SE æqualis angulo IS m , ad punctum itaque E est velocitas Planetæ angularis æqualis velocitati mediæ. Exinde descendente Plane-

Ubi ve-
locitas est
omnium
minima.

Ubi Pla-
netæ ve-
locitas fit
velocita-
ti mediæ
æqualis.

Ubi velo-
citas fit
maxima.



ta versus Perihelion , velocitas fit major mediâ, & continuo crescit ob continuo diminutam distantiam, donec in Perihelio B fit omnium maxima, ob distantiam SB omnium minimam. Ex quo discedens planeta, & ad Aphelion ascendens, punctum medio motu incedens post se relinquet, sed ejus velocitas semper minuitur, quo longius à Sole recedit, semper tamen manet velocitate media major, usque dum ad intersectionem F pervenit, ubi rursus velocitas fit velocitati mediæ æqualis. Deinde ulterius pergendo, continuo decrescit velocitas, donec Aphelion attingit, ubi fit omnium minima.

Cum itaque Planeta quilibet in diversis orbitæ suæ punctis, inæquali velocitate feratur, & sola æqualitas, quæ in ejus circulatione circa Solem observatur, in Arearum descriptione consistat; nam Area una cum tempore uniformiter augetur. Quo Planetæ locus in propria orbita ad datum tempus determinetur, capienda est Area, quæ sit Tempori proportionalis, quod ut fiat, necesse est ut solvatur Problema quod sequitur.

PROBLEMA KEPLERI.

Invenire positionem rectæ, quæ per datæ Ellipseos focum alterutrum transiens, abscindat Aream motu suo descriptam, quæ sit ad Aream totius Ellipseos in ratione data.

Sit nempe Ellipsis APB, cujus focus alteruter S, invenienda est positio rectæ SP, quæ abscindat aream trilineam ASP, ad quam Area totius Ellipseos eam habeat rationem, quam habet tempus Periodicum Planetæ Ellipsim describentis, ad aliud tempus datum; qua positione inventa, dabitur punctum P, quod Planeta ad tempus illud datum occupat. Vel sit AQB semicirculus super Ellipseos Axem majorem descriptus, ducenda est per S recta SQ abscindens Aream ASQ, ad quam Area totius circuli est in eadem ratione. Nam per hanc circuli sectionem, sectio Ellipseos quæsita facile invenitur, demittendo à puncto Q in Ellipseos axem perpendicularem QH, Ellipsi occurrentem in P, & ducta SP, erit illa recta quæsita, & P locus Planetæ. Est enim semisegmentum Ellipticum APH ad semisegmentum

circulare AQH, ut HP ad HQ, hoc est, ut Area totius Ellipseos ad Aream totius circuli, uti constat ex natura Ellipseos: sed est triangulum SPH ad triangulum SQH, in eadem ratione, *per 1 El. 6ti.* Adeoque *per 12 El. 5ti.* erit Area Elliptica ASP ad Aream circularem ASQ, ut Area totius Ellipseos ad Aream totius circuli; & alternando, Area Elliptica ASP est ad ejus Aream totam, ut Area circularis ASQ ad totum circulum. Adeoque si habeatur methodus ducendi rectam per S, quæ secet Aream circuli in data ratione, facile erit in hac ipsa ratione secare Aream Ellipticam.

Ipsi Keplero, qui primus problema proposuit, nulla innotuit methodus directa computandi locum Planetæ ex dato tempore: ille enim expresse dicit, nullam esse viam directam, ex dato tempore, inveniendi locum Planetæ seu Anomaliam ejus veram. Ideo illi necesse fuit, per singulos semicirculi AQB gradus progrediendo, ex dato arcu AQ, quam Anomaliam excentri vocat, tam tempus per Aream ASQ, quæ Anomaliæ mediæ est proportionalis, quam Angulum ASP, hoc est locum Planetæ seu Anomaliam veram, & coæquatam tempori respondentem calculo eruere, & quoniam Geometrice non potuit Keplerus problema solvere; illi ἀνευρεσθῆναι objiciebant Astronomi, & eum, quasi causis Physicis nimium indulgentem, à Geometria in diversum abiisse censebant, ejusque Astronomiam ex hac Theoria pendentem, tanquam minus Geometricam, labefactabant; & ut vitium hoc effugerent, ad alias transiverunt Hypotheses, fingendo punctum aliquod circa quod motus foret æquabilis, seu anguli descripti temporibus essent proportionales, & exinde data Anomalia media coæquatam seu veram determinabant. Sed computus his Hypothesibus innixus, observationibus non congruere deprehensus est. Nul- lum enim est revera punctum fixum, quod est centrum motus æquabilis, circa quod scil. Planetæ, radiis ad illud ductis, describant angulos temporibus proportionales. Sola- que Theoria, quæ Planetarum motibus ad amissim congruit, est supra explicata Kepleriana. Omnes itaque Astro-
nomi

nomi in æternum laudabunt hoc Kepleri Inventum, ejusque cum cælo consensum; præsertim cum elegantem motuum è causis suis demonstrationem nobis patefacit: illud fane Keplerus tanti fecit, (non improbantibus æquioribus arbitris) ut methodum calculi indirectam sectari maluit, quam aliam Hypothesim à Natura minus probatam comminisci.

Quo itaque ἀγεμετεροίαι labem ex Astronomia deleamus, methodum Geometricam hic ostendemus, qua Ellipseos seu (quod illi æquipollet) circuli Area in data ratione secanda sit.

Sit AQB Semicirculus super Ellipseos Axem majorem TAB. 37.
descriptus, cujus Centrum C, Ellipseos focus in quo Sol fig. 4.
locatur sit S, per locum Planetæ intelligatur duci ad Axem perpendicularis recta QH circulo occurrens in Q; erit Area ASQ ad Aream totius circuli, ut tempus datum ad tempus Periodicum Planetæ; ducatur CQ, in quam productam, si opus sit, cadat perpendicularis SF; est Area ASQ æqualis sectori ACQ una cum triangulo CSQ = $\frac{1}{2} CQ \times AQ + \frac{1}{2} CQ \times SF$, adeoque ob datam $\frac{1}{2} CQ$, erit Area ASQ semper proportionalis Arcui AQ + recta SF, cum scil. motus sit ab Aphelio versus Perihelion; at cum à Perihelio ad Aphelion tendit Planeta, fit Area BSq æqualis sectori BCq — Triangulo CSq, adeoque erit illa proportionalis arcui BQ — recta Sf. Hinc, si capiatur arcus AN vel Bn tempori proportionalis, erit AQ + SF = AN vel BQ — Sf. B., quare erit SF = QN vel Sf = qn.

Hinc patet, si habeatur arcus AQ, & ei addatur arcus NQ qui sit æqualis rectæ SF, erit arcus AN tempori proportionalis, seu Planetæ Anomalie mediæ æqualis. Adeoque ex data Planetæ Anomalia vera, facile innotescit ei congrua Anomalia media, seu tempus. Fiat enim ut QC ad SC ita 57, 29578, qui arcus radio est æqualis, ad quartum, & dabitur Arcus æqualis SC in gradibus gradusque partibus decimalibus. Dicatur hic arcus B. Et quoniam est SC ad SF, ut Radius ad sinum anguli SCF vel ACQ. Fiat ut Radius ad sinum arcus AQ, ita arcus B ad

quantum; & dabitur in gradibus & partibus decimalibus; arcus in peripheria AQB , qui æqualis est rectæ SF ; cumque SF sit æqualis QN , dabitur arcus QN , & proinde AN tempori proportionalis.

Hoc exemplis in orbita Martis declarare liceat. Hujus Planetæ Excentricitas est ad distantiam mediam, seu semi-axim Ellipseos, ut 14100 ad 152369: adeoque Logarithmus arcus B , qui æqualis est SC est 0. 7244446. Si itaque quærat Anomalia media, cum Anomalia Excentri est unius Gradus; addatur sinus Log. unius gradus qui est 8. 2418553 ad Log. arcus B , fiet summa 8. 9662999 qui est Logarithmus numeri 0. 092533, & exprimit valorem arcus QN in partibus gradus decimalibus. Est itaque arcus AN tempori proportionalis 1, 092533 seu $1^{\circ} 5' 33''$. Similiter si Anomalia Excentri sit 30 gr. ad ejus sinum Log. addatur constans Log. arcus B , & summa erit 0. 4234146 Log. numeri 2, 651. Adeoque Anomalia media AN Anomaliæ Excentri 30 grad. respondens erit 32, 651, seu 32 gr. 39'. 3". Hæc methodus expeditior multo, & facilior est illâ, quam tradit Keplerus, ubi methodo indirecta, & per positionem *Regulæ Falsæ*, docet pervenire ex Anomalia media ad veram.

Deveniamus jam ad methodum promissam directe eliciendi Anomaliæ coæquatam seu veram ex media. Sit in figura Arcus AN Anomalia media, seu tempori proportionalis, sitque AQ Anomalia Excentri invenienda. Arcus NQ , dicatur, y , & sinus arcus AN vocetur e , & cosinus f ; Excentricitas SC sit g . Est sinus arcus AQ æqualis sinui arcus $AN - NQ = \sin. AN - y$; sed à nobis ostensum est in Elementis Trigonometricis, quod si sinus arcus AN sit e , sinus arcus $AN - y$, seu arcus AQ erit $e - \frac{fy}{1.} - \frac{ey^2}{1.2.} + \frac{fy^3}{1.2.3.} + \frac{ey^4}{1.2.3.4.} \&c.$

Sed est radius qui est 1 ad sinum arcus AQ , ut SC vel g ad SF vel NQ hoc est y . Adeoque erit SF æqualis $ge - \frac{gfy}{1.} - \frac{gey^2}{1.2.} + \frac{gfy^3}{1.2.3.} + \frac{gey^4}{1.2.3.4.} \&c.$

At est SF æqualis arcui NQ seu y , ut ostensum est: qua-

quare ad hanc diventum est æquationem: $y = ge - \frac{gfy}{1} - \frac{gey^2}{1 \cdot 2} -$

$+\frac{gfy^3}{1 \cdot 2 \cdot 3} + \frac{gey^4}{1 \cdot 2 \cdot 3 \cdot 4} \&c.$ proinde $ge = y + \frac{gfy}{1} + \frac{gey^2}{1 \cdot 2} - \frac{gfy^3}{1 \cdot 2 \cdot 3} - \frac{gey^4}{1 \cdot 2 \cdot 3 \cdot 4}$

&c. ge vocetur Z , & $1 + gf$ dicatur a , item $\frac{ge}{1 \cdot 2}$ sit b ,

$\frac{gf}{1 \cdot 2 \cdot 3} = c$ item $\frac{ge}{1 \cdot 2 \cdot 3 \cdot 4} = d$, & Æquatio induet hanc formam.

$Z = ay + by^2 - cy^3 - dy^4 \&c.$ Unde per methodum Rever-

fionum ferierum à Domino *Newtono* traditam, fiet $y =$

$\frac{z}{a} - \frac{bz^2}{a^3} + \frac{2b^2 + ac}{a^5} z^3 - \frac{5abc - 5b^3 + a^2d}{a^7} z^4.$ Et quoniam est

$b = \frac{ge}{2} = \frac{z}{2}$ & $d = \frac{z}{1 \cdot 2 \cdot 3 \cdot 4}$ fiet $y = \frac{z}{a} - \frac{z^3}{243} + \frac{cz^3}{44} - \frac{5cz^5}{245} \&c.$ Si

arcus AN superet 90 grad. & minor sit 270, erit ge feu

$z = y - \frac{gfy}{2} + \frac{gey^2}{2 \cdot 3} - \frac{gfy^3}{2 \cdot 3 \cdot 4} + \frac{gey^4}{2 \cdot 3 \cdot 4 \cdot 5}:$ unde fiet $a = 1 - gf$; &

erit $y = \frac{z}{a} - \frac{z^3}{243} - \frac{cz^3}{44}$

Series supra posita exprimit quantitatem arcus QN , in partibus qualium Radius est 1, 000000. At ut in gradibus gradusque partibus habeatur, fiat ut Radius ad hancce feri-
entem ita 57, 29578, qui est arcus Radio æqualis, ad quar-
tum, hoc est (cum Radius sit unitas) multiplicetur series prædicta per numerum 57. 29578 quem vocemus R unde
prodit arcus quæsitus y in gradibus, gradusque partibus
 $= \frac{Rz}{a} - \frac{Rz^3}{243} + \frac{Rcz^3}{44} \&c.$

Hujus seriei terminus primus $\frac{Rz}{a}$ sufficit ad determinan-

dam Anomaliam Excentri in omnibus fere Planetis, nam in Marte error plerumque non superat gradus partem ducente-
simam. In Tellure gradus parte decies millesima minor est, sed Exemplis rem declarare liceat.

In orbita Telluris, Excentricitas est 0. 01691, posita di-
stantia media feu $CQ = 1$. Invenienda est Anomalia Excen-
tri, & coæquata cum media est 30. gr.

Log.

Log. Excentricitatis	8. 2281436. = Log. g
Log. fin. gr. 30.	9. 6989700
Log. R	1. 7581226
Log. R z .	9. 6852362
Log. a Subtr.	0. 0063137

Log. arcus y five NQ 9. 6789225

cui respondet numerus 0. 47744 seu in sexagesimalibus numeris 28. 38 : reliqui termini minores sunt gradus parte decies millesima, adeoque negligi possunt. Si itaque à Gradibus 30 subtrahatur 28. 38, relinquetur Arcus AQ 29° : 31' : 22". Et in triangulo QCS, dantur latera QC CS cum angulo SCQ, unde dabitur angulus QSC, Analogia est ut QC + CS seu AS ad CQ --- CS seu PS, ita Tangens semissis summæ angulorum CSQ & CQS ad Tangentem semissis differentiæ eorundem, unde si à Tangente Log. semissis Anguli ACQ auferatur constans Logarithmus 0. 0146893, dabitur Tangens semissis differentiæ angulorum CQS & CSQ, qui in præsentis exemplo erit 14° : 17' : 26" hæc ad semisummam addita, dat angulum ASQ 29° 3' ; 7", sed ut inveniatur angulus ASP, diminuenda est Tangens anguli ASQ in ratione Axis minoris Ellipseos ad maiorem, ab hujus itaque Tangente Log. auferatur Logarithmus constans 0. 0000 622. qui est Logarithmus Rationis Axis majoris ad minorem, & restabit Tangens Log. anguli ASP 29° : 2' : 54" qui est Anomalia coæquata.

In orbita Martis, Excentricitas est partium 14100, quarum distantia media est 152369. Adeoque Logarithmus Rationis SC ad CQ erit 8. 9663226 = Log. g . Quæraturno in Marte, Anomalia Excentri, cum Anomalia media est unius gradûs.

Log. Excentricitatis	8. 9663226
Log. Sin. 1 gr.	8. 2418453
Log. R	1. 7581220
Log. R z	8. 9662899
Log. a subtr.	0. 0384299
Log. R z	8. 9278600

cui

cui Logarithmo respondens numerus. 0. 08497, exhibet magnitudinem arcus NQ, & error minor est gradus parte tricies millesimâ.

2^{do}. Quærat^aur Anomalia Excentri, cum media est grad. 45.

Log. Excentricitatis	8. 9663226
Log. sin. 45. gr.	9. 8494850
Log. R	1. 7581220
Log. R z.	0. 5739296
Log. a substr.	0. 0275249
Log. <u>R z</u>	0. 5464047

cui respondet numerus 3. 5189, qui verum superat centesima & quinquagesima circiter gradus parte, & ut corrigatur error, capiatur terminus seriei secundus $\frac{R a + 2 R^c \times z^3}{2^{44}}$ qui

invenitur 0. 0065, & à primo auferatur & restabit 3. 5124 qui exprimit arcum NQ verum ad partes gradus centies millesimas.

3^{io}. Quærat^aur Anomalia Excentri, cum media est grad. 100, in hoc casu est $a=1$ -- $g f = 0. 983930$.

Log. g.	8. 9663226
Log. sin. gr. 100. seu gr. 80	9. 9933515
Log. R	1. 7581220
Log. R z	0. 7177961
Log. a substr.	9. 9929598
Log. <u>R z</u>	0. 7248363

Huic Logarithmo respondet numerus 5. 3068, qui quinquagesima circiter gradus parte verum superat, quo itaque corrigatur error, duplicetur Log. z, & producto addatur

Log. R z. & habebitur Logarithmus $\frac{R z^3}{2^{43}}$ cui respondens numerus est 0. 04552, ejusque semissis est 0. 02276 æqualis $R z^3$. Hic numerus à numero 5. 3068 auferendus est; &

habebitur 5. 2841 pro quantitate arcus NQ. Et proinde Arcus AQ Anomalia Excentri erit 94. 7159, qui non decies millesima gradus parte à vero $\angle Q$ discrepat. Notandum quamvis secundus seriei terminus sit $---R a + 2 R c \times z^3$

ejus tamen pars $---R c z^3$ sufficit, ut habeatur AQ arcus A-

nomaliæ excentri verus ad gradus partes decies millesimas.

Obtento arcu AQ, seu angulo ACQ invenitur angulus ASQ resolutione Trianguli QCS in quo dantur latera CQ CS cum angulo interjecto QCS, unde invenietur angulus QSA. Hujus anguli Tangens Logarithmica est capienda & ab ea demendus est Logarithmica Rationis Axis majoris ad minorem, & restabit tandem Tangens Log. anguli ASP qui est Anomalia æquata seu vera.

TAB. 37.
fig. 3.

LECTIO XXV.

De Problematis Kepleri Solutione Newtoniana & Wardi Hypothesi Elliptica.

METHODUS nostra in superiore Lectione explicata, & ea Domini *Newtoni* in Principiis Philosophiæ Mathematicæ pag 101. tradita, eidem innituntur fundamento, Quod scil. recta SF Longitudine æqualis est arcui QN. *Newtoni* autem methodus fere similis est ei, qua ex æquationibus affectis radicem extrahunt Analystæ, & quidem tanto magis est æstimanda, quod non solum exhibet Planetarum Loca, quorum orbitæ ad circuli formam proximæ accedunt, sed eadem fere facilitate inservit etiam Cometis, qui in orbitis maxime excentricis moventur; quod etiam per nostram methodum obtineri potest, si modo loco arcus AN capiatur alius arcus ad arcum AQ propius accedens, qui dicatur A & posito sinu arcus $A = e$ quæratursinus arcus $A + y$ & fiat $z = ge + A - AN$.

TAB. 37.
fig. 3.

Methodum autem *Newtoni* cum maxime expedita sit, hic explicare liceat, in gratiam Artificum, qui Tabulas Astronomicas secundum veras motuum coelestium leges, & non

non ex fictis Hypothesibus condere volunt.

Haftenus ostensum fuit, quod si arcus AQ sit Anomalía Excentri, hunc arcum una cum recta SF ex Sole in radium QC normaliter incidente, esse tempori proportionalem; cum Planeta tendit ab Aphelio ad Perihelion, vel arcum BQ dempta recta SF , esse tempori proportionalem, cum à Perihelio ad Aphelion ascendit, adeoque si capiatur Arcus AN vel BN tempori proportionalis, erit arcus QN æqualis SF rectæ; ut igitur inveniatur, in gradibus & partibus gradus decimalibus, mensura arcus in Peripheria AQB , qui æqualis sit rectæ SF , fiat ut CQ ad CS , ita arcus grad. 57. 29578 qui æqualis est radio, ad quantum, hic numerus exprimet magnitudinem arcus in Peripheria AQB , qui æqualis est SC . Arcus hujus Logarithmus dicatur B . Quoniam est CS ad SF , ut Radius ad sinum anguli ACQ ; fiat ut Radius ad hunc sinum, ita arcus cujus Logarithmus est B , ad alium D ; erit arcus ille D æqualis rectæ SF . Adeoque si ad datum tempus, Area ASQ & arcus AN essent tempori proportionales, & capiatur NP æqualis D , punctum P caderet in Q . Si vero Area ASQ non accurate tempori respondeat, punctum P cadet supra vel infra Q , prout Area ASQ major sit vel minor eâ, quæ est tempori proportionalis. Sit ea ASq , & in Cq cadat perpendicularis SE , erit per hætenus demonstrata, $SE = Nq$, unde $SE - SF$ vel $SF - SE$, hoc est fere $LE = qP = QP - Qq$ vel $= Qq - QP$. Quod si angulus QCq sit parvus, erit $CE : Cq :: LE : Qq :: QP - Qq : Qq$; unde $CE + Cq : Cq :: QP : Qq$. Et similiter, cum arcus BQ est quadrante minor, erit $CQ - CE : CQ :: QP : Qq$. Cum Planeta prope Aphelion vel Perihelion versatur, fit CE fere $= CS$ & $CQ + CE = AS$. unde $QP : Qq :: AS : CA$, cum arcus AQ est quadrante minor; at cum Arcus Bq est Quadrante minor, erit $SB : CB :: QP : Qq$. Fiat ut CS ad CQ , ita Radius R ad Longitudinem quandam L , & erit $CQ = \frac{CS \times L}{R}$. Est autem Radius ad cosinum anguli ACQ ut SC ad CF vel CE , sunt enim CF & CE fere æquales; quare erit $CE = \frac{SC \times \cosin AQ}{R}$, unde habe-

Demonstratio solutionis Newtonianæ.
TAB. 37.
fig. 5.

bitur $QP:Qq::\frac{SC \times L + SC \times \cos. AQ}{R}:\frac{CS \times L}{R}::L+\cos. AQ:L$,

cum Arcus AQ est quadrante minor; at si is fit quadrante major, erit $QP:Qq::L-\cos. AQ:L$.

Atque hac ratione si capiatur arcus AQ , qui sit aliquantisper minor, aut major vero, invenietur exinde arcus Qq , huic addendus vel demendus, qui facit ut Area ASq sit quam proxime tempori proportionalis; & si loco AQ capiatur prius inventus arcus Aq & instituatur processus priori similis, invenietur alius Aq , & hic similiter, eundem repetendo processum, dabit novum Aq , atque sic quantumvis proxime ad veritatem accedere licebit.

*Illustratur Ex-
emplis
in orbita
Martis.*

Tanta autem est hujus methodi facilitas, ut ea exemplis potius quam ulteriore explicatione indiget; adeoque liceat eam in motibus Planetæ Martis experiri. In hac orbita, Logarithmus B est 0. 7244446, & Longitudo L est partium 1080631 qualium Radius est 100000.

*Exem-
plum
I.*

Sit primo inveniendus angulus ACQ , cum motus medius seu arcus tempori proportionalis sit unius gradus. Quoniam CS est fere pars decima ipsius CA , pono AQ esse 0. 9. grad. decima scil. parte minorem motu medio. Addatur sinus Log. 0. 9. ad Log. B , & fit summa 8. 9205466 = Log. numeri 0. 083281, hic numerus exprimit arcum æqualem $SF = NP$, & si arcus AQ fuisset recte assumptus, foret $AN - NP = AQ$ & $QP = 0$. At in præsentī casu, est $QP = 0. 01671$. A quo si auferatur ejus pars decima, cum AS superat AC decima circiter sui parte, restabit $Qq = 0. 01504$, qui additus ad AQ , dat Aq 0. 91504, qui vix millesima gradus parte à vero Aq differt.

*Exem-
plum
II.*

Sit 2^{do} Arcus AN seu motus medius 2 gr. Pono AQ 1. 83 prioris AQ fere duplum, & ad ejus sinum Log. addendo Log. B , fit summa 9. 2286992. Log. numeri 0. 16931; unde erit $QP = 0. 00069$, à quo si subtrahatur ejus pars decima, fit $Qq = 0. 00062$, & Aq 1. 83 062 qui non decies millesima gradus parte à vero Aq discrepat.

*Exem-
plum
III.*

3^{tio} Sit Arcus tempori proportionalis gr. 3. Ponatur: $AQ = 2,745 = 1,83 + 0.915$, & ad ejus sinum Log. addendo

do Log. B, habebitur Log. numeri $0.25392 = NP$ & $AN - NP = 2.74638$. Adeoque $Qq = 0,001$ fere, & $Aq = 2.746$ sic unica duorum Logarithmorum additione, inveniatur arcus Aq , qui erit verus ad gradus partes millesimas.

4to. Sit jam, non gradatim, sed per saltum pergendo, *Exemplum. IV.* inveniendus angulus ACq , cum motus medius est grad. 45. Pono Arcum AQ esse gr. 40. & ad ejus sinum Log. addendo Log. B. Fit summa $0.5320121 = \text{Log. numeri } 3.4081$, qui numerus à 45 ablatus relinquit $AN - NP = 41.5919$, cujus excessus supra arcum AQ est 1.5919 , unde si fiat ut $L + \cos. AQ$ ad L , ita $1,5919$ ad alium, inveniatur arcus Qq gr. $1,4865$. Adeoque Aq , 41.4865 qui non multum supra millesimam gradus partem à vera differt. Sed absque hac proportionem, invenire possumus Aq capiendò arcum, qui sit aliquantulum minor quam $AN - NP$, eidem tamen fere æqualis, scil. sit AQ 41.50 , & addendo ejus sinum Log. ad Log. B. habebitur alius $NP = 3.5132$, qui ab AN subductus dat 41.4868 pro novo Aq ; & hic arcus minore labore eruitur, & aliquantulum propius ad verum accedit quam prior Aq .

5to. Post inventum Aq correspondentem motui medio *Exemplum. V.* 45. gr. rursus si gradatim pergere lubeat, unica duorum Logarithmorum additione habebitur Aq , ad omnes motus medii gradus subsequentes: nempe cum Anomalia media sit gr. 46, pono AQ 42, 40, & addendo ejus sinum Log. ad Log. B, fiet $AN - PN = 42.4249$, cui si æqualis ponatur novus AQ , habebitur Aq qui ne millesima gradus parte à vero Aq differt, sic cum Anomalia media sit gr. 47. Pono AQ $43,36 =$ priori $Aq +$ incremento istius arcus uni gradui motus medii competente, & addendo ejus sinum Log. ad Log. B. Summa est Log. numeri 3.6402 qui ab AN ablatus, relinquit $AN - NP = 43.3598 =$ novo Aq , & hic arcus gradus parte circiter decies millesima à vero discrepat.

6to. Si omissis gradibus intermediis inveniendus est arcus *Exemplum. VI.* Aq cum Anomalia media est gr. 100, Pono AQ gr. 96, & addendo ejus sinum Log. ad constantem B; summa fit Lo-

garithmus numeri 5.273, unde $AN - NP = 94.727$, Itaque pono secundo AQ 94. 72, & per additionem constantis Log. B, ad ejus finum Log. provenit log. numeri 5.285, qui ab AN subductus, dat $AN - NP$ 94,715 = Aq quam proxime. Similiter si Anomalia media sit gr. 101. Pono AQ 95,71, ex quo elicitur NP 5,2756 quo numero ab 101 sublato, restabit $AN - NP$ 95,7244; atque hac ratione data Anomalia media, si gradatim fiat processus, habebitur angulus ACQ , per unicam tantum duorum Logarithmorum additionem, quorum, qui constans est, in charta seorsim servandus, quo labori sæpius eundem exscribendi parcatur.

*Exem-
plum in
Cometæ
orbita.*

Transeamus jam ad orbitam alterius generis, cujus Excentricitas ad distantiam mediam magnam obtinet proportionem; sit nempe distantia Aphelii ad distantiam Perihelii ut 70 ad 1; qualis fere fuit istius Cometæ orbita, in qua Cometam periodum suam complere Annis $75\frac{1}{2}$, primus apprehendit Halleius. In hac orbita, erit AC vel CQ partium 35. 5 & CS 34. 5. Qualium SB est una, & constans Log. B est 1.7457133. Inveniendus est arcus Bq , cum motus medius à Perihelio sit gradus pars centesima. Pono BQ 0. 35, ad ejus finum Log. addatur Log. B. & prodit summa Log. numeri, 0, 34013; qui ad arcum AN additus, fit 0, 35013, si hic arcus fuisset 0, 35; BQ recte esset assumptus, sed differentia est 0, 00013, unde quoniam CB est ad SB ut 35,5 ad 1, multiplicetur differentia, 00013 per 35,5 & prodibit $Qq = 0.004615$, unde prodit arcus $Bq = 0.354615$ & error tribus partibus decies millesimis gradus minor est. Rursus, sit motus medius 0. 02. Ponatur BQ esse 0,71, per additionem constantis B ad ejus finum Log. habebitur Logarith. numeri 0.68998, unde $BN + NP = ,70998$, & est differentia 0.00002 quæ si per 35. 5 multiplicetur & productus à BQ subtrahatur restabit $Bq = ,7092$, & error gradus partem decies millesimam non superabit. Si motus medius sit 0,3 pono BQ 1. 06; & addendo ejus finum Log. ad constantem B. Prodit Log. numeri 1.03008, cui si addatur BN fit summa

ma 1, 06008, qui major est quam BQ: quare si differentia, 00008 multiplicetur per 35.5, & productus ad BQ addatur fiet $Bq = 1, 06284$. Similiter cum motus medius sit ,04. Pono BQ 1,4 & invenio $NP = 1, 3604$, ad quem addendo ,04 fit summa 1,4004, qui superat 1,4 per ,0004; multiplicetur hæc differentia per 35,5 & productus ,0142 erit æqualis Qq unde $Bq = 1,4142$; In his omnibus errores sunt admodum exigui, & raro millesimam gradus partem tranfcurrentes.

Inveniendus sit jam arcus Bq, cum motus medius est unius gradus. Pono BQ = 20 gr. & addendo ejus sin. Log. ad B. Prodit Log. numeri 19. 045, cui addendo 1, summa 20, 045 superat 20, & cum in hoc casu $L \text{---} \text{Cos. BQ}$ sit ad L, ut 1 ad 11,5 fere; multiplico differentiam ,045 per 11,5, & productus ,5175 ad BQ additus, dat 20,5175. Pono itaque secundo BQ 20,51 & prodibit similiter, ut in præcedente, $NP = 19.5092$; cui addendo BN, summa est 20,5092 quæ minor est quam BQ; unde si differentia, 0008 multiplicetur per 11,5 & productus ,0092 subtrahatur a BQ, restabit $Bq = 205, 008$.

Sit denique motus medius æqualis 2. gr. Pono BQ gr. 30 & invenietur NP 27.84, cui addendo 2, summa 29,84 minor est quam 30, & si multiplicetur differentia ,16 per 6, 3 (Nam est $L \text{---} \text{Cos. BQ}$ ad L ut 1 ad 6. 3.) fiet 1,008 = Qq; adeoque hic arcus a BQ subductus, dat Bq 28,982 ut vero corrigatur Bq, assumo BQ 29; & simili processu prodit $Bq = 28.9672$.

Invento angulo ACQ, angulus ASQ facile habetur, nam in triangulo QCS, dantur latera QC, CS, & angulus QCS, TAB 37. unde innotescunt angulus ASQ, & latus SQ; deinde fiat ut fig. 3.

Axis Ellipseos major ad minorem, ita Tangens anguli ASQ ad Tangentem anguli ASP, qui est Anomalia coæquata; Denique fiat ut secans anguli ASQ ad secantem anguli ASP, ita SQ ad SP distantiam Cometæ à Sole, quæ erat invenienda. Vel sic forte facilius invenitur angulus ASP, & recta SP, invento arcu AQ datur ejus sinus QH, & Cosinus HC; sed datur SC, in partibus quarum CQ est 100000, unde dabi-

bitur H S. Fiat ut major Ellipseos Axis ad minorem, ita QH ad PH, qui itaque dabitur. In triangulo, PHS rectangulo, dantur latera PH, HS, ex iis innotescet angulus PSH Anomalia coæquata, & latus PS distantia Cometæ à Sole.

Quoniam in Apheliis & Periheliis coincidunt puncta Q & N, locusque Planetæ medius idem est cum vero. Et in primo Anomaliæ semicirculo locus medius præcedit verum, in secundo verum sequitur; ex determinata positione lineæ Apfidum in Telluris orbita determinatur tempus quando locus Telluris è Sole visus & locus medius coincidunt; quando enim Sol apparet in Eclipticæ puncto, ubi est Perihelion, tunc Tellus erit in Aphelio, dato autem hoc temporis momento, dabitur inde per Tabulas Astronomicas motus Telluris medius, & arcus AN pro alio quovis temporis momento, arcus enim illi secundum temporum rationes computantur & in tabulis disponuntur. Sed dato, pro quolibet momento, arcu AN, ostensum est qua ratione elicietur angulus ASP Anomalia Telluris vera, & locus Solis in Ecliptica apparens.

Wardi
Theoria.

Præter Theoriam supra explicatam Kepleri, secundum quam Planetæ revera motus suos temperant; est & alia Hypothesis Elliptica, quam maxime excoluerunt Astronomi duo celeberrimi *Ismael Bulialdus*, & *Sethus Wardus* olim in hac Cathedra Professor & postea Episcopus Salisburiensis, ex quorum laboribus haud exigua accepit Astronomia incrementa, cumque illi non desit Elegantia & concinnitas Geometrica, maximaque calculi inde pendens facilitas, liceat illam paucis exponere. In hac Hypothesi cum Keplero supponitur, Planetarum orbitas esse Ellipses, in quorum foco communi locatur Sol; præterea supponitur quod Planeta unusquisque ea lege in Ellipsis propriæ Peripheriâ defertur, ut ex foco superiore spectatus æquabiliter incedere videatur; radiisque ad focum hunc ductis, describat angulos temporibus proportionales. His positis, & data specie Ellipseos quam Planeta describit, Cl. Wardus elegantem ostendit methodum Geometricam, qua ex data Anomalia media, vera eliciatur, quæ est ejusmodi.

Sit

Sit ABP. Ellipsis, quam describit Planeta, Linea Apfi- *Wardi*
 dum AP, focus in quo Sol residet S, F superior focus, qui *Methodus.*
 est centrum motus æquabilis. Sit angulus AFL tempori *TAB. 37.*
 proportionalis, seu Anomalia media, erit L locus Planetæ *fig. 6.*
 in propria orbita, & angulus ASL Anomalia coæquata seu
 vera. Producat FL ad E, ut sit FE æqualis Ellipseos
 Axi majori AP, unde cum FL & SL simul, ex natura
 Ellipseos eidem AP sint æquales, erit LE æqualis LS, &
 erit triangulum LSE isosceles, unde æquantur anguli E &
 ESL, & exterior angulus FLS eorum summæ æqualis, erit
 utriusvis duplus, seu duplus anguli LES. Quare in trian-
 gulo FES, ex datis EF, FS, & angulo EFS, qui est de-
 inceps angulo AFE, dabitur angulus E, cujus duplus æ-
 qualis est angulo FLS, qui proinde dabitur, sed angulus
 AFL æqualis est duobus FSL, & FLS, unde FLS est Æ-
 quatio seu Prosthapheresis quæ ex Anomalia media sublata,
 vel eidem addita, dat Anomaliā veram. Q. E. I.

In resolutione trianguli EFS ex datis EF, FS, cum an-
 gulo EFS, Analogia est $\frac{1}{2}EF + \frac{1}{2}FS : \frac{1}{2}EF - \frac{1}{2}FS ::$ hoc est
 AS ad SP; ita tangens $\frac{1}{2}AFE$ ad Tangentem semissis dif-
 ferentiæ angulorum E & FSE, sed ob angulum E æqua-
 lem LSE angulo, est FSL differentia angulorum E & FSE;
 quare angulus qui ex analogia prodit duplicatus dabit an-
 gulum FSL, Planetæ Anomaliā veram. Praxis autem fa-
 cillima est, nam cum AS & SP sint constantes & datæ quan-
 titates, differentia Logarithmorum data erit; quare datus
 numerus ad Tangentem semissis Anomaliæ mediæ addendus
 est, & habebitur Tangens semissis Anomaliæ veræ. Porro
 in triangulo LFS, ex datis omnibus angulis una cum latere
 SF, invenietur LS distantia Planetæ à Sole.

Est quidem hæc Wardi Hypothesis satis utilis approxi-
 matio, ad calculum enim abbreviandum inservit, est ta-
 men non nisi approximatio, & veritatem non accurate at-
 tingit; ejus ratio sic patebit. Sit APB orbita Planetæ, AQB
 circulus, eidem circumscriptus. Arcus AQ Anomalia Ex-
 centrici, & AN Anomalia media tempori proportionalis.
 Ad centrum C ducatur NC, & à puncto Q recta QG illi

TAB. 38.

fig. 1.

Hypothe-

sis War-

di Ap-

proxi-

matio est

tantum.

Approxi-

mationis

ratio.

K k k

pa-

parallela, erit angulus QGA æqualis NCA , & tempori proportionalis. Et erit CG fere æqualis CS , sed illa aliquantulum minor. A foco S in QC cadat perpendicularis SF , erit hæc ut prius ostensum fuit, æqualis arcui QN , cujus sinus est æqualis GO ; sed arcus QN cum parvus sit, ejus sinus erit fere eidem æqualis, unde GO erit fere æqualis SF , sed illa aliquantulum minor. Sed triangula rectangula GOC & SFC sunt æquiangula quam proxime; nam NCQ angulus differentia angulorum NCG & SCF parvus est; adeoque ob OG fere æqualem SF sed illa aliquantulum minorem, erit CG fere æqualis CS , sed illa aliquantulum minor. Focus igitur alter Ellipseos supra punctum G existet, sed parum ab illo distat. Quod si ducatur PL ad QG parallela, Punctum L erit etiam supra C , sed parum ab illo distans, unde punctum L & alter Ellipseos focus coincidunt fere; sed est angulus PLA æqualis NCA Anomalie mediæ; adeoque si à loco Planetæ in sua orbita, ducatur linea ad superiorem Ellipseos focum, illa cum Ellipseos Axe comprehendet angulum qui erit quam proxime tempori proportionalis.

*Bulialdi
correctio
hujus
Hypothesis.*

*TAB. 37.
fig. 6.*

Ubi anguli NCA & QCA vel SCF parum differunt, hoc est, ubi angulus NCQ exiguus est, & Excentricitas orbitæ parva, puncta G & L cum superiore foco fere coincidunt. Adeoque hæc Theoria Telluris motui satis accurate respondet; ejus enim orbita parum à circulo recedit, aliis tamen Planetis, & speciatim Marti, & Mercurio non æque congruit. Itaque Bulialdus ex quatuor locis Martis à Tychone observatis, ostendit in primo & tertio Anomalie Quadrante, locum Martis in cælis esse promotiorem, quam per hanc Theoriam fieri debet. At in Quadrante secundo & quarto, Martis Anomaliam veram minorem esse, quam postulat hæc Hypothesis, ejus itaque correctionem sequentem adhibuit. Diametro AP , axi majoris Ellipseos, describatur circulus ADP , sit AFL Anomalia Planetæ mediæ, per L ducatur recta QLG , ad axem perpendicularis circulo occurrens in Q , juncta FQ occurret Ellipsi in Y , erit Y locus Planetæ Anomalie mediæ AFL respondens. Angulus autem Anomalie

liæ mediæ correspondens scil. angulus AFQ expedite invenitur, capiendo angulum cujus Tangens sit ad Tangentem anguli AFL , ut semiaxis major Ellipsis ad semiaxem minorem. Ex dato autem angulo, AFQ vel AFY , similiter ut prius ex AFL invenitur Anomalia vera ASY .

Calculi quos supra exposuimus, supponunt orbitarum species & Excentricitates sicuti & positiones esse datas. In reliquis Planetis, rationem qua determinantur orbitæ, post hæc docebimus; in Tellure autem, ejus orbitæ speciem & positionem sequentibus methodis investigamus.

Primo observetur Solis diameter, & motus apparens; quando enim Terra est in Aphelio, Diameter Solis videtur omnium minima; cum Terra ibi maxime à Sole distet; in Perihelio, Soli maxime appropinquans Terricola, ejus diametrum maximam conspiciet. Terræque à Sole distantia sunt diametris apparentibus reciproce proportionales; recta quælibet SP exponat distantiam Telluris à Sole in Perihelio: fiat ut diameter Solis in Aphelio ad diametrum in Perihelio apparentem, ita PS recta ad SD quæ sit in SP producta, hæc exponet distantiam Aphelii: bisecetur PD in C , erit CS Excentricitas orbitæ & C centrum Ellipseos. Foco S & axe majore PD describatur Ellipsis, erit illa ejusdem speciei cum ea, in qua movetur Tellus circa Solem. Eclipticæ autem punctum ubi diameter Solis maxima apparet; & oppositum ubi minima, positiones Apsidum ostendent. Sed quoniam diameter Solis tam in Aphelio quam in Perihelio per aliquot dies vix mutari videtur, difficile admodum erit, positionem Apsidum per observationes Solaris diametri determinare. Ideo satius erit Aphelii & Perihelii distantias & positiones per observationes motus Solis elicere. Nam velocitas Telluris angularis, eique æqualis Solis apparens, est semper reciproce ut Quadratum distantia suæ à Sole, uti superius à nobis demonstratum fuit.

Quo itaque species Ellipseos, in qua Tellus movetur, determinetur, observanda est velocitas Solis apparens maxima & minima in Ecliptica; minima dicatur A & maxima B ; & recta quælibet SP exponat distantiam Perihelii. Fiat

*Orbita
Telluris
species
determinatur.*

TAB. 38.
fig. 2.







TAB. 39.
fig. 3.

ut A ad B ita SP ad aliam C; & producat SP ad D ut SD sit media proportionalis inter SP & C. Exponet hæc linea distantiam Aphelii, adeoque si foco S & axe majore SD describatur Ellipsis, erit illa ejusdem speciei, cum orbita Telluris. Nam ob PS, SD & C continue proportionales, erit PS quad. : DS quad. :: SP : C :: A : B. Præterea si observentur Solis loca in Ecliptica ubi ejus velocitas est maxima & minima, in iisdem punctis locantur Apfides. Vel denique si observentur duo Solis loca in Ecliptica, ubi ejus velocitates sunt æquales, & bifecetur arcus Eclipticæ interceptus, punctum bisectionis ejusque oppositum loca Apfidum monstrabunt. Verum hæc methodus postulat observationes admodum accuratas, quales non facile obtineri possunt.

*Per
Wardi
Theo-
riam op-
time de-
termina-
tur orbi-
ta Tella-
ris species
& Posi-
tio.*

TAB. 38.
fig. 4.

Ex Cl. Wardi Theoria, certior elicitur methodus, qua per tres observationes Solis, temporumque intervalla notata, una opera determinari potest & orbitæ species, & Apfidum Positio. Sit ABPDC orbita Telluris, focus in quo Sol est, sit S, alter F, Apfides AP, sintque BCD tria loca Telluris in Ecliptica, quæ dantur ex observatis Solis locis iisdem oppositis. Centro F, intervallo FM æquali Ellipseos Axi majori describatur circulus MHEL, cui occurrunt rectæ FB, FC, FD productæ in punctis G, H, E; ducantur quoque ex foco S rectæ SB, SC, SD, item SG, SH, SE; dantur anguli BSC, BSD, & CSD, eos enim metiuntur arcus Eclipticæ inter loca observata intercepti, sed cum in hac Theoria, Tellus in Perimetro orbitæ suæ, ea lege feratur, ut angulos circa alterum focum F describat temporibus quamproxime proportionales, dabuntur anguli BFC, BFD & CFD, capiendos singulos ad quatuor rectos, ut tempus inter observationes elapsum, ad integrum tempus Periodicum. Porro quoniam duplex anguli FGS, hoc est, angulus FBS, est differentia angulorum BFA & BSA, hoc enim supra ostensum fuit; item, duplex anguli FHS, hoc est, angulus FCS est differentia angulorum CFA & CSA; differentia angulorum BFC & BSC, erit æqualis $2FGS + 2FHS$; sed quia dantur anguli BFC, BSC, dabitur eorum differentia, qua-



quare dabuntur angulorum FGS & FHS summa. Est autem angulus FGS differentia angulorum BFA & GSA ; & angulus FHS est differentia angulorum HFA & HSF ; quare anguli FGS & FHS , æquales erunt differentiae angulorum BFC & GSH : sed dantur anguli BFC & summa angulorum FGS & FHS , quare dabitur angulus GSH ; eodem modo , dabitur GSE angulus. Similiter est duplex FES differentia angulorum DFA & DSA ; item duplex FHS differentia angulorum CFA & CSA ; unde 2 ang. FES --- 2 PHS, erunt æquales differentiae angulorum CFD, CSD ; sed dantur anguli CFD, CSD , unde dabitur semissis differentia eorundem, scil. angulus FES --- FHS ; sed angulus FES --- FHS, est differentia angulorum CFD & HSE ; sed datur angulus CFD, & FES --- FHS quoque datur ; quare dabitur angulus HSE ; dantur itaque omnes anguli ad focum F, scil. BFC, BFD, & CFD, dantur etiam omnes anguli ad focum S, scil. BSC, BSD, CSD, item GSH, GSE, & HSE ; hisce præmissis.

Exponatur SH per numerum quemlibet, *v. gr.* 100000. Producat ES donec peripheriæ circuli occurrat in L, jungantur HL, LG, & HG ; in triangulo HSL, datur angulus HSL complementum anguli noti ESH ad duos rectos, item angulus SLH semissis anguli EFH, *per 20. El.* 3. datur etiam latus HS 100000, quare dabitur SL ; unde in triangulo SLG, datur angulus LSG qui est deinceps angulo noto ESG & angulus SLG semissis anguli EFG, *per 20. El.* 3. item latus SL, quare dabitur latus SG. In triangulo HSG dantur latera HS, SG, & angulus HSG quare dabitur latus HG, & angulus SHG. In triangulo isoscele HFG, datur angulus HFG, & basis HG, quare invenietur HF æqualis Axi majori Ellipseos, & angulus GHF, quo ab angulo SHG ablato, dabitur angulus FHS. Denique in triangulo FHS, ex datis FH, HS, & angulo FHS, invenietur SF Excentricitas orbitæ, & angulus HSF ; à quo si subtrahatur HSC angulus æqualis FHS, restabit CSF angulus, qui Axis positionem & loca Apfidum ostendet.

Hæc methodus supponit angulos ad focum superiorem F

descriptos esse temporibus proportionales, quod verum non est, at in Telluris orbita, parum Excentrica, anguli ad focum superiorem revera descripti, tam parum differunt ab iis, qui sunt temporibus proportionales, ut nullus exinde potest oriri sensibilis error in determinanda specie & positione orbitæ.

Vir celeberrimus Edmundus Halley, quem, ob præclara in Astronomia inventa, omnis laudabit posteritas, methodum excogitavit nulli motus Theoriæ aut Hypothesi innixam, qua solummodo per observationes, orbitæ Telluris species atque positio determinetur.

TAB 38.

fig. 5.

Sit S Sol, ABCD orbis Terræ, P Planeta Mars (qui in hanc rem plurimis de causis longe est præferendus) Primo observetur verum tempus & locus, quo Mars opponitur Soli, tunc enim Sol & Terra coincidunt in linea recta cum Marte, vel (quod fere semper accidit) si habuerit Latitudinem, cum puncto, ubi perpendicularis à Marte in planum Eclipticæ incidit. Sic in figura S A & P puncta sunt in linea recta; cum autem Martis Periodus constet diebus 687, post illud tempus ad idem punctum P, è Sole conspicietur; ubi in priore observatione Soli opponebatur. Terra vero cum non revertatur ad A nisi post 730½ dies, cum Mars est denuo in P, punctum B tenebit, Solemque in linea SB, Martem vero in linea PB respiciet, ex observatis locis Solis & Martis, omnes anguli trianguli BPS dantur, & supposito PS constare partibus 100000; in iisdem partibus invenietur distantia SB, ejusque positio: pari ratione post alteram Martis Periodum, Terra existente in C, invenitur Longitudo lineæ SC, ejusque positio, nec dissimiliter linea SO, & ejus positio invenietur. Sic ergo diventum erit ad hoc Problema Geometricum; datis tribus lineis in uno Ellipseos foco coeuntibus, tam Longitudine quam positione, invenire Longitudinem transversæ diametri, ejus positionem & focorum distantiam. Quod Problema expedire docent Geometræ, & quo pacto construatur, nos quoque in sequentibus ostendemus.

LECTIO XXV.

De Temporis Æquatione.

Licet Tempus in sua natura absolute quantum sit, præcipuas Quantitatis affectiones, æqualitatem scil. inæqualitatem & proportionem admittens, ut tamen ejus quantitas anobis cognoscatur, advocandum est motûs subsidium, tanquam mensura, qua temporum quantitates æstimemus, & inter se conferamus; adeoque tempus ut Mensurabile motum connotat. Si enim res omnes immotæ perstarent, nullo pacto quantum effluxisset temporis, possumus percipere, sed rerum ætas indiscreta laberetur.

*Motus
Temporis
mensura.*

Cæterum quia tempus æquo semper fluit tenore, is motus ejus quantitati mensurandæ maxime accommodatus censetur, qui in se summe simplex & uniformis est, & æqualiter semper progreditur, adeo ut mobile ejus vi incitatum (saltem quoad ad motus sui Periodos) æqualem constanter impetum servet, & per æquale spatium æquali tempore decurrat.

*Propria
Temporis
mensura est
motus
Uniformis.*

Ad communem usum eligendus est motus aliquis maxime notabilis, cunctis obviis & in omnium oculos incurrens, qualis est siderum motus, imprimis Solis & Lunæ, qui proinde non tantum communi generis humani suffragio, ad hoc suffectus, sed Divino Creatoris nostri consilio, nobis datus est huic usui; à Deo enim pronunciatum legimus. *Fiant Luminaria in Firmamento, & dividant diem ac noctem, & sint in signa & tempora, & Dies & Annos.* Per motus itaque cælestes, & præcipue illum Solis apte distinguuntur tempora. Quare

*Solis & Lunæ
motus
tanquam
idonea
temporis
mensura
nobis dati.*

Solem quis dicere falsum

Audeat.

Audent hoc Astronomi, qui subtili indagine deprehenderunt, Solis motum uniformem non esse, sed illum nunc gradum remittere, nunc accelerare observant; adeoque tempus verum quod æquabiliter semper fluit, non potest accurate per ejus motum connotari.

Hinc

*Distin-
ctio inter
Tempus
Appa-
rens &
verum.*

Hinc Tempus quod Sol motu suo commonstrat, quodque apparens dicitur, diversum erit ab illo quod æquabili semper labitur tenore, & ab Astronomis verum & æquale vocatur; ad cuius normam omnes motus cælestes sunt ordinandi. Nam ex inæquali Solis motu, ejusque via ad Æquatorem obliqua, sequitur, quod neque dies neque horæ erunt inter se æquales, uti hac ratione ostendemus.

TAB. 38.
fig. 6.

*Ostendi-
tur dies
Solares
esse inæ-
quales.*

Dies Solaris æqualis est illi temporis spatio quod labitur, dum per rotationem Telluris circa suum Axem, Planum alicujus Meridiani à centro Solis digrediens volvitur, usque dum ad idem recurrit. Seu est tempus inter unam Meridiem & illam quæ proxime sequitur. Si Telluri nullus alius competeret motus, præter illam circa Axem rotationem, dies omnes Solares essent inter se & revolutioni Telluris præcise æquales. Sed quia interea dum Tellus circa Axem rotatur, in propria etiam orbita versus orientem progreditur, cum Meridianus aliquis integram revolutionem compleverit, non tamen ejus planum per Solem transibit, uti sequenti figura manifestum fiet. Sit enim S Sol, AB portio orbitæ Telluris, linea MD designat Meridianum aliquem cujus planum productum per Solem transit, cum Terra est in A . Progrediatur deinde Tellus in sua orbita per arcum AB ad B , in tempore quo completur una Revolutio Telluris circa Axem, unde ob absolutam revolutionem, Meridianus MD erit in situ md ad priorem ejus situm parallelo, adeoque nondum per Solem transibit, neque incolis qui sub Meridiano illo degunt, fiet Meridies, sed opus est ut motu angulari dBf ulterius feratur, ut per Solem transeat. Exinde fit ut dies omnes Solares sunt una revoluzione Telluris circa Axem longiores. Si Meridianorum plana seu Axis Telluris, ad planum orbitæ normaliter insisterent, & Tellus æquabili semper motu orbitam suam decurreret, post peractam à Meridiano aliquo revolutionem, ob md ad MD parallelam, angulus dBf esset æqualis angulo BSA , & arcus df similis arcui AB , & ob tempora semper æqualia, arcus AB & proinde angulus dBf esset sibi semper æqualis, & proinde dies omnes Solares æquales sibi invicem essent,

tem-

tempusque apparens cum æquabili congrueret. Verum horum casuum neuter obtinet in natura locum, nec enim terra æquabiliter orbitam suam decurrit, sed in Aphelio minorem arcum, in Perihelio majorem, æquali tempore describit, præterea Meridianorum plana non sunt ad Eclipticam, sed ad Æquatorem normalia; adeoque motus angulares dBf qui præter revolutionem integram spatio diei Solaris accedunt, per arcum AB mensurari non debent, & utraque de causa, inter se inæquales hi anguli erunt; diesque Solares inæquales efficiunt.

Sed hoc fortasse, Auditores, clarius vobis elucescet, si à reali Telluris motu, ad apparentem Solis transeamus, is enim pro mensura temporis apparentis nobis datus est; sciendum itaque diem Naturalem seu Solarem esse illud temporis spatium, quo per revolutionem primi mobilis apparentem, tota Æquatoris circumferentia successive per Meridianum transit, & insuper arcus ejusdem respondens motui Solis apparenti in orientem interea facto.

At arcus Æquatoris transiens per Meridianum cum arcu Eclipticæ diurno non est illi semper æqualis, sed eo modo major, modo minor, etiamsi Solis motus in Ecliptica æquabilis esset, quod oritur ex obliqua Eclipticæ ad æquatorem positione, uti patet ex adjuncta figura. Sit $\vee \odot$ Quadrans Eclipticæ; $\vee E$ Quadrans æquatoris, Arcus $\vee A$ sit unius gr. qui est quamproxime æqualis motui Solis diurno in Ecliptica, nam motu medio arcum $59^{\circ} : 8''$ describit quotidie Sol: sitque AB Arcus circuli declinationis per Solem transiens inter Eclipticam & Æquatorem interceptus. In triangulo $\vee BA$ rectangulo, ex datis $\vee A$, i. gr. & angulo $A \vee B$ inclinatio Eclipticæ cum Æquatore $23^{\circ} : 30'$. Invenietur latus $\vee B$, $54' : 1''$. sit deinde arcus Eclipticæ $\vee C$, 89° , ex illo elicietur arcus Æquatoris $\vee D$, $88^{\circ} : 54' : 34''$. At quando arcus $\vee \odot$ fit 90° , arcus Æquatoris $\vee D$ illi respondens est etiam 90° , unde erit arcuum $\vee E$, $\vee D$ differentia DE. $1^{\circ} : 5' : 26''$; Arcuum itaque $\vee B$, DE differentia erit $10' : 25''$. licet arcus Eclipticæ $\vee A$ & $C \odot$ quibus respondent, sint æquales. Ex quo manifestum est æqualibus Eclipticæ arcubus inæ-

*Idem ex
Solis mo-
tu appa-
renti o-
stendi-
tur.*

*Arcus
Æquato-
ris diur-
ni non
sunt æ-
quales
arcubus
Eclipti-
cæ diur-
nis.
TAB. 38.
fig. 7.*

*Ostendi-
tur pri-
ma inæ-
qualita-
tis die-
rum cau-
sa.*

quales Æquatoris arcus respondere, & consequenter arcus Æquatoris diurnos qui per Meridianum transeunt & diem Solarem metiuntur esse inter se inæquales.

*Secunda
inæqua-
litas
dierum
causa.*

Sed non nascitur, ex hac unica causa, diurnorum arcuum Æquatoris inæqualitas, nam ipse Solis motus in Ecliptica apparens inæquabilis est. Tardiusque incedit diutiusque commoratur Sol in signis Borealibus, quam in Australibus per octo integros dies, unde etiamsi nulla esset viæ Solaris obliquitas, ex hac sola causa arcus Æquatoris diurni æquales esse non possunt; adeoque multo magis se prodit dierum inæqualitas, cum ad id concurrunt duæ prædictæ causæ, Solis scil. inæquabilis motus, & Eclipticæ obliquitas, quæ licet interdum sibi mutuo officiunt, & inæqualitatem minuunt, ut fit quando arcus diurni Æquatoris decrescunt propter obliquitatem Eclipticæ, sed crescunt propter accessum Solis ad Perigeum, aut contra, aliquando tamen concurrunt ad inæqualitatem augendam, & neutra illarum ab altera pendet, sed utraque suum sigillatim fortitur effectum.

Motus itaque apparens Solis in orientem cum inæquabilis sit, ad tempus æquabile (quod eodem tenore semper fluit) mensurandum idoneus non est; adeoque nec dies naturales & apparentes aptæ erunt motuum cælestium mensuræ, de iis loquor qui à motu Solis non pendent. Ideoque necesse fuit Astronomis pro his Solaribus diebus alios medios & æquales substituere, in quos motus cælestes distribuerent, & hi motus, cum ad tempus æquale sint collecti, oportet tempus illud rursus in apparens convertere, ut à nobis observentur, qui tempora Solis motu apparenti metimur & numeramus; & è contra si aliquid Phænomenon cæleste, Eclipsis puta, tempore apparente observetur, & secundum illam observationem Tabulæ Astronomicæ sunt examinandæ, necesse erit tempus apparens in æquale convertere, aliter observata Phænomena à computatis differrent.

*Deter-
minatio
dierum
media-
rum
seu aqua-
lium.*

Quoniam nullum novimus in natura corpus naturale, quod motum perfecte æquabilem conservat, & talis tamen

mo-




Fig. 6.




Fig. 4.




Fig. 3.




Fig. 2.




Fig. 8.




Fig. 1.




Fig. 5.




Fig. 9.




Fig. 7.

motus solus idoneus est ad dies horasque æquales connotandas. Convenit ut fingamus aliquod fidus quod in Æquatore versus orientem semper incedat, & motum suum nusquam intendat aut remittat, sed uniformiter Æquatorem percurrat eodem præcise tempore quo Sol Eclipticam describere videtur. Talis fideris motus tempus æquale & verum rite repræsentabit, ejusque motus in Æquatore diurnus esset $59' : 8''$. Qualis scilicet est motus medius Solis in Ecliptica, & proinde dies æqualis & medius per appuissum hujus fideris ad Meridianum determinatus, æqualis erit tempori quo tota circumferentia Æquatoris seu gradus 360 per Meridianum transeunt, & insuper $59' : 8''$, cumque hoc additamentum semper idem maneat, dies omnes medi erunt inter se æquales.

Cum Sol inæqualiter secundum Æquatorem, orientem versus promoveatur, aliquando citius hoc fidere Meridianum attinget, aliquando serius ad eundem appellet. Et differentia est illa quæ inter tempus apparens & æquabile intercedit. Differentia autem hæc nota erit, ex datis in Æquatore loco fideris, & puncto, quod una cum Sole ad Meridianum pervenit. Arcus enim interceptus si in tempus convertatur, ostendet differentiam, quæ est inter tempus apparens & æquale. Hæc Differentia dicitur *Temporis Æquatio*, estque Tempus illud quod labitur dum Arcus Æquatoris inter punctum definiens Solis Ascensionem Rectam & locum fideris ficti interceptus per Meridianum transit.

Sit EQ Æquinoctialis circuli portio, EC Ecliptica, in qua sit S locus Solis verus in Ecliptica, SA Declinationis circulus per Solem transiens Æquatori occurrens in A , erit A punctum Æquatoris quod simul cum Sole ad Meridianum pervenit. Sit m locus fideris medio motu in Æquatore progredientis, & cum Sol ad Meridianum pervenerit fidus fictum ab illo distabit arcu $m\text{A}$. Quod si punctum m sit puncto A orientius, serius Meridianum attinget quam A , Tempusque apparens præcedet medium seu æquale. At si punctum m sit ad occidentem puncti A , citius illud ad Meridianum revertitur, eritque tempus apparens æquabili posteriorius.

*Æquatio
Tempo-
ris quid?*

*Quando
tempus
apparens
præcedit
verum.
TAB. 38.
fig. 8. 9.*

*Quando
sequitur
verum.*

*Æquatio
Tempo-
ris dua-
bus con-
stat par-
tibus.*

sterius. Arcus autem Æquatoris A^m in tempus conversum est æquatio temporis, quæ addenda est tempori apparenti aut ab illo subtrahenda, prout punctum m orientalius est aut occidentalius puncto A , ut fiat Tempus æquabile. Ut situs puncti A respectu ipsius m & arcus A^m , quantitas dignoscatur, capiatur in Æquatore arcus $\vee s$ vel $\rightleftharpoons s$ æqualis arcui $\vee S$ vel $\rightleftharpoons S$ in Ecliptica, unde arcus sm æqualis erit distantiae inter Solis locum verum & medium, quæ proinde ex dato Anomaliae gradu dabitur: Arcus vero As est differentia inter trianguli rectanguli $\vee SA$ Hypotenusam $\vee S$ & ejusdem basim $\vee A$ & ea per Trigonometriam etiam dabitur. Est præterea arcus A^m æqualis summae vel differentiae arcuum As , sm , quæ proinde ex illis notis dabitur.

*Harum
partium
effectus
sigillatim
explican-
tur.*

Porro animadvertendum est, in primo & tertio Eclipticæ Quadrante, punctum s cadere ad orientem respectu puncti A ; adeoque arcum As in tempus conversum ablatitum esse, serius enim ad Meridianum appellit punctum s quam A . In secundo autem & quarto Eclipticæ quadrante, punctum s cadit ad occidentem puncti A , ideoque citius per Meridianum transit quam A & proinde arcus As in tempus conversus, adjectitius & tempori apparenti addendus est, ut habeatur tempus quo punctum s Meridianum attingit. Sit *v. gr.* Arcus As 2 gr. ut fit, quando Sol tenet vicesimum Arietis gradum, hic arcus in tempus conversus est scrup. 8, adeoque tempori apparenti adjiciendi sunt scrupuli 8, ut habeatur tempus quo punctum s Meridianum tenet.

Porro in Primo Anomaliae Solis semicirculo, hoc est, dum Sol in præsentī seculo tendit à septimo gradu ☿ ad septimum Capricorni, medius Solis motus major est ejus motu vero; adeoque locus Solis medius præcedit ejus locum verum, unde in toto hoc semicirculo punctum m erit ad orientem puncti s & arcus ms in tempus conversus detrahendus est à tempore quo punctum s Meridianum tenet. At in altero Anomaliae semicirculo scil. postquam Sol Perigeum reliquerit, motus medius minor est vero, & locus

So-

Solis medius verum sequitur, unde punctum m cadet ad occidentem puncti s , illudque citius hoc ad Meridianum appellet, & propterea arcus ms in tempus conversus adji- ciendus est tempori in quo s Meridianum occupat. Dato autem temporis intervallo inter appulsus punctorum m & s ad Meridianum, item intervallo inter appulsus punctorum s & A ad eundem, dabitur intervallum temporis inter ap- pulsus puncti m & puncti A ad Meridianum; hoc est, da- bitur intervallum temporis apparentis & veri seu æqualis, Quod est temporis Æquatio.

Ad Tempus perpetuo æquandum, Artifices condunt du- plicem tabulam, una pro arcu sm quæ cum Anomalia Solis est adeunda, & si punctum m sit ad occidentem puncti S , notant Æquationem signo additionis, sin secus, apponunt *Due* *Æqua-* *ti ones* *Tabula.* signum subductionis. Altera tabula construitur pro arcu SA quæ est differentia inter locum Solis in Ecliptica & ejus Ascensionem Rectam cujus Æquationes similiter notantur signo Additionis vel Subductionis, prout punctum s est ad occidentem vel orientem puncti A , harum Æquationum summa, si utraque fuerit ejusdem affectionis; hoc est, si si- mul adjectitiæ fuerint vel simul ablatitiæ; vel differentia, si fuerint diversæ affectionis, componit absolutam temporis Æquationem.

Construunt etiam tabulam Artifices ex harum utraque *Tabula* *Æqua-* *tionis* *Tempo-* *ris.* compositam, quæ temporanea tantum est & uni circiter se- culo sine sensibili errore inserviens, nam per unum fere se- culum idem Anomaliæ Solis gradus, in eundem Eclipticæ gradum incidit; adeoque pro spatio quinquaginta annorum, Æquationes duæ in unam componi possunt. Sed ob mo- tum Præcessionis Æquinoctiorum, Apogeon Solis, seu po- tius Aphelion Terræ, locum suum in Ecliptica mutat, & in orientem una cum fixis progreditur; adeoque diversis se- culis, idem Anomaliæ gradus ad diversa Eclipticæ puncta referentur, & proinde una Tabula pro omnibus seculis non sufficiet.

Sidus fictum, cujus motus tempus æquabile metitur, sem- per versus orientem uniformiter progreditur. At punctum *Quando* *dies So-* *lares in-* *cipiunt* *fieri me-* *diis lon-* *giores.*

*Quando
mediis
æquales
fiunt.*

A quod Solis Ascensionem rectam definit, & tempus appa-
rens connotat, ultra citraque punctum *m* libratur, & nunc
ad orientem, nunc ad occidentem Sideris ficti aliquando e-
tiam cum illo coincidens invenitur; unde quando puncti A
motus relativus respectu istius Sideris fit versus orientem,
punctum A magis in orientem promovetur quam sidus, &
dies fiunt mediis longiores: nam quo celerius versus orien-
tem tendit punctum A, eo dies Solares fiunt longiores, nam
præter revolutionem cæli integram, majus est additamen-
tum arcûs quod diei Solari accedit, ob majus spatium ver-
sus orientem confectum. Hinc sequitur, quod quampri-
mum motus relativus puncti A incipit fieri versus orientem,
dies Solares incipient quoque fieri mediis longiores; de mo-
tu relativo loquor qui fit respectu Sideris *m*, nam ejus mo-
tus absolutus semper fit versus orientem. At quando pun-
ctum A ultra *m* versus orientem delatum rursus ad Sidus *m*
accedere incipit, ejusque respectu ad occidentem tendere,
tunc fiunt dies Solares mediis breviores; ubi autem maxime
à Sidere *m* ad orientem aut occidentem recesserit A, ibi
dies Solares fiunt mediis æquales, & in illis punctis maximæ
fiunt Temporis Æquationes. Ubi autem motus puncti A
versus orientem fit velocissimus, ibi dies fiunt omnium lon-
gissimi. Quo autem in puncto, motus hic fit tardissimus,
hoc est, ubi motus relativus versus occidentem maximus
est, ibi dies sunt brevissimi.

*Quibus
Anni
tempori-
bus fiunt
maxime
Æqua-
tiones.*

In hoc nostro seculo, cum Sol 10. gr. Scorpionis tenet,
punctum A à Sidere *m* maxime distat versus occidentem,
ejusque distantia est 4. gr. scrup. 2. secund. 45. & proinde
æquatio maxima est minut. horar. 16. secund. 11. Inde in-
cipiunt dies Solares crescere; usque dum Sol ad gradum
Aquarii 22½ pervenit. Ubi maxime in orientem promotum
est punctum A, & à Sidere *m* distat gr. 3. scrupl. prim. 42½.
Et maxima temporis Æquatio est 14':50". Exinde motus
relativus puncti A est versus occidentem, usque dum Sol
gradum Tauri 24^{rum} attingit, ubi punctum A est 1. gr. min.
1½ Sidere *m* occidentalius; & Æquatio temporis maxima
est 4':6", exinde rursus versus orientem recedit punctum A;
uf-

usque dum Sol occupat Leonis gradum $3\frac{1}{4}$, ubi ab m distat gr. 1. minutis $28\frac{1}{4}$ & Temporis Æquatio est 5. min. 53. sec. inde demum motus ejus est versus occidentem; usque dum Sol ad grad. Scorpionis 10. pervenerit, ex quo ad orientem continuo tendet punctum A. Patet porro quotiescunque puncta A & m coincidunt, coincidere quoque tempus apparens & medium.

Hinc si habeatur Horologium Automaton affabre elaboratum, & Pendulo instructum, cujus motus ad tempus æquale seu medium ordinatur, & Index simul cum tempore æquali congruat. Horologium hoc diversam semper à Sole monstrabit horam, præterquam quater in anno. Scil. circa diem Aprilis quartum, Junii sextum, Augusti vicesimum, & Decembris decimum tertium. Aliis omnibus temporibus, Hora Horologii Solarem vel antecedit, vel sequetur; circa autem Octobris diem vicesimum tertium, omnium maxime à Sole differt, ubi ejus motus Solari lentior erit minutis 16. secund. 11.

Si quæritis, in quibus punctis, Æquationes Temporis fiunt maximæ. Hujus Problematis solutionem nobis imperavit celeberrimus *Halleius*, vir ob præclara inventa, nunquam ab Astronomis sine honore nominandus, ad quam solutionem sequentia præmittimus.

L E M M A.

Si figura plana in planum aliquod Orthographice projiciatur, quod fit demittendo à singulis ejus punctis in planum subjectum perpendiculares. Figuræ in plano projectio erit ad ipsam figuram, ut Cosinus Inclinationis planorum ad radium.

Nam figura quævis potest resolvi in parallelogramma vel triangula, quorum bases sunt parallelæ communi planorum sectioni, adeoque erunt parallelæ plano in quod projiciuntur, unde bases & earum projectiones erunt sibi ipsis æquales & parallelæ, uti à nobis in Lect. XIII. ostensum fuit. Sed perpendiculares à verticibus triangulorum in bases demissæ, sunt etiam ad communem planorum sectionem perpendiculares, per 29. El. 1. Et proinde perpendicularium ad planum inclinatio æqualis est inclinationi planorum ad se invicem.

cem. Harum itaque perpendicularium projectiones sunt ad ipsas perpendiculares, ut *Cosinus* inclinationis planorum ad radium. Quodlibet igitur triangulum vel parallelogrammum projicitur in aliud, cujus basis est æqualis basi ipsius trianguli aut parallelogrammi quod projicitur, & ejus altitudo est ad altitudinem trianguli, ut *Cosinus* inclinationis Planorum ad Radium. Sed triacula & parallelogramma quorum bases sunt æquales, sunt ut perpendiculares à verticibus in bases demissæ. Projectio igitur trianguli cujuslibet est ad ipsum triangulum in data ratione; adeoque omnium triangulorum Projectiones (hoc est totius figuræ Projectio) sunt ad omnia triacula, in quæ resolvitur figura, in eadem ratione, scil. ut *Cosinus* inclinationis Planorum ad Radium.

Si orbita Telluris Orthographice, demissis perpendicularibus in planum Æquatoris, projiciatur: Projectio fiet Ellipsis, in cujus peripheria semper movetur punctum quod est extremitas lineæ à Tellure in planum Æquatoris perpendiculariter demissæ; & hoc punctum motu suo signabit Telluris Ascensionem rectam, seu motum ejus secundum Æquatorem è Sole visum, cui semper æqualis est Solis Ascensio recta è Tellure visa. Sit $\vee A \simeq C$ Ellipsis in quam projicitur orbita Telluris, S punctum in quod Solis centrum projicitur; $\vee S \simeq$ communis sectio Æquatoris & Eclipticæ, A punctum quod perpendicularum à Tellure Ellipsi offendit, erit $\vee SA$ angulus quem metitur Solis Ascensio recta. Dico jam punctum illud A, quod signat motum Ascensionis rectæ, ita in Ellipsi $\vee A \simeq C$ moveri, ut describat circa S Areas temporibus proportionales. Dato enim tempore, moveatur A per arcum Ellipticum AB, ducantur AS, BS, & trilineum ASB erit projectio correspondentis Areæ quam Terra in plano Eclipticæ circa Solem eodem tempore describit. Et proinde erit Projectio ASB ad Aream correspondentem in orbita Telluris, ut *Cosinus* Inclinationis Æquatoris & Eclipticæ ad Radium; sed in eadem ratione est tota Area Elliptica $\vee A \simeq C$ ad totam orbitam Telluris, unde permutando, erit trilineum ASB ad totam Aream Ellipticam, $\vee A \simeq C$, ut Area in orbita Telluris circa Solem descripta
ad

TAB. 35.
fig. 1.

Iisdem positis, centro S, intervallo SA, quod sit medium TAB. 39.
 proportionale inter Ellipseos semiaxem majorem & minorem, fig. 2.
 describatur circulus, ejus Area æqualis erit Area Ellipseos
 uti ex Conicis demonstrare facile est. Circulus hic Ellipsim
 secabit, in quatuor punctis E, F, G, H. Hæc puncta ostendent
 Ascensiones Solis Rectas, ubi Temporis Æquationes fiunt
 maximæ. In Peripheria circuli moveri concipiatur punctum
 aliquod M uniformiter, ejus motus Sideris nostri ficti *m*
 (fig. 8. 9. Tab. 38.) motum repræsentabit, & describet cir-
 ca punctum S sectores circulares temporibus proportionales
 Cumque Area totius circuli sit Area totius Ellipseos æqua-
 lis, erunt Area sectorum circuli & Area Ellipticæ circa S
 temporibus æqualibus descriptæ semper æquales. Ponamus
 itaque punctum M in Peripheria circuli, & punctum in Pe-
 ripheria Ellipseos signans Solis Ascensionem rectam simul
 in recta SM incidere, quæ puncta postea sint in *m* & A,
 erit Area LSA Elliptica æqualis Area circulari MS *m*; cum-
 que arcus M *m* sit extra Ellipsim, erit angulus MS *m* minor
 angulo MSA, quorum angulorum differentiam metietur ar-
 cus *m* A, qui est Temporis Æquatio. Cum punctum si-
 gnans Ascensionem rectam ad intersectionem circuli Ellipseos
 pervenerit, ibi ejus motus circa Solem angularis æqualis erit
 motui puncti *m*. Sint enim Area *m*Sn, ASF temporibus
 quam minimis simul descriptæ, erunt illæ æquales: adeoque
 arcus *q*F ductus in SF æqualis erit arcui *mn* ducto in S*m*,
 unde ob æquales SF, S*m*, æquales quoque erunt arcus FQ,
mn; in puncto igitur F motus Ascensionis rectæ æqualis
 est motui Sideris ficti *m*, idem similiter ostendetur in pun-
 ctis G, H, E. Sed prius ostensum fuit, in iis punctis, ubi
 motus Ascensionis rectæ æqualis est motui Sideris ficti, seu
 Telluris medio, ibi Æquationes esse maximas. In punctis
 M m m ita-

itaque F, G, H, E Æquationes sunt maximæ.

TAB. 39.
fig. 3.

Si quærantur puncta ubi dies sunt longissimi, vel brevissimi; hujus Problematis solutionem nobis quoque suppeditavit idem nunquam satis laudandus *Halleius*, quæ talis est. Ellipsis $\gamma \in \psi$ sit projectio orbitæ Telluris ut prius, S punctum in quo Solis centrum, K centrum Ellipseos, producatur KS utrinque, ita ut KG & SH sint ad KS (quæ est projectio excentricitatis) ut Quadratum Radii ad Quadratum Sinus Obliquitatis Eclipticæ; per K ducatur $\gamma \in$ parallela communi sectioni planorum Eclipticæ & Æquatoris, & huic ad angulos rectos ducatur $\in K \psi$. Per G ducatur GF & per H recta FH ad $\in \psi$, & $\gamma \in$ parallelæ. Per S & K describatur Hyperbola cujus Asymptoti sunt FG, FH, hæc Hyperbola ejusque opposita CD Ellipsim in punctis quæsitis secabunt; hoc est, cum Sol est in punctis Eclipticæ respondentibus D & B, fiunt dies longissimi, & in B longiores sunt dies quam in D. Puncta autem quæ punctis A & C respondent, ostendent dies brevissimos; & in A quidem breviores sunt quam in C.

Cujus Demonstratio exinde patet, quod punctum Solis Ascensionem rectam signans, ita in Peripheria Ellipseos fertur ut describat Areas temporibus proportionales, uti ostensum est; adeoque ejusdem puncti velocitas angularis est ubique reciproce ut quadratum distantiae ab S; velocitates igitur fiunt maximæ, ubi rectæ ex S minimæ in Ellipsim cadunt, & velocitates sunt minimæ ubi rectæ ex S in Ellipsim cadunt maximæ. At constat ex constructione; & *Prop. 62. lib. 5. Conicorum Apollonii*, Hyperbolas descriptas Ellipsim secare in punctis A & D, ubi rectæ SA & SD sunt maximæ, & in punctis B & C ubi SB, SC sunt minimæ; in iis enim punctis cadunt ex S, rectæ SB, SC, SD, SA ad curvam perpendiculares. Hinc motus Solis, secundum Ascensionem rectam, erit velocissimus in B & D, ideoque dies fiet longissimus, & in C & A tardissimus, & in iis punctis dies fit brevissimus.

LECTIO XXVI.

De Reliquorum Planetarum Theoriis.

POST explicatam motûs Annui Telluris Theoriam, Theoria Planetarum fundantur in Theoria Terræ. methodumque traditam, qua orbitæ forma, Apfidumque positio determinantur; ex quibus cognitis, per Tabulas Astronomicas locus Telluris in Ecliptica è Sole visus, eique oppositus Solis locus nobis apparens, ad quodlibet tempus computari potest. Ad reliquorum Planetarum Theorias exponendas accedimus, quæ non nisi per motum Telluris prius cognitum inveniri possunt.

Ante omnia, oportet Planetarum periodos, seu tempora, in quibus singuli circulationes absolvunt determinare; ad quod faciendum, notandum est, quando Planetæ superiores sunt in situ Achronicho; hoc est, quando in oppositione Solis videntur à nobis è Tellure eos spectantibus, apparent esse in eodem Eclipticæ puncto in quo ex Sole viderentur, si ibi constitutus fuisset oculus. Quinetiam cum inferiores in conjunctione cum Sole & in Solis disco spectantur; ex Sole visi oppositum Eclipticæ locum occupare conspicerentur. Quoties igitur Planeta aliquis superior in oppositione Solis videtur, locus ejus Geocentricus cum Heliocentrico coincidit. At quando inferior in conjunctione cum Sole, & in ejus disco cernitur, locus Heliocentricus oppositus erit loco Geocentrico, seu illi qui ex Tellure spectatur, præterea cum Planetæ inferiores sunt in maximis à Sole Elongationibus; Angulus ad Solis centrum inter rectas ad Terram & Planetam ductas comprehensus, æqualis est complemento Elongationis Planetæ à Sole, (nam in orbitis propemodum circularibus, linea orbitam tangens est perpendicularis ad rectam à Sole ad punctum contactus ductam) ac proinde dabitur ille angulus, sed datur punctum Eclipticæ in quo Tellus in illo momento videbitur; unde dabitur quoque punctum in quo Planeta inferior è Sole conspicitur. In his igitur positionibus dabuntur Planetarum loca Heliocentrica. Locus Geocentricus & Heliocentricus, cum Planeta superior est in oppositione Solis, coincidunt.

*Tempo-
rum Pe-
riodico-
rum pri-
ma De-
termina-
tio.*

Si itaque Planeta aliquis superior, *v. gr.* Jupiter obser-
vetur cum est in oppositione Solis, iterumque rursus cum
ad oppositum Solis pervenit; dabitur arcus quem Planeta
è Sole spectatus interea temporis percurrit; fiat itaque ut
arcus ille ad totam circumferentiam, ita tempus inter ob-
servationes elapsum, ad quartum, dabitur exinde quam-
proxime tempus Planetæ Periodicum, & similiter ex datis
inferiorum locis Heliocentricis eorum Periodos quamproxi-
me colligere licebit; quamproxime dico, nam calculus sup-
ponit motum Planetæ esse in circulo & per omnem perio-
dum æquabilem; quod verum non est, unde non accurate
hac methodo dabuntur Planetarum periodi.

*Eorun-
dem ac-
curatior
Deter-
minatio.*

Sequenti igitur methodo accuratius investigari possunt
Planetarum Tempora Periodica. Observetur Planeta quili-
bet bis in eodem nodo; id est, binæ fiant observationes,
quando Planeta, ad eandem orbitæ partem, nullam habue-
rit latitudinem, quod tunc solum potest contingere, quan-
do Planeta est revera in nodorum aliquo: Tempus inter bi-
nas observationes elapsum, æquale erit tempori Planetæ Pe-
riodico. Nam cum Planetæ omnes moveantur in orbitis, quo-
rum plana ab Eclipticæ plano diversa sunt, & Sol in com-
muni omnium orbitarum foco existat, orbitæ omnes Ecli-
pticæ planum secabunt in lineis per Solem transeuntibus,
quæ ad Eclipticam productæ nodos duos ostendent; & Pla-
neta non nisi semel in integra periodo in nodorum aliquo
spectari potest. Nodi autem vel quiescunt vel tarde admo-
dum moventur; adeo ut spatio unius periodi tanquam quie-
scentes haberi possunt. Unde ex dato tempore inter duos
proximos Planetæ ad eundem nodum appulsus, innotescet
Planetæ Periodus.

*TAB. 39.
fig. 4.*

His iisdem observationibus, cognita prius Theoria motûs
Telluris, obtineri potest lineæ Nodorum positio, seu pun-
cta Eclipticæ in quibus linea Nodorum eidem occurrit. Sit
ATB orbita Telluris, CND Planetæ orbita, NSⁿ No-
dorum linea: Sitque in prima observatione Tellus in T, &
Planeta observetur in N. Cumque Planetæ locus è Terra
visus per observationem innotescit; Solis autem locus ad il-
lud

Iud tempus ex cognitâ Telluris Theoria datur; exinde arcus Eclipticæ inter duo loca interceptus seu mensura anguli $NT\circ$ dabitur. In secunda observatione, sit Tellus in t , & Planeta in eodem Nodo N , unde similiter invenietur angulus $N\ t\ S$.

In triangulo rectilineo $TS\ t$, dantur TS , tS , & angulus $TS\ t$, ex nota Theoria Telluris; unde per Trigonometriam inveniri possunt anguli $ST\ t$ & $S\ t\ T$, item latus $T\ t$, ab angulo itaque $ST\ t$ dato, auferatur datus angulus NTS , & dabitur angulus $NT\ t$, ad angulum datum $S\ t\ T$, addatur angulus datus $N\ t\ S$, & dabitur angulus $N\ t\ T$; unde in triangulo $N\ t\ T$, dantur omnes anguli, cum latere $T\ t$ prius invento, quare dabitur latus NT distantia Planetæ à Terra. Denique in triangulo NTS , dantur latera NT , TS , & angulus NTS observatione cognitus, exinde innotescet latus NS distantia Planetæ in nodo existentis à Sole, & angulus TSN qui positionem Nodorum ostendet. Nam notum est punctum Eclipticæ quod Tellus è Sole visa tempore observationis occupat, & notus est angulus TSN ; quare quoque innotescet punctum Eclipticæ in quo Nodus N è Sole videtur, & punctum n huic appositum erit alterius Nodi locus, unde notus erit Nodorum situs invenendus.

Hac ratione investigatis Nodorum locis; possumus invenire inclinationem orbis Planetarii ad Eclipticam. Scil. ex dato loco Nodi, innotescet tempus quando Tellus è Sole visa idem punctum occupat, quod fit per ejus Theoriam; eodem tempore observetur Planetæ Latitudo Geocentrica, ejusque distantia à Nodo Opposito; erit tunc Latitudo Planetæ Heliocentrica, Latitudini observatæ æqualis, cum Planeta à Sole visus tantundem distat à Nodo. Sit enim CPD orbita Planetæ, NS Nodorum linea, BNT portio orbitæ Telluris, in qua sit Tellus in N , scil. in linea Nodorum, observetur Planeta in P , eruntque Sol, Planeta, & Tellus omnes in plano orbitæ Planetariæ. A puncto P ad Eclipticam demittatur normalis recta PE , & in plano Eclipticæ ducatur recta NE . Planum trianguli NPE ad Eclipticam rectum erit, & angulus PNE erit Latitudo Planetæ observa-

Nodorum positiones determinantur.

Inclinationes orbitarum determinantur.

TAB. 39
fig. 5.

ta; per S ducatur Spf ad NP & pe ad PE parallelæ, & planum per Sp , pe erit ad planum NPE parallelum, & proinde ad Eclipticæ planum normale; adeoque Se communis sectio hujus plani cum Ecliptica erit ad NE parallela, quare ob Sp , Se parallelas ad NP , NE erit angulus pSe Latitudo Heliocentrica æqualis angulo PNE Latitudini Planetæ à Tellure observatæ, cum illa in Nodo invenitur.

TAB 39.
fig. 5.

Sit nf portio orbitæ Planetæ ad cælum productæ, nb portio Eclipticæ, fb arcus circuli Latitudinis per Planetæ locum Heliocentricum ductus. In triangulo Spherico rectangulo nfb , ex datis nb distantia Planetæ à Nodo, & bf ejus Latitudine observata; dabitur angulus bnf inclinatio orbis Planetarii ad Eclipticam.

Deter-
minatur
locus He-
liocentri-
cus Pla-
netæ &
distantia
à Sole
quando
Planeta
observe-
tur in si-
tu A-
chronico.

TAB 40.
fig. 1.

Inventa semel hac inclinatione, observatione innotescet locus Planetæ Heliocentricus, ejusque à Sole distantia, quotiescunque ille in situ Achronico seu Soli opposito invenitur. Sit ATB orbita Telluris, DPE orbita Planetæ; sitque Planeta in P , Tellus in T , & NSn Nodorum linea, in qua sit Sol in S . Locus Planetæ ad Eclipticam reductus erit in linea ST , quæ per terram transit; Observetur angulus PTE Latitudo Planetæ Geocentrica. Sed datur angulus PSI ejus Latitudo Heliocentrica, quia datur distantia Planetæ à Nodo. Præterea per Theoriam motus Telluris, datur ST distantia Telluris à Sole: adeoque in triangulo PST , ex datis omnibus angulis una cum latere ST , dabitur PS distantia Planetæ à Sole, sed datur angulus PSn , ex data latitudine Heliocentrica, ex quo innotescet Planetæ locus Heliocentricus in propria orbita: similiter si aliæ duæ habeantur ejusdem Planetæ observationes in situ Achronico, dabuntur positione & magnitudine tres lineæ, quarum extremitates in Planetæ orbita locantur, & Sol est in orbitæ foco alterutro; unde ut determinetur Planetæ orbita, ejusque species & positio, describenda est Ellipsis, cujus focus datus est, & quæ per tria puncta transit. Quod Problema expedire docent Geometræ, & nos etiam in sequentibus, Problematis solutionem dabimus.

Si Planeta sit extra situm Achronicum, nihilominus per uni-

unicam observationem, ejus à Sole distantia locusque Helio-
centricus inveniri potest. Sit PAE orbita Planetæ, TGH
Telluris orbita, Tellus in T, Planeta in P, sitque Sol in S,
& NS Nodorum linea. Ex P demittatur ad planum Ecli-
pticæ normalis PB, ducatur BT, & producat ut cum li-
nea Nodorum concurrat in N. Erit planum trianguli NPB ad
planum Eclipticæ perpendiculare, cui etiam sit recta CT
normalis, plano orbitæ Planetariæ occurrens in C. Ex T in
lineam Nodorum demittatur perpendicularis recta TD, &
juncta DC, erit angulus TDC inclinatio orbitæ ad Eclipti-
cam, quæ itaque datur. Observetur angulus PTB Latitu-
do Planetæ Geocentrica, item angulus BTS Elongatio Pla-
netæ à Sole secundum Eclipticam. In triangulo NTS, da-
tur, ex Theoria Telluris, latus TS distantia terræ à Sole in
momento observationis. Item angulus TSN, ex cognitis
locis Telluris & Nodi, datur etiam angulus STN distantia
Planetæ à Sole è terra visa, vel ejus complementum ad duos
rectos, unde dabitur NT. Et in triangulo rectangulo TSD,
ex datis TS & angulo TSD, seu TSN, dabitur TD. Quare
in triangulo rectangulo TDC, ex datis TD & angulo TDC
inclinatione orbitæ ad Eclipticam, dabitur exinde TC. In
triangulo rectangulo TCN, ex datis TC, TN, dabitur an-
gulus TNC. Quare in triangulo NTP, dantur omnes angu-
li, nam angulus PTN est Latitudo observata, vel ejus com-
plementum ad duos rectos, & PNT modo inventus est, fi-
cuti latus TN, unde innotescet latus TP. In triangulo PTB
rectangulo ad B, datur TP & angulus PTB Latitudo obser-
vata, unde dabuntur latera TB, PB. Et in triangulo TSB,
ex datis TB, TS cum angulo interjecto BTS dabitur SB,
(quæ distantia Planetæ à Sole curtata dicitur) cum angulo
TSB. Adeoque locus Helio-centricus Planetæ ad Eclipticam
reductus. Denique in triangulo PBS dantur latera PB, BS,
ex quibus dabitur SP distantia Planetæ à Sole, & angulus
PSB Latitudo Planetæ Helio-centricæ. Data autem inclina-
tione orbitæ, & Latitudine Planetæ Helio-centricæ, dabitur
ejus distantia à Nodo in propria orbita, adeoque ejus locus
centricus è Sole visus.

*Per uni-
cam ob-
servatio-
nem de-
termina-
tur locus
Planetæ
Helio-
centricus
ejusque à
Sole di-
stantia
extra fi-
tum A-
chroni-
cum.*
TAB 40.
fig. 2.

Si, hac ratione acquirantur alii duo Planetæ loci Helio-
centrici eorumque à Sole distantia, habebitur focus scil. cen-
trum Solis, & tria puncta data erunt per quæ describenda
erit Ellipsis, quæ erit orbita Planetæ.

TAB. 39.
fig. 6.

Aliam excogitavit methodum Cl. *Halleius*, qua Planetæ
loca centrica, ejusque à Sole distantia inveniri possunt, quæ
supponit tantum cognitum esse Planetæ tempus periodicum.
Nempe sit KLB orbita Telluris, S Sol, P Planeta, seu po-
tius punctum ubi perpendicularis à Planeta in planum Ecli-
pticæ incidit. Et primo Tellure in K existente, observetur
ejus Longitudo Geocentrica, & ex data Theoria Telluris da-
bitur Longitudo Apparens Solis, quare dabitur angulus PKS.
Planeta post integram absolutam periodum, rursus ad P re-
dibit, quo tempore, Tellus sit in L, & exinde rursus obser-
vetur Planeta, & inveniatur angulus PLS Elongatio Pla-
netæ à Sole. Ex datis momentis observationum, dantur
loca Telluris in Ecliptica è Sole visa, ejusque à Sole di-
stantia, quare in triangulo LSK, dantur LS, SK, & an-
gulus LSK, quare invenientur anguli SLK & SKL & latus
LK. Quare si ab angulis datis PKS & PLS, auferantur an-
guli noti LKS & KLS, restabunt anguli PKL & PLK noti;
Quare in triangulo PLK ex datis angulis, uno cum latere KL,
innotescet PK. Deinde in triangulo PKS, dantur latera PK,
KS cum angulo interjecto PKS, quare dabitur SP distantia
Planetæ à Sole curtata, & angulus KSP, ex quo innotescet
locus Planetæ Heliocentricus, ejusque à Nodo distantia se-
cundum Eclipticam. Est autem Tangens Latitudinis Pla-
netæ Geocentricæ, ad Tangentem Latitudinis Heliocentri-
cæ, ut distantia Planetæ à Sole curtata, ad distantiam ejus-
dem à Tellure curtatam, sed per observationem, datur La-
titudinis Planetæ Geocentricæ; quare dabitur Planetæ Helio-
centrica Latitudo, ex qua & distantia à Sole curtata, elicie-
tur Planetæ à Sole vera distantia desiderata. Si hac ratione
acquirantur tria loca centrica Planetæ, tresque correspon-
dentes ejus à Sole distantia, forma orbitæ & Apfidum positio
habebitur; describendo Ellipsim cujus focus est Sol quæ
transit per tria puncta data. Ellipsis autem illa sequenti me-
thodo determinatur.

Sint

Sint SD , SC , SB tres rectæ datæ, in datis positionibus à foco S , ducantur DC , BC , & producantur, ut sit DF ad CF , ut DS ad CS . Item CE ad BE , ut CS ad BS ; ducatur FE , in quam ex S cadat perpendicularis SG ; hæc recta dabit Axis positionem. Ducantur DK , CI , BH ad SG parallelæ, & secetur SG in A , & producatur, ut sit GA ad SA , ut KD ad SD , & ita G ad Sa , fiatque $Sa = SA$. Erunt puncta Aa vertices Ellipseos, cujus foci sunt S & s , & Axis major Aa . Et si his verticibus & focis describatur Ellipsis, erit ea ejusdem formæ cum orbita quæsitæ. Nam quoniam est DS ad CS , & DF ad CF , & ut DK ad CI ; erit permutando DS ad DK , ut CS ad CI ; & similiter erit SB ad BH , ut CS ad CI , & ut DS ad DK ; sed ut DS ad DK , ita est per constructionem SA ad GA . Et quoniam est $SA:AG::Sa:aG$; erit $SA:AG::Sa-SA$, seu $Ss:aG-AG$ seu Aa . Adeoque erit $SD:DK::SC:CI::SB:BH::Ss:Aa$. Sed hæc est proprietas Ellipseos cujus focus est S , & Axis major Aa uti à Scriptoribus Conicis demonstratur, & speciatim à *Milnio* in Elementis Conicis, *Part. IV. Prop. 9.* unde liquet Ellipsim focis S & s , & Axe Aa descriptam transire per puncta BCD .

Quoniam in Astronomia, calculus constructione quavis, utcunque concinna, utilior est; Ellipseos forma & positio sic calculo invenitur. In triangulis DSC , BSC , ex datis lateribus DS , CS , BS , & angulis DSC , CSB , innotescunt latera DC , BC , & anguli SDC , SCD , SCB & SBC . Et quoniam datur ratio DF ad CF , & datur DC , dabuntur quoque CF , & DF , similiter quoniam datur ratio CE ad BE , & datur CB , dabuntur CE & BE ; sed datur angulus BCD æqualis duobus notis DCS & BCS , quare dabitur hujus complementum ad duos rectos, scil. angulus FCE . In triangulo igitur FCE , dantur latera CF , CE , & angulus interjectus FCE ; quare invenietur angulus CEF , ejusque complementum ad rectum, qui est angulus ICE , cui addatur notus angulus SCB , & dabitur totus angulus SCI . Et quoniam Aa est ad IC parallela; erit angulus CSa æqualis SCI angulo, unde ex noto angulo CSa dabitur Axeos positio.

Descriptio Ellipseos cujus focus datus est, & quæ per data tria puncta transit.
TAB. 39.
fig. 7.

In triangulo rectangulo EBH, ex datis BE & angulo E invenietur BH, & unde ratio BS ad BH, quæ est ratio S s ad A a, & SA ad AG, & Sa ad a G, quare dabuntur puncta A a vertices Ellipseos & foci S & s. Quæ erant invenienda.

Superius ostensum est, qua ratione locus Planetæ centricus per observationem inveniri possit, locum autem situmque Aphelii nunc invenire docuimus, ex quo dabitur distantia Planetæ ab Aphelio, tempore observationis, hæc distantia Anomalia Planetæ vera seu coæquata dicitur: determinatis autem orbitæ Excentricitate & tempore Periodico, locum Planetæ medium seu Anomaliam ejus mediam investigare docuimus in Lectione *De Solutione Problematis Kepleri*; & exinde ad tempus observationis datum dabitur Planetæ motus medius, locusque, quem in propria orbita is teneret, si æquabili semper motu angulari incederet, quo semel dato, dabitur planetæ locus medius, pro alio quovis temporis momento. Fiat enim ut tempus Periodicum ad tempus inter observationem & momentum pro quo quaeritur locus Planetæ medius; ita integer circulus seu grad. 360. ad quartum, hic arcus si tempus præcesserit observationem, ablatum à loco prius invento, vel eidem additus, si posterius fuerit, dabit locum Planetæ medium ad tempus propositum.

Ut facilius obtineatur locus Planetæ medius, ad quodlibet temporis momentum, convenit ejus motum ex tabulis Astronomicis eruere, in quibus habetur locus Planetæ medius, seu Anomalia media, in initio celebris alicujus Æræ, qualis est *Æra Nativitatis Christi Domini*, *Nabonassori*, *Mundi Conditæ*, *Urbis Conditæ*, aut *Periodi Julianæ*; Qui locus pro his Temporum momentis datur, per methodum supra explicatam, & pro meridie Temporis æquabilis, non apparentis habendus est; locus talis *Epocha* seu *Radix* dicitur, à qua tanquam immobili principio motus omnes confluent.

Tabula
motus
medii
quomodo
constru-
untur.

Si tempus per Annos à Nativitate Domini, aut ab initio Periodi Julianæ elapsos numeretur, præstat ut Annus initium capiat à Meridie quæ primam diem Januarii præcedit,

ita




Fig. 1.




Fig. 3.




Fig. 2.




Fig. 4.




Fig. 7.




Fig. 6.




Fig. 5.

ita ut in Meridie primæ diei Januarii, completa sit prima Anni dies. Fiat ut Tempus Periodicum ad Annum communem 365 dierum; ita circulus ad quartum, dabitur Planetæ motus medius in uno Anno, & similiter, fiat ut Tempus Periodicum ad diem ita circulus integer ad quartum, & dabitur motus medius diurnus; similiterque operando, dabitur motus Horarius, motusque pro singulis scrupulis primis, secundis, &c. Si motus Annuus continuo ad se ipsum addatur, dabitur motus duorum, trium, & quatuor Annorum, sed cum quartus quilibet Annus sit Bissextilis constans dierum 366, ad motum quarti Anni addendus est motus unius diei. Deinde continuo addendo motum unius Anni, habebimus motum 5, 6, & 7, Annorum; sed motus octavi Anni augendus est motu unius diei, vel potius motus quatuor Annorum duplicandus est, est enim Bissextilis. Ex hisce motibus sic collectis, semper rejiciendi sunt integri circuli, nam post circulum peractum, Planeta semper ad eundem locum redit.

Hac ratione habentur Planetæ cujuslibet motus medii, pro Annis singulis, usque ad 20. Deinde si motus Annorum 20 continuo ad se addantur, dabuntur motus in Annis 40, 60, 80, 100, quibus singulis addendo motum decem Annorum dabuntur motus pro Annis 30, 50, 70, 90, 100. Et continua additione motus 100. Annorum rejectis semper integris circulis; dabuntur motus Annorum 200, 300, 400, 500, &c. usque ad 1000. Et similiter progrediendo, obtinentur motus pro Annis 2000, 3000, 4000, 5000, &c. Atque ita quo usque libuerit progredi liceat.

Motus sic collecti in Tabulis sunt reducendi, quæ Tabulæ motus medii dicuntur, seu Anomalix mediæ, si ab Aphelio numerentur motus; & pro singulis Planetis in tabulis Astronomicis prostant. Verum notandum est, si motus medius sit ab æquinoctio numerandus, loco Temporis Periodici capiendum erit Tempus quo Planeta Zodiacum percurrit, quod Tempore Periodico aliquanto minus est, ob motum Æquinoctiorum interea in antecedentia factum.

Si Planetarum Aphelia moveri supponatur, hujus quoque

motus ratio habenda est. Et motus Præcessionis Æquinoctiorum motusque Apheliorum, (qui quantum constat præterquam in Luna sunt omnes æquabiles,) pro singulis Annis; Annorum Decadibus, centenariis, & millenariis sunt similiter computandi, & in Tabulis disponendi, ut pro dato tempore habeantur distantiae fixarum & Apheliorum ab Æquinoctio.

His adjungunt Astronomi alias quoque pro singulis Anomaliae mediae gradibus Tabulas, quibus Anomaliae verae correspondentes habentur, & computari possunt per methodum à nobis traditam in Lectione de solutione Problematis Kepleri, si minuta & scrupula secunda adjiciantur mediis motibus, capienda est differentia inter Anomalias veras uno gradu à se invicem distantes, & elicienda est pars proportionalis addenda Anomaliae Tabulari proximè minori, aut ab ea subtrahenda.

Pro Solis Lunæque motibus vulgo computantur Prostaphereses seu Æquationes, quæ sunt differentiae inter Anomaliam veram & mediam. Hæ ab Anomalia media vel sublata, vel eidem additæ, prout Planeta fuerit in primo vel secundo Anomaliae semicirculo, dant Anomaliam veram.

Ex notis Aphelii, Nodique locis, dabitur eorum distantia, adeoque ex data Planetæ Anomalia vera, dabitur ejus distantia à Nodo, quæ *Argumentum Latitudinis* dicitur. Per quod & calculum Trigonometricum, facile innotescit Planetæ Latitudo centrica, ejusque distantia à Sole curtata, quæ est distantia inter Solem & rectam à Planeta ad planum Eclipticæ perpendiculariter demissam. Atque hac ratione locus Planetæ centricus, Latitudo, & à Sole distantia calculo inveniuntur. Quibus investigatis possumus locum Planetæ Geocentricum seu è Tellure visum hac ratione exquirere.

Inveniendus est primo, locus Telluris in Ecliptica è Sole visus, ejusque à Sole distantia; item locus Planetæ Helio-centricus, Latitudo, & distantia curtata. Sit TCF orbita Telluris, in qua sit Tellus in T, APE orbita Planetæ, cujus locus sit P, & S Sol, SN Nodorum linea. Ex

*Calculus
loci Geo-
centrici
Planetæ
TAB. 40.
fig. 3.*

Pla.

Planetæ loco demittatur ad Planum Eclipticæ normalis recta PB, ducta SB & producta occurret Eclipticæ in loco Planetæ ad Eclipticam reducto, qui locus, ex dato arcu PN, & inclinatione Planorum orbitæ & Eclipticæ datur. Sed datur locus Telluris è Sole visus, adeoque dabitur differentia locorum Terræ & Planetæ, seu angulus TSB qui Commutatio dicitur. Deinde in triangulo TSB, datur TS ex Theoria motus Telluris, & SB distantia Planetæ à Sole curtata, quare dabitur angulus STB Elongatio Planetæ à Sole, seu arcus Eclipticæ inter locum Solis & Planetæ locum interceptus, & TB distantia Planetæ à Tellure curtata. At datur Solis locus, oppositus est enim loco Terræ è Sole viso; quare dabitur locus Planetæ in Ecliptica è Tellure visus. Præterea in duobus triangulis rectangulis PSB, PTB, est Tangens anguli PSB ad Tangentem anguli PTB, ut TB ad SB, sed ut TB ad SB, ita sinus TSB anguli Commutationis ad sinum anguli Elongationis STB. Quare erit ut sinus anguli commutationis ad sinum anguli Elongationis, ita Tangens Latitudinis Heliocentricæ, ad Tangentem Latitudinis Geocentricæ. Q. E. I. Sic hac ratione invenire possunt Astronomi ad quodlibet datum Temporis momentum Locum Planetæ Geocentricum, ejusque Latitudinem è Tellure visam.

Comparando Planetarum Periodos cum ipforum a Sole distantis mirabilem videmus eos ubique observare Harmoniæ legem, scil.

Quadrata Temporum Periodicorum sunt in omnibus, proportionalia Cubis distantiarum mediarum à Sole.

Sunt enim Periodi & distantie mediæ illæ quas exhibet annexa Tabula.

	Periodi				Distantiæ mediæ.
	Dies	h.	'	"	
♂	10759:	6:	36:	26	953800
♂	4332:	12:	20:	25	520110
♂	686:	23:	27:	30	152369
♂	365:	6:	9:	30	100000
♀	224:	16:	49:	24	72333
♀	87:	23:	15:	53	38710

Pla-

Planetarum Diametros veras, & magnitudines, eos cum Sole comparando, optime determinavit illustris Mathematicus *Hugenius*, in Systemate suo Saturnino; idque methodo sequenti.

Docuit nos novo suo & Divinitus invento Systemate Copernicus, quamnam inter se proportionem servant, singulorum à Sole Planetarum distantiae. Apparentes vero eorundem diametri, quanto aliae aliis majores sunt, Telescopii ope innotescit, collatis ergo invicem rationibus utriusque, tum distantiae, tum magnitudinis apparentis, vera inde Planetarum ad se mutuo nec non ad Solem magnitudo cognoscitur, per principia in Lectione prima à nobis explicata.

Et ad Saturnum quod attinet primum, Annuli ejus diameter, quum in minima à nobis distantia, comprehendatur angulo 68 scrupulorum secundorum, talis enim ad summum reperitur, cumque minima hæc Saturni distantia sit ad mediocrem Solis distantiam fere octupla, sequitur, si tam propinquus nobis fieret Saturnus quam Sol in distantia mediocri, apparituram tunc Annuli diametrum octuplam ejus quæ nunc apparet, hoc est $9' : 4''$. Solis autem diameter in media distantia est $30' : 30''$; ergo revera, ea erit proportio diametri Annuli Saturni ad diametrum Solis quæ $9' : 40''$, ad $30' : 30''$; hoc est, fere quæ 11 ad 37, Diameter vero Saturni ipsius, ad Annuli diametrum se habet ut 4 ad 9; hoc est, fere ut 5 ad 11, adeoque ad diametrum Solis ut 5 ad 37.

Jovis diameter cum proxime nobis adest, 64 scrupula secunda comprehendere videtur, cumque hæc ejus distantia sit ad mediam Solis distantiam ut 26 ad 5. Si fiat ut 5 ad 26, ita $64''$ ad aliud, invenientur $5' : 35''$ amplitudo anguli quem obtineret Jovis diameter, si tam propinquus nobis fieri intelligatur, atque Sol in distantia mediocri. Sol autem hic apparet diametro $30' : 30''$. Ergo Jovialis diametri ad Solarem proportio erit, quæ $5' : 35''$, ad $30' : 30''$ hoc est, paulo major quam 1 ad 5.

Venus cum Terris proxima est, non majorem subtendit an-

angulum quam 85 scrupulorum secundorum. Est autem distantia hæc Veneris Perigea, ad mediam Solis à Tellure distantiam circiter ut 21 ad 82. Ergo si apud Solem Venus consisteret, appareret ejus diameter duntaxat $21'' : 46'''$; unde constat ita esse diametrum Veneris ad Solarem ut $21'' : 46'''$ ad $30' \frac{1}{2}$; hoc est, ut 1 ad 84.

At Martis diameter Terris proximi non excedere $30''$ prehenditur. Unde cum distantia Martis minima sit ad mediocrem Solis, ut 15 ad 41, colligitur ratio diametri Martis ad diametrum Solis, ea quæ est circiter 1 ad 166, unde Mars duplo minor Venere secundum diametrum, hac ratione efficitur.

Præterea ex observationibus Hevelii constat, Mercurii diametrum ad Solis diametrum comparatam, se habere ut 1 ad 290.

Terræ magnitudinem ad Solem comparatam diversi auctores diversam ponunt; qui parallaxim Solis Horizontalem quindecim secundorum fingunt, Solem à Terra 13750 semidiametris distare volunt, quo posito diameter Solis erit ad diametrum Terræ ut $30' : 30''$ ad $30''$; hoc est, ut 61 ad 1. Sed est argumentum probabile, quod hanc proportionem paulo majorem facit; nempe quoniam Lunæ diameter paulo major est quam quarta pars diametri Terræ: si parallaxis Solis ponatur quindecim secundorum, fieret Lunæ corpus corpore Mercurii majus; Planeta scil. secundarius primario major, quod concinnati Systematis Mundani contrariari videtur. Ponatur itaque Terræ semidiameter è Sole visa, seu quod idem est, Solis parallaxim Horizontalem 10 secundorum; unde Luna minor erit Mercurio, ac provenit Solis à Terra distantia plus quam 20000 semidiametris Terræ; & Solis diameter erit $91 \frac{1}{2}$ vicibus major Telluris diametro; cui proportioni convenit in præsentiarum, assensum præbere, usquedum per observationem Veneris in Solis disco visæ, quod Anno 1761. continget, de eadem certiores simus facti. Est itaque diameter Solis ad Planetarum diametros, in ratione quæ sequenti Tabella exprimitur.

Dia-

Diameter Solis est ad diametrum,	{	Saturni	{	ut 1000 ad	{	137
		Jovis				181
		Martis				6
		Terræ				9
		Veneris				12
		Mercurii				4

Adeoque cum Sphæræ sint ut Cubi à diametris

erit Sol ad	{	Saturnum	{	ut 10000000000 ad	{	2571353
		Jovem				5929741
		Martem				216
		Tellurem				343
		Venerem				1728
		Mercurium				64

*Jupiter
reliquos
omnes
Planetas
simul
sumptos
magni-
tudine
superat.*

Hinc sequitur, Solem omnes Planetas simul sumptos, plusquam centies & sedecies magnitudine superare; Saturnus autem quadringentis vicibus est Sole minor. At quantitate materiæ bis mille & quadringenis vicibus ei cedit. Jupiter Planetarum maximus plus 160 vicibus Sole minor est, at quantitate materiæ, ejus partem millesimam trigessimam tertiam non adæquat; at Terra nostra si cum Sole comparetur, minima res est, & puncti fere instar; nam trecentis millenis vicibus est illo minor. Præterea comparando Planetas inter se; ex his rationibus constat, Jovem reliquis Planetis omnibus simul sumptis majorem existere. Terram autem nostram plusquam 2000 vicibus superare, sed & Stella Veneris quinquies nostra Tellure major est. Sunt tamen duo ex sex Planetis, Mars scil. & Mercurius, quos Tellus magnitudine superat.

LECTIO XXVII.

De Planetarum Stationibus.

SI Tellus quiesceret, in eo orbitæ suæ puncto nobis stare appareret Planeta inferior seu Soli propior, ubi recta è Tellure ad Planetam ducta, ejus orbitam tangit. Nam cum Planeta circa illud punctum versatur, si Terra quiesceret, recta ad illam accederet, ejusque motus visibilis esset nul-

nullus, vel certè omnium minimus. Similiter si Planeta superior, vel à Sole remotior quivis quiesceret, is e Tellure in orbita sua delata spectatus stare videretur, ubi recta è Planetâ ad Terram ducta Telluris orbitam tangit; at quia tam Terra quam Planetæ continuo circa Solem moventur, quando Planeta inferior in recta tangente ejus orbitam videtur, tunc etiam motus Terræ interea factus locum ejus visibilem mutabit, adeoque nondum stare videbitur Planeta; sicuti ob similem causam, quando Terra in Tangente orbitæ suæ per Planetam superiorem transeunte reperitur, seu dum percurrit arcum exiguum qui cum tangente illa ferè coincidit, Motus tamen superioris Planetæ interea factus, ejus locum visum mutabit. Adeoque neque Planeta inferior videtur stationarius, quando conspicitur in recta quæ tangit ejus orbitam. Neque superior stare videtur, cum est in recta quæ tangit orbitam Terræ, & per Terram quoque transit.

Planeta inferior non stationarius quando videtur in rectâ, quæ ejus orbitam tangit.

Neque superior Planeta stare apparet, cum in recta videtur

At cum Planetæ omnes nunc directè incedere, nunc retrogredi videntur; necesse est ut inter motum progressus & regressus, quilibet Planeta fiat Stationarius, & eundem in cælo locum per aliquod tempus (licet illud sit exiguum) conservare videatur; eundem autem locum in cælo visibilem obtinet, quando linea Planetæ atque Terræ centra connectens ad idem cæli punctum continuo dirigitur; at recta illa ad idem cæli punctum dirigitur, quando sibi parallela manet. Nam rectæ è quibusvis orbitæ Telluris punctis sibi parallelæ ductæ, ad eandem in cælo stellam diriguntur: istarum enim linearum distantia respectu distantiae stellarum evanescit.

que tangit orbitam Terræ.

Quando Planeta stare videtur.

Ut itaque inveniantur Stationum puncta, inquirendum erit, ubi linea in quâ videtur Planeta, è Terrâ, sibi parallela manet. Quod ut fiat, notandum est, si centra Solis, Planetæ, & Terræ rectis jungantur, formari triangulum, cujus duo crura sunt ubique æqualia distantis Planetæ & Terræ à Sole, Basis autem est recta quæ Planetæ atque Terræ centra connectit: cumque crura hujus Trianguli in orbitis circularibus concentricis eâdem semper magnitu-

dine maneant, erit ratio sinuum angulorum ad basim semper eadem; sunt enim sinus ut latera angulis opposita. Uti ex Trigonometria constat.

TAB. 41.

fig. 1.

Sit circulus B D G orbita Planetæ, cujus centrum S tenet Sol; atque huic concentricus A H K sit Terræ orbita. Sitque primo Tellus in A & Planeta in orbitæ suæ puncto B. In Triangulo A S B, sinus angulorum A & B ad basim AB sunt ut latera opposita SB SA. Ponamus deinde, tempore quovis exiguo, moveri Terram in orbitâ, per arcum exiguum AC, & Planetam interea per arcum BD in sua orbita deferri: Planetæ & Telluris motus angulares ad Solem eodem tempore facti erunt reciprocè, ut tempora eorum Periodica; nam quò majus est tempus Periodicum eò minor Peripheriæ portio in dato tempore percurritur. Est itaque angulus ASC motus angularis Telluris ad angulum BSD motum angularem Planetæ, ut Tempus periodicum Planetæ, ad tempus Periodicum Telluris, hoc est in data semper ratione.

Tempore
statio-
num
mutatio-
nes an-
gularum
ad Tel-
lurem &
Plane-
tam sunt
recipro-
ce ut eo-
rum
Tempora
Periodi-
ca.

Telluris centrum in C atque Planetæ in D rectâ conjungantur, quæ sit ad AB parallela; & in eo casu, uti ostensum est, Planeta stationarius apparet. Recta SA fecet CD in M, SD vero producta fecet AB in E. Et ob parallelas AB CD, erit per 29. *El. primi* angulus SMD æqualis angulo A. Sed per 32. *El. primi*, est angulus SMD æqualis angulis C & MSC simul; quare erit angulus C æqualis angulo A dempto angulo MSC seu CSA. Similiter ob parallelas AB CD, est angulus SDC, æqualis angulo SEA qui per 32. *El. primi* æqualis erit angulis SBA BSE, quare angulus SDC æqualis erit SBA & BSE simul sumptis; est itaque incrementum momentaneum anguli SBA, æquale motui angulari Planetæ ad Solem interea facto. Sed prius ostensum fuit, decrementum anguli A, æquale esse angulo ASC, seu motui angulari Terræ ad Solem. At hi motus angulares sunt in datâ ratione, reciprocè scil. ut Tempora Periodica.

Planeta itaque stationarius è Terrâ videtur, cum mutatio momentanea anguli ad Tellurem, est ad mutationem mo-
men-

mentaneam anguli ad Planetam, ut Tempus Periodicum Planetæ ad Tempus periodicum Telluris.

Sint duo arcus vel anguli, quorum sinus in eâdem semper maneant ratione. Dico eorum cosinus seu sinus complementorum ad quadrantem esse in ratione compositâ ex directâ ratione sinuum eorundem arcuum, & reciprocâ ratione mutationum momentanearum arcuum vel angulorum, sint v. gr. duo Arcus AM CM, quorum sinus AB CD; & cosinus sunt SB SD, & decrescant arcus AM CM in arcus EM GM tales ut arcuum sinus EK GL sint prioribus AB CD proportionales. Eruntque decrementa sinuum AF CH iisdem quoque sinibus proportionalia. Sunt AE CG arcuum decrementa momentanea, & arcus illi cum sint indefinitè exigui pro rectis haberi possunt; ductis FE HG ad SM parallelis, Triangula AFE ASB erunt æquiangula; nam angulus B & AFE sunt recti, & angulus EAF æqualis angulo ASB, nam est angulus SAB utriusque complementum ad rectum. Similiter ostendetur, Triangula CHG CSD esse æquiangula. Quare ob similia Triangula.

Angulorum quorum sinus in eâdem manent, cosinus sunt in ratione directâ sinuum & reciproca mutationum momentanearum eorundem.
TAB. 40.
fig. 4.

Est CG: CH::CS: SD

Item AF: AE::SB: AS vel CS

Quare ductis Antecedentibus in Antecedentes, & Consequentibus in Consequentes, erit AF x CG: CH x AE::SB x CS: SD x CS::SB: SD. Hoc est erit SB ad SD in ratione compositâ ex ratione AF ad CH, & ratione CG ad AE, sed ratio AF ad CH eadem est cum ratione sinuum AB CD. Et Ratio CG ad AE, est ratio decrementorum arcuum AM CM in tempore minimo factorum. Est itaque SB cosinus Arcus AM, ad SD cosinum arcus CM, in ratione compositâ ex ratione sinuum eorundem arcuum scil. AB CD & ex reciproca ratione decrementorum arcuum, scil. ex ratione CG ad AE.

Hinc si Solis, Planetæ stationarii, atque Telluris centra rectis jungantur, erit cosinus anguli A existentis ad Tellurem ad cosinum anguli B ad Planetam, in ratione compositâ sinuum angulorum A & B, & ratione reciproca decrementorum angulorum A & B. Sed Ratio sinuum, est ratio distantiarum Planetæ & Telluris à Sole, scil. SB SA; & ra-

Hoc ad Planetas in stationum locis applicatur.
TAB. 41.
fig. 1.

tio decrementorum angulorum A & B, est ratio temporum Periodicorum Planetæ & Telluris, quæ dicantur t & T. Est itaque cosinus anguli A ad cosinum anguli B, cum Planeta stationarius e Tellure videtur, ut $T \propto SB$ ad $t \propto SA$. Hoc est cosinus anguli ad Tellurem est ad cosinum anguli ad Planetam in ratione compositâ ex directâ ratione Temporum Periodicorum Telluris & Planetæ, & reciproâ ratione distantiarum à Sole.

Constructio ad determinationem stationum.
TAB. 41
fig. 2.

Hinc stationum Puncta sequentis constructionis ope facilimè habentur.

Sit AH Portio orbitæ Telluris, GBK portio orbitæ Planetæ, quarum centrum commune S. Secetur SA in E, ut SA sit ad SE, ut Tempus Periodicum Telluris ad Tempus periodicum Planetæ. Super Diametro AE describatur semicirculus ABE secans orbitam Planetæ in B. Erit B stationis punctum. Et erit angulus SAB Elongatio Planetæ à Sole, quando is stationarius e Terrâ videtur. Ducantur ABFE, & huic parallela SF; angulus ABE in semicirculo est rectus, quare huic æqualis AFS erit etiam rectus.

Est præterea AS: AF :: Radius: cosinus ang: A. Item BF: SB :: cosinus anguli SBP ad Radium; unde ductis Antecedentibus in Antecedentes; & Consequentibus in consequentes, erit $AS \propto BF$: $AF \propto SB$:: cosinus SBF: cosinus anguli A. Ratio itaque cosinus anguli A, ad cosinum anguli SBF componitur ex ratione AF ad BF, & SB ad AS, sed ratio AF ad BF æqualis est rationi AS ad SE seu rationi T ad t . Est itaque Ratio cosinûs anguli A ad cosinum anguli SBF æqualis rationi $T \propto SB$ ad $t \propto SA$. Sed ostensum fuit, quando cosinus angulorum A & B hanc rationem obtinent, Planetam stationarium videri: quare liquet Punctum B esse locum Planetæ, cum is stationarius apparet.

Quando Planeta à Tellure stationarius videtur Tellus è Planetâ inspecta stationaria apparet.

Hinc patet, quando Planeta inferior stationarius e Tellure videtur, Tellurem quoque ex inferiore Planeta spectatam etiam stationariam videri, locumque inter fixas non mutare; nam Tellus stationaria videtur, cum linea ejus centrum & Planetæ centrum connectens parallela sibi manet, & quam diu illa parallela sibi manet, ad idem coeli punctum dirigetur.

Eâ-

Eadem prorsus ratione inveniuntur positiones Planetarum superiorum, respectu Terræ & Solis, quando illi e Tellure conspecti stationarii videntur. Scil. inquirendo, ubi Tellus tanquam Planeta inferior spectata ex ipsis stationaria videretur.

Si Tempora Periodica forent distantis à Sole proportionalia, coinciderent puncta E & A cum puncto G; & Planeta stationarius videretur, cum angulus A esset nullus; hoc est quando Planeta in conjunctione cum Sole videtur, si verò SE ad SA maiorem rationem obtineret, quàm SG ad SA, hoc est si SE major foret quàm SG, circulus ABE Planetæ orbitam nusquam secaret, adeoque Planeta nunquam fieret stationarius, seu semper directus videretur incedere.

*Casus
ubi stationaria
in oppositione
vel conjunctione cum
Sole fi-
rent.*

At neuter horum casuum in Planetis locum obtinet: in illis enim est semper SE minor quam SG, quod sic ostendo.

*Casus
ubi nulla
forent
stationes.*

Distantia Telluris à Sole SA dicatur p . Distantia Planetæ SG vel SB sit q . Tempora periodica vocentur Tt , & in Planetis per universalem regulam, superius in Lectione quartâ explicatam. Est $T^2 : t^2 :: p^3 : q^3$ unde $T : t :: \sqrt{p^3} : \sqrt{q^3}$, seu ut $p^{\frac{3}{2}} : q^{\frac{3}{2}} :: p \times p^{\frac{1}{2}} : q \times q^{\frac{1}{2}}$. Sed ut T ad t ita est SA ad

*Quod
nun-
quam ac-
cidit in
Planetis.*

SE; hoc est $p \times p^{\frac{1}{2}} : q \times q^{\frac{1}{2}} :: SA$ vel $p : \frac{q \times q^{\frac{1}{2}}}{p^{\frac{1}{2}}}$ cui itaque æ-

qualis est SE. Et quoniam est p major quam q , erit $q \times p^{\frac{1}{2}}$

major quam $q \times q^{\frac{1}{2}}$, ac proinde q major quam $\frac{q \times q^{\frac{1}{2}}}{p^{\frac{1}{2}}}$ seu SB

vel SG major quam SE, adeoque circulus super diametro AE Planetæ orbitam secabit. Terricola igitur Planetas omnes, in datis quibusdam positionibus, stationarios videbit.

Si calculo uti placeat, angulus ad Tellurem, seu Elongatio Planetæ à Sole, quando is stationarius apparet, sic investigatur. Posito radio r , sit sinus anguli ad Tellurem qx , eritque sinus anguli ad Planetam $p x$. ponendo p ad q esse rationem sinuum seu distantiarum à Sole, cumque sinus anguli ad Tellurem sit qx , ejus cosinus erit $\sqrt{r^2 - q^2 x^2}$ &

*Investi-
gatio sta-
tionum
per ca-
culum.*

cosinus anguli ad Planetam erit $\sqrt{r^2 - q^2 x^2}$ ac proinde erit
 $\frac{\sqrt{r^2 - q^2 x^2}}{\sqrt{r^2 - p^2 x^2}} : \frac{\sqrt{r^2 - p^2 x^2}}{\sqrt{r^2 - q^2 x^2}} :: T \propto q : t \propto p$. Et quadrando terminos,
 $r^2 - q^2 x^2 : r^2 - p^2 x^2 :: T^2 \propto q^2 : t^2 \propto p^2$. Sed est $T^2 : t^2 :: p^3 : q^3$
 quare loco $T^2 t^2$ ponendo quantitates hisce proportionales,
 erit $r^2 - q^2 x^2 : r^2 - p^2 x^2 :: p^3 q^2 : ad q^3 p^2$ hoc est ut p ad q , un-
 de erit $q r^2 - q^3 x^2 = p r^2 - p^3 x^2$ & $p^3 x^3 - q^3 x^2 = p r^2 - q r^2$,
 & $x = r \propto \frac{\sqrt{p - q}}{\sqrt{p^3 - q^3}}$ & $q x$ sinus anguli ad Tellurem = $q r \propto \sqrt{\frac{p - q}{p^3 - q^3}}$
 $\frac{p - q}{p^3 - q^3} = \frac{q r}{\sqrt{p^2 + p q + q^2}}$.

Quadratum cosinûs arcûs cujufvis, est æquale quadrato radii, dempto quadrato sinûs. Erit itaque quadratum co-
 sinus Anguli Elongationis Planetæ à Sole tempore stationis

æquale $r^2 - \frac{r^2 q^2}{p^2 + p q + q^2} = \frac{r^2 p^2 + r^2 p q}{p^2 + p q + q^2}$ Adeoque cosinus erit

$r \propto \sqrt{\frac{p^2 + p q}{p^2 + p q + q^2}}$ Sed ut cosinus ad sinum, ita est Radius

ad Tangentem. Fiat itaque $r \propto \sqrt{\frac{p p + p q}{p^2 + p q + q^2}}$ ad $\frac{q r}{\sqrt{p^2 + p q + q^2}}$

hoc est $\sqrt{p p + p q}$ ad q , ita radius r ad quartum $\frac{r q}{\sqrt{p p + p q}}$

hic terminus erit tangens anguli ad Tellurem. Ex hac A-
 nalogia calculus facillimè deducitur. Nam si semisumma
 Logarithmorum p & $p + q$ subtrahatur à Logarithmo ipsius
 q , habebitur Logarithmus Tangentis Anguli ad Tellurem.
 Ex eadem etiam elicitur facilis constructio quæ sequitur.

Alia
 Proble-
 matis fa-
 cilior
 Con-
 structio.
 TAB 4^a.
 fig. 3.

Sit H A Q portio orbitæ Planetæ superioris, G B D orbita
 Planetæ inferioris, S centrum orbitarum; producatu AS,
 ut occurrat orbitæ inferiori in D; super diametro AD, de-
 scribatur semicirculus ACD. Ex centro S ad AD erigatur
 normalis SC, semicirculo occurrens in C & jungatur AC,
 in quâ capiatur AF æqualis SD, & ex F in AS demittatur
 perpendicularis FE: in SC capiatur SL æqualis AE, jun-
 ctis AL, erit angulus SAL angulus quæsitus, & B punctum
 sta-

stationis; nam est quadratum ex SC æquale rectangulo AS in SD, æquale pq , unde quadratum ex AC æquale quadratis ex AS SC erit æquale $p + pq$, sed est AC ad AP, ut AS ad AE ut AS ad SL, ut Radius ad Tangentem anguli SAL hoc est $\sqrt{p^2 + pq}$ ad q ut Radius ad Tangentem anguli Quæsiti SAL, qui erat inveniendus.

Hæc sufficerent ad determinandum stationum Puncta, si orbitæ Planetarum essent circuli concentrici; verum cum sint Excentricæ, & Ellipses, anguli tam ad Solem quàm ad Planetas stationum tempore varii erunt, & mutabiles, pro variis locis, quos Planetæ in orbitis propriis, stationum tempore tenent. Cum itaque in hoc casu pro infinitis Telluris & Planetarum diversis positionibus, infinitè diversi sunt anguli, stationum tempore, illi æquatione Algebraicâ definiri nequeunt; neque potest Problema universaliter constructui, per curvas Algebraicas, quamvis aliqui hoc opus susceperunt. At si detur positio Planetæ in propriâ orbitâ, inveniri potest Positio Telluris in suâ, quando Planeta in illo puncto existens e Tellure stationarius videtur: hoc enim est Problema determinatum, & duas continet responsiones, pro duabus radicibus æquationis, Problematis naturam includentis. Illius autem Problematis solutionem mihi pro summâ suâ amicitia impertivit Astronomorum Princeps *Dominus Halleius*, ad quam intelligendam præmittimus Lemma, quod sequitur.

Qualescunque sint Planetarum vel Telluris orbitæ, si ex eorum locis Tempore stationum ducantur rectæ, quæ orbitas tangant, & producantur Tangentes, donec concurrant, erunt portiones Tangentium, à mutuo concursu interceptæ, Telluris & Planetarum velocitatibus proportionales.

Sint EG AH portiones duæ orbitarum quas Tellus & Planeta describunt, AB CD spatia exigua eodem tempore ab iisdem percurra, tempore stationum. Ducantur CE AE orbitas tangentes in A & C, quæ concurrant in E, & quia Planeta est Stationarius; erit BD ad AC parallela & proinde per 2^dam El. 6^a. CD ad AB ut CE ad AE. Sed CD AB cum sint spatia simul descripta, sunt ut Planetarum Velo-

*Superior
calculus
& con-
structio
orbitis
excen-
tricis &
Ellipti-
cis non
convenit.*

TAB. 46.
fig. 5.

locitates, quare tangentes CE AE sunt, ut Planetarum velocitates. Hoc Theorema est *Joannis Bernoulli*, in *Actis Berolinensibus* Editum, & ex parallelismo linearum $ACBD$ immediatè sequitur; is tamen exinde nullam protulit Problematis Solutionem. Sequitur Solutio Halleiana.






PROBLEMA.

Invenire Locum Terræ è quo Planeta in dato Orbis sui puncto visus, stationarius apparet.

TAB 41.
fig. 4.

Sit S Sol, $\square KLA$ orbis Terræ, quam circularem pro hac vice supponamus, πP α Orbita planetæ, P locus Planetæ datus. Ducatur recta VPQ contingens orbem Planetæ in P , occurrens vero Orbi Terræ in V & Q , ac bisecetur VQ in R : in eandem autem erigatur normalis PB , quæ sit ad VR vel RQ ut velocitas Planetæ ad velocitatem Terræ: ac centro R diametro VQ describatur semicirculus $vbdQ$, quem contingant rectæ, utrinque de B ductæ & productæ, ut $Bb\Sigma$, BdT ; & ad quas e centro R demittantur normales Rb , Rd ; ac fiant ΣK ipsi Σb , & TL ipsi Td æquales. Dico K , L puncta esse in orbe Terræ quæsita. Ob similia enim trianguia $Rb\Sigma$, $BP\Sigma$, ΣP est ad PB ut Σb five ΣK ad Rb five RV , ac permutando ΣP est ad ΣK ut PB ad RV , quas fecimus, ut velocitas Planetæ ad velocitatem Terræ, Verum Σb contingit semicirculum in puncto b , ac proinde quadratum ex Σb æquale est rectangulo $V\Sigma Q$. per 36. 3. *El.* cumque ΣK facta est ipsi Σb æqualis, ΣK continget orbem Terræ in puncto K , per 37. 3. *El.* Tangentes itaque utriusque orbis ΣP , ΣK sunt in ratione velocitatum, ac proinde Planeta in P è Terrâ in K visus, Stationarius erit. Eodem omnino modo demonstrabitur rectas TP , TL esse in ratione velocitatum & TL orbem Terræ contingere in L . Junctæ denique SK SL designabunt loca Terræ e Sole visæ, ac anguli KSP , LSP angulos commutationis quæsitos. Et existente SA lineâ Apsidum Terræ, erunt KSA , LSA , anguli anomalix veræ Terræ; unde si quid erratum fuerit in suppositâ velocitate Terræ accuratissimè corrigi poterit.

Al.



Alterius generis est Problema, *Stationis alicujus tempus definire*; cujus Solutio per Geometriam vulgarem exhiberi haud potest; illam tamen per approximationem, & methodum indirectam investigavit acutissimus *Halleius*; in cujus Solutione utitur duobus Theorematis à *Cl. Moivre* inventis; & Horum Theorematum demonstrationes cum in rebus Astronomicis usum habeant, nos dedimus in Lectione XXIII. pag. 424.

Sequitur Solutio *Halleiana*. Quoties Stationis alicujus tempus accuratè definire cupis; Obtentâ prius, Constructione dictâ, vel calculo rudiori, vel etiam ex Ephemeridibus, Stationis quæsitæ die, juxta Tabulas Astronomicas perfectiores, ad Meridiem istius diei capiatur Locus Solis, uti & Planetæ, tam Heliocentricus quàm Geocentricus, unâ cum distantiarum utriusque à Sole Logarithmis; & ut reducantur motus ad idem planum, curtetur illa Planetæ. Datur itaque Triangulum, STP, ex principiis Astronomicis, ubi S Solem, T Terram & P Planetam designant. Ducantur Tangentes Orbis Terræ TQ, orbis verò Planetæ PQ, concurrentes in Q. Jam, si forte contingeret reales Planetarum Velocitates esse inter se, ut PQ ad TQ, sive ut sinus anguli PTQ ad Sinum anguli TPQ, constabit Planetas esse in situ Stationi congruo; quia hoc in casu, motus momentaneus Terræ, de T in *t* juxta Tangentem TQ lata, est ad motum Planetæ de P in *p* juxta Tangentem PQ, ut TQ ad PQ: proinde (per 2. VI *Elem.*) rectæ TP, *tp* parallelæ fiunt, atque adeo Planetæ tali in situ invicem Stationarii apparerent.

Datis autem distantiiis ST SP consequitur ratio quam habent velocitates reales inter se, sive T *t* P *p*. Sunt enim velocitates reales mediæ diversorum Planetarum, sive eæ quibuscum ad distantias semiaxibus transversis Orbium æquales, circa Solem circulos describerent, in subduplicatâ ratione Axiom reciprocè. Media autem velocitas Planetæ est ad Velocitatem ejusdem in quovis orbitæ suæ puncto P vel T, in subduplicatâ ratione distantiae à Sole ad distantiam ejus ab altero Orbitæ Ellipticæ Foco, quam PF & TF nominabimus respectivè. Posito etiam R pro semiaxe transverso su-

Ppp

pe-

TAB 413
fig. 5.

terioris planetæ, & r inferioris, compositis rationibus erit Velocitas inferioris Planetæ ad eam superioris, sive Tt ad pP ut $\sqrt{R} \propto SP \propto TF$ ad $\sqrt{r} \propto ST \propto PF$. Hujus itaque rationis Logarithmus, juxta obliquitatem Tangentis PQ ad Eclipticæ planum reductus, habeatur in promptu.

Ex iisdem etiam distantis habebuntur anguli STQ , SPQ ; est enim Radius ad Sinum anguli STQ , ut $\sqrt{ST} \propto TF$ ad semiaxem conjugatum Orbitæ Terræ; pariterque Rad. ad Sinum SPQ , ut $\sqrt{SP} \propto PF$ ad semiaxem conjugatum Orbitæ Planetæ. Vel, quod paulo paratius est, fiat ut distantia Planetæ in Aphelio ad distantiam Periheliam, ita Tangens semissis anguli quo distat à perihelio suo, ad Tangentem anguli; qui è dicto semisse sublatus, relinquet complementum anguli SPQ ad Quadrantem, vel excessum ejus supra quadrantem, prout contigerit vel acutum vel obtusum esse; ac reducatur ille angulus, si opus sit, ad Eclipticæ planum. His itaque constitutis, ex angulo STP subducatur angulus STQ , & angulo SPQ adjiciatur angulus SPT , ut habeantur anguli QTP , QPT . Horum sinus, si eandem habeant rationem quam habent velocitates reales in punctis T & P , bene se habet.

Sin minus, Logarithmorum utriusque servetur differentia, sive Error positionis primæ, ac si ratio Velocitatum minor fuerit ratione Sinuum dictorum, minuendus est angulus TSP , addendo vel subducendo motum medium utriusque Planetæ uni diei competentem: & è contra, si major fuerit Velocitatum ratio. Calculoque priori omnino simili, quærantur denuo Logarithmi dictarum rationum, ad Meridiem præcedentis vel sequentis diei, prout casus postulat. Dein conferatur differentia horum Logarithmorum, sive Error Positionis secundæ, cum Errore ad alterum diem invento, & Errorum summa, si diversi signi fuerint, vel differentia, si signi ejusdem, erit ad 24 Horas, ut Errorum alter ad intervallum, quo tempus quæsitæ Stationis distat à Meridie cujus errorem adhibuimus: hoc autem *Regulam Falsi* callentibus manifestum est.

Ad hunc modum Planetarum Stationes intra pauca minu-

ta obtinebuntur: ad tollendum autem errorculum à Logarithmorum dictorum augmento non omnimodè æquabili oriturum, si cui libeat, poterit, ad tempus jam inventum & vero proximum, redintegrato calculo rem penitus verificare: sed hac cautela non est opus nisi in Marte & Mercurio.

Ut autem res manifestior fiat, adjungam Exemplum calculi stationis Jovis nuperæ in mense *Novemb.* 9°. 1717.

Exemplum Calculi Stationum.

Novembris 9°. in Merid.

Novemb. 10. Merid.

Anom. med. 2.	9.	10.	00".	00".	—	9.	10.	5.	00.
Mot. med. 6.	7.	0.	7.	00.	—	7.	1.	6.	8.
2 ⁱ Locus Heli- } oc. a I ^a * γ	2.	25.	11.	00.	—	2.	25.	15.	53.
6 a I ^a * γ	6.	28.	53.	17.	—	6.	29.	54.	00.
Log. dist. 2 à 6		5.	720650.	—		5.	720680.		
Log. dist. 6 à 6		4.	994267.	—		4.	924186.		
2 ⁱ Loc. Geoc.	3.	5.	4.	28.	—	3.	5.	4.	27.
Angulus STP.		113.	48.	49.	—		114.	49.	33.
Angulus SPT.		9.	53.	28.	—		9.	48.	34.
Angulus STQ.		89.	23.	54.	—		89.	23.	54.
Angulus SPQ.		92.	41.	20.	—		92.	41.	14.
Ang. PTQ.		24.	25.	42.	—		25.	25.	39.
& Ang. TPQ.		102.	34.	48.	—		102.	29.	48.
Log. rationis } velocitatum. }		0.	368210				0.	368321	
Log. rat. Sinuum } ang. TPQ. PTQ. }		0.	372912				0.	356757	
Error Posit. I.		0.004702+-.	Error posit. II.			0.011564—.			

Cumque alter errorum est in excessu, alter in defectu, fit ut 16266 errorum summa, ad 4702, ita 24 horæ ad 6^h 56'. Unde concludere licet stationem Jovis contigisse *Nov.* 9° 6^h 56' P. M.

LECTIO XXVIII.

De Temporis Partibus.

*Dies
Naturalis.*

Partes Temporis omnibus notæ sunt. Dies, Horæ, Hebdomades, Menses, & Anni. Dies Naturalis, qui à motu apparenti Solis ab oriente in occidentem definitur, est illud Temporis spatium, quod labitur, dum Sol à Meridiano, vel aliquo alio circulo horario digressus ad eundem revolvit; Naturalis dicitur, ut distinguatur ab illa vocis significatione, qua Dies Nocti opponitur, & Artificialis nominatur.

*Diem
diverse
Gentes
diversimode
inchoant.*

Non idem Diei initium omnes gentes observant. Babylonii diem auspicabantur ab ortu Solis; Judæi & Athenienses ab occasu, quod Itali, Austriaci, & Bohemi nunc faciunt, & Sole Horizontem occiduum subeunte, horam vicesimam quartam numerant, proximam post Solis occasum horam diei primam vocant.

Qui diem ab ortu Solis incipiunt, hoc habent commodi, quod ex horarum numero, sciant quantum temporis elapsum sit ab ortu Solis; qui ab occasu diem inchoant, hoc inde utile capiunt, quod hora statim ostendit quantum temporis ad Solis discessum restat, ut itinera aliosque labores illi proportionari possint. At his utrisque, hoc est incommodum, quod per numerationem horarum, Meridiei mediæque noctis tempus non innotescit, quod non nisi subducto calculo illis notum fieri potest, nam diversis anni tempestatibus, tempus Meridiei diversa horâ numerabant. Ægyptii olim diem à media nocte inchoabant; à quibus Hipparchus hunc computandi morem in Astronomiam recepit, eumque secuti sunt Copernicus alique Astronomi, maxima tamen Astronomorum pars commodius iduxerunt, diem à Meridie auspicari. Sed mos incipiendi diem à media nocte, obtinet apud Britannos, Gallos, Hispanos & alias plerasque Europæ gentes.

*Hora æ-
quales
& inæ-
quales.*

Hora alia est æqualis, alia inæqualis. Hora æqualis est vicesima quarta pars Diei Naturalis. Præter crassam illam vulgi divisionem horæ in semihoras & Quadrantes, hodie com-

mu-

munitur recepta est ab Astronomia translata divisio horæ in sexaginta minuta prima, & uniuscujusque minuti primi in sexaginta secunda.

Hora inæqualis est duodecima pars diei Artificialis, item pars duodecima noctis; dicitur etiam *Temporanea*, quod diversis Anni Tempestatibus variæ sit quantitatis, nempe hora diurna Æstiva longior est Hybernâ, & nocturna brevior. In die autem Æquinoctiali, hora diurna nocturnæ est æqualis; unde horæ æquales Æquinoctiales dicuntur; his horis usi sunt olim Judæi, Romani, hodieque Turcæ, atque ita meridies semper in horam diei sextam incidebat. Dicuntur etiam hæ horæ Planetariæ, quod singulis his horis, Planetam quendam ex septem præficere usitatum fuit. Ita *v. gr.* Die Solis, hora temporaria ab ortu prima, Soli tribuitur, proxima Veneri, tertia Mercurio, atque inde cæteræ ordine, Lunæ scil. Saturno, Jovi, Marti, inde fit, ut diei sequentis hora ab ortu prima, Lunæ contingat, ac proinde isti Hebdomadis diei nomen de suo imponat, quod idem in sequentibus ad septimanæ finem usque continuatur.

Hebdomas est septem dierum Systema; variis appellationibus Hebdomadis dies distinguuntur. Ecclesia Christiana *Hebdomades* primum diem, Dominicum vocat, vulgus Diem Solis nominat, & soli nostri temporis Phanatici Sabbathum nuncupant. Secundum Hebdomadis diem, feriam secundam, tertium, feriam tertiam, & ita deinceps, septimum autem diem Sabbathum nominat Ecclesia. Vulgus autem nomina dierum à Romanis usitata & à Planetis denominata indita retinet.

Mensis proprie est spatium temporis, quod Luna motu suo metitur, in quo per Zodiacum integrum defertur, quem *Mensis proprie Luna motus metitur* circulum duodecies in anno absolvit. Est alius mensis huic propemodum æqualis, quem Solis motus metitur, estque spatium temporis, quo Sol unum signum, seu partem Eclipticæ duodecimam, describit. Sed hi menses Astronomici sunt, à quibus differt civilis mensis, qui pro Regni alicujus aut Reipublicæ instituto pluribus aut paucioribus constat diebus.

Ægyptii olim mensem quemlibet diebus 30. constare volebant; diesque illi quinque, ex quibus annus constabat, ultra dierum in mensibus numerum, Epagomenæ dicebantur.

*Annus
Astronomicus &
Civilis.*

*Lunaris
& Solaris
Vagus &
Fixus.*

Annus est vel Astronomicus vel Civilis. Anni Astronomici utramque speciem, scil. Tropicum & Periodicum, in Lectione XXII. definivimus. Annus civilis idem qui politicus in Republica aut Regno aliquo receptus, est quoque duplex, Lunaris, aut Solaris, prout Lunæ vel Solis motibus conformis redditur; ille Lunaris rursus duplex, est Vagus vel Fixus. Annus Lunaris vagus constat duodecim mensibus synodicis, vel duodecim Lunationibus; qui diebus 354 absolvuntur, quibus exactis Annus Civilis denuo incipit. Deficit itaque hic Annus à Solari vertente, qui tempestates reducit, diebus undecim, inde fit ut Annorum initia per omnes Anni tempestates vagentur, idque spatio 32 Annorum, ideoque Annus vagus dicitur. Hac Anni forma utuntur Turcæ & Mahumedani.

Cum duodecim Lunationes deficiunt ab Anno Solaris diebus undecim, in tribus Annis Solaribus, Lunationes 36 seu tres Anni Lunares deficerent à Solaribus 33 diebus, itaque ut retineantur menses in iisdem Anni Solaris cardinibus, Anno tertio mensis integer superadditur, quod fit quoties opus fuerit ut Anni initium in eadem Tempestate retineatur, & Mensis hic superadditus *Embolimæus* seu Intercalarius dicebatur. In Annis novemdecim, hujusmodi menses intercalares sunt septem, Annusque hujus formæ Lunaris Fixus nominatur. Tali anno usi sunt Græci, hosque imitati Romani, usque ad Julium Cæsarem.

*Annus
Solaris
vagus
dicitur
Ægyptiacus.*

Annus Civilis, qui ad motum Solis ligatur, est quoque vel fixus vel vagus. Vagus dicitur Ægyptiacus quo utebantur Ægyptii, & constabat diebus 365, & ab Anno Tropico fere sex horis deficit, harum horarum neglectu, fit ut quarto quolibet anno, uno die, antevertit hic annus Annum seu Periodum Solarem; adeoque quater 365. annis, hoc est annis 1460, initium ejus vagatur per singulas anni Tempestates.

Cum

Cum itaque Annus Ægyptiacus dierum 365, horis fere sex deficit à vero Anno Solari, ut Anni omnes pari passu cum Sole progrediantur, horarum excurrentium ratio necessario habenda est; sed convenit quoque, ut Anni Politici idem semper sit initium, atque ut ab initio diei is exordium capiat. Non enim incipere debet annus modo ab una die hora, modo ab alia, quod fieri necesse erit, si singulis annis addantur sex excurrentes horæ; sed horæ illæ coacervatæ in tribus annis, additæque sex horis quarti anni diem integrum efficiunt. Hic dies quarto anno additus, illum cum motu Solis rursus congruere faciet. Hæc perspiciebat Julius Cæsar, quarto cuilibet anno, diem intercalarem adjecit, qui itaque constaret diebus 366. & dies additus est mensi Februario. Et cum in anno vulgari dies Februarii 24. dicatur sextus Kalendas Martii, seu sextus ante Kalendas, statuit Cæsar ut quarto anno id dicatur bis, ita ut in illo anno, sint bini dies quarum quilibet erit sextus ante Kalendas Martii; Itaque ille Annus Bissextilis dicebatur. Hæc forma anni à Julio Cæsare, apud Romanos Pontifice Maximo, instituta fuit, & Juliana vocabatur, cujus hæc est proprietas, ut quartus quilibet Annus sit Bissextilis dierum 366, reliqui tres communes 365 dierum.

*Annus
Julianus
Fixus.*

Interim fatendum est, Tempus Anno Solari à Julio Cæsare tributum, esse nimium; nam Sol suum cursum in Ecliptica absolvit diebus 365, horis 5, min. 49, unde 11 minutis primis citius cursum redintegrat, quam incipit annus Julianus. Si itaque Sol in quodam anno, vicesimo Martii die Æquinoctium, Meridie ingrediatur; proximo anno, undecim minutis ante Meridiem ad Æquinoctialem circum perveniet, & anno sequenti viginti duobus minutis ante Meridiem, eundem circum attinget, atque ita singulis annis, Sol motu suo undecim minutis annum civilem antevertendo in Annis 131, integro die Annum Julianum anticipabit. Ita Æquinoctium cæleste non in eodem semper anni civilis die hærebit, sed sensim versus initium Anni feretur, regressu tam manifesto ut in dubium vocari non possit.

Hinc

*Annus
Grego-
rianus.*

Hinc cum tempore Concilii *Niceni*, quando termini celeberrandi Paschatis instituti fuerunt, Æquinoctium Vernale hærebat in 21 die Martii, id continuo retro labendo, tandem anno Domini 1572, quo Kalendarium correctum est, deprehensum est ad undecimum Martii diem per integros dies decem abreplisse. Adeoque cum restituere cuperet *Gregorius XIII.* Episcopus Romanus Æquinoctium ad pristinam sedem, dies illos decem è Kalendario exemit, statuitque ut dies undecimus Martii, vicesimus primus numeretur; & ne deinceps, simili modo, sublaberentur Anni cardines, cavit ut centesimus quisque Æræ Christianæ annus communis esset, qui secundum Julium debebat esse Bissextilis; at quartus quisque centesimus Bissextilis maneret. Nova hæc Anni forma, ab Episcopo Romano *Gregorio XIII.* cujus auctoritate stabilita fuerat, *Gregoriana* dicta est, eamque receperunt Gallia, Hispania, Germania & Italia, Regionisque omnes quæ Pontificis Romani auctoritatem agnoscunt; sed etiam in Hollandia, & exeunte sæculo proxime elapso, à multis Germaniæ Reformatæ populis recepta est; Britannia tamen & aliæ Septentrionales gentes Reformatæ veterem anni formam Julianam retinent.

*Annus
Canicu-
laris seu
Periodus
Sothiaca*

Persæ Formam anni Ægyptiacam etiamnum retinent, inde fit, ut Æquinoctia non in eodem anni mense semper hærent, sed per omnes menses vagantur, & non nisi post peractam Annorum 1460 Periodum, initium anni in idem Solaris Anni Tempus recidit. Quod tempus *Annus Magnus Canicularis* dicebatur, seu *Periodus Sothiaca*, propterea, quod initium ejus sumitur, quando in primo die mensis Thoth, seu primo anni die, Canis sidus oritur Heliace. *Sothis* enim in lingua Ægyptiorum Canem significat, qui Græce est *Ἀστρούων*, id est Astrocanis, & ab Astronomis Silius dicitur.

Non solum per annos, sed per plurium annorum collectiones, tempora distinguebant veteres, quales fuit *Jubileum*, annorum 49 vel 50, *Sæculum* annorum 100, sed omnium celeberrima apud Græcos habebatur *Olympias*, continens spatium quatuor annorum.

Si

Sicut in cælo sunt certa puncta, à quibus Astronomi in *Æra* supputandis motibus initium capiunt; ita etiam sunt certa *Christi.* Temporis puncta, à quibus tanquam radicibus calculi incipiunt; & Res gestæ secundum seriem annorum qui Radicem illam sequuntur, in Historiis disponuntur. Hæ Radices Epochæ seu *Æræ* dicuntur; à quibus Anni & Tempora numerantur. Celeberrima & nobis maxime familiaris est ea, quæ à Nativitate Domini nostri Jesu Christi denominatur, quæ incipit à Kalendis Januarii, quæ Christi Nativitatem proxime sequuntur.

Verum quamvis Epochæ hæc sit ex usu vulgari stabilita, & ubique fere apud Christianos recepta, Angli tamen & Hiberni in negotiis Ecclesiæ & Reipublicæ, Epochæ utuntur integro anno posteriore. Hi enim annum incipiunt, non à festo Nativitatis Domini, sed à Festo Incarnationis seu Conceptionis, quæ octavo Kalendas Aprilis celebratur: inde fit, ut ab Incarnatione Domini, usque ad Festum Annunciationis Virginis, anni, verbigratia, 1718, numerant Angli annos elapsos completos 1717. A Nativitate autem Domini ad Festum Nativitatis anni 1717, numerant tantum annos elapsos 1716, cum secundum reliquum Christianum Orbem, tempus illud continet annos completos 1717.

In hac re, consentientem habent Angli Dionysium Exiguum *Æræ* Auctorem, secundum quem Christus conceptus est VIII. Kalendas Aprilis primi anni hujus *Æræ*, & natus Bruma sequente, exeunte anno 46^{to}: à Reformatione Kalendarii per Julium Cæsarem. Hic computus fuit primo universaliter receptus, at nunc tantum in Anglia locum obtinet. Nam in reliquo Orbe Christiano, ab ista Epochæ tacite secessum est; & opinio communiter recepta est, Christum natum fuisse Bruma antecedente Incarnationem Dionysiam, nempe exeunte anno Juliano 45^{to}, atque sic Christum uno anno natu majorem faciunt quam Dionysius *Æræ* Auctor.

Hoc non obstante, Angli per maximam anni partem, annum eundem numero designant, cum reliquo Christiano Orbe. At in tribus fere mensibus, tempore scil. inter Ka-

lendas Januarii, & VIII. Kalendas Aprilis, annum uno minorem ponunt, & diversum à reliquis Christianis numerant.

Celebris quoque est Epocha Mundi Conditæ, de qua tamen sunt insignes Controversiæ, dum alii contendunt mundum conditum esse ante Christum natum annis 3950. Alii Christo nascente Ætatem Mundi fuisse annorum 3983. affirmant. Ecclesia Græca, & Imperatores Orientis Epocham utuntur, quæ mundum longe antiquiorem supponit, secundum enim illorum Æram, mundus conditus est annis ante Christum 5509.

Inter prophanos Auctores, antiquissima & celeberrima est Olympiadum Epocham, quæ refertur ad Ætatem anni ante Christum 777, & ipsis Kalendis Julii, in Anno Juliano retro producta.

Non multo posterior est Epocham Romæ seu Urbis Conditæ quæ duplex est, Varoniana & Capitolina, prior Urbem conditam ponit anno ante Christum 753, altera anno 752.

Æra Nabonassari Astronomis semper celebris incipit ad diem 26 Februarii anni Juliani retro producti; Annoque ante Christum 747. Cumque hic dies fuit primus anni Ægyptiaci, Ptolomæus & post illum Copernicus motus siderum per annos Ægyptiacos calculo subjiciunt. Ægyptiorum enim annus calculo Astronomico imprimis commodus est, quia nulla intercalatione perturbatus.

Sequitur Epocham obitus *Alexandri Magni* die 12^{mo}. Novembris. Anno ante Christum 324 qui fuit Vagi Ægyptiaci annus primus. Annos Ægyptiacos dehinc computarunt Theon, Albategnius & alii. Inter Æras Nabonassari & obitus Alexandri Magni, intercedunt anni Ægyptiaci præcise 424. Est & Æra Abyssinorum quæ & Æra Martyrum & Diocletiani nominatur. Est etiam Æra Arabum seu Turcarum quæ Hegira dicitur; à fuga Mahumedis initium capiens. Alia quoque est Persarum Epocham *Jesdegird* dicta, quas omnes apud Auctores videre licet. Sed præ omnibus maxime est commoda Juliana Periodus,

reliquas fere omnes Epochas gremio suo complectens. Et est Periodus annorum 7980, qui numerus multiplicatione componitur ex numeris 15, 19, 28, quorum primus est Cycclus Indictionum; secundus est Metonicus, & tertius est Solis Cycclus. Primusque hujus Periodi annus fuit ille in quo hi tres Cyccli simul incipiebant.

Subjungam Tabulam quæ primos Ærarum annos, ad annos Julianæ Periodi, vel ad annos ante vel post Christum natum reducit.

	Anni ante Christum	Anni Jul. Periodi.
Epocha Mundi conditi juxta Græcos Imperatores.	5508	
Vulgaris Epocha Mundi conditi.	3950	765
Olympiadum initium.	776	3938
Urbis Conditæ juxta Varronem.	753	3961
Urbis Conditæ ex Capitolinis Festis.	752	3962
Æra Nabonassari.	747	3967
Alexandri Magni mors.	324	4390
	An Christ.	
Annus Epochæ Christianæ vulgaris.	I	4714
Diocletianæ Æræ.	284	4997
Hegira Arabum.	622	5335
Jesdagirda Persarum.	632	5345

LECTIO XXIX.

De Kalendario, & Cyclis seu Periodis.

Kalendarium est dierum in anno civili dispositio secundum proprios menses, & eorundem in Hebdomades distributio, cum Festis, diebusque Juridicis annexis. Distributio in Hebdomades, fit per literas Alphabeti septem priores A, B, C, D, E, F, G. Incipiendo à primo die Januarii, litera A ipsi apponitur, secundo B, tertio C, & ita deinceps, usque ad G, quæ diei septimo assignatur; & inde rursus incipiendo, octavo iterum apponitur A, nono B, decimo C, atque sic continuo repetita literarum serie, singuli anni dies aliquam obtinent literam in Kalendario, & ultimo die Decembris inscribitur litera A.

*Distributio
dierum
Anni in
Hebdomades
per literas
Alphabeti
priores
septem.*

Nam si 365. dies dividantur per 7, proveniunt Hebdomades 52, & unus præterea superest dies. Quod si nullus superesset dies, Anni omnes ab eodem septimanæ die, semper inciperent, & quilibet mensis dies in determinatum & statum hebdomadis diem semper incideret; nunc vero, quoniam in anno, præter hebdomades completas, est unus dies, factum est ut in quocunque septimanæ die, incipit annus, in eodem finitur; proximusque annus à proximo die incipit; *v. gr.* in anno communi 365. dierum, si is incipit die Dominica, ultimus anni dies erit etiam dies Dominica. Et, primus sequentis anni dies est dies Lunæ.

*Litera
Dominicales.*

Literis hac ratione dispositis in anno communi illa quæ primæ Januarii Dominicæ respondet, per totum illum annum Dominicas indicabit, & quibuscunque diebus, in aliis mensibus, affigitur illa litera, dies illi omnes erunt Dominicæ; ideoque litera illa istius anni Dominicalis vocatur; sic etiam quæcunque litera apponitur diei Lunæ in Januario primæ, eadem in Kalendario repetita omnes Lunæ dies per totum annum monstrabit, atque sic de cæteris.

Si prima Januarii dies sit Dominica, cui respondet litera A, ultima, uti ostendi, erit quoque Dominica. Adeoque annus sequens die Lunæ incipiet, & Dominica cadet in diem septimum, cui respondit litera G, quæ itaque erit litera Dominicalis per totum illum annum; cumque annus die Lunæ incipit, die quoque Lunæ terminabitur, & in anno sequente prima Januarii dies fiet Martis, Primaque Dominica cadet in sextam mensis diem, cui in Kalendario respondet litera F, atque eodem modo anno sequente litera Dominicalis foret E; & hac ratione literæ Dominicales ordine semper retrogrado feruntur per G, F, E, D, C, B, A. In Kalendariis annuis, quæ *Almanacks* voce Arabica vocantur, litera anni Dominicalis ut facilius dignoscatur, semper majuscula pingitur. Adeoque unico intuitu totius anni Dominicas aspicere liceat.

Si omnes anni essent Ægyptiaci, dierum 365, post exactum septem annorum curriculum, iidem mensium dies ad eosdem Hebdomadis dies redirent. Verum quoniam quartus

tus quilibet annus est Bissextilis dierum 366, in quo ultra septimanas 52, supersunt dies duo, si annus ille incipit die Dominica, in die Lunæ terminabitur, & proximus post hunc Bissextilem annus, a die Martis incipiet, primaque ejusdem anni Dominica in sextam mensis diem cadet, cui respondet litera F, pro sequentis anni Dominicali. Atque ita per annum Bissextilem, qui singulis quatuor annis recurrit, interrumpitur Literarum Dominicalium ordo, qui non redit, nisi post absolutos annos quater septem seu annos 28.

Hinc oritur *Cyclus* ille annorum 28, qui *Solaris* dicitur, *Cyclus Solis.* quo completo, redeunt anni dies ad easdem septimanæ dies; in hoc Cyclo anni omnes Bissextiles, duas obtinent literas Dominicales, quarum prima usque ad diem Februarii 24, aut 25. Intercalarem inservit; altera per reliquum omne anni tempus Dominicas indicabit. Nam in anno Bissextili, Februarii dies vicesimus quartus, & vicesimus quintus pro eodem habentur die, & uterque eadem literâ F insignitur; & hinc interrumpitur literarum ordo, quo dies Hebdomadis commonstrantur; v. gr. sit litera Dominicalis initio anni E, vicesimus quartus Februarii in diem Lunæ cadet, & vicesimus quintus in diem Martis; quibus utrisque apponitur litera F; unde sequens litera G quæ prius diem Martis indicabat, nunc ad diem Mercurii apponetur; & proxima Dominica in primam Martii diem incidet, cui in Kalendario adhæret litera D, quæ hac ratione per reliquum anni tempus, Dominicalis evadit.

Cycli Solaris primus annus est Bissextilis, cui respondent literæ Dominicales G, F. Secundi anni litera Dominicalis est E, tertii D, quarti C; quintus Cycli annus rursus Bissextilis est cui congruunt literæ Dominicales B, A, & ita in cæteris. Laterculus sequens ostendit, quæ litera Dominicalis respondet cuivis Cycli Solaris Anno, ut annus Cycli

1	GF	5	BA	9	DC	13	FE	17	AG	21	CB	25	ED
2	E	6	G	10	B	14	D	18	F	22	A	26	C
3	D	7	F	11	A	15	C	19	E	23	G	27	B
4	C	8	E	12	G	16	B	20	D	24	F	28	A

Solaris inveniatur, pro quolibet Æræ Christianæ annō; ad annum Christi currentem addantur 9, quia ab initio Cycli i ad annum Christi primum, novem anni elapsi sunt, & summam divide per 28. Quotiens ostendet numerum Cyclorum, qui absoluti fuerunt a primo Cycli Solaris anno, ante Christum ad annum illum currentem, qui restat vero numerus, est Cycli Solaris currens annus, quod si nihil post divisionem restet 28. est annus Cycli.

Præter Festa stabilia, certis quibusdam anni diebus affixa, sunt & alii quoque dies Festi mutabiles, qui in diversis annis, diversis diebus contingunt, qui proinde non ex Solis, sed Lunæ motu pendent. Tale est a Deo ipso apud Judæos institutum *Paschatis Festum*, cui successit *Pascha Christianum* in memoriam Resurrectionis Domini receptum, & commemorandum. Instituit autem Deus Pascha celebrandum esse mense primo; decima quarta die mensis, ad Vesperam *Levit. cap. 13* Annus autem Judæorum Lunaris fuit, & Embolismicis ita temperatus, ut is mensis diceretur primus, cujus decima quarta, hoc est Plenilunium, vel in diem Æquinoctii Vernalis caderet, vel eum proxime sequeretur. Ecclesia Christiana eandem fere regulam observare voluit. Vetuit tamen ne Pascha in ipsa decima quarta celebretur, sed die Dominica proxime insequenti; eo quod Dominus die Dominica post Pascha Judæorum, a mortuis resurrexit.

Quæ-
rione de-
finitar
tempus
celebræ-
di Pa-
scha.

Primo itaque ad determinandum Paschatis celebrandi tempus, constituendum est Æquinoctium, quod diei Martii 21. affixum esse crediderunt omnes antiqui nec ab ea sede unquam dimovendum; ideoque suum Kalendarium ad hanc suppositionem aptarunt. Deinde eum mensem primum, seu Paschalem esse voluerunt, cujus decima quarta aut in Æquinoctium caderet, hoc est in diem qui 21. diem Martii, aut proxime illum sequeretur; sed cum menses Judæorum Lunares fuerint, decima quarta mensis dies diem Plenilunii immediate præcedit; unde in observatione Paschatis motus Lunaris ratio habenda est, & Novilunia & Plenilunia sunt invenienda. Judæis Novilunia per obser-
va-

vationes solum innotuere, hi enim observabant quando Luna primum è Solis radiis emergens Heliace Vespere oriebatur, illamque diem Lunæ primam dicebant. At Ecclesia Christiana per Cyclum Metonicum novemdecim annorum Lunationes computat, & ideo dictum Cyclum in Kalendario recepit, ut per illam Lunationes determinentur.

Est autem *Cyclus Metonicus* ab inventore ejus Metone nomen deducens, qui & *Cyclus Lunar*is dicitur, Periodus Novemdecim Annorum, quibus absolutis Novilunia & Plenilunia Media ad eosdem mensium dies redeunt, adeo ut quibuscunque diebus Novilunia & Plenilunia hoc anno accidunt, novemdecim abhinc annis, in eosdem dies incident, & ut existimarunt Meton & Primitivi Ecclesiæ patres in easdem dierum partes scil. horas & minuta. Adeoque tempore Concilii Niceni circa quod tempus, Paschatis celebrandi ratio determinabatur: Cycli Lunar Numeri Kalendario adjuncti fuere, quos propter Excellentiam & Commoditatem Aureis literis inscribebant Veteres, Annumque Cycli pro quolibet anno proposito Aureum numerum vocabant.

Hac ratione Numeri Aurei diebus Kalendarii appositi fuere, vel certe apponi potuissent. Assumpto quolibet anno, pro initio Cycli, cui numerus Aureus 1 tributus est; observatis, in singulis mensibus, diebus in quibus Novilunia acciderent, eo anno è regione horum dierum apposuerunt Characterem I, & quia eo anno Novilunia accidebant Januarii 23, Februarii 21, Martii 23, Aprilis 21, Maji 21, Junii 19, & ita de cæteris, è regione horum dierum in Columna Cycli Lunar unitas apposita est. Sequenti anno observatis Noviluniis, è regione dierum quibus acciderunt, inscripserunt veteres in Columna Numerorum Aureorum Characterem II, nempe ad 12 Januarii, 10 Februarii, 12 Martii, 10 Aprilis, & ita in aliis mensibus. Idem factum fuit tertio Anno appposito Characterem III, è regione dierum quibus Novilunia observabantur, & idem in aliis annis consequentibus usque dum absolutus fuit Cyclus annorum 19. Sed numerorum dispositio maxime accurata fit per Tabulas
Astro-

Astronomicas, computando pro singulis mensibus, singulisque Lunaribus Cycli annis, novilunia media, iisque diebus quibus ea accidere deprehensum fuerit Cycli Characteres apponendo. Quoniam mensis Lunaribus Astronomicus constat diebus 29. horis 12. min. 44. secund. 3. sed vulgus qui minutias distinguere non potest, Menses Lunares ex diebus integris componit, ita ut alternis vicibus Lunationes constent 30. & 29. diebus quarum hæc cavæ, illæ plenæ dicuntur, id exigente quantitate mensis Astronomici dierum 29, horarum 12, quia autem sunt præterea 44. min. seu fere tres horæ quadrantes in singulis Lunationibus, intra 32. Lunationes hæc minuta collecta diem efficient, qui cavo mense addendus est, & hac ratione Lunationes Kalendarii cum cælestibus fere convenient.

Si detur annus Cycli Lunaribus, dabuntur ope Kalendarii, Noviluniorum dies per totum annum, nam in singulis mensibus numerus Cycli seu Aureus diem ostendet in quo contingit Novilunium medium, & huic addendo dies quatuordecim, habebitur dies Plenilunii.

Veteres existimabant Cyclum novemdecim annorum exacte exhaurire Lunationes 235, adeoque post revolutionem annorum Cycli, Novilunia non tantum ad eosdem mensium dies, sed etiam ad easdem horas redire. Quod verum non est. Nam in annis Julianis 19, sunt dies 6939, horæ 18. At si singulis Lunationibus tribuantur dies 29. horæ 12. min. 44. secund. 3. ut motus Lunæ postulat, Lunationes 235 efficient 6939 dies, horas 16. min. 31. secund. 45, non igitur Lunationes 235 adæquant annos Julianos 19, sed deficiunt una hora cum dimidia, unde Novilunia post annos 19. non redibunt ad eandem horam, sed una hora cum dimidia citius accidunt, & intra annos 304. Novilunia antecedunt annum Julianum una die: satis itaque præcise per tres annorum Centurias numerus aureus Novilunia ostendet, sine errore 24. horarum seu unius diei. Adeoque tempore Concilii Niceni quando Cycli Novemdecennalis Kalendario adaptatus fuit, & per aliquot annorum centurias post illud, satis rite indicabat Cycli ille Novilunia; sed

sed nunc Lunationes intra 304. annos uno die continuo antecedendo, quinque fere diebus citius accidunt, quam tempore Concilii Niceni, seu quod idem est, Novilunia cælestia Lunationes per Cyclum Aureum computatas quinque diebus antecedunt. Sed hoc non obstante, Ecclesia Anglicana retinet modum computandi Novilunia per numeros Aureos, sicuti tempore Niceni Concilii in Kalendario dispositi fuere; adeoque Novilunia sic computata dicuntur *Ecclesiastica*, ut distinguantur à veris. Et Generalis perpetuaque Tabula quæ in Liturgia Anglicana habetur, pro tempore Paschatis per hos numeros Aureos secundum diversas literas Dominicales computata est.

Primus annus Æræ Christianæ numerum Aureum habuit 2, seu Cyclus incepit anno ante Christum natum; adeoque si ad annum Christi quemlibet currentem addatur 1, & summa per 19. dividatur, qui restat præter quotientem, erit Aureus istius anni numerus.

Ex Cyclis Solis & Lunæ in se invicem multiplicatis, conflatur tertia Periodus annorum 532, quæ Victoriana aut Dionysiana dicitur à Dionysio exiguo ejus inventore. Et est Cyclus annorum, quibus absolutis non tantum Novilunia & Plenilunia ad eisdem circiter mensium dies redeunt, sed & dies omnes mensium in eisdem septimanæ dies recedunt, adeoque literæ Dominicales & Festa Mobilia eodem ordine recurrunt. Unde dicitur hic Cyclus, Magnus Cyclus Paschalis.

Dato anno Æræ Christianæ, ut inveniatur annus Periodi Dionysianæ, ad annum currentem addatur numerus 457, & summa dividatur per 532, qui restat præter quotientem numerus erit annus Periodi quæsitus.

Alterius generis est Problema, datis Cyclorum Solis & Lunæ annis, invenire annum Periodi Dionysianæ, *v. gr.* sit Cycli Lunaris annus 17, Solaris 21, quæritur numerus qui si per 19 dividatur, relinquentur 17, at si per 28 dividatur relinquentur 21, qui ut inveniatur, quærantur duo numeri, quorum unum metitur numerus 28, at si per 19 idem dividatur, relinquentur 17, alterum numerum metitur

tur 19, at si per 28 dividatur idem numerus, relinquentur 21, nam patet horum numerorum summam proposito satisfacere.

Ad investigationem horum numerorum analyticam, ponamus numerum primum esse $28x$, Est enim multiplex numeri 28, & quoniam hic numerus divisus per 19, relinquit 17, auferatur à $28x$, numerus 17, & reliquus erit multiplex numeri 19, ideoque 19 dividet $28x - 17$, sed dividit quoque 19 numerum $19x$, quare dividet differentiam numerorum scil. $9x - 17$, qui itaque erit multiplex numeri 19, fit $9x - 17 = 19^n$, & erit n numerus integer & $x = \frac{19^n + 17}{9}$.

Itaque cum x sit numerus integer, 9 dividet $19^n + 17$, sed 9 dividit $18^n + 9$, quare patet, numerum 9 dividere $n + 8$, adeoque $\frac{n+8}{9}$ est numerus integer, fit ille 1, & erit $n = 1$, & $x = 4$, unde $28x = 112 =$ numero primo inveniundo.

Sit secundus numerus $19y$, est enim multiplex numeri 19, unde $\frac{19y - 21}{28}$ est numerus integer, fit $19y - 21 = 28^n$, unde

$y = \frac{28^n + 21}{19}$ quare cum 19 dividat $19^n + 19$, dividet etiam

$9^n + 2$, eritque $\frac{9^n + 2}{19}$ numerus integer, fit ille $= p$; unde

$9^n + 2 = 19^p$ & $n = \frac{19^p - 2}{9}$, cumque 9 dividat 18^p , dividet

etiam $p - 2$; ideoque $\frac{p - 2}{9}$ est numerus integer vel nihil,

fit $= 0$, eritque $p = 2$ & $n = \frac{19^2 - 2}{9} = 4$ & $19y = 28^n + 21 = 133$,

est itaque numerorum unus 112, & alter 133, quorum summa 245 proposito satisfacit, & quodocunque Cyclus Solis est 21, & Lunæ 17, annus Periodi Dionysianæ est 245.

Hoc idem Problema aliter solvi potest per duos determinatos & constantes multiplicatores, tales, ut unus dividi possit per 28 sine residuo, at si per 19 dividatur, residuum sit 1, alterum dividit sine residuo numerus 19, at si numerus 28 eundem dividat, residuum sit 1. Tales numeri itidem

dem inveniuntur ac præcedentes, hac scil. ratione; fit primus numerus $28x$, alter $19y$; quare numerus 19 dividet sine residuo $28x - 1$, adeoque dividet quoque $9x - 1$; fit $\frac{9x - 1}{19} = n$, erit $x = \frac{19n + 1}{9}$, unde $\frac{n + 1}{9}$ erit numerus integer, & minimus numerus qui pro n poni potest erit 8, fit itaque $n = 8$, fit $x = \frac{19n + 1}{9} = 17$, unde primus numerus $= 28x$ erit 476. Sit iterum $\frac{19y - 1}{28} = n$, unde $y = \frac{28n + 1}{19}$; fit $\frac{9n + 1}{19} = p$, erit $n = \frac{19p - 1}{9}$, & $\frac{p - 1}{9}$ numerus integer, vel nihil. Sit $p - 1 = 0$ erit $p = 1$, & $n = \frac{19p - 1}{9} = 2$, & $19y = 28n + 1 = 57$. Numeri itaque quæsi sunt $= 476$ & 57 . Et quoniam numero 476 diviso per 19, restat 1, si 476 per numerum quemlibet minorem quam 19 multiplicetur, & productus per 19 dividatur, restabit præter quotientem numerus qui 476 multiplicat. Similiter quoniam 57 diviso per 28, residuum fit 1; si hic numerus 57 per numerum quemlibet minorem quam 28 multiplicetur, & productus per 28 dividatur, relinquetur numerus multiplicans.

Hinc elicitur Canon pro inveniendi Anno Periodi Dionysianæ qui sequitur.

Multiplicetur numerus Cycli Solaris per 57, & numerus Cycli Lunar per 476. Productorum summa dividatur per 532, qui restat præter quotientem numerus erit annus Periodi quæsitus.

Præter Cyclos Solis & Lunæ, est & alius Cyclos qui *Indictionum* dicitur, apud Romanos receptus, qui nullam habet connexionem cum motibus cælestibus, & est annorum quindecim Revolutio, quibus expletis, rursus incipit. Frequens ejus occurrit mentio in Diplommatibus Cæsariis & Pontificiis. Anno ante Christum natum; Indictionis numerus fuit 3. Adeoque si ad annum Christi addantur 3, & summa dividatur per 15, residuum ostendet Indictionis annum.

Ex tribus Cyclis Solis, Lunæ & Indictionis multiplicatione conflatur Periodus Juliana annorum 7980. Hæc Periodus incepit 764 annos ante Mundum conditum, & nondum est absoluta, adeoque in se complectitur res omnes gestas omnemque historiam, & unus tantum est in tota Periodo annus, qui eosdem habet numeros pro tribus Cyclis ex quibus conflatur. Adeoque si Historici notassent in suis Annalibus cujusque anni Cyclos, exinde tolleretur omnis temporum ambiguitas.

Annus ante Christum fuit Periodi Julianæ 4713. Adeoque ex dato anno Æræ Christianæ, annus Periodi Julianæ respondens invenitur ei addendo 4713, & summa est annus Julianæ Periodi. E contra ab anno Periodi Julianæ auferendo 4713. residuum ostendit annum Æræ Christianæ.

Datis annis, Cycli Solaris, Lunaris, & Indictionis, invenire annum Periodi Julianæ. Problema hoc eodem modo solvitur, quo similis Problematis de Periodo Dionysiana solutionem dedimus, scil. inveniantur tres numeri tales, ut primus sit multiplex numerorum 19 & 15, seu eorum producti 285, at per 28 divisus relinquat numerum Cycli Solaris, secundus sit multiplex numerorum 28 & 15, seu eorum producti 420, at per 19 divisus relinquat numerum Cycli Lunaris. Tertius denique sit multiplex numerorum 28 & 19, at per 15 divisus relinquat numerum Cycli Indictionis. Horum numerorum summa si minor sit 7980. erit annus Periodi Julianæ quæsitus. Quod si major fuerit, dividatur per 7980, & residuus numerus erit annus Periodi Julianæ.

Potest etiam Problema solvi per determinatos, & constantes tres multiplicatores, quorum primus sit multiplex numeri 285, at per 28 divisus relinquat 1. Secundus sit multiplex numeri 420, at per 19 divisus relinquat 1. Tertius sit multiplex numeri 532, at per 15 divisus relinquat 1. Hi numeri inveniuntur methodo in præcedente Problemate, de Periodo Dionysiana, ostensa, & sunt 4845, 4200, 6916. Quibus inventis Canon pro inveniendi anno Julianæ Periodi, ex datis Cyclorum annis est qui sequitur.

An-

Annus Cycli Solaris multiplicet numerum 4845, Cycli Lunaris annus numerum 4200, & Indictionis annus numerum 6916. Productorum summa dividatur per 7980, omisso quotiente, residuum erit annus Periodi Julianæ. Exemplum. hoc anno 1718. Cyclus Solis est 19. Lunæ 9. Indictionis 11. multiplicetur 4845. per 19, productus est 92055, & 4200. per 9, productus est 37800. Denique 6916. in 11 ductus, productus est 76076. Productorum summa est 205931, qui per 7980. divisus, residuum præter quotientem erit 6431. annus Periodi Julianæ.

LECTIO XXX.

Appendix continens Descriptionem, & usum utriusque Globi; & Problemata quædam Sphærica, calculo Trigonometrico absolvenda. Ex Nicolai Mercatoris Astronomia.

Eorum, quæ ad globos pertinent, quædam sunt utriusque communia, quædam vero alterutri peculiaria. Et communium quidem alia sunt extra superficiem globi, alia vero in ipsa superficie.

Extra superficiem utriusque globi conspiciuntur.

1. *Duo Poli*, circa quos globi volvuntur, quorum alter *Arcticus*, duobus arctis sive uris vicinis, idemque *Septentrionalis* à Septentrionibus, id est, septem stellis plaustræ majoris; alter huic oppositus *Antarcticus* appellatur.

2. *Meridianus Æneus*, cujus altera tantum facies, quæ gradibus distincta visitur, & per ipsos polos incedit, est verus Meridianus, atque hæc facies semper obvertenda est Orienti, quemadmodum polus Arcticus Aquiloni. Dividitur autem in quater 90. gradus, quorum bis 90. incipiunt numerari ab ea parte Æquinoctialis, quæ est supra Horizontem, versus utrumque polum; at reliqui bis 90 gradus incipiunt ab utroque polo, & desinunt in Æquinoctiali sub Horizonte.

3. *Horizon ligneus*, cujus facies superior refert verum

Horizontem, & dividitur in varios circulos, quorum intus continet duodecim signa Cælestia, nominibus & characteribus suis distincta, & in gradus tricenos distributa. Huic proxime jungitur Kalendarium Julianum pariter ac Gregorianum, utrumque in menses & dies distributum. In extrema ora extat circulus ventorum sive plagarum mundi, quemadmodum hodie a naucleris appellitantur.

4. *Quadrans altitudinis*, cujus margo is, qui gradibus distinguitur, applicandus est Meridiani gradui nonagesimo utrinque ab Horizonte computando. Numerantur autem in eo gradus ab Horizonte sursum ad ipsum usque verticem sive Zenith.

5. *Circulus Horarius* divisus in bis 12. horas, quarum 12. meridiana sursum versus Zenith, at 12. nocturna deorsum versus Horizontem spectat; utraque vero faciei Meridiani Orientali & gradibus distinctæ congruere debet, ita ut polus *indicem horarium* gestans ipsum centrum occupet, atque ipse index motu diurno circumactus ostendat horas in Orientali semicirculo antemeridianas, in Occidentali pomeridianas.

6. *Pyxis nautica* pedamento imposita, cujus ope globus ad mundi plagas dirigitur.

7. *Semicirculus positionis*, cujus extremitates cardinibus Meridiei & Septentrionis affigendæ, ita ut ipse semicirculus inde ab Horizonte ad Meridianum usque libere ad quemvis situm elevari possit. Atque hæc quidem extra superficiem utriusque globi visuntur.

At in ipsa superficie delineantur præterea hi circuli:

1. *Æquinoctialis*, in gradus 360. divisus, quorum numerationis initium est a sectione verna, seu principio Arietis, indeque continuantur circumcirca, donec ad idem principium revertantur.

2. *Ecliptica* divisa in signa 12, & horum quodlibet in gradus 30. nomina & series signorum memoriâ tenenda.

Sunt Aries, Taurus, Gemini, Cancer, Leo, Virgo,

Libraque, Scorpius, Arcitenens, Capér, Amphora, Pisces.

Ecli-

Eclipticam Sol motu annuo peragrat ; & si spatium illi addamus in latum utrinque octo circiter graduum, efficitur *Zodiacus* à duodecim asterismis, quorum plerique animalium similitudinem quandam habent, ita dictus ; atque sub hoc circulo lato Luna & cæteri Planetæ motus suos periodicos exercent.

Discernitur Ecliptica ab Æquinoctiali, quod hic quidem dum volvitur globus, eundem perpetuo situm obtinet, atque eidem puncto Meridiani & Horizontis adjunctus manet ; illa vero quolibet momento situm mutat, nunc elevata, nunc humilis, nunc huic, nunc isti gradui Æquatoris vel Horizontis applicata.

3. *Tropici duo, Cancrinimirum & Capricorni*, qui sunt limites excursuum Solis ab Æquinoctiali in Boream atque Austrum, includentes utrinque obliquam Solis viam, id est, Eclipticam. Nec inepte dici poterant *parallelorum Solis extremi*. Cum enim Sol quotidie alium atque alium Eclipticæ gradum occupet motu suo annuo, fit ut gradus ille una cum Sole abreptus motu diurno, circulum quendam describat Æquatori parallelum, adeoque tot evadant paralleli, quot sunt dies à brevissimo ad longissimum. Quanquam Sol non moratus in eodem gradu, sed revolutionis diurnæ spatio promotus ad vicinum, non perfectum describit parallelum, sed lineam potius spiralem ; attamen harum spiraliū distantia cum sit exigua adeo, præsertim prope Tropicos ; nihil impedit, quo minus singulæ revolutiones, maxime extremæ, hoc est, ipsi Tropici, parallelorum loco haberi possint, id quod ufui quotidiano satis est, & commoditate præstat.

4. *Polares duo, Arcticus & Antarcticus* de quibus actum est in Lect. VII. & XIX. Atque hæc quidem hætenus enarrata utrique globo sunt communia, quanquam Ecliptica & semicirculus positionis proprie pertinent ad globum coelestem tantum ; adduntur tamen etiam globo terrestri, ut Phænomena, quæ motum Solis annum sequuntur, & cuspides domorum, etiam per hunc, quando opusest, explicari possint.

Quæ

Quæ vero alterutri globo peculiaria sunt, partim sunt circuli vel lineæ quædam curvæ, ut in globo cœlesti duo Coluri, & circuli latitudinis; in Terrestri Meridiani, Paralleli & Loxodromiæ; partim vero sunt deformationes, in globo quidem Terrestri Terrarum & Marium, quas Geographiæ contemplandas permittimus; at in globo Cœlesti Fixarum, & qui ex his constituuntur, Asterismorum, sive constellationum, numero 48, quorum 12 occupant Zodiacum, & nominibus distinguuntur iisdem, quibus signa Eclipticæ anastra, sive Dodecatemoria. Qui vero ab his vergunt ad boream Asterismi numero 21, sic appellantur:

Ursa minor, Ursa major, Draco, Cepheus, Arctophylax (Bootes) Corona Gnossia, Hercules in genibus, Lyra, Cygnus, Cassiopeia, Perseus, Andromeda, Triangulum, Auriga, Pegasus, Equiculus, Delphin, Sagitta, Aquila, Serpentarius, Serpens.

At ab eodem Zodiaco in austrum recedunt imagines numero 15:

Cetus, Eridanus, Lepus, Orion, Canis major, Canis minor, Argo navis, Hydra, Crater, Corvus, Centaurus, Lupa, Ara, Corona australis, Piscis austrinus.

Præter has imagines 48 nobis conspicuas observatæ sunt aliæ circa polum australem numero 12.

Phœnix, Grus, Indus, Xiphias, Pavo, Anser, & Hydrus, Passer, Apus, Triquetrum, Musca, Chamaque leon.

Ne quid addam de *Via Lactea*, quæ est circulus latus, candens, totum cœlum ambiens, nonnunquam duplici tramite, at plerumque simplici incedens. Hunc veterum nonnulli exhalationem quandam crediderunt in aëre suspensam; at nostrum seculum innumeram minutarum fixarum congeriem esse deprehendit. Illæ vero stellulæ, quanquam situ & magnitudine differentes, in globo exhiberi non solent, sed Telescopio solo discernuntur; ideoque de iis non est quod hoc loco ingeramus plura.

Descriptionem globorum modo expositam sequitur usus eorundem, qui licet multiplex sit, præcipue tamen, ad rem præsentem quod attinet, his fere Problematis explicari potest.

Probl

Probl. 1. *Dati in globo terrestri loci longitudinem & latitudinem invenire.* Datum locum advolve Meridiano æneo (intellige semper faciei ejus orientali, numeris distinctæ) & gradus Æquatoris, qui tum sub Meridiano reperietur, quocunque numero insignitur, est ipsa longitudo quæsitæ. Tum ab Æquatore computabis in Meridiano æneo ad locum usque datum gradus latitudinis, quæ erit Septentrionalis, si datus locus ab Æquatore recedat ad Septentrionem; australis autem, si ad austrum.

Probl. 2. *Datâ longitudine & latitudine; locum cui illa congruat in globo terrestri assignare.* Quære in Æquatore gradum longitudinis datæ, atque illum Meridiano æneo advolve. Tum ab Æquatore numera in Meridiano gradus latitudinis datæ versus polum Arcticum vel Antarcticum, prout ipsa latitudo borea fuerit, vel australis; & punctum in quod definit numeratio, est ipse locus quæsitus.

Probl. 3. *Globum utrumque ad datam latitudinem, vel elevationem poli aptare, nec non quadrantem altitudinis puncto verticali applicare; denique globos ope pyxidis nauticæ ad quatuor mundi cardines disponere.* Si latitudo loci data sit borea, elevetur polus arcticus supra Horizontem; sin australis, Antarcticus: Tum à polo elevato versus Horizontem computa in Meridiano gradus elevationis poli datæ, & punctum, in quod definit numeratio, adjuuge Horizonti, ita globus ad datam elevationem poli aptatus erit. Deinde ab Æquatore computa in Meridiano sursum gradus latitudinis datæ (quæ semper æqualis est elevationi poli) & punctum, in quod definit numeratio, erit vertex dati loci, quod vulgo dicitur Zenith. Huic igitur puncto Meridiani quadrans altitudinis affigatur cochleolâ suâ, ita ut margo gradibus distinctus cum dicto puncto coniscet. Denique pyxis nautica pedamento globi imposita diriget acu magneticâ oculum operantis versus austri & septentrionis cardines, & manus circumducet Horizontem ligneum, donec Meridianus æneus ad parallelismum cum acu perveniat, & Meridies Horizontis lignei respiciat verum Meridiem loci; ita fiet, ut & reliqui cardines globi cardinibus mundi congruant. Curandum est præterea, ut planum,

num, cui infistit globus, Horizonti parallelum sit, adeoque Horizon ligneus cum vero Horizonte loci consentiat.

Probl. 4. *Gradum Solis, quem tenet in Ecliptica, ope Kalendarii, & adjuncti circuli signorum, indagare; undeque locum ejus in ipsa Ecliptica assignare.* Quære in Horizonte ligneo mensem & diem datum (observato Kalendariorum, Juliani & Gregoriani, discrimine, ne alterum pro altero sequaris perperam;) tum è regione diei inventi in intimo circulo, qui est signorum, invenies gradum, & signum, in quo Sol isto die versatur. Deinde in ecliptica, quæ superficiei globi inscribitur, quære primum signum modo exploratum, & in isto signo gradum ipsum Solis.

Accuratius innotescere potest locus Solis, per Ephemerides pro dato anno constructas, aut per Tabulas Astronomicas calculo is eruitur.

Probl. 5. *Ascensionem rectam & declinationem Solis, vel stellæ cujusvis datæ invenire, indeque indicem horarium horæ duodecimæ aptare.* Inventum per Problema præcedens gradum Solis applica Meridiano & nota gradum Æquinoctialis, qui Meridiano subjacet, is enim est Ascensio Recta Solis quæsitæ. Tum ab Æquinoctiali computa in Meridiano usque ad locum Solis in Ecliptica, & numerus graduum sic inventus, est ipsa Declinatio Solis, borea vel australis, prout Sol ab Æquinoctiali recesserit versus polum Arcticum vel Antarcticum. Dum vero locus Solis Meridiano adhæret, adjunge indicem horarium horæ duodecimæ Meridianæ. Eodem modo fixæ cujusvis locum applicabis Meridiano, & gradus Æquinoctialis culminans, erit ipsius fixæ Ascensio Recta; at distantia inter eandem fixam & Æquinoctialem intercepta, est Declinatio stellæ borea vel australis.

Ex dato loco Solis, ejus Ascensionem Rectam & Declinationem, per calculum Trigonometricum, invenire docuimus in Lectione XIX. pag. 379.

Probl. 6. *Altitudinem Solis vel datæ fixæ Meridianam quadrante, vel alio instrumento idoneo rimari.*

Methodum docuimus observandi Solis vel Stellæ altitudinem, in Lect. XIX. pag. 377.

Probl.

Probl. 7. *Datâ Declinatione, & altitudine Meridianâ Solis, vel fixæ cujuscvis, latitudinem loci, sive elevationem poli invenire.*

Methodus inveniendi Latitudinem loci ostensa fuit, in Lect. XIX. pag. 378.

Probl. 8. *Datâ ascensione rectâ Solis & fixæ cujuscvis; tempus culminationis ejusdem fixæ invenire.* Ascensionem Rectam Solis aufer ab Ascensione recta fixæ (suffectis, si opus sit, 360 gradibus;) ita restat arcus *Æquatoris* à meridie ad momentum usque culminationis stellæ elapsus. Hunc arcum convertes in tempus, dividendo gradus datos per 15, nam quotus exhibebit *horas*; tum gradus à divisione reliquos multiplicando per 4, efficies *minuta horaria*. Similiter minuta gradibus adhærentia divides per 15, & quotus exhibebit etiamnum *minuta horaria*. Denique minuta à divisione reliqua si multiplices per 4, habebis *secunda horaria*. Conflatum ex horis, minutis & secundis tempus à meridie computatum ostendit ipsum momentum culminationis.

Probl. 9. *Dato loco Solis, vel fixæ cujuscvis; Ascensionem ejus, & Descensionem obliquam necnon Amplitudinem ortivam & occiduam invenire.* Datum locum Solis, vel fixæ, adjuuge Horizonti ortivo, & nota gradum *Æquatoris*, qui una ascendit; hic enim vocatur *Ascensio obliqua Solis*, vel stellæ. Tum à cardine Orientis, hoc est, ab interfectione *Æquatoris* & Horizontis ad locum usque Solis, vel fixæ arcus in Horizonte interceptus est amplitudo sideris ortiva. Sin eundem locum Solis, vel stellæ, adjungas Horizonti occiduo; erit gradus *Æquatoris* una descendens, *Descensio obliqua Solis*, vel stellæ. Et à cardine Occidentis, hoc est, ab interfectione alterâ *Æquatoris* & Horizontis ad sidus usque occidens, arcus in Horizonte numeratus, est *Amplitudo Solis*, vel stellæ occidua.

Problema hoc Trigonometrice sic expeditur. Sit HPOP TAB 41. Meridianus, EQ *Æquator*, HO Horizon, P Polus, S Si- fig. 6. dus vel Sol in Horizonte cujus Declinatio est arcus SR, or punctum orientis vel occidentis. In triangulo rectangulo or RS dantur RS, declinatio Solis vel Sideris, & angulus

lus *R* or *S*, quem Æquator facit cum Horizonte & est æqualis complemento Latitudinis loci, ex quibus dabitur arcus or *R*, qui est differentia Solis vel Sideris Ascensionalis, quæ Ascensioni rectæ addita, vel ab eadem ablata, prout Sol vel stella versus Polum depressum, aut elevatum declinat dabit Ascensionem obliquam: & dabitur præterea arcus or *S* amplitudo Solis vel Sideris. Differentia Ascensionalis quadranti addita, vel ab eodem subducta, prout stella versus Polum elevatum aut depressum declinat, dat arcum semidiurnum, qui in tempus conversus, dimidiatam moram stellæ supra Horizontem ostendet.

Probl. 10. *Datâ Ascensione Solis, vel fixæ, rectâ pariter atque obliquâ; dimidiatam eorum moram supra vel infra Horizontem, nec non longitudinem diei & noctis, horam item ortus & occasus Solis invenire.* Dati sideris Ascensionem rectam aufer ab obliqua, vel obliquam à recta, prout hæc vel illa major minorve extiterit; quod restat, est *Differentia Ascensionalis*. Hanc convertes in tempus (quemadmodum supra Problemate 8. docuimus) quod, declinante sidere versus Polum elevatum, additum sex horis, declinante autem sidere versus Polum depressum, detractum sex horis, exhibet dimidiatam sideris moram supra Horizontem; at hujus complementum ad 12 horas, est dimidiata sideris mora infra Horizontem. Dimidiata mora Solis supra Horizontem si computetur à meridie, extabit hora Occasus Solis; at dimidiata mora Solis infra Horizontem computata à media nocte, exhibet horam Ortus Solis. Porro dimidiata Solis mora supra Horizontem si duplicetur, extat longitudo diei; & dimidiata mora infra Horizontem duplicata est longitudo noctis.

Quod si indicem horarium aptaveris horæ duodecimæ, cum locus Solis est sub Meridiano, tum adduxeris locum Solis ad Horizontem ortivum; ostendet index horam ortus Solis; eundem vero locum Solis si adduxeris ad Horizontem occiduum, ostendet index horam occasus Solis. Unde porro facile est computare longitudinem diei & noctis.

Probl.

Probl. 11. *Dato tempore culminationis stellæ, & dimidiata ejus morâ supra Horizontem; horam ortûs & occasûs ejusdem stellæ invenire.* Si momento culminationis per Problema 8. invento detrahas dimidiatam stellæ moram supra Horizontem, habebis horam ortus stellæ: at eidem momento culminationis, addas dimidiatam stellæ moram supra Horizontem, conflabis horam occasus stellæ, computandam utrobique à meridie. Quod si indicem horarium applies 12 meridianæ, cum locus Solis culminat, tum adducas stellam ad Horizontem ortivum vel occiduum; ostendet index horam ortûs vel occasûs stellæ.

Probl. 12. *Invenire gradum eclipticæ, qui cum data stella oritur, vel occidit; indeque ortum & occasum stellæ Cosmici & Achronici patefacere.* Datam stellam adjuuge Horizonti ortivo, vel occiduo, & nota gradum eclipticæ, qui una oritur, vel occidit. Tum in Horizonte ligneo quære signum & gradum, quem cum stella oriri, vel occidere deprehenderas, & è regione gradus coorientis reperiens in Calendario (Juliano, vel Gregoriano) mensem & diem ortûs stellæ Cosmici. Et si quæras in eodem Horizonte ligneo gradum coorienti gradui oppositum; invenies in Calendario mensem & diem ortus stellæ Achronici. At è regione gradus cooccidentis reperiens diem occasus Achronici. Denique gradui cooccidenti gradus oppositus patefaciet diem occasus Cosmici.

Problematis solutio Trigonometrica hæc est, sit HO Horizon HZO Meridianus, $\mathcal{A}Q$ Æquator, EC Ecliptica. Punctum V intersectio Æquatoris & Eclipticæ, A Punctum Eclipticæ quod cum data stella oritur punctumque Æquatoris simul oriens sit or . In triangulo $V or A$ datur $\angle or$ Ascensio obliqua stellæ, & angulus $\angle V$ qui est Æquatoris & Eclipticæ, item angulus $\angle or A$ altitudo Æquatoris supra Horizontem, vel ejus complementum ad duos rectos, unde dabitur arcus Eclipticæ $\angle VA$, & proinde punctum A quod simul cum stella oritur; sed per Kalendarium aut Ephemerides, datur tempus quando Sol hoc punctum occupat; unde datur tempus quando stella oritur Cosmice: da-

TAB 41.
fig. 7.

bitur præterea angulus $\angle Aor$, angulus orientis Eclipticæ. Quando Sol tenet punctum Eclipticæ puncto A oppositum, stella oritur Achronice. Simili calculo invenitur tempus occasus Cosmici aut Achronici.

Prob. 13. *Datâ latitudine loci, & gradu eclipticæ, qui cum stella oritur vel occidit; ortum ejus & occasum Heliacum definire.* Datam stellam adjuuge Horizonti ortivo, tum quadrantem altitudinis circumduc in plaga occidentali, donec in eo gradus duodecimus (si stella sit magnitudinis primæ) occurrat eclipticæ; tum nota gradum eclipticæ, ubi fit occurfus, is enim est, qui 12 gradibus elevatur supra Horizontem occiduum, quando stella oritur; ergo eodem momento gradus eclipticæ oppositus deprimitur 12 gradibus infra Horizontem ortivum; & si quæras hunc gradum in Horizonte ligneo, invenies è regione diem ortus stellæ Heliaci, quo nimirum ex radiis Solis mane emergere incipit. Si stella fuisset magnitudinis secundæ, oportuisset observare gradum eclipticæ depressum 13 gradibus; pro stella tertiæ magnitudinis 14 grad. depressio requiritur, & sic deinceps. Quod si quæras occasum stellæ Heliacum, adjunges ipsam stellam Horizonti occiduo, & quadrantem altitudinis circumduces in plaga orientali, donec gradus in eo 12 vel 13 (prout stella fuerit magnitudinis primæ, vel secundæ) occurrat eclipticæ, tum gradum eclipticæ, in quo fit occurfus, notabis; nam qui huic opponitur gradus eclipticæ totidem gradibus demersus est infra Horizontem occiduum, qui proinde quæsitus in Horizonte ligneo exhibet è regione diem occasus Heliaci.

TAB. 41.
fig. 7.

Trigonometrice sic solvitur Problema. In figura præcedentis Problematis. Sit A punctum Eclipticæ quod simul cum stella oritur. Sit \odot punctum Eclipticæ quod tantum ab Horizonte distat, quantum est arcus visionis pro ortu stellæ Heliaco. In triangulo rectangulo AR \odot datur angulus RA \odot , æqualis angulo orientis Eclipticæ, & arcus R \odot , ex quibus invenietur arcus A \odot , qui additus arcui $\angle A$ dat arcum $\angle \odot$, & punctum Eclipticæ \odot , quod Sol tenet quando

do stella oritur Heliace. Similiter occasus ejus Heliacus reperietur.

Probl. 14. *Datâ latitudine loci, & loco Solis; initium & finem crepusculi matutini & vespertini invenire.* Composito globo ad latitudinem loci datam, per Probl. 3. & aptato indice horario horæ duodecimæ, quando locus Solis est in Meridiano; tum adducto gradu eclipticæ, qui loco Solis opponitur, ad plagam occidentalem; unâ manu volves globum, & altera circumduces quadrantem altitudinis, donec oppositus Soli gradus occurrat gradui quadrantis 8; & ostendet index horam initii crepusculi matutini. Sin gradum Soli oppositum adducas ad plagam orientalem, eumque ibi facias occurrere gradui quadrantis 18; ostendet index horam, qua crepusculum vespertinum desinit.

Trigonometrica Problematis solutio extat in Lectione XX. pag. 390. 391.

Probl. 15. *Datâ latitudine loci, & loco Solis, si præterea ex his tribus, nimirum horâ diæi vel noctis, nec non Altitudine, & Azimutho Solis vel stellæ, unicum detur; reliqua duo invenire.* Compone globum ad latitudinem loci datam; locum Solis adjunges Meridiano, & indicem horæ duodecimæ. Tum si *hora* detur, adduc indicem voluto globo, ad horam datam, firmatoque in isto situ globo, adduc quadrantem ad locum Solis, vel stellæ; & in margine quadrantis habebis altitudinem quæsitam, ad pedem vero quadrantis in Horizonte apparebit Azimuthus Solis, vel stellæ, numerandus ab intersectione Meridiani & Horizontis (australi vel septentrionali) ad ipsum usque quadrantis pedem. Sin *altitudo* detur, unâ manu volves globum, alterâ circumduces quadrantem, donec locus Solis vel stellæ occurrat dato gradui altitudinis in quadrante: tum index ostendet horam, & pes quadrantis Azimuthum. Dato vero *Azimutho*, adjunges pedem quadrantis ipsi Azimutho dato, & volve globum, donec locus Solis vel stellæ appellat ad marginem quadrantis gradibus distinctum; ostendet Sol ipse vel stella altitudinem suam in quadrante, & index horam.

Pro-

TAB. 41.
fig. 8.

Problema per Trigonometriam sic conficitur. Sit ut prius HO Horizon, HPO Meridianus, $ÆQ$ Æquator, Z vertex loci, P Polus, S Stella, cujus distantia à vertice est SZ , & declinatio SP ; quoniam dantur Solis & Stellæ Ascensiones Rectæ, dabitur eorum differentia, quæ in tempus conversa dabit tempus Culminationis Stellæ. Et arcus qui metitur angulum $ÆPS$ in tempus conversus ostendet horam noctis; jam in triangulo ZPS , ex datis ZP , distantia verticis à Polo, & PS stellæ declinatio, si præterea detur angulus P qui ex data hora innotescit; invenietur angulus Z Azimuthus stellæ, & arcus ZS ejus distantia à vertice. Vel si detur arcus ZS complementum altitudinis, dabitur angulus P ac proinde hora noctis, & angulus PZS stellæ Azimuthus, vel si detur stellæ Azimuthus PZS , invenietur angulus ZPS qui horam noctis dabit, & arcus ZS , cujus complementum est altitudo fixæ.

Eadem ratione, ex datis altitudine Solis, ex observatione capta, & ejus declinatione, quæ ex tempore per Tabulas innotescet, invenietur angulus $ÆPS$ qui in tempus conversus horam diei ostendet.

Probl. 16. *Datorum in globo terrestri duorum locorum distantiam & angulum positionis invenire.* Vocemus docendi gratiâ, unum datorum locorum *primum*, & alterum *secundum*. Exploratâ per Probl. 1. loci primi latitudine, compone globum terrestrem ad eam latitudinem, & ipsum locum primum advolve Meridiano, firmatoque globo in isto situ, & aptato quadrante altitudinis ipsi vertici (ubi tunc erit locus primus) adjuuge quadrantem loco secundo. Quo factò numerabis gradus *distantiæ* à vertice ad locum usque secundum, & *angulum positionis* in Horizonte inter Meridianum & pedem quadrantis.

TAB. 41.
fig. 9.

Trigonometrice sic expeditur Problema. Sit $ÆQ$ Æquator, P Polus, S & s duo loca in Telluris superficie, quorum complementa Latitudinum sint PS , Ps data; & quoniam locorum Longitudines dantur, dabitur Longitudinum differentia, scil. angulus SPs , unde in triangulo SsP quia dantur latera SP , sP cum angulo SPs , invenietur Ss , distantia

stantia locorum. Quæ in milliaria convertitur, computando pro singulis gradibus, milliaria 60. Invenientur quoque, anguli $P S s$ & $P s S$, qui sunt positionum anguli.

Similiter in cælo si dantur declinationes, & Ascensiones Rectæ duarum fixarum, dabitur earundem distantia, vel si earum Longitudines & Latitudines sint notæ, innotescet quoque earundem distantia.

Probl. 17. *Dato tempore & loco; Thema cæli erigere.* Composito globo cælesti (vel si hic absit, terrestri) ad dati loci latitudinem, investigatum locum Solis dato tempore congruentem adijunge Meridiano, & indicem horæ duodecimæ; tum volve globum, donec index ostendat horam datam: vel si accuratius operari libeat, inventæ per Probl. 5. Ascensioni Rectæ Solis adijice gradus, quot competunt horis & minutis à meridie elapsis, computando pro qualibet hora gradus 15. & pro quaternis minutis horariis gradus singulos; abjectis, si sit opus, gradibus 360; ita conflabis Ascensionem Rectam Medii Cœli, sive gradum Æquinoctialis dato temporis momento culminantem, ideoque sub Meridiano collocandum. Tum semicirculi positionis extremitates cardinibus Meridiei & Septentrionis affige. Mox à gradu Æquatoris culminante computa in ipso Æquinoctiali versus orientem gradus 30, & per ipsum 30 gradum traduc semicirculum positionis, & observa gradum, quo is secatur eclipticam, is enim est cuspis domus *undecimæ*, quam adnotabis in charta. Rursus admove semicirculum positionis gradui Æquinoctialis, inde à culminante gradu sexagesimo, & nota gradum, quo secatur ecliptica, ita acquies cuspide domus *duodecimæ*, notandam similiter in charta. Deinde transfer semicirculum positionis ad plagam occidentalem, & à gradu Æquatoris culminante computa versus occidentem gradus 30, & per punctum Æquatoris, ubi desinit numeratio, trajice semicirculum positionis, qui quo loco secatur eclipticam, ostendit cuspide domus *nonæ*. Denique per gradum Æquatoris inde à Meridiano 60 trajectus semicirculus positionis ostendit in ecliptica cuspide domus *octavæ*. Ipse vero Meridianus secatur eclipti-


cam in cuspide decimæ, at Horizon ortivus quo loco secat eclipticam, exhibet cuspidem *primæ*, quæ *ascendens* vocatur, & *Horoscopus*; occiduus vero Horizon prodit in eadem ecliptica cuspidem *septimæ*, quæ quemadmodum è diametro opponitur primæ, ita & octavæ opponitur *secunda*, & nonæ *tertia*, & undecimæ *quinta*, & duodecimæ *sexta*.

Probl. 18. *Erecti thematis punctum quodvis ad punctum quodvis dirigere.* Si Planetæ & aspectui cuivis locum suum assignes in Zodiaco secundum longitudinem & latitudinem, & eligas Planetam quemvis vel gradum eclipticæ, quem dirigere velis, vocabis hunc, docendi gratiâ *locum primum*; & locum ad quem istum primum dirigere est animus, vocabis *secundum*. Tum per locum primum, (qui & *Significator* dici solet) trajicito semicirculum positionis, & quo loco is secat Æquinoctialem, eum gradum diligenter notato. Retento autem semicirculo positionis in isto situ, volve globum versus occidentem, donec locus secundus appellat ad semicirculum positionis, & tum vicissim observa gradum Æquinoctialis, qui illi subjacet. Aufer gradum prius notatum à posteriori (suffectis, si opus sit, 360;) quod restat, est *arcus directionis* quæsitus.

F I N I S.



TRI-



TRIGONOMETRIÆ

PLANÆ ET SPHÆRICÆ

E L E M E N T A

I T E M

D E N A T U R A

E T

A R I T H M E T I C A

LOGARITHMORUM

TRACTATUS BREVIS.

THE UNIVERSITY OF CHICAGO
PRESS

THE UNIVERSITY OF CHICAGO

PRESS

THE UNIVERSITY OF CHICAGO

PRESS

TRIGONOMETRIÆ.

PLANÆ ET SPHÆRICÆ

E L E M E N T A.

D E F I N I T I O N E S.

EX datis Trianguli lateribus angulos, & ex angulis latera laterumve rationes, & mixtim assequi, Trigonometriæ munus est. Ad quod præstandum, necesse est, ut non tantum Peripheriæ circulares, sed & rectæ lineæ circulis adscriptæ, in notas aliquot & certas partes secari supponantur.

Placuit itaque Veteribus Mathematicis, peripheriam circuli in 360 partes (quos gradus appellant) dividere; & unumquemque gradum in 60 minuta prima, & hæc singula in 60 secunda, & rursus horum unumquodque in 60 minuta Tertia, & ita continuo partiri. Et angulus quilibet dicitur esse tot graduum & minutorum, quot sunt in arcu qui angulum illum metitur.

Quidam gradum in partes centesimas, potius quam sexagesimas partiri volunt: & utilius fortasse esset, non gradus sed & ipsum circulum in decupla ratione secare; quæ divisio forsan aliquando obtinebit. Verum si circulus constet 360 gradibus, ejus quadrans quæ est mensura anguli recti, erit harum partium 90. Si circulus in 100 partes secetur, Quadrans erit 25 partium.

Complementum Arcus, est differentia ejus à Quadrante.

Chorda sive *subtensa* est recta linea ab uno Arcû termino ad alterum ducta.

Sinus rectus alicujus arcus qui & simpliciter sinus dici so-

T t t 3

let,

TAB. 42.
fig. 1.

let, est perpendicularis cadens ab uno arcus termino ad radium per alterum terminum ejusdem Arcus ductum. Est igitur semifubtenfa dupli Arcus; scil. est $DE = \frac{1}{2} DO$, & est arcus DO duplus ipsius DB . Hinc sinus arcus 30 gr. æqualis est dimidio radii, nam per 15 El. 4. Latus Hexagoni circulo inscripti, hoc est, subtenfa 60 gr. æqualis est radio. Sinus dividit Radium in duo segmenta CE & EB ; quorum unum CE quod centro & sinu recto intercipitur, est sinus complementi arcus DB ad quadrantem) nam est $CE = FD$ qui est sinus arcus DH) & vocatur *cosinus*. Alterum segmentum BE quod sinu recto & peripheria intercipitur, vocatur *sinus versus*: aliquando dicitur Arcus *sagitta*.

Quod si per unum Arcus terminum D producat a centro recta CG , donec occurrat rectæ BG super diametro ad ejus terminum B perpendiculari; vocabitur in Trigonometria CG *secans*, & BG *Tangens* arcus DB .

Cosecans & *Cotangens* Arcus est secans vel tangens Arcus, qui est complementum alterius ad Quadrantem. *Nota*. Sicut eadem est Chorda Arcus & ejusdem complementi ad circumulum. Sic idem est sinus, eadem Tangens, eademque secans Arcus & ejusdem complementi ad semicirculum.

Sinus Totus est sinus maximus, seu sinus 90 graduum qui circuli radio æqualis est.

Canon Trigonometricus est Tabula, quæ à minuto incipiens, feriatim exhibet quas habent longitudines singuli sinus Tangentes & Secantes, respectu radii, qui unitatis loco ponitur, & in partes 10000000 vel plures decimales dividi intelligitur. Adeo ut ope hujus Tabulæ, cujuslibet Arcus vel anguli sinus Tangens vel secans haberi potest. Et vicissim ex dato sinu Tangente vel secante dabitur qui iis respondet arcus vel angulus. Observandum est in sequentibus R esse notam Radii, S notam sinus coS cosinus, T notam Tangentis, & coT co Tangentis.

CONSTRUCTIO CANONIS.

PROP. I. THEOREMA.

Datis duobus quibuscumque Trianguli rectanguli lateribus, reliquum quoque dabitur.

Est enim per 47^o Elementi primi $ACq = ABq + BCq$ TAB. 42.
 & $ACq - BCq = ABq$, & vicissim $ACq - ABq = BCq$. fig. 2.
 unde per extractionem Radicis quadratæ, dabitur $AC = \sqrt{ABq + BCq}$ & $AB = \sqrt{ACq - BCq}$. & $BC = \sqrt{ACq - ABq}$.

PROP. II. PROBL.

Dato DE sinu arcus DB. Invenire Cosinum DF.

TAB. 42.
fig. 2.

Ex datis CD radio & DE sinu, in Triangulo rectangulo CDE dabitur per præcedentem $CE = \sqrt{CDq - DEq}$
 $= DF$.

PROP. III. PROBL.

Dato DE sinu arcus cujuscumque DB. Invenire DM vel BM sinum arcus dimidii. TAB. 42.
fig. 2.

Dato DE dabitur per præcedentem CE, ac proinde EB quæ est differentia inter cosinum & Radium. In Triangulo igitur rectangulo DBE datis DE & EB dabitur DB cujus semissis DM est sinus arcus $DL = \frac{1}{2}$ arcus DB.

PROP. IV. PROBL.

Dato BM sinu arcus BL invenire sinum dupli Arcus. TAB. 42.
fig. 2.

Dato BM sinu, dabitur per Prop. 2. cosinus CM. Sunt autem Triangula CBM DBE æquiangula, ob angulos ad E & M rectos & angulum ad B communem, quare (per 4.6.) erit $CB:CM::BD$ vel $2BM:DE$. Unde cum dantur tres priores hujus Analogiæ termini, quartus quoque qui est sinus arcus DB innotescet.

Corol. Est $CB::2CM::BD:2DE$, hoc est, Radius ad du-

duplum cosinus arcus $\frac{1}{2}$ DB ut subtensa arcus DB ad subtensam dupli arcus. Item est $CB:2\,CM::(2\,BM:2\,DE::)BM:DE::\frac{1}{2}CB:CM$. unde dato sinu arcus alicujus & sinu arcus dupli, dabitur cosinus arcus simpli.

P R O P. V.

TAB. 42. *Datis sinibus duorum arcuum BD FD, Invenire FI sinum summæ arcuum. Item EL sinum differentiæ eorundem.*
fig. 3.

Ducatur Radius CD, & fit CO cosinus arcus FD, qui proinde dabitur, per O agatur OP parallela ad DK. Item ducantur OM GE parallelæ ad CB. Et ob æquiangula triangula CDK COP CHI FOH FOM. Est primò $CD:DK::CO.OP$, quæ itaque innotescet. Item est $CD:CK::FO:FM$, adeoque & illa nota erit. sed ob $FO=EO$ erit $FM=MG=ON$. Est itaque $OP+FM=FI$ sinui summæ arcuum: & $OP-FM$, hoc est, $OP-ON=EL$ sinui differentiæ arcuum. Q. E. I.

Coroll. Quia arcuum BE BD BF differentiæ sunt æquales, erit BD arcus, medius arithmeticus inter arcus BE BF.

P R O P. VI.

Iisdem propositis, Radius est ad duplum cosinus arcus medii, ut sinus differentiæ ad differentiam sinuum extremorum.

TAB. 42. *Nam est $CD:CK::FO:FM$, unde duplicando consequentes $CD:2\,CK::FO.2\,FM$ vel ad FG; quæ est differentia sinuum EL FI. Q. E. D.*
fig. 3.

Cor. 1. Si arcus BD sit 60 grad. Erit differentia sinuum FIEL æqualis FO sinui distantiae. Nam in eo casu fit CK sinus 30 grad. cujus duplum æquale est radio, adeoque ob $CD=2\,CK$ erit $FO=FG$. Adeoque si duo arcus BE BF ab arcu 60 gr. æquidistant, erit differentia sinuum æqualis sinui distantiae FD.

Cor.

Cor. 2. Hinc si dentur sinus omnium arcuum, dato intervallo à se invicem distantium ab initio quadrantis usque ad 60 gradus, facile inveniuntur reliqui per unicam additionem. Est enim sinus 61 gr. = sinui 59 gr. + sin. 1 gr. & sinus 62 gr. = sinui 58 gr. + sin. 2 gr. Item sinus 63 gr. = sinui 57 gr. + sin. 3 gr. & ita deinceps.

Cor. 3. Si habeantur sinus omnium arcuum ab initio quadrantis, dato intervallo à se invicem distantium, usque ad datam quamvis quadrantis partem, dabuntur exinde sinus omnes usque ad hujus partis duplum. *ex gr.* Dentur omnes sinus usque ad 15 gr. per præcedentem Analogiam inveniri possunt sinus omnes usque ad 30 gr. Nam est radius ad duplum cosinus 15 gr. ut sinus unius gradus ad differentiam sinuum 14 gr. & 16 gr. ita etiam est sinus 2 gr. ad differentiam sinuum 13 & 17 gr. & ita sinus 3 gr. ad differentiam sinuum 12 & 18 gr. atque sic continuo usque dum pervenietur ad sinum 30 gr.

Similiter ut Radius ad duplum cosinus 30 gr. seu ad duplum sinus 60 gr. ita sinus 1 gr. ad differentiam sinuum 29 & 31 gr. :: sin. 2 gr. ad Differentiam sinuum 28 & 32 gr. :: 3 gr. ad differentiam sinuum 27 & 33 gr. sed in hoc casu est Radius ad duplum cosinus 30 gr. ut 1 ad $\sqrt{3}$. ac proinde si multiplicentur sinus distantiarum ab arcu 30 gr. per $\sqrt{3}$ dabuntur differentię sinuum.

Similiter in ipso initio quadrantis minutim exquirere possumus sinus, datis sinubus & cosinubus unius & duorum minutorum. Nam ut Radius ad duplum cosinus 2' :: sin 1': differentiam sinuum 1' & 3' :: Sin. 2': differentiam sinuum 0' & 4' hoc est, ad ipsum sinum 4'. Et similiter ex datis sinubus priorum 4' inveniuntur sinus reliqui usque ad 8' & exinde ad 16' & ita deinceps.

PROP. VII. THEOREMA.

In arcubus exiguis sinus & Tangens ejusdem arcus sunt quam proxime ad se invicem, in ratione æqualitatis.

Nam ob æquiangula triangula CED CBG, erit CE: CB: : TAB. 42.
V VV ED: fig. 42

ED: BG. sed accedente puncto D ad B, evanescit EB respectu arcus BD: unde fit CE fere æqualis CB. adeoque & ED fere æqualis BG. Si EB sit minor radii parte $\frac{1}{1000000}$ erit differentia inter sinum & tangentem, minor quoque tangentis parte $\frac{1}{1000000}$.

Cor. Cum Arcus sit tangente minor, sinu autem suo major; & exigui arcus sinus & tangens sunt fere æquales, erit etiam arcus suo sinui vel tangenti fere æqualis, adeoque in exiguis arcubus, erit ut arcus ad arcum ita sinus ad sinum.

PROP. VIII.

Invenire sinum Arcus unius minuti.

Latus Hexagoni circulo inscripti, hoc est, subtensa 60 graduum æqualis est Radio, (*per* 15tam 4ti.) Radii itaque semissis erit sinus Arcus 30 gr. Dato itaque sinu Arcus 30 grad. invenitur sinus arcus 15 gr. (*per* 3tiam hujus.) Item ex dato sinu 15 gr. *per* eandem invenitur sinus 7 gr. 30. min. & sinus hujus dimidii 3 gr. 45' similiter invenitur; & ita deinceps, donec duodecima peracta bisectione, perveniatur ad arcum $52'' 44''' 3'''' 45'''''$ cujus cosinus fere æqualis est radio, in quo casu (uti constat ex prop. 7.) sunt sinus arcubus suis proportionales; adeoque ut arcus $52'' 44''' 3'''' 45'''''$ ad arcum unius minuti ita erit sinus prius inventus ad sinum arcus unius minuti; qui igitur dabitur.

Dato sinu unius minuti, invenietur *per* prop. 2 & 4, sinus duorum minutorum ejusque cosinus.

PROP. IX. THEOREMA.

Si angulus BAC in peripheria circuli existens, bisecetur recta AD, Et producat AC quoad DE = AD ipsi occurrat in E: erit CE = AB.

TAB. 42.
fig. 5. In Quadrilatero ABDC (*per* 22. 3.) sunt anguli B & ACD æquales duobus rectis = DCE + DCA (*per* 13. 1.) unde erit angulus B = DCE. Quin etiam est angulus E = DAC (*per* 5. 1.) = DAB & est DC = DB. quare Triangula BAD & CED sunt congrua & CE est æqualis AB. Q. E. D.

PROP.

PROP. X. THEOREMA.

*Sint arcus AB BC CD DE EF &c. æquales; Arcuum. TAB 45.
que AB AC AD AE &c. subtensæ ducantur, erit fig. 6.*

$$AB: AC:: AC: AB + AD:: AD: AC + AE::$$

$$AE: AD + AF:: AF: AE + AG.$$

Producantur AD in H, AE in I, AF in K, & AG in L, ut triangula ACH ADI AEK AFL sint Isoscelia. Et quoniam angulus BAD bisectus est, fiet DH = AB per præcedentem. Similiter erit EI = AC, FK = AD, item GL = AE.

Sed Triangula Isoscelia ABC CAH DAIE AK FAL, ob angulos ad bases æquales, sunt æquiangulara. Quare erit ut AB: AC:: AC: AH = AB + AD:: AD: AI = AC + AE:: AE: AK = AD + AF:: AF: AL = AE + AG. Q. E. D.

Corol. Quoniam est AB ad AC ut Radius ad duplum cosinus Arcus $\frac{1}{2}$ AB, (per corol. prop. 5.) erit quoque ut Radius ad duplum cosinus arcus $\frac{1}{2}$ AB ita $\frac{1}{2}$ AB: $\frac{1}{2}$ AC:: $\frac{1}{2}$ AC: $\frac{1}{2}$ AB + $\frac{1}{2}$ AD:: $\frac{1}{2}$ AD: $\frac{1}{2}$ AC + $\frac{1}{2}$ AE:: $\frac{1}{2}$ AE: $\frac{1}{2}$ AD + $\frac{1}{2}$ AF &c. Sint jam arcus AB BC CD &c. singula 2'. Erit $\frac{1}{2}$ AB sinus unius minuti, $\frac{1}{2}$ AC sinus 2'. $\frac{1}{2}$ AD sinus 3'. $\frac{1}{2}$ AF sinus 4' &c. Unde datis sinibus unius & duorum minutorum sinus omnes reliqui sic facillime habentur.

Dicatur cosinus arcus unius minuti, hoc est, sinus arcus 89 gr. 59' Q & fient sequentes Analogiæ, R: 2 Q:: Sin. 2': Sin. 1' + Sin. 3'. quare dabitur sinus 3'. Item R: 2 Q:: S. 3': S. 2' + S. 4'. quare dabitur S. 4'.

Item R: 2 Q:: S. 4': S. 3' + S. 5'. quare habetur sinus 5'.

R: 2 Q:: S. 5': S. 4' + S. 6' proinde dabitur S. 6'. Atque ita deinceps ad singula quadrantis minuta dabuntur sinus. Et quoniam Radius seu primus Analogiæ terminus est Unitas; operationes per multiplicationem contractam & subtractionem facillime expediuntur.

Inventis sinibus, usque ad gradum sexagesimum. Reliqui sinus per solam additionem habentur (per cor. 1. pr. 5.)

Datis sinibus, Tangentes & secantes ex Analogiis sequen-

TAB. 42. tibus invenire possunt. Ob æquiangula Triangula CED
fig. 1. CBG CHI.

CE:ED::CB:BG. hoc est, $\cos S:S::R:T$.

GB:BC::CH:HI. h. e. $T:R::R:\cos T$.

CE:CD::CB:CG. h. e. $\cos S:R::R:\secant$.

DE:CD::CH:CI. h. e. $S:R::R:\cos \secant$.

S C H O L I U M.

Magnus ille Geometra, summusque Philosophus Dominus Newtonus Primus series in infinitum convergentes exhibuit, quibus ex datis arcubus, eorum sinus computari possint. Nam si Arcus dicatur A & Radius sit unitas invenit ejus sinum fore.

$$\begin{array}{ccccccc}
 & A^3 & & A^5 & & A^7 & & A^9 \\
 A & \text{---} & + & \text{---} & + & \text{---} & + & \text{---} \\
 & 1.2.3 & & 1.2.3.4.5 & & 1.2.3.4.5.6.7 & & 1.2.3.4.5.6.7.8.9. \\
 & \text{Ec.} & \text{Cosinum autem esse} & & & & & \\
 & A^2 & & A^4 & & A^6 & & A^8 \\
 I & \text{---} & + & \text{---} & + & \text{---} & + & \text{---} \&c. \\
 & 1.2 & & 1.2.3.4 & & 1.2.3.4.5.6 & & 1.2.3.4.5.6.7.8
 \end{array}$$

Hæ series initio quadrantis cum Arcus A parvus est celerissime convergunt. Nam in serie pro sinu, si A non superet decem minuta, duo primi ejus termini scil. $A - \frac{1}{2} A^3$ dant sinum ad 15 figurarum loca, si Arcus A non major sit gradu, tres primi exhibent sinum ad totidem loca, adeoque pro primis & ultimis Quadrantis sinibus hæ series sunt admodum utiles. sed quo major sit arcus A, eo pluribus opus est terminis ut inveniatur sinus in numeris qui sunt veri ad datum figurarum locum. Tandem autem lentissime convergunt series cum Arcus fere æqualis est Radio. Cui rei ut remedium adferatur ego alias excogitavi series Newtonianis similes, in quibus suppono arcum, cujus sinus quæritur, esse summam vel differentiam duorum arcuum scil. esse $A + z$ vel $A - z$: notosque esse sinum & cosinum arcus A. scil. sit a sinus arcus A & b ejus cosinus. Sinus Arcus $A + z$ per hanc seriem exprimetur

$$1. a + \frac{bz}{1} + \frac{az^2}{1.2} + \frac{bz^3}{1.2.3} + \frac{az^4}{1.2.3.4} + \frac{bz^5}{1.2.3.4.5} + \text{\&c.}$$

$$2. \text{Ejus Cosinus } b - \frac{az^5}{1.2.3.4.5} + \frac{bz^6}{1.2.3.4.5.6} - \text{\&c.}$$

Similiter sinus Arcus $A - z$ est

$$3. a - \frac{bz}{1} + \frac{az^2}{1.2} - \frac{bz^3}{1.2.3} + \frac{az^4}{1.2.3.4} - \frac{bz^5}{1.2.3.4.5} + \frac{az^6}{1.2.3.4.5.6} - \text{\&c.}$$

Et cosinus est

$$4. b + \frac{az}{1} - \frac{bz^2}{1.2} + \frac{az^3}{1.2.3} - \frac{bz^4}{1.2.3.4} + \frac{az^5}{1.2.3.4.5} - \text{\&c.}$$

Arcus A est medius Arithmeticus inter arcus $A - z$ & $A + z$. Differentiæ sinuum sunt

$$5. \frac{bz}{1} - \frac{az^2}{1.2} + \frac{bz^3}{1.2.3} - \frac{az^4}{1.2.3.4} + \frac{bz^5}{1.2.3.4.5} - \frac{az^6}{1.2.3.4.5.6} + \text{\&c.}$$

$$6. \frac{bz}{1} + \frac{az^2}{1.2} - \frac{bz^3}{1.2.3} + \frac{az^4}{1.2.3.4} - \frac{bz^5}{1.2.3.4.5} + \frac{az^6}{1.2.3.4.5.6} - \text{\&c.}$$

Unde differentiarum differentia seu differentia secunda

$$7. \text{Prodit } \frac{2az^2}{1.2} - \frac{2az^4}{1.2.3.4} + \frac{2az^6}{1.2.3.4.5.6} - \text{\&c.}$$

Seu $2a \times \frac{z^2}{1.2} - \frac{z^4}{1.2.3.4} + \frac{z^6}{1.2.3.4.5.6} - \text{\&c.}$

Quæ series æqualis est duplo sinus arcus medii ducto in sinum versum arcus z & celerrime convergit. Adeo ut

VVV 3

ſ

si z sit minutum primum, terminus seriei primus dat differentiam secundam ad 15 figurarum loca; secundus autem terminus ad 25 loca.

Hinc datis sinibus duorum quorumvis arcuum intervallo minuti distantium, facili admodum operatione inveniri possint sinus reliquorum omnium arcuum qui sunt in eadem progressionem.

In serie prima & secunda si Arcus A sit $= 0$ erit $a = 0$ & b ejus cosinus sit radius seu 1. & hinc destructis terminis ubi est a & pro b posito 1 series deveniunt Newtonianæ. In serie tertia & quarta. si A sit 90 gr. fiet $b = 0$ & $a = 1$ unde quoque destructis terminis ubi est b & pro a posito 1 rursus prodibunt series Newtonianæ.

Omnes hæ series ex Newtonianis facile fluunt per prop. 5. hujus.

P R O P. X I.

In Triangulo Rectangulo, si Hypotenusa sit Radius, latera sunt sinus angulorum oppositorum; si vero crus alterum fiat Radius, crus reliquum est Tangens anguli oppositi, & Hypotenusa est anguli secans.

TAB. 42.

fig. 7.

fig. 8.

Manifestum est CB esse sinum arcus CD , ejusque cosinum esse AB ; sed arcus CD est mensura anguli A , & complementum mensuræ anguli C . Præterea in 8^{va}. figura posito AB radio, est BC Tangens, & AC secans arcus BD , qui est mensura anguli A , & similiter in eadem figura posito BC radio, est BA Tangens & AC secans arcus BE vel anguli C . Q. E. D.

Est igitur, ut AC secundum datam quamvis mensuram æstimata ad BC in eadem mensura æstimatam, ita erit 10000000 numerus partium in quas dividi supponitur Radius, ad numerum qui exprimit in iisdem partibus longitudinem quam habet sinus anguli A , hoc est,

$$\text{Erit } AC:BC::R:S, A$$

Simili ratione erit $AC:BA::R:S, C$

$$\text{Item } AB:BC::R:T, A$$

$$\text{Et } BC:BA::R:T, C$$

In

In his itaque proportionalibus si dantur tres quælibet, per Regulam Trium invenietur quarta.

P R O P. XII.

Trianguli plani latera sunt ut sinus angulorum oppositorum.

Trianguli circulo inscripti latera perpendicularibus radiis bisecentur. Et erunt semilatera sinus angulorum ad peripheriam. Est enim angulus BDC ad centrum duplex anguli BAC ad peripheriam (per 20. El. 3.) cujusque itaque dimidium sc. BDE æquale est BAC, atque ejus sinus est BE. Eadem ratione erit BF sinus anguli BCA. Et AG erit sinus anguli ABC. TAB 42.
fig. 9.

In Triangulo rectangulo est $BD = \frac{1}{2} BC = \text{Radio}$ (per 31. El. 3.) sed Radius est sinus anguli recti unde $\frac{1}{2} BC$ est sinus anguli A. fig. 10.

In Triangulo Amblygonio, ductis BL CL, erit angulus L complementum anguli A ad duos rectos (per 22. El. 3.) ac proinde idem erit utriusque anguli sinus. Est autem BDE (cujus sinus est BE) = angulo L. quare erit & BE sinus anguli BAC. Sunt itaque in omni triangulo semisses laterum sinus angulorum oppositorum, manifestum autem est latera esse inter se ut ipsorum semisses. Q.E.D. fig. 11.

P R O P. XIII.

In Triangulo Plano summa Crurum, differentia Crurum, Tangens semisummæ angulorum ad basim & Tangens semidifferentiæ eorundem sunt proportionales.

Sit Triangulum ABC cujus crura AB BC & Basis AC; pro-ducatur AB ad H ut sit $BH = BC$; erit AH summa crurum, fiat $BI = BA$, & erit IH differentia crurum. Item est HBC angulus = angulis A + ACB (per 32. El. 1.) cujus itaque dimidium EBC = semisummæ angulorum A & ACB, ejusque Tangens (posito Radio = EB) est EC. Ducatur BD. ad AC parallela fiatque $HF = CD$. Et ob $HB = CB$ erit (per 4. El. 1.) angulus HBF = CBD = BCA (per 29. El. 1.) Est etiam angulus TAB 42.
fig. 12.

lus $HBD = \text{angulo } A$: unde erit FBD differentia angulorum A & ACB ; Et EBD eorum semidifferentia, cujus tangens est ED . Per I ducatur IG parallela ad AC vel BD & fiet (per 2. El. 6.) $AB:BI::CD:DG$. At est $AB=BI$, unde erit & $CD=DG$. at est $CD=HF$, unde $HF=DG$ & proinde $HG=DF$ & $\frac{1}{2}HG=\frac{1}{2}DF=DE$. Et quia triangula AHC IHG sunt æquiangula, erit $AH:IH::HC:HG::\frac{1}{2}HC:\frac{1}{2}HG::EC:ED$. hoc est, erit AH summa crurum ad IH differentiam crurum ut EC Tangens semissis summæ angulorum ad Basim, ad ED Tangentem semissis differentiæ eorundem. Q. E. D.

P R O P. XIV.

In Triangulo Plano, Basis, summa laterum, Differentia laterum, Differentia segmentorum basis sunt proportionales.

TAB. 43.
fig. 1.











Trianguli BCD basis esto DC , centro B radio BC describatur circulus, & producat DB in G , ex puncto B in basin cadat perpendicularis BE , erit $DG=DB+BC=\text{summa laterum}$, & $DH=\text{differentiæ laterum}$, & segmenta basis sunt DE CE quorum differentia est DF . Quoniam (per cor. prop. 38. El. 3.) rectangulum sub DC DF æquale est rectangulo sub DG DH , erit (per 16. El. 6.) $DC:DG::DH:DF$.

P R O B L E M A.

Datis duarum quarumvis quantitatum summa & differentia, ipsas quantitates invenire.

TAB 43.
fig. 2.

Si ad semisummam addatur semidifferentia, aggregatum erit æquale majori; si autem à semisummâ subducatur semidifferentia, residuum erit æquale minori. Sint enim AB BC duæ quantitates; & capiatur $AD=BC$. Fiet DB differentia. Quarum summa est AC , quæ bisecta in E dat AE vel EC



EC semisummam & DE vel EB semidifferentiam. Porro est $AB = AE + EB = \text{semisummæ} + \text{semidifferentia}$, & $BC = CE - EB = \text{semisummæ} - \text{semidifferentia}$.

IN quovis Triangulo plano datis duobus angulis, datur tertius qui est summæ duorum reliquorum complementum ad duos rectos.

In Triangulo autem rectangulo dato alterutro angulo acuto, datur reliquus, qui est dati complementum ad rectum.

Datis autem duobus trianguli rectanguli lateribus, ut inveniat relíquum non opus est canone sed perficitur ope prop. primæ hujus.

*Trianguli Rectanguli solutiones Trigonometricæ
sunt quæ sequuntur.*

	Datis.	Quær.	Fiat.	
I	AB BC cruribus.	Anguli.	AB: BC:: R: T anguli A. Cujus com- plementum est Angulus C.	TAB. 43. fig. 3.
2	AB AC crure & Hypoten.	Anguli.	AC: AB:: R: S, C cujus complemen- tum est angulus A.	
3	AB & A crure & an- gulo.	BC crus alterum.	R: T, A:: AB: BC.	
4	AB & C crure & an- gulo.	AC Hy- potenu- sa.	S, C: R:: AB: AC.	

TAB. 43.
fig. 4.*In Triangulis obliquangulis.*

	Datis.	Quær.	Fiat.
1	A. B. C & AB angulis & latere.	BC & AC latera.	S, C: S, A:: AB: BC. Item S, C: S, B:: AB: AC; datis duobus angulis datur tertius, unde casus cum dantur duo anguli & latus; reliqua quæruntur, recidit in hunc casum.
2	A. B. C. omnibus angulis.	AB. AC BC omnia latera.	S, C: S, A:: AB: BC. Et S, C: S, B:: AB: AC. unde datis angulis invenire licet proportionem laterum, at non ipsa latera, nisi ipsorum unum prius innotescat.
3	AB: BC, & C duobus lateribus & angulo uni opposito.	A & B anguli.	AB: BC: S, C: S, A, qui proinde inveniantur. Sed quia idem est sinus anguli & ejus complementi ad duos rectos, prænoscenda est anguli A Species.
4	AB BC & B. lateribus duobus & angulo interjecto.	Anguli A & C.	$\frac{BC + AB}{2} : \frac{BC - AB}{2} :: \frac{T, A + CT}{2} : \frac{T, A - C}{2}$ unde datur differentia angulorum A & C quorum summa quoque est nota; & proinde per <i>Problema post prop. 14.</i> dabuntur ipsi anguli.
5	AB. BC AC omnibus lateribus.	Anguli.	Demisso à vertice in Basim perpendiculo. Quærantur segmenta basis per prop. 14. Fiat scil. BC: AC + AB :: AC - AB: DC - DB, & ex hac analogia dabuntur BD. DC. & proinde per resolutionem triangulorum rectangulorum ABD ADC dabuntur anguli.

fig. 5.

TRI-

TRIGONOMETRIÆ

SPHÆRICÆ

E L E M E N T A.

DEFINITIONES.

1. **S**phæræ Poli, sunt duo puncta in superficie Sphæricâ, quæ sunt Axis extrema.
2. Polus circuli in Sphæra, est punctum in superficie Sphæræ, à quo omnes rectæ lineæ ad circuli circumferentiam tendentes, sunt inter se æquales.
3. Circulus in sphæra maximus est, cujus planum transit per sphæræ centrum, & cujus centrum idem est cum centro Sphæræ.
4. Triangulum Sphæricum est figura comprehensa sub arcibus trium maximorum in Sphæra circulorum.
5. Angulus Sphæricus est is qui in superficie sphæricâ, continetur sub duobus arcibus maximorum circulorum; qui æqualis est inclinationi planorum istorum circulorum.

P R O P. I.

Circuli maximi ACB AFB se bifariam secant.

Cum enim circuli habent idem centrum, communis eorum sectio erit utriusque circuli diameter, quæ eos bifariam secabit.

Cor. Hinc in superficie, sphæræ duo maximorum circulorum Arcus semicirculis minores, spatium non comprehendunt, non enim possunt, nisi in duobus punctis semicirculo oppositis, sibi invicem occurrere.

TAB 43.
fig. 6.

PROP. II.

TAB 43. *Si à polo C circuli cujusvis AFB, ducatur ad ejus centrum recta CD, ea ad planum istius circuli perpendicularis erit.*
fig. 6.

In circulo AFB ducantur diametri quævis EF GH; Et quoniam in triangulis CDF CDE, sunt CD DF æquales CD DE, & basis CF æqualis basi CE (per def. 2.) erit (per 4. El. 1.) angulus CDF = angulo CDE; ac proinde uterque rectus erit, similiter demonstrabitur, angulos CDG CDH esse rectos; unde (per 4. El. 11.) erit CD perpendicularis ad planum circuli AFE. Q.E.D.

Cor. 1. Circulus maximus distat à polo suo intervallo Quadrantis; nam ob angulos CDG CDF rectos, erunt ipsorum mensuræ, sc. arcus CG CF quadrantes.

Cor. 2. Circuli maximi per polum alterius circuli transeuntes cum ipso faciunt angulos rectos; & vicissim, si cum altero circulo faciunt angulos rectos; transibunt per polum alterius istius circuli; nam per rectam DC eos transire necesse est.

PROP. III.

TAB 43. *Si polo A describatur maximus circulus ECF, arcus CF interceptus inter AC AF, est mensura anguli CAF, vel CBF.*
fig. 6.

Per corol. 1. præcedentis, sunt arcus AC AF quadrantes, ac proinde anguli ADC ADF sunt recti, quare (per defin. 6. El. 11.) angulus CDF (cujus mensura est arcus CF) æqualis est inclinationi planorum ACB AFB, æqualis quoque angulo Sphærico CAF vel CBF. Q.E.D.

Cor. 1. Si arcus AC AF sunt Quadrantes, erit A polus circuli per puncta C & F transeuntis, est enim AD ad planum FDC normalis, (per 4. El. 11.)

Cor. 2. Anguli ad verticem sunt æquales, uterque enim est æqualis inclinationi circulorum. Item anguli qui sunt deinceps sunt æquales duobus rectis.

PROP.

P R O P. IV.

Triangula erunt equalia & congrua, si duo latera habeant duobus lateribus equalia, & angulos equalibus lateribus comprehensos etiam aequales.

P R O P. V.

Item Triangula erunt equalia & congrua, si latus cum angulis adjacentibus in uno triangulo sit aequale lateri cum angulis adjacentibus in altero triangulo.

P R O P. VI.

Triangula aequilatera sunt etiam equiangula.

P R O P. VII.

In Triangulis Isoscelibus, anguli ad basim sunt aequales.

P R O P. VIII.

Si anguli ad basim fuerint aequales, erit Triangulum Isosceles.

Eodem modo demonstrantur quatuor propositiones praecedentes ut in triangulis planis.

P R O P. IX.

Quaelibet duo trianguli latera reliquo sunt majora.

Nam arcus circuli maximi, inter duo quaelibet in superficie sphaerae puncta, est via brevissima.

P R O P. X.

Quodlibet trianguli latus minus est semicirculo.

Producantur trianguli ABC latera AC AB, donec conveniunt in D, erit arcus ACD semicirculus, qui major est quam AC. TAB. 43. fig. 7.

P R O P. XI.

Trianguli latera sunt circulo minora.

Est enim DB+DC major quam BC, (per prop. 9.) & TAB. 43. utrin- fig. 7.

trinque addendo $BA + AC$, erit $DBA + DCA$, hoc est, circulus major quam $AB + BC + AC$, qui sunt tria latera trianguli ABC .

P R O P. XII.

TAB. 43.
fig. 8.

In triangulo ABC , major angulus A majori lateri subtenditur.

Fiat angulus $BAD =$ angulo B , & erit $AD = BD$ (per 8. hujus) unde $BDC = DA + DC$, & hi arcus majores sunt quam AC , est itaque latus BC , quod subtendit angulum BAC , majus quam AC , quod subtendit angulum B .

P R O P. XIII.

TAB. 43. *In quolibet triangulo ABC , si summa Crurum $AB + BC$ sit major æqualis vel minor semicirculo; internus angulus ad basim AC erit major æqualis aut minor externo & opposito BCD , ideoque summa angulorum A & ACB major erit, aut æqualis, aut minor duobus rectis.*

Sit primò $AB + BC =$ semicirculo $= AD$, erit $BC = BD$; & anguli BCD & D æquales, (per 8 hujus) unde & angulus BCD erit $=$ angulo A .

Sit secundo $AB + BC$ majores quam AD , erit BC major quam BD ; unde & angulus D , (hoc est angulus A) major erit angulo BCD . (per 12. hujus) Similiter ostendetur, si $AB + BC$ sint simul minores semicirculo, fore angulum A minorem angulo BCD . & quoniam anguli BCD & BCA sunt $=$ duobus rectis; si angulus A sit major BCD , erunt A & BCA majores duobus rectis. Si A sit $= BCD$ erunt A & BCA æquales duobus rectis. Si vero A sit minor quam BCD , erunt A & BCA minores duobus rectis. Q. E. D.

P R O P. XIV.

TAB. 43. *In quolibet triangulo GHD , laterum poli, ductis circulis maximis, constituunt aliud triangulum XMN , quod supplementum est trianguli GHD ; nempe latera NX
 XM*

XM & NM erunt supplementa ad semicirculos arcuum qui sunt mensuræ angulorum D, G, H. Quin etiam mensuræ angulorum M, X, N, erunt supplementa ad semicirculos, laterum GHGD & HD.

Polis G, H, D, describantur maximi circuli X C A M T M N O X K B N. Et quia G est polus circuli X C A M, erit GM = Quadranti, (per cor. 1. prop. 2.) & ob H polum circuli T M O, erit H M quoque Quadrans; quare (per corol. 1. prop. 3.) erit M polus circuli G H. Similiter quia D est polus circuli X B N, & H polus circuli T M N, erunt arcus D N H N Quadrantes; ac proinde (per cor. 1. prop. 3.) N erit polus circuli H D. Et eadem ratione, ob G X D X quadrantes, erit X polus circuli G D. Hisce præmissis.

Quoniam est NK = Quadranti, (cor. 1. prop. 2.) & X B = Quadranti, erunt NK + X B hoc est NX + KB = duobus Quadrantibus seu semicirculo; adeoque est NX supplementum arcus KB seu mensuræ anguli H D G ad semicirculum. Similiter quia est MC = Quadranti, & X A = Quadranti; erunt MC + X A, hoc est, X M + A C = duobus Quadrantibus seu semicirculo, & proinde X M est supplementum arcus A C qui est mensura anguli H G D. Quinetiam, ob M O, N T Quadrantes, erunt MO + N T = O T + N M = semicirculo itaque est N M supplementum ad semicirculum arcus O T seu mensuræ anguli G H D. Q.E.D.

Præterea quia DK H T sunt quadrantes, erunt DK + H T seu K T + H D æquales duobus Quadrantibus, seu semicirculo. Est ergo K T, seu mensura anguli X N M, supplementum lateris H D ad semicirculum. Nec dissimili methodo ostendetur O C mensuram anguli X M N esse supplementum lateris G H. Et B A mensuram anguli X esse supplementum lateris G D. Q.E.D.

PROP. XV.

Triangula æquiangula sunt etiam æquilatera.

Nam eorum supplementa sunt æquilatera, (per 14. hujus)
ergo

ergo & æquiangula, quare & ipsa sunt æquilatera, per prop. 14 partem secundam.

P R O P. XVI.

*Trianguli tres anguli sunt majores duobus rectis,
& minores sex rectis.*

TAB 43.
fig. 9.

Nam tres mensuræ angulorum G, H, D , una cum tribus lateribus trianguli XNM faciunt tres semicirculos, (per 14. hujus) sed tria latera trianguli XNM minora sunt duobus semicirculis, (per 11. hujus) quare tres mensuræ angulorum GHD majores sunt semicirculo, & proinde anguli GHD majores erunt duobus rectis.

Propositionis secunda pars patet, nam in quolibet triangulo, externi & interni anguli simul tantum faciunt sex rectos, unde interni sunt minores quam sex recti.

P R O P. XVII.

TAB. 43.
fig. 6.

Si à puncto R quod circuli $AFBE$ polus non est, in circumferentiam cadant arcus maximorum circularum RA, RB, RG, RV , maximus est RA , qui per ejus polum C incedit; reliquus vero minimus, ceteri prout à maximo recedunt minores sunt, faciuntque cum priore circulo AFB angulum obtusum ex parte maximi arcus.

Quia C est polus circuli AFB , erunt CD & huic parallela RS perpendiculares ad planum AFB ; Ductis autem SA, SG, SV ; erit (per 7. El. 3.) SA major quam SG , & SG major quam SV . unde in Triangulis rectangulis planis RSA, RSG, RSV , erunt $RSq + SAq$ seu RAq majora quam $RSq + SGq$ seu RGq , & proinde RA major erit RG ; & arcus RA major arcu RG . Similiter erunt $RSq + SGq$ seu RGq majora quam $RSq + SVq$ seu RVq ; & proinde RG major RV , & arcus RG major arcu RV .

2do. Est angulus RGA major angulo CGA qui rectus est. (per coroll. prop. 3.) Et angulus RVA major angulo CVA qui quoque rectus est, quare anguli RGA RVA sunt obtusi.

PROP. XVIII.

In triangulo rectangulo ad A , crura angulum rectum continentia sunt ejusdem affectionis cum angulis appositis, hoc est, si crura sint majora aut minora Quadrantibus, anguli illis oppositi erunt majores aut minores rectis angulis. TAB. 53.
fig. 6.

Nam si AC sit Quadrans, C erit polus circuli AFB , & anguli AGC vel AVC erunt recti. Si crus AR sit majus quadrante, erit angulus AGR major recto (per 17. hujus.) Si crus sit minus quadrante ut AX , angulus AGX erit minor recto.

PROP. XIX.

Si duo crura trianguli rectanguli (& consequenter anguli) sint ejusdem affectionis, id est, utrumque vel majus vel minus Quadrante, hypotenusa erit minus quadrante.

In triangulo ARV vel BRV , sit F polus cruris AR , TAB. 43.
fig. 6. & erit RF quadrans, qui major est quam RV (per 17. hujus.)

PROP. XX.

Si sint diversae affectionis, hypotenusa erit major quadrante.

Nam in triangulo ARG , est RG major quam RF qui est quadrans.

PROP. XXI.

Si Hypotenusa sit major vel minor quadrante, crura anguli recti, ideoque & anguli oppositi sunt ejusdem aut diversae affectionis,

Yyy

Hæc

Hæc propositio est priorum conversa; & facile ex iisdem sequitur.

PROP. XXII.

TAB. 43. *In quovis triangulo ABC, si anguli B & C ad basim sunt ejusdem affectionis, perpendicularis AP cadet intra triangulum; si sint diversæ affectionis, perpendicularis cadet extra triangulum.*
fig. 10. 11.

In primo casu si perpendicularis non cadat intra, cadet extra triangulum, (ut in fig. 11.) Tum in triangulo ABP, est AP ejusdem affectionis cum angulo B; & similiter in triangulo ACP, est AP ejusdem affectionis cum angulo ACP; ergo cum ABC & ACP sunt ejusdem affectionis, erunt anguli ABC & ACB diversæ affectionis; quod est contra hypothesim.

In 2do. Casu si perpendicularis non cadat extra, cadet intra, (ut in fig. 10.) Et in triangulo ABP, est angulus B ejusdem affectionis cum crure AP, & similiter in triangulo ACP est angulus C ejusdem affectionis cum AP, unde anguli B & C sunt ejusdem affectionis, quod est contra hypothesim.

PROP. XXIII.

TAB. 43. *In Triangulis BAC BHE rectangulis ad A & H, si idem fuerit angulus acutus B ad basim BA vel BH, Sinus hypotenusarum erunt sinibus arcuum perpendicularium proportionales.*
fig. 12.

Nam rectæ CD EF perpendiculariter insistentes eidem plano sunt parallelæ. Item FR DP radio OB perpendiculares, sunt quoque parallelæ; unde & plana triangulorum EFR CDP sunt parallelæ (per 15. El. 11.) Quare & CP ER horum planorum communes sectiones cum plano per BE CO transeunte parallelæ erunt (per 16. El. 11.) Triangula igitur CDP EFR æquiangula erunt. Quare CP sinus Hypotenusæ BC est ad CD sinum arcus perpendicularis CA; ut ER sinus hypotenusæ BE est ad EF sinum arcus perpendicularis EH. Q. E. D.

PROP.

P R O P. XXIV.

Iisdem positis, AQ HK sinus basium, tangentibus IA GH TAB. 43. fig. 12.
arcuum perpendicularium, sunt proportionales.

Nam similiter ut in præcedente propositione, ostendetur triangula QAI KHG esse æquiangula; unde QA:AI::KH:HG.

P R O P. XXV.

In Triangulo ABC rectangulo ad A. Ut cosinus anguli B existentis ad Basim BA ad sinum anguli verticalis ACB, ita cosinus arcus perpendicularis ad Radium.

Præparatio. Producantur latera BA BC CA ita, ut BE TAB. 43. fig. 13.
 BF CI CH sint Quadrantes, polis B & C ducantur circuli maximi EFDG IHG. & erunt anguli ad EFI & H recti. Quare D est polus BAE (per cor. 2. pr. 2. hujus) & G polus IF CB, erit etiam AE=complemento arcus BA, Item FE mensura anguli B=GD & DF eorum complementum, erit quoque BC=FI=mensuræ anguli G, & CF eorum complementum. Item est CA=HD & DC utriusque complementum. Hisce præmissis, in triangulis HIC DCF rectangulis ad I & F & habentibus eundem angulum C acutum, ob BA minorem quadrante, erit S, DF:S, HI::S, DC:S, HC id est, cosinus anguli B est ad sinum anguli verticalis BCA ut cosinus CA ad Radium. Q. E. D.

P R O P. XXVI.

Cosinus basis: cosin. Hypotenusæ:: R: co S perpendicularis.

Nam in Triangulis AED CFD rectangulis ad E & F; TAB. 43. fig. 13.
 habentibus eundem angulum D acutum: ob AE quadrante minorem, est S, EA:S, CF::S, DA:S, DC. Q. E. D.

PROP. XXVII.

S, Baseos: R::T, perpendicularis: T, anguli ad basim.

TAB. 43. fig. 13. Nam in Triangulis BAC BEF rectangulis ad A & E & habentibus eundem angulum B acutum, ob AC minorem quadrante, S, BA: S, BE::T, AC: T, EF. Q. E. D.

PROP. XXVIII.

CoS, anguli verticalis: R::T, perpendicularis: T, Hypotenusæ.

TAB. 43. fig. 13. In Triangulis GIF GHD rectangulis ad I & H, & habentibus eundem angulum G acutum, ob HD minorem HC seu quadrante, est S, GH: S, GI::T, HD: T, IF.

PROP. XXIX.

S, Hypotenusæ: R::S, perpendicularis: S, anguli ad basim.

TAB. 43. fig. 13. In Triangulis præcedentibus est S, IF: S, GF::S, HD: S, GD.

PROP. XXX.

Radius: coS. Hypotenusæ::T, anguli verticalis: coT, anguli ad basim.

TAB. 43. fig. 13. In Triangulis HIC DFC rectangulis ad I & F, & habentibus eundem angulum C acutum, ob DF minorem quadrante, est S, CI: S, CF::T, HI: T, DF. hoc est, R: coS, BC::Tang, C: coT, anguli B.

Propositiones sex præcedentes ad omnes casus triangulorum rectangulorum resolvendos sufficiunt, sequuntur illi numero sedecim cum suis analogiis ex hisce deductis.

Datis

	Datis præter ang. rectum.	Quær.		
1	A C & C	B	R: coS, C A:: S, C: coS, B ejuf- dem speciei cum C A.	per 25 inverse
2	A C & B	C	coS, C A: R:: coS, B: S, C ambi- gui.	per 25
3	B & C	A C	S, C: coS, B:: R: coS, C A ejuf- dem speciei cum ang. B.	per 25 & 18
4	B A C A	B C	R: coS, B A:: coS, A C: coS, B C Si B A A C fuerint ejusdem affe- ctionis nec Quadrantes, erit B C minor quadrante; si diverfæ, erit B C quadrante major.	per 26 & 19 20
5	B A B C	A C	coS, B A: R:: coS, B C: coS, C A Si B C fit major aut minor qua- drante, B A & C A erunt ejuf- dem aut diverfæ affectionis, fed datur B A ejusque Species, ergo	per 26 & 21
6	B A C A	B	S, B A: R:: T, C A: T, B ejusdem affectionis cum latere oppofito C A.	per 27 & 18
7	B A B	A C	R: S, B A:: T, B: T, A C, ejusdem speciei cum B.	per 27 & 18
8	A C B	B A	T, B: R:: T, C A: S, B A ambi- gui.	per 27
9	B C C	A C	R: coS, C:: T, B C: T, C A. Si B C fit major aut minor quadran- te, anguli C & B funt ejusdem aut diverfæ affectionis, quare data spe- cie ang. B. dabitur A C.	per 28 & 21
10	A C C	B C	coS, C: R:: T, A C: T, B C. prout ang. C & A C fuerint ejusdem aut diverfæ affectionis, B C erit minor aut major quadrante.	per 28 20 21

TAB. 43.
fig. 13.

	Datis præter ang. rectum.	Quer.		
	BC AC	C	T, BC:R::T, CA:coS, C. Si BC fuerit major aut minor Quadrante, CA & BA & proinde anguli erunt ejusdem aut diversæ affectionis, sed datur species CA, ergo dabitur species anguli C.	per 28 21
11				
12	BC B	AC	R:S, BC::S, B:S, AC ejusdem speciei cum B.	per 29 & 18
13	ACB	BC	S, B:S, AC::R:S, BC ambigui.	per 29
14	BC AC	B	S, BC:R::S, AC:S, B ejusdem speciei cum CA.	per 29
	B C	BC	T, C:R::coT, B:coS, BC. prout anguli B & C ejusdem aut diversæ affectionis fuerint, erit BC minor aut major quadrante.	per 30 19 20
15				
	BCC	B	R:coS, BC::T, C:coT, B. prout BC fuerit minor aut major quadrante; anguli C & B erunt ejusdem aut diversæ affectionis. Sed datur species anguli C. quare dabitur species anguli B.	per 30 21
16				

De Resolutione Triangulorum Rectangulorum Sphæricorum, per quinque partes circulares.

Perpenſis Analogiis, quibus Triangula Sphærica Rectangula ſolvuntur, Dominus *Neperus*, nobilis ille Logarithmorum Inventor, duas excogitavit Regulas memoriâ facile retinendas, quarum ope omnes ſedecim caſus reſolvi poſſunt; Nam cum in hiſce triangulis, præter angulum rectum, ſint tria latera & duo anguli, latera angulum rectum

comprehendentia, hypotenusæ autem & reliquorum angulorum complementa, vocavit *Neperus partes circulares*. Et cum datæ sunt duæ quælibet partes, & quæritur Tertia. Harum trium una, quæ dicitur *pars media*, vel adjacet duobus reliquis partibus, quæ itaque vocantur *extremæ adjacentes*; vel neutri adjacet, in quo casu, dicuntur *extremæ oppositæ*; Sic si complementum anguli B ponatur pars media, Crus AB & complementum Hypotenusæ BC sunt partes extremæ adjacentes; At complementum anguli C, & latus AC sunt extremæ oppositæ. Item posito complemento hypotenusæ BC parte media, complementa angulorum B & C sunt extremæ adjacentes; & AB AC crura sunt extremæ oppositæ. Sic etiam posito crure AB parte media, complementum anguli B, & AC sunt extremæ adjacentes; Nam angulus rectus A non intercipit adjacentiam, quia non est pars circularis. At eidem parti mediæ complementum anguli C & complementum hypotenusæ BC sunt extremæ oppositæ. Hisce præmissis.

TAB. 43.
fig. 14.

R E G U L A P R I M A.

In Triangulo Rectangulo Sphærico, Rectangulum sub Radio & sinu partis mediæ, æquale est rectangulo sub Tangentibus partium Adjacentium.

R E G U L A S E C U N D A.

Rectangulum sub radio & sinu partis mediæ, æquale est rectangulo sub cosinibus partium oppositarum.

Utriusque Regulæ tres sunt casus. Nam pars media vel potest esse complementum anguli B vel C, vel complementum hypotenusæ BC; vel denique unum ex cruribus scil. AB vel AC.

Casus 1. Sit complementum anguli C pars media. Et erunt AC & complementum hypotenusæ BC extremæ adjacentes. Per pr. 28. Est ut cosinus anguli verticalis C ad Radium, Ita Tangens CA ad Tangentem Hypotenusæ BC per-

TAB 43.
fig. 13.

permutando erit $\cos S. C : T, CA :: R : T, BC$. sed ut notum est, $R : T, BC :: \cos T, BC : R$. quare $\cos S, C : T, AC :: \cos T, BC : R$; Unde $R \propto \cos S, C = T, AC \propto \cos T, BC$.

Eidem complemento anguli C parti mediæ, extremæ oppositæ sunt complementum anguli B & AB , (& per prop. 25.) \cos Sinus anguli C est ad sinum anguli CDF ut \cos Sinus DF ad Radium, est vero Sinus $CDF = S, AE = \cos S, BA$, & $\cos S, DF = S, EF = S$, ang. B unde erit $\cos S, C : \cos S, BA :: S, B : R$. & $R \propto \cos S, C = \cos S, BA \propto S, B$ hoc est, Radius ductus in sinum partis mediæ, æquatur rectangulo sub cosinibus extremarum oppositarum.

Casus 2. Sit complementum hypotenusæ BC pars media, & complementa angulorum B & C erunt extremæ adjacentes. In triangulo DCF (per prop. 27.) Est $S, CF : R :: T, DF : T, C$. unde permutando $S, CF : T, DF :: (R : T, C ::) \cos T, C : R$. est autem $S, CF = \cos S, BC$ & $T, DF = \cos T, B$. quare est $R \propto \cos S, BC = \cos T, C \propto \cos T, B$. hoc est, Radius ductus in sinum partis mediæ æquatur producto ex Tangentibus partium adjacentium extremarum.

Eidem parti mediæ, scil. complemento BC , adfunt extremæ oppositæ AB & AC , & (per prop. 26.) est $\cos S, BA : \cos S, BC :: R : \cos S, AC$. quare erit $R \propto \cos S, BC = \cos S, BA \propto \cos S, AC$.

Cas. 3. Sit denique AB pars media, & erunt complementum anguli B & AC extremæ adjacentes, (& per pr. 27.) $S, AB : R :: T, CA : T, B$. unde erit $S, AB : T, CA :: (R : T, B ::) \cos T, B : R$. adeoque erit $R \propto S, AB = T, CA \propto \cos T, B$.

Præterea parti mediæ AB , complementum BC , & complementum anguli C sunt extremæ oppositæ; & in triangulo GHD (per prop. 25.) Est $\cos S, D : S, DGH :: \cos S, GH : R$. est vero $\cos S, D = \cos S, AE = S, AB$, & $S, G = S, IF = S, BC$. Item est $\cos S, GH = S, HI = S, C$. quare erit $S, AB : S, BC :: S, C : R$. & hinc $R \propto S, AB = S, BC \propto S, C$.

Itaque in omni casu, rectangulum sub radio & sinu partis mediæ æquale erit tam rectangulo sub cosinibus extremarum oppo-

oppositarum, quam rectangulo sub tangentibus extremarum adjacentium. Et proinde si æquationes illæ resolvantur in Analogias (per 16. Elem. 6.) ope regulæ Proportionis, partes ignotæ innotescunt. Et si pars quæsitæ sit media, primus Analogiæ terminus erit Radius, secundum & tertium occupant locum tangentes vel cosinus partium extremarum. Si vero quæratür extremarum una, Analogia incipi debet cum altera, atque Radius sinusque partis mediæ, in mediis ponantur locis, ut quartum teneat pars quæsitæ.

In Triangulis Sphæricis obliquangulis BCD , demisso arcu perpendiculari AC , ab angulo C in basim BD , (productam si opus fuerit,) ut duo fiant Triangula BAC DAC rectangula; eorum ope resolvi possunt plerique casus Triangulorum obliquangulorum. TAB. 44.
fig. 1. 2.

P R O P. XXXI.

Cosinus angulorum $B\hat{C}D$ ad basim BD , sinus angulorum verticalium BCA DCA sunt proportionales. TAB. 44.
fig. 1. 2.

Nam $\cos S$, ang. B : S , BCA :: ($\cos S$, CA : R ::) $\cos S$, D : S , DCA (per 25. hujus.)

P R O P. XXXII.

Cosinus laterum BC DC sunt proportionales cosinibus basium BA DA . TAB. 44.
fig. 1. 2.

Est enim $\cos S$, BC : $\cos S$, BA :: ($\cos S$, CA : R ::) $\cos S$, DC : $\cos S$, DA . (per 26 hujus.)

P R O P. XXXIII.

Sinus basium BA DA , sunt in reciproca proportionem tangentium angulorum $B\hat{C}D$ ad Basim BD . TAB. 44.
fig. 1. 2.

Quia per 27. hujus est, S , BA : R :: T , AC : T , anguli B . Item per eandem, inverse R : S , DA :: T , ang. D : T , AC . erit ex æquo in perturbata ratione (per 23. El. 5.) S , BA : S . DA :: T , ang. D : T , ang. B .

Zz z

PROP.

P R O P. XXXIV.

TAB. 44. *Tangentes laterum BC DC sunt in reciproca proportione*
 fig. 1. 2. *cosinum angularum verticalium BCA, DCA.*

Quia per 28. hujus permutando, Est
 $T, BC : R :: T, CA : \cos S, BCA$
 & per eandem $R : \cos S, DCA :: T, DC : T, CA$
 quare ex æquo in perturbata ratione est
 $T, BC : \cos S, DCA :: T, DC : \cos S, BCA.$

P R O P. XXXV.

TAB. 44. *Sinus laterum BC DC sinibus angularum oppositorum*
 fig. 1. 2. *B & D sunt proportionales.*

Quia per 29. hujus $S, BC : R :: S, CA : S, \text{ang. } B$
 & per eandem inverſe $R : S, DC :: S, \text{ang. } D : S, CA$
 erit ex æquo in perturbata ratione $S, BC : S, DC :: S, D : S, B.$

P R O P. XXXVI.

TAB. 44. *In Triangulo quovis Sphærico ABC, CF æ AE vel FM*
 fig. 3. *æ AE, rectangulum sub sinibus crurum BC BA est ad*
radii quadratum, ut IL seu IA—LA differentia sinuum
versorum Basis AC, & differentiae crurum AM, ad GN
sinum versum anguli B.

Polo B describatur circulus maximus PN; sintque BP BN quadrantes; & PN est mensura anguli B; eodem polo B per C describatur circulus minor CFM; horum circulorum plana recta erunt plano BON. (per 20. h.) & PG CH perpendiculares in idem planum, cadent in communes sectiones ON FM puta in G & H. ducatur HI perpendicularis ad AO, & planum per CH HI perpendicularare erit plano AOB, unde AI perpendicularis ad HI, erit perpendicularis ad rectam CI, (per def. 4. El. 11.) est itaque AI finus versus arcus AC, & AL finus versus arcus AM—BM—BA=BC—BA. Triangula isoscelia CFM PON sunt æquian-

æquiangula, ob MF NO item CF PO parallelas (per 16. El. 11.) quare demissis perpendicularis CH PG in latera FM ON, similiter divisa erunt Triangula; & erit FM:ON::MH:GN. Itemque ob triangula AOE D¹H DLM æquiangula erit

$$AE:AO::IL:MH$$

at ostensum est, esse FM:ON::MH:GN quare erit AE \propto FM ad AO \propto ON, ut IL \propto MH ad MH \propto GN seu ut IL ad GN. hoc est rectangulum sub sinibus crurum est ad quadratum Radii ut differentia sinuum versorum basis & differentiae crurum BC BA ad sinum versum anguli B. Q. E. D.

P R O P. XXXVII.

Differentia Sinuum versorum duorum arcuum ducta in dimidium Radii, æqualis est rectangulo sub sinu semisummæ & sinu semidifferentiæ eorundem arcuum.

Sint duo arcus BE BF, quorum differentia EF sit bise-
cta in D, & erit BD semisumma arcuum, & FD semidif-
ferentia. Est GE=IL differentiae sinuum versorum arcuum
BE BF; Item est FO sinus semidifferentiæ arcuum. Ob æ-
quiangula triangula CDK FEG; erit DK:GE:: (CD:
FE::) $\frac{1}{2}$ CD: $\frac{1}{2}$ FE. Unde est DK \propto $\frac{1}{2}$ FE seu DK \propto FO
=GE \propto $\frac{1}{2}$ CD=IL \propto $\frac{1}{2}$ CD. Q. E. D.

TAB. 44.
fig. 4.

P R O P. XXXVIII.

Sinus versus cujusvis arcus, ductus in dimidium Radii, æqualis est quadrato sinus dimidii ejusdem arcus.

Triangula CBM DEB sunt æquiangula ob angulos ad M
& E rectos & angulum ad B communem. Quare est EB:BD
::BM:BC erit itaque EB \propto BC=BM \propto BD & EB \propto $\frac{1}{2}$ BC
=BM \propto $\frac{1}{2}$ BD=BMq. Q. E. D.

TAB. 44.
fig. 5.

P R O P. XXXIX.

In quolibet Triangulo ABC, cujus crura angulum B continentia sint BC AB, & basis AC eundem angulum subtendat; si capiatur AM arcus = diffe-

Zz z 2

ren.

rentiæ crurum = $BC - AB$. erit Rectangulum sub
sinubus crurum BC BA ad quadratum Radii ut

$$\frac{\text{Rectangulum sub sinu arcus } \frac{AC + AM}{2} \text{ \& sinu arcus } \frac{AC - AM}{2}}{2} \text{ ad Quadratum sinus dimidii anguli } B.$$

Quoniam est rectangulum sub sinubus crurum AB BC
ad quadratum radii, ut IL ad sinum versum anguli B , vel
ut $\frac{1}{2} R \propto IL$ ad $\frac{1}{2} R$ ductum in sinum versum anguli B (per
prop. 36. hujus) Est autem $\frac{1}{2} R \propto IL =$ rectangulo sub si-

$$\text{nubus arcuum } \frac{AC + AM}{2} \text{ \& } \frac{AC - AM}{2} \text{ (per pr. 37. hujus.)}$$

Item est $\frac{1}{2} R$ ductus in sinum versum anguli B æqualis Qua-
drato sinus dimidii anguli B . Quare erit Rectangulum sub
sinubus crurum, ad Radii quadratum, ut Rectangulum sub

$$\text{sinubus arcuum } \frac{AC + AM}{2} \text{ \& } \frac{AC - AM}{2} \text{ ad Quadratum sinus}$$

dimidii anguli B . Q. E. D.

*Sequuntur duodecim Casus Triangulorum Sphærico-
rum obliquangulorum.*














TAB. 44.
fig. 1. 2.

	Datis	Quær.	Fiat.
I	Ang. B, D, & BC.	Ang. C.	co S, BC : R :: co T, B : T, BCA (per 30. hujus.) Item co S, B : S, BCA :: co S, D : S, DCA (per 31. hujus.) Quare angulo- rum BCA DCA summa, si perpendi- cularis cadat intra triangulum, vel diffe- rentia, si extra cadat, erit = BCD. Num perpendicularis cadit intra vel extra, co- gnoscitur ex affectione angulorum B & D (per 22. hujus) quod semel monuisse suf- ficiat.

Datis.

	Datis.	Quær.	Fiat.
2	Ang. B, C, & latere B C.	Ang. D.	$\cos, BC : R :: \cos T, B : T, BCA$ (per 30. hujus) & $\sin, BCA : \sin, DCA :: \cos, B : \cos, D$ (per 31. hujus.) Si BCA fit minor BCD , angulus D erit ejusdem affectionis cum angulo B . Sin BCA fit major BCD , anguli B & D erunt affectionis diversæ per conversam pr. 22.
3	BC CD lateri- bus & ang. B.	BD la- tus.	$R : \cos, B :: T, BC : T, BA$. (per 28. hujus) & $\cos, BC : \cos, BA :: \cos, DC : \cos, DA$ (per 32. hujus) horum $BA DA$ summa vel differentia, prout perpendicularis cadit intra, vel extra Triangulum, est æqualis BD quod cognosci nequit nisi cognita sit species alterius anguli D .
4	BC DB lateri- bus & ang. B.	CD latus.	$R : \cos, B :: T, BC : T, BA$ (per 28. hujus.) Et $\cos, BA : \cos, BC :: \cos, DA : \cos, DC$. (per 32. h.) Prout DA similis est aut dissimilis CA vel ang. BDC , erit DC minor aut major Quadrante (per 19. & 20. hujus.)
5	B, D, ang. & B C. la- tere.	BD la- tus.	$R : \cos, B :: T, BC : T, BA$ (per 28. hujus.) Et $T, D : TB :: \sin, BA : \sin, DA$ (per 33. hujus) quorum $BA DA$ summa vel differentia = BD .
6	BC BD lateri- bus & ang. B.	Ang. D.	$R : \cos, B :: T, BC : T, BA$ (per 28. hujus.) Et $\sin, DA : \sin, BA :: TB : T, D$ (per 33. hujus.) Prout BD minor est aut major quam BA , angulus D similis aut dissimilis erit angulo B . (per 22. hujus.)
7	BC DC lateri- bus & ang. B.	Ang. C.	$\cos, BC : R :: \cos T, B : T, BCA$ (per 30. h.) Et $T, DC : T, BC :: \cos, BCA : \cos, DCA$ (per 34. hujus.) Angulorum $BCA DCA$ summa aut differentia, prout perpendicularis cadit intra vel extra triangulum, est æqualis angulo BCD .

	Datis.	Quær.	Fiat.
8	B, C, ang. & BC la- tere.	DC latus.	$\cos S, BC : R :: \cos T, B : T, BCA.$ (per 30 hujus.) Item $\cos S, DCA : \cos S, BCA : T,$ $BC : T, DC$ (per 3. h.) Si angulus DCA similis sit angulo B (hoc est, si AD sit similis CA) erit DC minor quadran- te. Si anguli DCA & B sint dissimiles, erit DC quadrante major, quod sequi- tur (ex pr. 18, 19 & 20 h.)
9	BC DC lat. & ang. B.	D.ang.	$S, CD : S, B :: S, BC : S, D$ qui ambiguus est. Analogia sequitur (ex prop. 35. hujus.)
10	B, D, ang. & BC lat.	DC	$S, D : S, BC :: S, B : S, DC$ quod latus ambiguum est.
TAB. 44. fig. 3. 11	AB BC CA o- mnibus lateri- bus.	Ang. B.	Rectangulum sub sinibus crurum AB BC : quadratum Radii :: rectangulum sub $AC + AM$ $AC - AM$ sinibus arcuum $\frac{\quad}{2}$ & $\frac{\quad}{2}$ Quadrato sinus ; ang. B. per prop. 39.
TAB. 43. fig. 9. 12	G, H, D omni- bus ang.	GD latus.	In Triangulo XNM, Est MN comple- mentum anguli GHD ad semicirculum. XM complementum anguli G & XN complementum anguli D. & angulus X complementum est lateris GD ad semi- circulum. Quare mutatis angulis in la- tera, & lateribus in angulos ; eadem est operatio quæ est in casu 11 hujus, cum arcus & eorum complementa ad semi- circulos habeant eosdem sinus.





D E

NATURA ET ARITHMETICA LOGARITHMORUM

P R Æ F A T I O.

Ingens olim compendium accepit Mathesis, primo characterum Indicorum, deinde Fractionum decimalium introductione; non minus tamen adjumenti ex Logarithmis, quam ex utroque invento, ei accessit: quorum quidem usum, per omnes disciplinas mathematicas latissime patentem, quis iis studiis vel leviter imbutus ignorat? Horum ope numeri fere immensi & aliàs plane intractabiles sine ullo tædio in ordinem coguntur: præsentissimum horum auxilium ubique conspicitur, sive cursum navis dirigat Nauta, sive curvarum altiorum indolem investiget Geometra, sive stellarum loca exquirat Astronomus, sive alia naturæ phænomena explicet Physicus, sive demum pecuniæ ex usuris incrementum computet Nummatus.

Argumento, in quo versatur hic libellus, illustrando non defuerunt viri in re Mathematica primarii. Sed eorum alii omnem illius ambitum complexi, doctissimè illi quidem, sed magistris solum scripserunt: alii ad Tyronum captum se accommodantes, certas quasdam, easque magis obvias Logarithmorum proprietates selegerunt, intimam eorum naturam non aperuerunt. Quod igitur adhuc desiderari videbatur, mihi in animo erat supplere hoc tractatu, qui in id præcipue collimat, ut Logarithmorum scientia iis, qui ultra Arithmeticæ speciosæ & Geometriæ elementa non processerunt, penitus aliquando pateat.

Mirabile Logarithmorum Inventum Nepero Scoto Merchestonii Baroni debetur, qui primus canonem Logarithmo-
rum

rum descripsit, construxit, & edidit, Edinburgi Anno 1614. Hunc statim omnes Mathematici, ejus utilitatem suspicientes, grati arripuerunt. Et cum de aliis fere omnibus præclaris Inventis plures contendunt Gentes, omnes tamen Neperum Logarithmorum authorem agnoscunt, qui tanti inventi gloria solus sine amulo fruatur.

Aliam deinde magis commodam Logarithmorum formam Neperus excogitavit, & communicato consilio cum Domino Henrico Briggio, Geometriæ in Academia Oxoniensi Professore, hunc socium operis sibi adjunxit, ut Logarithmos in meliorem formam redactos compleret. Sed Nepero demortuo, totum quod restabat onus in Briggium devolutum est, qui magno labore, & summa qua pollebat ingenii subtilitate, canonem Logarithmicum secundum novam illam formam composuit, pro viginti primis numerorum chiliadibus (seu ab 1 usque ad 20000) aliisque undecim ab 90000 usque ad 101000, pro quibus omnibus numeris, supputavit Logarithmos quatuordecim figurarum locis constantes. Hic canon editus est Londini anno 1624.

Eundem Canonem iterato edidit Goudæ apud Batavos, anno 1628. Adrianus Vlacq, suppletis, ut docuerat Briggsius, chiliadibus intermediis prius omissis; sed brevioribus usus est Logarithmis, utpote qui ad decem tantum figurarum loca continuantur.

Computavit etiam Briggsius Logarithmos Sinuum & Tangentium, pro singulis Gradibus graduumque centesimis, ad 15 figurarum loca, quibus adjunxit sinus Tangentes & secantes veros seu naturales, quos prius ad totidem loca supputaverat. Logarithmi sinuum & Tangentium dicuntur sinus & Tangentes Artificiales, ipsi vero sinus & Tangentes, naturales vocantur. Has Tabulas simul cum Tractatu de Tabularum constructione & usu, post mortem Briggii, sub nomine Trigonometriæ Britannicæ edidit Henricus Gelibrand Londini Anno 1633.

Post illud tempus, pluribus in locis Tabularum compendia prodire. In quibus sinus Tangentes, eorumque Logarithmi,

ritbmi, tantum constant septem notarum locis, & numerorum Logarithmi exhibentur tantum pro numeris ab 1 usque ad 10000, qui pro plerisque casibus sufficere possunt.

Harum Tabularum dispositio ea mihi videtur optima, quam primus excogitavit Nathaniel Roe Anglus Suffolcien- sis, quamque, quibusdam in melius mutatis, sequitur Sherwinus in Tabulis suis Mathematicis Londini Anno 1705 edi- tis, in quibus habentur Logarithmi Numerorum omnium ab unitate usque ad 101000 septem figurarum notis constan- tes, Logarithmorum quoque differentie partesque propor- tionales adscribuntur, quarum ope Logarithmi numerorum usque ad 10000000 facile haberi possunt: quatenus scil. hi Logarithmi septem tantum figurarum notis exprimantur. Praeterea in iisdem prostant Sinus Tangentes & Secantes, cum eorum Logarithmis & differentiis pro quolibet gradu & minuto Quadrantis, cum aliis quibusdam tabulis Mathe- si Practicae inservientibus.

CAPUT I.

De ortu & natura Logarithmorum.

Quemadmodum in Geometria, linearum magnitudines numeris sæpe definiuntur; ita quoque in Arithmetica vicissim expedit, ut numeri aliquando per lineas exponantur, assumendo scil. lineam aliquam quæ ipsa unitatem repræsentet, ejus dupla numerum binarium, tripla ternarium, dimidia fractionem $\frac{1}{2}$, & ita deinceps, exponet. Hac ratio- ne quorundam numerorum Genesis & proprietates melius concipiuntur, clariusque in animo versantur, quam per ab- tractos numeros fieri possit.

Hinc si quælibet linea a in seipsam ducatur, quæ ex- inde prodit quantitas a^2 , non æstimanda est tanquam dua- rum dimensionum, sive ut Quadratum Geometricum cujus latus est linea a , sed tanquam linea quæ sit tertia proportio-

Aa aa

nalis

unitate versus finistram locari, idemque valet terminus

a^{-2} ac a^{-3} . Item a^{-3} est idem ac a^{-3} . Indices enim hi ne-

gativi ostendunt terminos ad quos pertinent, in partem disce-
dere contrariam ei, qua ab unitate progrediuntur termini,
quorum indices sunt positivi. Hisce præmissis.

Si super linea AN utrinque indefinite extensâ, capian-
tur AC CE EG GI IL dextrorsum. Item A Γ Γ Π &c. TAB 44.
fig. 7.
finistrorsum, omnes inter se æquales: & ad puncta Π Γ
AC EG IL erigantur super AN perpendiculares rectæ Π Σ
Γ Δ AB CD EF GH IK LM quæ sint omnes continue
proportionales, numerosque repræsentent, quorum AB sit
unitas. Lineæ AC AE AG AI AL -- AΓ -- AΠ distantias
numerosum ab unitate respectivé exponent, sive locum &
ordinem quem quisque numerus in serie Geometrice pro-
portionalium obtinet, prout ab unitate distat. Ita AG cum
sit tripla rectæ AC, erit numerus GH in tertio ab unitate
loco, si modo CD sit in primo, sic LM erit in quinto loco
cum sit $AL = 5 AC$.

Quod si proportionalium extremitates Σ Δ BD FH KM
rectis lineis jungantur; figura Σ Π LM fit polygonum plu-
ribus aut paucioribus constans lateribus, prout plures aut
pauciores in progressionē fuerint termini.

Si partes AC CE EG GI IL bisecentur in punctis *ceg*
il & rursus excitentur perpendiculares *cd ef gh ik lm*,
quæ sint mediæ proportionales inter AB CD, CD EF,
EF GH, GH IK, IK LM, nova orietur proportionalium
series, cujus termini incipiendo ab eo qui proxime sequitur
unitatem duplo plures sunt, quam in prima serie, & termi-
norum differentiæ minores fiunt, propiusque ad rationem
æqualitatis accedunt termini quam prius; quin etiam in hac
nova serie, rectæ AL AC distantias terminorum LM CD
ab unitate exponent, scil. cum AL decies major sit quam
Ac; erit LM decimus seriei terminus ab unitate, & ob Ae
triplo majorem quam Ac, erit ef tertius seriei terminus, mo-
do

do cd fit primus: & inter AB & ef erunt duo medii proportionales, inter AB vero & LM erunt novem termini medii proportionales.

Quod si linearum extremitates $BdDfFbH$ &c. rectis jungantur, fiet novum polygonum, pluribus quidem, at brevioribus constans lateribus.

Si rursus distantiae $Ac c C Ce e E$ &c. bisecari concipiantur, & inter binos quosque terminos, ad medias illas distantias inferi intelligantur medii proportionales, alia nova orietur proportionalium series, terminos ab unitate duplo plures continens quam prior. Terminorum vero differentiae minores erunt; junctisque terminorum extremitatibus, numerus laterum polygoni augetur secundum numerum terminorum, minora autem erunt latera, ob diminutas terminorum à seinvicem distantias.

Quin in hac nova serie, distantiae $AL AC$ &c. determinabunt terminorum ordines seu locos, nempe si sit AL quintuplo major quam AC ; sitque CD quartus ab unitate seriei terminus: erit LM istius seriei terminus vicesimus ab unitate.

Si sic continuo inter binos quosque terminos inferantur medii proportionales, fiet tandem numerus terminorum seriei, sicut & laterum polygoni major quolibet dato numero seu infinitus; latera vero singula magnitudine diminuta fient quavis datâ rectâ lineâ minora; Adeoque mutabitur polygonum in figuram curvilineam. Nam quaelibet figura curvilinea considerari potest, tanquam polygonum cujus latera sunt numero infinita, & magnitudine minima.

Curva sic descripta dicitur *Logarithmica*, in qua si numeri per rectas ad axem AN normaliter insistentes, repræsententur, portio Axis inter numerum quemlibet, & Unitatem intercepta, ostendit locum seu ordinem quem numerus ille obtinet in serie Geometrice proportionalium, & æqualibus intervallis ab invicem distantium. Verbi gratia, si AL sit quintuplo major quam AC , sintque ab unitate ad LM mille termini continue proportionales, erunt ab unitate ad CD du-

centi

centi termini ejusdem seriei, seu erit CD terminus seriei ducentessimus ab unitate; & quicumque supponatur numerus terminorum ab AB ad M , erit istius numeri pars quinta numerus terminorum ab AB ad CD .

Cur va Logarithmica potest etiam concipi duobus motibus describi, quorum unus æquabilis est, alter vero in data quadam ratione acceleratur, vel retardatur: v. gr. si recta AB super AN uniformiter incedat, adeo ut terminus ejus A æqualibus temporibus, æqualia spatia describat, interea tamen ita crescat AB , ut æqualibus etiam temporibus, incrementa capiat, quæ sint toti lineæ crescenti proportionalia, hoc est si AB progrediendo in cd , augeatur parte sui od , & hinc æquali tempore quando in CD pervenit erit, augeatur simili parte Dp , quæ sit ad dc ut incrementum do ad AB : similiter, dum æquali tempore ad ef pervenerit, crescat parte fq , quæ sit ad DC ut Dp ad dc seu ut do ad AB , id est, in æqualibus temporibus, incrementa facta sint semper totis proportionalia.

Vel si linea AB regrediendo in contrariam partem, in constanti ratione minuat, ita ut, dum æqualia spatia $AG \Gamma \Pi$ pertransit, decrementsa patiat $AB - \Gamma \Delta \Gamma \Delta - \Pi \Sigma$ quæ sint ipsis $AB \Gamma \Delta$ proportionalia. Lineæ sic crescentis aut decrescantis terminus Logarithmicam describet. Nam cum sit $AB:do::dc:Dp::DC:fq$ erit componendo $AB:dc::dc:DC::DC:fe$ & ita deinceps.

Per hos duos motus, unum scil. æquabilem, alterum proportionaliter acceleratum aut retardatum, ipse *Neperus* Logarithmorum originem exposuit, Logarithmum sinus cujusque arcus vocavit, *Numerum qui quam proxime definit lineam quæ æqualiter crevit, interea dum sinus totius lineæ proportionaliter in sinum illum decrevit.*

Ex hac Logarithmicæ descriptione constat, numeros omnes in æqualibus distantis, esse continue proportionales. Quin etiam patet, quod si sint quatuor numeri $ABCDIKLM$ tales, ut distantia inter primum & secundum sit æqualis distantia inter tertium & quartum, qualiscunque sit distantia

secundi à tertio, erunt illi numeri proportionales. Nam quia distantiae AC IL. sunt æquales, erit AB ad incrementum D s. ut IK ad incrementum MT; unde componendo AB: DC :: IK: ML. Et vicissim, si quatuor numeri sint proportionales, erit distantia inter primum & secundum, æqualis distantiae inter tertium & quartum.

Distantia inter duos quoslibet numeros, dicitur Logarithmus rationis istorum numerorum, & metitur non quidem ipsam rationem, sed numerum terminorum in data serie Geometrice proportionalium progredientium ab uno numero ad alterum, definitque numerum rationum æqualium, quarum compositione efficitur numerorum ratio.

Si distantia inter duos quosvis numeros sit dupla distantiae inter alios duos numeros; Ratio duorum priorum numerorum erit duplicata rationis posteriorum. Sit enim distantia IL inter numeros IK LM dupla distantiae AC quæ est inter numeros AB cd, bisecta IL in l ob AC = Il = lL, erit ratio IK ad lm æqualis rationi AB ad cd, adeoque ratio IK ad LM quæ est duplicata rationis IK ad lm, (per *defn.* 10. *El.* 5.) erit etiam duplicata rationis AB ad cd.

Similiter si distantia EL sit tripla distantiae AC; erit Ratio EF ad LM triplicata rationis AB ad CD. Nam ob distantiam triplam, triplo plures erunt proportionales ab EF ad LM quam sunt ejusdem rationis termini ab AB ad CD, at tam ratio EF ad LM, quam ratio AB ad CD, componitur ex rationibus æqualibus intermediis (per 3. *defn.* *El.* 6.) Adeoque ratio EF ad LM ex triplo pluribus rationibus composita. Triplicata erit rationis AB ad CD. Similiter si sit GL distantia quadrupla distantiae AC, erit ratio GH ad LM Quadruplicata rationis AB ad cd. & ita deinceps.

Numeri cujuslibet Logarithmus, est Logarithmus rationis Unitatis ad ipsum numerum, vel est distantia inter unitatem & illum numerum. Logarithmi itaque exponunt dignitatem, locum, seu ordinem, quem quisque numerus obtinet ab unitate in serie Geometrice proportionalium. Verbi gratia si ab
uni-

unitate ad numerum 10 sint proportionales numeri 10 000 000 hoc est si sit numerus 10 in loco 10 000 000^m; per computationem invenietur, esse in eadem serie ab unitate usque ad 2 proportionales terminos numero 3 010 300, hoc est numerus binarius stabit in loco 3 010 300^m. Similiter ab unitate usque ad 3, invenientur termini proportionales 4 771 213, qui numerus definit locum numeri ternarii. Numeri 10 000 000, 3 010 300, 4 771 213. erunt Logarithmi numerorum 10, 2, & 3.

Si primus seriei terminus ab unitate dicatur y , erit secundus terminus y^2 , tertius y^3 , &c. cumque ponitur numerus denarius seriei terminus 10 000 000^{nas}, erit $y^{1000000} = 10$. Item erit $y^{3010300} = 2$. Item $y^{4771213} = 3$, & ita deinceps.

Omnes itaque numeri erunt potestates aliquæ illius numeri, qui est ab unitate primus. Et potestatum indices sunt numerorum Logarithmi.

Cum Logarithmi sint distantie numerorum ab unitate, ut superius ostensum est. Erit Logarithmus ipsius unitatis 0, nam unitas non distat à se ipsa. At fractionum Logarithmi sunt negativi seu infra nihil descendentes, hi enim in contrariam discedunt partem, adeoque si numeri ab unitate proportionaliter crescentes habeant Logarithmos positivos, seu signo + affectos, Numeri ab unitate similiter decrecentes, seu fractiones habebunt Logarithmos negativos, seu signo affectos. Quod verum est quando Logarithmi æstimantur per distantias numerorum ab unitate.

At si initium capiunt Logarithmi non ab unitate integrali, sed ab unitate quæ est in loco aliquo fractionum decimalium,

I

verbi gratia à fractione $\frac{1}{10000000000}$; tunc omnes fractio-

1 00000 00000

nes hac majores habebunt Logarithmos positivos, reliquæ minores, obtinebunt Logarithmos negativos, sed de hac re plura postea dicentur.

Cum in numeris continue proportionalibus D C E F G H I K &c. distantie C E E G G I &c. sint æquales, erunt horum

rum numerorum logarithmi AC AE AG AI &c. æquidifferentes, seu Logarithmorum differentia erunt æquales. Numerorum itaque proportionalium Logarithmi sunt omnes in progressionem Arithmetica. Atque hinc oritur vulgaris illa Logarithmorum definitio, videl. Logarithmi sunt numeri qui proportionalibus adjuncti, æquales servant differentias.

In prima quam *Neperus* edidit Logarithmorum specie, posuit terminorum proportionalium ab unitate primum, tantum ab unitate distare, quantum ipse terminus unitatem superabat. h. e. Si vn sit primus seriei terminus ab unitate AB, ejus Logarithmum seu distantiam An vel By æqualem esse voluit ipsi vy , seu incremento numeri supra unitatem, ut si vy sit 1, 0000001, ejus Logarithmum An ponebat 0, 0000001, & hinc computatione factâ Numerus Denarius seu 10 erit 23025850^{is} seriei terminus, qui itaque numerus est Logarithmus denarii in hac Logarithmorum forma, & exprimit ejus distantiam ab unitate in partibus quarum vy vel An est una.

At hæc positio omnino arbitraria fuit, potest enim distantia primi termini, ad ipsius excessum supra unitatem, datam quamvis habere proportionem, & pro varia illa ratione, quæ pro arbitrio supponi potest, esse inter vy & By , incrementum primi termini supra unitatem & ejusdem ab unitate distantiam, diversæ provenient Logarithmorum formæ.

Primam hanc Logarithmorum speciem in aliam magis commodam postea mutavit *Neperus*, in qua posuit numerum denarium non esse 23025850^m, seriei terminum, sed terminum 10000000^m, inque hac Logarithmorum forma, primum incrementum vy erit ad distantiam By vel An , ut unitas seu AB ad fractionem decimalem, 0, 4342994, quæ itaque exponet Longitudinem subtangentis AT.

TAB 45.
fig. 2.

Post mortem *Neperi*, vir summus Dominus *Henricus Briggs*, immenso labore, Logarithmorum Tabulas ad hanc formam construxit & edidit. In hisce tabulis cum logarithmus denarii seu ejus distantia ab unitate ponitur 1, 0000000, sintque 1, 10, 100, 1000, 10000 &c, continue proportionales, erunt æquidistantes. Quare numeri 100 Logarithmus erit

2, 0000000. millenarii 3, 0000000 & numeri 10000 Logarithmus fiet 4, 0000000 & ita deinceps.

Hinc Logarithmi omnium numerorum inter 1 & 10 incipere debent per 0, seu debet esse 0 in primo loco versus sinistram, sunt enim minores quam Logarithmus numeri 10 cujus initium est unitas; & Logarithmi numerorum inter 10 & 100 unitate incipiunt, sunt enim majores quam 1. 0000000 & minores quam 2. 0000000. Item Logarithmi numerorum inter 100 & 1000 binario incipiunt, sunt enim majores quam logarithmus numeri 100, quem incipit 2. & minores logarithmo numeri 1000 qui incipit per 3; eodem modo ostendetur in Logarithmis numerorum in 1000 & 10000, primam figuram versus sinistram debere esse 3; & in Logarithmis numerorum ab 10000 usque ad 100000 prima versus sinistram figura erit 4, & ita deinceps.

Prima cujusque logarithmi figura versus sinistram dicitur characteristica seu index; quia ostendit altissimum seu remotissimum locum numeri à loco unitatum. v. gr. Si index logarithmi fit 1. numeri respondentis altissimus seu remotissimus versus sinistram ab unitate locus, erit locus decadum. Si index 2, remotissima numeri respondentis figura erit in secundo ab unitatum loco, hoc est erit centenariorum aliquis. Et index Logarithmi 3 denotat altissimam numeri sui figuram esse in tertio ab unitatum loco, & inter millenarios locari.

Logarithmi numerorum omnium qui sunt in progressionem decupla aut subdecupla, characteristicis seu indicibus suis tantum differunt; in reliquis omnibus locis, iisdem scribuntur notis, v. gr. Logarithmi numerorum 17, 170, 1700, 17000. nam cum sit 1 ad 17, ut 10 ad 170, ut 100 ad 1700, ut 1000 ad 17000; distantiae inter 1 & 17. inter 10 & 170, inter 100 & 1700, inter 1000 & 17000 erunt omnes aequales, adeoque cum distantia inter 1 & 17 seu Logarithmus numeri 17 sit 1.2304489 erit logarithmus numeri 170 = 2.2304482, & Logarithmus numeri 1700 erit 3.2304489 ob numeri 100 Logarithmum = 2.0000000, & similiter ob numeri 1000 Logarithmum = 3.0000000 Logarithmus numeri 17000 erit 4.2304489.

Bb bb

Sic

Sic etiam numeri 6748. 674, 8. 67, 48. 6, 748. 0, 6748. 0, 06748. sunt continue proportionales scil. in ratione ad 1, eorum itaque à se invicem

6748	3,8291751	distantiæ æquales erunt distan-
674,8	2,8291751	tia seu Logarithmo numeri
67,48	1,8291751	10, seu æquales 1, 0000000.
6,748	0,8291751	quare cum Logarithmus nu-
0,6748	—1,8292751	meri 6748 sit 3,8291751, re-
0,06748	—2,8291751	liquorum logarithmi erunt ut
		in margine.

In duobus ultimis logarithmis, Indices tantum sunt negativi, reliquis figuris positivis manentibus, adeoque cum reliquæ figuræ addendæ sunt, subtrahendi erunt indices, & vice versa.

CAPUT II.

De Logarithmorum Arithmetica ubi numeri sunt integri, vel integri cum decimalibus adjunctis.

Quoniam in multiplicatione, unitas est ad multiplicatorem ut multiplicandus ad productum, distantia inter Unitatem & multiplicatorem æqualis erit distantia inter multiplicandum & productum; si itaque numerus GH per numerum EF esset multiplicandus, distantia inter GH & productum debet esse æqualis distantia AE, seu Logarithmo multiplicatoris, si itaque capiatur GL æqualis AE, erit numerus LM productus, hoc est, si ad AG logarithmum multiplicandi addatur AE Logarithmus multiplicatoris, summa erit Logarithmus producti.

TAB 4.
fig. 7.

In Divisione Unitas est ad divisorem, ut quotus ad dividendum; adeoque distantia inter divisorem & unitatem æqualis erit distantia inter dividendum & quotum. Sic si LM per EF esset dividendus, erit distantia EA æqualis distantia inter LM & quotum, adeoque si capiatur LG æqualis EA,

EA, ad G erit quotus. Hoc est, si ab AL Logarithmo Dividendi, auferatur GL seu AE Logarithmus divisoris, restabit AG Logarithmus quotientis.

Atque hinc adeo, quæcunque operationes in communi Arithmetica perficiuntur multiplicando aut dividendo numeros majores, eæ omnes facilius multo, & expeditius fiunt, per additionem aut subtractionem Logarithmorum.

Sit exempli gratia numerus 7589 multiplicandus per 6757 addendo Logarithmos ut in margine videre est, habetur Logarithmus producti Log. 3.8801846 cujus index 7 monstrat esse in producto Log. 3.8297539 septem locos præter unitatum locum; & Log. 7.7099385 quærendo in tabulis Logarithmum hunc, vel proxime æqualem, invenio numerum respondentem minore producto esse 51278000 & numerum producto majorem esse 51279000, quin capiendo differentias adjunctas, & partes proportionales; invenio notas ante-penultimam & penultimam esse 87, in ultimo autem seu in unitatum loco, necessario erit 3, ob septies novem = 63 adeoque verus productus erit 51278173. Si index Logarithmi esset 8 vel 9, ultima vel penultima notæ obtineri non possunt ex tabulis ubi Logarithmi tantum constant 7 figurarum locis præter characteristicam, adeoque ubi opus est, Tabulæ *Vlacquianæ*, in quibus Logarithmi sunt omnes decem notarum; vel *Briggianæ*, in quibus Logarithmi sunt quatuordecim, adeundæ erunt.

Si numerus 78956 dividendus sit per 278, subtrahendo Logarithmum divisoris ex Logarithmo dividendi habetur Logarithmus quotientis, cui Logarithmo respondet, Numerus 282, 719 qui itaque erit quotiens.

Cum unitas, numerus quilibet assumptus, ejus quadratus, cubus, Biquadratus, &c. sint continue proportionales, eorum à se invicem distantia æquales erunt. Manifestum itaque est Quadrati distantiam ab unitate, duplam esse distantia radicis

ab eadem: distantiam cubi triplam distantiae radicis suae, Biquadrati distantiam esse distantiae radicis suae ab unitate quadruplam &c. Adeoque si dupliciter logarithmus numeri, dabitur logarithmus Quadrati, Si triplicetur, logarithmus cubi, si quadruplicetur, prodit Logarithmus Biquadrati. Et vice versa si Logarithmus numeri alicujus bisecetur, habebitur Logarithmus Radicis quadratae ejusdem numeri: Quin & ejusdem Logarithmi tertia pars erit logarithmus Radicis Cubicae, & pars quarta Logarithmus Radicis biquadratae, & ita deinceps.

Hinc Radicum omnium extractiones facillime perficiuntur, secando Logarithmum in tot partes, quot sunt unitates in indice potestatis. Sic ut habeatur Radix quadrata numeri 5, ejus Logarithmi capiatur pars dimidia 0,3494850, erit hæc Logarithmus radicis quadratae numeri 5, seu Logarithmus numeri $\sqrt{5}$, cui respondet numerus 2,23606 quam proxime.

CAPUT III.

De Arithmetica Logarithmorum, ubi numeri sunt Fractiones.

Quotiescunque Fractiones per Logarithmos tractandae fuerint, ad vitandum laborem addendi unam Logarithmi partem, & subducendi alteram, expedit ut Logarithmi incipiant non ab unitate integrali, sed ab unitate, quæ sit in decimo vel centesimo loco fractionum decimalium, v. g. po-

TAB. 45. ne P O esse ————— & Logarithmos ab ejus loco in-
fig. 1.

I 00000000000

cipere. Hæc fractio decies magis distabit ab unitate versus sinistram, quam numerus 10 ab eadem distat versus dextram sunt enim Decem termini proportionales in ratione 10 ad 1 ab unitate usque ad P O. Adeoque si A B sit unitas, ejus Lo-

Logarithmus in hac suppositione non erit 0, sed erit $OA = 10\ 0000000$. Nam distantia denarii ab unitate est. 1. 0000000, unde distantia numeri 10, ab PO erit 11, 000 0000; Item Distantia numeri 100 à PO , seu ejus Logarithmus à PO incipiens, erit 12. 000 0000 & numeri 1000 Logarithmus seu distantia à PO erit 13. 000 0000; atque hac ratione Logarithmorum omnium indices augentur numero 10. & Fractiones quorum indices fuerunt -1 , aut -2 , aut -3 , &c. fiunt 9, 8, aut 7 &c.

At si Logarithmi incipiunt à loco Fractionis cujus numerator est unitas; denominator unitas centum cyphris adjectis (quod faciendum est quoties fractiones occurrunt minores quam PO) illa Fractio centies plus distabit ab unitate quam 10 ab ea distat, adeoque Unitatis Logarithmus habebit Indicem 100. Numeri Denarii Logarithmus Indicem habebit 101. Et numeri centenarii Logarithmo congruet Index 102, & ita deinceps Indices omnes augentur numero 100.

Fractionum omnium quae sunt majores PO (à quo initium ducitur) Logarithmi erunt positivi. Et cum numeri, 10, 1, $\frac{1}{10}$, $\frac{1}{100}$, $\frac{1}{1000}$, &c. sunt in continua progressionem Geometrica, æqualiter à se invicem distabunt, & eorum proinde Logarithmi erunt æquidifferentes; Adeoque cum Logarithmus denarii sit 11. 0000000, & unitatis Logarithmus sit 10. 0000000 erit Logarithmus fractionis $\frac{1}{10} = 9.0000000$; & fractionis $\frac{1}{100}$ Logarithmus erit 8, 0000000; & similiter index Logarithmi numeri $\frac{1}{1000}$ erit 7. Quin etiam eadem ratione si index Logarithmicus Unitatis sit 100 & denarii 101, Erit index Logarithmi Fractionis $\frac{1}{10}$, 99, & Fractionis $\frac{1}{100}$ Index Logarithmi erit 98; & Fractionis $\frac{1}{1000}$ index Logarithmicus erit 97 &c. Hi indices ostendunt in quo loco ab unitate prima fractionis figura quæ cyphra non sit, ponenda fuerit v. gr. Si index sit 4 ejus differentia ab indice unitatis quæ est 10 scil. 6 ostendit primam decimalis figuram significativam esse in 6^a ab unitate loco; ergo quinque cyphræ versus sinistram ei præponendæ sunt. Ita si Unitatis index sit 100 & fractionis index sit 80, erit prima ejus figura in vicesimo ab unitatis loco seu 19 cyphræ præponendæ erunt.

Sit jam Fractio GH per fractionem DC multiplicanda. Quia unitas est ad multiplicatorem ut multiplicandus ad productum; erit distantia inter Unitatem & multiplicatorem æqualis distantiae inter multiplicandum & productum. Quare si capiatur $GI=AC$, ad I erit productus IK . Et proinde si ab OG Logarithmo multiplicandi, auferatur GI vel AC , restabit OI Logarithmus producti. Est vero $AC=OA-OC$, quæ ablata ab OG , relinquetur $OG+OC-OA=OI$, hoc est, si simul addantur Logarithmi multiplicatoris & multiplicandi, & è summa auferatur Logarithmus unitatis (qui semper scribitur per 10 aut 100 cum cyphris) habebitur logarithmus producti. ex. gr. Sit Fractio decimalis 0,00734 per fractionem 0,000876 multiplicanda, pono unitatis indicem Logarithmicum esse 100, & fractionum Logarithmi erunt ut in margine, qui additi, & rejecto Logarithmo Unitatis, dant Logarithmum producti, cujus index 94 ostendit primam producti figuram esse in sexto ab unitatum loco, quinque itaque cyphræ præponendæ sunt, & productus erit, 00000642984.

In Divisione, divisor est ad unitatem, ut dividendus ad quotum, & proinde distantia inter divisorem & unitatem, æqualis erit distantiae inter dividendum & quotum. Itaque si fractio IK dividenda esset per DC , capienda erit $IG=CA$ & locus quoti erit G . Est vero $CA=OA-OC$ quæ ad OI addita fit $OA+OI-OC=OG$. hoc est si addatur Logarithmus unitatis ad Logarithmum dividendi, & à summa auferatur Logarithmus divisoris, restabit logarithmus quotientis; sic si numerus CD per IK esset dividendus, capienda erit distantia $CS=IA$, & erit ST quotiens; cujus Logarithmus est $OA+OC-OI$. Sit $CD=0,347$ $IK=0,00478$. ad logarithmum ipsius CD addatur Logarithmus Unitatis, hoc est ejus Indici præponatur 10 aut 100, & ex eo subducatur logarithmus divisoris, restabit Logarithmus quotientis, cujus index 11 monstrat quotientem esse inter nume-

97,8656961
96,9425041
94,8082002

19,5403295
7,6794279
11,8609016

ros qui sunt à 10 ad 100 quæro itaque numerum logarithmo respondentem, quem invenio esse 72, 549. Si fractionis vulgaris verbi gr. $\frac{7}{8}$ logarithmus desideretur, ad Logarithmum numeri 7 addatur Logarithmus unitatis, vel quod idem est, ejus indici præponatur 1. aut 10 & subducatur ab eo logarithmus denominatoris 8, restabit logarithmus fractionis; vel fractionis decimalis, 875.

Ut Fractionis cujuslibet DC potestates habeantur, capiendæ sunt CE EG GI IL singulæ æquales AC, & EF erit quadratus, GH Cubus, IK biquadratus numeri DC, sunt enim ab unitate continue proportionales. Est præterea $AE = 2AC = 2OA - 2OC$, unde $OE = OA - AE = 2OC - OA$, hoc est logarithmus quadrati est duplus logarithmi radicis, minus logarithmo unitatis. Similiter ob $AG = 3AC = 3OA - 3OC$ erit $OG = OA - AG = 3OC - 2OA =$ Logarithmo cubi = Triplo Logarithmi lateris minus duplo logarithmi unitatis. Eadem ratione, quia $AI = 4AC = 4OA - 4OC$, erit $OI = 4OC - 3OA$; qui est Logarithmus Biquadrati. Et universaliter fractionis potestas sit n , logarithmus L, erit logarithmus potestatis $n = nL - nOA + OA$, hoc est multiplicando logarithmum fractionis per n , & è producto abjiciendo logarithmum unitatis multiplicatum per $n - 1$, habebitur logarithmus potestatis n ejusdem fractionis.

Ex. gr. sit Fractionis $\frac{5}{6} = .8\overline{3}$, 05 cujus quærat potestas 6^a hujus fractionis logarithmus est 8, 6989700 qui multiplicatus per 6 dat numerum 52, 1938200, & ex 52 ablato numero 50 qui est index Logarithmi unitatis in 5 ductus, restabit logarithmus potestatis 6^a scil. 2, 1938200 cui respondet numerus 000 0000 15625. nam index 2 ostendit septem cyphras primæ figuræ præponendas esse.

Si Fractionis, 05 potestas octava desideretur, multiplicando logarithmum per 8, prodit 69, 5917600, at cum ex numero 69 auferri non potest 70, qui est septies index logarithmi unitatis, quin in numeros negativos deveniatur, pono indicem

cem logarithmi unitatis esse 100. & index logarithmicus fractionis, erit 98. hic logarithmus in 8 ductus dat 789. 5917600 & ex numero 789 rejecto numero 700, qui utpote cum cyphris annexis, est septies logarithmus unitatis, restabit 89. 5917600 logarithmus potestatis 8^{va} Fractionis $\frac{1}{2}$, cui congruens numerus est 00000 00000 39062. nam cum Index sit 89 & ejus differentia ab 100 est 11; figura prima fractionis significativa erit in undecimo ab unitatis loco, adeoque decem cyphræ præponendæ erunt.

Si in fractionibus, radices potestatum desiderentur. v. gr. Fractionis EF, quæraturs radix quadrata. Quoniam Radix est media proportionalis inter Fractionem & unitatem; bisectione AE in C, erit CD radix quadrata fractionis EF. Est

$$\text{vero } AC = \frac{1}{2} AE = \frac{OA - OE}{2}, \text{ Adeoque } OC \text{ Logarithmus}$$

$$\text{Radicis} = OA - AC = \frac{OA + OE}{2}. \text{ Si fractionis GH ra-}$$

dix cubica quæraturs. Radix illa erit prima duarum mediarum proportionalium inter unitatem & GH; secetur itaque AG in tres partes æquales, quarum prima sit AC, erit CD radix

$$\text{quæsitæ, \& quoniam est } AC = \frac{1}{3} AG = \frac{OA - OG}{3} \text{ si hæc}$$

$$\text{subducatur ab } OA, \text{ restabit } \frac{2OA + OG}{3} = OC \text{ scil. Loga-}$$

rithmo Radicis cubicæ fractionis GH. Sic etiam fractionis IK radix biquadratica habetur, secando AI in quatuor partes æquales. Nam Radix est prima trium mediarum proportionalium inter unitatem & Fractionem. Sit itaque AC = $\frac{1}{4}$ AI =, & erit CD Radix biquadratica Fractionis IK.

$$\text{Sed est } \frac{1}{4} AI = \frac{OA - OI}{4} \text{ adeoque } OC = OA - AC = \frac{3OA + OI}{4}$$

$$\frac{3OA + OI}{4} \text{ Uni-}$$

Universaliter si fractionis LM desideretur radix potestatis
 n OA—OA+OL
 n , ejus radice Logarithmus erit ————, hoc est
 n

si indici Logarithmico fractionis, præponatur numerus $n-1$. & logarithmus sic auctus dividatur per n , quotus dabit Logarithmum radice quæsitæ. Sic si quæratür radix cubica fractionis $\frac{1}{2}$ five, 5 hujus Logarithmo præponatur $2 = n - 1$, quia radix cubica desideratur, & fiet 29. 6989700 cujus numeri triens est 9, 8996566 æqualis Logarithmo radice cubicæ fractionis $\frac{1}{2}$ & congruens Logarithmo numerus est, 7937 qui erit radix quæsitæ.

CAPUT IV.

De Regula Proportionis seu Aurea Logarithmica.

Datis tribus numeris, qua ratione quartus proportionalis inveniendus sit, nos docet proportionis Regula; scil. termini secundus & tertius in se invicem ducendi sunt, & productus dividendus est per primum, qui prodit quotus, exhibebit quartum terminum proportionalem quæsitum. At per logarithmos minore labore habetur ille quartus; Nam si è summa Logarithmorum secundi & tertii auferatur logarithmus primi, qui restat numerus est logarithmus quarti proportionalis.

Quin etiam & hic labor minui aliquantulum potest, si loco logarithmi primi capiatur ejus complementum Arithmeticum, seu differentia logarithmi à numero 100000000, & obtinetur si pro singulis logarithmi figuris scribantur earum differentiæ à 9. Complementum hoc Arithmeticum cum reliquis duobus logarithmis in unam summam conjiciatur, & à summa, unitatis nota in primo versus sinistram loco sita abjiciatur, restabit logarithmus quarti termini quæsitæ; atque hoc modo per unicam Numerorum trium additionem inveni-

C c c c

tur

tur logarithmus termini quæſiti. Hujus rei cauſa hinc patebit. Sint tres numeri $A B C$ & è ſumma ſecundi & tertii ſubducendus eſt primus, non tantum operatio communi modo perficitur, ſed etiam ſi aſſumatur numerus quivis E , & ab eo auferatur A , reſtabit $E - A$ ſi numeri BC & $E - A$ in unam ſummam addantur, & è ſumma trium rejiciatur E , reſtabit $B + C - A$. ſic ſi ſubducendus eſt numerus 15

85 ex 23 capio numeri 15 complementum ad 100 quod
23 eſt 85, hunc numerum addo ad 23 & ſumma fit 108
108 ex quo ſublato 100 reſtabit numerus 8. Sequuntur

Exempla Trigonometrica Regulæ proportionis per Logarithmos ſoluta.

TAB. 44.
fig. 8.

Sit Triangulum ABC rectilineum, in quo dantur angulus A 36 gr. 46. angulus B 98 gr. 32'. & latus BC , 3478. & quæritur latus AC . Fiat (per *caſ.* 1. Trigon. Planæ) ſinus ang. A ad Sinum ang.

B ut BC ad AC . Et quia Arith. comp. $L, S, B.$ 0.2228938
ſinus Log. anguli A eſt pri- Log. Sin $B.$ 9.9951656
mus analogiæ terminus ejus Log $BC.$ 3.5413296
vice ſubſtituto complemen- Log. AC 13.7593888.
tum Arithmeticum ejuſdem,

& addo Log. BC , Log. S , B & prædictum complementum in unam ſummam, & è ſumma rejecta unitate quæ eſt in primo verſus ſiniſtram loco, dabitur Logarithmus lateris AC , cui congruens numerus eſt 5706, 306 æqualis AC lateri quæſito.

TAB. 44.
fig. 9.

Sit Triangulum Sphæricum ABC , in quo dantur omnia latera ſcil. $BC = 30$ grad. $AB = 24$ gr. 4'. & $AC = 42$ gr. 8'. quæritur angulus B . Producatur BA ad M ut ſit $BM = BC$ erit AM differentia laterum BC BA æqualis 5 gr. 56. (Per *caſ.* 11. in Triangulis obliquangulis Sphæricis.) Fiat ut rectangulum ſub ſinibus crurum AB BC ad quadratum Radii, ita

$AC + AM$ $AC - AM$
Rectangulum ſub ſinibus Arcuum ————— ad
quadratum ſinus anguli $\frac{1}{2} B.$

Eſt

$$\text{Est vero } \frac{AC+AM}{2} = 24 \text{ gr. } 2'. \text{ \& } \frac{AC-AM}{2} = 18 \text{ gr. } 6'.$$

Et quia primus analogiæ terminus est rectangulum sub sinibus AB BC, & secundus terminus est quadratum Radii; Summa Log. Sin. AB BC subducenda erit ex duplo Log. Radii & qui restat numerus addendus est ad summam Log.

$$S \frac{AC+AM}{2} - \frac{AC-AM}{2}. \text{ Quod idem erit ac si singuli Log.}$$

Sinus arcuum AB BC subducerentur à Logarith. Radii, vel si horum sinuum ca-

Log. S, BC comp. Arith.	0. 3010299	pianantur complemen-
Log. S, AB comp. Arith.	0. 3898364	ta Arithmetica, atq;
Log. S, $\frac{AC+AM}{2}$	9. 6098803	complementa illa &
Log. S, $\frac{AC-AM}{2}$	9. 4923083	prædicti sinus in u-
2 Log. S, Ang. B	19. 7930549	nam conjicerentur
		summam. Summa il-
		la erit Logarithmus
		quadrati sinus dimi-
		dii anguli B; loga-
		rithmi itaque dimi-

dium 9. 8965274 est Log. Sinus anguli $\frac{1}{2}$ B = 51 gr. 59". 56". & hujus anguli duplum erit 103 gr. 59'. 52" = angulo E qui erat inveniendus.

CAPUT. V.










De Proportionalium Quantitatum continuis Incrementis, Et de modo inveniendi per Logarithmos, Terminum quemlibet in serie Proportionalium, sive crescente, sive decrescente.

SI in Axe Logarithmicæ ubivis capiantur partes quot vo- TAB. 45.
lueris S V V Y Y Q &c. æquales, & ad puncta S V Y Q fig. 1.
Cc cc 2 &c.

&c. erigantur perpendiculares ST VX YZ $Q\pi$ &c. ex natura curvæ, erunt omnes continuè proportionales, quin etiam continua incrementa Xx Zz $\pi\pi$ erunt totis proportionalia. Nam ob $ST:VX::VX:YZ::YZ:Q\pi$ erit dividendo $ST:Xx::VX:Zz::YZ:\pi\pi$, & componendo $VX:Xx::YZ:Zz::Q\pi:\pi\pi$. Hinc si Xx sit pars quælibet rectæ ST , erit Zz eadem pars rectæ VX , & $\pi\pi$ quoque eadem pars rectæ YZ . ex. gr. Si Xx sit $\frac{1}{25} ST$, erit $Zz = \frac{1}{25} VX$, & $\pi\pi = \frac{1}{25} YZ$ seu quod eodem redit, erit $VX = ST + \frac{1}{25} ST$. $YZ = VX + \frac{1}{25} VX$, item $Q\pi = YZ + \frac{1}{25} YZ$.

Fiat ut ST ad VX , ita AB unitas ad NR ; erit $AN = SV$; adeoque rectæ SV VY YQ &c. erunt singulæ æquales logarithmo ipsius RN , & AV Logarithmus termini VX erit æqualis $AS + AN =$ Logarithmo ipsius $ST +$ Logarithmo ipsius NR . Item AY Logarithmus termini YZ æqualis erit $AS + 2 AN = \text{Log. } ST + 2 \text{ Log. } NR$, & AQ logarithmus Termini $Q\pi$ æqualis erit $AS + 3 AN = \text{Log. } ST + 3 \text{ Log. } NR$. Et universaliter si Logarithmus numeri NR multiplicetur per numerum, qui exprimit termini cuiusvis distantiam à termino primo, & productus addatur Logarithmo termini primi, dabitur logarithmus istius termini. At si series proportionalium sit decrescens; seu si termini in continua ratione minuantur, & $Q\pi$ sit primus, habebitur Logarithmus alterius cuiusvis termini, multiplicando Logarithmum numeri NR per numerum qui exponit ejus termini distantiam à primo, & subducendo productum è Logarithmo primi. Quod si productus ille sit major Logarithmo primi termini initio ab unitate ducto; in eo casu ponendi sunt Logarithmi incipere ab unitate in aliquo fractionum Decimalium loco detrusa, verbi gratia ab OP ita Logarithmus numeri $Q\pi$ erit OQ .

Exponat jam LM quamvis pecuniam, seu pecuniæ summam à creditore foenori elocatam, ea lege ut singulis annis, usura annua forti annumeretur, & finito primo anno, sit usura seu lucrum Kk , & IK aggregatum fortis & lucri pariat
usu-





usuram Hb quæ sit ipsi IK proportionalis, seu in ratione constanti. Hæc usura Hb finito anno secundo, forti accedat, & fors ea sit GH , quæ ad finem anni tertii pariat usuram Ff , ipsi GH proportionalem; Ponamus sortem singulis annis augeri parte sui vicesima $\frac{1}{20}$, adeoque erit $IK = LM + \frac{1}{20}LM$, $GH = IK + \frac{1}{20}IK$. $EF = GH + \frac{1}{20}GH$, & ita deinceps. Erunt proinde termini $LM IK GH EF$, &c. continue proportionales. Quæritur quantum aucta fuerit pecunia ad finem quotlibet annorum.

Sit LM semiobolus, Anglice *Afarthing*. Ob LM ad IK ut 1 ad $1 + \frac{1}{20}$ vel ut 1 ad $1,05$. ut AB ad NR' , erit $NR = 1,05$, cujus Logarithmus AN est 0.0211893 , vel magis accurate 0.0211892991 . Quæritur quantum lucri accedat semiobolo, qui sexcentis annis fœnori expositus est. Multiplicetur AN per 600 productus erit 12.7135794 . Huic producto addatur Logarithmus fractionis $\frac{1}{20}$, nempe $97,0177288$. (nam est semiobolus pars libræ $\frac{1}{20}$) summa 109.7313082 erit Logarithmus numeri quæsit, cumque index 109 superat indicem Unitatis novenario seu 9 , erunt in numero respondente novem figurarum loca supra locum Unitatum, & numerus ille in tabulis quæsitus invenietur major quam 5386500000 , & minor quam 5386600000 . Unus itaque semiobolus fœnori datus; finitis sexcentis Annis, pariet libras Anglicanas plures quam 5386500000 ; Cui summæ solvendæ vix par erit omnis illa Auri Argentique copia, quæ ab ipsa rerum origine ad hunc usque diem ex terrarum visceribus eruta est.

Exponat $Q\pi$ quamvis pecuniæ summam quam post exactum integrum annum debitor creditori solvere tenetur, sed sine usurâ. Certum est si Debitor nunc totam solveret, illum amissurum jus quod habet in usuram annuam quæ ex pecunia illa prodiret; Quin & minor summa fœnori exposita, potest post annum cum sua usura, summam $Q\pi$ adæquare. Minor illa pecuniæ summa, quæ cum sua usura pecuniam $Q\pi$ adæquat, præsens pecuniæ $Q\pi$ valor dicitur. Sit AN Lo-

garithmus Rationis, quam fors habet ad aggregatum fortis & usuræ, hoc est, si fors sit usuræ annuæ vigecupla, sit AN Logarithmus numeri $1 + \frac{1}{20}$ seu $1,05$, & capiatur QY æqualis AN ; erit AY Logarithmus præsentis valoris pecuniæ $Q\pi$. Patet enim pecuniam YZ foenori expositam finito anno parituram pecuniam $Q\pi$, adeoque ut habeatur logarithmus præsentis valoris, seu YZ ; ex Logarithmo AQ detrahi debet Logarithmus AN , & restabit AY logarithmus præsentis valoris vel YZ . Si summa $Q\pi$ non nisi post duos annos exactos debeatur; à Logarithmo AQ subtrahendus est numerus $2 AN$, & manebit AV logarithmus præsentis valoris, seu summæ quæ pro pecunia $Q\pi$ solvi statim debeat. Nam manifestum est pecuniam VX foenori expositam, spatio duorum annorum, pecuniam $Q\pi$ procreaturam. Eadem ratione, si summa $Q\pi$ non nisi post tres annos debetur, à logarithmo $Q\pi$ subtrahendus erit numerus $3 AN$, & qui restat AS , erit logarithmus numeri ST , seu erit ST præfens valor summæ $Q\pi$ post tres annos solvendæ. Et Universaliter, si logarithmus AN multiplicetur per numerum annorum, quibus exactis, debetur summa $Q\pi$, & productus numerus ex logarithmo AQ subducatur, hac ratione dabitur logarithmus numeri, qui erit præfens valor summæ $Q\pi$. Hinc patet si 5386500000 libræ Angl. Societati alicui finitis sexcentum annis solvendæ fuerint; tantæ pecuniæ præsentem valorem, vix unum semiobolum adæquaturum.

TAB. 45.
fig. 2.

Si in Axe Logarithmicæ ordinentur ad curvam rectæ HG EF , $ABCD$ quæ sint proportionales, & extremitates ipsarum FH , DB , rectis jungantur, quæ productæ cum Axe conveniant in P & K , erunt rectæ GP AK semper æquales. Nam ob $GH:EF::AB:CD$. erit $GH:FS::AB:DR$. Sed ob æquiangula, triangula PGH HSF , Item KAB BRD æquiangula erit $PG:HS::(GH:FS::AB:DR::) KA:BR$. Quarum proportionalium consequentes $HSBR$ æquales sunt, Antecedentes igitur $PGKA$ æquales erunt. $Q.E.D.$

Si

Si rectæ CD EF ad AB GH æqualiter accedant, ut tandem punctum D coincidat cum B , & punctum F cum H , rectæ DBK FHP quæ prius secabant curvam, vertentur in Tangentes BT , HV ; & rectæ AT GV semper sibi invicem æquales erunt, hoc est, portio Axis AT vel GV intercepta inter ordinatam & Tangentem quæ Subtangens dicitur, erit ubique constantis & datæ longitudinis, quæ est præcipua Logarithmicæ Proprietas. Nam in diversis Logarithmicis, Subtangentes curvarum species seu formas determinabunt.

In duabus diversæ speciei Logarithmicis, ejusdem numeri ^{TAB. 45.} Logarithmi, seu distantie ab unitate, erunt subtangentibus ^{fig. 2. 3.} suarum curvarum proportionales. Sint enim curvæ HBD SNY , quarum Subtangentes sint AT MX , sitque $AB = MN =$ unitati, item $DC = QY$; erit AC Logarithmus numeri CD , in Logarithmica HD , ad MQ logarithmum numeri QY , seu ejusdem CD in Logarithmica SY , ut subtangens AT ad subtangentem MX . Concipiatur interferi inter AB CD vel NM QY , infinitos terminos continue proportionales, in ratione AB ad ab vel MN ad mn ; & ob $AB = MN$ erit $ab = mn$. item erit $bc = no$. Et termini proportionales cum in utraque figura sint numero æquales, dividunt lineas AC MQ in partes numero æquales, quarum primæ sint Aa Mm , partes itaque illæ erunt totis proportionales, hoc est erit $Aa : Mm :: AC : MQ$. Quoniam autem Triangula TAB Bcb sunt similia (nam pars curvæ Bb coincidat fere cum portione Tangentis) Item triangula XMM No sunt similia. Erit Aa vel $Bc : bc :: TA : AB$

item est no vel $bc : No :: MN$ vel $AB : MX$. Unde erit ex æquo, $Bc : No :: TA : MX :: Aa : Mm :: AC : MQ$. Q. E. D. Si AT vocetur a , ob $AB : AT ::$

$$bc : Bc; \text{erit } Bc = \frac{a \times bc}{AB}.$$

Hinc si detur Logarithmus numeri, qui sit unitati proximus,

mus, vel illam minimo excessu superat, dabitur Logarithmica subtangens, est enim excessus bc ad Logarithmum Bc ut AB unitas ad subtangentem AT . Veletiam si sint duo quilibet numeri quam proxime æquales, erit differentia numerorum ad differentiam Logarithmorum, ut alteruter numerorum ad Subtangentem v. gr. Si Incrementum bc sit 00000 00000, 00001 02255 31945 60259, & Bc vel Aa logarithmus numeri ab sit, 00000 00000 00000 44408 92098 50062. duobus his numeris & unitati inveniatur quartus proportionalis, scilicet 43429 44819 03251, is numerus dabit longitudinem subtangentis AT , quæ est subtangens Logarithmicæ quæ exhibet Logarithmos *Briggianos*.

TAB 45.
fig. 3.

Si Creditor Pecuniæ summam fœnori exponat, ea lege, ut singulis temporis momentis, pars proportionalis usuræ annuæ forti annumeretur, ita scil. ut post finitum primum temporis momentum, seu exactam anni particulam indefinite exiguam, usuram poscat tempori proportionalem, quæ forti adjecta, una cum ipsa, usuram pariat, finito secundo temporis momento, forti pariter accessuram, & ita deinceps. Quæritur quantum creditori finito anno debeatur? Sit a usura annua Unitatis, seu unius libræ & si integer Annus seu 1 dat usuram a , particula anni indefinite exigua Mm dabit usuram ipsi Mm proportionalem $Mm \propto a$; & proinde si Unitas per MN exponatur, ejus incrementum primum erit $no = Mm \propto a$. Per puncta Nn concipiatur Logarithmica describi, cujus Axis est OMQ . In hac curva, si portio Axis MQ tempus exponat, ordinata QY pecuniam repræsentabit quæ usque ad illud tempus, singulis momentis, proportionaliter crevit. Nam si capiantur ml &c. $= Mm$, ordinatæ lp &c. erunt in serie continue proportionalium in ratione MN ad mn , id est crescent eadem ratione, qua pecunia crescit.

Tangat Logarithmicam in N recta NX , ejus subtangens MX erit constans & invariabilis, & Triangulum minimum Non simile erit Triangulo XMN . At ostensum est, esse incrementum $no = Mm \propto a = No \propto a$ erit itaque $no:No::No \propto a:No::$

$No::a:I$. Sed ut no ad No , ita erit NM ad MX . Quare
erit, ut a ad I , ita NM seu I ad $MX = \frac{I}{a} =$ subtangenti.

Quod si Usura annua sit pars fortis vicesima, seu si sit
 $a = \frac{1}{20} = 0,05$, erit $MX = \frac{I}{a} = 20$.

Quia in diversis Logarithmorum formis, ejusdem numeri
Logarithmi sunt Subtangenti bus suarum curvarum proportio-
nales: si MQ tempus Annuum, seu unitatem, exponat;
 QY erit pecunia quæ finito anno debetur. Ut verò innotes-
cat QY ; Fiat ut MX seu 20 ad 0,4342944 (qui nume-
rus exponit subtangentem Logarithmicæ, quæ exhibet Loga-
rithmos *Briggianos*) ita Annus, sive Unitas, ad Logarith-
mum *Briggianum*, qui numero QY congruit; logarithmus
autem ille invenietur 0,0217147 cui Respondens numerus
 $= QY$ est 1,05127, cujus incrementum supra unitatem sive
fortem, 05127 pauxillum superat annuam usuram, 05. Adeo
ut si usura annua centum librarum sit, quinque libræ, usura
proportionalis singulis anni momentis forti 100 adjecta, pa-
riet tantum ad finem anni. *lib. sol. d.*

5:2:6 $\frac{1}{2}$.

Si quærat^r Usura ejusmodi, ut singulis momentis pars
ipsius forti continue crescenti proportionalis, ad fortem acce-
dat, ea lege ut finito Anno producat incrementum quod sit
fortis pars quælibet data v. gr. vicesima. Fiat ut Log. nu-
meri 1,05 ad 1, hoc est ut 0,0211893 ad 1; ita Subtangens

0,4342944 ad $\frac{I}{a} = 20,49$, & erit $a = \frac{I}{20,49} = 0,0488$. Nam si

concipiatur pars Usuræ 0,0488 momento respondens, hoc est
eandem habens rationem ad 0,0488 quam habet annus ad mo-
mentum, & fiat ut unitas ad illam usuræ partem, ita fors ad
ejus incrementum momentaneum; quæ hac ratione continuo
crescit pecunia, ad finem anni augebitur vicesima sui parte.

CAPUT VI.

De Methodo qua Henricus Briggs Logarithmos suos supputavit, ejusque Demonstratio.

TAB. 45.
fig. 2.

Quamvis Briggs lineam Logarithmicam nusquam descripsit, quem tamen in calculo adhibuit operandi modum, modique Rationem ex contemplatione Logarithmicæ evidentissime patebit. In qualibet Logarithmica HBD sint tres ordinatæ AB *ab qs* quam proxime æquales, hoc est earum differentiæ exiguam admodum ad ipsas lineas habeant rationem; Erunt Logarithmorum differentiæ differentiis linearum proportionales. Nam cum lineæ sunt quam proxime æquales, propinquissimæ sibi invicem erunt. & pars curvæ Bs ab iis intercepta cum recta lineâ fere coincidet, certe tam prope possunt ordinatæ sibi invicem admo- veri, ut differentia curvæ, à recta ipsam subtendente, habeant ad ipsam subtensam, minorem qualibet datâ rationem. Triangula igitur Bc b Br s pro rectilineis assumi possunt, & erunt æquiangula. Quare est $sr:bc::Br:Bc::Aq:Aa$: hoc est excessus linearum supra minimam AB, erunt logarithmorum differentiis proportionales. Hinc patet ratio istius methodi qua tam numeri quam Logarithmi per differentias & partes proportionales corriguntur. Quod si AB sit unitas, erunt numerorum logarithmi differentiis numerorum proportionales.

Si intra numeros denarium & unitatem capiatur medius proportionalis, seu quod idem est, numeri denarii extrahatur Radix quadratica, Radix illa seu numerus in medio erit loco intra denarium & Unitatem. & ejus Logarithmus erit dimidius Logarithmi qui denario competit ac proinde dabitur. Si inter numerum prius inventum & unitatem, iterum inveniatur medius proportionalis quod fit extrahendo numeri inventi Radicem quadraticam, hic numerus Unitati duplo viciniore

cinior erit quam prior, ejusque logarithmus erit prioris logarithmi semissis, seu Logarithmi denario competentis pars quarta. Si hac ratione continuo extrahatur Radix quadratica & bisecentur Logarithmi, pervenietur tandem ad numerum cujus

I

distancia ab unitate minor erit parte —————

I 00000 00000 00000
istius logarithmi qui Denario tribuitur. *Briggius* peractis 54
Radicum extractionibus; Invenit numerum 1, 00000 00000
00000 12781 91493 20032 3442 ejusque logarithmum fore
0, 00000 00000 00000 05551 11512 31257 82702. suppo-
natur Logarithmus hic æqualis Aq sive Br , & sit qs nu-
merus radicum extractione inventus; erit differentia rs qua
unitatem superat =, 00000 00000 00000 12781 91493 20032
35.

Horum numerorum ope, logarithmi reliquorum omnium
inveniri poterunt ad hunc modum. Inter datum numerum
(cujus logarithmus inveniendus sit) & unitatem quærantur
(ut superius ostensum est) medii proportionales, donec tan-
dem inveniatur numerus tantillo unitatem superans ut unitas
præcedat quindecim cyphras, quas totidem vel plures notæ
significativæ sequantur. Sit numerus ille ab , & notæ signi-
ficativæ, præfixis cyphris differentiam bc denotabunt. Dein-
de fiat ut differentia rs ad differentiam bc ita Br Loga-
rithmus datus ad Bc vel Aa Logarithmum numeri ab ; qui
itaque dabitur. Hic Logarithmus toties continue duplicatus
quoties extractiones factæ sunt, tandem dabit Logarithmum
numeri quæsitæ. Hac etiam ratione inveniri possit Subtangens
Logarithmicæ nempe si fiat $rs: Br:: AB$ seu unitas: AT
subtangenti, quæ itaque invenietur 0, 43429 44819 03251,
per quam denique reliquorum numerorum logarithmi innotē-
scent, nempe si detur numerus quivis NM ejusque Logarith-
mus, & quærat alterius numeri logarithmus qui ad NM fa-
tis accedat fiat ut NM ad subtangentem XM ita no dif-
ferentia numerorum ad N o differentiam Logarithmorum
Quod si NM Unitas = AB dabuntur logarithmi mul-
D d d d 2 tipli-

TAB. 45.
fig. 3.

tiplicando differentias minimas $b c$ per subtangentem constantem A T.




Hac ratione invenientur Logarithmi numerorum 2 3 & 7, & inde dabuntur Logarithmi numerorum 4. 8. 16. 32. 64 &c. 9. 27. 81. 243 &c. item 7. 49. 343 &c. Si à logarithmo denarii auferatur binarii Logarithmus restabit logarithmus Quinarii. & proinde dabuntur Logarithmi numerorum 25. 125. 625 &c.

Numeri ex his compositi, nempe 6 12 14 15 18 20 21 24 28 &c. facile logarithmis suis instruuntur, addendo logarithmos numerorum componentium.

At numerorum primorum logarithmos, per tot Radicum extractiones invenire, molestum admodum & laboriosum fuit opus. Nec quidem facile fuit, interpolando per differentias Primas, Secundas, & Tertias &c. Logarithmos supputare. Quo itaque absque tanta molestia Numerorum logarithmi obtineantur, Magni viri *Newtonus*, *Mercator*, *Gregorius*, *Wallisius*, & nuper *Halleius* series infinitas convergentes dederunt, quibus expeditius & certius logarithmi, ad quot volueris loca supputati haberi possunt; De hisce seriebus, eruditum Tractatum scripsit peritissimus Geometra *Halleius* inter Acta Philosophica Societatis Regiæ extantem, ubi series illas nova methodo demonstrat, modumque computandi logarithmos per eas docuit. Liceat hic subungere novam seriem, ex qua expedite & facile fluunt Logarithmi saltem pro numeris majoribus.

Sit z numerus impar, cujus quæritur Logarithmus, Numeri $z - 1$ & $z + 1$ erunt pares, & proinde dabuntur eorum logarithmi, & Logarithmorum differentia, quæ dicatur y ; Quin etiam datur Logarithmus numeri qui est medius Geometricus inter numeros $z - 1$ & $z + 1$ æqua-

lis scil. semisummæ logarithmorum. Series $y \propto \frac{1}{4z} + \frac{1}{24z^3} + \frac{1}{4z^5} + \frac{1}{24z^7} + \frac{1}{4z^9} + \frac{1}{24z^{11}} + \frac{1}{4z^{13}} + \frac{1}{24z^{15}} + \frac{1}{4z^{17}} + \frac{1}{24z^{19}} + \frac{1}{4z^{21}} + \frac{1}{24z^{23}} + \frac{1}{4z^{25}} + \frac{1}{24z^{27}} + \frac{1}{4z^{29}} + \frac{1}{24z^{31}} + \frac{1}{4z^{33}} + \frac{1}{24z^{35}} + \frac{1}{4z^{37}} + \frac{1}{24z^{39}} + \frac{1}{4z^{41}} + \frac{1}{24z^{43}} + \frac{1}{4z^{45}} + \frac{1}{24z^{47}} + \frac{1}{4z^{49}} + \frac{1}{24z^{51}} + \frac{1}{4z^{55}} + \frac{1}{24z^{57}} + \frac{1}{4z^{61}} + \frac{1}{24z^{63}} + \frac{1}{4z^{67}} + \frac{1}{24z^{69}} + \frac{1}{4z^{73}} + \frac{1}{24z^{75}} + \frac{1}{4z^{79}} + \frac{1}{24z^{81}} + \frac{1}{4z^{85}} + \frac{1}{24z^{87}} + \frac{1}{4z^{91}} + \frac{1}{24z^{93}} + \frac{1}{4z^{97}} + \frac{1}{24z^{99}} + \frac{1}{4z^{103}} + \frac{1}{24z^{105}} + \frac{1}{4z^{109}} + \frac{1}{24z^{111}} + \frac{1}{4z^{115}} + \frac{1}{24z^{117}} + \frac{1}{4z^{121}} + \frac{1}{24z^{123}} + \frac{1}{4z^{127}} + \frac{1}{24z^{129}} + \frac{1}{4z^{133}} + \frac{1}{24z^{135}} + \frac{1}{4z^{139}} + \frac{1}{24z^{141}} + \frac{1}{4z^{145}} + \frac{1}{24z^{147}} + \frac{1}{4z^{151}} + \frac{1}{24z^{153}} + \frac{1}{4z^{157}} + \frac{1}{24z^{159}} + \frac{1}{4z^{163}} + \frac{1}{24z^{165}} + \frac{1}{4z^{169}} + \frac{1}{24z^{171}} + \frac{1}{4z^{175}} + \frac{1}{24z^{177}} + \frac{1}{4z^{181}} + \frac{1}{24z^{183}} + \frac{1}{4z^{187}} + \frac{1}{24z^{189}} + \frac{1}{4z^{193}} + \frac{1}{24z^{195}} + \frac{1}{4z^{199}} + \frac{1}{24z^{201}} + \frac{1}{4z^{205}} + \frac{1}{24z^{207}} + \frac{1}{4z^{211}} + \frac{1}{24z^{213}} + \frac{1}{4z^{217}} + \frac{1}{24z^{219}} + \frac{1}{4z^{223}} + \frac{1}{24z^{225}} + \frac{1}{4z^{229}} + \frac{1}{24z^{231}} + \frac{1}{4z^{235}} + \frac{1}{24z^{237}} + \frac{1}{4z^{241}} + \frac{1}{24z^{243}} + \frac{1}{4z^{247}} + \frac{1}{24z^{249}} + \frac{1}{4z^{253}} + \frac{1}{24z^{255}} + \frac{1}{4z^{259}} + \frac{1}{24z^{261}} + \frac{1}{4z^{265}} + \frac{1}{24z^{267}} + \frac{1}{4z^{271}} + \frac{1}{24z^{273}} + \frac{1}{4z^{277}} + \frac{1}{24z^{279}} + \frac{1}{4z^{283}} + \frac{1}{24z^{285}} + \frac{1}{4z^{289}} + \frac{1}{24z^{291}} + \frac{1}{4z^{295}} + \frac{1}{24z^{297}} + \frac{1}{4z^{301}} + \frac{1}{24z^{303}} + \frac{1}{4z^{307}} + \frac{1}{24z^{309}} + \frac{1}{4z^{313}} + \frac{1}{24z^{315}} + \frac{1}{4z^{319}} + \frac{1}{24z^{321}} + \frac{1}{4z^{325}} + \frac{1}{24z^{327}} + \frac{1}{4z^{331}} + \frac{1}{24z^{333}} + \frac{1}{4z^{337}} + \frac{1}{24z^{339}} + \frac{1}{4z^{343}} + \frac{1}{24z^{345}} + \frac{1}{4z^{349}} + \frac{1}{24z^{351}} + \frac{1}{4z^{355}} + \frac{1}{24z^{357}} + \frac{1}{4z^{361}} + \frac{1}{24z^{363}} + \frac{1}{4z^{367}} + \frac{1}{24z^{369}} + \frac{1}{4z^{373}} + \frac{1}{24z^{375}} + \frac{1}{4z^{379}} + \frac{1}{24z^{381}} + \frac{1}{4z^{385}} + \frac{1}{24z^{387}} + \frac{1}{4z^{391}} + \frac{1}{24z^{393}} + \frac{1}{4z^{397}} + \frac{1}{24z^{399}} + \frac{1}{4z^{403}} + \frac{1}{24z^{405}} + \frac{1}{4z^{409}} + \frac{1}{24z^{411}} + \frac{1}{4z^{415}} + \frac{1}{24z^{417}} + \frac{1}{4z^{421}} + \frac{1}{24z^{423}} + \frac{1}{4z^{427}} + \frac{1}{24z^{429}} + \frac{1}{4z^{433}} + \frac{1}{24z^{435}} + \frac{1}{4z^{439}} + \frac{1}{24z^{441}} + \frac{1}{4z^{445}} + \frac{1}{24z^{447}} + \frac{1}{4z^{451}} + \frac{1}{24z^{453}} + \frac{1}{4z^{457}} + \frac{1}{24z^{459}} + \frac{1}{4z^{463}} + \frac{1}{24z^{465}} + \frac{1}{4z^{469}} + \frac{1}{24z^{471}} + \frac{1}{4z^{475}} + \frac{1}{24z^{477}} + \frac{1}{4z^{481}} + \frac{1}{24z^{483}} + \frac{1}{4z^{487}} + \frac{1}{24z^{489}} + \frac{1}{4z^{493}} + \frac{1}{24z^{495}} + \frac{1}{4z^{499}} + \frac{1}{24z^{501}} + \frac{1}{4z^{505}} + \frac{1}{24z^{507}} + \frac{1}{4z^{511}} + \frac{1}{24z^{513}} + \frac{1}{4z^{517}} + \frac{1}{24z^{519}} + \frac{1}{4z^{523}} + \frac{1}{24z^{525}} + \frac{1}{4z^{529}} + \frac{1}{24z^{531}} + \frac{1}{4z^{535}} + \frac{1}{24z^{537}} + \frac{1}{4z^{541}} + \frac{1}{24z^{543}} + \frac{1}{4z^{547}} + \frac{1}{24z^{549}} + \frac{1}{4z^{553}} + \frac{1}{24z^{555}} + \frac{1}{4z^{559}} + \frac{1}{24z^{561}} + \frac{1}{4z^{565}} + \frac{1}{24z^{567}} + \frac{1}{4z^{571}} + \frac{1}{24z^{573}} + \frac{1}{4z^{577}} + \frac{1}{24z^{579}} + \frac{1}{4z^{583}} + \frac{1}{24z^{585}} + \frac{1}{4z^{589}} + \frac{1}{24z^{591}} + \frac{1}{4z^{595}} + \frac{1}{24z^{597}} + \frac{1}{4z^{601}} + \frac{1}{24z^{603}} + \frac{1}{4z^{607}} + \frac{1}{24z^{609}} + \frac{1}{4z^{613}} + \frac{1}{24z^{615}} + \frac{1}{4z^{619}} + \frac{1}{24z^{621}} + \frac{1}{4z^{625}} + \frac{1}{24z^{627}} + \frac{1}{4z^{631}} + \frac{1}{24z^{633}} + \frac{1}{4z^{637}} + \frac{1}{24z^{639}} + \frac{1}{4z^{643}} + \frac{1}{24z^{645}} + \frac{1}{4z^{649}} + \frac{1}{24z^{651}} + \frac{1}{4z^{655}} + \frac{1}{24z^{657}} + \frac{1}{4z^{661}} + \frac{1}{24z^{663}} + \frac{1}{4z^{667}} + \frac{1}{24z^{669}} + \frac{1}{4z^{673}} + \frac{1}{24z^{675}} + \frac{1}{4z^{679}} + \frac{1}{24z^{681}} + \frac{1}{4z^{685}} + \frac{1}{24z^{687}} + \frac{1}{4z^{691}} + \frac{1}{24z^{693}} + \frac{1}{4z^{697}} + \frac{1}{24z^{699}} + \frac{1}{4z^{703}} + \frac{1}{24z^{705}} + \frac{1}{4z^{709}} + \frac{1}{24z^{711}} + \frac{1}{4z^{715}} + \frac{1}{24z^{717}} + \frac{1}{4z^{721}} + \frac{1}{24z^{723}} + \frac{1}{4z^{727}} + \frac{1}{24z^{729}} + \frac{1}{4z^{733}} + \frac{1}{24z^{735}} + \frac{1}{4z^{739}} + \frac{1}{24z^{741}} + \frac{1}{4z^{745}} + \frac{1}{24z^{747}} + \frac{1}{4z^{751}} + \frac{1}{24z^{753}} + \frac{1}{4z^{757}} + \frac{1}{24z^{759}} + \frac{1}{4z^{763}} + \frac{1}{24z^{765}} + \frac{1}{4z^{769}} + \frac{1}{24z^{771}} + \frac{1}{4z^{775}} + \frac{1}{24z^{777}} + \frac{1}{4z^{781}} + \frac{1}{24z^{783}} + \frac{1}{4z^{787}} + \frac{1}{24z^{789}} + \frac{1}{4z^{793}} + \frac{1}{24z^{795}} + \frac{1}{4z^{799}} + \frac{1}{24z^{801}} + \frac{1}{4z^{805}} + \frac{1}{24z^{807}} + \frac{1}{4z^{811}} + \frac{1}{24z^{813}} + \frac{1}{4z^{817}} + \frac{1}{24z^{819}} + \frac{1}{4z^{823}} + \frac{1}{24z^{825}} + \frac{1}{4z^{829}} + \frac{1}{24z^{831}} + \frac{1}{4z^{835}} + \frac{1}{24z^{837}} + \frac{1}{4z^{841}} + \frac{1}{24z^{843}} + \frac{1}{4z^{847}} + \frac{1}{24z^{849}} + \frac{1}{4z^{853}} + \frac{1}{24z^{855}} + \frac{1}{4z^{859}} + \frac{1}{24z^{861}} + \frac{1}{4z^{865}} + \frac{1}{24z^{867}} + \frac{1}{4z^{871}} + \frac{1}{24z^{873}} + \frac{1}{4z^{877}} + \frac{1}{24z^{879}} + \frac{1}{4z^{883}} + \frac{1}{24z^{885}} + \frac{1}{4z^{889}} + \frac{1}{24z^{891}} + \frac{1}{4z^{895}} + \frac{1}{24z^{897}} + \frac{1}{4z^{901}} + \frac{1}{24z^{903}} + \frac{1}{4z^{907}} + \frac{1}{24z^{909}} + \frac{1}{4z^{913}} + \frac{1}{24z^{915}} + \frac{1}{4z^{919}} + \frac{1}{24z^{921}} + \frac{1}{4z^{925}} + \frac{1}{24z^{927}} + \frac{1}{4z^{931}} + \frac{1}{24z^{933}} + \frac{1}{4z^{937}} + \frac{1}{24z^{939}} + \frac{1}{4z^{943}} + \frac{1}{24z^{945}} + \frac{1}{4z^{949}} + \frac{1}{24z^{951}} + \frac{1}{4z^{955}} + \frac{1}{24z^{957}} + \frac{1}{4z^{961}} + \frac{1}{24z^{963}} + \frac{1}{4z^{967}} + \frac{1}{24z^{969}} + \frac{1}{4z^{973}} + \frac{1}{24z^{975}} + \frac{1}{4z^{979}} + \frac{1}{24z^{981}} + \frac{1}{4z^{985}} + \frac{1}{24z^{987}} + \frac{1}{4z^{991}} + \frac{1}{24z^{993}} + \frac{1}{4z^{997}} + \frac{1}{24z^{999}} + \frac{1}{4z^{1003}} + \frac{1}{24z^{1005}} + \frac{1}{4z^{1009}} + \frac{1}{24z^{1011}} + \frac{1}{4z^{1015}} + \frac{1}{24z^{1017}} + \frac{1}{4z^{1021}} + \frac{1}{24z^{1023}} + \frac{1}{4z^{1027}} + \frac{1}{24z^{1029}} + \frac{1}{4z^{1033}} + \frac{1}{24z^{1035}} + \frac{1}{4z^{1039}} + \frac{1}{24z^{1041}} + \frac{1}{4z^{1045}} + \frac{1}{24z^{1047}} + \frac{1}{4z^{1051}} + \frac{1}{24z^{1053}} + \frac{1}{4z^{1057}} + \frac{1}{24z^{1059}} + \frac{1}{4z^{1063}} + \frac{1}{24z^{1065}} + \frac{1}{4z^{1069}} + \frac{1}{24z^{1071}} + \frac{1}{4z^{1075}} + \frac{1}{24z^{1077}} + \frac{1}{4z^{1081}} + \frac{1}{24z^{1083}} + \frac{1}{4z^{1087}} + \frac{1}{24z^{1089}} + \frac{1}{4z^{1093}} + \frac{1}{24z^{1095}} + \frac{1}{4z^{1099}} + \frac{1}{24z^{1101}} + \frac{1}{4z^{1105}} + \frac{1}{24z^{1107}} + \frac{1}{4z^{1111}} + \frac{1}{24z^{1113}} + \frac{1}{4z^{1117}} + \frac{1}{24z^{1119}} + \frac{1}{4z^{1123}} + \frac{1}{24z^{1125}} + \frac{1}{4z^{1129}} + \frac{1}{24z^{1131}} + \frac{1}{4z^{1135}} + \frac{1}{24z^{1137}} + \frac{1}{4z^{1141}} + \frac{1}{24z^{1143}} + \frac{1}{4z^{1147}} + \frac{1}{24z^{1149}} + \frac{1}{4z^{1153}} + \frac{1}{24z^{1155}} + \frac{1}{4z^{1159}} + \frac{1}{24z^{1161}} + \frac{1}{4z^{1165}} + \frac{1}{24z^{1167}} + \frac{1}{4z^{1171}} + \frac{1}{24z^{1173}} + \frac{1}{4z^{1177}} + \frac{1}{24z^{1179}} + \frac{1}{4z^{1183}} + \frac{1}{24z^{1185}} + \frac{1}{4z^{1189}} + \frac{1}{24z^{1191}} + \frac{1}{4z^{1195}} + \frac{1}{24z^{1197}} + \frac{1}{4z^{1201}} + \frac{1}{24z^{1203}} + \frac{1}{4z^{1207}} + \frac{1}{24z^{1209}} + \frac{1}{4z^{1213}} + \frac{1}{24z^{1215}} + \frac{1}{4z^{1219}} + \frac{1}{24z^{1221}} + \frac{1}{4z^{1225}} + \frac{1}{24z^{1227}} + \frac{1}{4z^{1231}} + \frac{1}{24z^{1233}} + \frac{1}{4z^{1237}} + \frac{1}{24z^{1239}} + \frac{1}{4z^{1243}} + \frac{1}{24z^{1245}} + \frac{1}{4z^{1249}} + \frac{1}{24z^{1251}} + \frac{1}{4z^{1255}} + \frac{1}{24z^{1257}} + \frac{1}{4z^{1261}} + \frac{1}{24z^{1263}} + \frac{1}{4z^{1267}} + \frac{1}{24z^{1269}} + \frac{1}{4z^{1273}} + \frac{1}{24z^{1275}} + \frac{1}{4z^{1279}} + \frac{1}{24z^{1281}} + \frac{1}{4z^{1285}} + \frac{1}{24z^{1287}} + \frac{1}{4z^{1291}} + \frac{1}{24z^{1293}} + \frac{1}{4z^{1297}} + \frac{1}{24z^{1299}} + \frac{1}{4z^{1303}} + \frac{1}{24z^{1305}} + \frac{1}{4z^{1309}} + \frac{1}{24z^{1311}} + \frac{1}{4z^{1315}} + \frac{1}{24z^{1317}} + \frac{1}{4z^{1321}} + \frac{1}{24z^{1323}} + \frac{1}{4z^{1327}} + \frac{1}{24z^{1329}} + \frac{1}{4z^{1333}} + \frac{1}{24z^{1335}} + \frac{1}{4z^{1339}} + \frac{1}{24z^{1341}} + \frac{1}{4z^{1345}} + \frac{1}{24z^{1347}} + \frac{1}{4z^{1351}} + \frac{1}{24z^{1353}} + \frac{1}{4z^{1357}} + \frac{1}{24z^{1359}} + \frac{1}{4z^{1363}} + \frac{1}{24z^{1365}} + \frac{1}{4z^{1369}} + \frac{1}{24z^{1371}} + \frac{1}{4z^{1375}} + \frac{1}{24z^{1377}} + \frac{1}{4z^{1381}} + \frac{1}{24z^{1383}} + \frac{1}{4z^{1387}} + \frac{1}{24z^{1389}} + \frac{1}{4z^{1393}} + \frac{1}{24z^{1395}} + \frac{1}{4z^{1399}} + \frac{1}{24z^{1401}} + \frac{1}{4z^{1405}} + \frac{1}{24z^{1407}} + \frac{1}{4z^{1411}} + \frac{1}{24z^{1413}} + \frac{1}{4z^{1417}} + \frac{1}{24z^{1419}} + \frac{1}{4z^{1423}} + \frac{1}{24z^{1425}} + \frac{1}{4z^{1429}} + \frac{1}{24z^{1431}} + \frac{1}{4z^{1435}} + \frac{1}{24z^{1437}} + \frac{1}{4z^{1441}} + \frac{1}{24z^{1443}} + \frac{1}{4z^{1447}} + \frac{1}{24z^{1449}} + \frac{1}{4z^{1453}} + \frac{1}{24z^{1455}} + \frac{1}{4z^{1459}} + \frac{1}{24z^{1461}} + \frac{1}{4z^{1465}} + \frac{1}{24z^{1467}} + \frac{1}{4z^{1471}} + \frac{1}{24z^{1473}} + \frac{1}{4z^{1477}} + \frac{1}{24z^{1479}} + \frac{1}{4z^{1483}} + \frac{1}{24z^{1485}} + \frac{1}{4z^{1489}} + \frac{1}{24z^{1491}} + \frac{1}{4z^{1495}} + \frac{1}{24z^{1497}} + \frac{1}{4z^{1501}} + \frac{1}{24z^{1503}} + \frac{1}{4z^{1507}} + \frac{1}{24z^{1509}} + \frac{1}{4z^{1513}} + \frac{1}{24z^{1515}} + \frac{1}{4z^{1519}} + \frac{1}{24z^{1521}} + \frac{1}{4z^{1525}} + \frac{1}{24z^{1527}} + \frac{1}{4z^{1531}} + \frac{1}{24z^{1533}} + \frac{1}{4z^{1537}} + \frac{1}{24z^{1539}} + \frac{1}{4z^{1543}} + \frac{1}{24z^{1545}} + \frac{1}{4z^{1549}} + \frac{1}{24z^{1551}} + \frac{1}{4z^{1555}} + \frac{1}{24z^{1557}} + \frac{1}{4z^{1561}} + \frac{1}{24z^{1563}} + \frac{1}{4z^{1567}} + \frac{1}{24z^{1569}} + \frac{1}{4z^{1573}} + \frac{1}{24z^{1575}} + \frac{1}{4z^{1579}} + \frac{1}{24z^{1581}} + \frac{1}{4z^{1585}} + \frac{1}{24z^{1587}} + \frac{1}{4z^{1591}} + \frac{1}{24z^{1593}} + \frac{1}{4z^{1597}} + \frac{1}{24z^{1599}} + \frac{1}{4z^{1603}} + \frac{1}{24z^{1605}} + \frac{1}{4z^{1609}} + \frac{1}{24z^{1611}} + \frac{1}{4z^{1615}} + \frac{1}{24z^{1617}} + \frac{1}{4z^{1621}} + \frac{1}{24z^{1623}} + \frac{1}{4z^{1627}} + \frac{1}{24z^{1629}} + \frac{1}{4z^{1633}} + \frac{1}{24z^{1635}} + \frac{1}{4z^{1639}} + \frac{1}{24z^{1641}} + \frac{1}{4z^{1645}} + \frac{1}{24z^{1647}} + \frac{1}{4z^{1651}} + \frac{1}{24z^{1653}} + \frac{1}{4z^{1657}} + \frac{1}{24z^{1659}} + \frac{1}{4z^{1663}} + \frac{1}{24z^{1665}} + \frac{1}{4z^{1669}} + \frac{1}{24z^{1671}} + \frac{1}{4z^{1675}} + \frac{1}{24z^{1677}} + \frac{1}{4z^{1681}} + \frac{1}{24z^{1683}} + \frac{1}{4z^{1687}} + \frac{1}{24z^{1689}} + \frac{1}{4z^{1693}} + \frac{1}{24z^{1695}} + \frac{1}{4z^{1699}} + \frac{1}{24z^{1701}} + \frac{1}{4z^{1705}} + \frac{1}{24z^{1707}} + \frac{1}{4z^{1711}} + \frac{1}{24z^{1713}} + \frac{1}{4z^{1717}} + \frac{1}{24z^{1719}} + \frac{1}{4z^{1723}} + \frac{1}{24z^{1725}} + \frac{1}{4z^{1729}} + \frac{1}{24z^{1731}} + \frac{1}{4z^{1735}} + \frac{1}{24z^{1737}} + \frac{1}{4z^{1741}} + \frac{1}{24z^{1743}} + \frac{1}{4z^{1747}} + \frac{1}{24z^{1749}} + \frac{1}{4z^{1753}} + \frac{1}{24z^{1755}} + \frac{1}{4z^{1759}} + \frac{1}{24z^{1761}} + \frac{1}{4z^{1765}} + \frac{1}{24z^{1767}} + \frac{1}{4z^{1771}} + \frac{1}{24z^{1773}} + \frac{1}{4z^{1777}} + \frac{1}{24z^{1779}} + \frac{1}{4z^{1783}} + \frac{1}{24z^{1785}} + \frac{1}{4z^{1789}} + \frac{1}{24z^{1791}} + \frac{1}{4z^{1795}} + \frac{1}{24z^{1797}} + \frac{1}{4z^{1801}} + \frac{1}{24z^{1803}} + \frac{1}{4z^{1807}} + \frac{1}{24z^{1809}} + \frac{1}{4z^{1813}} + \frac{1}{24z^{1815}} + \frac{1}{4z^{1819}} + \frac{1}{24z^{1821}} + \frac{1}{4z^{1825}} + \frac{1}{24z^{1827}} + \frac{1}{4z^{1831}} + \frac{1}{24z^{1833}} + \frac{1}{4z^{1837}} + \frac{1}{24z^{1839}} + \frac{1}{4z^{1843}} + \frac{1}{24z^{1845}} + \frac{1}{4z^{1849}} + \frac{1}{24z^{1851}} + \frac{1}{4z^{1855}} + \frac{1}{24z^{1857}} + \frac{1}{4z^{1861}} + \frac{1}{24z^{1863}} + \frac{1}{4z^{1867}} + \frac{1}{24z^{1869}} + \frac{1}{4z^{1873}} + \frac{1}{24z^{1875}} + \frac{1}{4z^{1879}} + \frac{1}{24z^{1881}} + \frac{1}{4z^{1885}} + \frac{1}{24z^{1887}} + \frac{1}{4z^{1891}} + \frac{1}{24z^{1893}} + \frac{1}{4z^{1897}} + \frac{1}{24z^{1899}} + \frac{1}{4z^{1903}} + \frac{1}{24z^{1905}} + \frac{1}{4z^{1909}} + \frac{1}{24z^{1911}} + \frac{1}{4z^{1915}} + \frac{1}{24z^{1917}} + \frac{1}{4z^{1921}} + \frac{1}{24z^{1923}} + \frac{1}{4z^{1927}} + \frac{1}{24z^{1929}} + \frac{1}{4z^{1933}} + \frac{1}{24z^{1935}} + \frac{1}{4z^{1939}} + \frac{1}{24z^{1941}} + \frac{1}{4z^{1945}} + \frac{1}{24z^{1947}} + \frac{1}{4z^{1951}} + \frac{1}{24z^{1953}} + \frac{1}{4z^{1957}} + \frac{1}{24z^{1959}} + \frac{1}{4z^{1963}} + \frac{1}{24z^{1965}} + \frac{1}{4z^{1969}} + \frac{1}{24z^{1971}} + \frac{1}{4z^{1975}} + \frac{1}{24z^{1977}} + \frac{1}{4z^{1981}} + \frac{1}{24z^{1983}} + \frac{1}{4z^{1987}} + \frac{1}{24z^{1989}} + \frac{1}{4z^{1993}} + \frac{1}{24z^{1995}} + \frac{1}{4z^{1999}} + \frac{1}{24z^{2001}} + \frac{1}{4z^{2005}} + \frac{1}{24z^{2007}} + \frac{1}{4z^{2011}} + \frac{1}{24z^{2013}} + \frac{1}{4z^{2017}} + \frac{1}{24z^{2019}} + \frac{1}{4z^{2023}} + \frac{1}{24z^{2025}} + \frac{1}{4z^{2029}} + \frac{1}{24z^{2031}} + \frac{1}{4z^{2035}} + \frac{1}{24z^{2037}} + \frac{1}{4z^{2041}} + \frac{1}{24z^{2043}} + \frac{1}{4z^{2047}} + \frac{1}{24z^{2049}} + \frac{1}{4z^{2053}} + \frac{1}{24z^{2055}} + \frac{1}{4z^{2059}} + \frac{1}{24z^{2061}} + \frac{1}{4z^{2065}} + \frac{1}{24z^{2067}} + \frac{1}{4z^{2071}} + \frac{1}{24z^{2073}} + \frac{1}{4z^{2077}} + \frac{1}{24z^{2079}} + \frac{1}{4z^{2083}} + \frac{1}{24z^{2085}} + \frac{1}{4z^{2089}} + \frac{1}{24z^{2091}} + \frac{1}{4z^{2095}} + \frac{1}{24z^{2097}} + \frac{1}{4z^{2101}} + \frac{1}{24z^{2103}} + \frac{1}{4z^{2107}} + \frac{1}{24z^{2109}} + \frac{1}{4z^{2113}} + \frac{1}{24z^{2115}} + \frac{1}{4z^{2119}} + \frac{1}{24z^{2121}} + \frac{1}{4z^{2125}} + \frac{1}{24z^{2127}} + \frac{1}{4z^{2131}} + \frac{1}{24z^{2133}} + \frac{1}{4z^{2137}} + \frac{1}{24z^{2139}} + \frac{1}{4z^{2143}} + \frac{1}{24z^{2145}} + \frac{1}{4z^{2149}} + \frac{1}{24z^{2151}} + \frac{1}{4z^{2155}} + \frac{1}{24z^{2157}} + \frac{1}{4z^{2161}} + \frac{1}{24z^{2163}} + \frac{1}{4z^{2167}} + \frac{1}{24z^{2169}} + \frac{1}{4z^{2173}} + \frac{1}{24z^{2175}} + \frac{1}{4z^{2179}} + \frac{1}{24z^{2181}} + \frac{1}{4z^{2185}} + \frac{1}{24z^{2187}} + \frac{1}{4z^{2191}} + \frac{1}{24z^{2193}} + \frac{1}{4z^{2197}} + \frac{1}{24z^{2199}} + \frac{1}{4z^{2203}} + \frac{1}{24z^{2205}} + \frac{1}{4z^{2209}} + \frac{1}{24z^{2211}} + \frac{1}{4z^{2215}} + \frac{1}{24z^{2217}} + \frac{1}{4z^{2221}} + \frac{1}{24z^{2223}} + \frac{1}{4z^{2227}} + \frac{1}{24z^{2229}} + \frac{1}{4z^{2233}} + \frac{1}{24z^{2235}} + \frac{1}{4z^{2239}} + \frac{1}{24z^{2241}} + \frac{1}{4z^{2245}} + \frac{1}{24z^{2247}} + \frac{1}{4z^{2251}} + \frac{1}{24z^{2253}} + \frac{1}{4z^{2257}} + \frac{1}{24z^{2259}} + \frac{1}{4z^{2263}} + \frac{1}{24z^{2265}} + \frac{1}{4z^{2269}} + \frac{1}{24z^{2271}} + \frac{1}{4z^{2275}} + \frac{1}{24z^{2277}} + \frac{1}{4z^{2281}} + \frac{1}{24z^{2283}} + \frac{1}{4z^{2287}} + \frac{1}{24z^{2289}} + \frac{1}{4z^{2293}} + \frac{1}{24z^{2295}} + \frac{1}{4z^{2299}} + \frac{1}{24z^{2301}} + \frac{1}{4z^{2305}} + \frac{1}{24z^{2307}} + \frac{1}{4z^{2311}} + \frac{1}{24z^{2313}} + \frac{1}{4z^{2317}} + \frac{1}{24z^{2319}} + \frac{1}{4z^{2323}} + \frac{1}{24z^{2325}} + \frac{1}{4z^{2329}} + \frac{1}{24z^{2331}} + \frac{1}{4z^{2335}} + \frac{1}{24z^{2337}} + \frac{1}{4z^{2341}} + \frac{1}{24z^{2343}} + \frac{1}{4z^{2347}} + \frac{1}{24z^{2349}} + \frac{1}{4z^{2353}} + \frac{1}{24z^{2355}} + \frac{1}{4z^{2359}} + \frac{1}{24z^{2361}} + \frac{1}{4z^{2365}} + \frac{1}{24z^{2367}} + \frac{1}{4z^{2371}} + \frac{1}{24z^{2373}} + \frac{1}{4z^{2377}} + \frac{1}{24z^{2379}} + \frac{1}{4z^{2383}} + \frac{1}{24z^{2385}} + \frac{1}{4z^{2389}} + \frac{1}{24z^{2391}} + \frac{1}{4z^{2395}} + \frac{1}{24z^{2397}} + \frac{1}{4z^{2401}} + \frac{1}{24z^{2403}} + \frac{1}{4z^{2407}} + \frac{1}{24z^{2409}} + \frac{1}{4z^{2413}} + \frac{1}{24z^{2415}} + \frac{1}{4z^{2419}} + \frac{1}{24z^{2421}} + \frac{1}{4z^{2425}} + \frac{1}{24z^{2427}}$



mo Rationis quam habet Geometricus medius inter numeros $z-1$ & $z+1$ ad Arithmeticum medium scil. numerum z .

Si Numerus superat 1000, Primus seriei terminus — suffi-
cit ad producendum logarithmum ad tredecim vel quatuorde-

cim notarum loca, secundus terminus dabit logarithmi loca viginti. At si z major sit quam 10000, primus terminus Logarithmum exhibet ad octodecim figurarum loca, & hinc ejus usus optimus erit, in supplendis logarithmis Chiliadum à *Briggio* prætermis-
sis; Hujus rei capiamus exemplum, sit inveniendus logarithmus numeri 20001. Logarithmus numeri 20000 idem est ac logarithmus binarii præfixo Indice 4. & differentia Logarithmorum 20000 & 20002, idem est ac differentia Logarithmorum pro numeris 10000 & 10001, scil. 0, 00004.34272.7687. Hæc differentia si per 4. z seu 80004

dividatur Quotiens — erit ———— 0, 00000 00005 42813
4. 30105 17093 02416

Huic quoto addatur log. numeri Geometrici medii, summa erit Logarithmus numeri 20001. Hinc patet, ut habeatur logarithmus ad quatuordecim loca non opus esse producere quotum ultra sex loca. At si logarithmus ad decem tantum figurarum loca habere velis, ut a *Vlacquo* in suis Tabulis factum est, duæ primæ quotientis notæ sufficiunt. Et si hac methodo computentur Logarithmi pro numeris supra 20000; labor omnis vix pluris erit, quam qui in exscribendis numeris impenditur. Hæc Series ex iis quæ ab *Halleio* inventæ sunt, facile sequitur, qui autem plura de iis scire cupit, Præfatum Tractatum adeat & discat.

F I N I S.

DE

VIRIBUS
CENTRALIBUS.

CENTRALIBUS
VIRIDUS

J O H A N N I S K E I L L I

E X

ÆDE CHRISTI OXONIENSIS, A. M. EPISTOLA

A D

Clarissimum Virum

EDMUNDUM HALLEJUM,

Geometriæ Professore Savilianum.

D E

LEGIBUS VIRIUM CENTRIPETARUM.

Haud oblitus es, uti arbitror, Vir Clarissime, te, cum nuper esses Oxonii, Theorema, quo lex vis centripetæ, *Quantitatibus finitis* exhiberi possit, mecum communicasse: quod Theorema tibi monstravit egregius Mathematicus D. *Abrahamus de Moivre*, dixitque Dominum Isaacum Newtonum, Theorema, huic simile, prius invenisse. Cum autem ejus demonstratio perfacilis sit, eam, itemque alia de eadem re cogitata, non possum tibi non impertire. Etsi minime dubitem, quin, si idem argumentum pertractare libuisset, tu acerrimo quo polles ingenii acumine, rem omnem penitus exhaustire potuisses.

T H E O R E M A.

Si corpus urgente vi centripeta in curva aliqua moveatur; erit vis illa in quovis curvæ puncto, in ratione composita ex directâ ratione distantiae corporis à centro virium, & reciproca ratione cubi perpendicularis à centro in rectam in eodem puncto curvam tangentem demissæ, ducti in radium curvaturæ, quem ibi obtinet curva.

Sit QAO curva quælibet á mobili urgente vi centripeta ad punctum S tendente descripta. Sitque AO arcus in mī-
TAB 47.
fig. 1.

E e e e

nimo

nimo quovis tempore percursus, Pm ejus tangens, AR radius circuli æquicurvi, hoc est cujus peripheriæ pars minima cum arcu AO coincidat. Et fit SP recta à puncto S in tangentem perpendiculariter demissa; ducantur Om ad SA & On ad SP parallelæ. Et exponat Om vim qua mobile in A urgetur versus S . Vis qua perpendiculariter à tangente recedit corpus, erit ut On , id est vis tendens versus R & faciens ut mobile, eadem qua prius velocitate latum, describet circulum æquicurvum arcui AO erit ad vim tendentem versus S , qua corpus in curva AO movetur, ut On ad Om , vel ob æquiangula triangula ut SP ad SA . Sed corporum in circulis latorum vires centripetæ sunt ut quadrata velocitatum applicata ad radios; per Corol. Theorem. 4. *Princip. Newtoni.*

Est vero velocitas reciproce ut SP , five directe ut $\frac{I}{SP}$, adeoque quadratum velocitatis erit ut $\frac{I}{SP^2}$: vis igitur ut On five vis qua in circulo æquicurvo moveri potest corpus, erit ut $\frac{I}{SP^2 \propto AR}$: Oñsum autem est, esse SP ad SA ut vis tendens versus R , qua corpus in circulo æquicurvo moveri potest, ad vim tendentem versus S : sed est vis tendens versus R ut $\frac{I}{SP^2 \propto AR}$, adeoque cum sit $SP:SA::\frac{I}{SP^2 \propto AR}$: $\frac{SA}{SP^3 \propto AR}$ erit vis tendens versus S , ut $\frac{SA}{SP^3 \propto AR}$. Q. E. D.

TAB. 47.
fig. 2.

Cor. Si curva QAO sit circuli s , erit vis centripeta tendens versus S , ut $\frac{SA}{SP^3}$. Adeoque si vis centripeta tendat ad

S pun-

S punctum in circumferentia situm, erit (per 32 tertii) angulus $PAS = \text{ang. } AQS$; adeoque ob similia triangula ASP .

$$ASQ, \text{ erit } AQ : AS :: AS : SP : \text{ unde } SP = \frac{AS^2}{AQ} \&$$

$$SP^3 = \frac{AS^6}{AQ^3} \text{ unde } \frac{SA}{SP^3} = \frac{SA \times AQ^3}{AS^6} = \frac{AQ^3}{AS^3}, \text{ hoc est, ob}$$

datum AQ , erit vis reciproce ut AS^3 .

Sit DAB , Ellipsis, cujus Axis DB , foci F & S , AR , TAB 47.

OR duæ perpendiculares in curvam sibi proximæ: ducantur fig. 3.

KL , OT , in SA , & KM in OR perpendiculares. Quia

$SA : SK :: *FA + SA : FS$, hoc est data ratione, erunt re- * Prop. 3.

ctarum SA , SK Fluxiones AT , K ipsis SA , SK pro- Elem. 62

portionales; & est $AL = * \frac{1}{2}$ lateris recti $= \frac{1}{2}L$. Porro ob * Prop. 6.

KA ad SP parallelam, est angulus $ASP = KAL = TOA$ partis 41

ob ang. TAO utriusque complementum ad rectum: quare Sect. Con. Milnii.

$$KA : AL :: SA : SP, \text{ unde } SP = \frac{L \times SA}{2 KA} \& KA = \frac{L \times SA}{2 SP}$$

Porro ob æquiangula triangul. KMk , GPS & OTA , SPA .

$$\text{Est } KM : Kk :: GP : GS :: AP : SK$$

$$\text{Item } Kk : AT :: SK : SA$$

$$\text{Item } AT : AO :: AP : SA$$

$$\text{Erit } KM : AO :: AP^2 : SA^2 :: SA^2 - SP^2 : SA^2 :: SA^2 - L^2 \times SA^2$$

$$: SA^2 :: 4 AK^2 - L^2 : 4 AK^2, \text{ unde } L^2 : 4 AK^2 ::$$

$$4 AK^2$$

$$(AO - KM : AO ::) AK : AR \text{ ac proinde } AR = \frac{4 AK^2}{L^2}$$

Eodem prorsus ratiocinio invenietur radius curvaturæ in Hy-

$$\text{perbola æqualis } \frac{4 AK^3}{L^2} = \frac{L \times SA^3}{2 SP^3}$$

TAB 47.
fig. 4

In parabola vero facilius est calculus. Nam ob datam sub-
normalem, est Kk semper $\perp AT$ Fluxioni Axis; & trian-
gula KkM , ATO , SPA , AKL , æquiangula, unde KM :
 $Kk::AP, SA$, item est AT vel $Kk:AO::AP:SA$, un-
de $KM:AO::AP^2:SA^2::SA^2-SP^2:SA^2::$ unde erit
 $SP^2:SA^2::AO-KM:AO::AK:AR$, ac proinde

$$AR = \frac{SA^2}{SP^2} \times AK; \text{ sed est } AL = \frac{1}{2} \text{ lateris Recti } = \frac{1}{2} L, \text{ \&}$$

$$AK:AL::SA:SP, \text{ quare erit } \frac{L \times SA}{2 \times AK} = SP, \text{ \& } SP^2$$

$$= \frac{L^2 \times SA^2}{4 \times AK^2}, \text{ quare erit } AR = \frac{L^2}{4 \times AK^2}; \text{ vel quoniam est,}$$

$$AK = \frac{L \times SA}{2 \times SP}, \text{ erit } AR = \frac{L \times SA^3}{2 \times SP^3}.$$

TAB 47.
fig. 5.

Atque ex his facillima oritur constructio, pro determinan-
do Radio curvaturæ in quavis sectione Conica. Sit enim AK
perpendicularis in sectionem occurrens axi in K , ex K su-
per AK , erigatur perpendicularis HK , cum AS producta
concurrrens in H . Ex H erigatur super AH , perpendicula-
ris HR , erit AR radius curvaturæ.

In parabola paulo simplicior adhuc evadit constructio. Nam
quoniam ex natura parabolæ est $SA \perp SK$, & Angulus AKH
rectus, erit S centrum circuli per AKH transeuntis, unde
invenitur radius curvaturæ producendo SA in H , ut $SH \perp$
 SA , & in H erigendo perpendicularem HR ; & R erit
centrum circuli osculantis parabolam in A .

TAB 47.
fig. 3.

Vis centripeta tendens ad focum sectionis Conicæ, in qua
corpus movetur, est reciproce proportionalis quadrato distan-

$$\text{tiæ. Nam quoniam } AR = \frac{L \times SA^3}{2 \times SP^3} \text{ erit } \frac{SA}{SP^3} \propto AR$$

SA

$$\frac{SA \propto 2 SP^3}{SP^3 \propto L \propto SA^2} \quad \frac{2}{L \propto SA^2} \quad \text{hoc est ob datam } \frac{2}{L} \text{ erit vis cen-}$$

tripeta ut $\frac{L}{SA^2}$.

Sit Ellipsis BAD, quam tangit in A recta GE. Sintque SP per centrum Ellipsis & KA per contactum, transeuntes, perpendiculares in tangentem. Erit $SP \propto KA =$ quartæ parti figuræ axis seu = quadrato semiaxis minoris = $BO \propto DE$. Nam ob æquiangula triang. GBO, GLA, GAK, GPS & GDE,

$$\begin{aligned} SP: SG &:: BO: GO \\ SG: DG &:: BG: LG:: GO: GA \\ DG: DE &:: GA: AK, \\ \text{unde } SP: DE &:: BO: AK, \text{ \& } SP \propto AK = DE \propto BO \\ &= \frac{1}{2} L \propto SB. \end{aligned}$$

Hinc si Mobile moveatur in Ellipsi, vi centripeta tendente ad centrum Ellipsis, erit vis illa directe ut distantia; nam

$$\frac{SP^3 \propto 4 AK^3}{L} = \text{datæ quantitatis. Quia est } SP \propto AK$$

quantitas data. Vis igitur, ut $\frac{SA}{SP^3 \propto AR}$, erit, ut SA distantia.

In figura tertia Demissa ab altero umbilico F: in Tangentem perpendiculari FI. Ob æquiangula triangula SAP, FAI, TAB. 47^a fig. 3.

$$\text{erit } SA: SP:: FA: FI = \frac{SP \propto FA}{SA} \text{ unde erit } SP \propto FI =$$

$$\frac{SP^2 \propto FA^2}{SA} = \text{quadrato semiaxis minoris, unde si axis major vo-}$$

$$\text{cetur } b, \text{ minor autem } 2d, \text{ erit } SP^2 = \frac{d^2 SA}{b - SA} \text{ \& } SP = \frac{d \sqrt{SA}}{\sqrt{b - SA}}.$$

E e e e 3 In

In Hyperbola autem est $SP = \frac{d\overline{SA}}{\sqrt{b+SA}}$.

In Parabola est $SP = \sqrt{d\overline{SA}}$, posito ejus latere recto $= 4d$.

Quoniam est $TA^2:TO^2::AP^2:SP^2::SA^2:SP^2$
 $\frac{d^2SA}{d^2SA} \frac{d^2SA}{d^2SA}$
 $SP^2:SA^2::\frac{b-SA}{b-SA}::SA::\frac{b-SA}{b-SA}::\frac{b-SA}{b-SA}$
 $bSA-SA^2::d^2:d^2$, erit $\sqrt{bSA-SA^2}::d:d::TA:$
 $d\overline{SA}$

TO, cumque sit $TA=SA$, erit $TO = \frac{\sqrt{bSA-SA^2}}{d}$.

TAB 47.
fig. 7.

Sit jam QAO, Quælibet curva, cujus arcus minimus sit AO, tangentes in punctis A & O, AP, Op. Radius curvaturæ AR, perpendiculares in tangentes sint SP, Sp, $SA \propto TA$ erit $\frac{fP}{SA \propto TA} = AR$. Nam ob æquiangula triangula est

$fP:AO::PA:RA$ & $AO:TA::SA:PA$; unde ex æquo erit $fP:TA$ vel $SA::SA:RA$, est vero $fP=SP$,
 $SA \propto SA$
 quare erit $RA = \frac{SA \propto SA}{SP}$

Hinc si distantia SA, in suam fluxionem ducatur, & dividatur per fluxionem perpendicularis, habebitur radius Curvaturæ; quo Theoremate facile determinatur curvatura in radialibus curvis. Ex. gr. Sit AQ, Spiralis nautica; quoniam angulus SAP datur, ratio quoque SA ad SP dabitur; fit

illa ratio a ad b, erit $SP = \frac{bSA}{a}$ & $SP = \frac{bSA}{a}$ & $AR =$

$\frac{SA \propto SA}{SP} = \frac{aSA}{b}$, unde facile constabit, spiralis nauticæ

evolutam esse eandem spiralem, in alia positicne.

Quo-

$$\text{Quoniam } AR = \frac{SA \times \dot{SA}}{SP}, \text{ erit } \frac{SA}{SP^3 \times AR} = \frac{SP^3 \times SA}{SP^3 \times AR}$$

atque hinc rursus, ex data relatione SA ad SP , facile in-
venietur lex vis centripetæ.

Exemplum. Sit VAB Ellipsis, cujus focus S , Axis major $TAB. 47.$
 $VB = b$, axis minor $= 2d$, latus Rectum $= 2R$. Sitque $fig. 8.$
 VaQ alia curva, ita ad hanc relata, ut sit perpetuo angulus
 VSA angulo VSa proportionalis, & sit $Sa = SA$. Quæ-
ritur lex vis centripetæ tendentis ad S , qua corpus in curva
 VaQ moveri potest.

Quoniam angulus VSA est ad VSa , in data ratione; ho-
rum angulorum incrementa erunt in eadem ratione, sitque ea
ratio m ad n ; unde erit $ot = \frac{n \times OT}{m}$.

$$\text{Est autem } OT = \frac{d\dot{SA}}{\sqrt{bSA - SA^2 - d^2}} \quad \text{unde erit } ot =$$

$$\frac{nd\dot{SA}}{m\sqrt{bSA - SA^2 - d^2}}. \quad \text{Quoniam autem est } SA^2, SP^2 :: t^2$$

$$+ ot^2 : ot^2 :: SA^2 + \frac{n^2 d^2 SA^2}{m^2 \times bSA - SA^2 - d^2} : \frac{n^2 d^2 SA^2}{m^2 \times bSA - SA^2 - d^2}$$

$$:: 1 + \frac{m^2 \times bSA - SA^2 - d^2}{m^2 \times bSA - SA^2 - d^2} : \frac{m^2 \times bSA - SA^2 - d^2}{m^2 \times bSA - SA^2 - d^2}$$

$$:: m^2 bSA - m^2 SA^2 - m^2 d^2 + n^2 d^2 : n^2 d^2, \text{ un-}$$

$$\text{de erit } \sqrt{m^2 bSA - m^2 SA^2 - m^2 d^2 + n^2 d^2} : nd ::$$

$$SA : SP, \text{ \& } SP = \frac{ndSA}{\sqrt{m^2 bSA - m^2 SA^2 - m^2 d^2 + n^2 d^2}}$$

$$\text{Cujus ut habeatur fluxio pro } m^2 bSA - m^2 SA^2 - m^2 d^2 +$$

Ff ff

n^2

$n^2 d^2$. Scribatur x & erit $SP = \frac{nd SA}{\sqrt{x}}$ & $SP^3 = \frac{n^3 d^3 SA^3}{x^{\frac{3}{2}}}$;
 & est $x = \frac{m^2 b SA}{n ASA x} - 2 m^2 SA \propto SA$, & $SP = nd SA \propto x - \frac{1}{2}$
 $\frac{n ASA x}{x^{\frac{3}{2}}}$, & reducendo partes ad eundem denomina-
 torem; erit $SP = \frac{nd SA x - \frac{1}{2} n d SA x}{x^{\frac{3}{2}}}$.

Et in numeratore loco, x & $x^{\frac{3}{2}}$, ponendo ipsorum valores,
 $\frac{nd SA \propto \frac{1}{2} m^2 b SA - m^2 d^2 + n^2 d^2}{x^{\frac{3}{2}}}$
 & ordinando fit $SP = \frac{nd SA \propto \frac{1}{2} m^2 b SA - m^2 d^2 + n^2 d^2}{x^{\frac{3}{2}}}$;

unde erit $\frac{SP}{SP^3 \propto SA} = \frac{\frac{1}{2} m^2 b SA - m^2 d^2 + n^2 d^2}{n^2 d^2 SA^3}$. Sed est $\frac{P}{SP^3 \propto SA} = \frac{\frac{1}{2} m^2 b SA - m^2 d^2 + n^2 d^2}{n^2 d^2 SA^3}$;
 ut vis centripeta, quare erit vis, ut $\frac{n^2 d^2 SA^3}{\frac{1}{2} m^2 b SA - m^2 d^2 + n^2 d^2}$

vel ob datam $n^2 d^2$ in denominatore erit vis, ut $\frac{n^2 d^2 SA^3}{\frac{1}{2} m^2 b SA - m^2 d^2 + n^2 d^2}$, vel loco d^2 ponendo $\frac{bR}{2}$, erit

vis ut $\frac{SA^3}{\frac{1}{2} m^2 b SA^2 - \frac{1}{2} m b R + \frac{1}{2} n^2 b R}$, seu ob datam $\frac{bR}{2}$, ut

$\frac{A^3 m^2 SA - R m^2 + R n^2}{m^2} = \frac{R n^2 - R m^2}{m^2}$.

Quae omnia exacte coincidunt cum iis, quae à Domino Newtono de vi centripeta corporis in eadem curva moti, traduntur, in *Prop* 44. *Princip.*

Quoniam vis centripeta tendens ad punctum S, qua urgente corpus in curva moveri potest, est semper, ut $\frac{SP}{SP^3}$

$\frac{SP}{SA}$; hinc ex data lege vis centripetæ, inveniri potest $SP^3 \propto SA$ relatio SA ad SP, ac proinde per methodum tangentium inversam, exhiberi potest curva, quæ data vi centripeta describi possit. Sit v. g. vis reciproce ut distantia

libet m , hoc est, fit $\frac{SP}{SA} = \frac{b}{a^2 SA^m}$ erit $\frac{SP}{SA^m} = \frac{b}{a^2}$

$\frac{b SA}{a^2 SA^m}$, & capiendo harum fluxionum fluentes; erit

$\frac{1}{2} SP^{-2} = \frac{b SA^{1-m} + e}{m-1 \propto a^2}$, unde erit $\frac{b SA^{1-m} + e}{m-1} = SP^2$,

& multiplicando tam numeratorem, quam denominatorem fractionis, per SA^{m-1} ; & loco $\frac{m-1}{2} a^2$ ponendo d^2 , fit

$\frac{d^2 SA^{m-1}}{b+e SA^{m-1}} = SP^2$; quare erit $SP = \frac{d \sqrt{SA^{m-1}}}{\sqrt{b+e SA^{m-1}}}$.

Quod si quantitas constans e fit nihilo, æqualis erit $SP = \frac{d \sqrt{SA^{m-1}}}{\sqrt{b}}$.

Adeoque, si vis reciproce, ut distantia quadratum, poni potest $SP = \frac{\sqrt{d^2 SA}}{\sqrt{b}}$, & curva erit parabola, cujus latus re-

ctum est $\frac{4d^2}{b}$, vel potest esse $SP = d \propto \frac{\sqrt{SA}}{\sqrt{b-SA}}$, & curva

erit Ellipsis; vel denique potest esse $SP = d \propto \frac{SA}{\sqrt{b+SA}}$, & curva evadit Hyperbola.

Ff ff 2 Si

Si vis sit reciproce ut distantiae cubus supponi potest, ut SP fit $= \frac{dSA}{b}$, & curva fit spiralis nautica, vel fieri potest, ut

fit $SP = \frac{dSA}{\sqrt{b - eSA^2}}$, & curva erit eadem cum ea, cujus

constructionem à sectore hyperbolæ petit Dominus Newtonus;

vel potest esse $SP = \frac{dSA}{\sqrt{b + eSA^2}}$, & ejus curvæ constructionem per sectores Ellipticos tradit idem Newtonus.

Cor. 3. Prop. 41. lib. 1. Princip.

Si vis centripeta sit reciproce ut distantia; relatio inter SA & SP , æquatione Algebraica definiri nequit, Curva tamen per Logarithmicam vel per quadraturam Hyperbolæ con-

struitur, fit enim $SP = \frac{L. SA}{\sqrt{b - L. SA}}$, ubi $L. SA$ designat

Logarithmum ipsius SA .

Haec omnia sequuntur ex celebratissima nunc dierum Fluxionum Arithmetica, quam sine omni dubio primus invenit Dominus *Newtonus*, ut, cuilibet ejus Epistolas à *Wallisio* editas legenti, facile constabit, eadem tamen Arithmetica postea mutatis nomine & notationis modo, à Domino *Leibnitio* in Actis Eruditorum edita est.

TAB 47.
fig. 1.

Moveatur jam corpus in curva QAO , urgente vi centripeta tendente ad S ; & celeritas corporis in A dicatur C ; celeritas autem qua corpus, urgente eadem vi centripeta, in eadem distantia, in circulo moveri potest, dicatur c . Constat ex Theoremate primo, quod si SA exponat vim centripetam tendentem ad S ; vis centripeta tendens ad R , qua urgente, corpus cum celeritate C , circulum cujus radius est AR describet; per SP exponetur. Corporum autem circulos describentium, vires centripetæ sunt, ut velocitatum quadrata ad circulorum radios applicata, quare erit

$SP:$

$$SP : SA :: \frac{C^2}{AR} : \frac{c^2}{SA}, \text{ unde erit } SP \propto AR : SA^2 :: C^2 :$$

$$c^2 \& C : c :: \sqrt{SP \propto AR} : SA.$$

Si SP cum SA coincidat, ut fit in figurarum verticibus erit $C : c :: \sqrt{AR} : \sqrt{SA}$. Quod si curva fit sectio conica AR , radius curvaturæ in ejus vertice est æqualis dimidio lateris recti $= \frac{1}{2} L$, ac proinde erit velocitas corporis in vertice sectionis, ad velocitatem corporis in eadem distantia circum descriptentis, in dimidiata ratione lateris recti, ad distantiam illam duplicatam.

$$\text{Quoniam est } AR = \frac{SA \propto SA}{SP}, \text{ erit } C^2 : c^2 :: \frac{SP \propto SA \propto SA}{SP} :$$

$$SP \propto SA$$

$$SA^2 :: \frac{SP \propto SA}{SP} : SA :: SP \propto SA : SA \propto SP, \text{ adeoque ex}$$

data relatione SP ad SA , dabitur ratio C ad c , Ex. Grat. Si vis sit reciproce ut distantiae dignitas m , hoc est, sit

$$\frac{SP}{b} = \frac{b SP^2 \propto SA}{a^2 SA^m}; \& \text{ erit } SP = \frac{b SP^2 \propto SA}{a^2 SA^m}, \text{ adeoque}$$

$$SP^3 \propto SA \quad a^2 SA^m \quad b SP^3 \propto SA \propto SA$$

$$\text{erit } C^2 : c^2 :: SP \propto SA : \frac{a^2 SA^m}{b SP^3 \propto SA} :: a^2 SA^m :$$

$$b SP^2. \text{ Unde si ponatur } SP^2 = \frac{d^2 SA^{m-1}}{b} = \frac{m-1}{2} \frac{a^2 SA^{m-1}}{b}$$

$$\text{erit } C^2 : c^2 :: a^2 SA^{m-1} : \frac{d^2 SA^{m-1}}{b} \frac{a^2 SA^{m-1}}{b} :: 2 : m-1 \text{ ac}$$

$$\text{proinde erit } C : c :: \sqrt{2} : \sqrt{m-1}.$$

$$\text{Quod si ponatur } SP^2 = \frac{d^2 SA^{m-1}}{b - e SA^{m-1}} = \frac{m-1}{2} \frac{a^2 SA^{m-1}}{b - e SA^{m-1}}$$

Ff ff 3 fiet

$\frac{a^2 b S A^{m-1}}{2}$
 fiet C^2 ad c^2 , ut $a^2 S A^{m-1}$ ad $\frac{b-e S A^{m-1}}{2}$, hoc est ut
 $b-e S A^{m-1}$ ad $\frac{b}{2}$, sed est [ratio $b-e S A^{m-1}$,
 ad $\frac{b}{2}$] $\propto b$, minor ratione b ad $\frac{b}{2}$, seu ratione 2 ad
 $m-1$, unde erit C ad c in minore ratione quam est $\sqrt{2}$
 ad $\sqrt{m-1}$.

Similiter, si capiatur $SP^2 = \frac{d^2 S A^{m-1}}{b+e S A^{m-1}}$, invenietur ef-
 fe C ad c in majore ratione quam est $\sqrt{2}$ ad $\sqrt{m-1}$.

Cor. Si corpus in parabola moveatur, & vis centripeta ten-
 dat ad focus S , erit velocitas corporis, ad velocitatem cor-
 poris in eadem distantia, circulum describentis ubique ut
 $\sqrt{2}$ ad 1, nam in eo casu est $m=2$ & $m-1=1$. Velocitas
 corporis in Ellipsi est ad velocitatem corporis, in circulo ad
 eandem distantiam moti, in minore ratione quam $\sqrt{2}$ ad 1.
 Velocitas in Hyperbola est ad velocitatem in circulo in ma-
 jore ratione, quam $\sqrt{2}$ ad 1.

Si corpus in spirali nautica deferatur, est ejus velocitas u-
 bique æqualis velocitati corporis in eadem distantia circulum
 describentis nam in eo casu est $m=3$ & $m-1=2$.

P R O B L E M A.

Posito quod vis centripeta (cujus quantitas absoluta nota est,) sit reciproce, ut distantiae quadratum & projiciatur corpus secundum datam rectam cum data velocitate. Invenire curvam in qua movetur corpus.

Projiciatur corpus secundum datam rectam AB , cum data velocitate C . Et quoniam quantitas absoluta vis centri- TAB 47.
fig. 9.
petæ nota est, dabitur inde velocitas qua corpus possit circum ad distantiam SA describere urgente eadem vi; est enim æqualis ei quæ acquiritur, dum corpus vi illâ uniformiter applicata urgente, cadit per $\frac{1}{2} SA$. Sit illa velocitas c . Ex A in AB , erigatur perpendicularis AK , & in ea capiatur SA^2

AR , quarta proportionalis ipsis $c^2 C^2$ & $\frac{SA^2}{SP}$ & erit AR ,

radius curvaturæ in A . Ex R in AS demittatur perpendicularis RH & ex H in AR perpendicularis HK , & ducta recta SK , dabit axis positionem; Fiat angulus $FAK =$ angulo SAK . Et si FA sit ad SK parallela, figura in qua movetur corpus erit parabola. Si autem axi SK occurrat in F ; & puncta S & F , cadant ad eandem partem puncti K , figura erit Hyperbola; sin ad contrarias partes cadant puncta S & F , erit figura Ellipsis, unde focus S & F & axe $= SA + FA$ describetur sectio, in qua corpus movebitur.

J O H A N N I S K E I L I ,

*M. D. & in Academia Oxoniensi Astronomiæ Professo-
ris Saviliani , Observationes in ea, quæ edidit
celeberrimus Geometra*

J O A N N E S B E R N O U L L I ,

*In Commentariis Physico-Mathematicis Parisiensibus
Anno 1710. de inverso Problemate virium Cen-
tripetarum. Et ejusdem Problematidis
solutio nova.*

Nobilissimum est problema data lege vis centripetæ inve-
nire Curvam quam describit Mobile, de loco dato,
secundum datam rectam, & cum data velocitate egre-
diens: concessis figurarum curvilinearum quadraturis, ejus so-
lutionem perfectam olim dedit Dominus Newtonus in princi-
piis Philosophiæ Mathematicis. Hoc ipsum problema denuo
aggressus est vir clarissimus & Geometra celeberrimus Domi-
nus Joannes Bernoulli in Academia Basiliensi Matheſeos Pro-
fessor *. qui non pauca eaque egregia ingenii sui specimina
jam pridem edidit, quibus Geometriam reconditiorem non
parum ditavit. Unde à tanti viri acumine novam pulchram-
que Problematidis solvendi methodum expectabam. Gestiebam
itaque solutionem Bernoullianam perlegere, & cum Newto-
niana comparare; quibus tandem diligentius perlectis & exa-
minatis, hæc quæ sequuntur annotavi.

* Vide
Com-
menta-
rios
Physi-
co-Ma-
thema-
ticos
Pari-
sienſes
Anno
1710.

Dominus Bernoulli eandem præmittit propositionem quam
Newtonus problemati demonstrando prius adhibuit: estque ea
in Principiis XL, non minus pulchra quam demonstratu faci-
lis. Scilicet.

Si corpus cogente vi quacunque centripeta moveatur ut-
cunque, & corpus aliud recta ascendat vel descendat, sintque
eorum

eorum velocitates, in aliquo æqualium altitudinum casu, æquales; velocitates eorum in omnibus æqualibus altitudinibus erunt æquales.

Hujus propositionis Demonstrationem Newtonianam, ait Bernoullius, esse nimis implicatam, & suam, quam simpliciorē vocat, ejus loco substituit. At pacetanti viri liceat mihi dicere, si quid discriminis sit inter demonstrationem Bernoullianam & Newtonianam, id in eo situm est, quod hæc multo facilior esse videtur minusque perplexa quam illa. Nam si centro C describantur circuli DI, EK, quorum interval-
lum DE est quam minimum, sintque corporum in D & I velocitates æquales, & ab N ad IK demittatur perpendicu-
lum NT, fuse ostendit Newtonus vim acceleratricem secundum DE, esse ad vim acceleratricem secundum IK, ut IN ad IT. Nimirum si vis secundum DE vel IN exponatur per rectas DE vel IN, vis illa secundum IN resolvitur in duas IT, TN, quarum illa solum, quæ est ut IT, motum secundum directionem IK accelerat: accelerationes autem seu velocitatum incrementa sunt ut vires & tempora quibus generantur conjunctim. At tempora ob æquales velocitates in D & I, sunt ut viæ descriptæ DE, IK; quare accelerationes in decursu corporum per lineas DE & IK, sunt ut DE ad IT & DE ad IK conjunctim; i. e. ut DE quad. quod est IN quad. ad rectangulum IT \times IK. adeoque ob IN quad. $=$ IT \times IK, incrementa velocitatum sunt æqualia: æquales igitur sunt velocitates in E & K, & eodem argumento semper reperientur æquales in æqualibus distantis. Hæc est summa demonstrationis Newtoni, quæ tam dilucide ab eo exponitur, ut inter propositiones elementares paucas faciliores invenies. At non sic procedit Dominus Bernoullius, sed illi sufficit dicere, Mechanicam ostendere vim secundum DE esse ad vim secundum IK, ut IK ad DE. Mechanicam etiam ostendere incrementa velocitatum esse in ratione virium & temporum conjunctim; & initio motus positis velocitatibus æqualibus tempora sunt, ut viæ descriptæ DE, IK; & hinc, (argumento prorsus simili ei quo utitur Newtonus)

TAB 46
fig. 1.

Gg gg

con-

concludit incrementum velocitatis, quod acquirit corpus dum describit IK, esse ad incrementum velocitatis dum describitur DE, ut $DE \propto IK$ ad $IK \propto DE$, & proinde velocitatum incrementa ubique in distantis æqualibus esse æqualia.

At si tironibus facilem voluisset tradere demonstrationem, debuisset propositionem Mechanicam citare, eamque ad præsentem casum accommodare. Et quidem pluribus verbis opus est, ut hoc fiat per theorema quod innuere videtur, in quo agitur de descensu Gravium in planis inclinatis: nullum enim est hic planum datum, quod recto corporum descensui obstat; imo tantum abest ut corpus à plano cohibeatur, ut è contra à plano seu Tangente per vim quandam continuo retrahitur. Procul dubio igitur manifesta magis foret ejus ratiocinii vis, si dimissis Mechanicæ propositionibus, rem omnem ex propriis principiis demonstrasset, uti fecit Newtonus. Nam resolvendo triang. rectang. KNI in duo triangula æquiangula, est KI ad IN ut IN ad IT, adeoque loco rationis IN ad IT ponere potuisset rationem KI ad IN vel ad DE.

* Vide
Propos.
39. & 40.
Principiorum.

Si de loco quovis A in recta AC cadat corpus, deque loco ejus E erigatur semper perpendicularis EG vi centripetæ proportionalis, sitque BFG linea curva, quam punctum G perpetuo tangit; demonstrat Newtonus velocitatem corporis in loco quovis E esse ut area curvilineæ ABGE latus quadratum. Adeoque si velocitas dicatur v , erit v^2 *, ut area ABGE: & si P sit altitudo maxima, ad quam corpus in Trajectoria revolvens, deque quovis ejus puncto eâ, quam ibi habet, velocitate sursum projectum ascendere possit: sitque quantitas A distantia corporis à centro, in alio quovis orbitæ puncto; & vis centripeta sit semper ut ipsius A dignitas quælibet, scil. ut A^{n-1} , velocitas corporis in omni altitudine A erit ut $\sqrt{n P^{n-1} - n A^n}$.

Similiter Dominus Bernoullius ostendit, si distantia à centro dicatur x , velocitas v & vis centripeta ϕ , esse $v = \sqrt{ab - \int \phi x}$: ubi ex Quadraturis constat esse aream ABGE.

= ab

$= ab - \int \phi x$. Perinde itaque est, siue exprimat quadratum Velocitatis per aream ABGE, siue per quantitatem huic æqualem $ab - \int \phi x$. Et si vis centripeta ϕ sit ut $n A^{n-1}$ seu $n x^{n-1}$, fit $ab = P^n$ & $\int \phi x = A^n$, adeoque $ab - \int \phi x$ est, ut quantitas $P^n - A^n$.

Describat corpus curvam VK, vi centripeta tendente ad C, deturque circulus VXY, centro C intervallo quovis CV descriptus. Q sit quantitas constans, atque $\frac{Q}{A} = z$.

Sitque KI elementum Curvæ; IN vel DE elementum altitudinis, XY elementum arcus: demonstrat Newtonus Elementum arcus seu XY exprimi posse per hanc formulam

$$Q \propto IN \propto CX$$

Similiter ex præmissis Dominus Ber-

$$A A \sqrt{ABGE - z^2}$$

noullius, posito Arcu UX = z, & altitudine seu distantia = x, elementum arcus ad hanc reducit formulam scil. $z = \frac{a^2 c x}{\dots}$

$$\sqrt{abx^4 - x^4 \int \phi x - a^2 c^2 x^2}$$

Et primo quidem aspectu videbatur formula Newtoniana quodammodo simplicior Bernoullianâ, eo quod paucioribus constat terminis; at re diligentius explorata, vidi Bernoullianam formulam omnino cum Newtoniana coincidere; nec nisi in notatione quantitatum ab ea differre. Nam si pro $ab - \int \phi x$ ponatur ABGE, pro ac ponatur Q, & x pro A, a pro CX, & x pro IN, fit

$$a^2 c x$$

$$Q \propto CX \propto IN$$

$$\sqrt{abx^4 - x^4 \int \phi x - a^2 c^2 x^2}$$

$$\sqrt{A^4 \propto ABGE - \frac{Q^2 A^4}{A^2}}$$

$$Q \propto CX \propto IN$$

seu ponendo z^2 loco $\frac{Q^2}{A^2}$, (quod facit

$$A A \sqrt{ABGE - \frac{Q^2}{A^2}}$$

Gg gg 2

New

Newtonus commodioris notationis gratia,) Formula Bernoulli-

$$Q \propto CX \propto IN$$

liana evadit $\frac{A^2 \sqrt{ABGE}}{z^2}$ unde constat formulam illam

$$A^2 \sqrt{ABGE} - z^2.$$

non magis à Newtoniana discrepare, quam verba latinis literis expressa differunt ab iisdem verbis scriptis in Graecis characteribus.

Post traditam generalem formulam; descendit Dominus Bernoullius ad casum particularem, ubi vis centripeta est reciproce ut quadratum distantiae; & per varias reductiones & operationes satis molestas, constructionem ostendit curvarum quæ urgente ea vi centripeta describi possunt; easque ad æquationes reducendo probat esse sectiones conicas. Deinde queritur Dominum Newtonum supponere sine demonstratione curvas à tali vi descriptas esse sectiones conicas.

Impossibile est, ut credat nullam Newtono notam fuisse hujus rei demonstrationem; noverat enim, eum primum & solum fuisse, qui hanc omnem de vi centripeta doctrinam geometricè tractavit, quique eam ad tantam perfectionem perduxit, ut post plures quam viginti annos, parum admodum à præstantissimis Geometris ei additum sit. Noverat etiam Bernoullius Newtonum, præter generalem problematis inversi solutionem, ostendisse modum quo formari possunt curvæ, quæ vi centripeta decreſcente in triplicata distantiae ratione describuntur, adeoque alterum illum casum ignorare non potuisse. Nec profecto intelligo, qua ratione Bernoullius Newtono objiciat, eum hujus casus demonstrationem prætermisſisse; cum ipse non pauca sæpius proposuit Theoremata, quarum demonstrationes nusquam dedit; & quidni liceat Newtono ad alia festinanti hoc idem facere? Interim in nova *Principiorum* editione, facilior multo & magis clara, licet tribus verbis extat hujus rei demonstratio, quam est Bernoulliana.

Tandem Bernoullius, ut necessitatem suæ demonstrationis inversi problematis in hoc particulari casu ostendat, hæc addit. Considerandum est, inquit, quod vis, quæ facit, ut

corpus in spirali logarithmica moveatur, debet esse reciproce, ut cubus distantiae à centro; at non inde sequitur talibus viribus semper describi debere tales curvas, cum similes etiam vires facere possunt, ut corpus in spirali hyperbolica moveatur.

Miror sane, quod vir Cl. suspicetur Newtonum talem unquam duxisse consequentiam. Nam praeter spiralem logarithmicam, ostendit Newtonus, qua ratione aliae curvae, numero infinitae & diversae, formari possunt, quae omnes describantur eadem vi centripeta, qua Spiralis logarithmica; interque eas reponi debet haec ipsa Spiralis hyperbolica, ut in sequentibus ostendemus.

Exinde autem concludit Newtonus sectiones tantum conicas necessario describi debere per vim centripetam quadrato distantiae reciproce proportionalem: nempe quod curvatura orbitae cujuscunque, ex datis velocitate, vi centripeta, & positione Tangentis, datur; datis autem umbilico, puncto contactus & positione tangentis, semper describi possit sectio conica, quae curvaturam illam datam habeat. Hoc à me prius ostensum est in actis philosophicis Londinensibus Anno 1708*. In hac igitur sectione, urgente illa vi, corpus movebitur, & in nulla alia; cum corpus de eodem loco, secundum eandem directionem, eadem cum velocitate, & urgente eadem vi centripeta exiens, non possit diversas femitas describere.

Liceat jam mihi Dominum Bernoullium imitari, & inversum de vi centripeta problema longe diversa methodo resolvere, & ad casum particularem applicare; ubi scil. vis est reciproce, ut cubus distantiae, simulque ostendere demonstrationem *Cor. 3. prop. 41. Principiorum Newtoni.*

Quod ut fiat, quaedam ex iis quae in Actis Philosophicis N°. 317. exposui*, hic praemittenda sunt.

Sic VII curva quaevis, quam corpus urgente vi centripeta ad centrum C tendente describit: hanc curvam in duobus punctis infinite vicinis I & K tangant rectae IP, Kp, ad quas e centro demittantur perpendiculares CP, Cf; centro item C describantur KE, ID, & ducatur CI.

Gg gg 3

Erit

* Vide
supra
P. 597.

* Vide
supra
pag.
585 &
seq.
TAB. 46.
fig. 2.

Erit vis centripeta ut Quantitas $\frac{Pp}{PC^3 \propto IN}$ quod Theore-

ma licet in prædicto loco demonstravimus, ecce aliam ejus demonstrationem. Ex K ducantur Km ad CP & Kn ad CI parallelæ. Et ob æquiangula triangula ICP, IKN, nKm , itemque ob IK m & IpP æquiangula. Erit

$$Ip \text{ vel } IP : IK :: pP : Km$$

$$PC : IP :: Km : mn$$

$$IN : IK :: mn : nK \text{ unde ex æquo fiet}$$

$$PC \propto IN : IK^2 :: pP : nK, \text{ \& erit } nK = \frac{pP \propto IK^2}{PC \propto IN}$$

Præterea tempus quo describitur arcus IK est ut $PC \propto IN$

area seu triangulum ICK, vel ejus duplum $PC \propto IK$; adeoque si tempus detur erit $PC \propto IK$ quantitas constans. Dato autem tempore, vis centripeta est ut lineola Kn , quæ sub urgente vi illa describitur, adeoque vis centripeta est ut lineola

illa Kn ducta in quantitatem constantem $\frac{PC^2 \propto IK^2}{Pp \propto IK^2}$

hoc est, erit vis centripeta ut $\frac{I}{PC^2 \propto IK^2} \propto \frac{PC^2 \propto IK^2}{PC \propto IN}$ seu

ut quantitas $\frac{Pp}{PC^3 \propto IN}$. Quod erat demonstrandum.

Velocitas corporis in quovis loco est ut via in minimo quovis tempore percurfa directe, & ut tempus illud inverse; adeoque

& ut $IK \propto \frac{I}{PC \propto IK}$ hoc est, velocitas erit reciproce

ut perpendicularis è centro in Tangentem.

Si distantia corporis à centro dicatur x , & perpendicularis in tangentem p , erit $IN = x$ & $Pp = p$ & vis centripeta exponitur

poni potest per quantitatem $\frac{f^4 \dot{p}}{p^3 \propto}$, assumendo quantitatem quamlibet pro f^4 .

Adeoque si cum Domino Bernoullio vim centripetam nominemus ϕ , erit $\frac{f^4 \dot{p}}{p^3 \propto} = \phi$ & $\frac{f^4 \dot{p}}{p^3} = \propto \phi$; & capiendo harum

quantitatum fluentes erit $\frac{f^4}{2p^2} =$ fluenti quantitatis $\propto \phi$.

At cum velocitas corporis sit reciprocè, ut perpendicularis p , ejus quadratum exponi potest per $\frac{f^4}{2p^2}$. Si itaque velo-

citas dicatur v , erit $v^2 = \frac{f^4}{2p^2} =$ fluenti quantitatis $\propto \phi$. Quod

si A sit locus, de quo cadere debet corpus, ut acquirat in D vel I velocitatem v , deque loco corporis D erigatur perpendicularis DF = ϕ erit rectangulum DE \propto DF = $\propto \phi$. Sit jam BFG linea curva, cujus ordinatæ exponant vires centripetas, seu quantitates ϕ . Fluens quantitatis $\propto \phi$ erit area

curvilinea ABFD = $v^2 = \frac{f^4}{2p^2}$, adeoque erit v ut areæ

ABFD latus quadratum. Quod si velocitas ea sit quæ ab infinita distantia cadendo acquiritur, erit v^2 seu fluens ipsius $\propto \phi$ æquale areæ ϕ DFO indefinite protensæ.

Hinc semper dabitur quantitas p in terminis finitis, quando area illa curvilinea terminis finitis exponi potest. Sit, verbi gratia, vis centripeta reciprocè ut distantiae dignitas m ,

hoc est, sit $\propto \phi = \frac{g \propto}{\propto^m}$, si velocitas corporis sit ea quæ ac-

qui-

quiritur cadendo ad infinita distantia, erit $v^2 = \frac{g}{m-1 x^{m-1}}$

$\frac{f^4}{2p^2}$ & in hisce omnibus casibus area indefinite protensa est quantitas finita. Potest autem corpus in trajectoria revolvī velocitate cujus quadratum vel majus fieri potest, vel minus quantitate $\frac{g}{m-1 x^{m-1}}$, vel huic æquale. Adeoque erit

$$v^2 = \frac{f^4}{2p^2} = \frac{g}{m-1 x^{m-1}} + e^2.$$

Hinc urgentibus his viribus, tria curvarum genera describi possunt; prout e^2 est quantitas positiva, vel negativa, vel nulla.

V. G. Si velocitas major sit ea quæ acquiritur ab infinita distantia cadendo, fit $\frac{f^4}{2p^2} = \frac{g}{m-1 x^{m-1}} + e^2$: si veloci-

tas sit minor erit $\frac{f^4}{2p^2} = \frac{g}{m-1 x^{m-1}} - e^2$: si æqualis, erit

$$\frac{f^4}{2p^2} = \frac{g}{m-1 x^{m-1}}.$$

Sit $\frac{1}{2} f^4 = a^2 e^2$ & $\frac{1}{m-1} g = b^2 e^2$. Et si velocitas corporis sit ea quæ ab infinito cadendo acquiritur, erit $p^2 =$

$$\frac{a^2 x^{m-1}}{b^2} \text{ seu } p = \frac{a x^{\frac{m-1}{2}}}{b}.$$

At si velocitas major sit aut minor hac velocitate, fiet uti

$$\text{ostensum est } \frac{f^4}{2p^2} = \frac{g}{m-1 x^{m-1}} + \frac{\frac{1}{m-1} g \pm e^2 x^{m-1}}{x^{m-1}}.$$

Unde

Unde pro f^4 & $\frac{g}{x^{m-1}}$ ponendo earum valores $a^2 e^2$ & $b^2 e^2$;

$$\text{erit } \frac{a^2 e^2}{\frac{p^2}{a^2 x^{m-1}}} = \frac{b^2 e^2 + e^2 x^{m-1}}{x^{m-1}} \text{ seu } \frac{a^2}{p^2} = \frac{b^2 + x^{m-1}}{x^{m-1}}, \text{ \& fiet}$$

$$p^2 = \frac{a^2 x^{m-1}}{b^2 + x^{m-1}}.$$

Adeoque si vis centripeta sit reciproce ut cubus distantiae;

hoc est, si sit $m=3$ & $m-1=2$. Erit $p^2 = \frac{a^2 x^2}{b^2}$, vel $p^2 =$

$$\frac{a^2 x^2}{b^2 + x^2}, \text{ vel denique } p^2 = \frac{a^2 x^2}{b^2 - x^2}.$$

In primo casu constat curvam esse spiralem logarithmicam:

nam sit $p = \frac{ax}{b}$, & $b : a :: x : p$. adeoque ob constantem rationem b ad a , erit angulus CIP ubique constans.

Ponamus jam esse $p^2 = \frac{a^2 x^2}{b^2 + x^2}$ & ex hac suppositione tres

oriuntur diversae curvarum species, prout a major est quam b , aut ei aequalis, aut minor.

Et primo sit a major quam b . Centro C & ad distantiam TAB. 46.
fig. 3. quamvis datam describatur circulus H Y X, cui rectae CK, CI productae occurrant in Y & X. Et est $IN^2 : KN^2 ::$

$$IP^2 : PC^2 \text{ \& ita } CI^2 - PC^2 : PC^2 :: x^2 - p^2 : p^2 :: x^2 = \frac{a^2 x^2}{b^2 + x^2} : \frac{a^2 x^2}{b^2 + x^2} :: I \frac{a^2}{b^2 + x^2} : \frac{a^2}{b^2 + x^2} :: b^2 + x^2 - a^2 : a^2.$$

$$\text{Quare erit } \sqrt{x^2 + b^2 - a^2} : a :: IN : KN :: x : \frac{ax}{\sqrt{x^2 + b^2 - a^2}}$$

KN. Et quoniam est a major quam b , erit $b^2 - a^2$ quantitas
Hh hh tas

tas negativa. Sit illa $-c^2$, unde fit $KN = \frac{ax}{\sqrt{x^2 - c^2}}$. Di-
catur b radius circuli HY , & est $CK:KN::CY:YX$ hoc
est $x: \frac{ax}{\sqrt{x^2 - c^2}}::b: \frac{bax}{x\sqrt{x^2 - c^2}} = YX = y$, si arcus HY

vocetur y . Sit $x = \frac{c^2}{z}$ unde $\dot{x} = -\frac{c^2 \dot{z}}{z^2}$ & $\frac{\dot{x}}{x} = -\frac{\dot{z}}{z}$. L-

tem erit $x^2 - c^2 = \frac{c^4}{z^2} - c^2 = \frac{c^4 - c^2 z^2}{z^2} = \frac{c^2}{z^2} \times \frac{c^2 - z^2}{z^2}$ unde

de $\sqrt{x^2 - c^2} = \frac{c}{z} \times \sqrt{c^2 - z^2}$; quibus valoribus substitutis,

erit $\frac{bax}{x\sqrt{x^2 - c^2}} = \frac{bacz}{c\sqrt{c^2 - z^2}}$. Sit $a:c::n:1$. hoc est, sit

$a = nc$, & fiet XY seu $y = \frac{nbz}{\sqrt{c^2 - z^2}}$. Est vero $\frac{nbz}{\sqrt{c^2 - z^2}}$

ad $\frac{cz}{\sqrt{c^2 - z^2}}$ ut nb ad c ; hoc est in ratione data: adeoque eo-

rum fluentes, si simul incipiunt, erunt in eadem ratione;

hoc est erit HY seu y ad fluentem quantitatis $\frac{cz}{\sqrt{c^2 - z^2}}$ ut

nb ad c .

Quod si centro C radio $CV = c$ describatur circulus VL ,

& CG sit $= z$, & $no = z$, fiet arcus $mn = \frac{cz}{\sqrt{c^2 - z^2}}$ flu-

xioni arcus Qm , quando fluxio est quantitas positiva: sed quan-

quando est negativa, ejus fluens est arcus Vm prioris complementum. Arcus enim ejusque complementum eandem habent quantitatem fluxionem denotantem, diversis tantum signis affectam; quia crescente uno decrescit alter.

Hinc est HY ad Vm ut nb ad c : sed est CV ad CH ut Ve : HY , hoc est $c:b::Ve: \frac{b \times Ve}{c} = HY$, quare erit $\frac{b \times Ve}{c} : Vm :: nb:c$, unde $Ve:Vm::n:1$.

Præterea ex natura circuli erit $CG:CV::CV:CT$, quando mT circulum tangit: hoc est erit $z:c::c:\frac{c^2}{z} = CT = x$.

Hinc si capiatur angulus $V Ce$ ad angulum $V C m$ ut n ad 1 . & producat Ce ad K ut sit $CK =$ secanti CT , erit K punctum in curva quæsitæ.

Hic obiter notandum est, si n sit numerus, hoc est si sit a ad c vel a ad $\sqrt{a^2 - b^2}$ ut numerus ad numerum, curva VI fiet Algebraica: nam in hoc casu relatio mG ad sinum anguli $V Ce$ æquatione definitur, & inde habebitur relatio sinus anguli $V Ce$ ad CT vel CK per æquationem determinatam, & inde demum dabitur æquatio quæ exprimet relationem inter ordinatam & interceptam à puncto C incipientem. Harum curvarum ordines & gradus in scala æquationum Algebraica diversi erunt pro magnitudine numeri n . In his omnibus curvis sic descriptis Asymptoti positio hac ratione determinatur: fiat angulus VCL ad rectum angulum ut n ad 1 . In eo angulo distantia corporis à centro evadit infi-

nita. Jam quad. perpendicularis in Tangentem $PC = \frac{a^2 x^2}{b^2 + x^2}$

ubi x est infinita, fit $PC^2 = \frac{a^2 x^2}{x^2}$, seu $PC = a$. Ducatur

tur itaque CR ad CL perpendicularis & æqualis rectæ a , & si per R ducatur RS rectæ CL parallela, hæc curvam tanget ad infinitam distantiam, seu erit curvæ Asymptotos.

Si corpus in quavis harum curvarum descendendo, ad Apfidem imam pervenerit; hinc rursus ascendet in infinitum, & aliam curvam priori similem, seu potius ejusdem curvæ similem portionem, ascendendo describet.

Curvæ hæc possunt pluribus revolutionibus circa centrum torqueri, priusquam ad asymptoton convergere incipiant, & motus angularis rectæ CK erit æqualis totidem rectis quot numerus n constat unitatibus. v. g. si n sit 100, perficientur viginti quinque integræ revolutiones, priusquam distantia à centro evadat infinita.

Aucto numero n , eadem manente a , minuitur c : est enim

$$\frac{a}{n} = c \quad \& \quad \frac{a^2}{n^2} = c^2 = a^2 - b^2, \text{ unde fiet } \overline{n^2 - 1} \propto a^2 = n^2 b^2. \text{ Et}$$

proinde fiet $a^2 : b^2 :: n^2 : n^2 - 1$; adeoque si b^2 ad æqualitatem accedat ipsius a^2 , perveniet quoque $n^2 - 1$ ad rationem æqualitatis cum n^2 , & proinde augebitur n & in eadem ratione minuetur c . Ponatur itaque esse b^2 fere æquale ipsi a^2 ; adeo ut cum differentia sit infinite parva, fiat n numerus infinite magnus, & radius circuli c fiet infinite parvus, seu circulus in suum centrum contrahetur. At sic evanescente c , non pariter evanescit CT, si angulus V C m sit propemodum rectus: nam in omni circulo, etiam minimo, secans anguli recti est quantitas infinita. Curva itaque hæc, ob n numerum infinitum, infinitis numero revolutionibus centrum ambibit, priusquam ad Asymptoton convergere incipiet.

Evanescente autem c fit $b = a$ & $p = \frac{ax}{\sqrt{x^2 + a^2}}$. Et quo-

niam in omni casu est $y = \frac{bax}{x\sqrt{x^2 + c^2}}$, evanescente c fiet y

$\frac{b a \dot{x}}{x^2}$, unde capiendo fluentes fiet $y = \frac{b a}{x}$ seu $x y = b a$
 = datae quantitati.

Hæc curva est Spiralis Hyperbolica, quæ plures habet notabiles proprietates. Si ducatur radius quilibet CIY curvæ occurrens in I, & peripheriæ circuli in Y, & ex C ad CI excitetur perpendicularis CT, atque IT tangat curvam in I, & rectæ CT occurrat in T: erit CT constans recta, æqualis scil. arcui VE; qua proprietate logarithmicam æmulatur, cum CT curvæ subtangens dici possit. Sit enim Radius circuli CE = b, arcus VE = a, dicatur CI x & VY

TAB 46.
fig. 4.

fit y. Quia est $b a = x \times y$ erit $\frac{b a}{x} = y$ & $\frac{b a \dot{x}}{x^2} = \dot{y}$. Por-

ro est CY:CI::YX:NK hoc est $b:x::\frac{b a \dot{x}}{x^2}:NK$: quæ

proinde est $\frac{a \dot{x}}{x}$. Et quoniam est IN:NK::CI:CT. hoc

est $x:\frac{a \dot{x}}{x}::x:CT$, erit $CT = a$.

Si centro C, intervallo quovis CG, describatur circuli arcus GF, hic arcus inter rectam CV & curvam interceptus erit semper æqualis constanti rectæ CT vel a. Nam quoniam est VL x CF = CV x VE; erit VL:VE::CV:CF::VL:GF unde æquantur VE & GF. Si ad CG ex C excitetur normalis CR = VE vel FG vel a, & per R agatur RS rectæ CV parallela, erit RS curvæ Asymptotos. Nam est recta MS æqualis arcui GF; & proinde FS distantia Curvæ ab RS est semper æqualis excessui quo arcus superat suum sinum: at cum distantia crescat in infinitum, excessus ille minuetur in infinitum, & fiet tandem data quavis recta minor, & proinde RS erit Curvæ Asymptotos.

TAB. 46.
fig. 3.

Sit jam b major quam a ; & similiter, ut in priore casu,
invenietur $KN = \frac{ax}{\sqrt{x^2 + b^2 - a^2}}$: at quoniam b superat a , e-

rit $c^2 = b^2 - a^2$ quantitas positiva, & KN fiet $\frac{ax}{\sqrt{x^2 + c^2}}$

& ponendo radium circuli $HY = b$, invenietur $XY = \frac{bax}{\sqrt{x^2 + c^2}}$

Ponatur $x = \frac{c^2}{z}$, & erit $\dot{x} = -\frac{c^2 \dot{z}}{z^2}$ & $\frac{\dot{z}}{z}$

Erit quoque $x^2 = \frac{c^4}{z^2}$ & $x^2 + c^2 = \frac{c^4}{z^2} + c^2 = \frac{c^4 + c^2 z^2}{z^2}$

$\frac{c^2}{z^2} \propto \frac{1}{c^2 + z^2}$: unde $\sqrt{x^2 + c^2} = \frac{c}{z} \propto \sqrt{c^2 + z^2}$.

His itaque valoribus substitutis fit $\frac{bax}{x \sqrt{x^2 + c^2}} = \frac{bax}{\frac{c^4}{z} \sqrt{\frac{c^4 + c^2 z^2}{z^2}}} = \frac{bax}{c^4} \cdot \frac{z}{\sqrt{c^4 + c^2 z^2}} = \frac{bax}{c^4} \cdot \frac{z}{c \sqrt{c^2 + z^2}} = \frac{bax}{c^5} \cdot \frac{z}{\sqrt{c^2 + z^2}}$

$\frac{bax}{c \sqrt{c^2 + z^2}} = y$. Nam tale sumi potest initium arcus HY ,

ut simul cum fluente quantitatis $\frac{bax}{c \sqrt{c^2 + z^2}}$ crescat & decre-

scat. Fiat $nc = a$ & erit $\frac{nbz}{\sqrt{c^2 + z^2}} = y$, & $\frac{\frac{1}{2}nb^2 \dot{z}}{\sqrt{c^2 + z^2}} = \frac{3}{2} \frac{\dot{z}}{z}$

$by =$ sectori CXY .

Est autem $\frac{\frac{1}{2}nb^2 \dot{z}}{\sqrt{c^2 + z^2}} : \frac{\frac{1}{2}c \dot{z}}{\sqrt{c^2 + z^2}} :: nb^2 : c^2$, hoc est in data

ratio

tionem. Adeoque erit sector CXY ad $\frac{\frac{1}{2}c^2z}{\sqrt{c^2+z^2}}$ semper in

data ratione. Harum itaque quantitatum fluentes erunt in eadem ratione, cum simul incipere ponantur. Fluens autem

sectoris CXY est sector CVY & fluens quantitatis $\frac{\frac{1}{2}c^2z}{\sqrt{c^2+z^2}}$

est sector Hyperbolæ, quod sic ostenditur.

Centro C semiaxe transverso $CV=c$ describatur Hyperbola æquilatera, & ex duobus punctis vicinis D & F ordi-
TAB. 46.
fig. 5.
 nentur ad axem conjugatum rectæ DB, EF ; ducantur item CD, CF . Et incrementum seu fluxio trianguli BCD æquale erit $BE \propto BD$ — sectore DCF : unde sector DCF (qui est Fluxio sectoris CVD) æqualis erit $BE \propto BD$ — incremento trianguli BCD . Et si BC dicatur z , ob Hyperbolam, est $BD^2 = BC^2 + CV^2 = z^2 + c^2$: unde $BD = \sqrt{c^2 + z^2}$, & $BE \propto BD = z \propto \sqrt{c^2 + z^2}$. Triangulum autem BCD est $\frac{1}{2}z \propto \sqrt{c^2 + z^2}$, cujus fluxio est $\frac{1}{2}z \propto \sqrt{c^2 + z^2}$

$+ \frac{\frac{1}{2}z \propto z^2}{\sqrt{c^2 + z^2}}$. Subtrahatur hæc quantitas ab $z \propto \sqrt{c^2 + z^2}$,

& restabit sector Hyperbolæ minimus $CDF = \frac{1}{2}z \propto \sqrt{c^2 + z^2}$

$\frac{\frac{1}{2}z \propto z^2}{\sqrt{c^2 + z^2}} - \frac{\frac{1}{2}z \propto c^2 + z^2}{\sqrt{c^2 + z^2}} - \frac{\frac{1}{2}z \propto z^2}{\sqrt{c^2 + z^2}} = \frac{\frac{1}{2}c^2z}{\sqrt{c^2 + z^2}}$. Adeoque

fluens sectoris CDF est æqualis fluenti quantitatis $\frac{\frac{1}{2}c^2z}{\sqrt{c^2 + z^2}}$.

Proinde erit sector CVD fluens quantitatis $\frac{\frac{1}{2}c^2z}{\sqrt{c^2 + z^2}}$. Præ-

terea DT recta tangat Hyperbolam & occurrat axi conjugato in T . Est ex natura Hyperbolæ $BC:CV::CV:CT$,

hoc est $z : c :: c - CT = x$. Atque hinc oritur constru-

ctio quæ sequitur.

TAB. 46.
fig. 6.

Centro C semiaxe transverso CV, describatur Hyperbola æquilatera Vm, item circulus Ve. Capiatur sector circularis CVe ad sectorem Hyperbolicam CVm ut n ad 1; tangat Hyperbolam in m recta Tm, occurrens Axi conjugato in T: producat C e ad k ut sit Ck = CT, & punctum k erit in curva quæ sita. Nempe talis est ea curva, ut si Ck dicatur x, perpendicularis a C in tangentem ejus de-

missa erit semper æqualis $\frac{ax}{\sqrt{b^2 + x^2}}$. Quando x est infinita.

evanescit b², & perpendicularis fit = a, & tunc coincidit CR cum CV. Si itaque capiatur in axe conjugato CR = a, & ducatur RS ipsi CV parallela, erit hæc curvæ Asymptotos.

Si eo usque augeatur a ut fiat quantitas b² - a² infinite parva, tunc evanescet c², & quantitas $\frac{bax}{x\sqrt{x^2 + c^2}}$ fit $\frac{bax}{x^2} = y$.

Unde si capiantur harum quantitatum fluentes, habebimus

$\frac{ba}{x} = y$, & $ba = xy$, hoc est rectangulum sub arcu circula-

ri & distantia curvæ à centro erit semper data quantitas; atque hac ratione migrabit curva in spiralem Hyperbolicam. Est itaque spiralis Hyperbolica curva media, seu quasi limes, inter eas curvas, quæ construuntur per sectores circulares & eas quæ construuntur per sectores Hyperbolicos. Itaque spiralis illa Hyperbolica concipi potest formari vel per sectorem circuli aut Ellipsis, vel per sectorem Hyperbolæ, cujus Axis transversus minuitur in infinitum, & in eadem ratione augeatur numerus n.

Ad eum jam devenimus casum, ubi velocitas corporis minor

nor est eâ quæ acquiritur cadendo ab infinita distantia, & ubi TAB 46.
fig. 3.

$p^2 = \frac{a^2 \dot{x}^2}{b^2 - x^2}$. Et hic simili ratiocinio ac in priori casu, inve-

nietur $KN = \frac{a \dot{x}}{\sqrt{b^2 - a^2 - x^2}}$, ubi necesse est, ut sit b^2 majus quam

a^2 . Hinc si $b^2 - a^2$ dicatur c^2 , fit $KN = \frac{a \dot{x}}{\sqrt{c^2 - x^2}}$; & proin-

de XY feu $\dot{y} = \frac{b a \dot{x}}{x \sqrt{c^2 - x^2}}$.

Sit jam $x = \frac{c^2}{z}$, & fiet $\frac{x}{z} = \frac{z}{x}$ feu $\frac{b a \dot{x}}{x} = \frac{b a \dot{z}}{z}$ &

$c^2 - x^2$ erit $= \frac{c^2}{z^2} \propto z^2 - c^2$, quibus valoribus substitutis fit

$\frac{-b a \dot{z}}{c \sqrt{z^2 - c^2}} = \frac{b a \dot{x}}{x \sqrt{c^2 - x^2}} = \dot{y}$. Nam tale ponendum est

initium arcus YX , ut simul cum fluente quantitatis $\frac{b a \dot{z}}{c \sqrt{z^2 - c^2}}$

incipiat; unde erit $\frac{\frac{1}{2} b^2 a \dot{z}}{c \sqrt{z^2 - c^2}} = \frac{1}{2} b \dot{y} =$ sectori $CXY =$,

$\frac{\frac{1}{2} n b^2 \dot{z}}{\sqrt{z^2 - c^2}}$, ponendo $nc = a$. Est vero $\frac{\frac{1}{2} n b^2 \dot{z}}{\sqrt{z^2 - c^2}}$ ad $\frac{\frac{1}{2} c^2 \dot{z}}{\sqrt{z^2 - c^2}}$

ut $n b^2$ ad c^2 , hoc est in ratione constanti. Quare harum

quantitatum Fluentes sunt in eadem ratione, hoc est Fluens

$\frac{\frac{1}{2} c^2 \dot{z}}{\sqrt{z^2 - c^2}}$ ut nb^2 ad c^2 . Est autem fluens quantitatis $\frac{1}{2} b \dot{y}$

$=$ sectori CVX, & fluens quantitatis $\frac{\frac{1}{2} c^2 \dot{z}}{\sqrt{z^2 - c^2}}$ est sector

Hyperbolæ, quod sic ostenditur.

TAB. 46.

Fig. 7.

Centro C femiaxe transverso CV = c describatur Hyperbola æquilatera, & ex duobus punctis infinite vicinis B & D ad axem ordinentur duæ rectæ BE, DF; ducantur item CB, CD. Et erit fluxio seu incrementum trianguli CBE = triangulo CBD + BE × EF; unde triangulum CBD, seu sector minimus CBD, erit = incremento trianguli CBE — BE × EF. Dicatur CE z, & erit BE = $\sqrt{z^2 - c^2}$, & BE × EF = $z \sqrt{z^2 - c^2}$. Est quoque triangulum CBE = $\frac{1}{2} z \sqrt{z^2 - c^2}$,

cujus fluxio est $\frac{1}{2} z \times \sqrt{z^2 - c^2} + \frac{\frac{1}{2} z \times z^2}{\sqrt{z^2 - c^2}}$; à quo si sub-

trahatur quantitas $z \times \sqrt{z^2 - c^2}$, fit sector minimus CBD =

$$\frac{\frac{1}{2} z \times z^2}{\sqrt{z^2 - c^2}} - \frac{1}{2} z \times \sqrt{z^2 - c^2} = \frac{\frac{1}{2} z \times z^2 - \frac{1}{2} z \times z^2 - c^2}{\sqrt{z^2 - c^2}}$$

$\frac{\frac{1}{2} c^2 \dot{z}}{\sqrt{z^2 - c^2}}$ unde constat sectorem CBV esse fluentem quanti-

tatis $\frac{\frac{1}{2} c^2 \dot{z}}{\sqrt{z^2 - c^2}}$. Præterea si BT tangens Hyperbolam Axi

transverso occurrat in T, ex natura Hyperbolæ fit CE:CV::

CV:CT, hoc est $z:c::c:\frac{c^2}{z} = CT = x$.

TAB. 46.

Fig. 8.

Hinc deducimus sequentem constructionem. Centro C, femiaxe transverso CV = c, describatur Hyperbola æquilatera VB, & circulus CeG ex centro C. Ad hyperbolam du-

ducatur recta CB, & hyperbolæ Tangens BT axi transverso occurrat in T. Capiatur circuli sector CVe, qui sit ad sectorem Hyperbolicum CVB ut n ad 1. In Ce capiatur CK = CT, & erit K punctum in curva quæsitâ, cujus perpendiculum e centro C ad Tangentem in K demissum, si CK

dicatur x , est æquale $\frac{ax}{\sqrt{b^2 - x^2}}$.

Et in hac curva, urgente vi centripeta, quæ sit reciproce ut cubus distantiae, movebitur corpus, si secundum directionem Tangentis cum iusta velocitate exeat. Qualis autem debet esse velocitas, quæ faciat ut corpus harum curvarum quamvis describat, sic invenietur.

Cum velocitas qua corpus in trajectoria quacunque movetur sit reciproce ut quantitas p , assumendo constantem quam-

vis, a , ea semper exponi potest per $\frac{a}{p}$. Et si ad Axem CV

ordinentur rectæ, quæ sint reciproce ut cubi distantiarum à centro, seu ut vires centripetæ, & hac ratione formetur figura curvilinea, ejus Area indefinite extensa semper exponi

potest per $\frac{b^2}{x^2}$, ut ex Quadraturis constat. At Area illa est

ut quadratum velocitatis quæ acquiritur ab infinita distantia cadendo, adeoque velocitas hoc casu acquisita erit

ut $\frac{b}{x}$. Hinc si velocitas illa dicatur y , & velocitas, qua

corpus in Trajectoria movetur, dicatur v , talesque assumantur quantitates a & b , ut in una aliqua à centro distantia sit

$y:v::\frac{b}{x}:\frac{a}{p}$, erit ubique in omnibus distantis $y:v::\frac{b}{x}:\frac{a}{p}$

$\frac{a}{p}::p:\frac{ax}{b}$. Unde si $y=v$, erit $p=\frac{ax}{b}$, & curva hac

velocitate descripta erit Spiralis Nautica; vel circulus existente $p = x$ & $a = b$.

Si y fit major quam v , tunc p major erit quam $\frac{ax}{b}$: erit-

que illa, ut ex præcedentibus constat, $= \frac{ax}{\sqrt{b^2 - x^2}}$. Curva

autem construatur per sectorem Hyperbolicum, ut in ultimo casu ostensum fuit, ubi distantia corporis à centro per concursum Tangentis Hyperbolæ cum Axe transverso determinatur. Si y fit minor quam v , at in tantilla ratione ut maneat b major quam a , curva formabitur per eundem sectorem hyperbolicum. At distantia corporis à centro desumitur ex concursu Tangentis cum Axe conjugato.

Si fit $y : v :: p : x$, erit in eo casu $a = b$, & curva evadit

spiralis Hyperbolica, ubi est $p = \frac{ax}{\sqrt{a^2 + x^2}}$. Hinc si de loco

quovis projiciatur corpus secundum datam rectam, cum ea velocitate, quæ fit ad velocitatem ab infinito cadendo acquisitam, ut distantia corporis à centro ad perpendicularem e centro ad lineam directionis demissam, movebitur illud corpus in Spirali Hyperbolica. Si denique sit v tanto major quam y , ut sit etiam a major quam b , curva construatur per sectores circulares. Atque hac ratione datâ velocitate semper determinari possit relatio quantitatum a & b , ac proinde curva describetur in qua corpus cum illa velocitate movebitur: & vicissim data curva, seu datis quantitativibus a & b , invenietur velocitas qua curva illa describitur.

TAB 46.
fig. 2.

Omnium curvarum areæ (si circulum excipias) quæ urgente hac vi centripeta describi possunt, sunt perfecte quadrabiles. Nam primo, in Spirali Logarithmica, quia est $p =$

$$\frac{ax}{b}, \text{ erit } KN = \frac{ax}{\sqrt{b^2 - a^2}} = \frac{ax}{c} \text{ ponendo } b^2 - a^2 = c^2:$$

adeo-

adeoque erit triangulum $CKI = \frac{\frac{1}{2}axx}{c}$, cujus fluens est

$$\frac{ax^2}{4c} = \text{Areae curvæ.}$$

Si p fit $\frac{ax}{\sqrt{b^2+x^2}}$, & a major quam b , ostensum est KN

$$= \frac{ax}{\sqrt{x^2-c^2}}, \text{ unde } KN \propto \frac{1}{2} CI = \frac{\frac{1}{2}axx}{\sqrt{x^2-c^2}}, \text{ cujus fluens est}$$

$\frac{1}{2}a \propto \sqrt{x^2-c^2} = \text{areae curvæ.}$ At si a minor fit quam b , fit

$$KN = \frac{ax}{\sqrt{x^2+c^2}}, \text{ \& } KN \propto \frac{1}{2} CI = \frac{\frac{1}{2}axx}{\sqrt{x^2+c^2}} \text{ cujus fluens est}$$

$\frac{1}{2}a \sqrt{x^2+c^2} - Q = \text{Areae curvæ.}$ Ponatur $x=0$, & fiet $\frac{1}{2}ac - Q = 0$, unde $Q = \frac{1}{2}ac$, & area curvæ fit $= \frac{1}{2}a \sqrt{x^2-c^2} - \frac{1}{2}ac$.

In spirali Hyperbolica evanescit quantitas c , & Area Curvæ fit $\frac{1}{2}ax$.

$$\text{Si } p \text{ fit } = \frac{ax}{\sqrt{b^2-x^2}}, \text{ ostensum est esse } KN = \frac{ax}{\sqrt{c^2-x^2}},$$

$$\text{unde } \frac{1}{2} CI \propto KN = \frac{\frac{1}{2}a \propto xx}{\sqrt{c^2-x^2}}, \text{ cujus fluens est } Q - \frac{1}{2}a \sqrt{c^2-x^2}$$

$= \text{Areae.}$ Fiat $x=0$, & erit $Q - \frac{1}{2}ac = 0$, seu $Q = \frac{1}{2}ac$; unde erit Area curvæ semper æqualis $\frac{1}{2}ac - \frac{1}{2}a \sqrt{c^2-x^2}$. Fiat $c^2 - x^2 = 0$ seu $c = x$, & Area curvæ fit $\frac{1}{2}ac$. Unde si initium Areae non capiatur ab initio ipsius x , seu ubi x est $= 0$, sed ubi $x = c$ est maxima, hoc est si area ab V incipiat, erit area semper æqualis $\frac{1}{2}a \sqrt{c^2-x^2}$.

De areis quas describunt corpora radiis ad centrum ductis urgente vi centripeta quæ sit reciproce, ut distantiarum cubi, TAB 47.
fig. 7.

sequentia adnotavit peritissimus *Hallejus*. Nempe si corpora diversos circulos vel diversas spirales Hyperbolicas hac lege describunt; erunt areae sectorum, tam in circulis quam in spiralibus illis omnibus, æqualibus temporibus descriptæ, semper æquales: nam velocitates corporum in circulis motorum secundum hanc legem, debent esse radiis seu distantis reciproce proportionales, adeoque arcus simul percurfi erunt quoque in eadem radiorum reciproca ratione, unde statim patebit sectores simul descriptos esse æquales.

In reliquis omnibus curvis cum sit velocitas ad velocitatem

corporis in eadem distantia in circulo moti, ut $\frac{a}{b} \propto x$ ad p ,









TAB. 46. *fig. 3.* seu ut $\frac{a}{x} \propto IK$ ad KN ; interea dum corpus in Trajectoria

percurrit lineolam IK , corpus aliud in eadem distantia motum

percurrent arcum $\frac{b}{a} \propto KN$; & area sectoris circuli & Traje-

ctoriæ simul descriptæ erunt $\frac{b}{a} \propto KN \propto \frac{1}{2} CN$, & $KN \propto \frac{1}{2}$

CN quæ duæ areae sunt in ratione data, scil. ut b ad a . Adeoque ubi est $a = b$, uti fit in Spirali Hyperbolica, area sic descripta erit semper æqualis areae sectoris circularis in æquali tempore descriptæ.



D E

L E G I B U S

ATTRACTIONIS,

ALIISQUE

PHYSICES PRINCIPIIS.

THE
UNIVERSITY
OF
CHICAGO
PRESS
PUBLISHED
BY
THE
UNIVERSITY
OF
CHICAGO
PRESS
CHICAGO
ILLINOIS
1914

PHYSICAL PRINCIPLES

EPISTOLA
JOANNIS KEILLII,

Ex Æde Christi Oxon. A. M. ad Clar. Virum

GULIELMUM COCKBURN,

MEDICINÆ DOCTOREM

IN QUA

LEGES

ATTRACTIONIS,

ALIAQUE

PHYSICES PRINCIPIA

TRADUNTUR

Cum summa benevolentia & non vulgari amicitia me complexus sis, iniquus essem, vir ornatissime, nisi conarer aliquam tibi vicissim referre gratiam. Theoremata igitur hæc, quibus non modo rem Physicam, sed & Medicam aliquatenus illustrari posse arbitror, ad te mitto; munus, uti quibusdam fortasse videri potest, perexiguum. Tibi tamen & gratissimum fore spero, & non parvi æstimandum. Cum enim tum Philosophiam Mechanicam penitus perspexeris & in praxi Medica felicissime sis versatus; tum etiam utrique promovendæ gnaviter incumbas, gratissima sine dubio tibi erunt vera Medicinæ principia, quoniam optime intelligis, quam periculosi ex falsis oriantur errores. Hæc igitur Theoremata tibi Vir Clarissime, in manus trado, tuoque arbitrio libens permitto.

Kk kk 2

Po-

Ponenda sunt fundamenti loco hæc tria, quibus omnis Physice innititur, Principia. 1. Spatium ^{inane} ~~hanc~~. 2. Quantitatis in infinitum divisibilitas. 3. Materiæ vis Attractrix. Dari spatium inane constat ex motu corporum. Quantitatis in infinitum divisibilitatem ex continuæ quantitatis natura demonstrant Geometræ. Materiæ inesse vim attractricem confirmat experientia. Ex duobus primis principiis sequitur.

THEOREMA I.

Materiæ exigua quælibet particula potest ita spatium quantumvis magnum occupare, ut pororum seu omnium meatuum diametri sint datâ rectâ minores, vel ut particule omnes sint à se invicem remotæ intervallo datâ rectâ minore.

THEOREMA II.

Dari possunt duo corpora mole æqualia, at pondere seu densitate (id est, quantitate materiæ) utcunque inæqualia, in quibus erunt meatuum seu pororum summe fere æquales.

Sit v. g. digitus cubicus alter auri, alter aëris: quamvis materia in cubo aureo vicesies millies superat materiam in cubo aërio, fieri tamen potest, ut spatia vacua in digito cubico auri sint fere æqualia spatiis vacuis in digito cubico aëris, scil. ut auri vacuitates sint ad vacuitates aëris ut 999999 ad 1000 000.

THEOREMA III.

Particulæ quæ aquam vel aërem vel alia ejusmodi fluida constituunt (si modo se tangant) non sunt absolute solidæ, sed ex aliis compositæ particulis multos meatus & poros intra se continentibus.

Par-

Particulæ corporum minimæ & absolute solidæ, hoc est vacui omnino expertes, vocentur primæ compositionis; Moleculæ ex pluribus hisce particulis coalescentibus ortæ vocentur particulæ secundæ compositionis; Moles ex pluribus moleculis coëuntibus conflata, vocentur particulæ tertiæ compositionis; & sic deinceps, donec tandem perventum fuerit ad particulas, è quibus corporum fit ultima compositio, & in quas eorundem fit prima resolutio.

Materiæ inesse vim Attractricem, quâ omnis materiæ particula trahit ad se omnem aliam materiæ particulam, & vicissim trahitur, primus ex phænomenis collegit Dominus Isaacus Newtonus. Vis hæc datâ materiâ in diversis distantiiis reciproce proportionalis est quadratis distantiarum; ex qua oritur vis illa quam gravitatem dicimus, quâ corpora omnia terrestria ad terram rectè feruntur, estque pondus corporum quantitati materiæ semper proportionale. Prolatâ hâc, quam ipse primus detexit, materiæ vi Attractrice omnes Planetarum motus Cometarumque phases pulcherrime explicavit, physicamque coelestem, ab iis quæ tot retro fluxerunt seculis vix dum inchoatam, felicissime consummavit Dominus Newtonus; vir ingenio pene supra humanam sortem admirabili, dignusque cujus fama per omnes terras pervagata, coeli quos descripsit meatibus permaneat coæva.

Divina sagacissimi viri inventa sæpenumero mecum recolens, in eam tandem cogitationem incidi, principium quoddam Newtoniano non absimile, ad phænomena terrestria explicanda, adhiberi posse. Post iterata sæpius experimenta, materiæ terrestri inesse deprehendi vim quandam attractricem, ex qua plurimorum phænomenon ratio petenda est; meaque hac de recogitata abhinc quinquennio, Domino Newtono indicavi: ex eo autem intellexi, eadem fere, quæ ipse investigaveram, sibi diu ante animadversa fuisse. Quæstiones aliquot ad hanc vim attractricem spectantes, sub finem Optices abhinc biennio latinè editæ, proposuit Dominus Newtonus; quem cum istiusmodi studia ulterius excolere ætas ingravescens, & alia negotia vetant, tanti viri vestigiis insistere, eum-

que longo licet intervallo sequi, haud alienum duxi. Im-
præsentiarum nuda quædam proponam Theoremata, quæ for-
tasse aliquando fufius enuntiata & demonstrata, juſto volu-
mine ſum traditurus.

THEOREMA IV.

*Præter vim illam Attraëtricem, qua Planetarum Co-
metarumque corpora, in propriis orbitis retinentur, alia
etiam ineſt materiæ potentia, qua ſingulæ, ex quibus illa
conſtat, particule ſe invicem attrahunt, & reciprocè à
ſe invicem attrahuntur: quæ vis decreſcit in majore quam
duplicatâ ratione diſtantiæ augeſcentis.*

Theorema hoc multis poteſt probari experimentis; at ra-
tio quâ minuitur vis illa, dum à ſe invicem recedunt particu-
læ, num ſcilicet ſit triplicata, quadruplicata, vel alia quæ-
vis diſtantiarum augeſcentium ratio, quæ major ſit duplicatâ,
nondum æque per experimenta patet; erit fortæſſe aliquando
tempus, cum accuratiore adhibita diligentia innotefcet.

THEOREMA V.

*Si corpus conſtet ex particulis, quarum ſingulæ vi pol-
lent attraëtrice, in triplicata vel plusquam triplicata ra-
tione diſtantiarum decreſcente; erit vis qua ab eo corpore
urgetur corpusculum, in ipſo contactu, vel intervallo à con-
tactu infinite exiguo infinite major, quam ſi corpusculum
illud ad datam à dicto corpore diſtantiâ locaretur. Vide
Prop. 80. & 91. Princip. Newtoni.*

THEOREMA VI.

*Iiſdem poſitis, ſi vis illa attraëtiva in assignabili diſtan-
tia, ad gravitatem obtineat rationem finitam; eadem in ipſo
contactu, vel in diſtantiâ infinite parva, vi Gravitatis
erit infinite major.*

THEO-

THEOREMA VII.

Si vero in ipso contactu, vis corporum attractiva ad gravitatem obtineat rationem finitam, eadem in omni distantia assignabili est vi gravitatis infinite minor, adeoque evanescit.

THEOREMA VIII.

Vis attractiva, qua pollent singulae materiae particulae in ipso contactu, vim gravitatis prope in immensum superat; non tamen est vi gravitatis infinite major; adeoque, in data distantia, vis illa evanescet.

Vis igitur hæc materiae superaddita, non nisi per spatiola admodum perexigua diffunditur; in majoribus distantis prorsus nulla est; unde motus corporum coelestium (quæ longis intervallis à se invicem disjuncta sunt) per vim hanc attractivam nulla ratione turbari possunt, sed eadem ratione continuo peraguntur, ac si vis illa à corporibus iis prorsus abesset.

THEOREMA IX.

Si corpusculum aliquod corpus tangat, vis, quâ urgetur illud corpusculum, hoc est, vis qua cum eo corpore cohæret, erit quantitati contactus proportionalis; nam partes à contactu remotiores nihil conferunt ad cohærentiam.

Adeoque pro vario particularum contactu varii orientur cohærentiæ gradus; omnium autem maximæ sunt vires cohærentiæ, quando superficies, in quibus se invicem tangunt corpora, planæ existunt; quo in casu, cæteris paribus, vis quâ corpusculum cum aliis cohæret, erit ut superficierum partes sese tangentes.

Hinc patet ratio, cur duo marmora exactissimè polita, & sese secundum superficies planas tangentia, à se invicem divelli

velli non possunt, nisi à pondere, quod gravitatem aëris incumbentis multum superat.

Hinc etiam decantatissimi istius problematis, de cohærentia materiæ, solutio elici potest.

THEOREMA X.

Ea corpuscula facillime à se invicem separantur, quarum contactus cum aliis sunt paucissimi, & minimi; quales contingere solent in corpusculis sphericis infinite exiguis.

Hinc fluiditatis ratio redditur.

THEOREMA XI.

Vis qua corpusculum aliquod ad aliud corpus maxime propinquum attrahitur, quantitatem suam non mutat, sive augeatur corporis attrahentis materia, sive minuat, eadem manente corporis densitate, & corpusculi distantia.

TAB 47.
fig. 10. Nam cum vires particularum attractrices per minima tantum diffundantur spatia; liquet partes remotiores ad CD & E, nihil conferre ad attrahendum corpusculum A. Adeoque eadem vi verius B trahetur corpusculum sive adsint hæ partes, sive amoveantur, sive denique aliæ ipsis jungantur.

THEOREMA XII.

Si ea sit corporis alicujus textura, ut particulae ultimæ compositionis, per vim quandam externam (qualis est pondus eas comprimens, vel ab altero corpore proveniens ictus) à primigeniis suis contactibus paululum dimoveantur, nec interim in novos contactus commigrent, particulae, per vim attractivam sese mutuo petentes, ad contactus primigenios citò redibunt: iisdem vero redeuntibus particularum corpus quodvis componentium contactibus & positionibus, eadem quoque redibit corporis figura; adeoque per vim attractivam corpora, pristinas quas amiserunt figuras possunt denuo recuperare.

Hinc

Hinc Elasticitatis ratio reddi potest. Cum autem per vim Elasticam corpora, in se invicem impingentia, à se mutuo resiliant (uti demonstratum est in lectionibus nostris !physicis) à vi attractiva corporum oriri etiam debet eorundem à se invicem discessus.

THEOREMA XIII.

Quod si ea sit corporis textura, ut particule à prioribus contactibus per vim impressam dimotæ, in alios qui ejusdem sunt gradus immediate deveniant, corpus illud in pristinam figuram non se restituet.

Hinc qualis sit textura, in qua corporum mollities consistit, intelligi potest.

THEOREMA XIV.

Particulæ materiæ pro diversa ipsarum structura & compositione diversis pollebunt viribus attractivis, puta non erit æque fortis attractio, cum particula datæ magnitudinis pluribus perforata sit meatibus, ac si omnino solida & vacui expers esset.

THEOREMA XV.

Particularum perfecte solidarum vires attractivæ ex figuris ipsarum multum pendent: Nam si parva aliqua materiæ particula in laminam circularem indefinite exiguæ crassitudinis formetur, & corpusculum in recta per centrum trans-eunte & ad planum circuli normali locetur; sitque distantia corpusculi æqualis decimæ parti semidiametri circuli: vis qua urgetur corpusculum tricesies minor erit, quam si materia attrahens coalesceret in Sphæram, & virtus totius particulæ ex uno quasi puncto Physico diffunderetur. Quin etiam eadem

circularis lamella fortius ad se trahit corpusculum, quam alia ejusdem ponderis particula, quæ in tenuem & longum formatur Cylindrum.

THEOREMA XVI.

Salēs sunt corpora, quorum particulae ultimae compositionis magna vi attractiva polent, inter quas tamen particulas plurimi interjacent meatus, particulis, quas habet aqua, ultimae compositionis pervii: quæ igitur à salinis particulis fortiter attractæ, in eas cum impetu ruunt, & à mutuo contactu eas disjungunt, coherentiāque salium dissolvunt.

THEOREMA XVII.

Si corpuscula duo viribus attractivis decrefcentibus in triplicata aut plusquam triplicata ratione distantiarum se mutuo petunt; erit velocitas in se invicem impingentium infinite major quam in dato intervallo. Vide Prop. 39. Princip. Newtoni.

THEOREMA XVIII.

Corporis aqua gravioris eo usque diminui potest magnitudo, ut tandem in aqua suspensum maneat, nec vi propriæ Gravitatis descendat.

Hinc patet ratio, cur particulae Salinae, Metallicae, & aliae ejusmodi, in minima redactæ, in suis menstribus suspensæ hæreant.

THEO.

THEOREMA XIX.

Corpora majora minore velocitate ad se invicem accedunt, quam minora.

Vis enim, qua se mutuo petunt corpora A & B, particulis maxime propinquis tantum inest; remotiorum quippe vires nullæ sunt. Non igitur major vis adhibetur ad movenda corpora A & B quam ad particulas *c* & *d* movendas, sed corporum eadem vimotorum velocitates sunt corporibus reciproce proportionales: unde erit velocitas quâ corpus A tendit versus B, ad velocitatem, qua particula *c*, à corpore soluta, versus idem B tenderet, ut particula *c* ad corpus A. Multo igitur minor est velocitas corporis A, quam foret velocitas particulæ *c* à corpore solutæ.

TAB. 47.
fig. 11.

Hinc fit, ut corporum majorum motus sua natura adeo languidus & lentus sit, ut ab ambiente fluido & aliis circumjacentibus corporibus plerumque impediatur. In minimis vero corpusculis viget virtus, & ab iis per plurimi producuntur effectus: tanto plus energiæ minoribus inest corporibus, quam majoribus.

Hinc patet ratio istius axiomatis Chymici, sales non agunt nisi soluti.

THEOREMA XX.

Duo corpuscula sese non contingentia, adeo sibi vicina locari possunt, ut vis, qua se mutuo petunt, vim Gravitatis superet.

THEOREMA XXI.

Si corpusculum in fluido locatum à particulis ambientibus undique æqualiter trabatur, nullus exinde orietur corpuscu-

L1 11 2

li

li motus; quod si ab aliis particulis magis, ab aliis minus urgeatur, ad eam partem tendet corpusculum, ubi major est attractio: & motus productus inæqualitati attractionis respondebit, scilicet in majori inæqualitate major erit motus, in minore minor.

THEOREMA XXII.

Corpuscula in fluido natantia & magis se invicem trahentia quam fluidi particulas interjectas, depulsis fluidi particulis ad se invicem accedent ea vi, qua ipsorum attractio mutua superat attractionem particularum fluidi.












THEOREMA XXIII.

Si corpus aliquod in fluido locetur, cujus partes fluidi particulas magis ad se trahunt, quam fluidi particula à se invicem trahuntur; sintque in corpore meatus plurimi particulis fluidi pervii, per hos meatus fluidum illud cito se diffundet; & si partiam in corpore connexia non tam firma sit, quin ab impetu irruentium particularum superari possit, orietur exinde corporis immerſi dissolutio.

Hinc ut menstruum dato corpori dissolvendo sit idoneum, tria requiruntur. 1. Ut partes corporis particulas menstrui magis ad se trahant, quam eæ à se invicem trahuntur. 2. Ut corpus habeat meatus particulis menstrui patentes, & pervios. 3. Ut cohærentia particularum corpus constituentium tanta non sit, quin ab impetu irruentium particularum menstrui divelli possit. Hinc quoque constat particulas Spiritum vini constituentes, magis à se invicem trahi, quam à particulis corporis salini in Spiritu vini demerſi.

THEO.

TAB. XLVII.



THEOREMA XXIV.

Si corpuscula in fluido natantia, & se invicem petentia, Elastica sint, post congressum, à se mutuo resilient, & inde in alia corpuscula rursus impingentia, denuo reflectentur: ex quo fient innumeri alii cum aliis corpusculis conflictus continuæque resilitiones. Per vim autem attractivam continuo augebitur corpusculorum velocitas, & sensui patebit partium motus intestinus; sed prout fortius aut imbecillius se invicem trahunt corpuscula, & pro varia, qua pollent Elasticitate, varii erunt hi motus, & diversis gradibus atque temporibus, fient sensibiles,

THEOREMA XXV.

Si corpuscula se invicem trahentia, se mutuo contingant, nullus orietur motus; propius enim accedere nequeunt. Si ad exiguum admodum à se invicem seponantur spatium, orietur motus; sed si longius distent, non majore vi se invicem trahent, quam fluidi particulas interjectas; adeoque nullus producetur motus.

Ex hisce principiis pendent omnia fermentationis & effervescentiæ Phænomena. Hinc patet ratio cur oleum Vitrioli, cui paululum aquæ immittitur, effervesceat atque ebullit: corpuscula enim salina infusâ aquâ à mutuo contactu paululum dimoventur; unde cum magis se invicem trahant quam aquæ particulas, & cum undique æqualiter non trahuntur, motum exinde oriri necesse est.

Hinc etiam liquet ratio, cur tanta cietur ebullitio, cum limatura chalybis mixturæ supradictæ injicitur: particulæ enim chalybis magna pollent Elasticitate, unde valida oritur reflectio. Hinc etiam videre est, cur menstrua quædam fortiori

vi agunt, citiusque corpus aliquod dissolvunt, si aqua dilutiora fiant.

THEOREMA XXVI.

Si corpuscula se mutuo attrahentia vi Elastica careant, à se invicem non reflectuntur; sed congeries seu moleculas particularum efficient, unde fiet Coagulum: & si particularum sic coacervatarum Gravitas superet Gravitationem fluidi, succedet quoque Præcipitatio. Oriri quoque potest præcipitatio ex aucta vel diminuta Gravitate mensurui, in quo natant corpuscula.

THEOREMA XXVII.

Si corpusculorum sese invicem attrahentium, & in fluido natantium, ea sit figura, ut in datis quibusdam ipsorum partibus, majori vi attractiva polleant, quam in aliis, & major sit in iisdem contactus; corpuscula illa coibunt in corpora datas figuras habentia, & inde emergent Chrystallisationes; corpusculorumque componentium figuræ, ex data figura Crystalli per Geometriam determinari possunt.

THEOREMA XXVIII.

Si corpuscula magis trahantur à fluidi particulis, quam à se invicem; fiet ut quasi se mutuo fugientes, à se invicem recedant, & per omne fluidum cito diffundentur.

THEOREMA XXIX.

Si inter duas fluidi particulas aliquod intercedat corpusculum, cujus binæ oppositæ facies maximis pollent viribus at-

attractivis, hoc interjectum corpusculum particulas fluidi sibi agglutinabit; & plura istiusmodi corpuscula per fluidum diffusa ejus particulas omnes in corpus firmum compingent, fluidumque in Glaciem reducent.

THEOREMA XXX.

Si corpus aliquod maximam emittat effluviorum copiam, quorum vires attractrices sunt fortissima; cum effluvia hæc corpori alicui leviusculo appropinquent, ipsorum vires attractrices Gravitatem corporis levioris tandem superabunt; & effluvia corpus illud ad se sursum trahent; cumque multo magis conferta sunt effluvia, in minoribus ab emittente corpore distantis, quam in majoribus; corpus leve versus densiora effluvia semper urgebitur, donec tandem ipsi corpori effluvia emittenti adhæreat. Hinc plurimæ Electricitatis Phænomena explicari possunt.

Contra nostram hanc de viribus attractricibus doctrinam, fortasse objiciet aliquis; si vis hæc attractrix omni inesset materiæ; corpora ponderosiora & plus materiæ in dato spatio habentia, plus debere attrahere, quam corpora minus gravia, quod experientiæ repugnat. Sed huic objectioni facile respondetur. Particulæ scilicet ultimæ compositionis (quibus solis tribuitur vis attractrix) confertim juxta se invicem locatæ, possunt corpus ponderosum constituere, etiamsi ipsæ in se sint rariores, quam eæ quæ corpus leve constituunt, ultimæ compositionis particulæ, à se invicem remotiores, & plures & patentiores meatus inter se habentes.

Alia multa sunt naturæ phænomena, quæ mihi videntur iisdem principiis explicari posse, uti ascensus succi in plantis & arboribus, foliorum & florum determinatæ & constantes figuræ, eorumque virtutes specificæ, &c. Multa quoque quæ in corpore animali quotidie occurrunt; præcipue quæ ad
flui-

fluidorum cursus secretionisque spectant, ab iisdem materiæ qualitatibus pendent, & hinc morborum *Theoriæ* & medicamentorum effectus optime eruuntur. Quantum huic usui inserviant hujusmodi principia melius innotescet ex eo, quod frater meus nunc meditatur, opusculo; qui quidem Mathematicas cum Anatomicis rationes consocians in eo elaboravit, ut aliquam etiam praxi Medicæ lucem afferret.

F I N I S.



I N-

I N D E X

RERUM ET TERMINORUM,

qui in hoc opere explicantur.

A.			
<i>Absides vide Apsides.</i>		<i>Annulus Saturni.</i>	244
<i>Achronicus ortus.</i>	376	<i>Annus Magnus.</i>	278
<i>Actio Reactioni æqualis.</i>	115 & seqq.	— <i>Solaris Tropicus.</i>	416
<i>Æquatio temporis.</i>	451	— <i>Ægyptiacus.</i>	486
<i>Æquationes Temporis maximæ.</i>	454.	— <i>Astronomicus.</i>	486
	457	— <i>Civilis.</i>	<i>ibid.</i>
<i>Æquator seu Æquinoctialis.</i>	266. 366.	— <i>Gregorianus.</i>	488
<i>Æquatoris secundarii.</i>	273. 367	— <i>Julianus.</i>	487
<i>Æquinoctia.</i>	414	— <i>Magnus Canicularis.</i>	488
<i>Alexandri mors, Æra.</i>	471	— <i>Lunaris Vagus aut Fixus.</i>	486
<i>Attractio quid sit.</i>	13	— <i>Anomalisticus.</i>	416
<i>Almicantarath circuli.</i>	370	<i>Anomalia Excentri.</i>	428
<i>Altitudo poli.</i>	373. 378	— <i>Media.</i>	281. 420
— <i>stellæ.</i>	228. 371	— <i>Vera seu coæquata.</i>	<i>ibid.</i> 420
— <i>Coni umbrosæ terræ.</i>	303	<i>Anser Americanus.</i>	257
— <i>Coni umbræ Lunæ.</i>	<i>ibid.</i>	<i>Antarcticus circulus.</i>	270. 367
<i>Amphiscii.</i>	370	<i>in Antecedentia motus.</i>	276
<i>Amplitudo mundana.</i>	251	<i>Arcticus circulus.</i>	367
— <i>ortiva & occidua.</i>	371	<i>Antinous.</i>	257
<i>Anastra signa.</i>	277	<i>Antipodes.</i>	369
<i>Andromeda.</i>	256	<i>Antæci.</i>	369
<i>Angulorum mensuræ.</i>	227	<i>Aphelion.</i>	281
— <i>modus observandi.</i>	228	<i>Apogei motus.</i>	292
<i>Angulus quid.</i>	517	<i>Apogeon.</i>	290
— <i>in circulo angulo quovis re-</i>		<i>Apparens Solis Diameter.</i>	278. 420
— <i>ctilineo infinite minor est.</i>	41	<i>Apparentes Diametri.</i>	229
— <i>sub quo sol ex distantia fixa-</i>		— <i>Umbræ & Penumbra Dia-</i>	
— <i>rum videtur.</i>	248	— <i>metri.</i>	304. 306
— <i>Commutationis.</i>	469	<i>Apparitionis perpetuæ circulus.</i>	375
— <i>Æquatoris & Eclipticæ.</i>	367	<i>Apsides & linea Apsidum.</i>	281
— <i>Eclipticæ & Meridiani.</i>	379	<i>Apus.</i>	257
— <i>Eclipticæ & Horizontis.</i>	412	<i>Aquarius.</i>	257
— <i>Eclipticæ & Verticalis, seu</i>		<i>Aquila.</i>	257
— <i>Parallacticus.</i>	413	<i>Ara.</i>	257
<i>Angulus Sphæricus.</i>	531	<i>Archimedes antiquorum Physicorum</i>	
<i>Animalculorum in liquoribus natan-</i>		— <i>illustrissimus.</i>	8
— <i>tium magnitudo investigatur.</i>	50	<i>Arcus.</i>	517
— <i>& seqq.</i>		— <i>Complementum.</i>	517
<i>Animalculum quodvis est corpus orga-</i>		— <i>mensura in peripheria.</i>	625
— <i>nicum.</i>	51	<i>Areæ Ellipseos inventio.</i>	624

M m m m

Ar-

INDEX RERUM

<i>Argo navis.</i>	257
<i>Argumentum Latitudinis.</i>	468
<i>Aries.</i>	256
—, machina bellica, describitur.	97
<i>Aristarchi problema de distantia Solis.</i>	407
<i>Arithmetica ad rite philosophandum</i> est necessaria.	12. 13
— logarithmorum	562
<i>Ascensio Recta.</i>	368
— obliqua.	375
<i>Ascensionalis differentia.</i>	<i>ibid.</i>
<i>Ascii.</i>	370
<i>Aspectus quadratus.</i>	285
<i>Asterismi.</i>	255
<i>Astronomica Tabulæ.</i>	467
<i>Asymptotos.</i>	609
<i>Atmosphære beneficia.</i>	384
— altitudo	385
— crepusculorum causa.	384
— refractio.	391
<i>Attractionis Theoremata.</i>	624. 626.
	627. 628.
<i>Auri ductilitas.</i>	43 & seqq.
<i>Axis in peritrochio definitur.</i>	101
— Eclipticæ.	272. 275
— Terræ.	267
— hujus Parallelismus.	<i>ibid.</i>
<i>Azimuthales circuli.</i>	370.
<i>Azimuthus.</i>	371

B.

B acon (Rogerus) Oxoniensis Phi- losophiam Mechanicam exco- luit.	8
<i>Berenices Comæ.</i>	257
<i>Bernoullius (Joannes) Geometra cele- berrimus.</i>	175
<i>Bootes.</i>	257
<i>Boreale Hemisphærium.</i>	366
<i>Boyleus laudatur.</i>	9
<i>Bulvaldi correctio Hypothesis Wardi.</i>	441. 442

C.

C alculus loci Geocentrici Planetæ.	468
<i>Câlor quare non maximus cum Sol</i> <i>Tropicum Æstivum tener.</i>	282

<i>Cancer.</i>	256
<i>Canis.</i>	257
<i>Canon Trigonometricus.</i>	518
<i>Capricornus.</i>	256
<i>Caput & Cauda Draconis.</i>	289
<i>Cardanus (Hieronymus) philosophiam</i> <i>Mechanicam excoluit.</i>	8
<i>Cartesiani gravitatem unde dedu- cunt.</i>	5
<i>Cartesius nullum Geometriæ usum in</i> <i>philosophia adhibuit.</i>	8
— excogitavit philosophiam, à <i>Mechanicæ legibus abhorrentem.</i>	<i>ibid.</i>
<i>Cassiopeja.</i>	256
<i>Caudæ Cometarum.</i>	363
<i>Celeritas quid sit.</i>	69
<i>Celeritas corporum elasticorum inve- stigata.</i>	144
<i>Centrifuga vis, quid sit.</i>	197
<i>Centripeta vis quid sit.</i>	196
<i>Centrum Gravitatis quid sit.</i>	124. 125
<i>Chrystallisatio.</i>	634
<i>Circulares partes quotuplices.</i>	543
<i>Circuli divisio in gradus.</i>	227
— polares.	367. & 517
— Tropici.	<i>ibid.</i>
<i>Circulus Æquinoctialis.</i>	366
— Apparitionis perpetuæ.	375
— Antarcticus.	367
— Arcticus.	<i>ibid.</i>
— Azimuthalis.	370
— Crepusculorum Finitor.	387
— Declinationis.	368
— Eclipticæ.	264. 365
— Excentricus.	279. 417
— Horarius.	372
— Horizon.	228. 266 370
— Latitudinis.	336. 382
— Lucis & Umbræ Terminator.	267
— maximus in Sphæra.	365
— meridianus.	368
— minor in sphæra.	365
— Occultationis perpetuæ.	375
— Verticalis primarius.	370
— Visionis.	285
<i>Climata.</i>	375
<i>Coagulum unde fiat.</i>	634
<i>Cochleæ forma describitur.</i>	103
	C ^o

E T T E R M I N O R U M.

<i>Cohærentiæ gradus.</i>	627
<i>Cæli materia non incorruptibilis.</i>	261
— <i>regiones.</i>	256
<i>Cælum non est Fluidum.</i>	362
<i>Colurus Æquinoctiorum.</i>	368
— <i>Solstitiorum.</i>	276. 368
<i>Comæ Berenices.</i>	257
<i>Cometæ Planetarum genus.</i>	353
— <i>motibus suis vacuum dari demon- strant.</i>	363
<i>Cometarum Caudæ.</i>	363
— <i>Cursus in cælo.</i>	358. 359
— <i>Motus.</i>	359
— <i>Orbitæ seu semitæ veræ.</i>	360
— <i>Parallaxes.</i>	356
<i>Commutatio.</i>	469
<i>Coni Umbrosi Altitudo.</i>	303
— <i>Angulus.</i>	304
<i>Conjunctio Lunæ cum Sole.</i>	286
<i>Conoides parabolicum.</i>	202
<i>Conus.</i>	204
<i>Copernici Vaticinium.</i>	334
<i>Corporis definitio juxta proprietates.</i>	18. 21
<i>Corpus quomodo à Cartesianis defini- tur.</i>	20
— <i>& spatium idem habent essen- tiale attributum.</i>	21
— <i>Mathematicum an à corpore Phyfico differat.</i>	32. 33
— <i>nullum potest naturaliter in ni- hilum abire.</i>	77
— <i>omne est iners materiæ moles.</i>	77
— <i>per se ex quiete ad motum trans- ire non potest.</i>	106
— <i>perfecte durum definitur.</i>	125
— <i>molle</i>	<i>ibid.</i>
— <i>elasticum.</i>	<i>ibid.</i>
— <i>perfecte elasticum.</i>	<i>ibid.</i>
<i>Cosinus inventio.</i>	519
<i>Cosmicus ortus</i>	376
<i>Crassities quid sit.</i>	18
<i>Crater.</i>	257
<i>Crepusculi initium & finis.</i>	390
<i>Crepusculum, quid?</i>	384
— <i>brevissimum.</i>	389
— <i>Durationes diversæ.</i>	388
<i>Culminatio, quid?</i>	371
<i>Cunei materia & forma.</i>	103

<i>Cupri solutio.</i>	44
<i>Cycloidis figura describitur.</i>	170. 171
<i>Cyclus Lunæ.</i>	495
— <i>Solis.</i>	493
— <i>indictionum.</i>	449
D.	
D <i>Eclinatio, quid?</i>	368
— <i>Solis qua ratione obser- vatur.</i>	379
<i>Delineatio phasium Lunarium.</i>	287
<i>Descensus gravium in plano inclinato.</i>	153
<i>Diameter Solis apparens.</i>	274. 303
— <i>umbra Lunarum.</i>	303. 306
— <i>umbra Terrestris.</i>	303
— <i>Penumbræ.</i>	306
<i>Diametri Apparentes.</i>	229
— <i>Fixarum.</i>	264
<i>Dichotomia Lunæ.</i>	285
<i>Differentia Ascensionalis.</i>	375
<i>Dierum inæqualitas.</i>	449
<i>Dies noctibus longiores augment calo- rem.</i>	282
— <i>Longissimi & brevissimi.</i>	458
— <i>quotuplex.</i>	484
<i>Directio motus.</i>	73
<i>Discus Telluris.</i>	308
<i>Distantia media.</i>	281
— <i>Solis à Terra, quibus modis investigatur.</i>	406
<i>Distantiarum Proportiones Harmoni- cæ.</i>	245
<i>Divisibilitas.</i>	25
— <i>in infinitum quid sit.</i>	26
— <i>quantitatis in infinitum est unum ex tribus Physices princi- piis.</i>	624
<i>Divisio Logarithmica.</i>	566
<i>Diurnus motus Solis.</i>	417
— <i>medius motus.</i>	450. 451
<i>Dodecatemoria.</i>	254. 365
<i>Dominicalis litera.</i>	492
<i>Dorado.</i>	257
<i>Draco.</i>	256
<i>Draconis Caput & Cauda.</i>	289
<i>Duratio projectionis sursum factæ.</i>	19
E.	
E <i>clipses Lunæ quando.</i>	297. 305
— <i>solis.</i>	297. 312
<i>M m m m 2</i>	<i>Ecli-</i>

INDEX RERUM

<i>Fixarum</i> Longitudines.	<i>ibid.</i>
<i>Fixarum</i> Longitudines continuo cre-	
scunt.	383
— Magnitudo.	249
— Numerus.	258
— Ortus & Occasus.	376
— Refractio	391
<i>Fluidum</i> quid sit secundum Cartesia-	
nos.	16
— juxta philosophiæ Mathema-	
ticæ scriptores.	<i>ibid.</i>
— nullum est tam tenax, ut ali-	
qua vi non possit divelli.	17
<i>Foci</i> seu Umbilici.	280
<i>Fractiones</i> logarithmicæ.	564 & seqq.
<i>Fractionis</i> radix.	568

G.

G <i>Alileus</i> novam methodum philo-	
sophiæ mechaniciæ demonstra-	
vit.	9
<i>Gallaxia.</i>	257
<i>Gemini.</i>	256
<i>Geocentricus</i> locus.	468
<i>Geometria</i> ad rerum naturalium scien-	
tiam necessario requiritur.	8
— est totius physiciæ fundamen-	
tum.	<i>ibid.</i>
— viam ad philosophiam me-	
chanicam aperit.	10
— ad rite philosophandum est	
necessaria.	12. 13
<i>Glacies</i> qualem colorem habeat.	82
<i>Glaciei</i> reductio.	635
<i>Globi</i> utriusque Descriptio & Usus.	501
<i>Gradus.</i>	227
<i>Gravitas</i> unde oriatur juxta Carte-	
sianos.	5 625
<i>Gravitas</i> in quantum qualitas dici	
possit.	13
— describitur.	75
<i>Gravitatis</i> centrum quid sit.	124. 125
<i>Grus.</i>	257
<i>Gyratio</i> Terræ circa Axem.	266

H.

H <i>Allejus</i> commendatur.	9
<i>Hu Hamel</i> (Joan. Baptista) nota-	
tur.	26. 27

E T T E R M I N O R U M.

<i>Harmonia inter Planetarum à Sole distantias & eorum tempora Periodica.</i>	245. 469
<i>Hebdomas.</i>	485
<i>Hegeira Æra.</i>	490
<i>Heliacus ortus & occasus.</i>	484
<i>Heliocentrica Latitudo.</i>	336. 341
<i>Hipparchus primus fixarum fecit Catalogum.</i>	257
<i>Hipparchi problema pro parallaxi solis.</i>	406
<i>Horæ æquales & inæquales.</i>	484. 485
<i>— Temporaneæ & Planetariæ.</i>	485
<i>Horarii circuli.</i>	372
<i>Horologia Sciatetica quam diei horam per tempus stationis solis, tempore Josuæ indicarint.</i>	67
<i>Horizon.</i>	228
<i>— sensibilis.</i>	266
<i>— & Rationalis.</i>	ibid.
<i>Horizontis Poli.</i>	266
<i>Hugenius ab auctore commendatur.</i>	9. 146
<i>Hyperbola.</i>	613
<i>— ejus natura.</i>	613. 614
<i>Hyperbolæ cubicæ Quadratura.</i>	48
<i>— æquilatera.</i>	616
<i>Hyperbolica Spiralis quid?</i>	614
<i>Hypotenusa.</i>	526. 537

I.

<i>Iesdagirda Æra.</i>	491
<i>Imagines Veterum.</i>	256
<i>Impedimentum, ejus definitio.</i>	74
<i>Inæqualitates Lunæ,</i>	292
<i>Inæqualitas Optica.</i>	232
<i>Inclinatio orbitæ Planetæ ad Eclipticam.</i>	461
<i>Incrementum proportionalium Quantitatum.</i>	571
<i>Index Logarithmicus.</i>	568
<i>Indictio.</i>	499
<i>Infinitum vocatur quod omni finito majus est.</i>	26
<i>Informes stellæ.</i>	257
<i>Jovis Satellites.</i>	347
<i>— Maculæ.</i>	253
<i>— Rotatio circa Axem.</i>	ibid.
<i>— Fasciæ.</i>	254

<i>Julianus Annus.</i>	487
<i>Jupiter.</i>	328

K.

K <i>Alendarium.</i>	491
<i>Kepleri Theoria.</i>	422
<i>— problema de Sectione Ellipseos.</i>	427

L.

L <i>Atitudinis inventio.</i>	378
<i>Latitudo quid sit.</i>	18
<i>— 273. 290.</i>	366
<i>— Geocentrica.</i>	336
<i>— Heliocentrica.</i>	ibid.
<i>— Geographica.</i>	369
<i>Leges naturæ traduntur.</i>	106
<i>Leo.</i>	256
<i>Libra.</i>	256
<i>Limites.</i>	336
<i>Linea quid sit.</i>	18
<i>— nullam habet latitudinem.</i>	27.
<i>— 28</i>	
<i>— Apfidum.</i>	281
<i>— Meridiana.</i>	378
<i>— Nodorum.</i>	288. 461
<i>Litera Dominicalis.</i>	492
<i>Loci longitudo.</i>	273. 368
<i>— situs in disco Telluris.</i>	318
<i>Locus distinguitur in internum & externum.</i>	65
<i>— in absolutum & relativum.</i>	ibid.
<i>— Stellæ ad Eclipticam reductus.</i>	366
<i>— Geocentricus.</i>	468
<i>Logarithmi negativi.</i>	559
<i>— definitio.</i>	560
<i>Logarithmica curva.</i>	556. 557
<i>Logarithmicus index.</i>	561
<i>Logarithmis utendi methodus.</i>	578
<i>Logarithmorum usus.</i>	551
<i>— inventor.</i>	ibid. 552
<i>— canon.</i>	552
<i>— ortus & natura.</i>	553
<i>— formæ.</i>	560
<i>— Arithmetica.</i>	562
<i>Longitudo quid sit.</i>	18
<i>— Stellæ.</i>	366
<i>Mm mm 3.</i>	Lon.

INDEX RERUM

<i>Longitudines Fixarum</i> quomodo inveniuntur.	382	<i>Mensis.</i>	485
<i>Longitudinum</i> locorum investigatio.	323. 350	— Synodicus, & Periodicus	288
<i>Lucis</i> motus demonstratur.	349	— Embolimus.	486
<i>Luna</i> Terræ Affecla.	284	<i>Menstruum</i> ut dissolvendo corpori dato sit idoneum tria requiruntur.	632
<i>Lunæ</i> Phases.	285	<i>Mercurius</i> Planeta	239. 328
— Lucula.	288	<i>Meridiana</i> lineæ inventio.	378
— Lux in Eclipsibus totalibus.	327	<i>Meridianorum</i> differentia.	350. 351
— illustratio à Sole, ejusque Quantitas.	287	<i>Meridianus</i> circulus.	368
— Nodi.	288	— Universalis.	309. 371
— Eclipses.	297	<i>Methodus</i> Logarithmis utendi.	578
— à Terra distantia.	304	<i>Metonicus</i> cyclus.	495
— Parallaxis.	325. 405. 411	<i>Momentum</i> , quomodo alias vocatur.	73
— Variatio.	291	— quomodo definitur.	ibid.
— Apogeon & Perigeon.	290	<i>Motus</i> est omnis actionis physicae fundamentum.	12
— Elongatio à Sole.	286	— est affectio corporum nobilissima.	61
— Facies.	295	— eo sublato, omnis periret mundi ornatus.	61
— Maculae.	296	— in eo vita ipsa consistit.	ibid.
— Montes & ingentes Cavernae.	294	— scientia ad philosophandum rite, maxime necessaria est.	ibid.
— Libratio.	292	— de eo varia Veteribus Philosophis futilia argumenta proposita.	62. 64
— Morus circa Axem.	292	— eorum solutiones.	ibid.
— Motus ab occidente in orientem.	285	— absolutus quid sit.	69
— Motus Diurnus.	280	— Definitio.	ibid.
<i>Lunaris</i> Umbrae diameter.	306	— relativus definitur.	ibid.
— Altitudo.	303	— acceleratus quid.	73
<i>Lunarium</i> motuum inaequalitates.	290	— aquabilis quomodo sit.	ibid.
<i>Lupus.</i>	257	— aquabiliter retardatus quid.	ibid.
<i>Lyra.</i>	256	— aquabiliter acceleratus quid.	ibid.
		— retardatus quid sit.	ibid.
		— quantitas ab illius celeritate est distinguenda.	74
		— mutatio est proportionalis vi motrici impressa.	111
		— Gravium, eorumque symptomata explicantur.	153 & seqq.
		— apparens quomodo oculis percipitur.	226
		— Apparens Solis.	264
		— aequales quare inaequales videntur.	231
		— Cometarum.	357
		— Globi in navi cadentis.	233
		— Lucis.	349
		— in Longitudinem.	281
			Mo-
M <i>Acule</i> Jovis.	253		
— Lunares.	295		
— Solares.	251		
<i>Magnes</i> non solum trahit ferrum, sed à ferro trahitur.	117		
<i>Magnetis</i> attractionis & directionis causa nondum detecta est.	85		
<i>Magnitudo</i> ex quibus consistat.	26		
— Planetarum.	472		
<i>Mars</i> Planeta.	293. 328		
<i>Martis</i> Parallaxis Solari duplo major.	411		
<i>Materia</i> quid sit.	79		
— coeli non incorruptibilis.	261		
<i>Media</i> distantia.	281		
<i>Medium</i> coeli.	371		

E T T E R M I N O R U M

<i>Motus Apogei.</i>	292
— <i>Medius.</i>	281. 425
— <i>Nodorum Retrogradus.</i>	290
— <i>Planetarum circa Axes,</i>	253
— <i>Progressivus.</i>	338
— <i>Regressivus.</i>	ibid.
<i>Motuum Radices seu Epochæ.</i>	466
<i>Mundus nec in æternum existere po-</i>	
<i>test, nec ab æterno existit.</i>	57

N.

N <i>Abonassari Æra.</i>	491
<i>Nadir.</i>	370
<i>Natura methodo simplicissima pro-</i>	
<i>greditur.</i>	77
— <i>Logarithmi.</i>	553
<i>Nauticæ Spiralis descriptio.</i>	618
<i>Neomenia.</i>	186
<i>Newtonus philosophus summus.</i>	9
<i>Nihil aut Non ens habet nullas proprie-</i>	
<i>tates, aut affectiones.</i>	77
<i>Nodi & Nodorum Linea.</i>	288. 335
<i>Nodorum motus Retrogradus.</i>	290
<i>Nonagesimus Eclipticæ Gradus.</i>	371
<i>Novilunium.</i>	286

O.

O <i>bitus Alexandri Magni Æra.</i>	491
<i>Obliqua Ascensio.</i>	375
<i>Obliquitas Eclipticæ.</i>	367
<i>Occasus siderum.</i>	376
<i>Occultatio.</i>	377
<i>Odor assæ foetidæ ad distantiam quin-</i>	
<i>que pedum sentitur.</i>	49
— <i>canum venaticorum ad certos</i>	
<i>numeros revocari non potest.</i>	155. 56
<i>Odoris sensus ad quam distantiam se</i>	
<i>extendat.</i>	45 & seqq.
<i>Olympiadum Æra.</i>	491
<i>Ophiuchus sive Serpentarius.</i>	256
<i>Oppositio.</i>	285
<i>Orbis Conditæ Æra.</i>	491
— <i>Annui Parallaxis.</i>	345
<i>Orion.</i>	256
<i>Orthographica Projectio.</i>	308
<i>Ortus & Occasus Siderum.</i>	376
— <i>Logarithmi.</i>	553

P.

P <i>arabola, sive linea parabolica, de-</i>	
<i>scribitur.</i>	19. 180
<i>Parallaxis.</i>	395
— <i>Altitudinis,</i>	398

<i>Parallaxis Latitudinis.</i>	398
— <i>Longitudinis.</i>	ibid.
— <i>Lunæ.</i>	305. 325. 405. 412
— <i>orbis Annui.</i>	346
— <i>Solis.</i>	405
<i>Paralleli circuli.</i>	365. 375
— <i>& Climata.</i>	376
<i>Parallelismus Axis Telluris.</i>	267. 274
<i>Partes circulares quotuplices.</i>	543
<i>Paschalius philosophiam novis specu-</i>	
<i>lationibus adauxit.</i>	9
<i>Pavo.</i>	257
<i>Pegasus.</i>	256
<i>Pendulum, machina, quid sit.</i>	162
— <i>ejus velocitas in quo confi-</i>	
<i>stat.</i>	164
<i>Penumbra.</i>	301
<i>Penumbrae dimensio.</i>	302
<i>Perigeon.</i>	290
<i>Perihelion.</i>	281
<i>Periodi Planetarum.</i>	469
<i>Periodus Dionysiana.</i>	497. 498
— <i>Juliana.</i>	500
— <i>Sothiaca.</i>	488
<i>Perioeci.</i>	369
<i>Peripatetici quibus auxiliis physicam</i>	
<i>suam explicarunt.</i>	12
<i>Peripheriæ circularis divisio.</i>	517
<i>Periscii.</i>	370
<i>Perseus.</i>	256
<i>Phases Lunæ.</i>	285
— <i>Veneris.</i>	333
<i>Philosophi quot generum fuerint. II.</i>	12
— <i>quid statuerint.</i>	ibid.
<i>Philosophiæ naturalis objectum sunt cor-</i>	
<i>pora corporumque in se invicem</i>	
<i>actiones.</i>	76
<i>Philosophia Mechanica diu delituit.</i>	8
<i>Philosophia à quibus sit exculta & ad-</i>	
<i>aucta.</i>	9
— <i>societates à regibus institu-</i>	
<i>tæ magnum ei incrementum dede-</i>	
<i>runt.</i>	9
— <i>totius mundani systematis</i>	
<i>à Newtono est patefacta.</i>	623
<i>Phoenix.</i>	257
<i>Physica omnis actio à motu dependet.</i>	12
<i>Physica quibus innitatur principiis.</i>	624
<i>Phy.</i>	

INDEX RERUM

<i>Physicæ res</i> ad Geometriam & ad Arithmeticam sunt reducendæ.	93	<i>Punctum</i> quid sit.	18
<i>Piscis.</i>	256	<i>Pythagorici</i> physicam suam larvis & hieroglyphicis velarunt.	11
<i>Planeta</i> quando directus & velox.	344	Q.	
— quando Stationarius.	<i>ibid.</i>	Q uadratura.	285
— quando retrogradus.	346	— Hyperbolæ cubicæ.	48
<i>Planetae</i> Secundarii.	240	de <i>Quantitate</i> motuum Theoremata.	86. 87. 89. 90. 91. 92. 93
— Corpora Opaca Sphærica.	240	<i>Qualitatis</i> natura demonstratur.	13 & <i>seqq.</i>
— Inferiores.	328	<i>Quantitas acceleratrix</i> cujusvis vis, quid sit.	76
— superiores.	339	— quæquæ ulterius dividi potest.	31. 32. 33
— non in orbibus circularibus sed ellipticis deferuntur.	623	<i>Quantitas motus</i> est vis seu energia, quæ mobile secundum directionem suam tendit.	140
— circa solem moventur.	623	— Anni.	416
<i>Planetarum</i> ordo.	239	<i>Quies absoluta</i> quid sit.	69
— distantia quam proportionem obtinent ad Periodos.	245. 469	— <i>relativa</i> definitur.	<i>ibid.</i>
— motus Apparentes inæquales.	297. 347	— est corporis cujusvis in eodem loco permanentia.	<i>ibid.</i>
<i>Planetas</i> solem circumire demonstratur.	243	<i>Quiescere</i> & tamen moveri quo quis dicatur.	<i>ibid.</i>
<i>Plantæ</i> ex innumeris heterogeneis constant partibus.	80	R.	
<i>Platonici</i> physicam suam larvis & hieroglyphicis velarunt.	11	R adix seu Epocha.	466. 489
— discipulos suos nisi sero ad philosophiam perdiscendam admiserunt.	<i>ibid.</i>	— fractionis.	568
<i>Plenilunium.</i>	285	— quadratica.	578
<i>Polares Circuli.</i>	270. 367	<i>Rectæ</i> positionis inventio.	624
<i>Polus</i> Eclipticæ.	272	<i>Reductio</i> ad Eclipticam.	366
— Horizontis.	370	<i>Refractio.</i>	391
— Mundi.	275	— Atmosphæræ.	392
— in Sphæra.	531	— ejus investigatio.	<i>ibid.</i>
<i>Polygonum.</i>	555. 556	<i>Refractionis</i> varii effectus.	391
<i>Pondera</i> corporum quantitibus materiæ sunt proportionalia.	96	<i>Regule</i> duæ ad triangula rectangula resolvenda.	543
<i>Præcessio</i> Æquinoctiorum.	277	<i>Retrogradatio</i> Planetarum.	338. 345
<i>Præcipitationis</i> origo.	634	S.	
<i>Principia</i> , quibus innititur <i>Physica</i> .	624	S agitta.	256
<i>Problematis</i> Kepleri solutio.	427	<i>Sagitta</i> aliquando Arcus.	518
<i>Projectio</i> Orthographica.	308	<i>Sagittarius.</i>	256
— <i>Umbræ</i> in Discum Telluris.	<i>ibid.</i>	<i>Sales</i> vi attractiva polleant.	630
<i>Projectionis</i> sursum factæ duratio.	190	<i>Saturni</i> Annulus.	242. 470
<i>Prosthaphæresis.</i>	420	— <i>Satellites.</i>	241
<i>Punctum</i> Mathematicum non est materia, sed in ea consistit.	28	<i>Saturnus</i> Planeta.	241. 328
<i>Puncta</i> Solstitialia & Æquinoctialia regrediuntur,	276	<i>Scorpio.</i>	256
		<i>Secans</i> in trigonometria quid.	518
		<i>Sector</i> hyperbolæ.	613
		<i>Selenographia.</i>	296
		<i>Sinus</i> Arcus.	518
		<i>Sinus</i>	

E T T E R M I N O R U M.

<i>Sinus</i> rectus.	517
— versus.	518
— arcus dimidii inventio.	519
— dupli arcus inventio.	<i>ibid.</i>
— arcus unius minuti inventio.	522
<i>Sol</i> , licet lucem emittat, nihil de sua magnitudine amittit.	55
— circa Axem rotatur.	251
— nostri Systematis centrum.	263
— qua ratione, in ellipseos focorum uno situs, circumeat.	623
<i>Solis</i> Maculae.	252
— Axis inclinatur ad Eclipticam.	253
— Apparens motus.	264
— — motus inaequalis obfervatur.	416
— Ascensio Recta Declinatio Longitudo ex quibus datis inveniantur.	379
<i>Soliditas</i> definitur.	19
— à Peripateticis Impenetrabilitas dicitur.	<i>ibid.</i>
— aliter à Philosophis, aliter à Geometris capitur.	19, 20
<i>Solstitia</i> .	368. 414
<i>Spatium</i> vocatur, in quo omnia corpora locari & moveri cernimus.	20, 21
— ab omni corpore vacuum demonstratur.	24
— hujus spatii natura non definitur.	24. 25
— quid sit.	65
— in absolutum & relativum distinguitur.	66
— percursum quid sit.	73
— ejus longitudo.	<i>ibid.</i>
— inane, unum ex tribus physices principiiis.	624
<i>Spectator</i> est in centro prospectus proprii.	238
<i>Sphaera</i> Recta.	373
— Obliqua.	374
— Parallela.	375
<i>Sphaera</i> poli.	531
<i>Spiralis</i> Hyperbolica.	611
— Hyperbolica quid?	614
— nauticae descriptio.	618
<i>Statera</i> quanam sit machina.	100

<i>Stationes</i> Planetarum.	338. 344
<i>Stellae fixae</i> sunt soles.	247
— informes.	257
— nova.	261
— quae periodice apparent & evanescent.	261
<i>Stellarum</i> ordo.	255
— Catalogi.	259
<i>Subtilitas</i> materiae ex auri ductilitate probatur.	43
— particularum lucis nemo mortalium assequi potest.	56
<i>Superficies</i> quid sit.	18
— ejus extrema dicuntur lineae.	<i>ibid.</i>
— an sit perfecta plana.	28
— non est materialis.	<i>ibid.</i>
— quales colores accipiunt	82
	& seqq.

T,

T <i>Abula</i> Astronomica,	456 & seqq.
— <i>Tangens</i> quid.	518
<i>Taurus</i> .	256
<i>Telescopii</i> Beneficia.	230
<i>Telluris</i> Poli.	266
<i>Tellus</i> circa solem movetur & circa Axem.	245 264
<i>Tempora</i> Periodica.	469
<i>Temporis</i> Aequatio.	451
— partes.	447
<i>Tempus</i> in absolutum & relativum distinguitur.	66
— accelerari aut retardari nequit.	67
<i>Termini</i> Ecliptici.	305, 311
<i>Terra</i> non sol movetur.	70
<i>Theoremata</i> raritatem & tenuitatem materiae spectantia.	57. 580
— de Motus quantitate & spatiis à mobilibus percursis.	86
— — motuum Comparatorum.	86. 87. 89 90 91. 92. 93
— — Attractionis.	624 & seqq.
<i>Theoria</i> motus Telluris.	413
— — Planetarum.	459
<i>Theoristae</i> quibus incumbendum.	15. 17
<i>Tormenta</i> bellica quomodo dirigantur.	186
	<i>Tor-</i>

N n n n

INDEX RERUM ET TERMINORUM

<i>Torricellius</i> philosophiam novis speculationibus adauxit.	9	<i>Via</i> Lunæ à Sole.	306
<i>Trianguli</i> rectanguli solutiones <i>Trigonometricæ</i> .	529	<i>Virēs contrariæ</i> quænam.	75
<i>Triangulum</i> .	256	— <i>motrices æquales</i> quænam sint. <i>ibid.</i>	
— æquale & congruum.	533	<i>Virgo</i> .	256
— æquiangulum.	535	<i>Vis impressa</i> quid sit.	74
— Sphæricum obliquangulum.	545	— in quo differat à vi motrici. <i>ibid.</i>	
— eorundemque angulorum duodecim casus.	548	— <i>motrix</i> describitur. <i>ibid.</i>	
<i>Triangulus</i> rectangulus.	527	— <i>centripeta</i> qualis.	75
— ambylogorius.	<i>ibid.</i>	— quid sit, & quæ ita dici possit.	196. 197
— Sphæricus.	521	— <i>centripetæ</i> effectus.	585 & seqq.
<i>Trigonometria</i> plana.	517	— <i>centrifuga</i> quænam.	75
— Sphærica.	531	— describitur.	197
<i>Trigonometriæ</i> Definitiones.	517	— <i>restitutiva</i> æqualis est vi compressivæ.	142
— munus.	<i>ibid.</i>	— attractrix materiæ est unum ex tribus physices principiis.	624
<i>Trigonometrica</i> trianguli solutiones.	529	<i>Visio</i> quomodo sit.	226
<i>Trigonometricus</i> Canon.	518	<i>Vita</i> in motu consistit.	61
<i>Trochleæ</i> definitio.	102	<i>Umbilici</i> seu Foci.	280
<i>Tropicus</i> Canceri & Capricorni.	270. 367	<i>Umbra</i> corporis.	297
V.		<i>Umbrae</i> Lunaris Altitudo.	302. 303
<i>Vacuum</i> aliquando necessario datur.	23	— Diameter.	304
— probatur duobus axiomatibus.	<i>ibid.</i>	— Terræ Altitudo.	303
<i>Velocitas</i> , qui corpus movendum est, invenitur.	98	<i>Umbrosi</i> Coni Angulus.	301
<i>Veneris</i> à sole digressio maxima.	330	<i>Unitas</i> quid.	523
— Phases.	333	<i>Volatus</i> avium unde dependat.	120
— Fulgor.	334	<i>Vortices</i> in cœlo nulli sunt.	362
<i>Venus</i> , Planeta.	239. 332	<i>Urbis</i> Conditiæ Æra.	490
— in sole visa,	332	<i>Ursæ</i> dux.	250
— quando maxime lucida.	334	W.	
<i>Veritas</i> argumentis suffulta validissimis, licet conceptu sit difficilis, non est deferenda.	40	<i>W</i> <i>Allisus</i> laudatur.	9. 146
<i>Verticalis</i> Primarius.	370	— <i>Wren</i> (Christophorus) Astronomiæ Professor, laudatur.	146
<i>Via</i> lactea.	257	X.	
		<i>X</i> <i>Yphias</i> .	257
		Z.	
		<i>Z</i> <i>Enith</i> .	370
		— <i>Zodiaci</i> Latitudo.	<i>ibid.</i>
		<i>Zodiacus</i> .	366
		<i>Zonæ</i> quæ & quot.	369

F I N I S.










39 foyers

p. 550



Ted is que $NM = TX$
 a. 180 de l'angle $L.G.H.D$
 Car N est le pôle de HL
 ou $NM + MT = 90$
 de même M est le pôle de HL
 ou $TX + MT = 90$ donc $TX = NM$

39
 17 } 22

ou

